



BIBL. NAZ
Vitt. Emanuele III

165
A
15



INSTITUTIONES
JURIS CANONICI

IN

VARIOS TRACTATUS DIVISÆ.

Hujusce libri auctor ac editor jus retinent illum transferendi, vel curandi ut ille transferatur quodlibet in idioma. Legibus, edictis, conditionibusque pactis inter gentes freti, quancumque adulterationem interpretationemve, nulla sui juris habita ratione confectam, persequuntur.

Id opus, ad normam a legibus præscriptam, in fidem publicam, depositum fuit Parisiis, per mensem octobrem anni reparatæ salutis millesimi octingentesimi quinquagesimi quinti; omnesque sanctæ formulæ in diversis imperiis, quibuscum litterarias pactiones Gallia inivit, fuerunt expletæ.

VENIT:

| | | |
|----------------------|------|-------------------------|
| ROMÆ. | apud | MERLE. |
| — | | BONIFAZIO. |
| MEDIOLANI. | | DUMOLAND. |
| — | | BONARDI POGLIANI. |
| TAURINI | | Hyac. MARIETTI. |
| FLORENTIÆ | | P. DUCCI. |
| GENUÆ. | | BETTOLO ANTONIO. |
| NEAPOLI. | | G. DURA. |
| CAMBERII. | | PUTHOD. |
| GENEVÆ. | | BENTRIED GUERS. |
| — | | Marcum MEHLING. |
| FRIBURGI. | | P. MEYLL. |
| MADRITI. | | Carolus MONNIER. |
| LONDINI | | BURNS et LAMBERT. |
| BRUXELLIS. | | DEWAGENEER. |
| TORNACI | | J. CASTERMAN et filios. |
| SILVÆ DUCIS. | | VANHOEVEN. |
| WURTZBURGI. | | STARHEL. |
| COLONIÆ. | | HEBERLE. |
| LIPSIAE. | | Alph. DUBR. |
| CRACOVIAE. | | Val. WIELOGLOWSKI. |
| PETROPOLI. | | ISAKOFF. |

85N

TRACTATUS DE PAROCHO

UBI ET DE VICARIIS PAROCHIALIBUS,

NEQNON MONIALIUM, MILITUM ET XENODOCHIORUM CAPPELLANIS,

AUCTORE

D. BOUIX,

THEOLOGIE ET UTRIUSQUE JURIS DOCTORI.



PARISIIS,

APUD JACOBUM LECOFFRE ET SOCIOS, BIBLIOPOLAS,

VIA VULGO DICTA DU VIEUX-COLOMBIER, 29.

1855.

AUTORISATION

DE MONSIEUR L'ÉVÊQUE D'ARRAS, DE BOULOGNE
ET DE SAINT-OMER.

M. l'abbé D. Bouix Nous ayant demandé l'autorisation de faire imprimer dans Notre ville épiscopale un traité intitulé : *de Parocho*, Nous avons fait examiner cet écrit, et, sur le rapport qui Nous a été fait, Nous en avons permis l'impression.

Donné à Arras, le 10 octobre 1855.

Pour Monseigneur en tournée :

L'abbé DE LA TOUR-D'Auvergne,
Vic. gén.

LECTORI BENEVOLO,

UT FAVEAT UTRAMQUE SUBJECTAM ADNOTATIONEM
PERLEGERE.

ADNOTATIO 1^a. — *De concordato Hispaniæ anni 1851 assertum quoddam corrigitur.* — In tractatu *de Capitulis*, pagina 288, dum adnotarem, qua ex parte jus commune quoad cathedralia capitula per concordatum anni 1851 fuerit in Hispania immutatum, hæc perperam scripsi : *Jus collationis simultaneæ omnino capitulis Hispaniæ ablatum est, ut constat ex articulo 18 ejusdem concordati.* Articulus enim ille 18, in hac eadem pagina a meipso transcriptus, contrarium expresse decernit his verbis : *Canonicatum de officio provisio ad prælatos et capitula, prævio concursu, pertinebit.* Ex quo palam fit remansisse jus collationis simultaneæ quoad quatuor illos canonicatus, qui *de officio* nuncupantur. Etenim quæ in iis conferendis servanda præscribitur concursus forma, nequaquam impedit quin eorum provisio ad prælatos *simul* et capitula pertineat : ut

proinde erronee prorsus asseruerim, ablatum Hispaniæ capitulis fuisse jus omne collationis simultaneæ. Quod cæteroquin mendum, ex adductis ibidem a meipso dicti concordati verbis, adeo patet, ut legentium quisque facile illud perspicere potuerit, et incuriam in scribendo typosve corrigendo suspicari.

ANOTATIO II^a. — *De hodiernis Galliæ consuetudinibus, a jure communi recedentibus.* — In editis meis tractatibus identidem contigit in medium adduci hodiernas quasdam Galliæ consuetudines, et de iis (utpote juri communi contrariis) quæstionem institui, num pro legitimis habendæ sint. In qua expendenda difficultate, etsi nullam certam conclusionem deduxerim, sed, propositis rationibus, quæ mihi videbantur in unam potius quam in alteram partem urgere, rem totam reliquerim doctioribus enucleandam, et iis ad quos pertinet ecclesiasticis superioribus definiendam, nonnullorum tamen censoriam virgulam haud effugi. Mihi nempe ex duplici capite negotium facessunt : *primo*, quod meam (quantulicumque privati scriptoris) opinionem hac de re pandere præsumpserim : *secundo*, quod in id tendere videar, ut qualibet ejusmodi Galliæ consuetudines de medio tollantur; cum ipsi potius retinendas eas censeant; imo nec posse absque gravi ecclesiarum Galliæ detrimento ex iis complures immutari existiment.

Sed (pace eorum dixerim) minus æqua ac moderata utraque censura. Nam 1^o nescit nemo quam

frequens sit canonistis ac theologis, omnibus exquirere, an variae contra legem inductae consuetudines legitima praescriptione licitae evaserint. Pleni eorum libri hisce disceptationibus, modo hanc modo illam consuetudinem ad crisim vocantibus. Nec ulli unquam in mentem venit id eis crimini vertere. Imo trunca eorum tractatio reputaretur, si practicas ejusmodi quaestiones silentio praetermitterent. Quod si quis illegitimam aliquam consuetudinem erronee asseruisse videatur, eum confutant alii : atvero nequaquam pro delicto habetur, quod de hac vel illa alicujus regionis consuetudine, prout sibi visum est, sententiam suam dixerit. Ecquis enim non videat rem de illis esse, quae, utpote nullo Ecclesiae decreto definitae, licite possunt a doctoribus in quaestionem vocari? Hinc etiamsi illegitimas aperte sustinuissem nonnullas ecclesiarum Galliae consuetudines, jus privati scriptoris excessisse nullatenus censendus forem. At non eo usque processi. Imo a qualibet certa conclusione, quoad praefatas Galliae consuetudines, abstinendum duxi, remque totam doctioribus enodandam reliqui. Quem certe scribendi modum qui praesumptionis atque audaciae insimulat, videat ne ipse hac sua sententia moderationem omnem atque veritatem excedat.

2º Gratis omnino fingitur exosas mihi esse praefatas Galliae consuetudines, velleque me eas prorsus de medio sublatas. Etenim quod ex ipsis nonnullae ipso jure communi utiliores esse possint (ob peculiare nempe, in quibus nostra hodie Gallia versatur

circumstantias), nulla scriptorum meorum pagina negatum reperiēs; licet id, non meum, sed competentis auctoritatis iudicium esse malim. Item si quis optandum existimet, ut in nostris Galliarum ecclesiis utiles ejusmodi atque præsenti rerum statui accommodatæ consuetudines retineantur, proindeque, si nondum legitimæ evaserint, accedente pontificio indulto licitæ declarentur, nequaquam me sibi adversantem habebit. Immo et in præsenti hoc volumine, generalem dioceseon Galliæ praxim Eucharistiam fidelibus in Natalis nocte distribuendi, etsi juri communi contrariam reputaverim, non tamen illico deserendam. Sed rationes deduxi, quæ potius suadeant, ut, obtenta (quatenus necessaria sit) Pontificia concessione, retineatur ejusmodi praxis, utpote quæ in nostra regione nullis videatur abusibus obnoxia, nec possit (meo quidem iudicio) absque magna fidelium molestia et pietatis detrimento supprimi.

Unde merum figmentum est, quod objicitur, meum in Gallicanas consuetudines odium. A retinendis ejusmodi consuetudinibus, si visum fuerit, nequaquam refugio. At de iis sint quæ, vel legitime contra jus commune præscripserint, vel ex indulto Pontificio licitæ evaserint.

TRACTATUS DE PAROCHO.

TOTIUS TRACTATUS DISTRIBUTIO.

Suscepta de parochis disceptatio quinque constabit partibus, hoc ordine dispositis : 1° quid sit parochus, seu de origine et natura institutionis parochorum ; 2° de norma canonica parochias erigendi et supprimendi ; 3° de norma canonica parochos constituendi et amovendi ; 4° quid possit parochus, seu de ipsius juribus et prærogativis ; 5° ad quid teneatur, seu de ipsius officio et obligationibus.

Quo perlustrato materiarum ambitu, clausam tractationem duplex subsequetur appendix : altera de parochorum vicariis, necnon de capellanis xenodochiorum, monialium et militum, nonnulla adnotans ; altera vero utiliores quasdam formulas complectens.

PARS PRIMA.

QUID SIT PAROCHUS,

SEU

DE ORIGINE ET NATURA INSTITUTIONIS PAROCHORUM.

Triplex erit hujus partis sectio : in *prima* exquiremus quid sint parochi quoad suam historicam originem ; in *secunda* disseremus de parochiatus essentia et recta notione ; in *tertia* traditam de parochiatus natura doctrinam ulterius evolvemus atque omnino determinabimus.

SECTIO I.

Quid sint parochi quoad suam historicam originem.

Cum in obtrudenda erronea sua de parochis eorumque juribus doctrina, jansenisticæ turmæ scriptoribus solemne sit ad primævam eorundem originem, et priorum Ecclesiæ temporum disciplinam provocare, non miretur lector, nos in hac eadem indagatione nute omnia pedem figere, atque in expugnanda præcipua illa pestiferi systematis arce tantisper immorari. Tot enim tantaque arte consutis mendaciis dicti scriptores genuinam parochorum institutionem obnubilarunt, ut qui antiquitatum ecclesiasticarum promptuaria nunquam adierunt, vel e limine dumtaxat salutarunt, vix ac ne vix quidem veritatem introspicere queant, vel etiam suspicari. Hinc quæstionem illam de parochorum origine sedulo rimandam existimavimus; in quem scopum sequenti capitum serie utemur: 1° an et quo sensu voces *parochus* et *parochia* antiquitus usurpatæ occurrant; 2° quæ notæ in monumentis antiquitatis reperiri debeant, ut merito concludi possit in iis mentionem fieri de parocho proprie dicto; 3° prioribus Ecclesiæ sæculis nullus in mundo extitit parochus; 4° rurales parochiæ quarto circiter sæculo institui cœptæ sunt; 5° ante annum 1000 nullus in civitatibus episcopalibus extitit parochus; 6° parochi non sunt successores 72 discipulorum; 7° falsum est parochos fuisse olim vetus presbyterium; 8° parochi non sunt institutionis divinæ.

CAPUT I.

AN ET QUO SENSU VOCES *parochus* ET *parochia* ANTIQUITUS
USURPATAE OCCURRANT.

Ut gravissimæ de parochorum origine et institutione quæ-
stioni viam sternamus, operæ pretium visum est de ipsismet
parochi et *parochiæ* vocibus exquirere, an et quo sensu apud
antiqua Ecclesiæ monumenta usurpatae occurrant. De quo
præmittemus nonnullorum eruditorum placita : tum quid
concludendum videatur subjungemus.

§ I.

Nonnullorum eruditorum sententia præmittitur.

Sic habet Marius Lupi in suo præclaro opere *de Paræciis*
ante annum 1000 (dissert. 1, cap. 8, pag. 113) :

« Nomina et dicendi modi, quibus singuli parochiarum
« rectores antiquitus vere compellati reperiuntur, sunt prope-
« modum hujusmodi : in concilio Carthaginensi 4 anni 396,
« canone 34, ita describuntur : *presbyteri qui per dioceses ec-*
« *clesias regunt*. Et canone 102 : *presbyter qui parochiæ præest*.
« In concilio Tarraconensi anni 510, canone ultimo, et Tole-
« tano 3 anni 589 : *diocesani presbyteri*; nam ut diximus pa-
« rochiæ quandoque dioceses appellabantur. In Emeritensi
« vero anni 666, canone 14 : *parochiarum presbyteri*; et ca-
« none 10 : *parochiales presbyteri*; et alibi, *parochiani*. In con-
« cilio Valentino 3, canone 9 et canone 17 : *parochiales sa-*
« *cerdotes*. In concilio Aquisgranensi : *presbyteri qui præsent*
« *ecclesiis*. Apud Valafridum Strabonem (cap. 30 *de Rebus ec-*
« *clesiasticis*) : *presbyteri plebium*. In concilio Forojuliensi :
« *sacerdotes plebium*. Alibi aliquoties, *plebani*, et aliis hujus-
« modi nominibus appellantur. Jam autem a sæculo saltem

« sexto iidem rurales parochi *archipresbyteri* pluries appellati
 « conspiciuntur, præsertim in conciliis. Ita bis in concilio
 « Turonensi anni 561, canone 7 et canone 19, ubi singillatim
 « dicuntur *archipresbyteri vicani*, ad distinctionem archipres-
 « byterorum civitatum episcopalium. »

Idem auctor (loco citato, pag. 112) sic adnotat : « Licet
 « antiquissimum sit parochiæ nomen ad ecclesias de quibus
 « agimus indicandas, parochi e contrario vocabulum hac in
 « significatione recens prorsus est, et primo proximis solum-
 « modo superioribus sæculis usurpatum. »

« Nec enim me latebat (ait Petavius) *παροικία* olim pro tota
 « diœcesi vel territorio unius episcopatus accipi : ut in An-
 « cyrano illo canone 17 sumitur, quem supra commemoravi-
 « mus (1). Et in canone apostolorum 14 : *Episcopo non licere*
 « *alienam parochiam, propria relictâ, pervadere; licet cogatur*
 « *a plurimis*. Sic in canone 35, ubi *παροικία* diserte pro epi-
 « scopatu sumit ab eaque τῶν χωρῶν, id est, subjectas ipsi
 « villas distinguit, nam præcipit Episcopis suis esse con-
 « tentos finibus, nec agere quidquam præter metropolitani
 « conscientiam, *quam illa sola singulos, quæ parochiæ propriæ et*
 « *villis quæ sub ea sunt competunt...* Sic canone sequenti sub-
 « jectas *Episcopo civitates et villas nominat*. Quemadmodum et
 « Anthiochenus canon 9, *unumquemque jubet Episcopum habere*
 « *sux parochiæ potestatem*. Et canone 21 : *episcopus ab alia pa-*
 « *rochia nequaquam migret ad aliam*. Quin etiam Hieronymus
 « in epistola ad Pammachium, contra Joannem Hierosolymita-
 « num, pro diœcesi *parochiam usurpat* : *Ostende nos, inquit,*
 « *in parochia tua habere Episcopum*. Ubi notandum venit *pa-*
 « *rochiæ* nomen, quod ex græco *παροικία* usu deflexum est :
 « quo, ut vidimus, passim Dionysius Exiguus utitur... »

(1) Canonem illum citaverat Petavius capite præcedenti, n. 8, hoc modo : « Si
 « qui Episcopi ordinati sunt, nec recepti ab illa parochia in qua fuerant denominati,
 « voluerintque alias occupare parochias, et viam præsulibus eorum inferre, seditiones
 « adversus eos excitando; hos abjici placuit. »

« Sed præter hanc nominis *παροικίας* notionem, altera est
 « qua non totam diœcesim, sed diœcesis particulam significat.
 « Adeo ut plures sint in tota parœcia sive diœcesi minores,
 « vel ut Tertulliano vocabulo utar, *portionales parœciæ*;
 « atque ita plurali numero *τὰς παροικίας* latine *parochias* dici-
 « mus. Ut in majoribus oppidis et civitatibus plures sunt ec-
 « clesię, quarum singulis certæ domus ac familię contributę
 « sunt, quas hodieque *parœcias*, et qui iis præsumt, *curatos* no-
 « minamus, quod penes eos cura sit : quos latine magis *cura-*
 « *tores* appellare liceat. » (Petavius, *Theologicorum dogma-*
tum, de Ecclesiastica hierarchia, lib. 2, cap. 12, n. 2 et 3.)

Ad questionem, unde nomen *parochi*, respondet Leurenus :
 « Arbitrari quosdam parochi nomen in Ecclesiam traductum
 « a gentiliū parochis (quales dicebantur qui ad salem ligna-
 « que, hoc est, rerum omnium copiam, Regum, principum ac
 « populorum legatis Roman missis, suppeditanda destinati) ;
 « eo quod episcopali auctoritate illi præfecti, ut plebi verbi
 « divini ac sacramentorum pabulum præbeant : et his favet
 « verbi etymon, deductum a græco *παρέχω*, quod *præbere* si-
 « gnificat. Alii nomen parochi derivant a græco *παροῖκος*, quod
 « accolum seu incolam, uti et parœcia (quo nomine jam olim
 « tempore divi Augustini in eodem sensu ecclesiastico, quo
 « modo usurpatur, usos fuisse christianos, ex eodem Augusti-
 « no, l. 14 *de Civit.*, testatur Barbosa) accolarum conventum
 « seu habitatiōem significat : eo quod tali habitato suisque
 « limitibus clauso districtui ad gerendam animarum curam
 « præficiatur parochus. » (*Forum beneficiale*, tom. 1, quæ-
 stione 142.)

§ II.

Vox parochus recentioris ævi est : vox autem parochia ad designandam certam
 diœceseos partem jam ab antiquo usurpata : frequentiori tamen et constanti usu
 ad totam designandam diœcesim parochiæ vocabulum antiquitus adhibitum est.

Due priores propositionis partes satis patent ex adductis

superiori paragrapho; nec est cur iis demonstrandis immoremur, cum in quæstionem non vocentur. Vocis autem *parochiæ* ad designandam diœcesim usurpatio valde attendenda est; ne forte dum in veteri aliquo monumento ea vox occurrat, et ad aliquam civitatem episcopalem referri videtur, statim putet quis concludendum. extitisse tunc temporis in ea civitate parochias, juxta hodiernum sensum intelligendas. Hinc tertiam propositionis partem tantisper documentis firmandam duximus.

Antiquius porro monumentum, in quo vox parochia ad totam designandam diœcesim usurpata reperitur, est epistola encyclica ecclesiæ Smyrnensis de martyrio sancti Polycarpi ejus Episcopi et Apostolorum discipuli; sic enim epistola illa inscribitur : *Ecclesia Dei quæ habitat Smyrnæ, ecclesiæ Dei quæ apud Philadelphiam versatur, et omnibus ubique terrarum et catholicæ ecclesiæ parœciis, misericordia, pax, etc.*

In epistola secunda sancti Clementis iterum reperitur vox parochia ad significandam diœcesim usurpata.

Item in canone Apostolorum 13 : *Episcopo non licere alienam parochiam, propria relictâ, pervadere.*

Item constitutionum apostolicarum libro 7, capite 47, ubi de Episcopis per civitates ordinatis sic habetur : *Hi sunt quos parœciis Domini præficimus.*

Liber Pontificalis, in vita sancti Xisti circa annum 117, sic habet : *Constituit ut quicumque Episcopus evocatus fuerit ad Sedem Romanam Apostolicam, rediens ad parochiam suam, non susciperetur nisi cum formatis.* *Formati* autem olim vocabantur litteræ testimoniales.

Concilium Sardicense anni 342, canone 15 : *Si quis Episcopus ex alia parochia velit alienum ministrum sine consensu proprii Episcopi in aliquo gradu constituere, irrita et infirma ejusmodi constitutio existimetur.*

Sanctus Cyrillus parochiam vocat diœcesim Hierosolymitanam (Catech. 14). Hieronymus eadem voce memorat diœcesim Barcelloneusem (Epist. 37 ad Ripar.). Eusebius item

parochiarum voce utitur ad Romanam, Alexandrinam, Antiochenam, Hierosolymitanamque ecclesias seu diœceses designandas (*Hist.*, cap. 1; lib. 3, cap. 2 et 14; lib. 7, cap. 29).

Sanctus Celestinus Papa circa annum 423, decreto 1, prohibet, ne quis Primas, Metropolitanus aut Episcopus quidquam agat in alterius *parochia*, nisi ab Episcopo illius civitatis vocatus.

Concilium Antiochenum (circa annum 450), canone 18 : *Ni quis Episcopus ordinatus... et in parœciam in qua ordinatus est non eat*, etc. ; vide etiam ejusdem synodi canones 3 et 9.

Apud Gratianum (XV, q. 7, *Piæ mentis et Frigentius*) duo referuntur sancti Gelasii Papæ, in quibus ille Pontifex, Episcopum quemdam alloquens, utitur hac formula, *in parochia tua* (anno circiter 492).

Quam locutionem Anastasius Papa II adhibet in sua epistola 9 ad Galliæ Episcopos, anno 496.

Provincia Epiri, multis constans diœcesibus, *parochiæ* nomine designata occurrit in epistola synodica Episcoporum Epiri anni 512 (Mansi, tom. 8, col. 404).

Sanctus Hormisdas Papa, epistola 9, provinciam pariter parochiæ nomine designat : Episcopos enim alloquens et de eorum Primate agens sic habet : *Tunc Beatus Eugenius parœciæ vestræ obtinens Principatum*. Item epistola 25 diœceses parochias vocat. Et in instructione suis legatis tradita (apud Mansi, tom. 8, col. 442) dicit : *Episcopus Constantinopolitanus, directis præceptionibus Episcopis suis parœcialibus* (suffraganeis nempe suæ Metropoleos), *vel cæteris Metropolitanis*.

Anno 517 sanctus Avitus Viennensis Archiepiscopus synodum convocat pro mense septembris in *parochia Epaonensi* ; ubi etiam parochia pro diœcesi videtur intelligenda.

Concilium Toletanum III anni 589, canone 9, diœceses pariter parochias vocat. Quem loquendi modum reperies etiam apud Surium in vita sancti Gaugerici Cameracensis Episcopi, et in vita sancti Audoeni (Surius, mens. aug.).

Anno 619 concilium Hispalense canone 1 parochiæ nomine diœceses appellat.

Item concilium Toletanum 9 anni 655, canone 5.

Item anno 669 sanctus Adeodatus Papa, in sua ad Galliæ Episcopos epistola.

Item octavo sæculo passim in suis epistolis Gregorius II, Gregorius III, Zaccaria, et Adrianus I. Gregorius III, verbi gratia, ad exprimendam divisionem in quatuor Episcopatus sic habet : *In quatuor parochias ut unusquisque Episcopus suam habeat parochiam* (apud Surium, inense junii, pag. 154).

In concilio Cloveshoviensi anni 747, canone 20, et in *excerptiõibus* Egberti numero 28, commendatum Episcopis reperies ut curent ecclesias in sua parochia bene ordinari.

Concilium Vernense anni 755, canone 3, loquitur de potestate Episcoporum in sua parochia supra clericos et regulares. Vide etiam ejusdem synodi canonem 13.

Item concilium Narbonense anni 788.

Item concilium Francofordii anni 794, titulo 6, ubi habetur ut *Episcopi justitias faciant in suis parœclis*.

Item rex Mercuriorum Kenulphus anno 795, in sua epistola ad Leonem III (Mansi, tom. 13, col. 959).

Item Venerabilis Beda (*Vita sancti Cuthberti*, cap. 29, 33, 34).

Item sanctus Gregorius Turonensis.

Item in tertio fragmento epistolæ Caroli Magni apud Mansi edito (tom. 16, col. 601), in quo habetur : *in singulis Episcoporum parœclis*

Item in capitularibus Caroli Calvi (tit. 28, et tit. 34, anni 859).

Item in capitulari Theodulphi Aurelianensis Episcopi anni 797, quod capitulare dicitur factum pro sacerdotibus parœciæ suæ, et inscribitur : *Theodulphus fratribus et compresbyteris nostris Aurelianensis parœciæ*.

Item nono sæculo Garibaldus Leodiensis Episcopus epistolam dirigit ad clerum suum his verbis : *Omnibus parochianis*

nostris; et aliam epistolam mittit sub hac inscriptione : Omnibus presbyteris, qui in parochia nostra consistunt (apud Mansi tom. 13, col. 1084).

Item concilium Turonense anni 813, canone 13 : *Unusquisque Episcopus parochiam suam perscrutari nitatur.*

Item in quodam statuto Lotarii imperatoris (apud Mansi, tom. 14, col. 48), agendo de quibusdam delictis, jubetur delinquentem recludi in aliquo monasterio Episcopi, *in cujus parochia est.*

Item in concilio Parisiensi anni 829 diocesis semper voce parochiæ designatur.

Item in Carisiacensi anni 837.

Et Meldensi anni 845, canone 50.

Et in Patavino anni 850, atque Vintoniensi ejusdem anni.

Et in Ticinensi anni 855.

Item in capitulis Hincmari Rhemensis anni 852, et in epistola ejusdem ad clerum suum (apud Mansi, tom. 15, col. 499).

Item in concilio Tricassino anni 867; et in Vormatensi anni 868, canone 62.

Item in Pontigonensi anni 876, canone 6; et in Mogontino anni 888, canone 14.

Item in constitutionibus Riculphi Successionensis Episcopi anni 889.

Item in synodo Foroheimensi anni 890.

Item in Nannetensi, canone 7 et 15.

Item in epistola Sergii III Papæ anni 906.

Item apud Flodoardum (qui initio sæculi 10 scripsit) vox parochia ad exprimendam diocesim usurpatur (lib. 1 *Hist.* cap. 12 et passim).

Item in epistola synodica Raterii Veronensis Episcopi versus annum 932.

Item in synodo Landavensi anni 950.

Item in quadam synodo Normanniæ ejusdem ævi (apud Mansi, tom. 19, col. 432).

Item in vita sancti Anselmi Cantuariensis (lib. 2) ubi nar-

ratur, ei apud Lugdunum exulanti ab Archiepiscopo Lugdunensi datam facultatem fuisse, *ut episcopale officium per totam parochiam suam pro velle exerceret*; unde et multi confluxere, ut a sancto Anselmo sacramentum confirmationis acciperent.

Persansisse eundem loquendi usum anno 1006 videri potest apud Mansi (tom. 19, col. 284, 285 et 286).

Item reperitur in synodo Saligunstadiensi anni 1022; et Lemovicensi anni 1031.

In vita sancti Hugonis abbatis Cluniacensis habetur: *Sanctus Hugo tradidit hominem illum in manus Roeleni Episcopi Cabilonensis, cujus parochiæ erat.*

In epistola 3 Leonis IX anni circiter 1049, parochia pro designanda tota provincia metropolitana adhibetur.

Item parochiæ vocabulum pro designanda diœcesi reperies usurpatum anno 1051 (apud Mansi, tom. 19, col. 797); et in epistola 2 Stephani IX Papæ, et in litteris Alexandri II (apud Mansi, tom. 19, col. 946).

Item frequenter apud sanctum Gregorium VII qui ad Pontificatum assumptus est anno 1075.

Item in epistolis 19 et 48 Urbani II anni 1088; et in omnibus fere epistolis Pascalii II, anno 1099.

Perrexit idem usus sæculo duodecimo, ut generatim videri potest pervolvendo tomos Mansi 20 et 21. Imo in concilio Lateranensi IV anni 1215, canone 3 occurrit adhuc *propria parochia* in sensu propriæ diœcesis.

CAPUT II.

QUÆ NOTÆ IN MONUMENTIS ANTIQUITATES REPERIRI DEBEANT,
UT CONCLUDI POSSIT IN HIS MENTIONEM FIERI DE PAROCHO
PROPRIE DICTO.

1° Necessè est agi de aliquo presbytero curam animarum habente. Id enim proprium et essentialè est parochorum

officiū, ut alicujus populi curam spiritualem gerant, verbi nempe divini pabulo animas nutriendo, et sacramenta ministrando.

2° Hæc tamen vota uou sufficit ut statim concludi possit parochum fuisse eum presbyterum, qui tanquam curam animarum gerens in aliquo antiquo monumento exhibetur; sed requiritur iusuper ut is ab Episcopo distinctus sit. Nam Episcopus etiam, et quidem maxime, curam animarum totius suæ diœceseos gerit, quiu tamen sit parochus in stricto hujus vocabuli sensu. Per parochum nempe intelligitur ille qui curam animarum quoad certam dumtaxat diœcesanorum partem uou autem quoad totam diœcesim gerit. Unde ex eo quod in veteri aliquo monumento agatur de sacerdote curam animarum gereute, argui nequit hunc fuisse parochum, nisi simul exhibeatur tanquam ab Episcopo diversus, et in certam aliquam plebem, non autem in totam diœcesim, dictam animarum curam exercens: præsertim cum apud eruditos exploratum sit, sacerdotis, pastoris, doctoris, atque etiam presbyteri nomine donatos ideutidem antiquitus fuisse Episcopos.

3° Sed neque satis est aliquem sacerdotem, ab Episcopo diversum, in antiquis documentis exhiberi tanquam animarum curæ incumbentem, ut continuo parochum eum fuisse argui valeat. Requiritur insuper ut animarum cura in certam plebem ipsi commissa fuerit *per modum stabilis officii*, uou autem *transitorie* ad supplendum impedito Episcopo, qui cæteroquin soleat quoad hanc plebem per seipsum curæ munia explere. Porro quod antiquitus soliti sint Episcopi animarum curam per seipsos exercere, et ubi sustinendo labori impares forent, ex presbyteris suis modo hunc modo illum ad explendas vices suas deputare, apud eruditos explorata res est. Unde ad arguendum extitisse oñiu parochos, satis non est in veteri aliquo monumento legi aliquem presbyterum exercendis muniis ad animarum curam pertinentibus operam navasse. Si enim (prout frequens erat) deputatus legatur ad dicta curæ munia aliquis cathedralis ecclesiæ clericus, seu (quod idem est, prout

in tractatu *de Capitulis* ostensum a nobis fuit) aliquis canonicus, ut modo apud hanc, modo apud illam plebem vices suppleret Episcopi, tum in spargendo divini verbi semine, tum in ministrandis sacris mysteriis; atque ejusmodi deputatio intelligi possit tanquam mere transitoria, nec necesse inferat officium aliquod jam tunc jure receptum et firmatum, vi cujus curam exercendam habuerit; non magis ejusmodi presbyter parochus fuisse censendus erit, quam parochus hodie censetur missionarius aliquis ab Episcopo ad aliquam parochiam missus, ut ibi quadragesimales conciones habeat, et fideles ad ipsum recurrentes sacra exhomologesi expiet.

4° Insuper, sicut hodie parochorum vicarii omnia fere munia ad curam animarum pertinentia exercent, et tamen nequam parochi sunt, ita qui legitur antiquitus ejusmodi munia obiisse parochus dicendus non erit, nisi constet deputatum eum fuisse ad *principaliter* exercendam sub Episcopo curam, non autem duntaxat ad auxiliandum alteri, cui cura commissa sit.

5° Ex eo vero quod olim mos non fuerit presbyteros ordinare nisi ad certum titulum et certum officium, perperam concluderetur parochum fuisse eum qui legitur aliqua curæ munia obiisse. Nam presbyteri cathedrales, seu canonici, etsi ad titulum cathedralis ecclesiæ ordinati, Episcopo in civitate et per totam diœcesim auxiliabantur in exercenda animarum cura; nec tamen ipsi parochi erant, cura commissa cuique ipsorum per modum stabilis officii non foret in certam aliquam plebem cura. Et pariter ordinati ad custodienda martyrum oratoria, in civitatibus erecta, seu ecclesias a cathedrali distinctas, atque ad fundendas inibi preces, potuerunt identidem ab Episcopo in auxilium pastoralis curæ modo huc modo illuc advocari. Unde revera ex eo solo quod quis referatur aliqua curæ munia antiquitus exercuisse, inferri nequit parochis eum esse adnumerandum.

6° Atque hinc jam satis introspecti potest, quam arenoso fundamento nitatur infra explodendum systema parochialistarum,

qui statim ac in antiquis monumentis in aliquem offendunt, qui curæ animarum munia quoquomodo expleverit, vel etiam ipsam solam *sacerdotis*, vel *presbyteri*, *Pastoris* vocem descriptam vident, extitisse jam tunc parochos inelamant, et Ecclesiæ eorundem parochorum institutionem concludunt.

Non legitima certe conclusio hæc : sed ad probandum hæc vel illa ætate extitisse parochos, ostendendum omnino est, jam tum commissam presbyteris fuisse in certas dioceses partes animarum curam, vel proprio nomine (non autem vicarialiter seu nomine alterius) exercendam, vel (si nomine et vice Episcopi) per modum saltem officii stabilis, non vero transitorie missionis et deputationis.

Quamam vero ætate ita constitui parochos contigerit, antequam expendamus, abs re non erit subijcere quod Marius Lupus, idem argumentum tractaturus, sic prænotabat :

« Majoris perspicuitatis gratia, quæ præcipue in definitio-
 « nibus requiritur, non unam sed duplicem pro temporum
 « diversitate proferam definitionem, ut omnis cavillandi amo-
 « veatur occasio. Antiquissimis itaque ecclesiæ temporibus ad
 « quantum usque salutis sæculum, parochiarum nomine in-
 « telligo dispersitos quorundam fidelium peculiares cœtus,
 « qui liturgiis diebus alicubi apud presbyteros eisdem præ-
 « sidentes, et seorsim ab Episcopo sacra facientes, legitime
 « convenire consueverant, conventum scilicet habere. Quod
 « ad reliqua vero sæcula usque ad annum millesimum, quo
 « consistam, attinet, parochias definitio, ecclesias a cathedrali
 « distinctas, cum eisdem attributis regiunculis, quæ eodem
 « nomine censebantur, in quibus congregabantur fideles in illo
 « tractu degentes, et a presbytero ab Episcopo ipsis, aut or-
 « dinatione aut alia ratione, præposito, eidemque subjecto,
 « ex injuncto proprio munere, dominicis festisque diebus pu-
 « blica missarum peragebantur solemnia, et christianæ reli-
 « gionis ministrabantur sacramenta : seu strictius peculiares
 « ecclesias in quibus a presbytero, seorsim ab Episcopo, cum
 « christiana plebe eidem credita ex officio sacri habebantur

« legitimi conventus. » (In præfatione operis *de Parœcia*, pagina iv.)

Equidem Beuedictus XIV (*de Syn. diœcesana*, l. 3, c. 5, n.1) existimavit *presbyteri* vocabulum ad designandos parochos antiquitus fuisse usurpatum. Adductis enim nonnullis documentis, in quibus occurrit denominatio hæc, sic adnotat : « Quibus in locis, sicuti *et in aliis vetustis canonibus*, sacer-
« dotum et presbyterorum nomine parochos designari advertit
« Vau-Espeu. »

Sed memoria recolendum quod in citati operis præfatione præmonet clarissimus Pontifex, non ea mente a se editum hoc opus, ut suæ ibi expositæ sententiæ aliam quam privati scriptoris auctoritatem haberent ; ast eo dumtaxat consilio, quo sua *commentaria* in decretales evulgavit olim Innocentius IV, qui *facile passus est* (sunt ipsiusmet Beuedicti XIV verba) *opiniones suas, quas tanquam privatus doctor proposuerat, ab aliis doctoribus oppugnari*. Cum ergo hac in re laudato Pontifici non assentiant doctores gravissimi (prout Marius Lupus, Nardus, aliique priorum subselliorum viri), non est cur non liceat hanc ejus sententiam deserere ; eo vel magis quod non alia illam auctoritate fultam proponat, quam schismatici Van-Espe-
nji ; cujus doctrina, non in alia forsân magis, quam in hac de parochis materia, erronea fuit atque pestifera.

CAPUT III.

PRIORIBUS ECCLESIAE SÆCULIS NULLUS IN MUNDO EXISTIT
PAROCHUS.

Ad probandam hanc thesim duo stabiliemus : 1° certam et constantem prioribus ecclesiæ sæculis viguisse disciplinam, ut fideles diœceseos omnes, tum intra, tum extra episcopalem civitatem degentes, nunnisi cum Episcopo sacrum conventum seu sacram liturgiam celebrarent ; 2° iude autem evinci nullos tunc temporis extitisse parochos.

§ I.

Prioribus Ecclesiam sæculis instar legis ubique vigentis fuit, ut fideles, tum intra, tum etiam extra episcopalem civitatem degentes, nonnisi apud Episcopum sacros conventus sacramve liturgiam celebrarent.

Probatur 1°. Eruditorum auctoritate. — Unanimem hac de re præclarissimorum scriptorum sententiam sic memorat Marius Lupus, in suo eximio opere *de Paræciis ante annum 1000* (diss. 2, capite 5, pagina 173, edit. Bergomi) :

« Complures eruditissimi et primi subsellii viri unanimes
« tradidere, et locupletissime in medium allatis antiquorum
« testimoniis confirmarunt, christi fideles unius civitatis, et
« antiquissimis temporibus etiam proximorum agrorum, ad
« sacram celebrandam liturgiam quocumque tandem loco, aut
« in ipsa urbe, aut in suburbanis, penes Episcopos... (quo-
« tiescumque per gentiles licebat) in unum convenisse. Idem
« servatum peræque fuisse, postquam præter unum primo tem-
« plum proprie dictum, in urbibus ædificari cœptæ sunt quæ-
« dam aliæ sacræ ædes : nam nihilominus ad eam solummodo
« in qua Episcopus sacra faciebat accurrebant, ibique tantum
« celebrabatur synaxis. Hunc vero morem etiam data a Cou-
« stantino pace quarto sæculo perdurasse plerique censuerunt.
« Horum clarissimorum auctorum longum sane indiculum
« contexere possem; sed ut heterodoxos cæteroquin eruditis-
« simos complures omittam, inter catholicos paucos quosdam
« solum commemorare sit satis; nempe Christianum Lupum,
« Sismondum, Valesium, Morinum, Pagium, Fleury, et Tho-
« massinum. Insuper doctissimi viri qui de liturgicis egerunt
« rebus, tradunt presbyteros urbicos non solum apud Epi-
« scopum convenisse omnes liturgicis diebus, cum diaconibus
« et cæteris clericis populoque, sed una cum eodem Episcopo
« missam celebrasse et eucharistiam confecisse, eo prope-
« modum pacto quo nunc usurpatur in presbyterorum Ordi-

« nationibus, et generatim apud Græcos adhuc usu receptum
« est. »

Probatur 2º. Directe ex antiquis monumentis. — Justinus martyr (in Apologia 2) : Solis die, omnium qui in urbibus, vel in agris degunt, in eundem locum conventus fit.... Præpositus præest et Eucharistiam facit... Distributio fit cuique præsentibus : absentibus per diaconos mittitur. Hæc verba thesim plenissime evincunt. Nonnulla tamen alia documenta subjungemus, e quibus patcat disciplinam ejusmodi etiam post sanctum Justinum perdurasse. Tertullianus (libro de fuga, capite 3) : Sed quomodo colligemus, inquit, quomodo dominica solemnia celebrabimus? Habes noctem luce Christi luminosam : non potes discurrere per singulas, sit tibi in tribus ecclesia : melius est turbas tuas aliquando non videas, quam addicas. Ibi Tertullianus, jam in Montanistarum hæresim misere lapsus, catholicos Episcopos reprehendit, quod, persecutionis tempore, pecunia redimerent facultatem colligendi fideles, et dominica solemnia celebrandi. Probat autem ille textus, adeo fuisse Episcoporum morem fideles omnes in unum colligendi, ut numerata pecunia hoc impetrare non dubitaverint.

Sanctus Ignatius martyr : Si enim unius aut alterius precatio tantam vim habet, quanto magis illa quæ Episcopi est et totius Ecclesiæ. Qui igitur in conventum non venerit, jam superbia elatus est, et seipsum separavit et judicavit (epist. ad Ephes., n. 5). Date igitur operam ut sæpius congregemini ad gratias Deo agendas... Quando enim sæpius in idem loci convenitis, labefactantur vires satanæ (ibid., n. 13). Omnes in gratia nominatim congregamini communiter (ibid., n. 20). Ita neque et vos sine Episcopo et presbyteris quidquam agite; neque operam detis ut quidquid vobis seorsum rationi videtur consentaneum; sed in unum convenientibus una sit oratio, una deprecatio, una mens... Omnes itaque velut in unum templum Dei concurrite, velut ad unum altare (epist. ad Magnesianos, n. 6). Operam detis ut una Eucharistia utamini; una enim est caro Domini Nostri Jesu-Christi, et unus Calix, unum altare, sicut unus Episcopus cum presbyteris

et diaconis (epist. ad Philadelphios, n. 4). *Crebrius conventus fiant, nominatim omnes inquire, servos et ancillas ne superbe contemnas* (epist. ad Polycarpum, n. 4).

Canon apostolicus 32, ex versione Dionysii Exigui : *Si quis presbyter contemnens Episcopum suum, seorsum collegerit, et aliud altare erexerit, nihil habens quo reprehendat Episcopum in causa pietatis et justitiæ, deponatur quasi principatus amator existens; est enim tyrannus; et cæteri clerici quicumque tali consentiunt, deponantur, laici vero segregentur : hoc autem post unam et secundam et tertiam obsecrationem fieri conveniet.* Hervetus ita vertit : *Si quis presbyter contempto proprio Episcopo seorsum congregationem fecerit, et alterum altare fixerit... deponatur, ut imperium obtinendi cupidus : est enim tyrannus, etc.* Luculentissime probat canon ille nullas adhuc hoc tempore (idest tertio aut forte etiam quarto sæculo) exstilis parochias, sive in civitatibus episcopalibus, sive extra eas. Nam, ut scitissime animadvertit Thomassinus (parte 1, lib. 2, c. 21, n. 4) : « Si
« in urbe vel ruri plures fuissent ecclesiæ parochiæque, ad
« quas coiret populus, et in quibus presbyter sacra celebraret,
« illis certe verbis ad significandum schisma usi non essent
« majores nostri; nec illum dicerent ferocire in Episcopum, et
« rebellare velle, ecclesiamque conscindere, qui alibi con-
« ventum faceret quam ubi adesset Episcopus, aut qui eri-
« geret altare aliud, ab eo diversum ubi Episcopus cele-
« braret. »

Concilium Autiochenum, anni 341, canone 5 : *Si quis presbyter aut diaconus Episcopum proprium contemnens, se ab ecclesia sequestraverit, et seorsum colligans altare constituit, et commo- nenti Episcopo non acquieverit, nec consentire vel obedire voluerit semel et iterum vocanti, hic damnetur omnimodo, nec ultra remedium consequatur, quia suam recipere non potest dignitatem : quod si ecclesiam conturbare et sollicitare persistat, tanquam seditiosus per potestates externas opprimatur* (ex versione Dionysii Exigui). Quem locum ita retulit Isidorus Mercator : *Si quis presbyter vel diaconus, contempto suo Episcopo, se ipsum ab*

Ecclesia segregaverit, et privatim apud se collectis populis altare erigere ausus fuerit... hunc modis omnibus deponendum... Quod si etiam perseveraverit conturbans et concitans Ecclesiam, per eam quæ foris est potestatem tunc tanquam seditiosum corripere oportet. Ex hoc canone idem prorsus concludendum ac ex superiori canone apostolico.

In concilio Carthaginensi secundo, anni 390 (in codice africanorum canonum, n. 10 et 11), postquam ita proposuisset Felix Episcopus : *Si quis forte presbyter, ab Episcopo correptus, timore vel superbia inflatus putaverit separatim sacrificia Deo offerenda, vel aliud erigendum altare contra ecclesiasticam fidem vel disciplinam crediderit, non exeat impunitus*; et Genesius Episcopus sententiam suam protulisset his verbis : *necessario discipline ecclesiasticæ et fidei congrua sunt*; sancitum est decretum in hunc modum : *Si quis presbyter a præposito suo correptus... superbia (quod absit) inflatus, discernendum se ab Episcopi sui communione duxerit, et separatim cum aliquibus schisma fecerit, sacrificium Deo obtulerit, anathema habeatur et locum amittat; nihilominus et de civitate et congregatione in qua fuerit longius depellatur, ne vel ignorantes vel simplices mentes serpentina fraude decipiat; quoniam, secundum Apostolum, Ecclesia una est, una fides, unum baptisma* (1). Ex præcitatæ canonibus concludit Marius Lupus, « hos canones, antiquiorem confirmantes disciplinam, separatos sacros conventus seorsum ab Episcopo in civitatibus interdixisse et nefarios declarasse; ideoque apertissime « fidem facere, cum conditi aut confirmati fuere, nullas in « urbibus justas fuisse parochias » (*de Paræciis*, dissert. 2, cap. 6, pag. 201, editio Bergomi 1788). Objectiunculam autem quæ fieri posset, in his nempe canonibus animadverti contra conventus sacros qui a presbyteris seorsum ab Episcopo fierent schismatis de causa, non vero contra synaxes seu conventus sacros omni schismatis suspitione immunes, diluit Marius Lupus, ibidem pagina 204.

(1) Confirmatus fuit ille canon in concilio Carthaginensi sexto anni 519.

Capitulare Theodulphi Aurelianensis Episcopi anni 797 (apud Labbe, tom. 9, pag. 196, editio Veneta) ita habet capite 1 : *Sancitum est ut missæ, quæ per dies dominicos peculiare a sacerdotibus fiunt, non ita in publico fiant, ut populus eas audire queat...*; *ut omnes ad publicam sanctam matrem Ecclesiam ad missarum solemniam, et prædicationem audituri, convenient.* Et cap. 2 : *Simul et hoc statutum est, ut in civitate in qua Episcopus constitutus est, omnes presbyteri et populi, tam civitatis quam etiam suburbani, revestiti in ipsa missa usque ad benedictionem Episcopi et communionem devota mente stare debeant; et postea si voluerint ad suos titulos benedictione et communione percepta revertantur. Et hoc summopere cavendum est sacerdotibus, ut per oratoria neque per suburbana monasteria, vel ecclesias suburbanas, missas nequaquam, nisi tam caute ante secundam horam, foribusque resecatis (id est clausis), celebrare præsumant; ut populus a publicis solemnitatibus, tali occasione accepta, a missa sive prædicatione Episcopi se minime subtrahere possit. Sed omnes, tam sacerdotes suburbani quam et in urbe constituti, et populus cunctus unam cum illis ad publicam missarum celebritatem convenient; et nulli extra parvulos et infirmos, licet missam auditam habeant, tam in civitatibus quam in parochiis edere vel bibere præsumant, ante publicum peractum officium. Si quis hæc statuta transgredi tentaverit canonico iudicio usque ad satisfactionem subjaceat (vide etiam cap. 45 et 46 majoris ejusdem Theodulphi capitularis).*

§ II.

Exposita priorum sæculorum disciplina, de sacris conventibus a totius diœcesis fidelibus apud Episcopum celebrandis, plene evincit nullos tunc temporis existisse parochos.

Nam si exstitissent, sive intra sive extra civitatem episcopalem, parochiæ et parochi, liberum fuisset fidelibus in sua quique parœcia sacram liturgiam celebrare, divinum verbum audire, eucharistiæ et baptismatis sacramenta recipere. Hæc

porro nec facta fuisse, nec fieri licuisse adducta antiquitatis documenta aperte demonstrant. Ergo revera prioribus Ecclesiæ temporibus, et quamdiu vixit de peragendis cum Episcopo sacris omnium diœcesanorum conventibus, inducta nondum fuerat parochiarum et parochorum institutio. Erat nempe Episcopus veluti unicus totius suæ diœceseos parochus; opera quidem utens presbyterorum et diaconorum ad supplendum sibi, ubi impeditus ipse foret; sed pro libitu eos mittens et revocans, nulli autem in certam diœceseos partem animarum curam per modum stabilis officii committens. Id antiquitatis monumenta pervolventi, id Thomassini, Marii Lupi, Nardi, aliorumque eruditorum hac de re scripta lustranti, certo certius videbitur. Ut proinde merito Ferraris: « Parochiæ antiquitatis non erant distinctæ: sed Episcopus curam animarum totius diœcesis, per sacerdotes pro suo libitu missos, et ad nutum amovibiles, administrabat » (voce *Parochia*, n. 7).

CAPUT IV.

PAROCHIAS RURALES QUARTO CIRCITER SÆCULO CONSTITUI COEPTAS. (REMISSIVE AD ERUDITORUM DISQUISITIONES.)

Prioribus quidem ecclesiæ temporibus, neque ruri, neque in civitatibus, ullas extitisse parochias, et facile probant, et concorditer jam admittunt clariores quique recentioris ævi scriptores. Item multo ante inductam ruri, quam in civitatibus, parochiarum institutionem extra controversiam apud ipsos ivit: de quo (ut unum ex multis adducamus) sic habet Petavius: « Hujusmodi ergo parœciarum institutum, vel ut vulgo loquuntur, parochiarum, dixi in animadversionibus ad Epiphanium, prius in agris et extra urbes, quam in urbibus usurpatum videri. Quippe primis Ecclesiæ temporibus, antequam adeo numerosa seges exstaret sementis evangelicæ, primi illi conditores ecclesiarum bifariam operam suam et

« operæ administros partiti videntur; in urbem, et urbi ad-
 « junctum territorium. Atque intra muros quidem una suffi-
 « ciebat ecclesia, vel Oratorium, aut Dominicum, ad synaxes
 « et sacros conventus habendos. Extra urbem autem, et in
 « agro illi contributo, quod propter longinquitatem una con-
 « gregandis omnibus non satis esset ecclesia, complures factæ
 « sunt, in quas paullatim territorium omne distributum est;
 « et ita plures ortæ sunt parœciæ, quas græci *χωρὰς* et *πα-
 « ροικίας*, latini *regiones*, et *villas* et *parochias* nuncuparunt. »
 (Petavius, *Theologicorum dogmatum, de Ecclesiastica hierar-
 chia*, lib. 2, c. 12, n. 3.)

Atvero ipsa institutionis parochiarum initia cuinam præcise
 anno, vel etiam sæculo, adscribenda sint, non adeo perspicua
 res visa est. Æstimavit Thomassinus ad mediam sæculi quarti
 partem esse id instituti referendum. Marius autem Lupus
 (celebris ille, et a nobis sæpe laudatus Bergomensis eanicus)
 diligentiori oculo antiquitatum latebra rimatus, paulo anti-
 quiora sibi videre visus est ruralium parochiarum vestigia. Ad
 quorum, et similium scriptorum hac de re disquisitiones lecto-
 rem nos remittimus, præcipua ea (quæ ad scopum hujus operis
 sufficit) conclusione contenti, *initio saltem Ecclesiæ, et aliquo
 sæculorum tractu, nullas, et ne ruri quidem, parochias existisse.*

CAPUT V.

ANTE ANNUM 1000 NULLUM EXSTITISSE PAROCHUM IN CIVI-
 TATIBUS EPISCOPALIBUS (ROMA FORTE ET ALEXANDRIA EX-
 CEPTIS).

Mirationem et forte etiam stuporem nonnullis movebit as-
 sertum hujusmodi; cum præsertim in non paucis regionibus
 diu viguerit de antiquissima (imo et apostolicorum temporum
 coætanea) parochorum urbanorum institutione opinio. Nihilo-
 minus tamen ex quo Marius Lupus, Bergomensis canonicus,
 præclaro suo (*de Parœciis ante annum 1000*) volumine, decimo

sæculo recentiores urbanas parochias demonstravit, prudens quisque persentire potuit, actum esse de existimata illa parochorum antiquitate. Tanta enim, tamque invicta documentorum mole conclusionem suam laudatus auctor firmavit, ut eruditorum assensum sibi jam consecutus, et magis in dies consecuturus videatur.

Nobis autem idem argumentum præsentī capite tractaturis, non parva obsistit difficultas. Totam quippe documentorum copiam, quæ a Mario Lupo, et post ipsum a Nardo, comparata est, huc adduci et recenseri vix sinit tractationis nostræ ratio: qua tamen prætermissa (cum in ea consistat præcipua probandi vis), verendum ne nutans et male asserta conclusio videatur.

Cui difficultati ut faceremus satis, visum est eruditorum testimonio et autoritate niti; tum nonnulla argumenta, quæ absque magna textuum copia concinnari possiunt, subjungere; sicque, licet aliquatenus indirecte, satis tamen firmata thesis videbitur, quin *ex professo* quæstionem excutere et diutius in ea pedem figere cogamur.

§ I.

Certum est apud eruditos jam invaluisse persuasionem, in civitatibus episcopalibus (Roma forte et Alexandria exceptis) nullas ante annum 1000 existisse parochias.

Testes hac de re habemus moderniores Bollauidistas, qui varias eruditorum de proposita quæstione sententias sic memorant:

« Nequaquam necessarium est ut hic in examen vocetur, « sintne parochi de jure divino, an de jure ecclesiastico; in « qua versanda quæstione nullus forte majorem sibi laudem « promeruit, quam Cardinalis de la Luzerne, cujus opus nu- « perius editum fuit (*des Droits et des Devoirs des Évêques et « des prêtres*, Paris, Migne, 1844). Neque inquirendum no- « bis est, an parochiale munus et officium ortum sit... ex in-

« stitutione Christi Domini (Gersonius et facultas theolog.
 « Parisiensis, apud de la Luzerne, opere citato, chap. 3,
 « col. 178, Migne, 1844); an tertio sæculo; an vero quarto æræ
 « christianæ : hæc inquam problemata historica et theologica
 « omnino prætermittere licet, quoniam *omnes saniores critici in*
 « *hoc conveniunt*, hæc tantum quæri posse de parœciis rura-
 « libus et oppidis quæ Episcopum non habebant, nequaquam
 « vero de civitatibus episcopalibus.

« Porro de parœciis in ejusmodi civitatibus erectis, non-
 « nulla quoque inter eruditos controversia est. Thomassinus
 « (*Vel. et Nov. Disc.*, part. 1, l. 2, c. 21, n. 10; et cap. 22,
 « n. 1), et Natalis Alexander (*Hist. Eccles.*, sæc. iv, art. 7,
 « tom. 2, pag. 260, edit. Mansi) volunt sæculo quarto Romæ
 « et Alexandriæ plures fuisse parœcias; licet iidem scriptores
 « nonnihil inter se pugnent de officiis parochorum, quos his
 « civitatibus assignant. Ad eandem fere classem referendus vi-
 « detur doctissimus Binterim (*Denkwürdigk, der Katol. Kirche*,
 « tom. 1, part. 1, pag. 539 et seq.), qui etiam antiquioribus
 « temporibus in patriarchalibus civitatibus Romæ, Alexandriæ
 « et Antiochiæ parœcias exstitisse contendit. Ast Antiochiam
 « expungendam esse, ex sancti Chrysostomi scriptis, ostendere
 « conantur Tillemontius (*Mém. ecclésiast., Hist. de saint*
 « *Alexandre, Evêque d'Alexandrie*, art. 12, tom. 6, part. 1,
 « pag. 398, édit. 1709) et Cardinalis de la Luzerne (loco cit.,
 « col. 153). Neque magis admittendos esse veteres Romanos
 « parochos, inter plerosque catholicos constat; quandoquidem
 « parœciæ, quas in hac civitate quidam reperire voluerunt,
 « nihil aliud sunt quam tituli Cardinalitii; adeoque Cardinales
 « Romanos nunquam fuisse parochos, fusc inter alios demon-
 « strat eruditissimus Nardi (*dei Parochi*, tom. 2, pag. 151
 « et seq.). Cardinalis de la Luzerne concedit sæculo quarto
 « Alexandriæ parochos exstitisse; sed neque id admittit lauda-
 « tus Nardi, statuens contrarium verisimilius esse (tom. 2,
 « p. 484 et seq.); atque hic, cum Mario Lupi doctissimo viro,
 « contendit in civitatibus episcopalibus nullas parœcias exsti-

« tisse ante annum Christi 1000... Quæ sententia, ut primo
 « conspectu incredibilis videatur, in dies plures nanciscitur
 « assecclas; neque huc usque feliciter tentata fuit ejus confu-
 « tatio. Et quidem, cum nusquam aliquid unquam reperire
 « nobis obtigit, quod ei opponi posset, libenter ei subscribimus;
 « civitatem Alexandrinam tamen excipientes, quæ propter ar-
 « gumenta a Tillemontio (*Mém. ecclés., Hist. de saint Alexandre*,
 « art. 12, tom. 6, pag. 397) adducta, sæculo quarto paro-
 « chos aut quasi p̄rochos habuisse nobis videtur, licet
 « aliqua tamen dubia nobis supersint. » (Ita Patres Jesuitæ,
 operis Bollandiani in Belgio continuatores, in erudita con-
 futatione cui titulus : *Examen historicum et canonicum libri*
Mariani Verhoeven, tom. 1, pag. 138, edit. 1847; cujus operis,
 nundum editus fuit secundus tomus.)

Huic modernorum eruditorum descriptæ sententiæ abs re
 non erit cam annectere, quam suo tempore communiter re-
 ceptam referebat Marius Lupi; cam explosurus, et in memo-
 ratam novam, nunc vigentem, immutaturus :

« Plures sane (inquit ille) et discrepantes sunt de parochia-
 « rum etiam urbicarum institutionis tempore opiniones. Vul-
 « gares canonistæ ad Dionysil Papæ ætatem circa dimidium
 « tertii sæculi ex apocrypha ejus epistola eandem referunt.
 « Alii antiquiorem parochiarum originem statuerunt, existi-
 « mantes eas Dionysium solummodo confirmasse et auxisse.
 « Nonnulli ad Anacleti Papæ tempora eas referunt, apocry-
 « phæ pariter ejusdem epistolæ insistentes, in qua tamen de
 « ruralibus solummodo parochiis agitur. Quidam Clementi
 « Papæ I earundem institutionem tribuendam existimarunt.
 « Nec defuere qui Apostolis ipsis eandem adscripsere. Verum
 « parochiarum institutionem quarto demum consignavit sæculo
 « clarissimus Thomassinus, quem non pauci sectati sunt, inter
 « quos doctissimus Muratorius. Eandem sententiam, præ
 « cæteris heterodoxis, amplexus est Bohemerus (*de Jure paro-*
chiali) ; in eamque propendere videtur Binghamus.

« His de tanta parochiarum urbicarum antiquitate opinio-

« nibus diu multumque perpensis, unaquæque earum non so-
 « lum nullo mihi visa est niti antiquo et sincero documento,
 « quin immo omnes cum eorundem compluribus apertissime
 « pugnare; atque inter eas ipsamet Thomassini; quamvis
 « non eo usque extendatur quo producta est a nonnullis,
 « comminiscantibus in singulis indiscriminatim civitatibus, de
 « quibus agimus, ipso quarto sæculo parochias et quidem plu-
 « res institutas fuisse; sed etiamsi illæ adhibeantur limitatio-
 « nes, quas docti supra memorati auctores, sin minus vere,
 « prudenter saltem apposuerunt (1). His itaque dimissis,
 « operæ pretium duxi omnimode diligenter inquirere, quous-
 « que tandem antiquorum testimonia atque monumenta, non
 « exiguo sane labore coacervata, ostendant parochias in urbi-
 « bus desideratas fuisse... Ac mihi liquido deprehendisse
 « visum est, episcopales civitates (duobus dumtaxat, Roma
 « et Alexandria exceptis) parochiis a cathedralibus distinctis
 « omnino caruisse usque ad annum Christi millesimum; ita
 « tamen ut quod ad posteriora quinque sæcula attinet, solius
 « occidentis disciplinæ inhæream: orientalis namque ecclesiæ
 « mores his sæculis mihi incompti sunt. » (Marius Lupus,
de Parœciis ante annum 1000, dissert. 2, cap. 1, pag. 132,
 edit. Bergomi.)

Ex adductis colligere lector potest, quomodo sese habuerit, et nunc sese habeat cruditorum de præsentī quæstione opinio. Post Thomassinum nempe communiter rejici cœpit antiquior sæculo quarto parochiarum institutio: imo nec dicto sæculo in omnibus civitatibus, sed in nonnullis dumtaxat principalioribus, inductam existimatum est. In quam sententiam cruditi plerique communiter convenire, usque dum Marius Lupi, emunctæ (si quis unquam) naris vir, nimiam adhuc parochis antiquitatem concessam subolfecit, et ita suo opere demonstravit, ut nihil validum huc usque oppositum ei fuerit.

(1) Limitant Thomassinus et Muratorius, ita ut *in majoribus tantum*, et non regulariter in omnibus civitatibus, a quarto sæculo parochiam constitutum fuerint.

Mario Lupo adhæsit, duobus editis *dei Parochi* voluminibus, nulla non merita fama et ipse insignis Ludovicus Nardi. His, ut vidimus, moderni Bollandistæ plene consentiunt. Unde sicut antea cum Thomassino ab eruditis ad quartum sæculum rejiciebatur urbani parochi, ita nunc cum Mario Lupo eos ad undecimum esse rejiciendos eruditorum sententia dici potest.

§ II.

Non existisse parochias in civitatibus episcopalibus ante annum 1000, nonnullis argumentis demonstratur.

Prænotandum. — Quam falsum sit, quod suslinere solet parochistarum scriptorum turma, in omnibus nempe civitatibus jam ab antiquo parochias institutas, facile evincitur ex eo quod decimo sexto etiam sæculo iis urbes aliquot carerent. Quod sic adnotat Marius Lupi : « Concilium Tridentinum » (sess. 24, habita anno 1563, cap. 13 *de Ref.*) sancivit : *Ut* » *Episcopi in iis civitatibus et locis, ubi nullæ sunt parochiales* » *ecclesiæ, quamprimum fieri curent.* Ergo eodem anno urbes » exstabant in quibus nulla erat parochia. At ne tunc quidem » ubique concilii decreto obtemperatum fuit ; et adhuc con- » sequenti sæculo septimo decimo nonnullæ, utique in Italia, » erant antiquissimæ etiam frequentes magnæque episcopales » civitates, quæ parochiis prorsus carebant. Ineptissimum au- » tem esset et deridendum, asserere prioribus Ecclesiæ sæcu- » lis in iisdem parochias existisse, et postmodum fuisse extin- » ctas. » (*De Paræciis*, dissert. 2, cap. 1, pag. 136, edit. Bergomi.)

Nobis autem hic probandum iussumus, non tantum non in omnibus, sed nec in ullis episcopalibus civitatibus per decem priora sæcula parochias existisse : exceptis dumtaxat (si tamen excipiendæ sint), Roma et Alexandria. Quo prænotato, sit

ARGUMENTUM I. — *Ex eo quod vox parochia ad rurales dumtaxat designandas parochias usurpata reperiatur.* — Prioribus sæculis parochiæ vocabulo totam designatam fuisse diœcesim est

eruditis omnino compertum. Nec minus certum est, constitutos postea ruri fuisse presbyteros, cisque assignatam suam cuique regiunculam, cujus curam spiritualement ageret; atque ex tunc hujusmodi regiunculas, seu plebes in eis comprehensas, parochiarum nomine usu venisse. Porro ex quo posteriori hoc sensu usurpari cœpit vox *parochia*, usque ad annum 1000, nunquam reperitur adhibita ad designandas ullas civitatum episcopaliū parochias, sed exclusive (etiam quando absolute ponitur) parochias rurales designat (1); ita ut *parochiæ* idem omnino sint ac *parochiæ rurales*, seu extra civitatem episcopalem positæ. Id a se compertum, pervolutis summa diligentia monumentis, testatur Marius Lupus. Idem tanquam certum tradit Sirmondus : *Quamquam usus inolevit, ut parochiæ nunc aliæ sint urbanæ, aliæ rusticæ, aliter olim res se habuit; nam rusticarum proprium id nomen erat, ideoque parochias civitatibus opponebant.* (De Asimo, cap. 5, tom. 4 operum.)

Res patet in canone 15 concilii Arvernensis, anni 535 (apud Labbe, tomo 4, columna 1806, edit. Parisiis 1671): *Si quis ex presbyteris aut diaconis, qui neque in civitate, neque in parochiis canonicus esse dignoscitur...* Ibi clare parochiæ opponuntur civitati; quod prorsus absonum foret, si exstiterent parochiæ in civitate episcopali, et si per parochiarum vocabulum aliud intelligi potuisset quam parochiæ rurales, extra civitatem existentes.

Item concilium Agathense anni 506, canone 21 (apud Labbe, tomo 4, columna 1386, edit. Parisiis 1671), postquam permisit viros nobiles extra civitatem episcopalem in suis villis oratoria habere, ibique missæ assistere, ne cogatur eorum familia cum nimia defatigatione adire parochias *in quibus legitimus est ordinatus conventus*, ab hoc indulto excipit præcipuas anni festivitates hoc modo : *Pascha vero, Natale Domini, Epiphaniam, Ascensionem, et si qui maximi dies in festivi-*

(1) Excipiendæ tantum divisiones per titulos Romæ factæ, quas parochiarum nomine memorant aliqui inferioris ævi scriptores.

tatibus habentur, nonnisi in civitatibus, aut in parochiis teneat. Ibi iterum parochiæ opponuntur eivitati; et dum dicitur nisi in civitatibus aut in parochiis, idem sonat ac si diceretur: in ecclesia civitatis ubi præsidet Episcopus, aut in aliqua rurali parochia. Et revera prædictis diebus festivis, qui in eivitate aderant tenebantur eas cum Episcopo celebrare, ut expresse habetur canone 63 ejusdem synodi: Ut cives qui superiorum solemnitatum, id est Paschæ, Natalis Domini, vel Pentecostes festivitatis, cum Episcopis interesse neglexerint (cum in civitatibus communionis vel benedictionis accipiendæ causa esse positos se nosse debeant), triennio a communione pellantur.

Item libro septimo *Capitularium*, cap. 231: *Statutum est, ut omnes presbyteri parochiæ ad civitatem, per turmas, et per hebdomadas ab Episcopo sibi constitutas, convenient discendi gratia; ut aliqua pars in parochiis presbyterorum remaneat; ne populi atque ecclesiæ Dei absque officio sint, et aliqua utilia in civitate discant; ut meliores ad parochias demum et sapientiores atque populis utiliores absoluti revertantur; et ibi ab Episcopo, sive a suis bene doctis ministris bono animo instruantur... et omnia quæ illi per parochias dicere, prædicare et facere debent...* Ibi certe vox *parochiæ* exclusive exprimit parochias extra urbem episcopalem positas, et probat nullas in eivitate episcopali parochias fuisse: nam absurdum fuisset decernere, ut omnes presbyteri parochiarum in civitate existentium per turmas *pergerent ad civitatem*, in qua jam fuissent. Dum ergo id præscribitur *omnibus presbyteris parochiarum*, elarum est nullas in eivitate tunc exstitisse parochias.

Item in decretalibus communibus (*de Officio archidiaconi*, cap. 1), ex quodam canone anni eireiter 600: *Archidiaconus post Episcopum sciat se vicarium esse ejus in omnibus, et omnem curam in clero (tam in urbe positorum quam eorum qui per paræcias habitare noscuntur) ad se pertinere.* Ibi totus elerus sub duplici membro positorum in urbe, et per paræcias habitantium memoratur; ergo clerici urbis non habitabant per paræcias; ergo non erant paræciæ in urbe.

Concilium Aurelianense tertium, anni 538 : *Si quæ oblationes in quibuslibet rebus atque corporibus collocatæ fuerint basilicis in civitatibus constitutis, ad potestatem Episcopi redigantur; et in ejus erit arbitrio quid ad reparationem basilicæ aut observantem ibi sustentationem deputetur. De facultatibus vero parochiarum vel basilicarum in pagis civitatum constitutis, singulorum locorum consuetudo servetur.*

Et concilium Emcritense, anni 666, canone 10 et 16 : *Statuimus in nostris ecclesiis vel civitatibus esse servandum, ut quidquid pecuniæ a fidelibus fuerit oblatum... fideliter Episcopo præsentetur; qualiter exinde tres partes fiant : unam habeat Episcopus; alteram presbyteri et diacones ibidem deservientes consequantur, ut dignitas et ordo poscit : tertia subdiaconibus et clericis... dispensetur. Similis forma et de parochianis presbyteris, in ecclesiis illis a Deo creditis, erit servanda. Ibi primum statuitur lex distribuendarum oblationum quæ fiunt in tota urbe episcopali, in nostris ecclesiis vel civitatibus; et postea dum eadem lex applicatur parochis extra civitatem positis, absolute designantur simplici parochianorum presbyterorum nomine. Ex quo iterum sequitur, parochias idem sonasse ac parochias rurales, ac proinde nullas adhuc exstitisse in civitate episcopali parochias.*

Concilium Troslejanum anni 909, canone 6 : *Ab antiquo tempore a sanctis Patribus constitutum est, sicut habet Episcopus in sua ordinatione omnem generaliter parochiam cum omnibus rusticanis parochiis...; ita unusquisque presbyter in sua ordinatione ac dispensatione, cura habeat parochiam suam cum dote et decimis ecclesiæ. Ibi memoratur duo significasse parochiæ vocabulum : totam nempe diæcesim, et rusticanas parochias. Tacetur autem de parochiis civitatis, quia nullæ existebant; et cum dicitur, Episcopus habet omnem generaliter parochiam, cum omnibus rusticanis parochiis, non additur, et cum omnibus etiam parochiis civitatis; quod profecto membrum, utpote majoris momenti, omissum non fuisset, si in parochias distributa fuisset episcopalis civitas.*

In synodo Lateranensi, anni 487 Felix Papa prohibet, ne in

alterius civitate aut diœccesi, absque Episcopi aut presbyteri testimonio et litteris, pœnitentem aut in *parochia presbyter*, aut *Episcopus in civitate suscipiat*. Ibi iterum parochia civitati opponitur.

In decreto Gratiani, causa 16, quæst. 1, cap. 33, ex concilio Agathensi : *Monachi vagantes, ad officium clericatus, nisi eis testimonium suus abbas dederit, nec in civitate, nec in parochiis ordinantur*. Ergo ordinari in parochiis idem erat ac ordinari extra civitatem ; ergo non erant ullæ in civitate parochiæ.

Concilium Vasense anni 529, can. 2 : *Non solum in civitatibus, sed in omnibus parochiis verbum faciendi damus presbyteris potestatem*. Ibi iterum parochiæ opponuntur civitati, ac proinde extra civitatem sitæ omnes supponuntur.

Concilium quartum Aurelianense, canone 8 : *Ut nullus Episcopus, sede vacante, aut in civitate, aut per parochias ordinare clericos, altaria consecrare... præsumat*. Ergo altaria consecrare per parochias, erat ea consecrare extra civitatem ; ergo parochiæ in civitate erant nullæ.

Capitulare Theodulphi Aurelianensis Episcopi anni 797 (apud Labbe, tom. 9) : *Ut nulli liceat..., tam in civitatibus quam in parochiis, edere vel bibere ante publicum peractum officium*. Ibi iterum opponuntur, quasi aliquid diversum, civitates et parochiæ ; quod absurdum foret, si in civitatibus parochiæ exstissent.

Ne ergo iu recensenda ejusmodi documenta diutius excurremus, cum adducta abunde sufficiant, judex sit lector, num legitime concludatur, nullas toto dicto tempore in episcopalibus exstitisse parochias. Mihi quidem hoc solo argumento rem confici plane videtur.

ARGUMENTUM II. — *Ex eo quod nulla exstent monumenta de urbanis ante annum 1000 parochiis*. — Argumentum illud sic breviter contrahi potest : si ante annum 1000 exstitissent parochiæ in civitatibus episcopalibus, haberentur documenta id attestantia ; atqui non habentur ; ergo.

Pro cujus argumentationis evolutione satis erit transcribere

Marii Lupi non minus caudide quam graviter et scite dicta :
 « Tot tamque præclaræ constitutiones, superiori capite pro-
 « ductæ, majorem etiam (quatenus augeri possit) vim ad
 « excludendas ab urbibus parochias habent, siquidem animad-
 « vertatur vix possibile esse, quod toties in illis rurales paro-
 « chiæ recenseantur, unquam urbicæ commemoratæ repe-
 « riantur. Hæc autem animadversio latius proteundi potest
 « ad alia cujuscumque generis antiqua documenta. Quamvis
 « eum nemo existimare possit omnia vidisse vetusta scripta aut
 « monumenta, ego vero fateri haud erubescam non paucis
 « caruisse me libris..., cum tamen complura sane consuluerim
 « opera, e quibus potissimum aliquid lucis ad hanc illustran-
 « dam disciplinæ partem hauriri posse existimavi, et amico-
 « rum etiam usus sim in locupletum bibliothecarum libris et
 « archivorum diplomatibus scrutandis (uam nihil magis mihi
 « cordi fuit quam ut veritatem detegerem), nusquam in qui-
 « buslibet synchronis scriptoribus et sinceris documentis paro-
 « chias in urbibus (Roma et Alexandria demptis) commemora-
 « tas aut perspicue iudicatas deprehenderim. Nemo, ut opiuor
 « diffitebitur hinc probe colligi posse generatim nullum re-
 « periri hujasmodi testimonium. Potissimum vero quia neque
 « ab eruditissimis viris, et in omnium provinciarum antiquitati-
 « bus exercitatissimis, qui de parochiarum antiqua origine tra-
 « ctarunt, ullum productum aut siugillatim citatum viderim.
 « Nam si aliqua extarent, illa profecto novissent, ac, utpote
 « ad suam tueudam sententiam necessaria, in medium attulis-
 « sent. Quod sane gravissimum est argumentum, parochias in
 « urbibus revera non extitisse. Etenim incredibile prorsus est
 « omnia interecidisse, præsertim medii ævi documenta, in
 « quibus de ipsis mentio haberetur; cum innumera supersint
 « et ubique occurrant, quæ de parochiis ruralibus indubiam et
 « præclarissimam fidem faciunt. Accedit etiam quod longe
 « plura civitatum quam pagorum monumenta reperiuntur.
 « Concludendum itaque est, rusticarum parochiarum sæpe
 « sæpius mentionem occurrere, quia revera in pagis ab anti-

« quissimis temporibus extabant; nunquam autem urbica-
 « rum, quia nusquam gentium, præterquam in duabus illis ci-
 « vitatibus, reperiabantur, ubi (1) revera apud antiquos scri-
 « ptores aliquod parochiarum apparet specimen, seu potius
 « indicium, quod mihi satis fuit ad eas pro talibus habendas...
 « Tantum autem a vera ratiocinandi ratione abest, ut dua-
 « rum illarum urbium exceptio ad dubitandum saltem de cæ-
 « teris conducere possit, ut, cum earum institutum singulare
 « prorsus demonstratum fuerit, ipsamet firmet (ut est in pro-
 « loquiis juris) regulam in contrarium. » (Marius Lupus, *de*
Paræciis, dissert. 2, cap. 10.) Ostendit postea citatus auctor,
 vel apocrypha et recentioris ævi, vel ad rem non pertinentia,
 quæ a quibusdam citata sunt documenta, ad probandam ante
 annum 1000 parochiarum in civitatibus episcopalibus existen-
 tiam. Tum subjungit :

« Patefacta singularitate instituti, quod ad parochias attinet,
 « Alexandriæ et Romæ vigentis, subrutum est antiquitatis
 « parochiarum in cæteris urbibus præcipuum, ne dicam uni-
 « cum, fundamentum. Singillatim deinde demonstratum fuit,
 « ea quæ Romæ in peculiaribus ecclesiis a presbyteris perage-
 « bantur, et cætera omnia quæ appellantur parochialia mu-
 « nera, in solis reliquarum civitatum Italiæ cathedralibus ab
 « Episcopis ex officio obita fuisse....

« Si quis tandem percunctaretur, quandonam post annum
 « millesimum parochiæ demum in civitates invectæ fuerint,
 « huic reponam, id generatim haudquaquam, mea quidem
 « sententia, definiri posse. Non uno enim eodemque tempore
 « inferioribus sæculis sese ubique offerunt; sed sensim atque
 « pedetentim, ut assolet, tanta facta est antiquissimæ disci-
 « plinæ immutatio... Tantum a veritate abest, ut id de quarto
 « aut superioribus sæculis affirmari possit, cum ne anno qui-
 « dem 1563 in omnibus civitatibus receptæ fuerint atque
 « institutæ, ut certissime constat ex concilii Tridentini ses-

(1) Alexandriæ nempe et Romæ.

«sio ne 14 (capite 13, *de Ref.*)... Constat in non paucis civitatibus, illarum præsertim provinciarum, quas modo Neapolitanum regnum dicimus, saltem tempore Ughelli, auctoris « *Italiae sacræ*, superiori nempe sæculo, nondum parochias a cathedrali distinctas institutas fuisse. » (Loco citato.)

Duobus deductis argumentis, tertium hic addendum veniret, ex documentis, quæ per singula decem priora sæcula contemporaneam urbicarum parochiarum existentiam excludunt : quale est, verbi gratia, canon 13 concilii Tarraconensis anni 516, in quo sic decernitur : *Epistolæ tales per fratres a metropolitano dirigendæ, ut non solum a cathedralibus ecclesiis presbyteri, verum etiam de diæcesanis ad concilium trahantur. Diæcesanos presbyteros de quibus ibi sermo est esse rurales parochos, probat Marius Lupus (de Paræciis, dissert. 3, cap. 6).* Cum ergo ad concilium provinciale adduci præscribantur canonici cathedrales et parochi ruris, et nihil dicatur de parochis civitatis, signum est nullos tunc extitisse urbicos parochos; alioquin enim et de ipsis quosdam adduci cautum fuisset. Ast tertium illud probationis genus longam secum traheret textuum et disquisitionum farraginem. Quare lectorem, si forte illud desideret, ad Marium Lupum et Nardum remittentes, subjungemus dumtaxat præcipuarum, quæ menti facile occurrunt, objectionum solutionem.

§ III.

Nonnullæ diluuntur objectiones.

Obijcies 1^o. — Duo argumenta superius adhibita negativa sunt, nec proinde rigorosa : probatur nempe urbauas parochias ante annum 1000 non extitisse, ex eo quod nondum reperta sint monumenta quæ ipsarum existentiam testentur, et ex eo quod vox *parochia* non occurrat in sensu urbanæ parochiæ usurpata : porro fieri potest ut, quod nondum repertum est, aliquando reperiatur; nec tanquam rigorosæ ejusmodi negativæ probationes in logica admittuntur : ergo.

Respondeo. — 1° Quando factum aliquod talis naturæ est ut, si extiterit, debeat monumentis consignatum reperiri, ex absentia monumentorum recte et rigore ad facti non-existentiam fit illatio. Atqui urbanarum ante annum 1000 parochiarum existentia, inter facta hujusmodi recensenda est. Cum nempe ubique pullulent, medii præsertim ævi, monumenta, quæ rurales parochias, necnon urbanarum ecclesiarum ordinationem perpetuo memorant, miraculum foret de urbana parochia nunquam in eis mentionem fieri, si revera parochiæ tunc temporis in episcopalibus civitatibus extitissent. Imo frequentissima deberet de hujusmodi parochiis mentio occurrere.

2° Argumentum deductum ex modo quo vox *parochia* in monumentis occurrit, non est negativum, sed positivum : demonstravimus siquidem ita adhiberi hunc loquendi modum, non tantum ut parochias urbanas sileat, sed ut harum parochiarum hypothesim *positive* excludat. *Parochiæ* scilicet perpetuo opponuntur *civitati*; quod profecto neque in mentem neque sub calamo scribentium subrepere potuisset, si tam in civitate quam in agris parochiæ statuti fuissent.

Obijcies 2°. — Si non extitissent urbanæ parochiæ, inutiliter extracta fuissent tot templa in civitatibus episcopalibus; quod admitti nequit.

Huic objectioni obviam ivit Marius Lupus, rem ita enodans :
 « Sciscitabitur fortasse aliquis : quorsum igitur alias præter
 « primariam, in civitatibus extruere sacras ædes? Huic quæ-
 « stioni breviter reponam : cum prisci fideles non solum
 « dominicis diebus apud Episcopum ut liturgiæ interessent
 « saltem plerique uno, quocumque tandem, in loco conve-
 « nirent, sed singulis diebus statis horis mane et vespere
 « orationi vacarent jugiter, prout antiqui Patres sacris innixi
 « scripturis eos hortabantur; quamvis etiam domi orare pos-
 « sent, idque persecutionum tempore peragerent; perdifficile
 « vero esset etiam post extractam unam in civitate ecclesiam
 « ad eam pluries in die fideles accurrere; idcirco quasdam

« alias minores ædes in urbibus struxere, ut una simul plures
 « in iisdem ad orandum, psallendum, hymnosque Deo decan-
 « tandos statis horis singulis diebus commode convenire
 « possent. Præterea cum præcipuo cultu prosequerentur loca
 « in quibus martyres aut passi fuerant, aut eorum corpora ac
 « reliquiæ erant reconditæ, ibique orare potissimum stude-
 « rent, ibidem basilicæ ædificatæ fuerunt, orationi ex primo
 « eorumdem instituto, psalmodiæ, et martyrum cultui desti-
 « natæ, non vero publicis habendis liturgicis diebus conven-
 « tibus; ideoque *oratoria, martyria, et memoriæ* apud antiquos
 « plerumque nuncupantur. In oratoriis autem hujusmodi
 « quidnam perageretur, aperte declarat Augustinus epi-
 « stola 121 : *In oratorio præter orandi et psallendi cultum,*
 « *penitus nihil agatur, ut nomini huic et opera jugiter impensa*
 « *concordet.* Ita etiam epistola 109 : *In oratorio nemo aliquid*
 « *agat nisi id ad quod est factum, aut unde nomen accepit.* »
 (Marius Lupus, de *Paræciis*, dissert. 2, cap. 5, pag. 185,
 editio Bergomi.)

Nota. — Putavit Thomassinus, presbyteros et diaconos cathedralis Ecclesiæ minorum aliarum civitatis ecclesiarum curam habuisse, ita ut earum essent parochi, seu, quod idem est, ita ut earum parochi cathedrali simul presbyterio addicerentur. Ast hallucinatum eum fuisse contendit Marius Lupi, et validis rationibus probat e contra, *minores sacras ædes, a cathedralibus sejunctas, proprios habuisse fixosque presbyteros diaconosve, neque liturgicis diebus ad sacra in ipsis facienda a cathedralibus ablegatos fuisse* (dissert. 3, cap. 2).

Objicies 3º. — Incredibile est usque ad annum 1000 magnarum civitatum fideles omnes in unam, cui præesset Episcopus, ecclesiam confluisse : nullum quippe templum tantam potuisset multitudinem capere.

Respondeo. — 1º Res certis monumentis constat ; ergo possibilis fuit. 2º Etiam si non posset intelligi quo id modo possibile fuerit, non ideo factum aliunde certo constans esset negandum ; quia multa facta sunt certa, quæ tamen quomodo peragi

potuerint nos latet. 3° Tempore sancti Athanasii, id est quarto sæculo, constat sufficientem fuisse unicam ecclesiam ad capiendos omnes civitatis fideles. Ipse enim in sua apologia 2 sic memorat quoad urbem Alexandriam : *Festum erat Paschæ, et tanta multitudo fidelium aderat, quantam in urbe esse adoratores Christi Principes optarint. Cum igitur et ecclesiæ parvæ paucæque essent, et magno tumultu posceretur ut in magna ecclesia (1) conventus celebraretur... quod factum est...* De Alexandro autem Alexandriæ Episcopo ita refert ibidem Athanasius : *Cum alia loca angusta essent, in ecclesia majore, Theone nuncupata, quam ædificabat, synaxes celebrare voluit ; id enim jubebat fidelium frequentia... Hoc et Treviris et Aquileiæ fieri ; nam et illic diebus festis ob multitudinem, cum adhuc templa ædificarentur, collectas habebant.* Ex tota illa apologia eruitur unicum templum potuisse commode confluentes Alexandriæ fideles capere. 4° Sequentibus sæculis certum est hæreses non parum imminuisse numerum fidelium in civitatibus episcopalibus, præsertim a tempore invasionis barbarorum, qui plerique ariana labe infecti erant. 5° A numero fidelium confluentium ad ecclesiam cathedralem demeundi sunt infantes, infirmi, et numerosi monachorum et sacrarum virginum cœtus. 6° Civitates episcopales non adeo magnas fuisse probant mœnium septa, quibus olim arctatas fuisse documenta et ruinae etiamnum testantur. Has, aliasque id genus rationes qui perpenderit, minime impossibilem affirmabit legem fidelibus civitatum episcopalium impositam, festis diebus una cum Episcopo sacras synaxes agendi. Insuper 7° certum est amplissimas fuisse cathedrales ecclesias, easque peristylis, porticibus, aliisque contiguis stationibus instructas, ubi fideles pro eorum statu ac conditione, sive catechumenorum, sive pœnitentium, consistebant. Refert ex synchrono et sincero documento Marius Lupus (*de Paræciis*,

(1) Nempe nondum dicata. Id crimini Athanasio verterant ipsius æmuli, quod in ea ecclesia nondum consecrata celebrasset.

dissert. 2, cap. 8, pag. 236, edit. Bergomi) quamdam Brixiae civitatis ecclesiam, cum referta populo corruisset, plus quam septem millibus hominum necem intulisse. 8° Ubi angustior fuit ecclesia præ confluentium multitudine, per modum exceptionis statuit Sedes Apostolica ibi sacrificium iterari, ut constat ex celebri sancti Leonis I epistola ad Dioscorum Alexandrinum Episcopum : *Ut autem in omnibus observantia nostra concordet, illud quoque volumus custodiri; ut cum sollemnior quæque festivitas conventum populi numerosioris indixerit, et ea fidelium multitudo convenerit quam recipere basilica simul una non possit, sacrificii oblatio indubitanter iteretur; ne his tantum admissis qui primi advenerint, videantur hi qui postmodum confluerint non recipi; cum plenum pietatis atque rationis sit, ut quoties basilicam, in qua agitur, præsentia novæ plebis impleverit, toties sacrificium subsequens offeratur.*

Objicies 4°. — Clarissimorum scriptorum auctoritatem, qui cum Thomassino urbanas parochias quarto sæculo ad censent.

Respondet 1°. — Non esse tanti faciendam dictorum scriptorum sententiam, si constet infirmum esse præcipuum ac fere unicum ipsorum argumentum. Porro ita se res habet. Arguunt nempe ex civitatum Romæ et Alexandriæ exemplo, et potius suspicando quam rigore concludendo inferunt, in cæteris pariter magnis urbibus jam a quarto sæculo extitisse, quas sibi Romæ et Alexandriæ videre visi sunt, urbanas parochias. En Petavii verba : « Epiphanius, in Arianorum hæresi, dum hujus « originem et historiam Arii describit, quiddam de urbe « Alexandrina refert tanquam ei peculiare, aut certe *propter* « *rarity* memoria dignum : fuisse plures in ea ecclesias, « quibus regendis presbyteri præponebantur, qui ecclesiastica « munera præstarent iis, qui circa unamquamque domicilium « haberent. Eas urbis partes Alexandrini proprie *ἀμφίδω* « *et* *λαύρας* appellabant. Quamobrem *justa suspicio est*, in « magnis urbibus, propter populi multitudinem, plures eccle- « sias fuisse, et singulis certum vicorum et domorum numerum « attributum. In aliis vero unam tantummodo, in quam oppi-

« dani convenirent ecclesiam, hoc est *parœciam* vel *parochiam* « fuisse. At extra urbem in agris plures itidem collocatas « ecclesias opportunis in locis; quibus vicina prædia villæque « et rusticanae habitationes assignabantur; quas quidem pa- « rœcias nominabant. » (*Theologicorum dogmatum, de Ecclesiastica hierarchia*, lib. 2, c. 12, n. 4.) Non aliud reperire est apud Thomassinum, et alios ipsi consonos, alicujus momenti ratiocinium, quam ex hoc semper recantato Romæ et Alexandriæ exemplo. Porro ejusmodi argumentum ex duplici capite nutat et pro infirmo habendum est. *Primo* nempe quia certum nequaquam est, Alexandriæ *λαύρας*, et Romæ statutos *titulos* veras parochias fuisse: id negandum existimat Nardi. Sed quidquid sit de hac controversia, quam hic intactam relinquimus; permissio etiam veras Alexandriæ et Romæ parochias ab antiquo extitisse; *secundo* nullatenus probatur id instituti et cæteris commune civitatibus; et tamen, si quid singulare fuerit, et duobus dictis locis exclusive proprium, perperam ad reliquas urbes extenditur. Porro singulare non fuisse dictum Alexandriæ et Romæ institutum non probavit Thomassinus. E contra vero, nullas parœcias in aliis civitatibus ante annum 1000 extitisse, validis argumentis probarunt Marius Lupi et Nardi. Unde dicendum peccasse Thomassinum, et ipsi consonos, eo logices defectu, qui dicitur *a particulari ad generale transitus*.

Respondeo 2º.— Ipsum Thomassinum hac in re non satis sibi constare, ut adnotatum videri potest apud Marium Lupum. Qui auctor etiam addit, scripsisse Thomassinum ea in regione, eoque tempore, quibus facile ipsi non liceret totam introspectam veritatem pandere. Nec parvum ab ipso vulnus doctrinæ a Sorbona acriter propugnatae illatum, cum parochos a temporibus apostolicis ad quartum usque sæculum dejecit; ulterius si voluisset progredi, nimiam forte sibi concitandam invidiam pertimuisse.

Objicies 5º. — Nimium fuisse Marium Lupum, cum audacter annum millesimum parochiarum urbanarum institutioni præ-

fixit; neque ab ipso rigore probari hoc præcise anno dictas parochias exordium sumpsisse.

Respondeo, non eo sensu positam a viro clarissimo fuisse dictam epocham, quod isto præcise anno institui parochiæ in urbibus cœperint, sed eo dumtaxat sensu quod antea nondum institutas constet. Cæterum nequaquam affirmat statim ubique sub initium undecimi sæculi exortas; sed aliqua ex tunc reperiri in monumentis urbanarum parochiarum rudera; unde paulatim tractu temporis propagatum institutum, et inditam, quæ ipsi propria nunc atque essentialis est, formam. De qua urbicarum parœciarum post annum 1000 origine, disserentem ipsummet Marium Lupum, pro rei gravitate, visum est subsequenti paragrafo adducere.

§ IV.

Parochiarum in civitatibus episcopalibus post annum 1000 exordia.

« Urbanarum parochiarum primum indicium, ac veluti lineam
« menta quædam et rudimenta, adhuc tamen prorsus imper-
« fecta, in urbe et concilio Lemovicensi anni 1032 deprehen-
« disse mihi visum est. In eo enim, secus ac superioribus
« conciliis, quibus identidem confirmata et asserta fuit antiqua
« disciplina, ut vidimus, eadem cœpta est relaxari, et primum
« in nonnullis huc pertinentibus ab antiquioribus institutis
« deviatum fuit. Generatim quippe patet hujus concilii Patres
« novitatis amantes fuisse. Longa enim præmissa oratione
« exilibus prorsus rationibus suadere conantur, canones esse
« temporibus atque regionibus aptandos. Quo quidem satis
« aperte declarant, in iis quæ postea decrevere, nullam se
« antiquarum constitutionum rationem habuisse; idque revera
« tum in aliis, tum in iis quæ subjiciam liquet. Cum (ses-
« sione 2) a clericis episcopalis sedis, idest, cathedralis Lemovi-
« censis canonicis delatum fuerit ad hoc concilium, tanquam
« novum aliquid et canonibus contrarium, quod solemne cele-

« braretur baptismus in insigni monasterio sancti Martialis; con-
 « tendentibus non alibi quam in cathedrali ministrari debere;
 « sancitum fuit ut in dicto monasterio, et in aliis ecclesiis, ubi
 « mos iste recenter introductus fuerat, in Paschate et Pente-
 « coste celebraretur, *ita tamen ut major numerus baptizan-*
 « *dorum sit apud majorem ecclesiam, ubi honestius paschalis*
 « *ordo perficitur.* Deinde iidem clerici conquesti sunt de *prædi-*
 « *catione ad populum et de indicandis jejuniis et litanis,* con-
 « tendentes quod hæc apud cathedralem dumtaxat deberent
 « peragi et edici. Nihilominus secus Patres illi decreverunt,
 « cum hisce tamen limitationibus : *Si talia sine Sedis consultu,*
 « *necessitate, non temeritate vel (quod absit) typo superbiæ, ab*
 « *alia ecclesia instituta fuerint, nihil est quod indignentur clerici*
 « *Sedis.* Tamen *ita cuncta concordantia moderentur, ut pax et uni-*
 « *tas Sedem inter et alias ecclesias permaneat inconvulsa....* His
 « itaque indulgentiis et concessionibus primum in Galliis vi-
 « detur strata via ad parochiarium in urbes inductionem. In
 « Italia autem etiam hæc aliaque hujusmodi, sed paulo serius
 « intentata a minorum sacrarum ædium presbyteris fuere.
 « Verum cathedralium ecclesiarum canonicis enixius obsisten-
 « tibus, et Episcoporum summorumque pontificum auctori-
 « tatem implorantibus..., illorum ausus retunduntur... Verum
 « hic etiam in plerisque urbibus tandem invaluit, ut eorum
 « pleraque extra cathedralem peragerentur; et tunc demum
 « quædam parochiales evasere et appellatæ sunt ecclesiæ...
 « Occasionem autem si quæras tantæ pedetentim consecutæ
 « in antiqua disciplina immutationis, et Episcoporum conni-
 « ventiæ, ac majorum clericorum patientiæ, hanc non multum
 « dissimulem.... Primum nempe crebra schismata quæ sæculo
 « præsertim uudecimo et duodecimo viguere, ita ut... non-
 « nulli tum clerici tum laici cum Episcopis, quos schismaticos
 « judicabant, non communicarent, ideoque a cathedrali refu-
 « giebant. Deinde tunc Episcoporum complures electi solum-
 « modo et nondum episcopalibus sacris initiati erant, diuque
 « ita permanebant, aut a suis aberant ecclesiis; quare sacra

« ministeria obire nequibant. Plerique etiam majorum clerici
 « eorum sacris carebant ordinibus, et paucissimi presbyteri-
 « ratus ordine insigniti erant; quin ipsimet quandoque qui
 « archipresbyteralem in cathedralibus dignitatem obtinebant
 « ne presbyteri quidem erant.... Pleraque propterea eorum
 « quæ pertinebant ad sacramentorum ministrationem, prædi-
 « cationem et alia hujusmodi, quæ antiquitus ab ipsis Epi-
 « scopis ut plurimum, aut a cathedralium archipresbyteris,
 « cæterisque de eorundem mandato presbyteris præsta-
 « bantur, vix amplius in cathedralibus peragi poterant. Atque
 « adeo facile utique, nemine tandem contradicente, in pluri-
 « bus civitatibus usu receptum fuit, ut in aliis minoribus
 « ecclesiis hæc legitime peragerentur, accepta tamen ab
 « Episcopis ea exerceudi facultate, et cura (ut recentiores
 « loquuntur decretales) *animarum*. » (Marius Lupus, *de Pa-
 ræciis ante annum 1000*, dissert. 2, cap. 10.)

Nota. — Dominus Lequeux, in suo *Manuali compendio ad
 usum seminariorum* (tom. 1, pag. 510, edit. 1850), asserit
 constitutos fuisse parochos primum in majoribus urbibus, deinde
 etiam in minoribus, et ruri tandem. Atque id non tantum nullo
 firmat probationis adminiculo, sed ne præmonet quidem se-
 minariorum alumnos, ab eruditis pro explorato haberi cou-
 trarium; inductos scilicet primum fuisse ruri parochos, postea
 vero in civitates. Et pariter absque ulla probatione ibidem
 junioribus clericis obtrudit, parochos urbicos quasi senatum
 Episcopi efformasse; quod falsum infra ostendimus. Cum autem
 citato auctori solitum sit per modum meri asserti erronea
 congerere, non miretur lector, in his nostris tractationibus
 ab eo confutando abstineri.

CAPUT VI.

PAROCHI NEQUAQUAM SUNT 72 DISCIPULORUM SUCCESSORES.

Præcipuum attingimus fundamentum, quo erroneum niti-

tur de divina parochorum institutione systema. Quod fundamentum nequaquam solidum esse, sed inane prorsus ac chimericum, sequentibus paragraphis ostenditur.

§ I.

Septuaginta duo discipuli non fuerunt parochi, neque etiam imago aut typus parochorum quatenus taliam.

Ex evangelistis solus est sanctus Lucas, qui 72 discipulos memoret; cujus hæc sunt verba : *Post hæc autem designavit Dominus et alios septuaginta duos; et misit illos binos ante faciem suam in omnem civitatem et locum quo erat ipse venturus. Et dicebat illis : messis quidem multa, operarii autem pauci : rogate ergo dominum messis, ut mittat operarios in messem suam. Ite : ecce ego mitto vos sicut agnos inter lupos... Curate infirmos... Et dicite illis : Appropinquavit in vos regnum Dei... Reversi sunt autem septuaginta duo cum gaudio, dicentes : Domine, etiam dæmonia subjiciuntur nobis in nomine tuo.* (Cap. 10 evangelii secundum Lucam.) Quænam fuerint istorum 72 duorum discipulorum nomina, ignotum remansit : Quod vero (ait Eusebius, *Historia eccles.*, l. 1, cap. 14) *ad septuaginta discipulos attinet, eorum series nullibi præscripta reperitur.* In actibus apostolorum recurrit quidem non semel de discipulis sermo; sed ita ut vox illa generatim designet eos omnes, viros et mulieres, qui christianæ fidei nomen dederant. Nihil autem indicat sauctum Lucam, dum in actibus apostolorum de discipulis loquitur, agere de illis 72, quos in evangelii sui capite 10 memoravit. Certum autem est septem primos qui diaconi ordinati sunt, assumptos fuisse *ex discipulis* : an autem præcise ex 72 illis quos memorat sanctus Lucas capite 10 sui evangelii, rigore probari nequit, deficientibus monumentis; licet valde probabile sit aliquos saltem ex ipsis de eorum numero assumptos fuisse, quos miserat Christus *binos ante faciem suam, in omnem civitatem et locum, quo erat ipse venturus.*

His prænotatis, facile est determinare cujus naturæ fuerit septuaginta duorum discipulorum institutio, et quid de ea tanquam certum asseri queat.

1° Fuit certe ea institutio divina, siquidem Christus ipse discipulos illos designavit et misit.

2° Ea institutio non fuit perpetua, sed temporaria; ita ut missio potius quam institutio dicenda sit. Non enim dicuntur missi ad aliud, quam ut annuntiarent in civitatibus et aliis locis Judææ, quo Christus venturus erat, proximum ejus accessum; atque ut ibi dicerent, appropinquare regnum Dei. Prædicatio autem Christi per varias Judææ civitates temporaria fuit; item *appropinquare regnum Dei* non potuit dici, nisi per aliquod tempus; siquidem expleto per mortem et resurrectionem Christi redemptionis opere, et constituta Ecclesiæ forma, stabilitum in terris fuit regnum illud, quod jamjam vicinum et immuens prædicare debuerunt 72 discipuli. Unde ea missio magis accedebat ad naturam illius, quam expleverunt Prophetæ, et præsertim Joannes Baptista; referebatur nempo adhuc ad Christum venturum.

3° Per hujusmodi missionem 72 minime constituti sunt presbyteri; siquidem presbyteratus potestatem nulli, nec ipsi etiam Apostoli, ante cœnam Dominicam acceperunt: in illa autem cœna non adfuere 72 discipuli. Ergo 72 discipuli, quamvis ad prædictam temporariam missionem adhibiti, in statu laicali nihilominus remanserunt. Si autem admittatur aliquos ex ipsis postea ab Apostolis ordinatos fuisse diaconos, magis adhuc patet eos nullatenus presbyteros antea et ex institutione Christi extitisse.

Jam vero sic determinata de 72 discipulis genuina notione, omnino evincitur eos nec parochos fuisse, nec parochorum typum gessisse.

Parochialis enim officii essentia, consistit in commissa aliqujus plebis spirituali cura, per catechisationem et sacramentorum administrationem exercenda, loco Episcopi et sub ipsius auctoritate. Hujusmodi autem cura secum infert: 1° ad

determinatam plebem curandam missionem seu deputationem; 2° potestatem et obligationem huic plebi impertiendi instructionem et sacramenta, sive per se, sive saltem per alios; 3° officium permanenter commissum, saltem donec revocetur, non autem uno aut altero transitorio actu explendum. Atqui officium 72 discipulorum omnino fuit diversum. Nulla enim ipsis singulis assignata est plebs cujus curam spiritualem ageret; sed missi sunt tantum ut quasdam civitates et loca peragrarent, ibique venturum Christum prænuntiarent. Nec ipsis commissum fuit officium sacramenta ministrandi; tum quia nondum instituta fuerant sacramenta; tum quia nec ipsi nec alii sacris adhuc ordinibus fuerant initiati; unde nec per se nec per alios poterant sacramenta ministrare. Nec officium habuerunt aliquam populi portionem doctrina christiana imbueri, sed tantum adventum Christi et regni Dei transcundo præmonere. Et tandem non permanens officium ipsis commissum est, sed una peregrinatione explendum et absolvendum. Ergo omnino falsum est ipsos fuisse parochos.

Sed nec typum futurorum postea parochorum exhibent. Nam sive consideretur officium ipsis commissum, sive modus quo illud explere jussi sunt, sive potestas qua instructi sunt, non reperitur ulla cum parochis specialis similitudo. Officium enim, ut diximus, omnino fuit diversum. Quoad modum autem illud explendi, adverti potest illos missos fuisse *binos* pari scilicet potestate; qua norma nec hodie nec unquam constituti fuerunt parochi; item jussi sunt abstinere a sacculo et a pera, de quo certe parochialis institutio nullum ipsi proprium et speciale vestigium exhibet. Si vero de potestate agatur, ea fuit patratorum miraculorum; curandi nempe morbos et dæmonia ejiciendi. In similitudinem autem hujus potestatis nihil agunt parochi, quod sit ipsorum institutioni proprium; sed idem et prædicatores et confessores, licet non parochi, pariter præstant.

Unde potius allegari posset aliqua specialis similitudo 72 discipulorum cum missionariis, qui nulli plebi addicti, va-

rias peragrant regiones, easque divino verbo informant; vel cum illis monachis, qui paupertatem profitentes, bini et bini, ex instituti sui regula, jubentur procedere.

Si vero agatur de similitudine, ex inferiori gradu desumpta, quem obtinuerunt 72 discipuli relative ad 12 apostolos, utique typum gesserunt totius sacerdotii secundi ordinis, seu totius secundi gradus hierarchiæ divinitus institutæ; quam constare *Episcopis, presbyteris et ministris* de fide est, et a Tridentina synodo definitum. Quemadmodum scilicet inter eos, quorum opera jam tunc utebatur Christus, priori loco 12 Apostoli conspiciuntur, posteriori autem 72 discipuli, ita in hierarchia divinitus instituta, superioris ordinis sacerdotium in Episcopis, inferioris autem in presbyteris reperiri, tenet doctrina catholica. Et sub hoc respectu verum est, et a tota traditione admissum, per 72 discipulos sacerdotes secundi ordinis, presbyteros nempe, fuisse quodammodo adumbratos (1). At vero bene advertatur similitudinem hanc æque attingere presbyteros omnes, sive parochi sint sive non, utpote quæ in ipsam presbyteratus ordinem, dignitatem et gradum, non vero in parochialitatis officium, cadit. Unde revera figmentum adstruunt, qui 72 discipulos volunt, aut parochos fuisse, aut parochorum typum.

§ II.

Parochi, quatenus tales, non sunt ullo modo, et a fortiori non sunt ex institutione divina, successores 72 discipulorum.

Probatur 1º, ex eo quod 72 discipuli non fuerint parochi. —

(1) Sic habet glossa in versiculum 1 capitis 10 evangelii secundum Lucam: *Sicut in Apostolis est forma Episcoporum, sic in 72 est presbyterorum. Secundi ordinis septuaginta duo mittuntur, qui totidem linguarum gentibus evangelium prædicarent.* Glossa hæc, quæ totius veteris scholæ communem persuasionem et doctrinam exhibet, non parochos, sed *presbyteros* asserit in 72 discipulis fuisse adumbratos.

Nam si verum sit, quod in superiore paragrapho palam facere conati sumus, præfatos nempe discipulos, nec parochos fuisse, nec parochorum etiam typum gessisse, consequens est parochos quatenus tales nullatenus haberi posse tanquam eorum successores.

Probatur 2º, *ex eo quod per aliquot sæcula nulli in mundo extiterint parochi*. — Si enim parochi essent institutionis divinæ, ea institutione nullo tempore caruisset Ecclesia. Necessary nempe forent parochi ad hierarchiæ divinitus institutæ integritatem; qua integritate et essentiali forma sua, si quando destituta reperiretur Ecclesia, corruisset ex parte, atque a divino fundatore suo derelicta fuisset, quod dici nefas est. Illud cæteroquiu consecrarium ipsinet parochistæ seu janse-nistæ libenter admittunt; necesarios in Ecclesia esse parochos, non secus ac Episcopos, inde concludentes, quod divinæ institutionis sint. Ergo si probetur aliquando in Ecclesia nullos extitisse parochos, actum erit de prætensa eorum divina institutione, qua a Christo constituti asseruntur, per ipsammet 72 discipulorum institutionem. Porro superius probatum est, prioribus Ecclesiæ temporibus nullos in mundo extitisse parochos, et per decem sæcula ea institutione caruisse civitates episcopales; ergo revera parochi nec sunt institutionis divinæ, nec ex institutione divina 72 discipulorum successores.

Probatur 3º, *ex tota traditione*. — Nam, ut in sequentibus paragraphis patefacimus, asserit quidem traditio secundi ordinis sacerdotes, id est presbyteros, in 72 discipulis fuisse quodammodo adumbratos; ast illud asserit de presbyteris quatenus presbyteris, non quatenus parochis.

§ III.

Traditionis monumenta, quo ad presbyteros, non veram 72 discipulis successionem, sed quamdam dumtaxat institutionis similitudinem adstruunt: quoad parochos vero, ne similitudinem quidem institutionis cum 72 discipulis demonstrant.

Hic evertendum occurrit achilleum parochistarum argu-

mentum. Ipsi nempe, ut evincant parochos 72 discipulis, ex institutione divina, successisse, ad traditionem fidenter appellant, et documenta congerunt, quæ sibi aperte favere contendunt. In quo prorsus eos hallucinari ut luce meridiana clarius pateat, ea ipsa monumenta, quæ ab ipsis proferri solent, singillatim recenseamus; et de unoquoque expendamus, num vel minime intentum eorum adstruat.

DOCUMENTUM I. — In epistola secunda sancti Anacleti Papæ (id est, ab Isidoro Mercatore huic Pontifici falso attributa), sic legitur: *Videntes autem ipsi Apostoli messem esse multam, et operarios paucos, rogaverunt dominum messis ut mitteret operarios in messem suam. Inde electi sunt ab eis septuaginta duo discipuli, quorum typum gerunt presbyteri, atque in eorum locum sunt constituti in Ecclesia.* Quamvis in falsas decretales, ab Isidoro Mercatore invecas, tanto æstu soleant declamare jansenistæ et parochistæ, cum tamen textum summa cura et veluti reverentia in medium adducunt; existimantes nempe aliquid inde patrocini errori suo de divina parochorum institutione colligi posse. Et quidem citatio illa, sicut pleræque aliæ ejusdem Isidori, quæ falsæ dicuntur, licet Anacleto Papæ, ac proinde primo sæculo indebite adscripta, non omni auctoritate caret; cum aliunde alicujus sit antiquitatis. Ast certe parochistis nullo modo patrocinator. Nam 1° ibi dicitur presbyteros *gerere typum* 72 discipulorum, quod idem est ac dicere ad *similitudinem quamdam* præfatorum discipulorum institutos fuisse presbyteros. Unde cum additur *in eorum locum sunt constituti in ecclesia*, id intelligendum venit, non eo sensu quod idem fuerint 72 discipuli et subsecuti presbyteri, sed eo sensu quod priores *typus* fuerint posteriorum, et posteriores *similitudo quamdam* priorum: non ergo plus ibi asseritur, quam in thesi nostra posuimus. 2° Atvero corrui omnino parochistarum deductio, si attendatur ibi agi de 72 discipulis *ab Apostolis* electis, non vero de 72 quos elegerat ipse Christus. Ergo etiamsi his 72 vere successissent presbyteri, non sequeretur, vi illius textus, eos esse institutionis divinæ, sed tantum institutionis

apostolicæ. 3° Tandem ibi agitur de presbyteris, de omnibus scilicet, sive sint, sive non sint parochi; agitur nempe de toto ordine presbyteratus, nullatenus autem de officio parochiali; ita ut ne minimo quidem signo innuatur sermonem esse de parochis. Ergo somniant parochistæ, dum hunc textum, quasi de parochis ageret, allegant. Nec dicant omnes presbyteros olim fuisse parochos; quia contrariam propositionem, nempe prioribus ecclesiæ temporibus nullum presbyterum parochum fuisse, supra probavimus. Et certe in civitatibus episcopalibus perpetuo extitit, Episcopo adhærens, cætus presbyterorum; quorum tamen nullus per mille annos parochus fuit, ut etiam supra ostendimus. Ergo allegata decretalis non probat parochos ex institutione divina successisse 72 discipulis, cum in ea de parochis nullatenus agatur; nec etiam probat presbyteros successisse 72 discipulis a Christo institutis, cum non de iis discipulis, sed de aliis apostolica auctoritate electis sermo sit; nec probat presbyterorum quoad hos posteriores discipulos veram successionem, cum dicatur tantum, presbyteros eorum discipulorum *typum gerere*.

DOCUMENTUM II. — In ejusdem Papæ Anacleti epistola tertia sic occurrit: *Ordo sacerdotum bipartitus est; et sicut Dominus illum constituit, a nullo debet perturbari... Episcopi vero, Domini Apostolorum; presbyteri quoque septuaginta discipulorum locum tenent*. 1° Textus ille nihil juvat parochistas, cum agat de presbyteris omnibus, de toto scilicet presbyteratus ordine; non vero de parochis, aut officio parochorum proprio. 2° Nec probat presbyteros proprie successisse discipulis, ita ut discipuli habuerint presbyteralem characterem et potestatem, in quibus postea presbyteri successerint. Id enim concludi tantum posset, ex eo quod dicantur presbyteri *locum tenere* discipulorum, sicut *Episcopi Apostolorum*. Atqui inde concludi nequit. Nam Episcopi Apostolis quidem vere et proprie successerunt quoad episcopatum, non autem quoad apostolatam. In Apostolis scilicet, præter potestatem et characterem episcopalem, alia fuit potestas cum ipsis transitura, et in Episcopos

(excepto successore Petri, qui in omni moda Petri potestate successit) non derivanda, apostolatus nempe. Unde considerato tantum apostolatu, dici potuit, sicut Episcopi Apostolorum, *ita* presbyteros discipulorum *locum tenere*, quin tamen presbyteri vere discipulis successerint, id est, quin discipuli fuerint presbyteri, et tantum quemdam typum futurorum presbyterorum prætulerint.

DOCUMENTUM III. — Venerabilis Beda sic habet (in evang. sancti Lucae, lib. 3, cap. 10) : *Sicut duodecim Apostolos formam Episcoporum exhibere simul et præmonstrare nemo est qui dubitet; sic et hos septuaginta duos figuram presbyterorum, id est, secundi ordinis sacerdotum, gessisse sciendum est.* 1° Mirum est parochistas ad hunc textum recurrere, cum expresse loquatur de presbyteris, non quatenus parochiali officio fungentibus, sed quatenus sunt *secundi ordinis sacerdotes*. Omnes certe presbyteri, quamvis curam parochialem non habentes, sunt secundi ordinis sacerdotes; et sicut hodie multi exstant ejusmodi presbyteri non parochi, ita in tota retro antiquitate quamplurimi extitere; imo prioribus ecclesiæ temporibus multi fuerunt presbyteri, nulli autem in toto mundo parochi; et per mille annos in civitatibus magna presbyterorum multitudo extitit, nullis adhuc ad parochi officium deputatis, ut supra fuse ostendimus. 2° Sed neque probat venerabilis Bedæ textus, presbyteros 72 discipulis proprie successisse; siquidem dicit tantum eos 72 discipulos *figuram presbyterorum* extitisse. Dum autem pariter asserit Apostolos *formam* (quasi diceret *figuram*) *Episcoporum* exhibuisse, id restringendum est ad ea quæ fuerunt apostolatui propria : nam si agatur de episcopatu, vere Apostolis quatenus Episcopis successere subsequeutes omnes Episcopi; unde quoad episcopatum, seu sacerdotium primi ordinis, Apostoli non figura tantum fuerunt Episcoporum, sed veri eorum prædecessores; ita ut non ad *similitudinem quamdam* episcopatus, qui in Apostolis fuit, institutus sit Episcoporum ordo, sed ut eundem ipsum episcopatum, qui

in Apostolis prius extiterat (cum apostolatu conjunctus), habuerint creati postea Episcopi.

DOCUMENTUM IV. — In capitulari Theodulphi Aurelianensis Episcopi, anni 797, capite 1, sic legere est : *Sicut enim Episcopi Apostolorum in Ecclesia, ita nimirum presbyteri cæterorum discipulorum Domini vicem tenent. Et illi tenent gradum Summi Pontificis Aaron; isti vero filiorum ejus. Unde oportet vos* (presbyteros alloquitur) *semper memores esse tantæ dignitatis, memores vestræ consecrationis, memores sacræ quam in manibus accepistis unctionis.* 1° Ibi luce meridiana clarius agitur, non de parochis tantum, sed de omnibus qui sacrum presbyteratus ordinem acceperunt; consecrationem nempe, et sacram in manibus unctionem. Unde parochistæ admittere debent, vel omnes ordini presbyteratus initiatos, hoc ipso esse parochos (quod sicut hodie, ita in tota retro antiquitate falsum esse ostendimus), vel 72 discipulis successisse omnes presbyteros, quatenus presbyteros, non autem parochos quatenus parochi sunt. Unde textu illo nihil juvatur parochistarum systema. 2° Sed neque ibi agitur de vera successione; ast solum de institutione *ad similitudinem*. Quod patet ex eo quod eodem modo presbyteri dicantur successisse filiis Aaron. Prorsus certe diversa est potestas presbyterorum novæ legis, ab ea quam exercuerunt filii Aaron, qui fuerunt tantum umbra et figura futurorum. Unde illæ omnes, quæ apud Patres occurrunt, memoratæ Apostolos inter et Episcopos, presbyterorumque cum 72 discipulis similitudines, in id intendunt, ut pestiferam Arianorum hæresim, quæ presbyteros Episcopis æquabat, omnino conterant; ad quod intentum, sæpe sæpius inculcant, non unius ordinis extare in ecclesia sacerdotium, sed duplicis: *primi* nempe et completi *ordinis* in Episcopis, *secundi* vero, et partialis, et inferioris in presbyteris. Ad quam inferioris presbyterorum sacerdotii explanandam veritatem catholicam, memorant circa Christum in superiori gradu stetisse Apostolos, in inferiori discipulos. Atque ita tota vis harum similitudinum,

in hanc sacerdotii superioritatem et inferioritatem ostendendam dirigitur.

DOCUMENTUM V. — In homilia quadam, quæ Leoni Papæ IV tribuitur, et ad annum 847 refertur, similia occurrunt. Eam homiliam, cum variantibus (ex editione scilicet Labbæi, ex alia Martenii, et ex Lucensi codice) habes apud Mansi (tomo 14, pagina 889, editio Veneta). Cum autem prædicta homilia in Pontificale romanum transierit, ubi (sub rubrica *Ordo ad synodum, tertia die*) tanquam exhortatio ab Episcopo ad synodum facienda reperitur, eam ex textu prædicti libri Pontificalis citabimus: *Fratres dilectissimi et sacerdotes Domini, cooperatores nostri ordinis estis. Nos, quamvis indigni, locum Aaron tenemus, vos autem locum Eleazari et Ithamari. Nos vice duodecim Apostolorum fungimur, vos ad formam septuaginta duorum discipulorum estis. Nos pastores vestri sumus, vos autem pastores animarum vobis commissarum. Nos de vobis rationem reddituri sumus summo pastori nostro Domino Jesu-Christo, vos de plebibus vobis commendatis. Et ideo, fratres, videte periculum vestrum, etc.*

Porro neque hic textus parochistas juvat. Nam 1° nequit inde concludi presbyteros proprie successisse 72 discipulis. Nam dicuntur tantum *ad formam* septuaginta duorum instituti. 2° A fortiori non probat ille textus parochos dictis 72 successisse. 3° Sed neque probat parochorum, quatenus talium, cum 72 discipulis similitudinem. Nam verum quidem est orationem illam synodalem, quæ initio generatim ad *sacerdotes Domini* dirigitur, uno eodemque tractu postea curatos commemorare; cum eos alloquatur, quibus *animæ commissæ, plebes commendatæ*. Unde et concedimus eam formulam, *vos ad formam 72 discipulorum estis*, ad istos etiam curatos extendi. At dicimus non extendi ad ipsos *quatenus curatos*, sed quatenus *presbyteros*. Et ratio in promptu est: nam similitudo hæc cum 72 discipulis in hoc ipso textu affirmatur de omnibus presbyteris: unde cum applicatur etiam parochis, dicendum ipsis applicari quatenus presbyteris, non autem ob parochiale officium. Et confirmatur ex alio ejusdem libri Pontificalis textu

(sub rubrica de ordinatione presbyteri), ubi de presbyteris dicitur: *Vos quidem in 70 viris et senibus signati estis... In novo testamento Dominus 72 elegit*, etc. Tota præterea traditio, ut vidimus, similitudinem illam cum 72 discipulis asserit de presbyteris, quatenus presbyteris; ut proinde hoc ipso excludat, eandem similitudinem esse parochis, quatenus parochis, propriam.

DOCUMENTUM VI. — Concilio Toletano II, anni 531, subnectitur epistola quædam Montani Episcopi, in qua sic legere est: *Revolvatur manibus vestris, o presbyteri, sacratissimus Numeri liber, in quo vestri officii in 70 seniorum personis auspiciatus est honor, et invenietis quorum negotiorum vobis prærogativa concessa est. Adjutores vos Dominus nostri laboris secundo gradu esse voluit, non temeratores sacrarum quarundam rerum permisit*. Nil juvenis parochistarum systemati ex hoc textu cedere, per se patet. Nam 1° ibi de parochis nihil asseritur. 2° Presbyteris autem tribuitur, non proprie dicta in locum 72 discipulorum successio, sed dumtaxat quædam cum 70 veteris testamenti senibus similitudo.

DOCUMENTUM VII. — Leo Papa III: *Hæc omnia illicita sunt chorepiscopis, qui ad exemplum et formam 70 discipulorum esse noscuntur; vel presbyteris, qui eandem gestant formam* (vide textum inter opera sancti Leonis, epistola olim 88). Ibi pariter nullum de parochis verbum. Presbyteri autem asseruntur, non quidem 72 discipulis proprie successisse, sed eorundem formam gestare.

DOCUMENTUM VIII. — Glossa ordinaria in caput 10 evangelii sancti Lucæ: *Sicut in Apostolis est forma Episcoporum, sic in duo et septuaginta forma est presbyterorum*. Etiam hic, de parochis nihil: de presbyteris, cum 72 discipulis solita similitudinis dumtaxat commemoratio.

DOCUMENTUM IX. — Riculphi, Suessionensis Episcopi, constitutio, capite 1: *Attendite ergo quia nobiscum sollicitudinem gregis dominici percipistis, et in sacerdotali ministerio secundi ordinis et dignitatis locum possidetis. Et sicut nos, licet im-*

meriti, Apostolorum vices in hac ecclesia agere debemus, ita et vos quoque septuaginta duorum discipulorum nobiscum ministerium in hac plebe exercere oportet. Nam et in veteri legere Moyses et Aaron locum summi Pontificis tenuerunt, et filii quoque Aaron officium sacerdotale in secundo gradu sortiti sunt. Ad vos enim plebium pertinet cura et sollicitudo, et ex vobis pendet eorum salus, utilitas et animarum profectus. Respondemus : 1° de presbyteris, etiam non parochis, vero sensu dici potest ad ipsos plebium curam pertinere; quia nempe, licet non constituentur parochi, possunt et solent ad prædicandum, audiendasque confessiones, et alia ejusmodi munia, deputari. Imo et ut Episcopo in his auxilietur ordinantur. Unde perperam concluderetur ea citati textus verba, vos 72 discipulorum nobiscum ministerium in hac plebe exercere oportet, dici precise de parochis, quatenus parochis. Imo, ut supra probavimus, ante annum 1000, nullus extitit in civitatibus episcopalibus præter ipsummet Episcopum parochus. Et tamen ii sacerdotes, quibus constabat presbyterium Episcopi, vere in partem sollicitudinis gregis dominici vocabantur; quia nempe Episcopus, modo hunc, modo illum, in explendis pastoralis officii muniis sibi, prout opus erat, substituebat. Unde allatus textus non probat parochos, quatenus tales, 72 discipulis successisse. 2° Quod autem sacerdotes secundi ordinis 72 discipulorum ministerium exercere ibidem asserantur, id non necessario proprie dictam successionem arguit, quasi revera 72 discipuli a Christo fuerint ordinati presbyteri; sed de mera institutionis similitudine explicari commode potest.

DOCUMENTUM X. — Hincmarus Rhemensis Episcopus (tom. 2 ipsius operum, pagina 769) : *Sicut Dei virtus Christus et Dei sapientia ordinem et dignitatem Apostolorum et septuaginta discipulorum, in carnis præsentia, distinxit;... ita idem ipse... ordinem et dignitatem Episcoporum (qui locum in Ecclesia tenent Apostolorum), et presbyterorum (qui subrogantur loco septuaginta discipulorum), et in administratione et in honore (sicut in veteri testamento, inter summos pontifices et inter minoris ordinis sacer-*

dotex) discrevit. Ibi certe nihil de parochis. Asserta autem *subrogatio presbyterorum loco 72 discipulorum*, de toties dicta institutionis similitudine intelligi potest.

DOCUMENTUM XI. — Hugo a sancto Victore (apud Cardinalem la Luzerne, *Droits et Devoirs des Evêques*, pag. 217, edit. Migne) : *Sicut in Apostolis forma est pontificum, ita in duo et 70 discipulis forma est presbyterorum secundi ordinis*. Nec ibi quidquam de parochis : de presbyteris vero asserta solita cum 72 discipulis similitudo.

Citato loco præfati operis Cardinalis de la Luzerne videri possunt nonnulla alia documenta, a parochistis exhiberi solita : textus nempe nonnulli Petri Lombardi, Gratiani, Fulberti Carnotensis Episcopi, Joannis XXII, et sancti Thomæ. Sed quibus omnino quadrant jam allatæ responsiones.

En ergo in quo stet toties recantatum illud parochistarum ex traditione argumentum. Quo certe id solum evincitur, ipsos, dum talia promunt, suis se manibus præfocare. Legantur et relegantur ejusmodi ab ipsis allata documenta, et si quæ alia similia reperiri possint ; et semper reperietur similitudinem cum 72 discipulis affirmari de presbyteris quatenus presbyteris, nunquam de parochis quatenus parochis. Semper nempe reperietur in antiquis monumentis considerari, ordinem presbyteratus, non vero parochialitatis officium, quando asseruntur secundi ordinis sacerdotes *ad formam 72 discipulorum* fuisse instituti. Unde plaue mentiuntur parochistæ quando audacter affirmant, traditionem parochis proprium facere, quod sint 72 discipulorum successores ; et inde concludunt parochorum institutionem esse juris divini, eorumque jurisdictionem ab ipsomet Christo ipsis immediate profluere.

Quam doctrinæ pestem atque erroris monstrum paucis hisce verbis conclusit Juvenin, auctor merito a Sede Apostolica damnatus : *Verum si curati sint successores septuaginta duorum discipulorum, necessario sequitur eos esse ex immediata Christi institutione ; eos suam ab ipsomet Christo jurisdictionem habere ; nam ab ipso immediate electi sunt 72 discipuli, ab ipsomet missi sunt*

ad opus evangelicum. Ex hoc autem Juvenini argumentatione intelligat lector, cur parochistæ tanto nisu propugnent prætensam illam parochorum a 72 discipulis genesim; nec nobis exprobet, quod confutando tam aperto errori aliquantisper immoremur.

Sed numquid, inter recentiores saltem doctores, nullos systematis sui patronos habent? Utique habent totum, qua late per orbem invaluit, Jansenisticum agmen; habent Sorbonam; habent et Sorbonæ decus, Gersonem. « Gerson (ait Cardinalis « de la Luzerne, *Droits et Devoirs des Evêques et des prêtres*, « pagina 230, edit. Migne) est le premier qui ait soutenu, au « quinzisième siècle, que la place des soixante et douze discipules est occupée par les seuls curés. » Quanti autem facienda sit Sorbonæ et Gersonis auctoritas (de Jansenistis enim quæstio esse nequit), sub sequenti paragrapho expendimus.

§ IV.

Auctoritas doctorum, qui admisserunt parochorum a 72 discipulis ex divina institutione derivationem, vim probandi non habet.

Fatemur ab asserta in superioribus paragraphis doctrina prorsus dissentire Gersonem, celebremque Sorbonam, et insignes Parisiensis facultatis doctores plurimos. Ast num merito eorum hac in re auctoritas objici valeat, tantisper expendamus.

I.

Num merito objiciatur Gersonis auctoritas.

Non ii sumus, qui virum illum nominibus *magni, doctissimi et piissimi* unquam salutabimus; quem potius rei catholicæ exitialem extitisse existimamus, cum multis vere piis et orthodoxis auctoribus; inter quos sic Nardi (*dei Parochi*, tom. I, p. 289): « Gerson, cui verum nomen Joannes Carlier, anno 1363 in

« Pago Gerson, diœcesis Rhemensis, natus, e vivis autem sub-
 « latus anno 1429, vir fuit ardentis atque fanaticæ indolis;
 « qui Ecclesiæ Dei non parum exitio fuit, infensis suis in
 « Sedem Apostolicam et principum temporalium auctoritatem
 « opinionibus: cujus opinandi audacia impulsum dedit, quo
 « Gallia dein ad schismatis oram deducta est... Ab ipso nempe
 « sparsa semina, quæ Lutheri postea reformationem, Janse-
 « nismum, et Gallicam revolutionem germinarunt. »

Quantum ab orthodoxa doctrina aberraverint, circa aucto-
 ritatem Summi Pontificis, Gerson et Parisiensis Sorbona, pa-
 lam faciunt eorum conclusiones in concilio Constantiensi pro-
 positæ et rejectæ, quæ referuntur apud d'Argentré (*Collectio
 judiciorum*, tom. 2, pag. 199 et seq.); e quibus hæc pauca
 transcribimus : « Ecclesia militans, quam sacrum concilium
 « repræsentat, est magis necessaria quam Papa... Ecclesia est
 « melior quam Papa... est honorabilior quam Papa... est
 « fortior et potentior quam Papa; propterea quod scribitur
 « de ea, quod portæ inferi non prævalebunt adversus eam...
 « quæ portæ nunquam prævalent contra Ecclesiam universa-
 « liter, sed sæpe contra Papam... Ecclesia catholica est supra
 « Papam... Papa recipit summam potestatem ab Ecclesia
 « ministerialiter, quamvis illa potestas, sicut omnis alia pote-
 « stas, sit a Deo principaliter... Ecclesia universalis non habet
 « claves regni cœlorum a Papa; sed e contra Papa ab Eccle-
 « sia, quæ per electionem fecit ipsum in executione seu usu
 « clavium quoad membra etiam principalissima... Ecclesia
 « sufficienter congregata potest in multis casibus uti clavibus
 « sibi a Christo collatis, et Papam judicare, corrigere, et ex
 « justa causa deponere : patet, quia licet eripere gladium de
 « manu furiosi. Potestas enim quam habet Papa, non est ipsi
 « data ab Ecclesia ad destructionem, sed ad ædificationem...
 « Ex præmissis videtur posse elici, quod potestas Papæ sit
 « potestas Ecclesiæ, qua utitur nomine et vice Ecclesiæ. »

Ibi profecto totum orituri postea Febronianismi virus, et
 Pistoiensis conciliabuli damnata dementia. An pius et mode-

ratus fuerit Gersonius, æstimet lector ex furibuunda et seditiosa ipsius in cathedrali Parisiensi, contra bullam Alexandri V, declamatione : *Quis, aiebat, fecit libros Sextum et Clementinas, arrogantiam, superbiam, juris Ordinariorum usurpationem... in omnibus et per omnia concludentes? Exurgant Prælati Ecclesiæ, offerentes Deo sacrificium justitiæ, et has rapinas, furta, et latrocinia Romanæ curiæ dignentur penitus amovere.*

Aduotat Cardinalis Palavicinus, in sua *concilii Tridentini Historia* (lib. 1, c. 9, n. 7), opiniones Gersonii arma Luthero fuisse, in impuguanda Pontificia auctoritate.

Item Melancthonius, antequam ab Ecclesiæ unitate decideret, doctrinis Petri Alliaci, Oecami, et præcipue Gersonii sese eutruiverat.

Quis catholicus non abhorreat excessum, ne dicam ferocitatem, doctrinæ Gersonianæ, qua varios describit casus, quibus licitum facit Papam et regem cum ipsorum familia trucidare, ex principio residentis penes populum auctoritatis? Merito eum Allegre (*Theologia*, lib. xi, prop. 16) vocat virum *Romano Pontifici infensissimum, et novitatum in Ecclesia Dei inductorem.*

Merito censet P. Petit Didier, ordinis sancti Benedicti (*Dissertatio de concilio Constantiensi*, edit. Luxemburgi, pag. 3), dignum Gersonii opus quod *æterna oblivione sepeliatur, indignissimumque* virum illum cui fides adhibeatur in his omnibus quæ contra Romanam Sedem declamavit.

Merito P. Carrara Theatinus (*de Primatu Romani Pontificis*, pag. 243 edit. Ravennæ 1769) : *Gersoni, contra Papas fanatico, solitum etiam fuit in cæteris ad extrema prosilire : prout extremus fuit in sua erga sanctum Josephum devotione, de cujus immaculata conceptione volebat a concilio Constantiensi festum decreto sanciri; atque idem in reservationes omnes Pontificias furibundus prorupit.*

Forte tamen nimius protestaui Villiers (*Influence de la réformation de Luther*, Paris 1804), quando (pagina 125) revolutionis religiosæ choripheos in Gallia existimat Gersonem et

Richerium; et pagina 244 adnotat, viguisse in Gallia *semi-reformationem Lutheranam, sous le titre des libertés gallicanes.*

Magnam Gersonio famam, non ab ipsius doctrinæ valore ipsi conflata existimat Pegua (*della Riverenza ed onore alla Chiesa*, pag. 288, Romæ 1795), sed tum ex temporum quibus vixit obscuritate, tum ex cancellarii facultatis Parisiensis munere, tum præcipue quod ipsum laudibus summis extulerunt hæretici et alii anti-romani theologi.

Eum Bellarmius *erroneum* dicit in materiis quæ Ecclesiam Romanumque Pontificem et concilia respiciunt; nec voluit (in suo libro *de Scriptoribus eccles.*) ejus opuscula describere.

Non ergo inter graves et sanæ doctrinæ viros computandus Gerson; neque alia ejus sententiis concedi debet auctoritas, quam rationum et probationum quibus forte suffultæ reperiuntur.

Jam vero a Gersone affirmatum quidem fuit, parochos ex institutione divina 72 discipulis successisse; at quam inani seu potius nullo rationum auctoritatumve fulchro, mirabitur forte lector, cui nondum perspecta fuit illius viri audax in affirmando levitas: *Status curatorum*, inquit, *succedit statui septuaginta duorum discipulorum Christi quoad legem novam, et figuratus est in antiqua lege per levitas. Ac proinde status curatorum est de institutione Christi et Apostolorum suorum a principio foundationis Ecclesiæ; quæ institutio per declarationes Summorum Pontificum et synodorum, tam generalium quam specialium, magis ac magis innotuit* (1). *Status curatorum est de essentiali ac intrinseca Ecclesiæ hierarchia, sicut status Prælatorum, quamvis inferior sit et pro sua perfectione variabilior. Qua ratione curati simplices non æque proprie dicuntur sponsi sicut Episcopi, liberiusque per-*

(1) Nullam citat hujusmodi declarationem; et nulla revera extat qua institutionis divinæ dicantur parochi quatenus tales: nam sacerdotes secundi ordinis seu presbyteros, in 72 discipulis adumbratos fuisse, plura (ut supra vidimus) antiquitatis monumenta tradunt; ita ut ad formam predictorum discipulorum dicantur instituti presbyteri, id est, totus ordo presbyterorum, sive parochi sint, sive non. Unde patet divinam parochorum institutionem a Gersone, absque vel minima probatione, asseri.

mittuntur cedere vel renuntiare curis suis (1). Hæc transcripsimus ex opusculo de *Statibus ecclesiasticis* (tomo 2, pagina 534, editionis Ellies Dupin).

Pariter in suo sermone contra bullam *Regnans* Alexandri V, incredibili audacia ita affirmat, nullis adductis probationibus : *Domini curati sunt in Ecclesia minores Praelati* (2)... *Et hic complures extricantur veritates, ex quibus aliæ sequuntur ut per modum corollariorum : domini curati in Ecclesia minores Praelati sunt hierarchici, hoc est principales aut dominantes per primam institutionem Jesu-Christi : hoc fundatur in Evangelio (Luc. 10, cum glossis) et in jure canonico (dist. 68 et 13, q. 1)* (3). *Evangelium est bulla curatorum : sequitur quod de ordinatione essentiali et stabili sanctæ Ecclesiæ æque bene est status curatorum sicut ille Praelatorum, Cardinalium, Archiepiscoporum : imo vero, sicut status ipsius Papæ, quamvis non sit adeo perfectus. Sequitur Papam hunc statum destruere aut annihilare non posse; cum status ille, non ex sua proveniat positiva ordinatione, sed sine medio ex Dei auctoritate* (tomo 2, pagina 436, editionis ab Ellies Dupin concinnatæ). Cum ergo nulla probatione muniat Gerson parochorum a 72 discipulis, ex institutione divina, derivationem, cum aliunde scriptor ille erroribus scandalo plenis scateat, nulliusque proinde auctoritatis sit, immerito ipsius sententia in patrocinium adducitur.

Plus æquo forsân acriorem nonnullis videbitur in Parisinæ facultatis percelebrem cancellarium meum excurrisset calammum. At quodnam præcipuum sibi perpetuo Presbyterianismus Palladium fecit? Nonne Sorbonæ et ipsius cancellarii Gersonis auctoritatem? Cæterum memoria lector recolat

(1) Ibi etiã mera affirmatio, probatio nulla. Parochos autem ad *essentialem et intrinsecam Ecclesiæ hierarchiam* pertinere, mera fuit, et hucusque forte inaudita, a Gersono inducta novitas.

(2) Ea profert Gerson tanquam a facultate theologica Sorbonæ determinata.

(3) Hoc neque in evangelio fundatur, neque in glossa a Gersono citata (quam nos supra transcripsimus, ut contrarium probaremus), neque in jure canonico, sed in mero et gratuito Gersonis asserto et deliramento.

quid Gerson in Sedem Apostolicam moliri ausus sit, et me forsan molliorem, nedum acriorem comperiet. Bullam *Regnans* ediderat Alexander V : eam *universis Patriarchis, Archiepiscopis et Episcopis* direxerat. In ea errorum Joannis de Poliacō damnationem confirmabat, novasque alias erroneas propositiones ipse damnabat. Asserit autem Pontifex se mature cum Cardinalibus, *prout tanti negotii qualitas exigit*, rem vidisse et examinasse, et de *eorundem* Cardinalium consilio præfatas propositiones damuasse et reprobasse. Tum addit : *Volentes quod si quis deinceps prædictos articulos asserere, aut in scholis vel alibi glossare, defendere, seu tenere aut prædicare præsumperit, tanquam hæreticus sit censendus, et excommunicationem incurrat ipso facto, a qua nisi per Summum Pontificem, præterquam in mortis articulo, non possit absolvi...; invocato, si opus fuerit, auxilio brachii sæcularis.* (*Bullarium dominicanorum*, tom. 2, pag. 501, edit. Romæ 1730).

Porro Gerson non tantum huic Sedis Apostolicæ decreto non sese submitit, sed bullam publice, in sermone ad Parisiensem populum habito, confutavit, et solemne illud Summi Pontificis iudicium et errorum damnationem, ipse cum sua Sorbona per instrumentum publicum damnavit. In quo quam longe processerit ipsius arrogantia seu potius delirium, æstimet lector ex paucis quæ subjicimus fragmentis : *Patet quod de ordinatione et sanctæ Ecclesiæ gubernamine referendum sit principaliter ad sanctam Scripturam, quam ad leges civiles* (*Sermo contra bullam*, tom. 2, pag. 434, editionis Ellics Dupin) : ibi forte quis videbit initium quoddam systematis protestantiei, regulam controversiarum in textu Scripturæ sacræ ab unoquoque interpretandæ ponentis. At esto benigne intelligi possit dictum illud : quod subjungitur de universitate Parisiensi vix credibilis audaciæ est : *Apparet, inquit, quod ad universitatem Parisiensem, filiam regis, spectat secundum doctrinam de sanctæ Ecclesiæ judicare gubernamine* (loco citato).

Notetur ibi præfatæ universitati attribui, non tantum iudicium quoddam præparatorium, Sedi Apostolicæ subjectum,

atque de questionibus nondum a suprema Ecclesiæ auctoritate definitis, quæ revera competit doctoribus et theologicis facultatibus; sed iudicium independens a Summo Pontifice, et supra ipsas Sedis Apostolicæ definitiones : siquidem agitur de bulla dogmatica Alexandri V condemnanda et rejicienda ; quam de facto rejecit et condemnavit Gerson cum sua Sorbona. Dum ergo vult ad *Filiam Regis* pertinere potestatem judicandi de *Ecclesiæ gubernamine*, intelligit profecto potestatem judicandi etiam iudicia Sedis Apostolicæ. De bulla autem ipsa sic loquitur : *Quonium... visum est filiæ Regis Universitati, hunc hierarchicum ordinem prælationis (quem nempe antea descripserat) aliquomodo in perturbationem aut impedimentum casurum, voluit et vult, ut potest, obviare et resistere. Et si quærat aliquis quid hæc contineat bulla, respondeo, me nondum habere commissionem ad longum declarandi malum ibi contentum.... Bene in generali dicere possumus, si scriptura hæc admitteretur, ipsa perturbaret hierarchicum ordinem Prælatorum sanctæ Ecclesiæ; magnos, mediocres, et parvos, qui sunt curati (loco citato, pag. 435 et 436). Dicimus ergo sub omni reverentia (notetur candida hæc reverentiæ protestatio) sanctæ Sedis Apostolicæ, et sedentis in ea Summi Pontificis, quod tenor illius copię videtur nobis primum intolerabilis; dehinc totius ecclesiastici status turbativus. Et ita demum dicimus adversus tales abusus provisione celeri et salubri opus esse. Videtur quidem intolerabilis ex modo condemnationis undecim articulorum illic numeratorum, cum fulminatione penarum horrendarum, et adjectione quod non obstant statuta apostolica, neque illud saluberrimum et celeberrimum OMNIS UTRIVSQUE SEXUS (1), editum in concilio generali, cui statuto derogare, quid nisi palam deviare est?... Constat vero nobis juxta proprios theologicæ doctrinæ terminos, quod in articulis undecim illic jam damnatis, implicantur multa quæ possunt glossari; nedum absque periculo hæresis et anathematis, sed cum veritate et merito (loco*

(1) Quo nempe præscribitur, ut quisque peccata confiteatur proprio sacerdoti, quod Sorbona dicebat intelligendum de proprio parochio.

citato, pag. 443)... *Prædicta bulla... abradenda est, cassanda et annullanda perpetuo* (ibid., pag. 446). Addit postea Sorbonæ solitum iu istiusmodi rebellionibus mendacium, bullam nempe non reputari confectam *de conscientia Papæ, neque ex deliberatione sacri Collegii Cardinalium*; licet contrarium in bulla ipsa exprimeretur. Nec dicat quis excusari aliquatenus posse ejusmodi agendi rationem, eo quod tunc tres essent de Papatu contententes : nam Gallia et universitas Parisiensis erant de obedientia Alexandri V; et in tota hac re Gerson et Sorbona omnia egerunt ex hypothesi legitime constituti illius Pontificis. Ex paucis ergo illis de Gersonæ memoratis, patet hujus scriptoris opinioem, tanquam auctoritatem in re de qua agimus adduci non posse (1).

II.

Num merito obijciatur Sorbonæ auctoritas.

Non propria Gersonis, sed totius generaliter Sorbonæ opinio fuit, institutos immediate a Christo parochos, verosque eosdem 72 discipulorum successores, quæ tertius consistat hierarchiæ in Ecclesia gradus. De quo ut unum aut alterum ex plurimis documentum adducamus, memorabimus pronuntiatam anno 1408 damnationem in quemdam Joannem Gorel, quem

(1) Suspicio ego (pace eorum dixerim qui Gersonem existimant gravissimum theologum, scriptorem celeberrimum, *plumque* libri imitationis Christi auctorem) nunquam eos pervolvendis ipsius operibus vel aliquot horarum mora inhesiasse. Alioquin enim, pro expectata doctrinæ gravitate, statim deprehendissent subtilitatem, pueriliumque ratiociniorum fere perpetuam farraginem; egenam quam maxime de Ecclesiæ historia et monumentis notionem; inepta circa physicam, medicinam, aliasque naturales scientias systemata; ubique autem in dicendo tumorem quemdam, et sibi ipsi fidentissimi viri petulantiam; ut proinde ne possibile quidem existimari possit, ea manu descriptos fuisse humilitate, mansuetudine, simplicitate et omnimodæ sanctitatis fragrantia eximios *imitationis Christi* libros. Quod quidem meum, nullius auctoritatis, iudicium, etsi liberum cuique sit nihili facere, oro tamen ne, antea quam Gersonem ipsum legerit, rejiciat.

adegit Parisiensis facultas ut errata retractans, profiteretur in hunc modum : *Domini curati sunt in Ecclesia minores Prælati, et hierarchæ ex prima institutione Christi.* Item anno 1429 Joannes Sarrazin, ejusdem facultatis jussu, in hanc compellebatur propositionem : *Dicere inferiorum Prælatorum potestatem jurisdictionis, sive sint Episcopi, sive sint curati, esse immediate a Deo, Evangelicæ et Apostolicæ consonat veritati* (apud d'Argentré, *Collectio judiciorum*, tom. 2, pag. 178 et 227). Contrariam ergo nobis Sorbonam non diffitemur : valere autem ejus hac in re auctoritatem minime concedimus. De qua propterea breviter recolendum, qualem se a primis sui exordiis exhibuerit, qualem in decursu, et qualis tandem ocebuerit.

Universitatem Parisiensem fundaverat Carolus Magnus anno 790 ; in qua *facultas theologica* quartam veluti sectionem efformabat. Decurrente jam medio sæculo decimo tertio, quidam Robertus de Sorbon domum instituit, in qua facultatis theologicæ professores communi vita degere possent. Hinc domus illa *Sorbonæ* nomine vocitari cæpta ; atque in ea major pars dictæ facultatis versari ; ita quod *Sorbona* et *theologicæ facultas* pro synonymis dein usu venerint. Anno 1253 fundata est Sorbonæ domus : ad quam proinde pertinere nequivit magister sententiarum, id est Petrus Lombardus, qui tanta fama in universitate Parisiensi anteriori sæculo professorem egerat. Item non in domo Sorbonæ, sed in suis elaustris degebant sanctus Thomas, sanctus Bonaventura, Alexander de Ales, aliique clarissimi facultatis theologicæ Parisiensis magistri, licet jam Sorbonæ synchroñi.

Cætus autem qui in Sorbonæ domo degebat jam ab initio pestiferis quibusdam germinibus sese infectum exhibuit, e quibus postea magis ac magis morbidæ doctrinæ fructus eruperunt. Unus enim e primis Sorbonæ incolis fuit doctor Guillelmus de Saint-Amour, infensissimo suo in regularium ordines animo, et erronea parochismi doctrina percelebris ; quem confutarunt sanctus Thomas et sanctus Bonaventura, et ejus opera ab Alexandro IV Papa damnata sunt. Nec sibi dissen-

tientes collegas suos domus sorbonicæ habuit Guillelmus a Sancto-Amore, sed e contra summo zelo adhærentes. « Ut
 « ipsum sustinerent (ait Nardi, tom. 1, pag. 300, edit. Pezari),
 « toto nisu in sanctum Thomam invehebant : ita ut non parvi
 « negotii fuerit doctorem Angelicum e cathedra sua Parisien-
 « si non detrudi. Sese autem prodebant sorbonici pauperum
 « Lugdunensium, Beguardorum, Fratricellorumque erroribus
 « non parum infectos. » Unde non mirum est ab initio depo-
 situm in sorbonico cœtu parochismi germen, postea sub va-
 riis recurrisse evolutionibus. Iucunte sæculo decimo quarto,
 Joannes de Poliaco de sacramento pœnitentiæ disserens, in
 gratiam parochorum plurimos errores sustinuit, qui a
 Joanne XXII damnati sunt. Gersonis tempore quis fuerit Sor-
 bonæ animus, satis ex supra relatis constat. Auctoritatem
 Gersonis allegabat Sorbona; auctoritatem Sorbonæ Gerson.
 Sic anno 1408 deventum est ad definitionem, qua *Domini cu-
 rati* a Sorbona declarantur *minores Prælati et hierarchæ ex
 primaria institutione Christi* (opera Gersonis, tom. 2, pag. 250,
 edit. Ellics Dupin); et eodem in conciliis œcumenicis esse
 judices, cum voce definitiva, non quidem ex privilegio, sed
ex statu et ordinario jure, tenuit cum sua Sorbona Gerson
 (loco citato). Anno 1440 legitimum Pontificem Eugenium IV
 agnoscere recusavit Sorbona, et antipapæ Felici V adhæsit.

Nicolaus V anno 1443 in sua bulla *Provisionis nostræ*, con-
 firmabat bullam *Gregis nobis crediti* Eugeni Papæ IV, qui ipse
 confirmaverat bullam *Super cathedram* Bonifacii VIII, et bullam
Dudum Clementis V, et condemnationem articulorum Joannis
 de Poliaco, a Joanne XXII pronuntiatam. Nihilominus in eam
 etiam Nicolai V bullam sic scandalose rebellavit universitas
 Parisiensis : « Noverint universi, quod anno Domini 1456 die
 « sabbati 22 mensis maii, alma universitate studii Parisiensis
 « apud sanctum Mathurinum solemuiter congregata, et spe-
 « cialiter convocata, ad audiendam lecturam copię ejusdam
 « bullæ, per quosdam fratres de ordine Carmelitarum Officiali
 « Parisiensi præsentatæ, inter cætera conclusum exstitit unani-

« miter, ipsis auditis, quod displicebat impetratio hujusmodi
« bullæ, et videtur quod sit scandalosa, turbativa pacis et con-
« cordiæ, subversiva ordinis hierarchici ecclesiæ, ac subre-
« ptitia. Placet formare appellationem, præsertim in quantum
« derogat hujusmodi bulla juri communi, decretali *Omnia*
« *utriusque sexus*, et Clementinæ *Dudum, de sepulturis*. » (*Col-
lectio judiciorum*, d'Argentré, tom. 2, pag. 183.)

Callixtus III bulla *Inter cætera*, confirmavit constitutionem Nicolai V, atque irrita declaravit insana universitatis Parisiensis adversus dictam constitutionem tentamina. Ordines religiosos præterea laudavit *pro eo quod determinationibus sanctæ Romanæ Ecclesiæ in materia fidei renuntiare noluerunt*. Imo Galliarum regem sic rogavit ut præsumptores compesceret. « Nuper ad nostrum pervenit auditum, quod quidam de
« universitate Parisiensi, ultra quam eis liceat de se præsu-
« mentes, contra determinationes Sedis Apostolicæ, ad quam
« in dubiis sacramentorum et fidei est recurrendum, et in
« præjudicium litterarum apostolicarum ac privilegiorum...,
« in magnum detrimentum fidei, scandalum regni tui, et
« periculum animarum plurimarum insurgere non verentur,
« asserentes certas litteras felicitis recordationis Nicolai Pa-
« pæ V... falsas esse. » (Apud d'Argentré, *Collectio judiciorum*, tom. 2, pag. 183.) At sicut audacter Nicolao V restiterat universitas Parisiensis, ita et Callixti III decreta nihili fecit, ut videre est apud d'Argentré (*Collectio judiciorum*, tom. 2, pag. 184).

Anno 1497 sic pronuntiavit Sorbona, respondendo quæsitis regis Galliæ :

Ad primum quæsitum, à sçavoir, si le Pape est tenu de dix ans en dix ans assembler le saint concile représentant l'Église universelle, et mesmement de présent, considéré le désordre qui est en l'Église tout notoire, tant in capite quam in membris.— Et responsum est, quod Summus Pontifex et Pater Sanctissimus tenetur de decennio in decennium congregare generale concilium, et maxime nunc.

Ad secundum quæsitum : S'il est négligent (le Pape) ou diffère, à sçavoir si les princes tant ecclésiastiques que séculiers, et

autres parties de l'Église, se peuvent assembler de soi mesmes, et s'ils feront le saint concile représentant l'Église universelle, sans être par le Pape assemblés? — Responsum est affirmative.

Ad tertium quæsitum : Si en cas de urgente nécessité, comme de présent..., une grande partie de la chrestiennoté, comme le royaume de France, ou le roy représentant iceluy, prie, somme et admoneste le Pape et les autres parties de soi assembler, et les autres parties ou aucunes d'elles sont négligentes, refusantes ou delayantes de y venir, à sçavoir si ceux qui s'y trouveront pourront célébrer le dit concile sans les autres, et pourvoir à la nécessité de l'Église? — Affirmative pariter responsum est : dixit et definiuit prædicta, facultas, etc. (Vide integrum documentum apud d'Argentré, Collectio judiciorum, tom. 2, pag. 335.)

Ad finem vergente sæculo decimo quinto, obstitit bullæ Innocentii III, atque scandalo toties postea renovato, ad concilium appellavit. Ineunte sæculo decimo sexto a rege Ludovico XII eligitur, et stipendio dato impellitur ad scribendum contra Julium II Papam Jacobus Almainus doctor sorbonicus, qui ut superiorem hierarchiam deprimat, parochos non minus ridicule quam erronee extollit. Circa annum 1611 syndicum Sorbonæ agebat heterodoxus Richer, qui inter cæteros errores, a Sede Apostolica damnatos, docuit Episcopum quoad parochos non esse nisi *primum inter pares*. A quo auctore expressam fuisse ipsiusmet Sorbonæ doctrinam testatur Cardinalis Duperon (*Ambassades*, pag. 696), qui adnotat, Richerium hæreticales theses defendisse in ipsa Sorbona, in qua multos sequaces habebat. « Sorbona (inquit Nardi, tom. 1, pag. 301) non poterat « Richerio gratum animum non exhibere; unde quotaunis pro « tam pia anima sacrum celebrari sacrificium curabat. » Omitto a Sorbona damnatos Jesuitas. Sed quod ad rem magis est, quando orthodoxam doctrinam contra parochistarum errores sustinuit Vernaunt, censuram Sorbonæ incurrit anno 1658; ut adeo palam sit, non aliquos, sed totum moraliter sorbonicum cætum ad ejusmodi errores declinasse. Sorbonici doctores fuere, Jansenismi vigore celebres, Simon Vigor, Jacques Boi-

leau, et ut uno verbo res expediatur, præcipui quique Jansenistæ. Edendo libro cui titulus *Petrus Aurelius* (auctore Duverger, sancti Cygirani abbate), manus admovit Sorbona; cumque rursus Parisiis typis mandatus est *Augustinus* Jansenii, inscripta est doctorum Sorbonæ approbatio. Scandalum autem complevit Sorbona, anno 1740, actu schismatico; subscribeudo nempe damnato scripto Jansenistarum, qui sub nomine *casus conscientie* notum remansit. Anno 1763 schismaticum conciliabulum Ultrajectense approbavit. Eo devenerat Sorbona, ut Galliæ Episcopis jam suspecta foret, qui clericos suos eam adire scholam non sinebant.

Fatemur ergo, parochorum a 72 discipulis derivationem, eorundemque divinam institutionem, a multis sorbonicis doctoribus, imo generatim a Sorbona reperiri assertam: at, perpensis quæ præmisimus, auctoritatem ejusmodi pro nulla esse habendam existimamus.

III.

Neque merito objiceretur Joannis Majoris et Juvenini auctoritas.

I. Nulla certe in hac quæstione concedenda Joanni Majori auctoritas. Ipse quidem divinam parochorum institutionem fortiter assertit: imo subjungit: *Licet Petrus Paludanus et Joannes de Turrecremata teneant oppositum: sed hoc quod ipsi tenent, censuit in fide hæresim facultas nostra.* Atvero Joannes Major, qui anno 1506 doctor sorbonicus creatus est, infectam, quam a cœtu sorbonico acceperat doctrinam transmittibat: rejiciendus et ipse, si rejicienda generatim Sorbonæ auctoritas. Quod autem parochos institutionis divinæ non esse Sorbona censuerit hæresim, id, si verum sit, perbelle probat quantum (prout in multis aliis) in hac etiam quæstione a recto tramite errabunda deflexerit.

II. Rejicienda insuper Juvenini auctoritas. Ipsius enim *institutiones theologicas ad usum seminariorum* damnarunt Carnu-

tensis Episcopus anno 1708; Cardinalis Tiard Bissy, Meldensis Episcopus, anno 1711; item Episcopus Ambianensis, Suessionensis, Aptensis, aliique plures; atque ipse etiam Cardinalis de Noailles. Opus absque restrictione prohibuit Clemens XI; quod hodieum in Indice occurrit cum clausula *donec corrigatur*. Et notandum prohibitam remanere pariter editionem cum notis Tournelii, ut *ex officio*, a magistro sacri Palatii celeberrimo Mamacchio responsum fuisse testatur Nardi (*dei Parochi* tom. I, pag. 306). Talis profecto scriptoris nulla esse potest apud catholicos auctoritas.

Cum tamen ipse *ex professo* thesim institutionis divinæ parochorum sustinuerit, rationes ab eo adductas expendamus, et an robore aliquo polleant cursim perpendamus. *Primum* ipsius argumentum sic resumitur: exstiteret semper parochi; ergo institutionis divinæ sunt. — Negatur antecedens; cruditis enim jam compertum omnino est, nec ullibi prioribus temporibus, nec per mille annos in civitatibus episcopalibus parochos exstitisse. Tota autem ex congestis monumentis a Juvenio fabricata argumentatio eo laborat errore crassissimo, quo pro parochis habet, quoscumque reperit sub nomine *presbyterorum* in antiquitate memoratos. — Negatur insuper consequens et consequentia: nam etiamsi statim ab Ecclesiæ exordiis instituti reperirentur parochi, id non sufficeret ad divinam institutionem probandam, cum multa ad bonum ordinem instituere potuerint Apostoli eorumve successores, quæ minime fuerint a Christo ipso decreta. *Secundum* argumentum est in hunc modum: traditio docet parochos successisse 72 discipulis; ergo parochi institutioni divinæ accensendi sunt. — Negatur antecedens: traditio loquitur de presbyteris seu de secundo sacerdotii ordine; de parochis vero quatenus parochis, nullibi verbum facit. *Tertium* argumentum deducitur ex auctoritate Sorbonæ, Gersonis et sancti Thomæ, divinam illam institutionem admittentium. — Respondemus pro nulla habendam esse in hac questione Sorbonæ et Gersonis auctoritatem. Quoad sanctum Thomam, ostendemus infra

eum huic opinioni non patrocinari. *Quartum* argumentum in eo nititur, quod tempore Arii, Alexandriae et Romae exstiterint parochi : unde arguit eos semper exstitisse, ac proinde divinae esse institutionis reputandos. — An Alexandriae et Romae exstiterint proprie dicti parochi, disputata apud eruditos quaestio est : sed hoc transire permissio, male concluditur eos *semper* in his urbibus et alibi exstitisse : ex eo nempe quod ibi adfuerint tempore Arii, non sequitur anterioribus temporibus adfuisse. Et tandem, ut supra dictum est, etiamsi semper ab initio adfuisent, non adhuc sequeretur esse eos divinae institutioni adscribendos. *Quintum* et Achilleum argumentum est, contrariam opinionem a Sorbona velut haeticam fuisse confixam. — Quod quidem Sorbonae arrogantiam et transversam mentem probare concedimus; at praeterea nihil.

Ex qua recensione patet, nullam Juvenino concedendam esse auctoritatem, etiam attentis variis, quas ex professo con-gessit, rationibus.

IV.

Probatorum doctorum, qui obijci possunt, auctoritas vim probandi non habet.

A nonnullis etiam optimae notae doctoribus habitos fuisse parochos tanquam 72 discipulorum, ex divina institutione, successores, inficias non ibimus. Ast notandum scripsisse eos, ple-rosque saltem, antequam ea crisis faceretur, quae postea inducta est, sedulo explorata fuissent antiquitatis latebra : ipsis proinde, ob majorem eruditionis historicae copiam, hac in re antepo-nendos recentiores : ex his vero praecipuos (si jansenistici assecclas systematis seponas), chimericam existimasse divi-nam parochorum institutionem, et a 72 discipulis derivationem. Ex quo solo elisa certe priorum (etsi optimae caeteroquin notae) remanet auctoritas. Recentioribus porro ejusmodi cru-ditis (praeter supra adductos non paucos) juvat et sequentes subnectere :

Devoti, libro 1, titulo 3, sect. 10 institutionum : « Per tria
 « fere priora Ecclesiæ sæcula, nulla in ecclesiasticis monu-
 « mentis eorum (*nempe parochorum*) mentio est. Una in principe
 « diœceseos civitate erat ecclesia, ad quam christiani omnes,
 « non modo urbis, sed etiam vicinorum oppidorum die solis,
 « hoc est dominico, confluebant; et præsentibus quidem
 « distribuebatur Eucharistia, ad absentes per diaconos mitte-
 « batur. Huic ecclesiæ, quæ cathedralis erat, ipse præerat
 « Episcopus; qui summum habebat senatum et presbyterium,
 « hoc est illi addictos presbyteros, quorum erat Episcopo
 « dare operam in ecclesiæ regimine et administratione. »

Adnotator institutionum Devoti, id est, Pius Papa VIII, ad
 locum citatum sic habet : « Parochos a Christo ipso fuisse
 « institutos, ut una eum Episcopis, subjecta tamen ipsis pote-
 « state, ecclesiam regerent, quorundam opinio est... Verum
 « quam falsa hæc opinio sit, satis ostendit ipsa parochorum
 « origo, quæ certe tertio sæculo antiquior non est. Imo in
 « civitatibus ante annum Christi millesimum nullos fuisse
 « parochos ostendit Marius Lupus Bergomensis. Certe anti-
 « quiori ætate nulli erant huiusmodi presbyteri, qui proprium
 « haberent officium regendi populum; sed Episcopus unum
 « aut alterum eligebat sacerdotem, cui modo unam, modo
 « alteram populi partem committebat, et cui adimebat offi-
 « cium eodem arbitrio quo dederat. Nemo enim (uti nunc
 « parochi sunt) certo erat addictus populo, quem perpetuo
 « regeret iure officii sui... Lapsu temporum maluerunt Epi-
 « scopi parochos eligere, hoc est presbyteris quibusdam
 « certam populi partem perpetuo regendam committere;
 « atque ita parochorum potestas ab episcopali ordine tan-
 « quam a fonte procedens instituta est...

« Qui divinitus parochos institutos putant, eorum originem
 « repetunt a 72 discipulis, quos Christum sacerdotes fecisse
 « arbitrantur. Verum hi discipuli missi quidem sunt in
 « omnem locum et civitatem quo Christus erat venturus, ad
 « animos ejus adventui præparandos; sed neque erant sacer-

« dotati eharactere insigniti, neque ipsis erat tributa potestas
 « regendi populos, neque electi ad sacramenta admini-
 « stranda... Sane ex septuaginta duobus discipulis septem viri
 « electi sunt, quos Apostoli manuum impositione diaconos
 « ordinarunt (Aet. Apost., c. 6). Quomodo igitur iidem a
 « Christo sacerdotes creati esse poterant? Sanctus Epiphanius
 « (*Hæresi* 20, n. 4, lib. 1, tom. 1, edit. Coloniae 1682) id
 « rectissime animadvertit inquiens : *Præter hos* (Apostolos)
 « *72 alios ad eandem functionem adlegat, e quibus septem illi*
 « *fuere, qui ad viduarum obsequium delecti sunt, Stephanus,*
 « *Philippus...* Qui quidem Philippus ad Christi fidem con-
 « vertit Samaritanos, diuque post Christi ascensionem ad
 « eælum diaconus erat. Dionysius Petavius (*de Eccles.*
 « *hierarch.*, l. 3, cap. 16, n. 2) loquitur de missione quam
 « septuaginta duo discipuli a Christo acceperunt : nullam
 « autem, in hac missione, ordinis aut jurisdictionis potesta-
 « tem agnoseit. *Prior ista missio, inquit, nullam aliam quam*
 « *prædicandæ pœnitentiæ, ac tam doctrina quam miraculis præ-*
 « *parandi ad Christi fidem populi facultatem illis indidit : non*
 « *regendi gubernandive jus ullum, aut potestatem sive ordinis*
 « *sive jurisdictionis, quam post resurrectionem suam reipsa, et ut*
 « *loquuntur, actu tradidit.* Petrus Paludanus latissime ostendit
 « 72 discipulos haud fuisse sacerdotes a Christo constitutos ;
 « idque ex eo præsertim conficit, quod illi ab Apostolis dia-
 « conis ordinati fuerunt. Facile ex his intelligitur, quam leve
 « et infirmum sit fundamentum quo nititur opinio eorum, qui
 « presbyteros, ac præsertim parochos 72 discipulorum locum
 « tenere existimant ; unde repetunt jura parochorum, quos
 « pene Episcopis pares faciunt. »

Item Politi solitum illud effatum, 72 discipulis paro-
 chos successisse, impugnat et subvertit in hunc modum :
 « Hoc effatum quod tanquam fundamentum jacitur jurium
 « parochialium, quam faeile corruit, si parumper excutitur !
 « Ac primo, quem mihi successorem nominas ducentos et
 « amplius annos natum postquam ejus decessor decessit ?

« Neque tu unus ex illis es, qui parochos sæculo quarto anti-
 « quiores velis, neque illi magistri tui, quos modo memorasti,
 « et in quorum auctoritate delitescis id unquam senserunt.
 « Toto igitur illo tempore, quod inter discipulorum obitum ac
 « parochorum ortum intercessit, quisnam locum tenuit disci-
 « pulorum? Presbyteri, inquis. Ergo non solum parochos, sed
 « etiam presbyteros ad 72 discipulorum successionem vocas?
 « Jura igitur parochorum presbyteris omnibus communia?
 « Videsis, ne dum tua bona cum nimis multis communicas,
 « nimium tenuentur, ac vilem redigantur ad assem. Sed
 « presbyteri creati fuerunt antequam discipulorum ullus
 « locum suum deseruisset, vitamque suam posuisset. Aut
 « igitur successorem datum ante antecessoris obitum fatearis
 « necesse est, aut nonnisi post trium sæculorum decursum
 « inventos fuisse qui Christi discipulis succederent, eorumque
 « locum obtinerent. Præterea 72 discipuli missi fuerunt a
 « Christo Domino *in omnem locum et civitatem*, ut viam ster-
 « nerent evangelicæ doctrinæ; presbyteros autem eidem loco
 « affixos, eidemque christianorum cœtui addictos semper vi-
 « demus. Discipuli itidem ab Apostolis adhibiti ad fidelium
 « cœtus colligendos ecclesiasque fundandas; presbyteri vero
 « collectis christianorum cœtibus adesse, fundatisque ecclesiis
 « præesse jussi. Denique discipuli episcopali ordine cumulati
 « fuere, presbyteri vero nonnisi sacerdotio initiati. Juvit hæc
 « præfari ad fundamenta subruenda, quibus illorum iunitur
 « opinio, qui parochialia jura et officia, non humano, sed divino
 « satu orta esse, proindeque nulla humana vi auferri aut
 « immiui posse contendunt. » (Politi, *Jurisprudentia ecclo-*
siastica universa, in præfatione tomi 7, de *Jure parochiali*.)

Cum ergo auctores bonæ notæ, qui divinam parochorum insti-
 tutionem, et a 72 discipulis derivationem admittunt, de iis
 siut qui, vel rem ex professo non expenderunt, vel in explo-
 randis antiquitatibus ecclesiasticis parum versati sunt; cum-
 que e contra auctores bonæ notæ, qui dictam parochorum
 institutionem et derivationem veluti commentum explodunt,

et eruditionis præstantia emicent, et quæstionem summa diligentia excusserint, et recentioribus temporibus comparatam ditissimam documentorum suppellectilem præ manibus habuerint; æquum est ut priorum auctoritas posteriorum sententiæ hac in re locum cedat.

CAPUT VII.

PAROCHOS NON FUISSE VETUS PRESBYTERIUM IN ANTIQUIS
ECCLESIASTICIS MONUMENTIS MEMORATUM.

I. Parochi, ex superius probatis, ante annum 1000 in civitatibus episcopalibus fuerunt nulli; ergo non potuerunt constituere presbyterium Episcopi.

II. In tractatu *de Capitulis* probavimus ejusmodi presbyterium fuisse cathedrales presbyteros et diaconos, qui Episcopo in diœcesis regimine auxiliabantur, et quorum cœtus postea capitulum cathedrale vocatum est; ergo antiquum presbyterium canonicis, non parochis, constabat.

III. Id insuper sic confirmari potest. Illi non fuerunt parochi, qui 1^o munera parochialia non explebant ex officio, sed ex peculiari pro unaquaque vice Episcopi mandato; 2^o qui supplicabant vices Episcopi, non pro cura alicujus sibi commissæ populi portionis, sed pro toto universim diœcesis regimine; 3^o qui munera quæ hodie parochialia vocantur explebant tanquam corpus, ex quo Episcopus, modo hunc, modo illum, pro arbitrio et prudentia ad tale vel tale officium parochiale, seu potius episcopale, explendum deputabat. Atqui tales erant presbyteri et diaconi, quibus vetus constabat presbyterium.

1^o Sine speciali Episcopi mandato nulli presbyterii membro licebat ea agere quæ hodie parochialia vocantur. Et imprimis non cuiquam licebat baptizare, nec missam celebrare. Id expresse declarat sanctus Iguatius martyr, in sua ad Smyrnenses epistola, numero 8: *Sine Episcopo nemo quidquam faciat*

*eorum, quæ ad ecclesiam spectant. Rata Eucharistia habetur illa quæ sub Episcopo fuerit, vel cui ipse concesserit... Non licet sine Episcopo baptizare, nec agapem celebrare. Et ne pro re cetera controversiam jamdudum posita textus congeram, satis sit verba Marii Lupi hanc cruditorum communem sententiam asserentis adducere : « Quod ad baptismum attinet, inquit, « nemo cruditorum ignorat, in episcopalibus civitatibus a so-
« lis Episcopis fuisse collatum, ut jam a pluribus doctissimis
« viris demonstratum fuit ; non secus ac unum solummodo
« conventum, id est, eucharistici sacrificii oblationem, ab
« Episcopo prioribus sæculis habitum in civitatibus fuisse. »
(*De Paræcits*, dissert. 3, cap. 1.)*

Idem dicendum de sacramenti pœnitentiæ administratione, et de verbi divini prædicatione : « Pœnitentium quoque recon-
« ciliationem, ait citatus auctor, ad solos spectasse Episcopos,
« constat ex eo quod innuit idem sanctus Ignatius, epistola ad
« Philadelphænos, numero 8, ubi ait : *Omnibus igitur pœnitenti-
« bus remittit Deus, si respiciant in unitatem Dei, et Episcopi
« concessum...* Item verbum Dei prædicandi munus ex officio
« ad solos pertinebat Episcopos, ut notum est. Generatim vero
« antiquissimis canonibus sancitum erat, *ut presbyteri et dia-
« coni præter Episcopum nihil agere pertinent.* Ita canon 40 in-
« ter appellatos apostolicos. His consonat Laodicænus 57. Quin
« immo ne absente quidem Episcopo urbici presbyteri sacra
« munera obire poterant absque ejusdem delegatioue : tunc
« vero ea vice Episcopi, non ex proprio implebant officio, uti
« patet ex epistola 10 sancti Cypriani ad presbyteros et dia-
« conos Carthaginenses. Ita enim eisdem scribit : *Hortor et
« mando ut vos vice mea fungamini circa ea gerenda, quæ admi-
« nistratio religiosa deposcit.*

« Si igitur presbyteris, qui presbyterium constituiebant, in
« omnibus ecclesiasticis functionibus simul cum Episcopo con-
« veniebant, si omnia una cum ipso peragebant, ipsique ex
« officio nec baptizabant, nec offerebant, nec pœnitentes
« reconciliabant, nihilque seorsum ab eo sibi arrogare pote-

« rant, ac nequidem Episcopo absente sine ejusdem delega-
 « tione, aut præsente absque ejus jussione quidquam per-
 « agere; hi profecto presbyteri uullo pacto parochi censeri
 « possunt; quorum primum, ut ita dicam constitutum sem-
 « per fuit, ut seorsum ab Episcopo sacra facerent, et ex offi-
 « cio, non peculiari ejus mandato, sacramenta ministrarent. »
 (Marius Lupus, *de Paræciis*, dissertatio 3, cap. 1, pag. 273,
 edit. Bergomi.)

IV. Parochos non fuisse vetus presbyterium, probatur in-
 super, ex eo quod nulla supersint monumenta de immutatione
 disciplinæ, qua e tali gradu ceciderint. Si nempe parochi
 constituerent presbyterium et senatum seu consilium Epi-
 scopi usque ad mediam ætatem, nonum nempe circiter sæ-
 culum, et eo tempore (ut volunt parochisti) dejecti fuissent
 ab ea prærogativa, quam tunc primum invasissent cathedralia
 capitula, de tanta profecto hac immutatione monumenta
 quamplurima remanerent; atqui nulla supersunt; ergo.

Quod argumentum fuse evolvit Marius Lupus (*de Paræciis*,
 dissert. 3, c. 5) a quo pauca hæc tantum mutuabimus :
 « Esto quod in plerisque episcopalibus civitatibus parochi
 « exstitissent; eo ipso dilucide patet eosdem ecclesiasticum
 « senatum minime gentium constituisse. Etenim si unquam
 « contigisset, ut, per universum christianum orbem hoc pri-
 « migenio dejecto exauctoratoque senatu, alius (ut excogita-
 « tum fuit) subrogatus fuisset, qui modo viget, parochique
 « urbani omnes a præstanti hac dignitate, aliis eorum locum
 « occupantibus, excidissent; incredibile, quin vix possibile
 « esset, quod complura non superessent documenta, quæ
 « perspicue certo proderent tantum in ecclesiarum omnium
 « episcopalium constitutione immutationem contigisse, idque
 « inferioribus sæculis, quorum tot supersunt monumenta;
 « quodque parochi ipsi nullum emisissent clamorem, nullum
 « edidissent conatum, ut in pristinum restituerentur gradum;
 « concilia vero, ad antiquæ reparationem disciplinæ semper
 « intenta, id prorsus neglexerint. Attamen in tota ecclesia-

« stica antiquitate ne minimum quidem superest testimonium
 « hujus innovationis aut expostulationis. Nulla igitur revera
 « hac in re unquam facta est immutatio; nullam præsumpti pa-
 « rochi passi sunt injuriam atque usurpationem; ac qui medio
 « ævo (ipsis fatentibus quibuscum disputamus) ecclesiæ sena-
 « tum constituebant, majores nempe clerici cathedralium
 « ecclesiarum, eundem ab initio perpetuoque invariante con-
 « stituerunt. Accedit præterea quod, siquidem urbici parochi
 « exstitissent et senatum antiquitus constituissent, non solum
 « contigisset ut a sublimi eo gradu deciderent, sed prorsus
 « subjecti obnoxiique evasissent majori cathedralium clero,
 « quod etiam est incredibilius. » Hanc autem subjectionem
 probat citatus auctor invictis documentis.

Cæterum, non novo, sed antiquo jure capitulum cathedrale
 fuisse senatum ecclesiæ, consiliumque Episcopi et vetus pres-
 byterium, testatur Joannes VIII in bulla apud Thomassinum
 allata (part. 1, lib. 3, cap. 33, n. 10) qua Ecclesiæ Pictaviensi
 bona sua confirmat : *Sed liceat ipsius Ecclesiæ Episcopi suisque*
successoribus, quæ sui antecessores legitimo tramite canonice au-
toritatis habuerunt, sub nostra tuitione habere, et ut possederunt
possidere, et ut ordinaverunt suo arbitrio ordinare; cum consultu
consensuque suæ ecclesiæ canonicorum, ut prisca consuetudo digno-
scitur. Ergo ad canonicos pertinebat consilium consensumque
 Episcopo præstare, idque ex *prisca consuetudine*, ut ait ille Pon-
 tifex. Ad quem locum egregie Thomassinus (loco modo citato):
 « Sanctissime et manifestissime confirmavit Joannes Papa VIII,
 « eam fuisse vetustissimam ecclesiæ disciplinam, et eam
 « etiam nunc esse, ut consilio et consensu canonicorum suo-
 « rum Episcopus, tum in spiritualibus, tum in temporalibus
 « suam omnem jurisdictionem explicaret... Sunt ergo hæc
 « cathedralium capitula antiquissimus ille clerus, indivulse
 « cum Episcopo conglutinati, ad ecclesiæ totius regimen;
 « idque innuebat Pontifex his verbis, *ut prisca consuetudo*
 « *dignoscitur*... Constat ergo, postquam sub imperio Caroli
 « Magni allecti sunt canonici in vitæ communis societatem...,

« constantissime fuisse eos amplissimum illum ecclesiæ clerum, Episcopi consilium et senatum, qui cum Episcopo et sub Episcopo gubernacula ecclesiæ ministrarent. »

Item ex decretali Alexandri III (libro 3 decret., tit. 10, cap. *Novit*) patet cathedralia capitula, non ex novo et antea ad parochos pertinente, sed ex vetusto jure esse consilium Episcopi : *Novit tuæ discretionis prudentia, qualiter tu et fratres tui (quo nomine ibi designari canonicos cathedrales in confesso est apud omnes) unum corpus sitis, ita quod tu caput et illi membra; unde non decet te omissis membris, aliorum consilio in ecclesiæ tuæ negotiis uti, cum id non sit dubium... sanctorum patrum constitutionibus contraire.*

CAPUT VIII.

PAROCHI NEQUE DIVINÆ INSTITUTIONIS, NEQUE APOSTOLICÆ
SUNT, AT DUMTAXAT ECCLESIASTICÆ.

Thesis hæc ex supra stabilitis tanquam necessarium corollarium consequitur. Nam,

I. Rejiciendam esse de divina parochorum institutione opinionem, facile concedent ipsi etiam adversarii, si admittendum sit, 1° nullum in mundo ad quartum usque sæculum exstitisse parochum, et nullum ante annum 1000 in civitatibus episcopalibus (Roma forte et Alexandria exceptis); 2° si divina hæc institutio nullo scripturæ textu fundetur; 3° si nullo pariter traditionis monumento probari possit. Atqui

1° Supra vidimus apud eruditos jam exploratam rem esse, prioribus ecclesiæ sæculis revera nullos exstitisse parochos, et ante undecimum sæculum iis destitutas fuisse episcopales civitates. Quorum scriptorum probationes (e quibus paucas, sufficientes tamen, et nos adduximus) nulla potuere solida confutatione convelli. Factum autem istud deficientium tanto temporis post Christum tractu parochorum, abunde sufficit ad

totum evertendum institutionis divinæ systema. Absurde enim diceretur (et neque hoc ullus adversariorum sumniavit) institutos a Christo fuisse parochos, sed quarto dumtaxat sæculo *orituros*.

2º Nullo scripturæ textu, vel verisimiliter, probari potest divina parochorum institutio; quod patebit eos textus percurrendo quos sibi favere prætendunt adversarii. Eos a Pignatello mutuabimus: « Sunt parochi, inquit, de jure divino in « Ecclesia, sicut etiam Episcopi, quod tam ex Christi institutione, quam ex Apostolorum doctrina perspicuum est. De « Episcopis perspicua sunt Pauli verba (act. 20): *Attendite « vobis et universo gregi, in quo vos Spiritus Sanctus posuit Episcopos regere Ecclesiam Dei*. De parochorum vero potestate « agit idem Paulus his verbis ad Timotheum scribens: *Qui « bene præsumt presbyteri duplici honore digni habeantur*. Et ad « Titum: *Et constituias per civitates presbyteros, sicut et ego disposui tibi*. Denique de divina tam Episcoporum quam parochorum institutione mentionem facit Apostolus sub nomine « *pastorum*, cum ecclesiastica munera a Deo instituta distinguens, sic ad Ephesios scribit: *Et ipse dedit quosdam quidem « Apostolos, quosdam autem prophetas, alios vero evangelistas, « alios autem pastores*: et de parochis loquitur D. Petrus « (epist. 1), cum ait: *Seniores ergo qui in vobis sunt obsecro, « consenior et testis Christi passionum, pascite qui in vobis est « gregem Dei*. Addo et illud, parochorum jurisdictionem, si « cut etiam Episcoporum, a Deo iu genere tantum institutam « esse. Quare errant quicumque presbyteros parochos propriam atque ordinariam potestatem habere negant. » (Pignatelli, tom. 1, consultatio 52, n. 2.)

Porro his verbis *qui bene præsumt presbyteri* agi de parochis, gratis omnino asseritur; eruditis enim compertum est, in remotissima illa antiquitate voce *presbyterorum* designatos fuisse Episcopos: quod si ibi de Episcopis non agat sanctus Paulus, at non probatur parochos fuisse, quos memorat presbyteros; præsertim cum aliunde constet nullos ante quartum sæculum paro-

chos exstitisse. Idem dicendum de altero divi Pauli textu, atque a fortiori de duobus aliis *pastorum* et *conseniorum* denominationibus.

3° Tandem, nedum aliquo traditionis testimonio nitatur divinæ parochorum institutionis opinio, tota antiquitatis monumentorum mole contrarium evincitur, ut ex professo demonstravit Marius Lupi; qui adducta ab adversariis documenta fuse recenset, eaque nihil probare et ad rem non esse demonstrat. Ad quem auctorem, ne rem actam agendo inutiliter immoremur, remittimus.

II. Sed neque apostolicam fuisse parochorum institutionem aperte sequitur ex eo quod, non apostolicis, sed longe sequentibus temporibus induci cœperint parochi, ut supra etiam probavimus. Remanet ergo ut *ecclesiasticæ* dumtaxat institutionis esse parochos admittatur.

Nota. — Etsi olim nonnulli doctores inuocue et bona fide institutorum divinitus parochorum systema admisere, posteaquam tamen eo errore adeo abusi sunt moderni hæretici (1), nullo non conatu a viris catholicis est rejiciendum et profligandum.

(1) *E troppo scandaloso il fare i parrochi d'istituzione divina.* (Zaccaria, appendice al *Confronto storico*, pag. 192.)

I Giansenisti fanno i parrochi uguali ai Vescovi, dichiarando la loro autorità de diritto divino. (Mozzi, *Spirito del secolo XVIII*, pag. 215.)

I Giansenisti con canoni e monumenti o alterati o falsificati tentano d'innalzare i parrochi, che dicono avviliti dal dispotismo episcopale, ed insistono sulla loro pretesa istituzione divina. (L'Abbate Gesta, *Influenza dei Giansenisti nella rivoluzione di Francia*, pag. 50.)

SECTIO II.

De parochiatus essentia et recta notione.

Explorata in superiori sectione institutionis parochorum origine, subit nunc, haud minoris momenti, quæstio de parochiatus essentia. Determinandum nempe, in quo præcise consistat parochiale officium, seu quid essentialiter requiratur et sufficiat, ut quis vere sit et dici debeat parochus. Cum autem non pauci etiam hac de re occurrant confutandi errores, procedemus primum per viam negationis; dicendo nempe quid *non sit* parochus; seu a parochiatu removendo multa, quæ ipsi tanquam essentialia immerito attributa sunt: tum et genuinam ejus essentiam directe adstruemus.

CAPUT I.

EXPONITUR ERRONEUM PAROCHISMI SYSTEMA.

Dicemus 1° cur parochismi potius vocabulo quam presbyterianismi utamur; 2° quæ fuerit parochismi genesis et propagatio; 3° quonam tendat et quibus fætum periculis sit ejusmodi systema.

§ I.

Cur parochismi vocabulo potiusquam presbyterianismi utamur.

1. Presbyterianismus inde dictus est, quod *presbyteros* faciãt

Episcopis æquales, ita scilicet ut nihil potestatis de jure divino ad Episcopos pertineat, quod æque presbyteris non sit adscribendum. Quod hæreseos monstrum auctorem habuit quarto sæculo Aerium. Inde autem, ut fertur, hæresiarcha ille in ejusmodi insanam prosilivit novitatem, quod ab episcopatu, quem summopere ambierat, rejectus sit, ex quo ad corroden- dum et convellendum sibi dēnegatum honoris culmen totum se convertit. Damnatum Aerii errorem non impari zelo reno- varunt Wiclefus, Joannes Hus, Lutherus, Calvinus, et plures subsecutæ protestantium sectæ. Et hi quidem omnes dici possunt presbyteriani radicales seu primi gradus; utpote qui in radice ipsa, id est, in institutione divina, omne discrimen tollunt presbyterum inter et Episcopum.

2. Ast presbyteriani etiam merito dici solent ii qui, superiores presbyteris Episcopos, licet (aperte saltem) non negent, et definitionem Tridentinæ synodi, superioritatem hanc divinæ institutioni adscribentis, non impugnent, multa nihilominus indebita secundi ordinis sacerdotio attribuunt, potestatem- que episcopalem in presbyteros multiplici modo ex divina pariter ordinatione restrictam erronee sustinent; atque ita tandem jurium presbyterialium ædificium exstruunt, ut ad- misso eorum systemate, inermis prorsus remaneret Episco- porum auctoritas, totaque ecclesiastici regiminis ratio sub- verteretur.

3. Presbyterianorum autem posterior descripta classis, non presbyteris quibuslibet sua jurium divinorum commenta at- tribuit; sed iis tantum qui curam animarum exercent, id est, parochis. Parochialis scilicet muneris natura, ejusque divina (quam audacter asserunt) institutione, totam suam rebellionis fabricam fundant, ex qua dehinc certissimam Episcoporum, atque ipsius etiam Sedis Apostolicæ auctoritatem explodant. Atque ideo, ad vitandam omnem æquivocationem, et ne frustra acrem verberantes videamur, præfatam presbyte- rianorum classem, quam hic profligandam suscepimus *paro- chismi* nomine maluimus designatam. Dum ergo *parochistas*

impugnabimus, noverit lector eos attiugi presbyterianos, qui priscis Aerii discipulis multo periculosiores, recentioribus temporibus tot regiones, tot bibliothecas, tot cathedras, tot incautorum etiam catholicorum mentes, systematis sui peste fœdarunt; quorumque innumera scripta hodierno etiam clero non parum veneni iufundunt.

§ II.

Parochismi genesis et propagatio.

Exarsit Parisiis sæculo decimo tertio iufensissimum in regulares odium, in Franciscanum præsertim et Dominicanam familiam; e quibus cum non pauci sanctitatis æque ac doctrinæ splendore emicarent viri, eos haud pacifico aspiciebant oculo sæculares universitatis doctores. Hi ergo, ut invidiam religiosi ordinibus concitarent, usurpata a regularibus parochorum iura dictitare cœperunt. Responderi a regularibus, nihil a se factitatum in audiendis confessionibus aliisque sacri ministerii obeundis functionibus, nisi accepta, sive ab Episcopis, sive a Sede etiam Apostolica, potestate et missione. Ut ergo staret intentatum crimen, sustineri debuit non posse talia regularibus ab Episcopo, aut etiam a Papa concedi, in detrimentum parochialis juris. Qua crescente procella, falsam novatorum doctrinam *ex professo* confutavit sanctus Thomas tribus opusculis, quæ si quis legat, facile compertum habebit, quam erroneæ doctrinæ exstiterint primi harum turbarum excitatores (1).

(1) In opusculo XVI (*contra impugnantes religionem*, cap. 4) inter alios istiusmodi errores, sequentes memorat doctor Angelicus: « Ulterius autem nituntur ostendere quod nec ex commissione Episcoporum prædicare possunt (regulares), aut confessiones audire. Dicunt enim, quod illud quod dicit aliquis, jam non habet. Si ergo Episcopi committunt eas plebium parochialibus sacerdotibus, ad eos jam non pertinet cura ipsorum; et ita ex auctoritate eorum non possunt aliqui prædicare plebibus, aut confessiones audire, nisi vocati a sacerdote paro-

Eos tamen errores nullus adhuc publice et solemniter propugnauerat, ante Guillelmum a Sancto-Amore. Is, unus e primis sorbonicæ domus incolis, sibi provinciam assumpsit parochos extollendi; atque eo usque processit, ut aperte inter alia erronea sustinuerit, eos solos intellectos fuisse a concilio Lateranensi sub nomine *proprii sacerdotis*, cui iubetur quisque fidelium semel in anno confiteri peccata, excluso etiam Episcopo et Papa. Qui malesanæ mentis sorbonista ab Alexandro IV damnatus est anno 1255. Ast, damnatum licet, erroris semen sibi evolvendum suscepit alter sorbonicus doctor, Joannes de Poliaco. Docuit iste fideles, apud regulares confessos et absolutos, teneri nihilominus in paschate peccata sua iterum suo quisque parocho confiteri; addens ne Deum quidem posse a tali obligatione dispensare: quæ deliramenta damnavit Joannes XXII (*extravagante de Hæreticis*, cap. 11). Efformato parochismi fluvio nova post modum incrementa accessere. Ricardus de Armacano, qui Regulares in Anglia persecutione exagitabat, quique hæretico Wiclefo aperte favebat, parochismi machinam iterum aptavit et roborare tentavit, circa annum 1350, duobus editis libris, qui inscribuntur *Defensio curatorum adversus mendicantes*, et *de Audientia confessionum*. Cujus damuatos articulos videre est in constitutione *Regnans in cælis* Alexandri V, anni 1409.

« Præfati errores (ait Nardi, tom. 1, pag. 356) ab iucuna-
« bulis suffocati forte interiissent, nisi eo ipso tempore, quo

« chiali... Episcopi non habent se ulterius intrmittere de plebibus quas sacer-
« dotibus commiserunt. Item : Sicut Episcopus subditur Archiepiscopo, ita sacer-
« dotes subduntur Episcopis. Sed Archiepiscopi non possunt se intrmittere de
« illis qui subduntur Episcopis, nisi forte propter negligentiam Episcoporum...;
« ergo nec Episcopi possunt aliquid in plebibus subjectis sacerdotibus parochialibus
« absque illorum consensu, nisi propter illorum negligentiam, vel defectum. Item
« presbyteri parochiales sunt sponsi ecclesiarum sibi commissarum... Ordo reli-
« giosorum qui prædicant, et non sunt Episcopi (qui sunt successores Apostolorum),
« vel presbyteri parochiales (qui sunt successores septuaginta duorum discipulorum),
« debent extirpari. »

« Alexander V sententia apostolica illos profligabat, repertum
 « fuisse fanaticum et transversum caput, Gerson nempe, qui
 « *primus divinam parochorum institutionem frenetice* (1) in me-
 « dium adduxit, eorumque a 72 discipulis derivationem; qui-
 « que eos et Prælatos, et tum dignitatis tum honoris hierar-
 « chas affirmavit; eisque votum in conciliis asseruit; necnon
 « attributiones immediate a Christo acceptas, vi scilicet ipso-
 « rum status et juris *ordinarii* ipsis competentes, cum ipsa
 « etiam potestate *purgandi illuminandi et perficiendi*. Inscius
 « antiquitatis Gerson, atque in ea eruditionis provincia pror-
 « sus hospes, ut ex ipsius operibus plenissime patet. Ast Sor-
 « bonæ cancellarium agebat, cæteris sorbonicis facile doctior:
 « hinc Sorbonam pro arbitrio vertebat; ita ut synonymæ res
 « Sorbona et Gerson. Cujus aberrationes, ab infenso ipsius in
 « Summos Pontifices animo non immerito forsau repetendæ
 « videantur. »

Perpetuo dehinc iisdem erroribus Sorbona persouuit. Iu-
 eum nempe tramitem a Gersone inducta, jurans in verba
 magistri, fidenter procedebat. Damnatum ab ea tanquam er-
 roneum, *potestatem jurisdictionis curatorum non esse immediate*
a Christo quantum ad institutionem primariam, vide apud Juve-
 ninum (*de Sacramentis*, dissert. 9, quæst. 3, art. 3). Rationem
 autem addit facultas: id nempe contrarium esse *decretis sa-*
crae facultatis: id est, damnabat, quia damnaverat. Sed ad
 seriem auctorum qui in propugnando parochismo sibi succes-
 serunt redeamus.

Extollendorum parochorum zelo emicuit Jacobus Almai-
 nus Senonensis, qui electus a Ludovico XII, et pecunia ad id
 accepta, contra Julium II Papam calumum exacuit. Obiit
 anno 1535. Ejus vero scripta a Sede Apostolica condemnata
 sunt. Vehementer etiam parochismum propuguavit Joannes
 Major, doctor et ipse sorbonicus.

(1) Is est non meus, sed Nardi, quem in latinum verto, stylus: an plus æquo
 asper, aliorum judicium sit.

Orto vero jansenismo, in immensum excreverunt patronorum parochismi copiae. Pro vero jansenismi parente merito habetur Joannes Duverger, abbas de Saint-Cyran; utpote qui Cornelio Jansenio, Iprensi Episcopo (a quo secta nomen traxit), errores suos infuderat. Præter alia heterodoxe dicta, quibus scatet damnatum ipsius opus, sub pseudonimine *Petri Aurelii* editum, docet (pagina 226) parochos in suis parochiis esse *minores Episcopos*. Edidit etiam anno 1632 dissertationem *de Juribus curatorum*, ad propugnandam magisque diffundendam parochismi doctrinam. Ipsi successit totum jansenisticum agmen, e cujus officinis innumeri pullularunt libri, parochismi erroribus infecti. Ex his notatu dignum videtur opus, sub pseudonimine *Filalete*, decimo septimo sæculo, editum; cujus auctor, ex titulo præcipue *Pastoris*, parochis attributo, totum presbyterianismi venenum, non absque vi quadam logica, educit. Viderat nempe hujus libri subdolos scriptor quantum posset in gratiam presbyteriani systematis emolumenti colligi ex hoc *Pastoris* titulo rigore intellecto, qui jam tunc cœperat totis buccis (nullo fere orthodoxorum reclamante) parochis attribui.

At cæteris presbyteriana audacia antecelluit Edmondus Richer, doctor sorbonicus et Sorbonæ syndicus, cujus omnibus notum systema in hunc scopum vergit, ut totum ecclesiasticum regimen penes parochos reponat; ita ut ejus doctrina sic resumí possit : nihil posse Sedem Apostolicam in diœcesibus absque consensu Episcoporum; nihil vicissim posse Episcopum in parœciis nisi consentientibus parochis. Inter innumeros Richerii sequaces strenue parochismi partes defendit Jacobus Boileau, e familia item sorbonica, quam jansenismus invaserat.

Novo incremento parochismi systema ditavit hæreticus Salmasius, parochos asserendo chorepiscoporum successores.

Parochis *votum deliberativum* in ecclesiæ regimine asseruit Simon Vigor, ardens richerista, qui primas partes egit in congressu vulgo dicto *Projet de Bourg-Fontaine*.

Pastoratum parochis confirmavit Morinus (exercitatio 16, c. 2, n. 5), asserens eos antiquitus pastores fuisse vocatos, quod prorsus falsum est, ut infra probabimus.

Systema retexit Juveninus, auctoritatem allegans Gersonis, Sorbonæ, et (quod vix credibile est) etiam *Petri Aurelii*, id est abbatis de Saint-Cyran. Juvenino si fidem adhibeas, parochi institutionis divinæ sunt, iidem ac qui antiquitus dicti presbyteri, prælati nempe principesque, et seniorum atque 72 discipulorum successores, qui olim presbyterium efformabant, in regenda diœcesi partes suas habebant, de causis maioribus noscebant, pœnitentes publicos absolvebant, tonsuram conferebant, excommunicationes fulminabant. Juveninum recenset jansenistarum cathalogus, qui legitur in jansenistico opere *Ruines de Port-Royal*.

Item aperte parochismo favet Van-Espenius, anno natus 1646, Ultrajectensis schismatis promotor, quique in eo schismate pertinax mortuus est; ejus opera fuerunt apostolica auctoritate damnata. Is parochos asserit esse pastores proprie dictos, eorumque vicarios seu capellanos vocat vicepastores; atque inter alia multa heterodoxa docuit, posse clericum, quem suus superior ecclesiasticus censura percudit, ad gubernium recurrere; ejus si protectionem obtineat, licite perget sacrum ministerium exercere, nihil curans de censura et superiore suo ecclesiastico. Qua regula parochis applicata, nemo non videt eos evadere ab Episcopo prorsus independentes, modo in id consentiat civilis potestas. Atque utinam tandem a venenata Van-Espenii doctrina magis sedulo clerus averteretur (1).

- (1) • Bachusius, in suo historico circa Van-Espenium tractatu (edito iterum assisii • 1787), dicit jus canonicum Van-Espenii in hunc scopum fuisse concinnatum, ut • Jansenistis vires adderet, eorum errores tueretur, Sedem Apostolicam deprimeret, • jurisdictionem Episcoporum subverteret, immunitatem ecclesiasticam de medio • tolleret, laicamque potestatem, dejecta ecclesiastica, extolleret. Jansenistæ (subdit • idem Bachusius), opus illud immensis prosequuntur laudibus; quod tamen non • est nisi plagiū quorundam niorum pessimorum operum, verbi gratia, *concordia* • *sacerdotii et imperii*, *Traité des abus par Charles Févret*, *Opera Molinæ*

Cæterum Lovaniensem etiam academiam ad parochismum decimo octavo sæculo declinasse existimat Nardi, hæc dictæ universitatis referens verba (tom. 1, pag. 379) : *Parochus totius paræciæ curam animarum ita exclusive ad alios omnes proprio jure sustinet, ut dum in parochia adest proprius parochus, tunc Episcopus non possit dici rector seu parochus totius diæcesis, sed solius ecclesiæ cathedralis.*

Guadagninus, parochismi in Italia zelantissimus promotor, in dedicatione operis sui, cui titulus *de Antiqua paræciarum origine*, Episcopos et parochos vocat *duos ecclesiasticorum ordinum pastores*. Et parte 2, pag. 8, de Episcopo sic habet : *Pa-*

* *Caroli, Traité des droits et libertés de l'église gallicane, etc.* Si quid vero
 * boni habeat, id deponisit & Thomassinus... proprios tantum annectendo errores,
 * ob quos per breve speciale Clementia XI damnatus fuit anno 1704... Ego vero
 * adverti Van-Espenium Thomassinum quidem vestigiis inbuesisse quoad ordinem et
 * titulos, quoad materialium autem expositionem non ita. Nam Thomassinus quid-
 * quid monumentorum noverat circa unam quamque materiam, a primo Ecclesiæ
 * sæculo ad sua usque tempora, in medium adducit : Van-Espenio autem solita res
 * est, allato e prioribus temporibus aliquo ambiguo fragmento, nno saltu novem,
 * decemve aut etiam duodecim sæcula transilire, suam falsam interpretationem fur-
 * tim annectere, et ad aliud argumentum fidenter gressum facere. Id quidem egeno
 * ipsius promptuario tribui posset : mihi tamen videtur ad malam ejus fidem esse
 * referendum. Hac nempe intermedia sæcula prætermittendi methodo, dum tacentur
 * monumenta posteriora, quibus priorum sensus genuinus illustratur, quæque immu-
 * tatan aliquando ab Ecclesia sanctis gravibusque de causis disciplinam exhibent,
 * liberum sibi facit conclusiones de unaquaque re pro libitu deducere.

* Tanta cæteroquin pertinacia Van-Espen, universitatis Lovaniensis professor,
 * heterodoxi et hypocrite Quesnelli principiis adhæsit, tanto ardore per triginta an-
 * nos Ultrajectense et Harlemense schisma propugnavit (quod quidem schisma ipso
 * impie anadente fuit consummatum), tanto denique furore in Sedem Apostolicam
 * insectari ausus est, ut præfata Lovaniensis universitas, licet et ipsa jam tum Jan-
 * senismi labe ex parte infecta, eum die 7 februarii 1728 publice condemnaverit ; a
 * cathedra amoverit, et a divinis suspenderit. Confugit ad Jansenistas, apud quos
 * schismati adhærens diem extremum clausit. » (Nardi, *dei Parochi*, tom. 1, p. 360;
 editio Pezzari 1829). Mihi nunquam placuit a clarissimo Benedicto XIV toties citari
 Van-Espenium, non tantum per modum *argumenti ad hominem*, sicut adduci so-
 lent heterodoxi, sed eadem fere norma qua ceteros scholæ doctores catholicos. In
 quo forsitan aliquid humani passam esse tanti pontificis prudentiam dici possit ; cum
 incautis occasio id esse queat minus a Van-Espenii veneno præcavendi.

*stores pascit, docet doctores, præest præsulibus, ducibus imperat : quibus verbis dum episcopatum extollere videtur, suos fraudulentur parochos inducit, tanquam Ecclesiæ pastores, doctores, prælatos et gubernatores. Idem auctor (in præfatione pag. 10) carpens Thomassinum, quod (sicut omnes eruditi) negaverit ullos exstitisse per tria priora sæcula, sive ruri, sive in civitatibus parochos, sic exclamat : Agitur de capite ecclesiasticæ doctrinæ omnium gravissimo ; de pastorum scilicet primi et secundi ordinis constitutione, quæ ecclesiastici regiminis basis est et fundamentum. Et ibidem, pagina 15, ab ipso memorantur Episcopi et parochi tanquam duo ordines in ecclesia necessarii. (Vide Nardi, tom. 1, pag. 65.) Asserit autem Guadagninus, in divinis litteris parochorum institutionem toti adscribi Trinitati; quod sic probat : Posuit Deus, utique pater, parochos doctores; I Cor., 12. Designavit Dominus, utique filius, et alios 72; Luc., 10. Posuit Spiritus Sanctus Episcopos regere Ecclesiam Dei; Act. 20. In quo ultimo textu per vocem Episcopos audacter supponit designatos parochos (editum est opus Guadagnini, Bresciæ 1782.) Accessit in parochismi defensionem jansenista Travers, unus ex appellantibus a bulla Unigenitus, cujus opus *le pouvoir légitime des pasteurs du premier et du second ordre* proscriptum fuit. Is docuit curatum esse Ordinarium, proprium sacerdotum, pastorem specialem et particularem; cui competat in populum sibi subjectum jurisdictio sive potestas regiminis immediata et proxima; vi cujus jurisdictionis ipse vicarius Christi in parochia sua efficitur, sicut Episcopus in diœcesi, et Papa in tota Ecclesia. Addit autem Episcopi ordinationes non obligare, si fiant præter parochorum assensum; neminem posse peccata sua confiteri, etiam Episcopo aut Summo Pontifici, absque parochi licentia: cui idem ac Papæ debetur obsequium; Episcopum vero non posse absque consensu parochi, aut functiones ulla sacras peragere in aliqua parochia, aut ibi confessiones audire..., aut cuilibet alteri hujusmodi peragendi facultatem facere.*

Joannes Baptista Thiers, parochus et doctor sorbonicus,

systemati adjecit parochiam esse ecclesiam a sancto Cypriano intellectam.

Recensionem nostram hic claudemus; adeo enim ultimis temporibus pullularunt ejusmodi libri, ut totam Europam, sicut torrens invaserint, et hodieum bibliothecas oppleant. Satis sit pro coronide memorasse synodos schismaticas Ultrajectensem et Pistoiensem, in quibus parochi tanquam judices fidei sederunt, et hac formula usi sunt, *ego N. judicans subscripsi*.

§ III.

Quoniam tendat parochismus, et quantum periculi hodieum sub isto pestifero systemate lateat.

I. *Ad quænam exitialia consecutaria parochismus logice deducat.*
 — Reclamamus præcipua illius systematis placita. Parochus, jure divino, habet in plebem suam immediatam jurisdictionem; Episcopus vero in eandem plebem jurisdictionem non habet nisi mediante parochi. Hinc sequitur logice Episcopum nihil omnino posse in parochia ordinare, nec in ea ipse prædicare aut confessiones audire, aut aliis ad id peragendum facultatem facere, nullam denique per se aut alios functionem sacram peragere, nisi mediante, ac proinde consentiente parochi: qui si consentire renuat, ligata remanet omnis Episcopi in parochiam potestas; si enim obstante parochi quidquam tentaret, id ageret ex jurisdictione *immediata*, quæ ad eum non pertinet, sed exclusive ad parochum. Item parochus est sponsus verus et proprie dictus suæ parochiæ: de natura autem spiritualis sponsaliti est, ut sit perpetuum; ergo dari nequit curatus seu curam alicujus populi habens revocabilis ad nutum; sed ejus officium tam est perpetuum, quam officium Episcopi. Item parochus est pastor proprie dictus: pastoratus autem potestatem includit gregem regendi et gubernandi, ac proinde jurisdictionem etiam fori externi; ac proinde pote-

statem excommunicandi : eumque aliunde jurisdictio omnis parochi sit *immediata*, privative ad Episcopum, nec fori etiam externi ullum actum exercere poterit Episcopus circa parochiam et parochianos, nisi consentiente paracho. Item parochi jurisdictio est *ordinaria*, eo sensu quod delegare possit : ergo pro arbitrio quemlibet presbyterum, absque ullo interventu Episcopi, poterit approbare et deputare ad prædicandum et sacramentum pœnitentiæ ministrandum in sua parochia. Et tandem, cum parochus hæc omnia jura habeat ex institutione divina, a Christo nempe immediate accepta, et ipsius officio divina auctoritate alligata, a nullo poterunt ejusmodi jura restringi ; et, si Episcopus, Papa, vel concilium œcumenicum legem ferat jura parochialia prædicta coarctantem, lex illa irrita erit, cum non possit ecclesia jus divinum immutare. A fortiori irritum foret decretum, quo sublatis parochis Episcopus immediate per se vellet curam diœcesis agere, cum parochi tam pertineant ad hierarchiam Ecclesiæ integritati necessariam, quam ipsi Episcopi et Papa ; nec magis stare possit Ecclesia sine parochis quam sine Episcopis. Ne rem in longum protraham, satis inde patet generale ex parochismi systemate consectorium ; cum scilicet, de jure saltem, ut volunt, totus mundus in parochias divisus sit, et uniuscujusque parochiæ regimen ad parochum *immediate*, idest, vere et efficaciter pertineat, ad Papam autem et Episcopos nisi *mediate*, idest, ineffaciter et derisorie, sequitur gubernationem universalis Ecclesiæ ad parochos vere pertinere, non autem ad Episcopos Romanumve Pontificem. Ergo (clamabunt merito protestantes) inutilis Papa et inutiles Episcopi ; sint tantummodo in singulis plebibus *pastores*, sui et independentis juris. Totam ergo Ecclesiæ divinam constitutionem subvertit parochismi systema.

Et notatu dignum est, non tantum Jansenistas in extollendis parochis navasse operam ; sed et apertos Ecclesiæ hostes atque incredulos : quibus data qualibeturbationum politicarum occasione solitum est, lamentari paupertatem et dejectionem

pastorum qui portant pondus diei et æstus, invehi in tyrannicam Episcoporum dominationem, et excitare parochos ad sua defendenda jura. Quod sapienter advertens Nardi, parochus et ipse, at non parochista, sic causam hujus incredulorum agendi rationis aperit : « Quando increduli reliquum sacerdotium deprimunt et parochos extollunt, id non potest nobis non esse causa timoris. At cur, inquis, extollunt parochos ? » De hoc in decursu operis præbebitur ratio. Interea ad unum attendatur velim : ipsis nempe persuasum est absque religione aliqua stare populum non posse : jam vero, contumeliis oppresso Summo Pontifice, transmutatis in larvas inanes Episcopis, contemptu et calumniis resperso reliquo tam seculari quam regulari clero ; interea vero admonitis populis ut in parochis agnoscant omnia ad religionis exercitium necessaria, facile innuitur cæteros de medio tolli posse : et ecce ad januam protestantismus : reliquam permutationem tempus perficiet. Is iniquorum scopus ; inscii adlaborant proborum nonnulli. » (Nardi, tom. 1, præf., pag. x, edit. Pezzari 1829.)

II. *Quantum hodiedum lateat periculi in superstitibus et nondum penitus eradicatis parochismi germinibus.* — Error qui vicinioribus temporibus altas radices egit, et qui, licet variis Sedis Apostolicæ damnationibus compressus, nova hodiedum hinc inde exerit evolutionum teutamina, maximi adhuc periculi censendus est. Tale porro sese exhibet parochisticum systema. « Proxime elapso sæculo, ait Nardi, parochismus apud Gallos in gigantem excreverat, radicesque alte defixerat ; et cuique in rebus ecclesiasticis versato notum est, tot fuisse in hunc sensum a novatoribus editos libellos, ad indebitam juris sui extensionem tot inductos parochos, capite debiles, aut ambitionis lepra morbosos, ut non mediocris tempestatis fluctibus Galliæ Episcopi exagitati fuerint. Et quidem grassanti errori confutationibus, directisque ad ecclesias suas instructionibus, atque etiam fortiter arrepta pastoralis virga sese opposuerunt. At multo facilius,

« ut mihi videtur, sedata fuisset tempestas, si, pro totius
 « antiquitatis more, ad Sedem Apostolicam recursum hac de
 « re iustituissent, atque inde reportassent damnationis sen-
 « tentiam in exortas ejusmodi temeritates, atque in erronea
 « e quibus oriebantur placita. Declarato scilicet, parochos
 « non esse pastores, atque definitis paucis quibusdam aliis
 « punctis, facta fuisset tranquillitas. Ast ipsimet Galliae Epi-
 « scopi parochos pastorum nomine insigneabant; quem titulum
 « iisdem deberi pro certo habere videbantur; idque numero-
 « sissima Jansenistarum secta persuadere omni arte tentabat.
 « Hinc non mirum res eo venisse discriminis. » (Nardi, tom. 1,
 pag. 197.) Errorem autem a theoria ad praxim fuisse per-
 ductum testantur nimis multa facta et scandala. In parochia
 diœcesis Burdigalensis, *Ambages* vulgo dicta, obstitit parochus
 ne quoddam matrimonium celebraretur coram sacerdote,
 quem ad hoc delegaverat et miserat Archiepiscopus. Pa-
 risiis parochus Sancti Rochi, dominus Coignet, a prædica-
 tione prohibuit quosdam regulares, a Cardinali Archiepiscopo
 de Noailles approbatos, et ad id muneris in prædicta parochia
 obeundum designatos et missos. Quibus duobus factis a Nardo
 memoratis (tom. 1, pag. 204) alia addi possent quamplurima.
 Libri autem illo errore infecti, non destructi sunt, sed hodie-
 dum ecclesiasticas bibliothecas, etiam seminariorum, replent.
 Mirum ergo potius esset, non aliquid ad nostra usque tempora
 dimanasse veneni.

Et revera superstitem adhuc errorem testantur non pauci
 variis in regionibus recens editi libri, a quibus designandis
 parco, ne rem polemicam cum viris viventibus aggrediar,
 quod me ab harum institutionum scopo nimis averteret.
 Id mihi persuasum, nostris adhuc temporibus parochismi sive
 presbyterianismi latere anguem in herba. Cavendum proin-
 Episcopis esse, ac sedulo invigilandum, ne periculosa revi-
 viscant superioris sæculi tentamina.

Dum autem periculum ex presbyterianismo memoramus,
 ex proposito ad illegitimas parochorum prætentiones fere

exclusive respicimus, et tacemus de canonicis sive cathedralibus capitulis. Licet enim canonicorum capitula multoties etiam ad indebita sese erexerint, et molestiis Episcopos injuste exagitaverint (ut monumenta testantur historica), nunquam tamen serio jurium suorum ex institutione divina ullum ædificium extruxerunt; sed tota quæstio in variis eorum cum Episcopis disceptationibus versabatur circa jura, positive ipsis ab Ecclesia concessa; auctoritate proin ecclesiastica revocabilia et mutabilia. Unde per minimos ad Sedem Apostolicam congregationesve romanas recursus ejusmodi controversiæ effeciter definiri et pacari possunt. Verum quidem est, in Gallia canonicos quandoque sustinuisse jura sibi ex veteri consuetudine firmata, non posse, etiam per Sedem Apostolicam conciliumve œcumenicum tolli; atque ideo ausi sunt concilii Tridentini receptioni (in contrariam adnitentibus Episcopis) obsistere, et recursum ad parlamenta minitari; atvero ita arguebant ex funesto gallicanismi principio, *non posse Apostolicam Sedem œcumenicamve synodum antiquam alicujus regionis disciplinam immutare, nisi mutationem acceptantibus illius regionis Ecclesiis; et ab abusu ecclesiasticæ potestatis legitime fieri ad principem temporalem recursum.* Principium illud, quod tunc temporis tuebantur Episcopi, sibi logice applicabant cathedralia capitula. Jura autem sua ex institutione divina sibi competere, esseque a Christo immutabiliter tradita non jaetabant. Hodie vero in Gallia, cum Ecclesiæ omnes recentis sint erectionis et creationis, nullam allegare possunt canocici antiquam et immemorabilem consuetudinem; et, sublato gallicanismi præfato errore, etiamsi exstent alicubi antiqua et privilegiata capitulorum jura, nunquam negabunt canonici ea posse a Sede Apostolica abrogari aut moderari. Non enim se faciunt institutionis divinte, sed ad summam apostolicæ, quod non impedit quin eorum jura sint per legem ecclesiasticam variabilia; ita ut etiam absolute possint omnia mundi capitula de medio tolli, tota remanente essentiali Ecclesiæ integritate.

Ad curatorum autem parochisticas prætentiones si respiciamus, alio prorsus modo res se habet. Ipsorum gradus sive ordo, ut volunt, ad Ecclesiæ integritatem pertinet: sua jura a Christo ipso immediate tenent: quæ a nulla proinde ecclesiastica potestate auferri aut coarctari queant; cum institutionem Christi Ecclesia mutare non possit: dum ergo hæc jura ita extendunt ut Episcoporum et Sedis etiam Apostolicæ potestatem ad nihilum fere redigant, frustra illos Ecclesiæ decretis et legibus ad saniora reducere tentabis; in suo quippe *institutionis divinæ* propugnaculo hujusmodi remediis inaccessi consistent. Unde patet, verum hodie et quasi totum ex presbyterianismo pertimescendum periculum, sub parochismo latere.

Hæc operæ pretium visum est cursim in antecessum exponere de pestifero parochistarum systemate. Nunc ad convellendas singulas erronei illius ædificii partes, pandendamque genuinam parochorum institutionem manum admoveamus.

CAPUT II.

PAROCHI NON CONSTITUUNT TERTIUM HIERARCHIÆ DIVINITUS INSTITUTE ORDINEM.

Qui parochismi sive presbyterianismi historiam attente lustraverit, facile advertet cum ex errore, quem nunc confutandum aggredimur, tanquam ex præcipua arce sua, arma, et fraudes, et ad resistendum audaciam depromere consuevisse. Id nempe ante omnia totis viribus tuentur parochistæ, institutos a Christo fuisse curatos tanquam *hierarchas*, et tanquam *tertium hierarchiæ ecclesiasticæ ordinem*. Primum videlicet hierarchiæ ordinem agnoscunt in Romano Pontifice; secundum in Episcopis; tertium in parochis. Papam et Episcopos *majores*; parochos vero *minores* hierarchas et prælatos

dietitant. Subjecta quidem Episcopis parochorum divinitus accepta auctoritas : at sicut Romano antisti subjectus quisque Episcopus. Sua jura divinitus instituta adversus Papam tueri fas est Episcopis : par autem parochorum erga Episcopum conditio. Hinc ad omnia sua erronea et schismatica consectaria facili gressu decurrunt. Summi ergo momenti est propugnaculum istud *tertii ordinis hierarchici* parochis attributi explodere, et speciali applicatione argumentorum jam supra expositorum penitus subvertere. Quod ut clariori methodo præstemus, exponemus 1° quibus formulis et quo sensu parochistæ tertium hierarchiæ ordinem in curatis collocaverint ; 2° determinabimus quid sit hierarchia, et quænam variæ hierarchiæ species ; 3° ostendemus parochos ad nullum omnino hierarchiæ ordinem pertinere.

§ I.

Quibus formulis et quo sensu parochistæ contenderint curatos efformare tertium hierarchiæ divinitus institutæ ordinem.

I. *Quid tenuerit Sorbona.* — Doctrinam de tertio hierarchiæ, parochis coustaute, ordine, solebat Sorbona formulis omnino apertis exprimere et propugnare, ut constat ex pluribus judiciis censoriis ab illa facultate prolatis (quæ videsis apud d'Argentré, *Collectio judiciorum*). Unum aut alterum in medium adducemus. Anno 1524 in Dominicanum quemdam nomine Combont, Sorbonam animadvertisse, referunt hoc modo ipsa universitatis Parisiensis regesta :

« Dum responderet de aulica frater Ludovicus Combont
« Prædicator, negavit et Episcopos et curatos esse de jure
« divino et immediate a Christo institutos. Qui actui præ-
« sentes erant magistri, eum publice increpaverunt, et sacra
« deinde facultas, re mature discussa pluribus in congrega-
« tionibus, jussit ut bacchalaureus ad satisfaciendum scanda-
« lo, in sua sorbonica propugnaret doctrinam sæpius defini-

« tam a sacro ordine, triplicem esse hierarchicum ordinem ;
 « non modo Summum Pontificem, sed etiam Episcopos et
 « parochos esse a Christo immediate institutos ; neque oppo-
 « situm posse probabiliter sustineri, cum certum sit id refra-
 « gari evangelicæ veritati. » Postea occurrit in iisdem rege-
 stis propositio, qualem sustinere et defendere coactus est
 supradictus Dominicanus, estque tenoris sequentis : *Quemad-*
modum Petrus a Christo Summus Pontifex ordinatus fuisse credi-
tur, et quilibet cæterorum Apostolorum ab eodem Christo, nullo
mediate, Episcopus creatus, et curatorum ordo institutus; eodem-
que jure divino triplicem illum hierarchicum ordinem Ecclesia
tenet; nec horum opposita (cum certum sit evangelicæ veritati illa
refragari) possunt probabiliter sustineri. (Apud d'Argentré, *Col-*
lectio judiciorum, tom. 2, parte 2, pag. 5.)

Anno 1664, die 24 maii, librum Jacobi Veruant Sorbona perstrinxit censura hujusmodi : « Hæ sex propositiones (1),
 « quatenus asserunt vel inferunt, *potestatem jurisdictionis cu-*
 « *ratorum non esse immediate a Christo, quantum ad institutionem*
 « *primariam*, falsæ sunt, et decretis sacræ facultatis contra-
 « riæ ; salva semper immediata Episcoporum in prælatos mi-
 « nores seu curatos et plebem subditam autoritate. » (Apud
 d'Argentré, *Collectio judiciorum* tom. 3, parte 1, pag. 104.)
 Hinc patet Sorbonam admisisse, non tantum divinam parochorum institutionem, eorumque a 72 discipulis derivationem, sed etiam triplicem ordi- nem hierarchicum ex divina ordina-
 tione constitutum, in quo parochi tertium locum occuparent, Episcopi secundum, Romanis Pontificibus in primo stantibus. Est autem notatu digna restrictio hæc, *salva semper immediata Episcoporum in prælatos minores seu curatos et plebem subditam autoritate* : probat enim Sorbonam, anno saltem 1664, immu-
 nem fuisse pestifero parochistarum errore, quo *immediatam* in parochianos jurisdictionem ita curatis ad censent, ut eandem Episcopis denegent. Atvero nullum ejusmodi restrictionis ve-

(1) Agitur de propositionibus e libro Jacobi Vernant excerptis.

stigium in antiquioribus Parisiensis academïæ documentis reperire potui; et certum est plurimos ipsius doctores in contrariam ivisse sententiam. Hinc mihi orta suspicio, opinionem, quæ immediatam in parochianos jurisdictionem Episcopo denegat, a Sorbona nec authentice admissam, nec aperte rejectam ante mediam sæculi decimi septimi partem; tunc vero temporis, ad extrema omnia parochistis et jansenistis ruentibus, visum academïæ præfatæ restrictionis frænum esse opponendum. Attendenda etiam notarum quibus Sorbona utitur moderatio: damnatur nempe tanquam *falsa, decretis facultatis contraria, et omni probabilitate* (utpote evangelio refragens) *destituta* opinio, quæ divinam parochorum institutionem, et eorum in tertio hierarchiæ ordine collocationem denegat: atvero a notis acrioribus abstinetur. Non pauci scriptores putarunt etiam ad notam hæreseos Sorbonam processisse, decepti nempe hoc Joannis Majoris textu: « Tam Episcopi quam curati sunt de jure « divino, quemadmodum Romanus Pontifex; nec aliquis prorsus homo potest illud jus, et illas potestates tollere de Ecclesia, plus quam Summum Pontificatum, licet Petrus Paludanus et Joannes de Turrecremata teneant oppositum. Sed « quod ipsi tenent, censuit in fide hæresim facultas nostra. » (Major, in 4 lib. *Sententiarum*, dist. 24, q. 3.) Sed Thomassinus (tom. 1, parte 1, lib. 2, c. 26, n. 4), et ipse etiam jansenistarum patriarcha, Duverger abbas de Saint-Cyran (Petrus Aurelius, tom. 1, pag. 155), advertunt ea verba Majoris, censuit in fide hæresim, referri tantum ad eos qui docerent omnem episcopatum de medio tolli posse. Et revera nullum reperitur Sorbonæ decretum, quo hæreseos notam inusserit iis qui parochorum immediatam a Christo institutionem, vel triplicem prædictum hierarchiæ ordinem negarent. Quod notatum volumus, ne quis putet nos velle Sorbonam plus æquo parochismi ream facere. Advertendum tandem declarari, a Christo esse parochos quoad primariam institutionem; quæ verba magis explicantur in censura anni 1429 adversus Joannem Sarrazin

ordinis Prædicatorum, qui sequentibus propositionibus subscribere coactus est : *omnes potestates jurisdictionis Ecclesiæ, aliæ a Papali potestate, sunt ab ipso Christo, quantum ad institutionem et collationem primariam : a Papa autem et ab Ecclesia quantum limitationem et dispensationem ministerialem. Hujusmodi potestates sunt de jure divino, et immediate a Deo. Ex textu evangelii et doctrina Apostolorum habetur expresse, Apostolis et discipulis a Christo missis auctoritatem jurisdictionis fuisse collatam. Dicere inferiorum prælatorum potestatem jurisdictionis, sive sint Episcopi, sive sint curati, esse immediate a Deo, evangelicæ et Apostolicæ consonat veritati* (apud Thomassinum, tom. 1, part. 1, lib. 2, c. 26, n. 2).

II. *Quid tenuerit Gersonius.* — « Domini curati sunt in Ecclesia minores prælati... Domini curati in Ecclesia minores prælati sunt *hierarchici*, hoc est principales aut dominantes, per primam institutionem Jesu-Christi. Hoc fundatur in evangelio (Luc. 10)... Evangelium est bulla curatorum. Sequitur quod de ordinatione essentiali et stabili sanctæ Ecclesiæ æque bene est status curatorum, sicut ille prælatorum Cardinalium, Archiepiscopum : imo vero sicut status ipsius Papæ, quamvis non sit adeo perfectus. Sequitur Papam hunc statum destruere aut annihilare non posse, cum status ille non ex sua proveniat positiva ordinatione, sed sine medio ex Dei auctoritate... Sequitur curatos Ecclesiæ spon- sos esse sicuti prælatos, quamvis sint imperfectiores... Sequitur Papam, aut alium quemvis, jus hoc (*nempe concionandi*) curatis auferre aut impedire non debere. Et ideo nullus in Ecclesia eorum concionari debet absque eorum facultate... » (Opera Gersonii, tom. 2, p. 436 editio Ellies Dupin.) « Sequitur prælatos et curatos subdelegare posse, veluti ordinariam habentes jurisdictionem... » (Ibid., pag. 439.) « Maneat intactus hierarchicus ordo et essentialis Ecclesiæ, prælatorum et curatorum, quorum potissime Papa defensor, non destitutor esse debet. » (Ibid., pag. 446.) Ex adductis texti-

bus, patet Gersonium curatos habuisse pro veris hierarchis, tertium ordinem essentialis hierarchiæ constituentibus, eo sensu quem modo quoad Sorbonam adnotavimus.

III. *Quid tenuerit Bossuetius.* — « Nimia illa quidem, in-
 « quies, quæ potestatem jurisdictionis parochorum æque ac
 « Episcoporum et Papæ, a Christo esse docet, ut ex eisdem
 « monumentis atque ex novissima Vernantii censura patet.
 « Qui hæc obijciunt, doctrinam sacræ facultatis non intel-
 « ligunt : diserte enim explicat hic agi de parochis, non
 « quantum ad *limitationem*, sed quantum ad *institutionem*
 « *primariam*; subditque in censura Vernantii : *Salva semper*
 « *immediata Episcoporum in prælatos minores seu curatos et*
 « *plebem subditam auctoritate.* Mens ergo facultatis de secundi
 « ordinis sacerdotibus non ea est, institutum a Christo, ut
 « sint eo ritu, quem nunc Ecclesia servat, in paræcias distri-
 « buti ; id enim pertinet ad eam *limitationem*, quam a Papa
 « quidem et ab Ecclesia esse ipsa facultas docuit ; sed omnino
 « a Christo esse id, quod ad *primariam* hujus ordinis insti-
 « tutionem pertinet ; nempe ut ille ordo sit in Ecclesia neces-
 « sarius, et secundo loco sub Episcopis ecclesiasticam juris-
 « dictionem exerceat ; quam cum exercet, non ab alio quam
 « a Christo, secundum canones et Episcoporum juxta præ-
 « scripta, exercendam accipiat : ita ut Episcopis a quibus
 « consecrantur et instituuntur, tanquam immediatis pasto-
 « ribus, vicariam operam præstent : quod est verissimum. »
 (*Defensio*, edit. Lebel 1817, tom. 32, pag. 614.) Admisit ergo
 ipse etiam Bossuetius, parochos esse immediate a Christo quoad
primariam institutionem, et a jure ecclesiastico tantum pendere
 talis et talis parochiæ assignationem cuilibet paracho factam.
 Ex quo sequitur eodem sensu institutionis divinæ esse parochos
 ac Episcopos ; cum ipsi etiam Episcopi quoad diœcesis, quam
 regant, designationem pendeant a potestate ecclesiastica. Cæ-
 terum cum utitur Bossuetius voce *consecrari*, intelligendus est
 de presbyteris uti presbyteris (de quibus tamen non agebatur
 in quæstione) ; alioquin vox illa orthodoxa non esset : insti-

tuuntur quidem parochi, sed non consecrantur quatenus parochi. Si ergo erronea illa juris divini parochorum institutio, et immerito dicantur parochi tertium ordinem hierarchicnm in Ecclesia constituere, concludendum erit nimis a Bossuetio fuisse parochis concessum; si tamen *libri defensionis* verus auctor sit Bossuetius, de quo (ut notum est) disputant eruditi.

IV. *Quid tenuerint Van-Espenius et cæteri jansenistæ.* — Fingmentum illud in triplicem ordinem jure divino divisæ hierarchiæ ecclesiæ essentialis, in parochos nempe, Episcopos et supremum Pontificem, totis ulnis post Sorbonam amplexati sunt quotquot fere exstiterunt presbyterianismi et jansenismi labe infecti scriptores. Ex iis autem quam plurimi in deducendis consecrariis metas a Sorbona positas longe prætergressi sunt; concludentes verbi gratia, nihil in parochiis ordinare posse Episcopum absque parochorum beneplacito, utpote cui nonnisi mediata in parochianos jurisdictio competat. Item cum Gersonio parochis vocem definitivam in conciliis tribuerunt; atque cum eodem tenuerunt, fas non esse Episcopo quemquam regularem aut sæcularem presbyterum ad parochiam mittere, qui invito curato prædicet, confessionesve fidelium audiat. Cæterum si injuste Episcopus depositionis, excommunicationis, aliarumve censurarum pœnis parochos exagitet, posse istos ad gubernium civile tanquam ab abusu appellare, et interea nihil curare de episcopali sententia. Quæ consecraria, et plurima alia non minus insane excogitata, ex triplici supradicto hierarchico ordine, tanquam ab invicto principio, putant ejusmodi scriptores posse legitime deducta demonstrari.

Hinc facile instrospectiet lector quanti momenti sit doctrinam illam de triplici hierarchiæ ordine (parochis, episcopis et Summo Pontifice constaute), ad crisim serio vocare, et inane illud commentum penitus convellere.

§ II.

Quid sit hierarchia, et quænam variae hierarchiæ species.

I. Hierarchia idem sonat ac *sacer principatus*; et nihil aliud est quam ipsamet superioritas, quatenus, variis gradibus distributa et ordinata, variis personarum ecclesiasticarum ordinibus competit.

II. Multiplex distingui potest: nempe, 1° quoad causam efficientem, est vel *divinæ institutionis*, seu ab ipso Christo constituta; vel *institutionis dumtaxat ecclesiasticæ*, seu quam sola potestas ecclesiastica, non autem ipse Christus Dominus, invexit et ordinavit.

2° Quoad objectum, est vel *ordinis*, vel *jurisdictionis*, vel *honoris* seu præminentiae.

Hierarchia ordinis, est superioritas quam clerici, altiori gradu sacramento ordinis donati, possident relative ad alios, qui eidem sacramento inferiori gradu initiati sunt. Illa autem ordinis hierarchia tota constat tribus his gradibus, *Episcopis*, *presbyteris* et *ministis*; atque ejusmodi hierarchiam divinæ institutioni esse ad censendam, dogma catholicum est, a Tridentina synodo expresse definitum. Primus est in hierarchia ordinis Episcopus, quia plenum, dum consecratur, accipit sacerdotium; ex quo major ipsi quam presbyteris cedit conficiendorum sacramentorum potestas; siquidem Episcopis, privative ad presbyteros competit, ut alios Episcopos et presbyteros consecrare valeant, et sint ordinariū sacramenti confirmationis ministeri. Secundo loco stant presbyteri, seu (ut eos tota traditio vocitat) secundi ordinis sacerdotes; majori tamen potestate in conficiendis sacramentis pollentes quam *ministri*, id est, quam diaconi et subdiaconi.

Hierarchia jurisdictionis, potestate regendi seu gubernandi fundatur, et ex variis hujus potestatis gradibus coalescit. Primus in hierarchia jurisdictionis est Romanus Pontifex, sive

solus, sive adjuncto sibi concilio œcumenico procedens; utpote cui, ex divina ipsa institutione, competit totam Ecclesiam pascendi regendi atque gubernandi plena potestas. Post Summum Pontificem, et generale concilium, altiori demissiorive loco stant cæteri omnes, prout eis major minorve jurisdictionis potestas, sive a Christo ipso, sive ex ecclesiastica ordinatione, concessa est.

De Episcopis quæstio institui solet utrum jurisdictionem habeant ex institutione divina, an vero dumtaxat ex concessione Romani Pontificis. Ubi distinguenda omnino est certa quædam jurisdictio quam habet quilibet Episcopus in universalem Ecclesiam, ab alia quam habere potest in determinatam aliquam diœcesim.

Quilibet nempe Episcopus, jus habet sedendi in concilio œcumenico, et ibi, simul cum corpore Episcoporum et Ecclesiæ capite, judicandi et decernendi de fide et universali disciplina. Et quamvis Episcopi *tanquam singuli*, nullam ejusmodi universalem jurisdictionem habeant, eam tamen vere habent quatenus *corpus* efformantes *unitum capiti*. Porro jurisdictio hæc, non humanæ, sed divinæ institutionis est; quam nempe Christus ipse episcopali consecrationi alligatam voluit. Et hoc sensu certum est, non ab aliqua humana potestate, sed a Spiritu Sancto *positos Episcopos regere Ecclesiam Dei*.

Particularis autem jurisdictio in aliquam diœcesim, an Episcopo derivetur immediate a Christo, an vero a Romano Pontifice, est quæstio aliquatenus disputata, quam hic intactam relinquimus. Permissa autem utraque opinione, adhuc hoc sensu divinæ institutionis dici posset particularis Episcoporum in singulas suas diœceses jurisdictio, quod Christus ipse statuerit ut ad gubernandas singulas diœceses Romanus Pontifex deberet *regulariter* Episcopos deputare.

Hinc, attenta hierarchia jurisdictionis divinitus instituta, dicendum Episcopos occupare *secundum* hujus hierarchiæ gradum. Nam jurisdictiones intermediæ quæ occurrunt Papam inter et meros Episcopos (quales sunt jurisdictio congrega-

tionum Romanarum, delegatorum Papæ, necnon jurisdictionis Patriarchis, Primatibus, Archiepiscopisque propria) sunt omnes institutionis ecclesiasticæ.

Non ergo inficias imus, in hierarchia jurisdictionis *divinitus instituta*, merito vocari Episcopos *secundi ordinis* hierarchas. Dicimus autem, attenta hierarchia *jurisdictionis*: nam si agatur de hierarchia *ordinis*, non secundo, sed primo loco stant Episcopi, utpote qui ipsi Papæ ordine inferiores nequaquam sunt, sed prorsus æquales. Item dicimus attenta hierarchia *jurisdictionis divinitus instituta*; quia ex dispositione ecclesiastica, potest simplex diaconus, a Papa delegatus, jurisdictionem et in ipsos Episcopos habere. Imo, sede archiepiscopali vacante, metropolitanum capitulum, ipsiusque vicarius capitularis, aliquam habet in suffraganeos Episcopos jurisdictionem.

Circa eandem jurisdictionis hierarchiam *divinitus institutam*, occurrit etiam de parochis quæstio: an scilicet ipsi hierarchæ *divinitus instituti* sint. Affirmant parochistæ, ut supra vidimus; et sicut ad regendam Ecclesiam Dei posuit Christus primo loco Papam, secundo vero Episcopos, ita volunt a Christo pariter institutum fuisse parochorum ordinem, qui sub Episcopis, in tertio hierarchiæ gradu, starent et populos gubernarent. Quem errorem sequenti paragrapho confutamus.

Hierarchiam honoris, seu præeminentiæ eam vocamus, quæ in jure præcedendi consistit; sive jus illud ex sacro ordine, sive ex jurisdictione, sive ex alio titulo, hunc præcedendi affectum habente, exoriatur. Unde fieri potest ut qui pares omnino sunt ordine et jurisdictione, impares tamen in hierarchia illa præeminentiæ reperiantur; sic, verbi gratia, canonicus presbyter, utpote personatum habens, præcedit presbytero non canonico, licet ambo ordine pares sint, et jurisdictione æqualiter destituti.

Hæc de hierarchiæ vocabulo et variis hierarchiæ speciebus prænotari necesse fuit, ne, dum parochistarum errorem exploremus; aliquod eis remaneat ex vocis ambiguitate effugium.

§ III.

Exploditur commentum de parochis tertium hierarchiæ divinitus institutæ ordinem conflantibus.

Cum asseritur parochos de jure divino tertium hierarchiæ ordinem constituere, vel agitur de hierarchia ordinis, vel de hierarchia jurisdictionis (nam de hierarchia improprie dicta; seu meri honoris et præcedentiæ, non est hic quæstio, nec de ea curant parochistæ): atqui in neutro sensu parochi tertium conflant hierarchiæ divinitus institutæ ordinem:

I.

Si agatur de hierarchia ordinis, absurdum est parochos in tertio hierarchico gradu collocare.

PROPOSITIO I^a. — *Falsum est parochum et presbyterum esse quid unum et idem.* — Toti quidem sunt parochistæ ut incautis lectoribus persuadeant, nullum antiquitus ordinatum fuisse presbyterum, nisi aliquo in loco animarum curæ præficiendum; idem proinde olim fuisse ordinare presbyterum ac constituere parochum; ex abusu autem postea introductum, ut ordinarentur presbyteri, qui non essent simul parochi. Quo præmisso historico mendacio, ubique presbyterum cum parocho confundere affectant, ut sic melius viam sternant ad suam de divina parochorum institutione conclusionem. Unde ante omnia subvertendam duximus hanc eorum latebram, demonstrando essentielle, atque omnino admittendum discrimen, parochum inter et presbyterum.

Demonstratur autem 1^o ex ipsa presbyteri et parochi essentia. Nam illæ duæ res essentialiter inter se differunt, quarum una concipitur existens quin existat altera: porro optime concipitur et existere potest presbyter, quin sit ullo modo parochus. Etenim parochum efficit ipsi commissæ ani-

marum cura ; ita ut absque ejusmodi cura nullus sit aut merito dici possit parochus. Jam vero optime concipitur quis jam ordinatus presbyter, quin ipsi committatur ulla animarum cura. Imo hodie multos existere veros presbyteros, qui parochi non sunt, ipsimet fatentur parochistæ. Et quamvis abusivum id clamittent, tamen factum ipsum non negant : quod autem fit, etiamsi minus recte fiat, a fortiori est possibile. Ergo possibilis est presbyter, qui non sit parochus : ergo presbyter essentialiter differt a paracho.

Demonstratur 2° ex historico facto, quod nequaquam negare possunt parochistæ. Nam in tota retro antiquitate constans fuit ecclesiastica lex, ut clerici quilibet, ob patrata certa crimina, ab officiis suis deponerentur. Jam vero presbyter parochus, qui sic depositus ab officio fuerat, desinebat quidem esse parochus : numquid autem simul desinebat esse presbyter? Id sane, nisi plane desipiant, non contendent parochistæ. Ergo etiam antiquitas exstiterè presbyteri, qui nullatenus erant parochi : ergo presbyter et parochus non sunt quid unum et idem.

Demonstratur 3° ex antiquitatis monumentis. Nam supra probavimus, per priora Ecclesiæ sæcula nullum in mundo exstitisse parochum : civitates autem episcopales (Roma forte et Alexandria exceptis) iis usque ad annum 1000 caruisse. Porro toto hoc tempore quam plurimos ubique exstitisse presbyteros certo certius est. Inde autem concludere est, non tantum essentialiter differre presbyterum et parochum, sed prorsus mentiri parochistas, cum audacter asserunt morem hodiernum vigentem, ordinandi presbyteros qui parochi non sint, fuisse abusivum ab antiqua disciplina recessum. Recessus e contra ab antiqua disciplina fuit (absit autem ut abusivus dicatur, cum eum Ecclesia probaverit) ipsa parochorum institutio ; siquidem prioribus Ecclesiæ sæculis exstiterunt nulli.

PROPOSITIO II°. — *Parochi, quatenus tales, nullum constituent hierarchiæ ordinis gradum.* — Nam de fide est hierarchiam ordinis totam constare *Episcopis, presbyteris et ministris.* Porro

sicut, ex modo probatis, certum est, posse existere verum presbyterum, qui nullatenus parochus sit, ita et a fortiori concludendum venit, posse existere verum Episcopum et verum diaconum, absque ipsi commisso parochi officio. Ergo quilibet hierarchiæ ordinis gradus existere potest absque parochi qualitate, id est, absque eo quo quis constituitur et efficitur parochus. Ergo parochi qualitas toti hierarchiæ ordinis extrinseca est, et nullatenus ipsi essentialis : ergo parochi quatenus tales nullum constituunt hierarchiæ ordinis gradum. Unde si parochus sit presbyter, pertinet quidem ad secundum hierarchiæ ordinis gradum; sed quatenus presbyter, nequaquam vero quatenus parochus.

PROPOSITIO III^a. — *Etiam si parochi idem omnino essent ac presbyteri, absurdum foret eos in tertio hierarchiæ ordinis gradu collocare.* — Nam tunc, non tertium, sed secundum hujus hierarchiæ ordinem constituerent. Cum enim, in illa hierarchia, Episcopi Papæ inferiores non sint, primum utique locum occupant; unde remanet ut presbyteris, qui Episcopos proxime sequuntur, secundus tribuatur, non autem tertius locus.

Ex dictis patet, absurdum prorsus fore parochistarum systema, de parochis tertium hierarchiæ divinitus institutæ gradum conflantibus, si hoc de hierarchia ordinis intelligerent. Remanet ut idem systema, etiam de hierarchia jurisdictionis intellectum, falsum demonstremus.

II.

Si agatur de hierarchia jurisdictionis divinitus instituta, falsum est parochos tertium conflare hierarchicum ordinem.

PROPOSITIO I^a. — *Nullius omnino valoris sunt probationes a parochistis adductæ, ut tertium hierarchicum jurisdictionis ordinem ex jure divino parochis vindicent.* — De facto parochistæ probationes suas e duplici dumtaxat fonte hauriunt : ex evangelio scilicet, et ex antiquitatis seu traditionis monumentis. Excogitari insuper possent tanquam probationis fontes ipsa

parochialis officii natura, et Ecclesiæ definitiones. Atqui nullæ ex ejusmodi probationibus vim habent.

1° Non valet parochistarum probatio ex evangelio deducta. Totis quidem faucibus clamitabat cum suo Gersone Sorbona, *evangelium esse bullam parochorum*; id est, in evangelio ipso reperiri divinitus institutos parochos, et in tertio hierarchiæ gradu collocatos. Sed prorsus hallucinati sunt qui bullam istam evangelicam sibi videre visi sunt. Eam enim contineri existimant capite 10 evangelii sancti Lucæ, ubi narratur quomodo Christus 72 discipulos elegerit et miserit in omnem civitatem et locum, quo erat ipse venturus. Porro superiori sectione fuse probavimus, eos 72 discipulos nequaquam parochos fuisse, nec parochorum prædecessores; imo nec in eis adumbratos fuisse parochos; et dum in monumentis traditionis exhibentur 72 tanquam *figura presbyterorum*, id intelligendum esse, et de facto olim intellectum fuisse, de presbyteris quatenus presbyteris, non quatenus parochis: invicte præterea confirmari hanc textus evangelici interpretationem ex facto, supra etiam a nobis probato, quod scilicet prioribus Ecclesiæ sæculis nullibi parochi exstiterint, et in civitatibus per decem sæcula fuerint desiderati; quibus profecto tamdiu Ecclesia non caruisset, siquidem fuissent a Christo ipso cum 72 discipulis instituti. Unde tantopere proclamata evangelica illa parochorum bulla, idest, præfatus sancti Lucæ textus, ne verbo quidem parochos attingit aut respicit. Alia autem, quæ e sacris scripturis a nonnullis parochistis adducuntur, extra quæstionem adeo palam sunt, ut confutationem non mereantur.

2° Neque valent parochistarum argumenta ex traditione, seu ex antiquitatis monumentis deprompta. Ejusmodi enim argumenta ad duplicem classem referri possunt: 1° quibus probare tentant viguisse olim persuasionem de parochis a Christo institutis per ipsammet 72 discipulorum institutionem; 2° quibus demonstrari posse existimant, parochos semper ab Ecclesiæ exordiis exstitisse. Porro falsum est ullo anti-

quo documento exprimi persuasionem de *parochiis* simul cum septuaginta duobus a Christo institutis. Exprimunt dumtaxat documenta hæc, fuisse 72 discipulos secundi sacerdotiū seu *presbyterorum* typum. Quod autem in iis textibus vox *presbyteri* idem sonet ac *parochi*, affirmant quidem parochistæ, sed gratis et falso, ut supra satis probavimus.

Item documenta quibus probatum volunt, exstitisse a primis Ecclesiæ exordiis parochos, minime id probant; quia intelligi possunt, et de facto ab eruditis intelliguntur, alia quidem de Episcopis, alia de presbyteris; nec ulla est vox quæ parochos proprie dictos arguat. Econtra cruditi cum Mario Lupo iuictis monumentis probant, initio nullos exstitisse parochos, et anno 1000 recentiores eos fuisse in civitatibus. Insuper etiamsi constaret, secundo aut etiam primo sæculo exstitisse parochos, concludi inde rigore non posset cos institutione divina exortos; cum ab initio ex jure mere ecclesiastico induci potuerint, sicut revcra ex lege ecclesiastica postea constituti reperiuntur. Factum autem a parochistis perpetuo recantatum, non solitum olim fuisse presbyteros ordinare, nisi alicui titulo seu alicui Ecclesiæ affixos, nihil eos juvat. Nam cathedralis Ecclesiæ presbyteri et diaconi, id est, canonici, nonnisi ad titulum episcopalis Ecclesiæ, et eidem Ecclesiæ addicendi ordinabantur, et tamen nequaquam erant parochi. Unde concludere parochum eum fuisse, qui legitur presbyter ordinatus et alicui titulo seu Ecclesiæ affixus, ineptissima argumentatio est.

3° Nec argui potest divina, id est juris naturalis, institutio parochorum, ex ipsa parochialis officii essentia, seu ex eo quod parochi sint in Ecclesia necessarij. Nam necesse quidem est ut in Ecclesia exerceatur spiritualis animarum cura: sed hæc cura exerceri potest, quin ullus constituatur parochus; per Episcopos nempe ipsos, et per micos vicarios ab ipsis deputatos. Et ita de facto se res habuit prioribus Ecclesiæ temporibus; imo in civitatibus ad undecimum usque sæculum disciplina hæc perseveravit, ut eruditis jam compertum est.

4° Quoad Sedis Apostolicæ aut conciliorum decreta, quibus definiatur divina parochorum institutio, nulla reperire potuerunt parochistæ; et ideo confugiant ad *bullam* evangelii; utique quia bulla omni pontificia, id est, omni ipsis favente decisione destitutos se bene norunt.

Ergo revera prorsus inanes et nullius valoris sunt probationes a parochistis adductæ, ut tertium hierarchicum jurisdictionis ordinem parochis ex divina institutione vindicent.

PROPOSITIO II^a. — *Historica parochorum origo, probat eos esse institutionis ecclesiasticæ.* — Nam supra eam originem rimando, hæc duo facta probavimus : 1° nullos exstitisse prioribus sæculis parochos; 2° per annos mille civitates (Roma forte et Alexandria exceptis) ea institutione caruisse. Atque id recentiores jam eruditos pro explorato habere vidimus. Porro inde tota subvertitur parochorum divinitus institutorum hypothesis. Nam si Christus ipse parochos instituisset, qui proprio nomine sub Episcopis singulas diœceson regiunculas gubernarent, sicut Episcopi sub Papa singulas diœceses regunt, Apostoli profecto, et proximi eorum successores, juxta hanc divini fundatoris institutionem et mentem universalem Ecclesiam ordinassent. Alioquin enim dicendum foret eos, aut fundamentalem et essentialem Ecclesiæ constitutionem, a Christo ipsis revelatam, perperam intellexisse, aut noluisse eam ad executionem deducere : quæ utraque hypothesis non tantum repugnat, sed impia et blasphema est. Atqui neque Apostoli, neque eorum per decem sæcula successores id præstiterunt; ergo.

Unde, si agatur de hierarchia jurisdictionis, falsum est parochos constituere tertium ex divina institutione hierarchicum ordinem. Aliunde idem falsum est, si agatur de hierarchia ordinis. Ergo rejiciendum omnino est systema, tanto tempore (in Gallia præsertim et a Sorbona) propugnatum, de parochis tertium hierarchiæ divinitus institutæ ordinem conflantibus.

Habenda scilicet parochorum institutio tanquam mere ecclesiastica, utiliter quidem suo tempore inducta, quæ tamen ad

essentialem Ecclesiæ constitutionem, ipsiusque divinitus statutam hierarchiam nequaquam pertineat; ut adeo possit disciplinariis decretis, pro temporum et locorum ratione, immutari; imo et de toto mundo, si et quando Ecclesiæ videbitur, auferri.

Pro quæstionis autem gravitate, et erroris quem confutamus nimium adhuc perdurante lue, operæ pretium visum est subnectere, quæ de eodem argumento, Sacræ Congregationis Concilii nomine, ad Ebredunensem Archiepiscopum scribebat clarissimus Gerdil : « Magnam cordi nostro tristitiam attulit
« quod significas, passim vulgari per tuam diœcesim infaustum
« libellum, parochorum Delphinatus nomine popularibus
« comitiis inscriptum... De hierarchia ecclesiastica fertur hæc
« perscripta esse libelli seuteutia : *Non alios esse posse veros*
« *hierarchas præterquam Papam, Episcopos et parochos : hunc*
« *fuisse septem octove sæculis pulcherrimum Ecclesiæ statum :*
« *opus hoc divinum fuisse, deinceps humano consilio perturbatum,*
« *cum videlicet contra jus fasque prodire cœperunt titulares sine*
« *functione, ministri sine munere, pastores sine grege, præpostere*
« *ad hierarchiæ essentialiam vel integritatem pertinere se conten-*
« *dentes. Quo factum, ut perturbata pace, quæ suos inter præpo-*
« *sitos vigere debet, magnam Ecclesia gloriæ suæ partem amiserit.*
« Atque hæc quidem merito sunt a te reprehensa. Nam quod
« Episcopi, sacerdotesvc, nullo etiam administrationis ordi-
« nariæ munere fungentes, tardius tantum, per fraudem, nec
« sine ingenti Ecclesiæ dedecore, in ecclesiasticam hierar-
« chiam irrepserint; quod et inferiores ministri, quin et ipsi-
« met diaconi ab ea rejiciantur, id cum a veritate, tum a
« Tridentini sanctionibus abhorret quam maxime. Noverant
« Patres Tridentini, primis etiam sæculis plures ejusmodi Epi-
« scopos et sacerdotes, nulli peculiari administrationi addi-
« ctos, in hierarchia ecclesiastica constitisse : plures et suis
« temporibus videbant conditionis ejusdem in Ecclesia con-
« sistere : nihilominus sic universe de hierarchia statuendum
« censuere (sess. 23, cau. 6) : *Si quis dixerit in Ecclesia catho-*

« *lica non esse hierarchiam divina ordinatione institutam, quæ*
 « *constat ex Episcopis, presbyteris et ministris, anathema sit.* Quo
 « *dogmatico canone manifestum est, in hierarchia, divina ordi-*
 « *natione instituta, comprehendì, non Episcopos tantum, aut*
 « *parochos (quos nec nominatim concilium memorat), verum*
 « *indefinitis verbis presbyteros; tum et ministros, quos inter*
 « *primo gradu et loco diaconos censeri constans ab apostolicis*
 « *temporibus Ecclesiæ traditio confirmavit.....*

« Quod si primordia hierarchiæ ab apostolicis usque ducta
 « temporibus recolere memoria volumus, expressam eorum
 « speciem ac formam referet magnus ille Apostolorum disci-
 « pulus, summæ vir in Ecclesia auctoritatis, martyr Ignatius :
 « *Locutus sum, inquit, magna voce, Dei voce : Episcopo attendite,*
 « *et presbyteris et diaconis* (epist. ad Philad.). Tum in epistola ad
 « Smyrnæos : *Omnes Episcopum sequimini, ut Jesus-Christus Pa-*
 « *trem; et presbyterum ut Apostolos; diaconos autem revereamini*
 « *ut Dei mandatum.* En hierarchiam divina ordinatione consti-
 « tutam, constantem ex Episcopo, presbyteris et diaconis,
 « *sine quibus* (ad Trallenses) *Ecclesia non vocatur.* Quæ porro
 « sint in ea partes Episcopi, pergit Smyrnæos docere : *Nullus*
 « *sine Episcopo aliquid operetur eorum, quæ conveniunt in Ecclesia.*
 « *Illa firma gratiarum actio reputetur, quæ sub ipso est, vel quam*
 « *utique ipse concesserit.* Ubi apparet Episcopus, illic multitudo
 « *sit : quemadmodum utique ubi est Christus Jesus, illic catholica*
 « *Ecclesia.* Non licitum est sine Episcopo neque baptizare, neque
 « *Agapen facere : sed quod utique ille probaverit, hoc est Deo*
 « *beneplacitum, ut stabile sit et firmum omne quod agitur.* Hono-
 « *rans Episcopum a Deo honoratus est : qui occultans ab Episcopo*
 « *aliquid operatur, diabolo præstat obsequium.* Ex his constat
 « hunc fuisse statum presbyterorum in Ecclesia, ut quamvis
 « pro potestate ordini divinitus adjuncta, apti essent atque
 « idonei ad sacerdotalia munera fungenda, nulli accedere ad
 « ea fas esset, nisi jussu ac nutu Episcopi. Nulla erat singulis
 « presbyteris singularis attributa portio gregis quam regeret ;
 « sed in universo grege regendo suam quisque pro loco ac

« tempore operam navabat, prout Episcopo expedire vide-
 « batur. Si qui baptizandi essent, si ad Agapen conveniendum
 « erat, si quod aliud obeundum ministerium, e presbyterorum
 « cœtu evocabatur ab Episcopo qui baptizaret, qui Agapi
 « præsideret, qui præscriptum officium expleret. In hac hie-
 « rarchiæ descriptione, quæ probatissimo teste Ignatio ab
 « Apostolorum ætate pluribus certe in ecclesiis viguit, multi
 « quidem presbyteri fuisse perhibentur, nullus qui peculiari
 « portioni gregis regendæ addictus esset, nullus adeo qui
 « parochus proprie dici posset; cum potius ita comparati
 « essent, ut per universam Ecclesiam cui adscripti erant, quæ
 « parochorum sunt munia, omnes indiscriminatim ac per vices
 « obirent, prout hoc vel illo loco, hoc vel illud munus obire
 « jussi erant ab Episcopo.

« Quo patet quam imperite primum dictum sit, per septem
 « octove priora sæcula non alios hierarchiæ compotes fuisse
 « præterquam Papam, Episcopos et parochos, ipsismet præ-
 « teritis diaconis, quos Dei mandato in ea fuisse diserte tradit
 « Ignatius; quam inconsulto deïi subjunctum, nonnisi præter
 « jus fasque, nec sine immani Ecclesiæ dedecore invecos esse
 « in hierarchiam qui, tametsi sacerdotii honore insigniti, nulla
 « pollent peculiari præfectura in Ecclesia... Non ignorat
 « amplitudo tua, quam multa præterea synodi et Patres
 « monumenta in eam rem suppeditent; ex quibus magna ex
 « parte collatis, clarus inter vestros theologus Ludovicus Tho-
 « massinus (parte 1, lib. 2, c. 21, n. 8) hanc veluti summam
 « colligit : *Primis illis initiis solus vulgo baptizabat Episcopus,*
 « *solus altaribus pœnitentes reconciliabat, solus offerebat, nisi*
 « *a quem ex presbyteris suum substitueret in locum, et offerre jube-*
 « *ret. Quare et in maximis quibusque urbibus una erat tantum*
 « *ecclesia; fons unus baptismalis.* » (Gerdilii opera, tom. 15,
 pag. 340, edit. Romæ 1809.)

CAPUT III.

FALSUM EST PAROCHUM ESSE JUDICEM FIDEI ET HABERE VOCEM
DEFINITIVAM IN CONCILIIS.

In eum errorem lapsus olim est Gerson, prout probant hæc ipsius verba : *De voce definitiva quales eam habeant* (nempe in conciliis œcumenicis) *non est dubium de Episcopis et superioribus prælatis, sicut juxta prædicta practicum sæpius invenitur in prioribus conciliis. Sed neque videtur ambiguitas esse de minoribus prælatis, qui sunt curati et hierarchæ; neque de illis qui ad hunc duplicem prælatorum ordinem reducuntur, quibus non ex privilegio solo, sed ex statu et ordinario jure competit animarum cura, quemadmodum sunt multi abbates, decani, præpositi, cum similibus.* Illud erroris monstrum, quo præter Episcopos parochi etiam et cæteri curam animarum ex officio habentes constituuntur judices fidei in conciliis œcumenicis, nulla alia ratione fundat quam nuper edita Sorbonæ decisione; id est decisione ab ipsomet Gersone confeeta, eum constet totam Sorbonam tunc temporis in ipsius manu fuisse. *Facit ad hoc, ait, determinatio sacræ facultatis theologiæ Parisiensis nuper edita..., ubi sic dicitur : Domini curati sunt in Ecclesia minores prælati et hierarchæ, ex primaria institutione Christi.* (In opusculo de *Potestate ecclesiastica*, tomo 2, pag. 250, editionis Ellies Dupin.)

Excepto tamen Gersone, et nonnullis forte obscuris aliis, sequaces postea error ille non habuit; siquidem a gallicanis ipsis, imo et a jansenistis (ut mox patebit) solebat rejici. Atvero iterum, proxime elapso sæculo, eo vesaniæ processit parochismus, seu presbyterianismus, ut inter judices fidei et legislatores quoad disciplinam parochos introducere serio tentaverit.

Eos ut tales in sua synodo sedere voluit Pistoriensis Episcopus Ricci, atque judicandi de fide prærogativam expresse

ipsis attribuit : *Judices etiam ipsi, inquit, et doctores fidei, debebant parochi præcepta evangelica docere.* (*Instructio pastoralis*, pag. 81, quam vide in opere cui titulus *Annotazioni al Vescovo di Pistoja*, pag. 62, quarta editio.) In actis vero Pistoriensis synodi, § 17, eriguuntur in legislatores circa disciplinam.

Quod erroris monstrum sic breviter profligari potest :

I. Ex bulla *Auctorem fidei*, in qua ejusmodi aberratio reperitur expresse coudemnata : « 9^o Doctrina quæ statuit, reformationem abusuum circa ecclesiasticam disciplinam, in synodis diœcesanis, ab Episcopo et parochis æqualiter pendere ac stabiliri debere; ac siue libertate decisionis iudebitam fore subjectionem suggestionibus et jussionibus Episcoporum, — *falsa, temeraria, episcopalis auctoritatis læsiva, regiminis hierarchici subversiva, favens hæresi Aerianæ a Calvino innovatæ.* — 10^o Item doctrina qua parochi, aliæque sacerdotes in synodo congregati pronuntiantur una cum Episcopo iudices fidei, et simul iuvantur iudicium in causis fidei ipsis competere jure proprio, et quidem etiam per ordinationem accepto, — *falsa, temeraria, ordinis hierarchici subversiva, detrahens firmitati definitionum judiciorumve dogmaticorum Ecclesiæ, ad minus erronea.* — 11^o Sententia enuntians veteri majorum instituto ab apostolicis usque temporibus ducto, per meliora Ecclesiæ sæcula servato, receptum fuisse, ut decreta, aut definitiones, aut sententiæ etiam majorum sedium non acceptarentur, nisi recognitæ fuissent et approbatæ a synodo diœcesana, — *falsa, temeraria, derogans pro sua generalitate obedientiæ debitæ constitutionibus apostolicis, tum et sentiis ab hierarchica superiore legitima potestate manantibus, schisma fovens et hæresim.* »

II. Ex tota Patrum traditione et Ecclesiæ praxi. — Argumentum illud fuse evolutum reperire est apud multos auctores catholicos (1) : apud Gerdilium autem, breviori licet forma,

(1) Videri potest, inter alios, auctor operis cui titulus *l'Autorité des deux puissances*, a paginæ 24; qui tamen in cæteris, ob gallicanismi offendicula, caute legendus est.

majori tamen auctoritate; tum ob præclaram viri in ecclesiasticis tractationibus gravitatem, tum quia nomine totius Sacræ Congregationis Concilii, quid in hac re sentiendum sit, in sua ad Ebredunensem Archiepiscopum responsione exponit. Certiorem nempe fecerat Sedem Apostolicam Ebredunensis Archipræsul, parochorum Delphinatus nomine publicatum fuisse et ad popularia comitia directum infanstum libellum, in quo parochos tertium hierarchiæ ecclesiasticæ gradum constituere, esseque in causis fidei iudices asserebatur; simulque ad potestatem civilem transferebantur, quæ sunt ecclesiasticæ potestatis propria. Commissum est rei examen Sacræ Congregationi Concilii, cujus nomine hæc inter alia rescripsit Cardinalis Gerdil prælaudato Galliæ Præsuli :

« Quod si, non sine gravi ordinis hierarchici perturbatione,
 « studuit auctor libelli parochorum jurisdictionem adversus
 « justam Episcoporum auctoritatem amplificare, quanto im-
 « moderatio elatio in eo se prodit, quod eos in fidei judiciis
 « Episcopis coæquare non vereatur. Quæ erroris pravitas ex
 « his abunde jam refellitur, quæ pro tua prudentia breviter
 « æque ac sapienter attigisti; scilicet in conciliis communiter
 « servatum esse, ut Episcopi definiētes subscriberent, non
 « item secundi ordinis clerici; quibus tamen non id juris
 « Patres invidissent, siquidem divina institutione niteretur :
 « deinde refragari Ecclesiæ Romanæ auctoritatem, quæ hanc
 « in parochiis iudicii auctoritatem non agnoscit; quo uno sub-
 « lata videri debet omnis dubitatio. Demum istiusmodi au-
 « ctoritatem nullo titulo niti, defendive posse; non sacerdotii,
 « secus esset presbyteris omnibus communis; non parochialis
 « institutionis, qua non aliæ facultates parochis tribuuntur,
 « quam quæ ad suas regendas plebes necessariæ sunt.

« Quibus ut et nonnulla confirmationis gratia subjungamus,
 « certe si vel a remotiori vetustate synodorum quæ habitæ
 « sunt rationem attendimus, soli ut plurimum Episcopi expo-
 « sitionibus fidei subscripti comperientur; rarius inter Epi-
 « scopos pauci presbyteri, aut etiam diaconi; nec suo, sed

« Episcoporum suorum nomine : velut in Ephesina unus
 « Besula diaconus pro Carthaginiensi : plures in septima gene-
 « rali synodo sub hac formula : *Leo presbyter sanctæ magnæ*
 « *Dei Ecclesiæ, et Vicarius sedis Sidendis metropoleos, paterna*
 « *dogmata sequens, et traditionem catholicæ Ecclesiæ, definiens*
 « *subscripsi : Epiphanius peccator, diaconus sanctissimæ ecclesiæ*
 « *Catanæ Siculorum provinciæ, et locum retinens Thomæ sanctis-*
 « *simi Archiepiscopi Sardinis, paterna dogmata sequens et tra-*
 « *ditionem catholicæ Ecclesiæ, definiens subscripsi.* Itaque sive
 « ubi exstant, sive ubi non exstant subscriptores istiusmodi,
 « perinde sane faciunt contra sententiam libelli. Namque ubi
 « non exstant, manifesto indicio est, Patres non illos æstimasse
 « iudices fidei, quos nec adscriptores habere curaverint : sin-
 « adsunt, dum ipsimet Episcoporum nomine, non suo, sub-
 « scribunt, palam loquuntur non penes se, sed penes Epi-
 « scopos, id juris residere. Quauquam si quid juris ex istius-
 « modi subscriptionibus elici posse videatur, id accesse est,
 « non parochis tantum, quos nec vetera illa concilia memorant,
 « sed omnibus indiscriminatim presbyteris, nec presbyteris
 « tantum, sed et diaconis tribuendum videri : quo nil fingi
 « potest absurdius.

« Atque et istud etiam considerandum est, ad legitimum
 « constituendum generale concilium hoc inter alia omnino
 « requiri, ut generalis fiat eorum convocatio qui sunt jure
 « divino iudices fidei. Hoc nomine solos convocatos Episco-
 « pos esse acta imprimis testantur synodorum Ephesinæ et
 « Chalcedonensis. Et quidem quod ad Chalcedonensem atti-
 « net, cum Marciani Augusti pia vota non satis temporis ad
 « universalem conuocationem relinquerent, non aliter supple-
 « tum est quam apostolica Leonis auctoritate. Cæterum gene-
 « ralis est regula, communi doctorum assensu firmata, ut ad
 « œcumenicam synodum universus ordo iudicum fidei ex
 « omni parte conuocetur. Jam vero cum ad vetustas illas sy-
 « nodos nulla ejusmodi appareat presbyterorum secundi or-
 « dinis facta conuocatio, nec illæ profecto velut œcumenicæ

« synodi haberi potuissent, a quibus nempe multo maxima
 « pars eorum abfuisset, qui jure suo judices essent fidei. Sic
 « uuo ietu concideret venerabilium earum quatuor synodo-
 « rum auctoritas, quas omni fide, omni deuotione suscipere
 « Gregorius Magnus (lib. 3, epist. 10), ac sicut quatuor libros
 « sancti euangelii recipere profitebatur. Perempti earum de-
 « cretis errores continuo reviviscerent, aut e latibulis in
 « quibus profligati delitescunt, rursus erumpentes, clades
 « iustaurarent, quas primum prodeuntes misere fœdeque in
 « ecclesiis ediderant.

« Hæc tam vetusta, tam constans habendarum synodorum
 « ratio persuadet omnino hujusce hierarchicæ ordinationis,
 « quæ iudicii auctoritatem in causis fidei Episcopis detulit,
 « initia non aliunde ducenda esse, quam ex institutione Christi
 « et apostolica traditione. Reuera Christus, ut ex Marco di-
 « scimus (cap. 3), *ascendens in montem vocavit ad se quos*
 « *voluit ipse... et fecit ut essent duodecim cum illo, et ut mitteret*
 « *eos prædicare.* Quo semper intellectum est, prædicandi ac
 « docendi munus et officium, simul cum fidei deposito, Apo-
 « stolis, eorumque successoribus Episcopis, *peculiari quadam*
 « *ratione* sic demandatum esse, ut ab ipsis tanquam *præcipuis*
 « verbi præconibus evangelica doctriua, cum sana verborum
 « forma, in uniuersum orbem et in omne tempus propagare-
 « tur. Hinc Apostolus (I Cor., v. 17) missum se ait, non bapti-
 « zare, sed prædicare : hinc Episcopum *doctorem* ab Apostolo
 « nominari observat Hieronymus. Quod sancte adeo ab ipso
 « Ecclesiæ nascentis exordio servatum est, ut non alii quam
 « Episcopi concionarentur in ecclesiis, nec nisi Episcopi jussu
 « ac mandato presbyteris postmodum facultas permissa sit
 « hujus muneris obeundi; sic, ut plane constaret non aliam
 « ab ipsis doctrinam plebi tradendam fuisse, quam quæ ab
 « Episcopo tradita, aut certe probata esset. Hinc Cælestinus I
 « (epist. 21 ad Episcopos Galliarum, apud Coustant), cum
 « non sine magno mœrore a sanctis viris Prospero et Hilario
 « intellexisset, presbyteris quibusdam illic tantum impune

« licere, ut dissensioni ecclesiarum studentes, atque indisci-
 « plinatas quæstiones vocantes in medium, pertinaciter præ-
 « dicarent adversautia veritati, nonnullam in eo negligentia
 « culpam in Episcopis reprehendit : *Sed vestrae, inquit, dile-*
 « *ctioni justius imputamus, quando illi supra vos copiam habent*
 « *disputandi. Legimus supra magistrum non esse discipulum; hoc*
 « *est, non sibi debere quemquam in injuriam doctorum vindicare*
 « *doctrinam. Nam et hos ipsos a Deo nostro positos novimus ad*
 « *docendum... Quid illic spei est, ubi magistris tacentibus, ii lo-*
 « *quuntur, qui, si ita est, eorum discipuli non fuerunt? Qua ra-*
 « *tione igitur fieri potest, ut cum Episcopis judices sedeant,*
 « *qui Episcoporum se discipulos agnoscere debent; quibus*
 « *non licet doctrinam sibi vindicare, sed eam cum facultate*
 « *docendi ab Episcopis accipere, velut magistris a Deo nostro*
 « *positis ad docendum? Quo intelligitur munus hoc docendi,*
 « *quo, cum potestate judicii, Verbum Dei a verbis hominum*
 « *secernitur, utpote quod in prædicationis officio præcipuum*
 « *est ac maximum, sic etiam fuisse a Christo in summo gradu*
 « *sacerdotii collocatum...*

« Haud mirum proinde in gallicanis istis ecclesiis, quæ per-
 « petua planeque insigui pietatis ac doctrinæ laude floruerunt,
 « hanc mentem ac sententiam incedisse, ut in conciliis judi-
 « cum loco nonnisi Episcopi adessent, aut quibus vel man-
 « dato vel privilegio concessum esset. In *Tractoria*, qua præ-
 « clarum illud ecclesiarum vestrarum lumen ac decus Avitus
 « Viennensis Episcopus convocat ad concilium Epaonense,
 « cavet ut si quem forte adversa valetudo detinet, *duos pres-*
 « *byteros magnæ ac probabilis vitæ, mandati instructione firma-*
 « *tos, fratribus pro se præsentare procuret... Nempe ad definitio-*
 « *nes pro Episcopo suo sanciendas subscribendasque; sed istud non*
 « *extorqueat nisi summa necessitas. Sanctus item Viventiolus*
 « *Lugdunensis conventum Episcoporum denuntians : Clericos,*
 « *inquit, prout expedit convenire compellimus; laicos permittimus*
 « *interesse; ut quæ a SOLIS PONTIFICIBUS ordinanda sunt, et po-*
 « *pulus possit agnoscere. Tam nempe certi erant Pontifices illi*

« gravissimi, nullam in talibus causis penes laicos, clericosve
 « secundi ordinis, iudicii auctoritatem residere, ut scirent,
 « prout laudatus Avitus (epist. 36) testatur, *synodaliū legum*
 « *esse, ut in rebus quæ ad ecclesiæ statum pertinent, si quid du-*
 « *bitationis fuerit exortum, ad Romanæ Ecclesiæ Maximum Sa-*
 « *cerdotem, quasi ad caput nostrum membra sequentia recurramus.*
 « Quid opus commemorare concilium Lugdunense æcume-
 « nicum, in quo (sess. 2), ubi post allocutionem Pontificis
 « *latæ sunt constitutiones pro zelo fidei, dimissi leguntur inferio-*
 « *res prælati, exceptis illis qui fuerunt nominatim evocati?*
 « Ad sese nos revocat laudatum Rothomagense concilium,
 « *cujus in actis responsum refertur, quod Summus Pontifex*
 « *Gregorius XIII, audita relatione sacræ hujusce congrega-*
 « *tionis reddendum, dari censuit ad plura dubitationum capi-*
 « *ta, quæ ab illis Patribus ad Sedis Apostolicæ iudicium relata*
 « *fuerant. Erat caput 5 : Quam vocem abbates, præcipue com-*
 « *mendatarii, capitulorum deputati, et Episcoporum procuratores*
 « *habere deceret? Constat, inquit, ex formula conciliorum*
 « *provincialium et actis omnium habitum post concilium Triden-*
 « *tinum, tantum illis fuisse concessam deliberativam vocem seu*
 « *consultivam, non autem decisivam. Quoniam tamen videbantur*
 « *illi paratiores ad impediendum concilium, et lites coram senatu*
 « *movendas, ad ipsum retardandum, nihil quoque de hoc iudicatum*
 « *fuit. Tum subjungunt : Nisi legitima forma conciliorum pro-*
 « *vincialium restituatur, futurum est ut jam non dicantur conci-*
 « *lia Episcoporum, sed inferiorum ecclesiasticorum contra Episco-*
 « *pos. Ideo dignetur Sua Sanctitas unicuique suos limites ponere. En*
 « *responsum : Abbates, commendatarios, capitulorum deputatos*
 « *vocem dumtaxat consultivam habere : Episcoporum procura-*
 « *tores posse, si concilio provinciali placuerit, et decisivam ha-*
 « *bere.*

« In Burdigalensi anni 1624... decretum edendum (Patres)
 « præformarunt his verbis : *Sacro approbante concilio, decretis*
 « *ultimi concilii Burdigalensis inhaerentes, opinionem quorundam,*
 « *qui ausi sunt asserere, præter Episcopos, quosdam etiam alios*

« habere vocem decisivam in concilio provinciali, ut erroneam a judicamus. » Hæc clarissimus Gerdil (Opera Gerdilii, tom. 15, pag. 347, editio Romæ 1809); cui addemus dumtaxat postulationem Episcoporum Ægypti in œcumenica Ephesina synodo: *Petimus, inquit, superfluos foras mittite: synodus Episcoporum est, non clericorum.* (Labbe, tom. 4, pag. 3.)

III. In tradenda eadem doctrina tanquam certa unanimes sunt probati doctores scholæ, quos supervacaneum esset adducere, cum nulla de hoc exstet controversia.

IV. Neque in hac re dissentiunt gallicani. Imo et ipsi præfatum errorem totis viribus profligarunt. « Le Saint-Siège « principalement, et le corps de l'épiscopat uni à son chef, « c'est où il faut chercher le dépôt de la doctrine ecclésiastique, confiée aux Évêques par les Apôtres. » (Bossuet, *Discours sur l'unité de l'Église.*) « Episcopus eorum omnium, « quæ ad religionem pertinent, unicus verus et ordinarius « judex est. » (Fleury, *Instit. juris eccles.*, l. 1, cap. 13, n. 2.)

In comitiis elcrici gallicani anni 1755 (*Procès-verbaux*, pag. 703), parochi Parisienses coacti sunt subscribere hujusmodi declarationi: « Nobis est plene compertum, ad solum « in sna diœcesi Episcopum jus pertinere, de bona aut prava « doctrina judicandi, atque eum solum (1) a parochis esse hac « de causa adeundum. »

Item in comitiis anni 1770 (*ibid.*, pag. 438), cum de doctrina agendum esset, diserte fuit decretum *deputatos secundi ordinis* (id est alios præter Episcopos) *vocem deliberativam non habituros, sed consultivam tantum.* Idem videre est in declaratione (la remontrance) comitiorum anni 1717, ad Aurelianensem ducem directa.

V. Baianismi et jansenismi sequaces olim in hac re a doctrina catholica non recesserunt. *Sperabam eos* (inquit Baius loquens de contrariis sibi sacerdotibus secundi ordinis)...

(1) Quod quidem non intelligendum est exclusive quoad Sedem Apostolicam: alioquin orthodoxa non esset illa doctrina.

suam sententiam mutaturos...; præsertim quia non ignorant se in his quæ ad finem pertinent, proprie censores non esse. (Opera Baii, part. 2, p. 8.)

Quatuor Episcopi jansenistæ appellantes : « Le pouvoir de « décider des matières de la foi, n'a-t-il pas été spécialement « confié par Jésus-Christ aux Apôtres et à leurs successeurs, qui « sont les Évêques? Comment donc se serait-il pu faire qu'il « eût passé, au préjudice des mêmes Évêques, à des ministres « inférieurs et de simples prêtres? » (Acte d'appel de 1719.)

Cardinalis de Noailles in instructione pastorali ejusdem anni ita affirmat quod quæstiones fidei : « La décision est réservée aux premiers pasteurs. »

Consonat verum jansenismi caput abbas de Saint-Cyran (*Adv. spong.*, pag. 91). Itemque Jueninus : *Catholici e contra omnes, inquit, docent solos Episcopos habere...jus ferendi judicium decisivum, idque ex institutione divina* (dissert. 4, quæst. 3, cap. 1, art. 2, tom. 1).

Ex quo documentorum conspectu palam fit, quomodo presbyterianismus seu parochismus, ultimus temporibus, non tantum catholicæ doctrinæ limites, sed et ipsam veteris jansenismi audaciam prætergressus sit. Et Pistoriensi quidem synodo qui interfuerunt parochi, minus vituperandi videntur, cum constet multos ad subscribendum vi et fraudibus ab hæterodoxo Episcopo Ricci fuisse adactos (vide opus citatum *Annotazioni al Vescovo di Pistoja*). Ast æterno vituperio prorsus digni ii parochi Galliæ, qui sponte, quassante hujus regionis ecclesias rerum politicarum procella, in id deliramenti processerunt, ut se judices in causis fidei contenderint.

« Qui consensum secundi ordinis presbyterorum requirunt, « ut Ecclesiæ judicium ratum firmumque sit, ii revocant erro- « rem Aerii, de quo loquitur sanctus Epiphanius (hær. 75, « tom. 1, pag. 906 et seq., edit. Coloniæ 1682), quem antea « revocarunt Valdenses, Wiclefitæ, Calviniani, Angli presby- « teriani, Richerius; quemque inter cæteros late refutarunt « Bellarminus (*de Ecclesia milit.*, l. 3, c. 16, pag. 75, operum

« tom. 2, edit. Venet. 1721), Petavius (*de Hierarchia Eccles.*,
 « l. 4, c. 2, n. 5, t. 6, pag. 178, edit. Venet. 1757), Natalis
 « Alexander (*Historia Eccles. ad sæcul. iv*, dissert. 44, t. 4,
 « pag. 618, edit. Venet. 1776), Vcith (*Richerii systema confut.*,
 « sect. 2, § 54, n. 46), Bolgenius (*Esame della vera idea della*
 « *Sante Sede*, n. 1 et seq., et in citato libro *Risposta al quæsito*,
 « *cosa è un appellante*, n. 279 et 437). Sane docendi, pascendi,
 « regendi potestas non presbyteris, sed Apostolis, eorumque
 « successoribus a Christo data est. Semper ecclesiarum regi-
 « mini et administrationi Episcopi sunt præpositi, non pres-
 « byteri. In conciliis œcumenicis ab Episcopis editum est ju-
 « dicium, quod christianis omnibus veritatis loco esse deberet.
 « Atque id adeo verum est, ut semper Ecclesia generalia
 « concilia designaverit tantum expresso numero Episcoporum,
 « qui iis interfuerant. Ita cum memorat Episcopos 318, aut
 « Episcopos 600, intelligit concilium Nicœnum aut Chalcedo-
 « nense, quoniam a totidem Episcopis duo illa concilia consti-
 « tuuntur. Quod si aliquibus conciliis etiam presbyteros inter-
 « fuisse constat, id factum est, vel ex consensu Episcoporum,
 « quibus certos presbyteros vocare placuit, qui sapientia præ-
 « starent, vel ut absentium Episcoporum vices agerent (*Ut*
 « *ostendi in prolegomenis*, c. 3, § 40, p. 36, tomi 1). Hinc Epi-
 « scopi subscribebant hac formula *N. Episcopus judicans sub-*
 « *scripsi*; sed a subscriptionibus presbyterorum aberat τὸ
 « *judicans*; ut pateret in conciliis Episcopos proprie iudices
 « esse. Et in concilio Chalcedonensi (act. 1, col. 886, tom. 4,
 « collectionis Labbæi) habentur hæc : *foras mittite superfluos,*
 « *concilium Episcoporum est. Rem concludam egregiis verbis*
 « *cleri gallicani (Actes du clergé de France, tom. 12, pag. 1760,*
 « *edit. Paris. 1740). Le calme après lequel nous soupirons ne sau-*
 « *rait se trouver que dans la soumission aux décrets de la foi, et*
 « *dans l'obéissance à ceux qui en sont les juges : ce sont les Évê-*
 « *ques et les Évêques seuls : c'est à eux qu'il appartient d'en déci-*
 « *der les dogmes, de les enseigner, de les expliquer, de les garan-*
 « *tir, d'en établir également la certitude et l'écuménicité, et d'y*

« soumettre les peuples. Et pagina 1674 : Nous le disons avec
 « douleur, la subordination s'affaiblit. Le simple prêtre se met au
 « rang des premiers pasteurs et prend la place des juges de la foi.
 « Des curés de la capitale de votre royaume osent dans un mé-
 « moire imprimé attaquer ouvertement une ordonnance et une
 « instruction pastorale de leur Archevêque, qui sont hors de toute
 « atteinte. Paucis ab hinc annis Bergomi prodiit egregius
 « liber Marii Lupi de Parochiis ante annum Christi millesimum,
 « quo in libro evidenter ostenditur quam sero parochi insti-
 « tuti in Ecclesia fuerint; ut proinde audiri nequeant qui
 « divinam eorum institutionem jactant. » (Devoti, *Institut. ca-
 nonicæ*, lib. 4, tit. 4, n. 2, tom. 4, pag. 46 et seq., edit.
 Romæ 1794.)

CAPUT IV.

PAROCHI NON HABENT EX OFFICIO SUO, NEC HABUERUNT UNQUAM
 PROPRIE DICTAM EXCOMMUNICANDI POTESTATEM.

Prænotanda. — 1° Proprie dictam excommunicandi faculta-
 tem non vocamus eam quam quis haberet ex commissione
 speciali Episcopi. Eo enim modo, non tantum parochi sed qui-
 libet clericus excommunicare potest: cum autem tunc excom-
 municatio feratur, non jure proprio, sed ex delegatione et
 commissione, minime dici possunt hujusmodi delegati sive
 commissi potestatem excommunicandi ordinariam ex pro-
 prio suo officio exercere.

2° Neque excommunicandi potestatem proprie dictam
 constituit facultas a lege data alicui clericorum classi, verbi
 gratia parochis, excommunicandi *in quibusdam determinatis
 casibus*. Tunc enim poterit quidem parochus, hoc ipso quod
 sit parochus, sententiam excommunicationis ferre in personas
 quas repererit determinatorum a lege flagitiorum reas; sed
 illa excommunicatio, non a potestate parochi et ex officio

parochi propria vim habebit, sed ex potestate legislatoris, qui pro talibus casibus excommunicationem (licet per parochos exequendam) ipse sancivit. Qui nisi ita prius excommunicationem constituisset et parochis commissionem applicandi et exequendi dedisset, inanis prorsus esset parochi sententia.

3° Proprie dictam autem excommunicandi potestatem ille habet, qui absque speciali delegatione, et vi officii sui, potest subditum excommunicare, etiam pro delicto quod nulli legis censuræ subjacet; item ille qui potest jure proprio legem ferre excommunicationis pro tota aliqua specie delictorum; item ille qui excommunicationes a lege latas potest exequi et urgere, non ex commissione speciali sibi ad hunc finem a lege facta, sed vi proprii officii, et proprio atque ordinario jure huic officio alligato.

4° Jansenistæ et parochistæ totis viribus potestatem excommunicandi, et quidem proprie dictam de qua agimus, penes parochos olim stetisse, adstruere conati sunt; id sibi prodesse existimantes, ut facilius dein iisdem fori externi jurisdictionem vindicent.

5° Præter auctores præbyteriana aut jansenistica labe infectos, aliquos etiam olim docuisse *quod sacerdotes parochiales possunt excommunicare*, testatur Divus Thomas loco infra citando. Et revera aliqui veteres canonistæ, antiquitatis inscii et quibusdam decretalium textibus decepti, eam tenuerunt opinionem; quos citatos vide apud Gonzalez (in caput *Cum ab ecclesiarum*, tituli 31, libri 1 decretalium). Ii autem pauci fuerunt; ita ut sententia contraria semper multo communior apud doctores catholicos exstiterit; nunc autem communissima dicenda sit, et sola in praxi recepta.

6° Quæstionem expediemus duplici paragrapho. 1° Nempe explodemus argumenta ex monumentis historicis desumpta, quibus parochistæ probare nituntur olim penes curatos stetisse excommunicandi potestatem; 2° probabimus falsam omnino esse opinionem quæ hujusmodi prærogativam parochis hodie dum tribueret.

§ I.

Documenta a parochiis allegari solita, non probant ad parochos olim pertinuisse proprie dictam excommunicandi potestatem.

I^a ALLEGATIO. — Textus sancti Hieronymi : *Mihi ante presbyterum sedere non licet : illi, si peccavero, licet tradere me Satanæ in interitum carnis* (epist. 1 ad Eliodorum). Volunt parochiæ ibi potestatem excommunicandi, ac proinde jurisdictionem externam a sancto doctore tribui presbyteris; verisimile autem satis esse aiunt, presbyteros de quibus loquitur fuisse parochos. — Respondetur primo, sanctum Hieronymum forte ibi loqui, non de potestate proprie dicta excommunicandi, sed de potestate negandi absolutionem in foro pœnitentiali, quam denegationem modo oratorio exprimit his vocibus, *tradere Satanæ in interitum carnis*. Secundo, eum loqui de presbyteris civitatum seu de presbyterio Episcopi; nam paulo antea dixerat : *An de his aliquid audeam dicere qui certe in suis urbibus commorantur?* Presbyteros autem et diaconos, qui antiquum presbyterium conflabant, externam cum Episcopo et sub Episcopo exercuisse jurisdictionem, sicut hodie exercent vicarii generales, pro explorato habent eruditi. Tertio, quocumque modo intelligendus videatur ille textus, certum remanet sanctum Hieronymum ne minima quidem voce de parochis sermonem fecisse; atque eum ibi considerare totum presbyterorum ordinem, seu secundi ordinis sacerdotium, nullatenus vero peculiare officium parochi, ex toto contextu patet. Unde vix concepitur audacia Juvenini, qui (*de Sacramentis in genere et specie*, dissert. 9, q. 3, art. 3, § 3) fidenter illum textum ad vindicandam parochis excommunicandi potestatem et fori externi jurisdictionem adducit. Thomassinus vero, qui rationes ad vindicandam parochis excommunicandi facultatem afferri solitas diligenter collegit, a citando Hieronymi textu abstinuit. Bene viderat emunctæ naris vir, nimis

absonum fore tale documentum in probationem velle adstruere. Ipse vero, nihil in tota remotiori antiquitate reperiens quod systemati faveret, ad duodecimum sæculum transilit, et inde primum suum documentum expiscatur, quod nunc expendendum est.

II^a ALLEGATIO. — Decretalis Alexandri III ad Florentinum Episcopum directa, tenoris sequentis : *Cum ab ecclesiarum prælatis ecclesiastica sententia in malefactores aliquos promulgatur, rata debet et firma consistere, et usque ad dignam satisfactionem inviolabiliter observari. Quapropter mandamus, quatenus si quando plebanus sancti Pancratii in clericos vel laicos parochianos suos interdicti vel excommunicationis sententiam rationabiliter tulerit, ipsam facias inviolabiliter observari, et eam sine congrua satisfactione et absque ejusdem plebani conscientia non relaxes.* Hanc decretalem reperies, tum in corpore juris (capite 3, tituli 31, libri 1 decretalium), tum inter acta concilii Lateranensis III anni 1179 (parte 31, capite 7). Ex qua decretali sic arguere solent parochistæ : ibi expresse agitur de parcho, de *plebano* nempe sancti Pancratii, qui excommunicandi potestatem habebat; et iste plebanus a Romano Pontifice tanquam *prælatus* agnoscitur; et nedum in dubium vocetur ejus excommunicandi potestas, ac proinde ejus fori externi jurisdictio, decernit Alexander III excommunicationes ab eo parcho fulminatas debere ratas et firmas consistere, nec ab Episcopo esse solvendas. Ergo causam evidenter habemus. Hunc nempe textum Juveninus et cæteri parochistæ, quasi certum triumphum agentes, perpetuo recantant. Quam autem immerito, ne dicam ridicule, facilis negotii est demonstrare. — Respondetur scilicet *primo*, ratione quam communiter tradunt canonistæ, dum illius decretalis commentarium adoriuntur : plebanum nempe sancti Pancratii non habuisse potestatem excommunicandi ex eo quod esset plebanus sive parochus, sed vel ex privilegio, vel ex speciali consuetudine, vel ex aliquo alio particulari titulo; ita ut, non ex jure communi quatenus parochus, sed ex jure extraordinario aliunde

ipsi acquisito, potestatem hanc legitime exercuerit. Ita inter alios, Gonzalez, Fagnanus, Suarez (*de Censuris*, disp. 2, sect. 2, n. 10), Vasquez (*Opusc. de Excomm.*, dub. 17, n. 1), Larius (in sua *Dissertatione* edita Pisæ anno 1733), Benedictus XIV (*de Synodo diœcesana*, l. 5, c. 4, n. 2). Et hac responsione (quæ etiam applicari potest titulo prælati, per decretalem dicto plebano implicate attributo), in nihilum abit achilleum illud parochistarum argumentum. *Secundo*, aliam reperimus hypothesein apud eruditum Nardi (*dei Parochi*, tom. 1, pag. 410), a parochistis autem evertendam, quam quidquam possint ex prælata decretali concludere : eum nempe plebanum de quo in decretali agitur, fuisse verum prælatum et capituli collegialis caput ; plebanum autem simul, eo quod huic collegiatur, ut frequens erat, annexa foret animarum cura. Eos porro qui hujusmodi canonicorum collegiis præerant, et veram prælaturam, et jurisdictionem consequenter fori externi, sæpe sæpius obtinuisse esse notissimum. *Tertio*, solitum etiam fuit quosdam plebanos seu parochos ab Episcopo constitui *vicarios foraneos* : vicarii autem foranei ordinariam fori externi jurisdictionem habent, et sunt aliquo sensu prælati. Si ergo plebanus sancti Pancratii de Lucar fuit unus ex illis vicariis foraneis (et certe possibile fuit eum ut talem ab Episcopo constitui), potuit excommunicare et pro prælato haberi, quin hujusmodi prærogativæ ullatenus ad parochos quatenus tales pertineant. En quot modis ruat præcipuum parochistarum argumentum. Ea tamen decretalis, non satis (ut par erat) perpenſa et discussa, veteres quosdam canonistas induxit ad asserendam parochis excommunicandi potestatem, ac consequenter aliqualem prælaturam et fori externi jurisdictionem. Ad primam responsionem, quæ est multorum canonistarum, sic reponit Thomassinus (parte 1, lib. 2, cap. 26, n. 7) : « Quam facile « est divinare, tam pronum est quæ quis divinando dixerit « repellere. Multo expeditius est sinceriusque fateri, et ali- « quandiu eos (nempe parochos) contentiosam jurisdictionem « obtinuisse, et ab ea demum excidisſe ; quo tamen factum

« est ut in primævam suam conditionem revocarentur, dum
 « prima florerent Ecclesiæ sæcula. Illud enim invictissimis
 « prædiis confirmavimus supra, administrationem pœni-
 « tentiæ publicæ et jurisdictionem exteriorem penes Episcopos
 « fuisse. » Pace tanti viri dixerim, prædicta canonistarum
 responsio nec vi nec sinceritate caret; atque eam certe minus
 justo perpenderat Thomassinus quando tam prompte existi-
 mavit eam nullo negotio repelli posse. Tota nempe quæstio
 in hoc versatur, utrum plebanus sancti Pancratii potestatem
 excommunicandi habuerit *tanquam parochus*, an vero ex di-
 verso alio titulo : nisi parochistæ probent eum egisse quatenus
 curatum tantum, nihil probant. Ut ergo evertatur eorum
 argumentatio ex decretali desumpta, sufficit probari *possibili-
 tatem* diversi tituli, ex quo dictam potestatem exercuerit.
 Porro ista possibilitas non *divinatur*, sed solide adstruitur, dum
 respondetur possibile omnino fuisse ut ille plebanus *ex privi-
 legio* hanc potestatem obtinuerit, sicut possibile est eum simul
 fuisse vicarium foraneum, aut capituli collegianis prælatum.
 Ista nempe possibilitas evidens est, nec quisquam eam negare
 tentavit; et eadem possibilitas omnino sufficit ut parochistæ
 causa cadant, nisi probent dictum plebanum de facto fuisse
 simplicem parochum, et ex solo jure parochiali excommuni-
 casse; quod certe nec probant, nec probare possunt. Ast alibi
 ostendemus quomodo in tota generatim materia parochos re-
 spiciente, Thomassinus Gersoni et Sorbonæ et parochis palpa-
 verit, et multo nimium ad presbyterianismi partes inclinaverit.
 Hic tantum dicemus errasse eum omnino, dum adducta
 Alexandri III decretali ita subjunxit : « Ægre ferebat, ut
 « suspicor, hic Episcopus censuras a parochis intentatas ser-
 « vari. Ad Pontifex non novum jus condit, sed quod in usu erat
 « confirmat, labantemque firmat parochorum auctoritatem. »
 Jus parochiale excommunicandi, nec in usu erat, nec illud
 firmavit Alexander III, ut vult Thomassinus.

III^a ALLEGATIO. — Decretalis Honorii III *His quæ* (ca-
 put 11, tituli 23, libri 1 decretalium). Eam citat Thomas-

sinus in serie documentorum, quibus probare nititur, excommunicandi potestatem aliquando penes parochos stetisse. Ast ibi agitur de Prælato, etiam Episcopis superiore; de Cardinali nempe tituli sancti Laurentii in Damaso: porro Cardinales in suis titulis ordinariam fori externi jurisdictionem ab antiquo habuisse, imo (ipsis defunctis) capitula eis in hac jurisdictione successisse, omnibus notum est. Quid vero id probat quoad parochos? Permissa etiam pro nunc opinione Thomassini, Romanos Cardinales veros fuisse suorum titulorum parochos, quomodo non vidit aliud esse quod possunt tanquam Prælati et Cardinales, et aliud quod eis liceret si forent simplices parochi? Sint in exemplum diœceses Hispaniæ in quibus unicus erat totius diœcesis parochus, nempe Episcopus: quis non derideret hunc ratiocinandi modum: *Toletanus Archiepiscopus erat simul parochus; atqui præsul ille ordines sacros conferebat; ergo parochi aliquando sacras ordinationes peragere potuerunt.* Porro non minus alogice procedit Thomassinus, dum excommunicandi potestate præditum memorat Cardinalem sancti Laurentii, ut probet eandem potestatem aliquando stetisse penes parochos. En dictæ decretalis textum: *His que pro Ecclesia sancti Laurentii in Damaso ex parte una, et capellis sibi subjectis ex altera, super scrutinio aliisque articulis fuere proposita diligenter auditis, sententiando decrevimus ut eorundem capellarum presbyteri et clerici, Cardinali qui nunc est in ipsa Ecclesia, et qui fuerint per tempora, manyalem obedientiam et reverentiam et honorificentiam omnem exhibeant; et ad Ecclesiam ipsam, pro scrutinio, baptismo et capitulo celebrandis, convenient temporibus consuetis: correctionem ipsius Cardinalis recipientes humiliter: et excommunicationis, interdicti, vel suspensionis sententias, quas tulerit in eos et ecclesias eorundem, inviolabiliter. Quando autem Ecclesia ipsa Cardinali vacabit, capellani et clerici memorati eidem Ecclesiæ reverenter exhibeant omnia supra dicta; excepto quod de correctione, excommunicatione et suspensione ipsorum, pro bono pacis, nostræ providentiæ reservamus. Ego*

satis mirari non possum textum hujusmodi a parochistis et præsertim a Thomassino adduci in probationem.

IV* ALLEGATIO. — Excerptum concilii Lemovicensis anni 1031. Sic nempe legere est in actis præfati concilii (apud Labbe, tom. 9, pag. 902, editio Parisiensis) : *Presbyteri autem de ignotis causis; Episcopi de notis excommunicare est, ne Episcopi vilescat potestas*. Hunc textum in gratiam parochistici systematis contorquet Thomassinus hoc modo : « Jam olim
« autem Lemovicense concilium anni 1031 eidem suffragabatur
« parochorum potestati (nempe excommunicandi); sed ita
« tamen ut eorum excommunicationes restringeret ad occulta
« crimina, iis quæ publica sunt episcopali judicio servatis. Id
« vero non aliud erat, quam ad forum iuterius et ad pœnite-
« tiæ tribunal parochorum jurisdictionem revocare : presby-
« teri de ignotis causis, Episcopi de notis excommunicare est.
« Idem habet Ratherius Veronensis Episcopus in epistola
« synodali. Et sane ordiuario antiquoque jure pœnitentias
« publicas soli dispensabant Episcopi » (parte 1, lib. 2, cap. 26, n. 6). Faveat lector attente perpendere Thomassini verba. Quid affirmat synodus Lemovicensis? *Jurisdictionem presbyterorum restringi ad forum conscientie*; id enim significari his verbis, *Presbyteri de ignotis causis*, ipse Thomassinus expresse fatetur. Si ergo dieta synodus docet presbyteros non habere nisi fori interni jurisdictionem, et potestatem excommunicandi ad Episcopos pertinere, quo meutis acumine perspexit Thomassinus synodum hac ipsa declaratione *suffragari parochorum potestati* excommunicationes fulmiuandi? Aliis verbis, si concilium declarat presbyteros non habere potestatem excommunicandi, quomodo patrociniatur opinioni quæ hanc potestatem eis tribuit? Ast videte Thomassini ingeniosam subtilitatem : non dicit synodum *declarasse* restrictam ad forum internum presbyteri jurisdictionem, sed *revocasse*; quo verbo, prudenter interjeeto, insinuat antea fori etiam externi jurisdictionem penes parochos stetisse. At, quæso, quodnam

in tota hac synodo verbum reperitur, indicans tunc immutatam hoc modo fuisse disciplinam, et a presbyteris sublatam externi fori jurisdictionem? Non abstulit tunc synodus a presbyteris excommunicandi potestatem, sed simpliciter declaravit eam ad presbyteros non pertinere; nec contrarium insinuare debuit Thomassinus, nullis adjectis probationibus. Cur autem presbyteris ejusmodi potestatem Ecclesia nunquam commiserit, sed voluerit Prælati propriam, aperit synodus his verbis, a Thomassino prætermis-*sis, ne Episcopi vilescent potestas.* Gravissima sanc ratio; quia revera in nihilum abiret episcopalis regiminis auctoritas, si utramque jurisdictionem parochorum quisque in sua parochia, ut volunt presbyteriani, possideret. Præterea, non exiis erat Thomassinus qui *presbyteri* et *parochi* vocabula pro synonymis in antiquitatis promptuario stolide accipiant. Quomodo ergo non advertit, in citato textu non agi de *presbyteris parochialibus*, qua voce tunc designabantur curati, sed indiscriminatim de *presbyteris*? Textus ergo ille aperte probat thesim oppositam, potestatem scilicet excommunicandi ad presbyteros non pertinuisse, sed Episcopis fuisse propriam.

V^a ALLEGATIO. — Ratherii Veronensis Episcopi synodica: *De occultis peccatis pœnitentiam vos dare posse scitote; de publicis ad nos referendum agnoscite* (1). Inscribitur autem illa epistola: *Ratherii Veronensis Episcopi synodica, ad presbyteros et ordines cæteros forinsecus, id est, per universam diœcesim constitutos.* Ad citatum textum provocat Thomassinus (loco supra transcripto), ut videamus potestatem excommunicandi olim ad parochos pertinuisse. Ego vero provo-*co* tanquam ad documentum contrariam doctrinam attestans. Judex sit lector: adeo enim apertus est textus, ut supervacaneum videatur illi excutiendo immorari.

VI^a ALLEGATIO. — Epistola Alexandri III, in qua refertur quomodo *presbyter de Burgo sancti Remigii* excommunicationem

(1) Apud Labbe, tomo 9, pagina ultima, editionis Parisiensis 1671.

quandam fulminaverit. De quo sic Thomassinus : « Ea enim
 « (excommunicandi potestate) utebantur (parochi) in Gallia,
 « ut liquidum fit ex epistola Alexandri III, cui ansam præbuit
 « excommunicatio inconsiderate et temere intorta a paracho
 « suburbani Remensis in studentes, qui ipsum pia libertate
 « objurgaverant, nefarie et non sine scandalo lascivientem :
 « *Absque conscientia Remensis Archiepiscopi et officialium suorum,*
 « *in ipsos non citatos nec confessos, excommunicationis sententiam*
 « *promulgavit, quam idem Archiepiscopus fecit, prout debuit, re-*
 « *laxari.* » (Thomassinus, parte 1, lib. 2, cap. 26, n. 6.)

Ex illa epistola (quam per extensum vide apud Labbe, tomo 10, pag. 1283) minime *liquidum fit* parochos olim in Gallia potestatem excommunicandi habuisse; quod sic probatur : 1° liquidum non est illum presbyterum, a quo excommunicatio promulgata est in scholares Burgi Remensis, qui eum objurgaverant, fuisse parochum. Nullibi enim in hoc documento vocatur *presbyter parochialis*, sed dumtaxat *presbyter de Burgo sancti Remigii*. Imo in quæstionem vocabimus (donec probeatur) an ullus tunc temporis in civitate Remensi et in ipsius Burgo exstiterit parochus, licet ea ætate sæculo nempe duodecimo, cœperint in aliquibus civitatibus parochi constitui. Nec impossibile dicatur eum non fuisse parochum; quia bene possibile fuit eum fuisse, verbi gratia, capellanum alicujus oratorii in Burgo constituti, cujusmodi capellani ea ætate exstabant plurimi. 2° Supposito præterea eum revera fuisse parochum, probandum esset ex jure dumtaxat parochiali, et non ex jure sibi ex alio titulo pertineute, dictam excommunicationem fuisse ab ipso attentatam. Si enim fuerit simul vicarius foraneus, si alicujus collegiatæ prælatus, jurisdictionem fori exterui habere potuit, licet ea quatenus parochus caruisset. 3° In Alexandri III epistola non dicitur præfatum presbyterum *excommunicasse*, sed *excommunicationem promulgasse*, quod valde diversum est. Ex jure enim tunc passim vigente, quidam erant determinati casus, in quibus incurri excommunicationem decreverant concilia provincialia; et presbyteris

parochialibus commissio data fuerat excommunicationem publicandi in eos, qui prædictorum casuum rei evasisent. Quod aperte innuit sanctus Thomas (qui hujus temporis disciplinam, utpote fere synchronus, bene noscere debuit), cum docet, ad presbyteros parochiales non pertinere excommunicandi potestatem, nisi *ex commissione, vel in certis casibus, sicut in furto, etc.* (suppl. 3 partis, q. 22, art. 1). Jam vero si presbyter Burgi Remensis animadverterit in scholares, prætendendo eos in aliquem ex prædictis casibus incidisse, et ex prædicta commissione a lege facta excommunicationis sententiam promulgaverit, non dici potest proprie dictam excommunicandi facultatem sibi usurpasse; nec ex ipsius agendi ratione concludi potest eam prærogativam penes parochos stetisse. Atque hanc interpretationem non parum juvat caput 28 *Constitutionum* (ut vocantur) *apostolicarum*, ubi dicitur presbyterum non posse quemquam deponere, et dein subjungitur: *excommunicat autem eos quos habet infra se, si hujusmodi pœna teneantur.... diaconus excommunicat hypodiaconum, lectorem et cantorem.* (Vide citatum apud Nardi, tom. 1, pag. 105.) Notentur hæc verba *si hujusmodi pœna teneantur*: id est, excommunicat, si sint jam excommunicati, seu excommunicationem exequitur. 4^o Tandem absolute dici posset, eas voces *fecit relaxari*, idem sonare ac *nullam declaravit*, eo sensu nempe quod sibi insane usurpasset potestatem, quæ nullo modo ad eum pertineret; quod insinuant illæ voces *absque conscientia Archiepiscopi et officialium suorum*; quasi diceretur *non accepta commissione et potestate*: si enim proprio jure potuisset excommunicare, non adeo videretur objurgandus, quod assensum Præsulis et officialium ejus in antecessum non obtinuisset. Quod autem addit Pontifex *non citatos non confessos*, ideo tantum appositum fuisset, ut magis ac magis irregularitas ipsius tentaminis pateret. Hæc perpendat lector, et ipsius judicio sit, an ex illa epistola *liquidum fiat*, ut asserit Thomassinus, excommunicandi potestate olim in Gallia donatos fuisse parochos.

VII^a ALLEGATIO. — « Nec dubitasse videtur Nemausensis
 « synodus anni 1264, quin parochus et subsidiarii ejus pres-
 « byteri aditu ecclesiæ interdicere possint, nec petita Episco-
 « pi licentia : *Quia diximus, quod sacerdotes et rectores ecclesia-*
 « *rum possunt proferre sententiam interdicti, attendant, quod*
 « *sive mandato nostro, sive auctoritate propria sententiam inter-*
 « *dicti proferre voluerint, ipsam in scriptis proferant in hunc*
 « *modum : cum ego rector vel capellanus talis ecclesiæ, etc.* » Ita
 Thomassinus (part 1, l. 2, c. 26, n. 6, tom. 1, pag. 307, editio
 Parisiensis 1688). Cur Nemausensis synodus non dubitavit
 quin parochi possent interdicti pœnam decernere absque
 speciali commissione ab Episcopo accepta? Qui Thomassinum
 tantum legerit, respondebit : quia profecto putavit id ad jus
 parochiale pertinere. Toto cœlo errabit. Ideo nempe non du-
 bitat illa synodus de potestate rectorum et capellanorum,
 interdicendi *absque speciali commissione Episcopi*, quia in eo ipso
 decreto et lineis præcedentibus ipsis dabat *generalem* ad id
 commissionem. En verba decreti : *Quia periculosum est,*
maxime prælatis et Ecclesiarum rectoribus, in subditos majoris
excommunicationis sententiam promulgare : prohibemus ne aliquis
prior, seu rector, capellanus alicujus ecclesiæ Nemausensis diocæ-
sis, aliquem majori excommunicatione præsumat generaliter vel
specialiter excommunicare, etiamsi alicui per litteras nostras man-
demus quod aliquem per censuram ecclesiasticam coerceat : quia tale
mandatum (cum ipsum aliquando facimus), extendi volumus tan-
tummodo ad sententiam interdicti : quam sententiam interdicti re-
ctores et sacerdotes ecclesiarum parochialium curam animarum
habentes proferre poterunt auctoritate sua, justa de causa, cum vi-
derint expedire (apud Labbe, t. 11, pag. 1224). His ultimus ver-
 bis fit facultas generalis parochis interdicendi *auctoritate sua*,
 id est (ut patet ex contextu) absque speciali commissione Epi-
 scopi pro singulis casibus, et vi commissionis generalis quam
 Episcopus hoc ipso decreto eis confert. Et ideo postea idem
 Episcopus dicit : *Sive auctoritate propria, sive mandato nostro*
sententiam interdicti proferre voluerint. Ergo agnovit quidem

Nemausensis synodus posse parochos interdicti pœnam pronuntiare, sed ex commissione ipsis per decretum synodale collata; non vero ex ullo jure, parochiali officio inhærente, aut ex aliqua lege universali Ecclesiæ, quæ prærogativam illam parochorum muneri permanenter et independenter a singulis Episcopis alligaverit. Ex eo quod hodie, verbi gratia, unus aut alter Episcopus similem interdicendi facultatem omnibus suis presbyteris et diaconibus tribueret, quis sanus concludat, ex jure divino vel ex jure ecclesiastico, presbyterali et diaconali characteri facultatem hanc esse alligatam?

VIII^a ALLEGATIO. — « Synodus Excestrensis anni 1287
« concessit id juris, non parochis tantum, sed et eorum vi-
« cariis omnibus, ut non interdicere tantum, sed et excom-
« municatione imodare possent eos omnes, qui interciperent
« vel decimas, vel oblationes, vel ea demum omnia quorum
« penes Ecclesiam erat legitima et notorie præscripta possessio :
« *Licebit ecclesiarum rectoribus, vicariis et parocharium capel-
« lanis, pro mortuariis, decimis..., trina tamen monitione præ-
« missa, nominatim suspendere et excommunicare detentores.* »
(Thomassinus, part. 1, l. 2, c. 26, n. 6 ad finem.) Ea verba synodi Exoniensis (Excestrensem eam vocat Thomassinus), quæ reperiuntur capite 44 actorum ejusdem synodi (*Concilia Angliæ*, tom. 2, pag. 154, edit. Loudini 1737), non tantum parochos respiciunt, fatente ipso Thomassino, sed cæteros etiam sacerdotes non parochos; ergo non magis probarent parochorum quam cæterorum clericorum excommunicandi potestatem. At præterea hic applicandum venit, quod supra adnotavimus, id moris fuisse ut concilia provincialia certos quosdam casus determinarent, pro quibus possent parochi aut alii sacerdotes excommunicationem promulgare. Unde jam quasi *a jure* lata erat censura, et prædictis fiebat tantum facultas legem in particulari applicandi. Id autem proprie dictam potestatem excommunicandi non arguere in parochis, censuram hoc modo promulgantibus et applicantibus, nemo non videt.

Præcipua recensuimus documenta quæ a parochistis in medium adduci solent; nec putet lector aliquod forsitan adhuc superesse magni valoris et ponderis, quod nos fugerit: illud enim non ignorasset nec prætermisisset Thomassinus, qui, licet utriusque opinionis momenta videatur æqua lance ponderare, diligenter tamen quidquid potuit in gratiam parochorum con-gessit, et aperte admisit eos, per aliquod saltem priscorum sæculorum tractum, vera excommunicandi potestate fuisse potitos. Nec cæteroquin aliud nobis occurrit notatu dignum a Juvenino, Van-Espenio et hujusmodi aliis auctoribus objectum. Unde sic concludere liceat: dum parochistæ fidenter asserunt, penes curatos olim fuisse excommunicandi potestatem, idque extra omne dubium fieri ex monumentis ecclesiasticis, pro falsa omnino habenda est eorum perpetuo recurrens affirmatio.

§ II.

Falsum est excommunicandi potestatem ad parochos pertinere.

Ea enim potestas parochis competeret, vel ex jure divino, vel ex jure ecclesiastico: atqui neutrum dici potest.

I. Non possunt parochi hanc prærogativam sibi ex jure divino vindicare. Duplici enim dumtaxat sensu contendere posset prædictam potestatem parochis e juris divini fonte derivasse: vel nempe quia eam Christus ipse parochiali muneri alligasset; vel quia, licet nihil hac de re statuerit Christus Dominus, officium tamen parochi talis conditionis esset, quæ postularet ex jure naturali (quod et ipsum divinum est) sibi annecti excommunicandi potestatem. Porro utraque hypothesis prorsus est rejicienda. Et quidem a Christo ipso non potuit parochis conferri præfata facultas, si Christus ne ipsos etiam parochos instituit; prius est enim a Christo institui parochos, quam eos institui cum talibus prærogativis, ut patet: in superiori autem sectione probatum fuit parochorum institutionem minime ad

Christum Dominum esse referendam; immo nec ab Ecclesia institutos fuisse parochos prioribus sæculis, sed tantum sæculo quarto per pagos, et sæculo dumtaxat undecimo in civitatibus episcopalibus: ergo absurde diceretur a Christo immediate parochis collata excommunicandi potestas. Præterea non potest unquam accidere, ut Ecclesia jus divinum, a Christo immediate institutum, neget aut immutet; alioquin enim actum esset de infallibilitatis prærogativa, quo divinitus posito fundamento tota Ecclesiæ solidatur auctoritas: Ecclesia vero, hodierna saltem praxi sua, nullam agnoscit parochorum excommunicandi potestatem: si ergo illa potestas fuisset a Christo instituenta parochiali officio alligata, jus divinum hodie negaret Ecclesia et impugnaret; infallibilis proinde jam non esset, quod dicere hæreticum est et impium. Quod autem hodie ecclesia non agnoscat prædictam parochorum potestatem, nec negant parochistæ; et inde palam fit, quod si quis parochus suspensionis pœnam in clericum aliquem parochianum suum, aut excommunicationem in aliquem laicum vel clericum parochiæ suæ hodie pronuntiaret, non tantum pro nulla haberetur istiusmodi sententia sive apud Episcopum, sive apud Sedem Apostolicam, sed et nisi ex aliquo capitis morbo constaret id ab eo fuisse attentatum, pœnas certe ipse lueret. Ergo juris divini præfata parochorum potestas dici nequit, eo sensu quod Christus ipse parochiali officio eam alligaverit. Sed neque eo sensu, quod ex natura sua parochiale munus exigat, sibi talem annecti facultatem: possibile enim, et etiam utilissimum concipitur officium parochi, ad hoc tantum instituti, ut certo populo sacramenta ministret, cumque doctrina christiana informet; et nullum necessario Ecclesiæ malum exoritur, ex eo quod parochus non simul polleat excommunicationis sententias pronuntiandi potestate. Non enim deest qui id peragat, Episcopus nempe, cui totius gubernandæ diœceseos cura commissa est; ad quod explendum munus, si opus sit, a vicario generali aliisve delegatis iudicibus adjuvatur. Imo cum, tota testante traditione, res gravissima sit

excommunicationis spiritualem gladium exerere, nemo non videt multo prudentius episcopali iudicio ejusmodi causas definiendas reservari. Unde spectato jure naturali, non tantum non exigit parochiale officium, ut sibi excommunicandi potestas annectatur, sed potius postulat fidelium utilitas, ut tali prærogativa careant parochi. Et præterea huc redit argumentum ex hodierna Ecclesiæ praxi : non enim magis potest ecclesia errare circa jus divinum naturale, quam circa jus divinum positivum; porro Ecclesia hodie non agnoscit in parochis excommunicandi potestatem; ergo ea potestas eis ex jure naturali non competit. Ergo nullo sensu ex jure divino possunt parochi excommunicandi facultatem sibi vindicare.

II. Nec possunt eam sibi tribuere ex lege ecclesiastica; quod sic multiplici modo probari potest :

1° Ex eo quod non possint probare se ab Ecclesia ea prærogativa donatos fuisse. Nam ut quis possit legitime jus aliquod, tanquam ab ecclesiastica lege sibi concessum, vindicare, debet certa probari hujusmodi concessio. Si non constet de concessione, illegitime hoc jure utetur, seu, quod idem est, jus illud ad ipsum non pertinet. Jam vero parochistæ nullum canonem, nullam Pontificiam legem, nullum generale decretum allegare possunt, quibus certo constet excommunicandi potestatem curatis fuisse concessam. Summo quidem labore traditionis et antiquitatis monumenta excusserunt : ast incassum eos laborasse in superiori paragrapho demonstravimus. Inania sunt quæ in probationem expiscarunt; et verum remanet ex nulla eorum allegatione concludi posse, præ manibus parochorum aliquando stetisse excommunicationis spiritualem gladium. Atvero etiamsi concederemus aliquo tempore olim viguisse morem ut parochi ordinario jure excommunicare potuerint, nihil proficiunt : nam certum est hodie, et a sæculo decimo tertio, ut fatetur Juveninus, potestatem illam parochorum ab ecclesia non agnosci; si ergo ecclesia olim id juris parochis concessit, procul dubio retraxit. Fateri ergo

debetis parochos hodie ea prærogativa carere; nisi ad id de-
mentiæ deveneritis, ut contendatis non posse Ecclesiam quod
concessit retrahere. Verum enimvero neque hoc concedimus,
viguisse unquam Ecclesiæ disciplinam, quæ parochos dicta
potestate exornaverit. Nam non tantum id a parochistis non
probatur (ut in superiori paragrapho ostendimus), sed positi-
vis documentis singula percurrendo sæcula contrarium illu-
strari posset. (Videatur apud Nardi, tom. 1, a pagina 405
dictum Augustini, excommunicationem esse *quam facit episco-
pale judicium*; et sancti Nicolai I, *ne temere excommunicationes
fiant, ne auctoritas episcopalis vilescat*, et alia hujusmodi.)
Omissis autem brevitatis causa hisce documentis, id tantum
urgebimus: si tertio decimo sæculo, ut dicitis, a potestate
excommunicandi dejecti sint parochi, cur nulla reperiuntur
hujus tantæ circa disciplinam immutationis monumenta, nulla
vestigia? Cur nullas parochorum hac de re querelas, nulla ad
eas compescendas Sedis Apostolicæ aut conciliorum judicia in-
dicare valetis? Illam parochorum exauctorationem procul du-
bio somniastis: potestate excommunicandi non exciderunt
parochi tertio decimo sæculo, quia illam nunquam habuerunt.

2º Eam potestatem parochis non competere probatur insu-
per ex communi doctorum sententia. « Excommunicatio, ait
« sanctus Thomas, ad forum exterius pertinet. Et ideo illi soli
« possunt excommunicare qui habent jurisdictionem in foro
« judiciali. Et propter hoc soli Episcopi propria auctoritate, et
« majores Prælati secundum communioem opinionem possunt
« excommunicare; sed presbyteri parochiales nonnisi ex com-
« missione eis facta, vel in certis casibus, sicut in furto et rapina
« et hujusmodi, in quibus est eis a jure concessum quod excom-
« mnnicare possint... Ad secundum dicendum, quod sacerdo-
« tes parochiales habent quidem jurisdictionem in subditos suos
« quantum ad forum conscientiæ, sed non quantum ad forum
« judiciale: quia non possunt conveniri coram eis in causis con-
« tentiosis. Et ideo excommunicare non possunt, sed absolvere
« in foro pænitentiali. Et quamvis forum pænitentialit sit

« dignius, tamen in foro judiciali major solemnitas requiritur ;
 « quia in eo oportet quod non solum Deo, sed etiam homini
 « satisfiat. » (Supplementum ad 3 partem, quæst. 22, art. 1.)
 « Approbatio (nempe ad audicndas confessiones) est quid ju-
 « risdictionis, quam non habent simplices parochi. » (Barbosa,
de Parochis, parte 2, cap. 19, n. 27.) Benedictus XIV, nullam
 in foro externo parochis jurisdictionem competere, vocat
 sententiam communiorem atque in praxi receptam (*de Synodo
 diœces.*, lib. 5, cap. 4). De doctoribus qui sustinent parochos
 non posse excommunicare sic habet Gonzalez (in caput *Cum
 ab ecclesiarum*, tituli 31, libri primi decretalium) : « Unico sed
 « validissimo nituntur fundamento ; videlicet, censuras pro-
 « ferri non posse nisi ab eo qui jurisdictionem habet in foro
 « exteriori, et potest cum strepitu judiciali de causis cogno-
 « scere ; sed parochi nullam habent jurisdictionem in foro
 « exteriori contentioso, sed solum in interno : igitur parochus
 « ut judex ordinarius non potest jure proprio sententiam pro-
 « ferre. » Eodem modo jurisdictionem fori externi parochis
 denegant Suarez (*de Censuris*, disput. 2, sect. 2, n. 10), Vas-
 quez (in *Opusculo de Excomm.*, dubio 17, n. 1), Sanchez (lib. 3,
 diss. 7, n. 47), Castropalao (parte 13, § 4, n. 3), Pontas
 (lib. 5, cap. 1, n. 2), Larius (qui confutavit opinionem oppo-
 sitam, quam sustinuerat quidam Mengonius in opere suo
de Eminentiori dignitate parochorum supra canonicos, Floren-
 tiæ 1732). Quam communem doctrinam sequens sanctus
 Ligorius sic affirmat : *parochus nullam habet jurisdictio-
 nem in foro externo* (lib. 7, n. 107). Exstant in eundem sensum
 Rotæ Romanæ decisiones quamplurimæ.

Nec obijciatur sanctus Thomas (loco citato) adnotans a do-
 ctoribus quibusdam dici, *quod etiam sacerdotes possunt excom-
 municare*, et addens tantum, *sed prædicta opinio* (nempe quod
 non possint) *est rationabilior*. Id enim non impedit quin ipse
 diserte affirmaverit et docuerit, eam potestatem parochis non
 competere, et satis indicat suam sententiam multo commu-
 nius suo tempore fuisse receptam.

Item non obijciendi pauci veteres canonistæ, qui textu decretalis *Cum ab ecclesiarum* (supra discussæ) decepti, parochis pariter prædictam potestatem asseruerunt. Quia pauci quidam veteres doctores non impediunt, quin aliquid postea in sententiam communem transeat.

Nec obijciatur Gerson et ipsum secuta sorbonica et janse-nistica longa progenies, in quæstione circa parochos. Auctores enim qui in apertos errores inciderunt, tanquam auctoritatem appellare fas non est, pro ipsa eadem materia, in qua constat eos errasse. Remanet communem probatorum doctorum sententiam parochis excommunicandi potestatem abnuere.

3° Argumentum peremptorium ex hodierna Ecclesiæ praxi. Non possunt parochi excommunicandi potestatem sibi ex jure ecclesiastico vindicare, si Ecclesia eam parochorum potestatem in praxi non agnoscat: atqui neque Episcopi, neque Romanæ Cardinalium congregationes, neque Sedes Apostolica ullam hujusmodi parochialem potestatem agnoscit, ut jam a nullo negari potest; ergo revera certum est, dictam prærogativam inter jura parochorum non esse annumerandam. Ergo parochi id juris non habent hodie ex lege ecclesiastica: aliunde nec ex ullo jure divino: ergo nullo titulo eam potestatem habent aut habuerunt unquam.

CAPUT V.

1. PAROCHUS NULLAM HABET FORI EXTERNI JURISDICTIONEM.

Prænotanda. — 1. Jurisdictionis fori externi vocabulo intelligi solet potestas legitima subdites præceptis et legibus gubernandi, eosque puniendi, atque tribunal ad causas processu publico excutiendas et definiendas erigendi. Opponitur jurisdictioni fori interni seu pœnitentialis; in quo quidem sacramentum pœnitentiæ per formam judicii ministratur, ita tamen ut sententia feratur in eos qui seipsos reos per spontaneam

confessionem, et sub sacramentalis secreti sigillo constituunt. Quando autem ponitur absolute vox jurisdictionis, intelligitur externi fori.

2. Multum adlaborarunt jansenistæ et parochistæ, ut curatis aliquam vindicarent fori externi jurisdictionem, atque ita parochos in hierarchas, ut eos vocavit Gerson, erigerent, eisque tertium gradum in ecclesiastica hierarchia assignare possent. Hinc eos esse proprie dictos pastores, et in conciliis fidei et disciplinæ constituendæ judices, penes ipsos olim excommunicandi potestatem stetisse, nec posse absque eorumdem consensu quidquam in parochiis Episcopum ordinare aut peragere, vehementer propugnarunt.

3. Quomodo aliqui veteres doctores parochis excommunicandi facultatem, ac proinde aliqualem fori externi jurisdictionem attribuerint, superiori capite dictum est. His prænotatis, ad thesion probationem accedimus.

I. Parochi fori externi jurisdictionem non obtinent ex jure naturali. Eo sensu excogitari posset de jure naturali curatis competere fori externi jurisdictionem, quod officium eorum ex natura sua postularet sibi annecti ejusmodi potestatem; ita scilicet ut nocivum sit et malum constitui parochos ea potestate destitutos. Atqui officium parochi, sicut absque excommunicandi potestate, ut supra ostendimus, ita et absque omni jurisdictione externi fori bonum et utilissimum concipitur. Imo multo utilius parochos deputari tantum ad sacramenta ministranda et tradendum populo sibi commissio christianæ doctrinæ pabulum, facile perspicitur; causas vero externi fori melius episcopali curiæ reservari. Præterea, ut infra dicitur, Ecclesia parochos externa jurisdictione pollere, hodierna sua praxi non agnoscit. Agnosceret autem, si ea jure naturali ipsis competeret. Ergo absone omnino ad jus naturale in hac quæstione provocaretur. Fori tantum pœnitentialis jurisdictionis aliquo sensu dici posset de jure naturali officio parochorum adnexa: cum nempe ad hunc præcise finem in aliqua plebe constitutur parochus, ut tum alia sacramenta, tum præsertim

pœnitentiæ sacramentum ministret, repugnat sacerdotem ad id officii deputari, quin simul absolvendi fideles in foro conscientiæ ei facultas tribuatur. Repugnat nempe aliquem deputari tanquam parochum et hac potestate non donari; atque ideo, etiamsi lex ipsa ecclesiastica jurisdictionem fori pœnitentialis officio parochorum non alligasset, alligata nihilominus esset ex sola deputatione ab Episcopo facta; cum repugnet Episcopum velle simul et nolle aliquem sacerdotem sacramenta certo fidelium cœtui ministrare. Unde eo sensu jurisdictio fori pœnitentialis de jure naturali dici potest, quod essentialiter contineatur in deputatione alicujus sacerdotis tanquam parochi; seu eo sensu quod sit *per se* de essentia officii parochialis. Dicimus *per se*, quia absolute deputari potest tanquam parochus aliquis clericus nondum sacerdos, qui tunc per accidens et donec presbyteratus initietur absolvere quidem ipse pœnitentes non poterit, sed per alios id fieri procurare tenebitur.

II. Parochi fori externi jurisdictionem non habent ex jure divino positivo. Huc redeunt probationes superiori capite adductæ ad probandum, eos excommunicandi potestatem ex Christi Domini institutione non accepisse: nam neque ullam fori externi potestatem ex Christi institutione potuerunt accipere, si Christus parochos non instituit, et eorum institutio sit mere ecclesiastica. Si enim Christus parochos non instituit, dicendum est, nec a Christo institutas fuisse parochorum prærogativas. Porro, sectione prima, demonstravimus figmentum esse excogitatum illam a Sorbona et Gersone divinam parochorum institutionem. Præterea si divinæ institutionis foret parochorum in foro exteruo jurisdictio, eam Ecclesia agnosceret; atqui hodierna sua praxi eam Ecclesia non admittit. Adde illam a communi doctorum sententia rejici.

III. Parochi jurisdictionem fori externi olim non exerceverunt. Contrarium quidem totis viribus obtrudere conati sunt parochistæ et jansenistæ; ast eorum argumenta excutiamus. Præcipuum et perpetuo recantatum est, parochos olim ex-

communicationes fulminasse : hoc autem assertum in superiori paragrapho explosimus. Allegant etiam *pastoris* titulum, quem volunt a remotissima antiquitate parochis fuisse concessum ; pastorem porro proprie eum tantum dici posse, qui gregem cum potestate regit, oves etiam iuvas quo vult deducendo, easque externe si opus sit coercendo, quæ procul dubio jurisdictionem externam indicant. Respondetur primo : in remotissima antiquitate nulli exstiterunt parochi, ut supra probatum est ; ergo non potuerunt pastorum nomine vocitari. Secundo, ut inferius ostendemus, ea vox per plura sæcula designandis Episcopis fuit exclusive propria : atque toto cælo errant parochistæ, qui statim in parochum occurrisse existimant, quando apud antiqua monumenta vocem pastoris reperiunt. Tertio, recentiori quidem ævo ea vox ad prædicatores aliosque Episcopum in cura animarum juvantes extensa est ; at tunc non posse interpretari in lato quodam et improprio sensu, non probant nec probare possunt parochistæ. Si enim in rigoroso sensu accipienda sit, quum hoc nomine designati fuerint per plura sæcula Episcopi, et quidem exclusive, dicendum erit parochos esse veros Episcopos, eo quod et ipsi hoc nōmine aliquando vocari cœperint. Item ex eo quod olim Episcopus *Papæ* vocabulo appellatus fuerit, dicendum erit in unoquoque Episcopo agnoscendum esse summum totius Ecclesiæ Pontificem, aut hodie in Romano Pontifice esse agnoscendam eam solam potestatem, quæ cuilibet in sua diœcesi Episcopo competit. Quis nesciat eandem vocem posse in proprio et rigoroso, vel in quodam lato et improprio sensu usurpari, et hoc esse ex adjunctis discernendum ? Fatemur *Pastoris* titulum, stricto sensu usurpatum, potestatem externi regiminis, seu externæ simul et internæ jurisdictionis sonare ; at quando ad alios præter Episcopos extenditur, negamus eam vocem esse stricto sensu accipiendam. Jurisdictionem fori externi repetunt etiam parochistæ, ex eo quod penes antiquum Episcopi presbyterium jurisdictio hæc ordinarie steterit, et presbyterium nihil aliud fuerit quam parochorum

cœtus, diœcesim cum Episcopo et sub Episcopo gubernans. Quæ prætensa identitas parochorum cum antiquo presbyterio jamdudum ab eruditis explosa, non aliud hodie probat quam crassam antiquitatis ignorantiam; atque eam supra (sectione 1, cap. 7) confutavimus. Solent tandem parochistæ fingere, idem sonare in antiquis monumentis *presbyterum* ac *parochum*; quo in antecessum veluti extra controversiam asserto, quosdam in medium adducunt textus, in quibus mentio fit de *presbyteris* fori externi jurisdictionem exercentibus. Quæ argumentorum fabrica, ob mendax fundamentum suum, inaniter extruitur. Falsum nempe pro parochis habendos esse eos omnes quos presbyteros appellavit antiquitas: plurimi exstabant in episcopali presbyterio, per civitates plurimi, qui nullo modo parochi erant. Ex iis vero non negamus aliquos jurisdictionem fori externi exercuisse; atvero non quia parochi, non quia tantum presbyteri, sed quia vel vicarii erant foranei, vel chorepiscopi, vel archipresbyteri, vel aliqua alia prælatura fungebantur, vel tandem quia membra episcopalis presbyterii, quod cum Episcopo et sub Episcopo, ordinario jure, judicialis fori causas expediebat. Unde nulla solida ratione unquam probatum fuit externi fori jurisdictionem parochorum officio fuisse olim, etiam ex mera Ecclesiæ institutione et concessione, alligatam.

IV. Parochi non possunt fori externi jurisdictionem sibi vindicare ex lege ecclesiastica. Nam primo, ex modo dictis, non possunt probare sibi unquam ab Ecclesia concessam fuisse eam potestatem. Secundo de jure communi ecclesiastico illam ipsis non competere, fuit semper apud doctores sententia communior, nunc vero communissima et sola in praxi recepta, ut vidimus superiori capite, agendo de potestate excommunicandi. Tertio, negari non potest, eam esse praxim Romanæ curiæ et omniū generatim Episcoporum, ut nullam agnoscant in parochis externi fori jurisdictionem. Unde etiamsi olim lata fuisset generalis aliqua lex ecclesiastica, aut introducta generalis consuetudo præfatam potestatem parochorum

officio annectens, ea jam pro abrogata foret certo habenda. Quod cæteroquin non negant etiam ardentiores ex presbyterianis; sed deficiente jure ecclesiastico, ad jus divinum et immediatam a Christo parochorum in prælatos et hierarchas institutionem recurrunt.

V. Argumentum desumptum ex praxi Ecclesiæ, nullam hodie agnoscentis in parochis fori externi jurisdictionem, totum evertit parochistarum systema. Nam primo probat jurisdictionem fori externi nunquam penes parochos fuisse ex institutione divina: quod enim juris divini est, Ecclesia nunquam negat, et nunquam mutat: alioquin ipsa tanquam vera Christi Ecclesia deficeret et neganda esset. Quem Ecclesiæ defectum admittere hæreticum esset et impium. Secundo, idem hodiernum factum probat prædictam prærogativam parochis de jure ecclesiastico non competere: cum enim eam prærogativam nolit jam Ecclesia agnoscere, hoc ipso eam sublatam vult: unde si quando forte illam ex concessione Ecclesiæ habuerint parochi, jam sublata censi debet. Tertio, Ecclesia non evertit aliquam magni momenti disciplinam ab ipsa prius constitutam, quin plurima remaneant mutationis documenta: si ergo parochi prius habuissent ex lege ecclesiastica fori externi jurisdictionem, multa remanerent indicia de modo et tempore quo disciplina tanti momenti fuisset immutata: porro ne vestigium quidem documentorum hujusmodi indicare possunt parochistæ; ergo ex eo quod Ecclesia, hodierna sua praxi, nullam agnoscat fori externi in parochis jurisdictionem, recte concluditur, eam jurisdictionem nullo tempore penes parochos fuisse.

Sit ergo conclusio generalis, ad parochos nec pertinere, nec unquam pertinuisse ullam fori externi jurisdictionem.

CAPUT VI.

PAROCHUS NON EST STRICTO SENSU PASTOR, ETIAM SECUNDI ORDINIS : NEC DECET HODIE EUM VOCARI PASTOREM, ETIAM LATO ET IMPROPRIO SENSU.

PROPOSITIO I^a. — *Vox pastor in sacris scripturis significat potestatem gubernandi cum jurisdictione proprie dicta et legislativa.*
 — Voci latinæ *pascere* correspondet in textu græco sacrarum paginarum vocabulum ποιμαίνειν, et in hebraico רעה. Atqui hujusmodi locutionibus exprimi in sacris scripturis, non tantum officium nutriendi gregem, sed et potestatem regendi seu gubernandi cum imperio et jurisdictione externa atque legislativa, tanquam certum tradunt doctores et interpretes catholici. De quo sic Cornelius a Lapide (in versiculum 15, capitis 21 sancti Joannis) : « *Pascere in scripturis significat*
 « *regere : et principes vocantur pastores, quia si recte subdi-*
 « *tos suos regere velint, debent facere id quod faciunt pasto-*
 « *res, dum suas oves pascunt. Unde psalmo 22, versiculo 1,*
 « *ubi noster (1) vertit, Dominus regit me, hebraice est, יהירה*
 « *ריעי, id est, Dominus est pastor meus, sive pascit me. Sic*
 « *David ex pastore ovium factus est a Deo rex hominum, pa-*
 « *scere (id est regere) Jacob populum suum, et Israel hæreditatem*
 « *suam (psalm. 77. 71). Sic Syrus vocatur pastor, id est, prin-*
 « *ceps et rex a Deo constitutus, Isaïæ 44. 28 : Qui dico Cyro,*
 « *pastor meus es. Et psalmo 2. 9 : Reges eos in virga ferrea, he-*
 « *braice יהרם id est, pascet eos. Et passim alibi hebraicum*
 « *רעה, græcum ποιμαίνω, et latinum pascō, significat regere,*
 « *ut videre est Michææ, 5. 2; Matthæi, 2. 6; actorum, 20. 28;*
 « *Apocalypsis, 2. 7, 12. 5, et 19. 15. Sic Homerus Agame-*

(1) Id est vulgata interpretatio.

« mnonem regem Græcorum vocat ποιμένα λαῶν, id est, pasto-
« rem populorum. »

« Ex hoc ergo loco (nempe ex verbis a Christo ad Petrum
« directis, *pasce agnos, pasce oves*) patet sanctum Petrum et
« ejus successorem Romanum Pontificem esse caput et priu-
« cipem Ecclesiæ, omnesque fideles, etiam Episcopos, pa-
« triarchas et Apostolos illi subjici, et ab eo pasci regique
« debere. Id primo colligitur ex eo quod Christus hic solum
« Petrum interrogat... Secundo id patet ex verbo *pasce*, id
« est, *rege*, ut dixi; ac ex voce agnos et oves : hac enim voce
« Christus significat omnes fideles Ecclesiæ... Qui ergo sunt
« oves Christi, hi sunt et oves Petri. Illi enim eos pascendos
« et regendos committit hic Christus... Vide et Bellarminum
« (lib. 1 *de Pontifice*, cap. 14, 15 et 16) ubi docet Christum
« hoc præcepto quod dedit Petro dicens, *pasce oves meas*, hoc
« ipso simul instituisse pontificatum quasi principatum ec-
« clesiasticum, illumque tradidisse sancto Petro ejusque suc-
« cessoribus Romanis Pontificibus; ac cap. 15, per verbum
« *pasce* significari regimen et potestatem regendi; per *oves*
« significari omnes fideles, etiam Apostolos totamque Eccle-
« siam... Ex hoc loco theologi et Suarez (tract. *de Indulgen-*
« *tiis*) docent Petro et Pontificibus ei succedentibus a Christo
« datam esse potestatem dandi indulgentias. Idque probant :
« nam sub illo verbo *pasce* includitur omnis actus jurisdi-
« ctionis qui ad claudendum vel aperiendum regnum cœlorum
« conferre potest... » (Cornelius a Lapide, loco citato.)

« Per τὸ *pascere*, Christus intellexit præesse et regere...
« Pastoris est non solum ovibus pabula præbere, sed etiam
« eas ducere et reducere, eas tueri, et baculo castigare.
« Brevi, qui pastorem agit, ovibus præest, easque regit.
« Unde evangelista usus est hac voce, quæ græca lingua signi-
« ficat pascere præsidendo. » (Simonet, *Instit. theologicæ*,
tom. 2, tract. 2, disput. 8, art. 1.)

Ex citatis auctoribus satis patet vocem illam *pascere* in sa-

cris paginis, imo et in tota prophana antiquitate, idem semper significasse ac *regere*, idest, cum imperio, jurisdictione, et legislativa potestate gubernare; neque apud eruditos ullam moveri hac de re disceptationem.

Communem autem illam doctorum sententiam probavit et confirmavit Tridentina synodus, dum sensum declaravit versiculi 28 capitis 20 actuum Apostolorum, qui sic habet: *Attendite ergo vobis ipsis et universo gregi, in quo vos Spiritus sanctus posuit Episcopos pascere (ποιμαίνειν) Ecclesiam Dei*. Decernendo enim Episcopos a Spiritu Sancto positos fuisse ad gubernandam Ecclesiam Dei, præfati versiculi auctoritatem memorat synodus hoc modo: *Sacrosancta synodus declarat, præter cæteros ecclesiasticos gradus, Episcopos, qui in Apostolorum locum successerunt, ad hunc hierarchicum ordinem præcipue pertinere; et positos, sicut idem Apostolus ait, a Spiritu Sancto regere Ecclesiam Dei* (sess. 23, cap. 4). Ubi videtur Tridentinis Patribus minime dubium fuisse vocem *ποιμαίνειν*, qua usus est sanctus Paulus, idem prorsus significare ac *regere*, et hanc regendi potestatem esse Episcopis propriam, atque ipsis a Spiritu Sancto, id est, institutione divina traditam (1).

Et tandem prædicto sensu a tota traditione intellectos fuisse sacræ scripturæ textus in quibus occurrit vox *pastor*, erudite probat Nardi (*dei Parochi*, tom. 1, cap. 1).

Ergo revera in sacris paginis pastoris denominatio in sua significatione includit veram et proprie dictam jurisdictionem in foro externo, veram scilicet gubernandi et regendi potestatem.

PROPOSITIO II^a. — *Tota antiquitas et traditio pastoris denominatione Episcopos designavit.* — Sanctus Ignatius martyr in epistola sua ad Philadelphenses: *Ubi autem pastor (ποιμήν), eodem ut oves sequamini*. Ex contextu autem patet eum ibi loqui de Episcopo. Item in sua ad Romanos epistola: *Memores estote*

(1) Quomodo tamen jurisdictio cujuslibet Episcopi in propriam diocesim non sit immediate a Deo, sed a Summo Pontifice, expenditur in tractatu *de Episcopo*.

in vestris precibus Ecclesiæ Syriæ, quæ mei loco Deo pastore (ποιμὲν) utitur. Solus Jesus-Christus illam vice Episcopi reget, atque vestra caritas. Addit atque vestra caritas, quia Ecclesia Romana, utpote omnium mater, supremam in omnes jurisdictionem habet.

Epistolæ quæ sancti Clemeutis nuncupantur, licet ipsi fulso fuerint attributæ, fatentibus tamen cruditis omnibus remotissimæ antiquitatis sunt : porro in tertia hujusmodi epistola, postquam de Episcopis sub *patrum et pastorum* nomine sermo inductus est, iterum de iisdem mentio fit his verbis : *Doctoribus suis, qui Episcopi recte intelliguntur.* Item in recognitionibus, quæ sancti Clementis dicuntur, narratur sanctum Petrum antequam a Cæsarea discederet fidelium cœtum ita fuisse allocutum : *Cogitavi Zachæum vobis ordinare pastorem.* Et in sequenti paragrapho adnotatur Zachæum in Episcopum ordinatum fuisse cum impositione manuum, et postea ab eodem sancto Petro ordinatos fuisse duodecim presbyteros et quatuor diaconos. Item in tertia ex homiliis eidem sancto Clementi tributis memoratur oratio habita in ordinatione prædicti Zachæi : in ea autem precatione dicitur : *Tu (Deus) pastorem cum grege custodi.*

Eruditis exploratum est constitutiones quæ dicuntur Apostolorum non esse anno 315 posteriores. In eis porro ita reperimus : *De Episcopis vero ex Domino nostro audivimus, pastorem constitutum Episcopum in ecclesiis totius paræciæ...* (Vide textum græcum apud Mansi, *Concil.*, tom. 1, pag. 285, edit. Florentiæ 1759.) In iisdem constitutionibus libro 2, capite 6 : *Non sit Episcopus turpiter quæstuosus... cum enim extra omnem reprehensionem pastor erit, exemplo vitæ suos discipulos ad facta sua et actiones imitandas impellet.* Et ibidem capite 10 : *Sin vero is qui peccavit, Episcopum et diaconos ejus videat crimine liberos..., primum quidem non audebit ingredi per contemptum in Ecclesiam...; aut a pastore monitus ad pœnitentiam adducetur.* Ibi-
dem caput 19 sic inscribitur : *Quod pastor qui se negligenter gerit, cum ovibus pœnas solvit; et ovis quæ non paret pastori, pu-*

nitur. Dein vero ita orditur citatum caput : *Audite Episcopi, et audite laici quod Dominus ait...*; et in decursu agitur tantum de Episcopis et ipsorum ovibus. Et in capite 20 ejusdem libri : *Atvero bonum pastorem laicus honoret, diligat, metuat, ut patrem, ut dominum, ut herum, ut Dei Pontificem, ut magistrum pietatis... similiter Episcopus tanquam filios diligat laicos.* Ibidem capite 28 : *Seponant vero in convivio pastori quod consuetum est, primitias dico illius epuli, tanquam Sacerdoti, quamvis non adsit in convivio; idque in honorem Dei, qui ei sacerdotium mandavit... Presbyteris autem... seponatur dupla etiam portio in gratiam Apostolorum Christi, quorum locum tenent, tanquam consilarii Episcopi et ecclesiæ corona : sunt enim consilium et senatus ecclesiæ.* Indubium est ibi per pastorem et sacerdotem intelligi Episcopum, et per presbyteros eos quibus constabat presbyterium seu capitulum cathedrale.

In quadam epistola synodica Patriarcharum Occidentalium, quæ circa sæculi secundi exitum composita fertur, sed quam critici versus annum circiter 560 confictam existimant, sic habetur : *Fratribus et membris nostris christianis, qui in Oriente sunt, fratres vestri in Christo, cætus Pastorum, qui persecutionem patiuntur : in Jesu Salvatore nostro pax iis multiplicetur... Nos itaque Pastores...* (Apud Mansi, tom. 1, pag. 705, edit. Florentiæ 1759.) Mortuo sancto Fabiano Papa, Ecclesiæ Romanæ presbyteri et diaconi ad sanctum Cyprianum rescribunt : *Cum incumbat nobis... vice Pastoris custodire gregem.* (Apud Mansi, t. 1, pag. 794, editio Florentiæ 1759.) Solet Prudentius, quarti sæculi auctor, sub nominibus *Sacerdotis, Doctoris et Pastoris* Episcopum designare. Idem Eusebio stylus : *Unam quidem scripsit epistolam* (nempe Ignatius martyr) *ad Ecclesiam Ephesiorum, in qua Onesimi ipsorum Pastoris mentionem facit.* (Libro 3, cap. 36. — Vide etiam libro 4, cap. 24, et libro 6, cap. 35.) Sanctus Cyprianus Ecclesiam definit : *Plebs Sacerdoti adunata, et Pastori suo grex adherens* (epist. 69). Et in sua ad Lucium Papam ab exilio reversum sic habet : *Nuper quidem tibi, frater carissime, gratulati sumus, cum te*

honore geminato in ecclesiæ suæ administratione confessorem pariter et sacerdotem constituit divina dignatio : sed et nunc non minus tibi et comitibus tuis gratulamur, quod... vos denuo ad suos fecerit benigna Domini et larga protectio, ut pascendo gregi Pastor, et gubernandæ navî gubernator, et plebi regendæ rector redderetur. (Apud Mansi, tom. 1, pag. 881, edit. Florentiæ 1759.) Multos hujusmodi textus ex Origene, ex sancto Basilio, ex sancto Hilario, ex sancto Augustino indicatos vide apud Nardi (*dei Parochi*, tom. 1, pag. 30 et seq.). Sanctus Chrysostomus (homilia 34, in epist. ad Hebr.) : *Si a grege Pastorem sejungas, evertes et perdes omnia.* Ex contextu autem certum est ibi sanctum doctorem loqui de Episcopo. Sanctus Ephrem Syrus : *Interrogabuntur Pastores, Episcopi scilicet* (pag. 380, edit. Romana). In concilio primo generali Nicæno, canone 57 versionis arabicæ, de Episcopo dicitur : *Ut qui sit Pastor et gubernator.* In concilio Sardicensi anni 340, aut ad summum anni 347, canone 6, mentio fit de quodam populo qui Episcopum sibi præfici postulabat ; quod exprimitur his verbis sibi *Pastorem dari.* (Apud Nardi, tom. 1, pag. 31.) Sanctus Gregorius Nazianzenus 150 Episcopos in concilio œcumenico Constantinopolitano anni 381 adunatos sic alloquitur : *O chari Pastores et collegæ* (apud Nardi, loco citato). Sanctus Cœlestinus Papa in epistola, relata sub cap. 19 concilii œcumenici Ephesini anni 451, Episcopos Nestorii prædecessores memorat sub nomine *superiorum Pastorum.* (Nardi, loco citato, pag. 32.) Theodoretus loquens de sancto Cyrillo Episcopo : *Dolui autem quod vim pascendi sortitus officium, et cui grex tantus est creditus.* Sancto Leo Magnus loquens de se vacante Ecclesiæ Constantinopolitanæ utitur his verbis *ecclesia orbata Pastore* (apud Nardi, loco citato). In concilio Ephesini anni 431, actione 8 : *Ecclesia Pastorem recipiat : orthodoxum doctorem ecclesia recipiat : Theodoretus dignus est sede.* Sanctus Hilarus Papa, in epistola octava ad Galliæ Episcopos, dicit eos habere *solicitudinem pastoralis curæ in suis sedibus partitam Nobiscum* (apud Nardi, loco cit.). Cum in quadam diœcesi duo Episcopi fuissent

occisi, constitutum est in decreto seu canone, sancto Gelasio attributo, ut *paracæ vices ab extrinsecus positis Sacerdotibus gubernentur, quia ibidem commanentes ferro didicerunt necare Pastores*...: *curandum est igitur ut illie funesta perniciæ cessatione propriorum sanetur Antistitum*... *Egeat ergo episcopalibus subsidiis sibimet aliunde depensis, quæ sacram in suo gremio collatam fuso crudeliter macularet sanguine dignitatem.* Titulus autem hujus canonis sic habet : *De his qui duos Episcopos suos occiderunt, ut amplius Episcopo careant.* (Mansi, tom. 8, pag. 125, editio Florentiæ.) Symmachus Papa in concilio Romano anni 504, Episcopos ibi congregatos alloquens sic habet : *Ut de Pastoris nomine quod habemus, non supplicium sed præmium consequamur.* Versus mediam sexti sæculi partem, in epistola Leonis Senonensis Episcopi, relata apud Mansi (tom. 9, pag. 107, editio Florentiæ) : *Plebs non permittatur a Pastoris propriæ custodia per novam et illicitam ordinationem divelli*... *Non patiamini*..., ad petitionem ejus plebis, *superstite proprio Sacerdote, alterum Episcopum ordinari.* (Apud Mansi, tom. 9, pag. 107, editio Florentiæ.)

« Vertente medio sæculo sexto, in vita cujusdam sancti Episcopi, ad exprimendum Andegavensis præsulis obitum, dicitur : *Contigit Andegavum civitatem Pastoris gubernatione nudari.* » (Nardi, *dei Parochi*, tom. 1, pag. 34.)

« Pelagius II Papa, anno 578, Episcopos vocat *Pastores* et *Prædicatores*... Concilium Rotomagense circa idem tempus celebratum, jubet archidiaconum et archipresbyterum, uno aut altero die præire Episcopo diœcesim visitanti, ut populo *propriis Pastoris adventum significant*; et ut omnes, exceptis *infirmis, proprio Pastori se sistant.* » (Nardi, tom. 1, pag. 43.) In capitularibus regum Francorum, a Childeberto usque ad Clotarium, solent Episcopi sub *Pastorum* denominatione designari. In capitularibus autem anni 810, cap. 9, expresse dicitur : *De vita et moribus Pastorum nostrorum, id est, Episcoporum, qui populo Dei non solum docendo, etc.* » (Apud Mansi, tom. 11, pag. 329, edit. Florentiæ.)

« Quando sanctus Lambertus circa annum 670 episcopatum « refugiebat, clamabat populus : *Pastor noster eris... velis « nolis Episcopus noster eris... pro certo noris te etiam invitum « fore Episcopum nostrum et Pastorem Trajectensium.* » (Apud Nardi, tom. 1, pag. 44.) In Marculphi formulis (l. 1, cap. 5) ad exprimendam sedis episcopalis vacationem usurpatur hæc locutio : *Cum pastorali paululum plebs destituta est præsidio.* In epistola sancti Bonifacii Moguntini Archiepiscopi, ad Cutbertum Cantium archipræsulem, pro convocatione synodi Cloveshosiensis, in Anglia, anno 747 celebratæ, sic recensentur nomina Episcopis propria : *Nam Apostolus Episcopum, propheta Speculatorem, salvator mundi Pastorem, Ecclesia Sacerdotem appellat.* (Apud Nardi, tom. 1, pag. 45.) Florus Diaconus Lugdunensis ad quemdam Episcoporum concessum scribens : *Dominis beatissimis reverendissimis et piissimis Pastoribus gregis Christi, rectoribus Ecclesiæ Dei, prædicatoribus.* (Mansi, tom. 14, col. 663, edit. Florentiæ.) Concilium Aquisgranense anni 836 (lib. 3, cap. 23) de Episcopis loquens : *Qualiter denique Ecclesia Christi per successores Apostolorum, Pastores videlicet.* (Apud Nardi, tom. 1, pag. 48.) Sanctus Raterius Veronensis Episcopus, qui scripsit decimo sæculo (*de Contemptu canonum*, n. 3) : *Qui Pastor est dominici gregis, eundem Episcopum esse noveris.* In quodam diplomate anni 1015, sic narratur quomodo vir nobilis de quo ibi agitur, Bellovacensem Episcopum adierit : *Præfatus itaque comes... sanctam Belvacensem adiit ecclesiam : eamque in conspectu reverendissimi Pastoris, sub testimonio totius cleri et populi...* (Vide illud diploma in *Gallia christiana*, historia Bellovacensium Episcoporum, appendix, n. 4.) Undecimo pariter sæculo, Sigifridus Moguntinus Episcopus, sic de quodam Episcopo, a sede sua expulso, Romauum Pontificem alloquitur : *Porro ecclesia illa jam multis diebus pastoralis caret administratione : et unico Pastore vidua, episcopali caret benedictione.* (Mansi, tom. 20, col. 1092.)

Fulbertus epistola 2 : *Episcopus, qui vices Christi tenet, sacerdotales viros in plebem subjectam missurus... quos sane suæ*

pastoralis curæ vicarios adjutores ad erudiendam plebem sibi commissam constituit. (Apud Nardi, tom. 1, pag. 99.)

Posset in immensum protrahi ejusmodi monumentorum indicatio. At ex paucis allegatis textibus facile concludet lector *Pastoris* denominationem, ab Ecclesiæ exordiis ad recentiora usque tempora, adhibitam fuisse tanquam vocis *Episcopi* synonymam.

PROPOSITIO III^a. — *Ante recentiora tempora, aut nunquam rarissime parochi reperiuntur pastorum nomine insigniti.* — Cum jansenistici et presbyteriani systematis fautores totis viribus pastoris titulum parochis vindicare conati sint, atque in hunc scopum ecclesiastica monumenta gnaviter volverint, et quidquid sibi favere arbitrabantur adnotaverint, satis erit ad propositionis nostræ probationem ostendere, textus ab ipsis objectos nihil probare, ultra id quod in thesi asserimus.

1^o Allegatur canon 19 concilii 2 Turonensis anni 567 : « Ar-
« chipresbyteri vicani, et diaconi et subdiaconi, non quidem
« omnes, sed plures in hac suspitione tenentur a populo, quod
« cum conjugibus suis maneant. Pro qua re hoc placuit ob-
« servare, ut quotiescumque archipresbyter, seu in vico
« manserit, seu ad villam suam ambulaverit, unus lector ca-
« nonicorum suorum, aut certus aliquis de numero clericorum
« cum illo ambulet : et in cella, ubi ille jacet, lectum habeat
« pro testimonio. Septem tamen inter subdiaconos et lectores
« vel laicos habeat concessos, qui vicissim septimanas cum
« illo facere omnino procurent; et qui distulerit fustigetur.
« Et si in hoc presbyter negligens inventus fuerit, quod non
« hoc sic implere contendat, triginta diebus communione
« privetur, donec pœnitentiam agat et sic revertatur ad gra-
« tiam. Reliqui presbyteri et diaconi et subdiaconi vicani hoc
« studio se custodiant, ut mancipiola sua ibi maneant ubi
« uxores suæ : illi tamen segregatim solitarii in cella jaceant
« et orent et dormiant. Nam qui uxores non habent,
« in parte de mancipioliis suis habeant cellulas segregatim,
« ubi et ipsi itidem et orent segregati et dormiant.... Et quia

« hæresis Nicolaitarum per Nicolai facilitatem surrexit, ubi
 « legitur ista hæresis presbyterorum a quo presbytero pri-
 « mum surrexit? Etiam quod nullus potnit æstimare, quod
 « auderet ille qui corpus Domini consecrat talia perpetrare,
 « nisi tempore novissimo pro peccatis nostris illa surrexerunt.
 « Si illi diaconi sententia Episcoporum damnati sunt et hæretici
 « reputati; ac si tales diaconi illi subjacent maledictioni quos
 « patrum statuta pro hac causa damnarunt; quid illi infelices
 « presbyteri, qui toti sunt peccato subjecti, ut alios trahant
 « in præceps secum, qui eos tali ordine vivere cernunt; et
 « qui deberent esse forma præcepti, ipsi inveniantur norma
 « peccati? Rectius ut caput morbidum, si curari non potest,
 « amputetur, quam grex per eundem inficiatur. Talis ergo
 « sacerdos et pastor non debet a populo venerari, sed renui,
 « qui non formam disciplinæ sed vitii docet, dum seipsum non
 « corrigit. » (Apud Mansi, tom. 9, pag. 797, editio Florentiæ.)

Ibi quidem adhibetur vox pastor (*talis ergo sacerdos et pastor...*); et in principio et decursu canonis agitur de archipresbyteris, presbyteris, diaconibus et subdiaconibus ruri degentibus; ac proinde etiam de eo qui ruri munus parochi obibat. Sed,

Primo ad summum sequeretur locum illum habendum esse tanquam rarissimam exceptionem, cum, ut ait Nardi (tom. 1, pag. 35), prioribus et sequentibus sæculis videamus *pastoris* vocem constanter a conciliis generalibus et particularibus, a Patribus et scriptoribus ecclesiasticis, ad designandum Episcopum adhiberi. Unde a Turonensibus patribus per similitudinem quamdam ac improprio omnino sensu usurpatam fuisse censendum foret.

Secundo, dici potest textum esse lacerum, interpolatum atque ex pluribus consutum; ita ut concludi nequeat singulas sententias, ad ea quæ immediate precedunt referri. Id indicat totius contextus obscuritas, et incohærens ab una ad aliam rem transitus. In antiqua conciliorum editione (anni 1585, Venetiæ, tom. 2, pag. 820) notabatur in margine, *locus ob-*

securus : obscurus profecto, in tantum ut vix admitti queat canonem cum hac forma fuisse confectum. Præterea idem concilium canone 22 utitur hac formula *tam Pastores quam presbyteros*; ubi juxta constantem ecclesiasticum stylium, Episcopos voce *pastorum* designat; et iterum eodem loquendi modo utitur in epistola synodica, ubi Episcopos memorat sub *pastoris et sacerdotis* nomine. Probabile ergo est ultimam phrasim citati canonis 19, *talis ergo sacerdos et pastor*, etc., depromptam fuisse ex aliquo alio textu, in quo de Episcopis agebatur, et ibi fuisse incohærenter assutam.

Tertio. Certum est a Labeo, Severino Binio, Mario Lupo et aliis eruditis viris tanquam spurium rejectum fuisse quemdam textum, licet præcitato posteriorem, ex eo quod in eo reperiretur vox *pastor* ita usurpata, ut videretur etiam ad presbyteros referri; de quo statim in sequenti objectione agimus. A fortiori ergo id dicendum de citato Turonensi canone.

2° Allegatur appendix quædam, ad concilium Rhemense anno circiter 630 posita, sub titulo : *Statuta synodalia ecclesiæ Rhemensis per dominum Sonnatium*. Porro in primo ex iis statutis sic legitur : *Et quicumque pastores sunt, quæ ad instruendum populum et gregem pertinent discant et sciant*. Et statuto 7 : *Curet pastor ovem suam et non negligat : ei injungat interesse missæ sacrificio diebus solemnibus et dominicis, agnoscat ejus faciem*. (Apud Mansi, tom. 10, pag. 598, editio Florentiæ.)

Esto ibi vox pastor referenda sit ad parochos; respondeamus hujusmodi statuta multo recentiori ævo esse tribuenda. « Videntur enim, ait Labbe (in margine loco citato), sapere ævum posterius. » Item Severinus Binius sic adnotat : « Hæc statuta, accepta ex Majori Monasterio (gallice Marmoustier)..., visum est appendicis loco adjicere. Etsi enim sint in his quædam, quæ non videntur redolere tantam antiquitatem; ut quod titulum pastoris tribuat parochis, qui ætate Sonnatii et multo post, presbyteri tantum aut sacerdotes solent appellari... Verum facile potuit fieri, ut loco presbyteri a recentiori aliquo positum sit nomen pastoris. » (Apud

Mansi, loco cit., pag. 600.) Item Christianus Lupus (*Opusc. posth.*, in fine operum) non admittit prædicta statuta esse Sonnatii, ob datam presbyteris *pastoris* denominationem. Cum vero Morinus (exercit. 16) supponat parochos iu antiquitate jam vocatos fuisse, *parochorum, rectorum, curionum et pastorum* nomine, eum carpit præclarus Marius Lupus (*de Parochis ante annum Christi millesimum*, dissert. 1, cap. 8), de hujusmodi vocabulis ita affirmans : « Ad inferiora proculdubio « referenda sunt sæcula... Quod tamen advertere omnino « debuerat (Morinus). Quippe hæc ipsa nomina, illo rectoris « excepto, cum ante annum millesimum, quin et per aliquot « deinceps sæcula, inaudita fuerint, demonstrant a Morino « tradita, ad recentiora tempora spectare. »

3° Allegatur caput 20 distinctionis 63, quod in collectione Gratiani positum est tanquam *ex sancti Isidori libro officiorum* excerptum. Ubi dicitur, mortuo archipresbytero rurali, debere archidiaconum eo se ad electionem successoris transferre, *quatenus dignus pastor domui Dei constituatur*. Unde concludendum venit pastoris titulum fuisse parochis a sancto Isidoro concessum.

Respondetur hunc locum non esse sancti Isidori, nec in ejus libro *de Ecclesiasticis officiis* reperiri. Estque annumerandus ille textus quampluribus aliis, qui in collectione gratiana tali et tali auctori falso tribuuntur. Adde non patere utrum archipresbyter, de quo ibi agitur, fuerit parochus, an potius vicarius Episcopi foraneus.

4° Allegatur formula exhortationis episcopalis in synodo a multis jam sæculis haberi solitæ, in qua Episcopus sic presbyteros alloquitur : *Nos pastores vestri sumus; vos autem pastores animarum vobis commissarum*. Quæ exhortationis formula sancti Leoni Papæ IV tribuitur. (Vide eam cum variantibus apud Mansi, tom. 14, pag. 890, editio Florentiæ.) Cui formulæ auctoritatem addit *Pontificale romanum*, in quo reperitur parte 2, sub rubrica *Ordo ad synodum*.

Respondetur primo : etiamsi hæc formula tribuenda foret

Leoni Papæ IV, sat recens esset, nempe noni sæculi; et dici posset tunc adhibitum fuisse novum hunc loquendi modum improprio sensu, per similitudinem quamdam, eo quod non prævideretur abusus, aliquando ex tali vocabulo parochia attributo oriturus.

Secundo, probant eruditi formulam illam esse multo recentioris ævi, ut videre potest apud Nardi (*dei Parochi*, tom. 1, pag. 41).

Tertio, ibi sermo dirigitur ad omnes presbyteros in synodo adunatos, quorum multi certe parochi non sunt. Unde ex textu illo vix quidquam concludi potest in gratiam systematis parochistarum.

5° Objicitur *Pastoris* titulum reperiri concessum monasteriorum abbatibus et abbatissis, jam ab octavo saltem sæculo, ut patet ex canone 5 concilii Calchutensis anni 787. In concilio autem Aquisgranensi, canone 7 (apud Mansi, tom. 14, pag. 246, editio Florentiæ) abbatissa vocatur pastor; et canone 13 prælati nomine eadem decoratur. Et in testamento imperatricis cujusdam anni 877, abbatissæ regimen vocatur *pastorale ministerium* (apud Nardi, tom. 1, pag. 54). Inde inferri posse videtur *Pastoris* titulum non fuisse antiquitus Episcopis proprium.

Respondetur: Quonam tempore abbates et abbatissæ cœperint ex Ecclesiæ concessione et legibus acquirere in monasteria sua aliquid jurisdictionis episcopalis, ac proinde pastoratus antea Episcopis exclusive proprii, hic non expendimus. Id tantum adnotamus, mirum non esse ipsis pastoris titulum, in quodam restricto et improprio sensu, concessum fuisse, quando eis aliqualis jurisdictio in foro externo et legislativa potestas, seu tandem aliqualis pastoratus in subitos suos collatus est. Unde etiam et baculum pastorale receperunt; velatum tamen, ut pastoratus restrictionem et subordinationem indicaret. Pastoratus autem plenus seu proprie dictus remansit Episcopis proprius. Plenus enim non est pastoratus, nisi possit gregi

providere de omnibus ad salutem necessariis; ac proinde nisi possit sacerdotes et pastores, in locum defunctorum ordinare; quæ vis et potestas sacerdotium procreandi et perpetuandi episcopali characteri propria est. Atvero parochis, sicut data non est jurisdictio in foro externo, nec legislativa et coactiva in fideles parochiæ potestas, ita nec eis debuit concedi, nec de facto antiquitus concessus fuit pastoris, etiam in restricto sensu, titulus.

6° Objicitur, ultimis saltem sæculis non deesse auctoritates; easque gravissimas, quibus pastoris titulus parochis tribuitur; id porro satis esse, ut hujusmodi denominationis merito eis vindicetur.

Concedimus, a decimo quarto et decimo quinto sæculo, et etiam aliquoties forsitan antea, sed rarissime, reperiri parochos hoc nomine decoratos; at negamus inde concludi posse talem eis deberi denominationem, ita ut haberi debeant tanquam veri pastores, etiam secundi ordinis. Est nempe in his casibus interpretanda ejusmodi denominatio in lato quodam atque omnino improprio sensu; eo modo, verbi gratia, quo interpretanda est vox *Episcopus*, quando sanctus Augustinus nomen illud patribus familias, attribuit, ob quamdam similitudinem eorum circa familiam suam officii, cum episcopali munere. Ratio est, quia parochi revera pastores proprie non sunt, cum in fideles parochiæ potestatem legislativam et jurisdictionem coactivam non habeant.

In hoc ergo accommodatio sensu interpretandus erit textus Tridentinus capitis 12 de Reformatione, sessionis 25 : *Hortatur dehinc (sancta synodus) omnes et singulos pro christiana charitate, debitoque erga pastores suos munere, ut de bonis sibi a Deo collatis, Episcopis et parochis qui tenuioribus præsunt ecclesiis, large subvenire ad Dei laudem, atque ad Pastorum suorum qui pro eis invigilant dignitatem tuendam, non graventur.* Ibi quidem videntur Tridentini Patres pastoris denominationem aliquomodo ad parochos extendisse; at tunc nondum voce illa

abusi fuerant jansenistæ et presbyteriani. Unde applicandum venit quod de Riminensi concilio Hieronymus : *Non erat cura Episcopis de vocabulo, cum sensus esset in tuto.*

Idem dicatur de loco catechismi Tridentini, in quo generatim et in globo Episcopi, parochi et prædicatores, pastorum nomine donantur.

PROPOSITIO IV^a. — *Genuinus sensus vocis pastor includit potestatem legislativam et jurisdictionem externi fori; ita scilicet ut prædicta jurisdictio sit de essentia pastoratus.* — Qui pastor est, non tantum oves nutrit, sed et illas regit, deviantes reducit, totumque gregem gubernet; atque ad hujusmodi regimen vim adhibet coactivam. Nec verus pastor esset qui: posset tantum ovibus pabulum ferre, sed quo invito oves pro libitu excurrere valerent. Hinc translata hac voce ad eos homines qui cæteris præsent, de iis tantum in tota retro antiquitate fuit intellecta, qui potestatem habent subditos regendi, et jurisdictione coactiva et legislativa gubernandi. Unde in hæbraica et græca lingua pastores vocantur reges aliive populorum duces. Attento ergo vocabuli illius genuino et proprio sensu, dicendum est jurisdictionem fori externi, seu potestatem coactive regendi et gubernandi esse ipsammet pastoratus essentiam. Ita scilicet, ut qui exhortandi tantum facultatem et officium habet, non autem subditos auctoritative regendi, sicut rex dici nequit, ita pastor immerito nuucupetur.

PROPOSITIO V^a. — *Merito concluditur denominationem pastoris, etiam secundi ordinis, parochis non competere.* — Ex superius probatis pastor non est, nisi qui vera potestate pollet populum auctoritative regendi et coactive gubernandi; atqui parochi jurisdictionem illam fori externi non habent, nec possunt leges ferre quibus eorum parochiani ligentur et gubernentur, aut pœnas ecclesiasticas in delinquentes statuere: ergo pastores proprie dicti non sunt. Et cum prædictam potestatem nec in primo, nec in secundo, nec in millesimo ordine habeant, sequitur eos nec secundi ordinis pastores dici posse. Hinc merito Henricus Kalteisen, in notissima sua ad Basilcensis concilii

Patres concione : *Veri Pastores sunt tantum Episcopi.* (Apud Nardi, tom. 1, pag. 69.)

PROPOSITIO VI^a. — *Quamvis ante ortos, aut ad extrema perductos jansenianismi et parochismi errores, innocue potuerint parochi pastores in quodam lato et improprio sensu vocitari, hodie tamen resecanda potius videtur hujusmodi eorum denominatio.* — Nam prædictæ sectæ, ea voce parochis tributa lugendum in modum abusæ sunt. Vide apud Nardi (tom. 1, pag. 11) citatum auctorem, qui ita arguebat : Parochus est pastor, ergo est doctor, ergo est judex fidei. Item alii ex eo quod parochus sit parochiæ suæ *immediatus* et *proprius*, ut aiunt, pastor, audacter intulerunt, Episcopum non habere in parochianos nisi jurisdictionem *mediatam*, idest, eum nihil posse in parochia statuere, nisi mediante et consentiente parochi. Quo solo errore fere in larvas inutiles transmutantur Episcopi, et parochi in veros Episcopos eriguntur. Qui error in quodam articulo additionali ad constitutionem civilem cleri Gallicani sic exprimebatur : *Ecclesia cathedralis solum Episcopum pro pastore immediato habebit; unde ibi Episcopus erit simul parochus* (apud Nardi, tom. 1, pag. 16). Nec defuere qui parochos dixerunt ecclesiarum suarum sponsores. Van-Espen (part. 2, sec. 1, tit. 2, c. 2) docet parochos dici pastores *autonomastice*; ex quo sequitur Episcopos non esse pastores nisi improprio sensu. Atque idem auctor vicarios parochorum seu capellanos vocat *vice-pastores*. Hinc, Parisiis præcipue, parochos non pauca episcopalia jura sibi olim usurpasse, satis notum est.

Jam vero quando vox aliqua, licet prius a catholicis auctoribus, et in sensu, improprio quidem sed tamen catholico, adhibita, ob hæreticorum fallacias in pravam interpretationem cæpit distrahi, et pro errorum propugnaculo constitui, solet Ecclesia eam repellere et profigare. Et etiam ante expressam Ecclesiæ definitionem, prudenter qui catholice sentiunt ejusmodi locutionem solent devitare (1); nec objici tunc debent

(1) Post Anthropomorphitarum hæresin, quis audeat uti voce *corpus*, ad desi-

exempla eorum qui catholice eadem formula prius usi sunt. Id Julianus hæreticus sancto Augustino objiciebat, vocem quamdam, utpote a sancto Chrysostomo adhibitam, legitimam defendens. Cui Augustinus : *Disputans (Joannes Chrysostomus) in Ecclesia catholica, non se aliter intelligi arbitrabatur : tali questione nullus pulsabatur : vobis nondum litigantibus securius loquebatur* (contra Julianum, cap. 2). Id nos presbyterianismi sequacibus, qui, pastoris titulum parochis vindicare conantes, nonnullas auctoritates objiciunt, respondemus. *Vobis nondum litigantibus securius loquebantur* qui aliquo accommodatio sensu parochos pastorum nomine designarunt. At nunc vox illa sedulo parochis deneganda et veris pastoribus id est Episcopis, a Spiritu Sancto positis pascere (ποιμαίνειν) Ecclesiam Dei, exclusive reservanda.

Hinc nuper, cum in cujusdam concilii provincialis Galliæ statutis, de parochis sub *pastorum* nomine sermo esset, a Romanis revisoribus vox illa expuncta est.

Nota 1. — Diximus in thesi, *quamvis ante ortos, aut ad extrema perductos, jansenismi errores, innocue potuerint parochi pastorum nomine in quodam lato sensu donari* : nam cæteroquin probatissimos etiam scholæ doctores, ante excitatam recentioribus temporibus dictam parochismi procellam a tribuenda parochis *pastorum* denominatione non refugisse, omnino certum est; in cujus testimonium sat erit indicasse Suarezium, qui (tomo 3, de Religione, l. 1, c. 17, n. 20 et seq.) veluti ex professo *pastoratum* quemdam parochis vindicat. Simul tamen ab eo pastoratu quamlibet fori externi jurisdictionem diligenter resecat; ita ut non nisi lato eo, quem diximus, sensu, parochos pro pastoribus habeat; nec, quo ad rem, contradicat recentioribus doctoribus, qui, ob grassantem postea paro-

gnandam divinam substantiam? Qua tamen voce usus olim Tertullianus a sancto Augustino defenditur (de *Hæresibus*, cap. 86). Tertullianus scilicet per vocem corpus nihil materiale intelligebat. Idem dicatur de voce *gnosticus*, quæ olim idem sonabat ac illuminatus seu spiritalis.

chismi luem, studiosius quæstionem rimati, abnuendum parochis pastorum nomen omnino censuerunt.

Nota 2. — In confirmationem præsentis conclusionis nostræ, quod nempe satius sit pastorum nomen hodie parochis abnuere, juvat nonnulla subungere, quæ in eundem scopum scripsit Christianus Lupus : in quibus præcipue advertenda, quam ipse testatur, hodierna Romanæ Ecclesiæ praxis :

« Certum est, ait, pastoris titulum parochis non quadrare. « Unde et ipsum hodie nunquam illis impertit Romana Ecclesia. » (Christianus Lupus, *Operum* tom. 11, pag. 314, edit. Veuetiis 1729.)

« Hi enim (nempe parochi) ab aliquo tempore cœperunt « apud vulgum vocari pastores. Hinc existimant sibi jure « competentem titulum. » Ibi variis documentis probat Christianus Lupus immerito hoc nomine condecorari parochos : tum ita prosequitur : « Ad noni sæculi finem Wal- « terus Aurelianensis Episcopus edidit capitulare, in quo inter « varia suæ diœceseos parochianis presbyteris mandat et hoc : « *jejunia a pastoribus injuncta diligenter observent.* Qui locus « alte clamat solum Episcopum tunc habuisse titulum pasto- « ris. Rationem habes in vulgari canone Apostolico : *Presbyteri « et diaconi præter Episcopum nihil agere prætentent. Nam Do- « mini populus illi commissus est, et pro animabus eorum hic red- « diturus est rationem.* Canon asserit omnem animarum curam « esse solum penes Episcopum ; ideoque ipsum solum esse « pastorem... Et est omniino constitutum apostolicum : et « enim sanctus Paulus per pastores et doctores palam intel- « lexit solos Episcopos... Certum est per pastores ab Apostolo « intelligi solos Episcopos, et hinc parochiales olim presbyteri « nil sacri poterant agere sine mandato ac beneplacito Epi- « scopi. Erant ejus dumtaxat vicarii. » (Christianus Lupus, tom. 11, pag. 282, editio Venet. 1729.)

Idem auctor, pagina 302, dum confutat locum quemdam Jacobi Boileau, ita asserentis : *Magnam in oves sibi a Christo traditas habent auctoritatem parochi; veri quippe earum sunt pasto-*

res, etc.; inter varios errores ibi expressos sequentes reteggit et profligat : « Tertius error est, quod Christus Dominus oves
« suas tradiderit presbyteris parochialibus. Etenim ad solos
« Episcopos dictum est : *Attendite vobis et universo gregi, in*
« *quo vos Spiritus Sanctus posuit Episcopos regere Ecclesiam Dei.*
« Emphasim habent verba *et universo gregi*. Alti clamant
« omnem animarum curam esse a Christo Domino datam solis
« Episcopis. Ipse enim posnit in Ecclesia *pastores et doctores.*
« Per pastores palam intelliguntur soli Episcopi. Presbyteros
« Christus Dominus noluit ponere in praefectura; ponendos
« permisit ac tradidit Episcopis. Et hinc sine Episcopo non po-
« test esse Ecclesia. Ecclesiam martyr Ignatius, sanctus Cy-
« prianus, atque alii Ecclesiae Patres affirmant esse popu-
« lum Episcopo adunatum. Et hinc parochiales presbyteri
« nequaquam a Christo Domino auctoritatem habent in
« suam plebem, sed ab Episcopis. Hinc sequitur quartus
« error, quod parochiales presbyteri sint dominicarum ovium
« pastores. Quod hic emineus titulus solis Episcopis debeat
« tur et quadret, est supra demonstratum... Etiamnum ho-
« die Romana Ecclesia parochiales presbyteros non appellat
« nisi *parochialium ecclesiarum rectores.* »

Unde revera laudaudus saepe citatus Nardi (etsi quandoque in concludendo nimius), qui titulum illum *Pastoris* fuisse impugnat, et in Gallia praesertim de medio tollendum suadet. Et certe notatu digna sunt haec ejus verba : « L'auteur dell'
« acre scritto, *l'État politique et religieux de la France* (à
« Londres 1806, *coz*, a pag. 359, in nota), parlando di
« monsignore Ricci, e pestilente synodo di Pistoja, dice, che
« Ricci non faceva che *soulever, comme on a fait en France,*
« *les curés contre les Évêques, et flatter leur vanité pour les*
« *faire tomber plus sûrement dans le piège.* Dice che aveva
« ordinato que portassero el fiocco al capello, el qual fiocco
« *leur avait fait tourner la tête; déjà on parlait de presbytère,* etc.
« Finche la Francia, aggiungo io, adoprerà la parola *pastore,*
« per dir paroco, il male non finirà. Vedremo che e scoucia

« anche la parola *di pastore di second' ordine*, perche il pastore « rato e uno, cio e l'*episcopato*. » (Nardi, tom. 1, præf., pag. 9, edit. Pezzari 1829.)

CAPUT VII.

PAROCHI NON SUNT PROPRIE PRÆLATI, NEC MINORES, NEC MINIMI.

Si improprio tantum et largo sensu parochis tribueretur prælatorum minorum seu secundi ordinis denominatio, ab ea redarguenda et confutanda abstineremus. Atvero jansenistæ et parochistæ toti fuerunt, ut *prælaturam* curatorum ex divina institutione adstruerent : eam ita perpetuo in scriptis suis memorant atque extollunt, ut plene pateat eorum scopus : volunt nempe parochos tauquam veros et proprie dictos prælatos (licet secundi ordinis) haberi. Quod cum falsum omnino sit, et viam gravibus erroribus subdole sternat, repellendum atque convellendum omnino est ab orthodoxis scriptoribus.

Quid rei sit prælatura proprie dicta, ex communi doctorum sententia primum inquiremus : tum ostendemus eam parochis nullatenus adscribi posse.

I. Est doctrina communis canonistarum, prælatum proprie dictum illum dumtaxat vocari, qui jurisdictionem fori externi habet in subditos. Eam doctorum consensionem adnotat Ferraris ad vocem *Prælatus*; et extra controversiam est. Unum aut alterum ex præcipuis doctoribus adducamus : « Solus « Episcopus (ait sanctus Thomas) proprie prælatus Ecclesiæ « dicitur : et ideo ipse solus, quasi sponsus, anulum Ecclesiæ recipit; et ideo ipse solus habet potestatem plenam « in dispensatione sacramentorum, jurisdictionem in foro « Ecclesiæ quasi persona publica : alii autem secundum quod « ab eo eis committitur... Sed sacerdotes qui plebibus præfi-

« ciuntur non sunt simpliciter prælati, sed quasi coadjutores. » (Suppl. ad 3 part., q. 26, art. 1.) Eadem est celeberrimi Fagnani doctrina : « Stricte illi tantum dicuntur prælati qui habent jurisdictionem aliquam fori contentiosi. » (Ad caput *Cum ab ecclesiarum, de Officio ordinarii.*) Porro in capite *Cum ab ecclesiarum*, quod ibi explanat Fagnanus, agitur de quodam plebano sancti P..., qui habebat jurisdictionem contentiosam. Ex quo potuissent incauti concludere, proprie dictos prælatos esse plebanos seu parochos. Ad quem præcavendum errorem sic, loco citato, disserit Fagnanus : « Sed tu adverte, quia iste plebanus sancti P... habebat jurisdictionem contentiosam de jure speciali, videlicet ex privilegio vel præscriptione ; et ideo poterat excommunicare et interdiceret. At secus est de jure communi ; quia plebani et presbyteri parochiales, quamvis habeant curam et jurisdictionem ordinariam fori pœnitentialis, tam in clericos quam in laicos habitantes ipsorum parochiam, tamen nullam habent jurisdictionem fori contentiosi ; et ideo potestatem non habent excommunicandi nec in genere nec in specie. Nec prælati proprie appellari possunt : nam stricte illi tantum dicuntur prælati qui habent jurisdictionem aliquam fori contentiosi. Et propterea prælati a parochialium ecclesiarum rectoribus distinguuntur ; licet, late sumpto vocabulo, etiam plebani et alii presbyteri parochiales dici possint prælati, hoc respectu, quia præsentunt parochianis suis in foro animæ ; et ita intelligas textum in capite *Tua, de Clericis ægrotantibus.* » (Fagnanus in secundam partem primi libri decretalium, ad caput *Cum ab ecclesiarum, de Officio ordinarii.*)

Ex hac communiter recepta notione, facile deducitur quinam sint veri prælati, tum majores, tum minores : « Prælati majores sunt Episcopi, et præcipue Cardinales in quantum universali Ecclesiæ regimini adlaborant. Minores vero sunt ii omnes, qui, prædictis inferiores, distinctum honoris gradum cum aliqua externa jurisdictione obtinent. Sunt autem numero plures : principiores nempe, ordinarii nullius et

« exempti, qui usum pontificalium cum jurisdictione fori ex-
 « terni habent; item generales et provinciales religiosorum
 « superiores; item vicarii generales Episcoporum et antiqui
 « archidiaconi : inferioris vero classis, superiores conventuum
 « et abbatissæ, quibus prælatura ideo competit, quia jurisdi-
 « ctionem exteruam (etsi valde limitatam) veram tamen ha-
 « beat in subditos, quos possunt præceptis ligare et punire.
 « Unde in Clementinis (lib. 3, tit. 8, cap. *Dudum, de Sepulturis*,
 « glossa 6) dicitur nomine prælatorum non venire rectores
 « ecclesiarum, idest, parochos. Ergo prælatus minor est qui-
 « dem abbatissa et minimus Capuccinorum Guardianus : at-
 « vero parochus minime. Nec putet quis hoc abbatissis tribu-
 « tum prælati nomen, ex hodiernis canonistis, aut etiam ex
 « Hildebrandi temporibus fuisse expiscatum : faveant paro-
 « chistæ legere caput undecimum capitularis anni 802, et ibi
 « reperient prælatos vocari Episcopos abbates et abbatissas :
 « *Episcopi, abbates atque abbatissæ, qui cæteris prælati sunt.*
 « Item in concilio Aquisgranensi secundo anni 830, canoue 13
 « et 14 : *Admonendæ sunt prælatoe monasteriorum, ut subditas*
 « *moribus probis atque exemplis præcedant.* » (Nardi, *dei Paro-*
chi, tom. 1, pag. 394, editio Pezzari 1829.)

Quæri posset utrum curiæ Romanæ prælati, cardinalibus et Episcopis inferiores, potiantur omnes aliqua fori externi juris-
 dictione, ita ut pro veris prælatis minoribus haberi possint. Af-
 firmative respondet Nardi (loco citato, pag. 395) : « Quia præ-
 « ter præcedentiam, iis incumbunt aliqua jurisdictionalia, quæ
 « Cathedram Apostolicam, et sic aliquo modo regimen univer-
 « sale, respiciunt. »

Ex dictis, potest quoad parochos sic tota res concludi : ii
 soli sunt proprie prælati majores aut minores, qui aliquam in
 foro externo jurisdictionem obtinent ; atqui parochis nulla
 competit hujusmodi jurisdictio ; ergo parochi non sunt pro-
 prie prælati, nec majores, nec minores, nec minimi ; et nec
 primi, nec secundi, nec millesimi ordinis.

Objicies 1^o auctoritatem Gersonis, qui sic habet (*de Potest.*

Eccles., consid. 12) : « De statu hierarchico non sunt proprie
 « nisi duo status, prælatorum majorum videlicet, qui succe-
 « dunt Apostolis, et sunt Episcopi, Archiepiscopi, et ita sur-
 « sum; et minorum, qui successores sunt 72 discipulorum, et
 « dicuntur prælati secundi ordinis, dignitatis vel honoris, qua-
 « les sunt curati... Fundatur hæc sententia Mathæi 18, ubi post-
 « quam Christus dixerat, *dic Ecclesiæ*, subjunxit de quibus
 « loquebatur dum ait, *quodcumque solveritis*... Constat autem
 « quod nedum Apostolis, sed et discipulis loquebatur, juxta
 « glossas doctorum in hoc loco. » — Respondetur 1° nullius
 auctoritatis esse Gersonem et Sorbonam, utpote qui in cras-
 sissimos errores in hac materia abierint, ut supra ostendimus.
 2° Dum ibi innuit Gerson ex institutione divina fundatam
 hierarchiam constare Episcopis et parochis, omnino gratuita
 est ejus assertio, et contraria toti traditioni, quæ juxta Tri-
 dentinæ synodi definitionem, hierarchiam divinitus institutam
 docet constare *Episcopis, presbyteris et ministris* : presbyteris,
 inquam : qui sive sint parochi, sive non, ad divinam hierar-
 chiam pertinere de fide est, ipsiusque secundum gradum
 constituere. Alia autem excogita hierarchia divinitus insti-
 tuta, quæ jurisdictionis diceretur, et quæ constaret *Episcopis*
et parochis, e cerebro sorbonistarum egressa est. 3° Ratio a
 Gersone allegata, Christum nempe ad discipulos sermonem
 direxisse dum dixit, *quodcumque solveritis*, nullius momenti
 est, quia probandum esset per discipulos representatos
 fuisse *solos parochos*, non autem totum ordinem presbytero-
 rum, sicut tota intellexit traditio.

Objicies 2°. Auctoritatem sancti Thomæ a Juvenino allega-
 tam. Juveninus scilicet (in magno opere, *de Sacramentis*,
 dissert. 9; *de Ordinibus in specie*, q. 3, art. 3) sic habet :
Sanctus Thomas curatos reveretur tanquam secundi ordinis prin-
cipes et prælatos Ecclesiæ, atque tenere eos locum 72 discipulo-
rum Christi. Item in parvo suo opere (*Instit. theolog.*, part. 8,
 dissert. 7, *de Ordine*, q. 9, tom. 7) : *Parochos, quos jus cano-*
nicum et sanctus Thomas vocant prælatos minores. De divina pa-

rochorum institutione legi possunt Petrus Aurelius (nempe abbas de Saint-Cyran jansenismi patriarcha) et variae facultates theologiae, Parisiensis, etc...—Respondetur 1° Juveninum esse auctorem damnatum, ac nullius proinde auctoritatis. 2° Allegando sanctum Thomam quasi admisit curatos esse praelatos et 72 discipulorum successores, dupliciter mentitus est Juveninus. En textum divi Thomae a Juvenino indicatum : Baptizare pertinet ad minores principes Ecclesiae, id est ad presbyteros, qui tenent locum 72 Apostolorum Christi, ut dicit glossa, Lucae 10. (Addit. ad 3 part., quaest. 26, art. 1.) Ibi sanctus Thomas nullatenus dicit parochos esse praelatos : en primum Juvenini mendacium. Ibi sanctus Thomas non dicit parochos, sed presbyteros locum tenere 72 discipulorum : en secundum Juvenini mendacium. Imo sanctus Thomas hoc eodem articulo, quem supra citavimus, expresse dicit : Solus Episcopus proprie praelatus ecclesiae dicitur... Sacerdotes qui plebibus praeficiuntur non sunt simpliciter praelati, sed quasi coadjutores.

CAPUT VIII.

PAROCHIALE MUNUS NEC TANQUAM DIGNITAS, NEC TANQUAM PERSONATUS HABENDUM EST.

Dignitas est, *praecedentia cum jurisdictione, vel saltem cum titulo dignitatis canonice possesso.* Primitus scilicet ad constituendam dignitatem non sufficiebat jus aliquod caeteros praecedendi, sed requirebatur insuper officium perpetuum, aliquam in foro externo sibi habens alligatam jurisdictionem. Et hoc sensu, id est, cum hujusmodi jurisdictione, dignitates olim erant, verbi gratia, archidiaconus et archipresbyter. Dein vero, immutata disciplina, jurisdictionem fori externi amiserunt archipresbyter et archidiaconus, servato tantum praecedendi jure; nihilominus dignitates remanserunt et remanent, quia fuit illis a lege ecclesiastica servatus ille titulus.

cum variis ex eo fluentibus juris consecrariis. Et pariter in jus ecclesiasticum transiit, ut veræ dignitates essent decanatus, primiceriatus, aliive hujusmodi tituli (quamvis omni externa jurisdictione destituti), modo quatenus tales ab auctoritate ecclesiastica constituerentur, vel pro talibus ex regionali consuetudine haberentur, et in actibus publicis agnosci solerent. Unde, ut quis dici possit dignitas, debet gerere officium, cui annectatur jurisdictio externa, aut saltem quod pro dignitate habeatur, sive a lege ecclesiastica, sive ex speciali auctoritatis constitutione, sive ex publice recognita regionis consuetudine.

Jam vero parochi, nec jurisdictionem fori externi habent, nec pro dignitatibus a lege ecclesiastica agnoscuntur aut nunquam agniti sunt, nec in parochiarum erectione speciali statuto hac prærogativa donantur, neque illam ex ecclesiarum consuetudine obtinuerunt. Ergo parochi nullatenus sunt dignitates in sensu juris.

Expositam autem doctrinam, certam omnino facit doctorum communis sententia et tribunalium romanorum auctoritas. « Asseram, inquit Nardi (tom. 1, pag. 401), cum canonistis, et cum sacra Rota, cum theologis *parochos nullam habere dignitatem*. » Idem tenet Sanchez : « Officium parochi, ait, nec est prælatio, nec dignitas. » (Apud Nardi, loco citato.) Imo laudatus Sanchez disserendo de voto quod emittunt Jesuitæ de non ambiendis dignitatibus et prælationibus, concludit contra hujusmodi votum non fore, si Jesuitæ optarent et procurarent sese constitui parochos; eo quod nec prælatura nec dignitas, sed simplex officium sit parochiale munus; unde et in Indiis prædicti religiosi parochias habuerunt. *Plebanum dignitatem non habere* docet Barbosa (*de Officio et potestate parochi*, part. 1, c. 1, n. 7 et 8). Idem sic concludit Macri in suo *Hieroglexico*, ad vocem *Curatus* : *Ex quo patet, nomen esse officii, non dignitatis*. Consonat doctrina Pignatelli : « Cum plebanus, ait, nuncupetur officium, non autem dignitas; » pro quo allegat caput *quod Dei timorem, de Statu monach.*, et varios canonistas.

Non tantum parochus non est dignitas, sed, attento jure communi, et abstrahendo a particularibus locorum consuetudinibus, ne *personatus* quidem est. Nam *personatus* est *merum jus præcedendi*, nullam scilicet sibi habens adjunctam fori externi jurisdictionem. Qui nempe beneficium vel officium habet, cui de jure *personatus* adnexus est, cæteros, etiam antiquiores, præcedit in ecclesia, choro et processionibus. Sic, verbi gratia, præpositura in iis capitulis et collegiatis ubi non est dignitas, est saltem *personatus*. Item quilibet cathedralis canonicus, cum vi ipsiusmet sui canonicatus præcedentiam relative ad simplices presbyteros non canonicos de jure habeat, *personatum* seu quasi-dignitatem obtinere censendus est. At vero jura nullam ejusmodi præcedentiam parochis (extra propriam ipsius ecclesiam) in cæteros attribuunt. Cum tamen ex mera locorum consuetudine alicui officio accedere possit *jus illud alios præcedendi*, reperiri possunt parochi *personatus* honore condecorati : et revera multis in locis quodlibet beneficium curatum pro *personatu* haberi adnotat cum Pirrhing Leurenus (*Forum benef.*, tom. 1, q. 32, n. 3).

Concludendum ergo parochiatum, per se solum, et attento jure communi, *merum esse officium*, et nihil aliud.

Hinc est quod causæ ad Sedem Apostolicam perlatæ, et quarum processum eadem Sedes Apostolica vult fieri in regionibus ipsis, in quibus sunt ortæ, cum ex decretis Pontificiis non debeant committi nisi personis in *dignitate* aut *personatu* seu quasi-dignitate existentibus, nunquam committuntur parochis ; sed vel prælatis, vel dignitatibus capitulorum, vel canonicis.

CAPUT IX.

IN QUO STET PAROCHIATUS ESSENTIA, ET QUOMODO RECTE
DEFINIRI POSSIT PAROCHUS.

Dicemus 1^o undenam desumenda sit vera norma ad deter-

minandam parochiatus essentiam. 2° Quænam juxta hanc normam requirantur et sufficiant conditiones, ad essentiam parochiatus, seu ut quis vere sit parochus. 3° Ad definitionem parochiatus, parochi et parochiæ deveniemus.

§ I.

Undenam desumenda sit vera norma, ad dignoscendam et determinandam parochiatus essentiam.

1° Quænam sit parochiatus essentia, id est, quænam essentialiter requirantur ut quis vere sit parochus, deduci nequit ex jure naturali. Ratio est quia parochorum institutio nullatenus ad legem naturalem pertinet. Nam eo dumtaxat sensu excogitari posset parochos esse de jure naturali, quod posita Ecclesia prout illam Christus constituit, necessario sequeretur exercendam esse curam animarum, et hanc curam excerci non posse nisi adhibitis parochis; porro, etsi ex essentiali Ecclesiæ constitutione revera sequatur exercendam esse spiritualem animarum curam, nequaquam tamen sequitur eam per parochos esse exercendam; sed possibile concipitur illud curæ exercitium per ipsosmet Episcopos, adhibito sibi presbyterorum tauquam vicariorum auxilio, quin ullus instituitur parochus. Et non tantum id possibile concipitur, sed de facto ita prioribus Ecclesiæ sæculis fuit actitatum, ut supra probatum est. Unde cum jus naturale nequaquam determinet necessarios esse parochos, a fortiori non determinat quales esse debeant, seu quænam sint ad constituendum parochum necessaria.

2° Neque determinari potest essentia parochiatus ex evangelio, seu ex jure divino positivo. Nam figmentum de parochis a Christo ipso institutis, et de bulla parochorum in evangelio contenta, supra explosimus; et probavimus parochos esse institutionis mere ecclesiasticæ, et ad mutabilem Ecclesiæ disciplinam pertinentis.

3° Ergo norma ad determinandam parochiatus essentiam desumi nequit nisi ex iure ecclesiastico. Jus autem ecclesiasticum non tantum constat legibus scriptis, sed etiam legitima et recepta harum legum interpretatione (si forte ambiguae sint), et consuetudinibus vim juris communis obtinentibus. Ergo quid requiratur et sufficiat ad essentiam parochiatus, seu ut quis sit vere parochus, eruendum est, tum ex Ecclesiae decretis, tum ex consuetudinibus vim juris communis habentibus, tum ex harum legum et consuetudinum interpretatione per decisiones tribunalium ecclesiasticorum, romanarum praesertim congregationum, et per communem doctorum sententiam.

§ II.

Quasnam condiciones requirantur et sufficiant ad parochiatus essentiam, seu ut quis verus sit parochus.

PRÆNOTANDA. — Glossa in clementinam *Dudum* (2, tituli 7, libri 3, ad verbum *Impendant*), loquendo de fratribus minoribus per dioceses ad confessiones fidelium audiendas legitime deputatis, adnotat eos non esse curatos; de quo hanc rationem affert: *Quia nec ipsi adstricti sunt ad executionem vel exercitium istorum actuum, nec fideles sunt adstricti ut in his ad eos recurrant: et sic licet ex privilegio hujus perpetuae constitutionis hoc possint, non per hoc sunt censendi curati*. Unde juxta hanc glossam, ut quis verus sit parochus duplex ea requiritur conditio, nempe, ut ex obligatione ministret, et ut parochiani ex obligatione ad eum recurrant. Porro glossa hæc unanimiter a doctoribus recepta est, et instar regulæ evasit apud Rotam et alias Romanas Cardinalium congregationes.

Concilium Tridentinum (sess. 24, cap. 13, *de Ref.*) sic decernit: « In iis quoque civitatibus ac locis, ubi parochiales
« Ecclesiae certos non habent fines, nec earum rectores pro-

« prium populum quem regant, sed promiscue petentibus
 « sacramenta administrant, mandat sancta synodus Episcopis,
 « pro tutiori animarum commissarum salute, ut distincto po-
 « pulo in certas propriasque parochias, unicuique suum per-
 « petuum peculiaremque parochum assignent, qui eas cogno-
 « scere valeat, et a quo solo licite sacramenta suscipiant; aut
 « alio utiliori modo, prout loci qualitas exegerit, provideant.
 « Itemque in iis civitatibus ac locis, ubi nullæ sunt parochia-
 « les, quamprimum fieri curent. » Ex hoc textu, nisi acces-
 sissent Romanarum congregationum et doctorum interpreta-
 tiones, vix quidquam concludi posset de essentia parochiatus,
 seu de conditionibus requisitis, ut quis vere sit parochus.
 Nam mandat quidem sancta synodus, ut cuilibet parochiæ di-
 stinctus assignetur populus; sed non dicit hoc absolute re-
 quiri ut aliqua Ecclesia vere parochialis sit : imo *parochiales*
 vocat eas quæ tunc temporis nullum peculiarem et distin-
 ctum populum habebant. Item mandat unicuique parochiæ
 præfici *perpetuum* peculiaremque parochum, cum ea lege, ut
 ab isto *solo* parochiani sacramenta licite recipere valeant : sed
 simul Episcopis liberum facit ut alio modo rem componant, si
 utilius ipsis videatur; et insuper non exprimit *perpetuitatem*
 parochi, et parochianorum ad eum recurrenti *obligationem*
 absolute requiri, ut quis verus sit parochus. Unde ad diri-
 mendam præsentem quæstionem textus ille Tridentinus per
 se solum parum juvare videtur. Idem dicendum de initio ca-
 pituli 1, sessionis 23, ubi eorum describitur officium, *quibus*
animarum cura commissa est; quia ibi agitur de cura animarum
Episcopis propria, ut satis contextus indicat.

In causa *Egitaniensi*, 27 junii 1789 (*Thesauri* tomo 58,
 p. 137), essentialia ad parochiatum requisita sic recensentur :
 « Hæc vero requiruntur ut verus quis dicatur parochus : quod
 « potestatem nempe habeat fori pœnitentialis : quod certam
 « suo nomine administret parochiam : quodque de necessitate
 « ministret, ab eoque parochiani necessario recipiant sacra-
 « menta. »

Ad quæstionem, *quænam requirantur essentialiter ut ecclesia sit et dicatur parochialis*, respondet Leureninus requiri sequentia :

« Primo, ut in ea sit potestas fori pœnitentialis, sive solvendi
 « et ligandi in foro pœnitentiali. Secundo, ut hæc potestas
 « exerceatur de necessitate, hoc est, ut non tantum rector
 « in ea possit administrare sacramenta circum habitantibus, et
 « hi illa ab eo recipere, sed et is et hi ad hoc teneantur;
 « cum in ista reciproca et vicissitudinaria necessitate admi-
 « nistrandi et recipiendi sacramenta potissimum consistat ra-
 « tio curati. Tertio, ut ei præpositus in illa exerceat curam
 « nomine suo, et non alieno. Quarto, ut solus et non cum aliis
 « eam administret; quod ipsum ad rationem curati requiri
 « tenet Corradus; ita ut si eidem ecclesiæ præficiantur duo
 « qui confessiones audiant, baptizent, etc., non dicantur cu-
 « rati. » (*Forum beneficiale* Leurenii, tomo 1, quæstione 146.)
 Citatus autem auctor nullum in probationem adducit juris
 textum; sed remittit dumtaxat ad alios canonistas et ad
 Rotæ decisiones.

Barbosa pariter plurimos indicat auctores, necnon et plures
 Rotæ decisiones, in eandem convenientes doctrinam, quam
 summarie refert hoc modo : « Ex quorum dictis, et præcipue
 « Rotæ, constat, quod probare volens ecclesiam esse parochia-
 « lem debet justificare quatuor requisita : primum est potestas
 « fori pœnitentialis, hoc est potestas ligandi atque solvendi :
 « secundum est certa parochia, hoc est locus certis finibus
 « constitutus, in quo populus alicui ecclesiæ deputatus degit :
 « tertium ut parochus curam exerceat nomine suo; quod
 « requisitum convenit personæ, non autem ecclesiæ : quar-
 « tum (quod etiam respicit personam et non ecclesiam), quod
 « sacerdos tanquam rector suo nomine singulariter, et non
 « cum aliis, ad regimen parochialis ecclesiæ admittatur, ut
 « declarat Rota (decisione 52, partis 2, *Diversorum*, a nu-
 « mero 1 usque ad numerum 19); et propterea eadem Rota
 « considerans statum ecclesiæ breviter dixit, ad ostendendum
 « ecclesiam esse parochialem, non sufficere quod rector admi-

« ministret sacramenta, nisi etiam ostendat quod de necessitate
« administret, et populus ab eodem de necessitate recipiat. »
(Barbosa, *de Parochis*, parte 1, cap. 1, n. 27.)

Expositam Leurenii et Barbosaë doctrinam, eandem fere
reperies a cæteris probatis doctoribus traditam.

Notaudum autem, nullibi exstare juris textum clare expri-
mentem, in quo essentialiter consistat parochiale officium.
Nullus in toto *corpore juris* occurrit specialis titulus *de Officio
parochi*. Unde canonistæ in tradenda de paracho præcisa no-
tione, communi doctorum æstimatione, neenon Rotæ et con-
gregationum Romanarum variis decisionibus niti solent. Nec
mirum, cum parochorum institutio nonnisi paulatim inducta
sit, et recentioribus dumtaxat temporibus universalis evase-
rit. Essentialem nempe formam suam ex praxi et consuetu-
dine, potiusquam ex ullis de hac re generalibus Ecclesiæ de-
cretis sensim induit. His prænotatis sit,

PROPOSITIO I^a. — *Ad essentiam parochiatus pertinet ut sit offi-
cium procurandi bonum spirituale animarum, per verbi Dei et sa-
cramentorum ministrationem.* — Probatur ex communi omnium
æstimatione. Nam 1^o parochis incumbere aliquod explen-
dum officium, extra controversiam est: neque vocatur aut
intelligitur parochus, qui nullum habet explendum officium.
2^o Quod autem officium parochi versetur circa bonum spiri-
tuale animarum aliquo modo procurandum, non minus indubi-
tatum est. Imo officium *curæ animarum* vocari solet; quæ
locutio, etsi propriam parochialis officii naturam non omnino
determinet (cum plures existant curæ animarum species),
prorsus tamen supponit pro paracho non haberi nisi illum,
cui incumbit bonum animarum, seu (quod idem est), *bonum
spirituale* aliquo modo curare et promovere. 3^o Sed et pro-
prium esse parochialis officii, ut bonum animarum curare
debeat saltem *per verbi Dei et sacramentorum ministrationem*,
est pariter unanimi omnium consensu admissum. Parochus
enim nequaquam intelligeretur, qui ex officio non teneretur
verbum Dei ministrare, id est, instructione religiosa et oppor-

tunis commonitionibus (id enim hic per *verbum Dei* intelligitur) parochianos suos informare, eorumque spirituale bonum promovere. Item qui non tenetur ex officio sacramenta parochianis ministrare, nequaquam parochus dicitur.

Confirmari autem posset conclusio, tum ex nonnullis aliis documentis, tum præcipue ex variis Romanarum congregationum resolutionibus, et canonistarum dictis. Ubicumque enim agitur de parochorum officio, vel exprimitur, vel innuitur, vel supponitur, parochiatum esse *officium aliquod, ad curam animarum, per verbi Dei et sacramentorum ministrationem exercendam, institutum*. A quibus adducendis documentis, cum de re nullatenus controversa agatur, abstinendum duximus. Dum vero dicimus ad parochiale officium essentialiter pertinere *verbi Dei et sacramentorum ministrationem*, intactam relinquimus quæstionem infra excutiendam, an alia etiam ad idem officium pertineant; sed asserimus dumtaxat id saltem ad ejus essentiam requiri.

Corollarium 1. — Ergo parochiatus secum infert fori pœnitentialis jurisdictionem. Nam cum sit essentialiter officium ministrandi sacramenta, est hoc ipso, et præcipue, officium ministrandi sacramentalem absolutionem; quæ ministratio jurisdictionem fori interni necessario exigit. Unde constituere aliquem parochum est simul et hoc ipso ipsi conferre fori pœnitentialis jurisdictionem: alioquin enim simul deputaretur et non deputaretur ad ministranda sacramenta, seu simul constitueretur et non constitueretur parochus. Hinc certum est et ab omnibus admissum, parochis ex ipso eorum officio fori pœnitentialis jurisdictionem competere.

Corollarium 2. — Ergo de officio parochiali est aliquo modo in parochianos invigilare. Nam ad illud officium pertinet, ex dictis, instructione religiosa et opportunis commonitionibus parochianos curare. Sed opportune parochianos commonere nequibit parochus, nisi eos noscat, et quo se modo gerant observet; ad quod, ut patet, aliqua requiritur vigilandi seu attendendi et inspiciendi impensa opera.

PROPOSITIO II^a. — *Est de essentia parochiatus, ut sit officium proprio nomine exercendum.* — Ut quis nempe vere sit parochus, non sufficit eum deputatum fuisse ad officium curandi animas per verbi Dei et sacramentorum ministrationem : nam deputari quis potest ad ejusmodi officium *vice et nomine alterius* expleudum : et revera presbyteri, verbi gratia, qui sub capellauorum, aut vicariorum, aliove nomine, parochos adjuvant, officium animas curandi per prædicationis et sacramentorum ministrationem vere et ipsi exercent. Nihilominus quia id præstant, non proprio nomine, sed tanquam aliorum vicarii, nequaquam pro parochis esse habendos, est constans Rotæ, congregationumque Romanarum, et canonistarum doctrina; prout satis patet ex prænotatis initio hujus paragraphi, et pleuissime compertum haberi potest percurrendo causas, in quibus resolvenda venit quæstio an quis verus parochus, vel aliqua ecclesia vere parochialis sit, in indicibus sive decisionum Rotæ, sive *Thesauri resolutionum Sacræ Congregationis Concilii*, indicatas. In regulam nempe juris commuais transiit, pro vero paroco non esse habendum illum, qui curam animarum non exercet proprio nomine. Hæc autem regula, non ex aliquo generali Ecclesiæ decreto, sed potius ex praxi et communi æstimatione inducta primitus videtur. Unde intelligendo parochum in sensu juris, omnino ad ipsius essentiam requiritur, ut curam proprio nomine, non autem vice alterius exercent.

PROPOSITIO III^a. — *Est de essentia parochiatus, ut sit officium exercendum quoad determinatam diœcesanorum portionem.* — Nam id etiam in regulam certam transiit apud Rotam, Romanasque congregationes, et doctores canonum interpretes. Unde pro paroco in stricto juris sensu non habetur Episcopus, quamvis et ipse curam animarum, et quidem principaliter, in tota diœcesi habeat. Item regionum illarum parochiales ecclesiæ, quas memorat Tridentina synodus, quæ nullum certum populum sibi addictum habebant, et in quibus sacramenta promiscue omnibus ministrabantur, quamvis in juris antiqui

sensu parochiæ fuerint, pro veris tamen parochiis hodie haberi non possent. Ita nempe jamdudum determinatus in jure fuit vocis *parochi* sensus, ut certæ diœcesanorum portionis assignatio requiratur, tanquam necessaria ad verum parochiatum conditio. Quod etiam in regulam transiisse videtur, non ex aliquo expresso Ecclesiæ decreto, sed potius ex invalescente praxi et communi æstimatione, necnon ex tribunalium ecclesiasticorum in hunc sensum decisionibus.

PROPOSITIO IV^a. — *Est de essentia parochiatus, ut sit officium exercendum ex obligatione.* — Si enim ita deputetur aliquis presbyter, ut possit quidem, sed non teneatur prædictam animarum curam exercere, nullatenus is parochis, prout in jure intelliguntur adnumerandus erit. Atque id pariter in regulam transiisse, ex communi doctorum æstimatione, et Rotæ, Romanarumque congregationum praxi et decisionibus constat.

PROPOSITIO V^a. — *Est de essentia parochiatus, ut certus populus parochi assignatus, aliquatenus saltem teneatur sacramenta ab ipso recipere.* — Requiritur etiam illam conditionem ut quis verus sit parochus, eodem modo constat ac de præcedentibus. Id nempe pro certa regula habetur a Rota, a Romanis congregationibus, et communiter a canonistis. Unde in dubio an aliqua ecclesia vere parochialis sit, si probetur circumjacenti populo liberum semper fuisse sacramenta omnia ex alia parochia alioque rectore recipere, concluditur immerito prætendi illius Ecclesiæ parochialitatem, quantumvis ejus rector parochi nomine donetur, et parochiales functiones exercere videatur.

Nota. — Mirabitur forte lector essentielles parochialitatis conditiones, non ex generalibus Ecclesiæ decretis, sed dumtaxat ex communi doctorum æstimatione, et Romanorum tribunalium decisionibus erui. De quo ratio in promptu est, non occurrere scilicet claros et expressos hac de re juris textus. In toto juris corpore nullus exstat *de officio parochi* titulus, quamvis non desideretur titulus *de officio sacristæ*, imo et *de officio custodis*, illius nempe cui incumberebat pulsare tintinna-

bula, *lintheamina altaris custodire*, *aliaque id genus peragere*. Quod certe vehementer inuuit, *parochiale officium*, quale in *hodierno jure communi intelligitur*, nonnisi sat recentioribus temporibus fuisse hoc modo determinatum : ut proinde toto *cælo erraverint*, qui *divinam parochorum institutionem et eorundem ubique locorum a primis Ecclesiæ exordiis frequentiam somniant*. Ex quo etiam patet *reponendam esse parochialitatis essentiam*, non in aliquo *juris naturalis aut juris divini requisito*, cum neque naturali neque positivo *divino jure exstent parochi*; nec etiam in *requisitis ab antiquo jure positivo*; sed in ea *notione, quæ ex recentiorum doctorum sententia determinata, et ab Ecclesia recepta est*.

PROPOSITIO VI^a. — *Quinque supra memoratæ conditiones sufficient ad essentiam parochiatus, seu ut quis vere sit parochus. — Probatur ex communi doctorum sententia. Sunt equidem nonnulli doctores, qui præter enumeratas quinque conditiones, requirunt etiam parochi unicitatem, id est, ut in una parochia unus, non plures parochi existant : atvero cum opinio hæc communis non videatur, nec apud Sacram Congregationem Concilii recepta (ut infra ostendimus), merito rejicitur unicetatis conditio tanquam quid absolute necessarium, seu essentialiter requisitum, ut quis verus sit parochus. Seposita autem illa circa parochi unicitatem controversia, communiter pro vero parochi habent doctores illum, qui ex obligatione et proprio nomine verbum Dei et sacramenta ministrat certæ alicui portioni diæcesanorum, qui vicissim teneantur sacramenta ab ipso recipere : habent proinde pro sufficientibus quinque supra memoratas conditiones.*

Ea vero doctorum sententia, *Romanorum tribunalium assensu et praxi canonizata, id est in regulam recepta fuisse videtur*. Nam si in *Thesauri resolutionum Sacræ Congregationis Concilii* percurrantur eæ causæ, in quibus expendendum fuit an quis verus esset parochus, videbitur ad *concludendam parochialitatem pro sufficientibus habitas fuisse quinque supra dictas conditiones*; ita ut iis repertis, *judicatum fuerit ap-*

plicanda esse juris consecrariâ, quæ veros parochos concernunt.

Cæterum alia de quibus potissimum occurrere posset dubitatio, num forte ad parochiatus essentiam pertineant (verbi gratia, num parochiale officium necessario debeat esse perpetuum, num alicui beneficio adnexum, num aliqua fori externi jurisdictione instructum) infra expendimus, et a parochiatus essentia removemus.

§ III.

Traditur definitio parochiatus, parochi et parochie.

I. Parochus definiri potest : legitime deputatus ad ministrandum ex obligatione et proprio nomine verbum Dei et sacramenta certo diœcesanorum numero, qui ab eodem vicissim sacra recipere aliquatenus teneantur.

II. Parochiatus autem, pro duplici, sensu huicce voci tribui solito, describendus videtur : *Proprium parochorum officium : Vel peculiaris status (sive conditio) eorum qui parochiali munere funguntur.*

III. Parochiæ vox duplici pariter sensu usurpari solet : 1° ad designandam ædem sacram ; 2° ad significandam parochianorum collectionem.

In priori sensu recte describi videtur : ecclesia cui adscriptus est certus populus, a rectore ejusdem ecclesiæ tanquam parcho curandus.

In posteriori vero sensu : certa diœcesis incolarum pars, alicui tanquam parcho subjecta.

Harum definitionum legitimitas sequitur ex superiori paragrapho. Rem scilicet definiendam describit per solas illas quinque conditiones, quas requiri et sufficere diximus ad essentiam parochiatus, sive ut quis clericus vere sit parochus, et aliqua ecclesia pro vere parochiali sit habenda.



SECTIO III.

Evolvitur notio de vera parochiatus, seu institutionis parochorum, natura.

Ex deductis in superiori sectione, jam satis determinata remanet præcipua, et ut ita dicam, fundamentalis de parochiatu notio. Ast præter varia, quæ tanquam huic muneri essentialia vel admisimus, vel rejecimus, sunt et plura alia, huc usque a nobis silentio prætermissa, de quibus etiam quæstio institui solet, num ad parochiatus essentiam pertineant. Et quamvis ex statutis jam principiis difficultatum ejusmodi solutio satis perspicui posset, pro rei tamen gravitate, de his in particulari disserendum existimavimus. Ad quod sequentia capita perlostrabimus : 1° de variis curæ speciebus, et quænam ex eis sit parochialis officii essentialis et propria ; 2° num unius parochiæ plures esse simul possint veri parochi ; 3° perpetuitatem non esse de essentia parochiatus ; ita ut verus parochus esse possit curatus ad nutum amovibilis ; 4° an curatorum amovibilitas contraria sit sacris canonibus aut bono Ecclesiæ ; 5° an et qualiter parochis competat ordinaria jurisdictio ; 6° de vicariis capellanisque curatis, et quinam ex ipsis sint vere parochi ; 7° de hodiernorum Galliæ curatorum conditione, et an ii qui deservitores vocantur sint veri parochi.

CAPUT I.

DE VARIIS CURÆ SPECIEBUS, ET QUÆNAM EX EIS SIT PAROCHIALIS
OFFICII ESSENTIALIS ET PROPRIA.

1° Distingui potest cura animarum in plenam seu superioris gradus, et partialem seu gradus inferioris. *Plenam* vocamus eam quæ exercetur, non tantum per jurisdictionem fori pœnitentialis, verbique divini prædicationem et sacramentorum administrationem, sed etiam per jurisdictionem externi fori et judicalem potestatem: *partialem* vero quæ externi fori jurisdictione destituitur, nec proinde potest bonum spirituale animarum promovere nisi suasionibus monitionibusque et sacramentorum ministratiōe.

Prioris porro generis cura Summo Pontifici incumbit quoad universum mundum: Episcopis item quoad suas respective diœceses: vicario etiam generali, utpote qui ipsammet Episcopi jurisdictionem vicarialiter exercendam habet in tota (moraliter saltem loquendo) diœcesi.

At vero cura parochorum propria, est posterioris dumtaxat generis. Nec proinde ob ejusmodi curam pastores in stricto sensu vocari possunt parochi. Nam *pascere* idem est ac regere seu gubernare; quod fori externi potestatem supponit: qua cum destituantur parochi, nonnisi improprio sensu pastorum in Ecclesia obtinent.

Ex usu tamen generaliter recepto, quando de cura animarum absque addito sermo est, solet intelligi cura illa parochorum propria, potius quam altera superioris gradus, fori etiam externi potestatem includens. Unde et nos in reliquo capite curam animarum memorantes, inferiorem illam speciem intelligimus.

2° Distinguitur cura in *habitualem* et *actualem*. Ille dicitur *habitualem* dumtaxat curam habere, qui de facto illam

nec exercet, nec exercere valet; sed tantum aliquatenus potest et debet providere, ut per aliquem, sub vicarii nomine, exerceatur. Tale est, verbi gratia, capitulum cathedrale, quando ipsi adnexa est animarum cura. Ex decreto quippe Tridentino, nequit tunc capitulum in curam animarum sese immiscere; sed tantum potest et debet aliquem nominare (per Episcopum tamen antea approbandum) qui hanc curam ex officio exercent. Is autem dicitur *vicarius capituli curatus*: estque ad nutum capituli revocabilis, nisi eum Episcopus perpetuum fore decernat: nam et ex eadem Tridentina lege potest Episcopus eam vicarii curati cathedralis perpetuitatem decernere.

E contra ille *actualem* curam habere dicitur, qui de facto eam exercendam habet.

3° Cura habitualis non sufficit ut quis sit verus parochus. Nam ille verus parochus non est, qui parochianis ea quæ ad curam pertinent, non tantum ex officio non ministrat, sed nec ministrandi jus habet. Unde parochus *habitu*, nequaquam verus est parochus; sed ejusmodi titulus valet dumtaxat ad certa ipsi præservanda jura. Hinc quando alicujus parochiæ populus alio migravit, ecclesia (quantumvis parochialis *in habitu* remanere dicatur) tanquam beneficium *simplex* in jure habetur, et ei omnes applicantur beneficiorum simplicium regulæ.

4° Cura *actualis*, modo ex obligatione, necnon proprio nomine exercentur, et cum reciproco parochianorum ligamine, verum efficit et constituit parochum. Nam tunc ea omnia adsunt, quæ superius probatum est ad parochiatus essentiam sufficere.

5° Ergo vicarius curatus est verus et proprie dictus parochus. Nam ideo tantum a ratione veri parochi deficere censendus esset, quia vicarialiter, ac proinde non suo sed alterius nomine curam exerceret (nam cæteroquin illam exercet ex obligatione, et quoad determinatum populum, qui tenetur sacramenta ab ipso recipere; ac proinde cæteras pa-

rochiatus conditiones habet); sed quamvis nomine *vicarii* nuncupetur, falsum est eum proprio nomine curam non exercere. Etenim ille improprio dumtaxat sensu vicarius dicitur, et in re vicarius non est, qui illa ex officio facit, quæ potestatem principalis sui (illius nempe cujus vicarius vocatur) prætergrediuntur. Potestatem quam tu non habes, non possum tanquam vicarius tuus exercere. Porro cathedrale capitulum, verbi gratia, potestatem non habet sese immiscendi in cura parochiæ; ergo qui eam exercet (quantumvis dicatur capituli vicarius) vere eam tanquam vicarius non exercet, sed ex proprio officio et nomine. Unde vicarii curati quod retinet nomen, in stricto sensu intelligendum non est; sed quatenus denotans certa jura capituli, præsertim exclusivam illam prærogativam nominandi ad curam actualem cathedralis parochiæ.

CAPUT II.

NUM UNIUS PAROCHIÆ PLURES ESSE SIMUL POSSINT VERI PAROCHI.

Iudicabimus primo quænam sit doctorum hac de re sententia: tum rationes eorum qui unicitatem parochi tanquam essentialem requirunt excutimus: ac demum contrariam conclusionem firmabimus.

§ I.

Exponitur doctorum hac de re sententia.

Cardinalis de Luca (in concilium Tridentinum, discursu 9, n. 3 et seq.): « Hiuc proinde, quando contingit quod occasione relationis quæ fieri solet in visitatione liminum, Sacra Congregatio Concilii ad istius notitiam deveniat, ut adhuc in eodem antiquo usu continuetur, quod scilicet exercitium curæ sit promiscuum penes omnes de capitulo, vel collegio,

« per eam enixe præcipi solet hæc deputatio vicarii ex eodem
« collegio, vel extra, prout facti qualitas exigat.

« Super vicariorum autem unicitate vel pluritate, nihil sta-
« tutum est (a concilio Tridentino), et merito, cum id ex facti
« qualitate pendcat, aut scilicet unus tantum supplere possit,
« vel potius duo vel plures requirantur. Quamvis enim re-
« ctorum seu parochorum pluralitas a jure prohibita sit, ob
« inconueniens ne una mulier duos vel plures habeat viros,
« attamen id procedit in eo qui sit verus rector ac sponsus
« ecclesiæ, non autem in ejusmodi vicariis, qui potius famu-
« lorum ac operariorum jure censendi sunt, cum id dictæ uni-
« citati non aduersetur : eodem modo quo eidem non adver-
« satur ut ipsamet cura habitualis sit penes aliquod capitulum
« et collegium constitutum ex pluribus personis; quoniam
« unicus censetur parochus, repræsentatus ab ipso corpore
« mystico seu politico, constituyente unam personam formalem
« seu intellectualem; singuli autem non sunt parochi. »

Barbosa (*de Officio et pot. parochi*, parte 1, c. 1, n. 43) :
« Tota ejus (*nempe parochiæ*) cura uni presbytero tantum (qui
« vocatur communiter parochus, seu plebanus, rector, sive
« curatus : quia hæc nomina uti synonyma variantur) commit-
« titur.... Nam sicut una mulier non potest duos vel plures
« sponsores habere, nec unum corpus duo capita, quia esset
« monstrum, sic nec ecclesia duos vel plures parochos sive
« curatos (capite *Cum non ignores, de Præbendis*, — Rota...); et
« in una Ecclesia unus debet esse sacerdos, sponsus et rector,
« qui curam habeat (capite *In apibus* 7, q. 1; — cap. *Sicut in*
« *una* 2, q. 2, — Rota...). Gonzalez exinde infert ad regimen
« parochialis ecclesiæ assumi debere unum parochum, qui
« suo nomine et non cum aliis præficiatur : quia si illi duo
« vel plures præficiantur, qui confessiones audiant et bapti-
« zent et alia ad curam spectantia faciant, non dicerentur
« proprie parochi sive curati : et ideo Rota (decis. 684, n. 2,
« parte 1, recentiss.) tenet, quod magis verisimile est, quod
« cura sit apud unum quam duos. »

Reiffenstuel (in tit. 5, libri 3 decret., n. 30) : « Ad hoc ut
 « aliquod proprie dicatur beneficium curatum seu ecclesia
 « parochialis..., requiritur quarto ut *solus* suo nomine illud
 « regat : nam una ecclesia nonnisi unius sacerdotis esse debet
 « (capite *Cum non ignores* 15, de *Præbendis*); sicut et unum
 « corpus nequit habere duo capita; alioquin foret mon-
 « struosum. »

Thomassinus item pluralitatem parochorum in una parochia, tanquam abusivum a canonica disciplina recessum perstringit (*de Beneficiis*, parte 1, l. 1, cap. 29, n. 5 et 6); ad quod tamen probandum, unicam ibi adducit Londinensis concilii, anni 1237, auctoritatem. Cæterum fatetur ipse usurpatum id olim fuisse; imo et multis in locis, adhuc eo quo scribebat tempore, usum illum perseverare : « Nemini non compertum
 « est, inquit, superesse in celeberrimis orbis Christiani civita-
 « tibus exempla istiusmodi aliqua, parochorum duorum vel
 « plurium unam parochiam alternis administrantium, suffra-
 « gaute consuetudine, et nescio qua adversus canones (1)
 « præscriptione » (loco citato).

Similia, apud plures alios canonistas reperies. Hinc, quamvis non desint etiam (ut infra ostenditur) qui putaverint ad rationem parochiatus non requiri necessario unicatatem, multo tamen communior videtur sententia quæ illam requirit.

§ II.

Expenduntur eorum rationes, qui unicatatem requirunt, ut quis sit vere parochus.

Allegant 1° caput *Cum non ignores* (de *Præbendis*); 2° caput *In apibus* (7, q. 1); 3° caput *Sicut una* (22, q. 2); 4° incon-
 veniens ne una mulier plures viros habere videatur; 5° incon-
 veniens ne uni corpori plura capita monstruose aptentur;
 6° allegari etiam posset Tridentinum decretum de *peculiari*

[1] Cur canones illos ditissime vir eruditionis non citavit?

parochio unicuique parochiæ præficiendo. Porro ejusmodi rationes non videntur rem satis evincere.

Et 1° quidem perperam adducitur decretalis *Cum non ignores*. Nam ibi Alexander III non reprobatur, quod plures uni ecclesiæ præficiantur, sed quod unus præficiatur pluribus ecclesiis : atque hoc sensu intelligenda esse verba, *cum non ignores quod una ecclesia unius debeat esse sacerdotis*, apertissime patebit cuilibet legenti decretalem ipsam, quæ est tenoris ejusmodi : « Cum non ignores quod una ecclesia unius
« debeat esse sacerdotis, mirabile gerimus et indignum, quod
« uni personæ locum in pluribus ecclesiis velis concedere ;
« vel in episcopatu tuo inducere consuetudinem ecclesiæ gallicanæ, quæ, cum unum ad plura recipiat beneficia, contra
« sanctorum canonum instituta, non approbatur a nobis, licet
« non possit præ multitudine delinquentium emendari. Cum
« igitur nuncius presbyteri qui in duabus ecclesiis locum
« habere contendit, et quidam clerici alterius ecclesiæ ad
« nostram præsentiam accesserint contra eum, nos attendentes non esse conveniens ut idem presbyter locum habeat
« in duabus ecclesiis, mandamus quatenus ipsum beneficio
« quod habet facias manere contentum. » Miror a tot canonicis citatam hanc decretalem, ad probandum unicum in parochia constitui posse parochum ; cum ea verba *unam ecclesiam unius esse debere sacerdotis*, adeo aperte hunc sensum ex contextu referant, *unam tantummodo ecclesiam, non autem plures, uni sacerdoti esse committendam*.

2° Neque concludit a Barbosa citatum caput *In apibus*. In quo quidem textu, qui est sancti Hieronymi, adnotatur *singulos esse ecclesiarum Episcopos, singulos archipresbyteros, singulos archidiaconos, et omnem ordinem ecclesiasticum suis rectoribus niti* : sed ne syllaba quidem ibi de parochis agitur ; qui cæteroquin tempore Hieronymi vix ac ne vix quidam institui cœperant. Nec valeret illatio ex analogia : nam quando agitur de regimine seu gubernatione, constans quidem in ecclesia ordo viguit, ut unicus superior inferioribus suis imperaret ; et ideo

unicus archipresbyter, non plures, cæteris presbyteris præerat, sicut unicus archidiaconus diaconibus. At vero ad meras administrationes et officia, quibus nulla inerat gubernû seu regiminis et externæ jurisdictionis potestas, solitum semper fuit vel unum vel plures simul deputare. Et hujusmodi est officium sacramenta et verbum Dei ministrandi, in quo stat proprium parochorum munus.

3° Magis ad rem facere videtur canon *Sicut in* (4, quæstionis 2, causæ 21), qui sic habet : « Sicut in unaquaque
« ecclesia unus presbyter debet esse, ita ipsa, quæ sponsa
« vel uxor ejus dicitur, non potest dividi inter plures pres-
« byteros, sed unum tantummodo habebit sacerdotem,
« qui eam caste et sincere regat. Unde interdicimus ut nul-
« lus præsumat ecclesiam inter duos vel plures dividere :
« quia ecclesia Christi uxor et sponsa debet esse, non scor-
« tum, sicut Calixtus Papa testatur. » Dicit Gratianus legi
canonem illum *in Rhemensi concilio* : sed Berardi (Gratianus
canones, parte 1, cap. 37) existimat ex capitularibus Francorum
fuisse desumptum. De quo quidquid sit, responderi potest :
1° huic obscuræ originis canoni, etiamsi de parochis intelli-
gendus esset, non tantam inesse vim, ut solus quæstionem
dirimere valeat. 2° Dicit forsitan potest per eos *presbyteros*, qui
ibi memorantur tanquam qui debeant *ecclesias regere*, et quo-
rum ecclesiæ *sponsæ et uxores* nuncupantur, intelligendos esse,
non meros parochos, sed prælatos fori externi jurisdictionem
exercentes, et cum ea jurisdictione commissas sibi ecclesias
gubernantes; quales olim crant, præter Episcopos, abbates
multi, capitulorumque et collegiatarum præpositi, atque alii
presbyteri. Id aliquatenus innuit adducta in hoc canone
Calixti Papæ auctoritas. Nam hujus pontificis epistola (ad quam
collineatur) idem docerunt, sed de Episcopis expresse agens :
*Sicut, inquit, alterius uxor nec adulterari ab aliquo, vel judicari,
aut disponi, nisi a proprio viro eo vivente, permittitur; sic nec
uxor Episcopi, quæ ejus ecclesia vel parochia indubitanter intel-
ligitur, eo vivente absque ejus judicio et voluntate, alteri judicari,*

vel disponi, aut ejus concubitu frui, id est, ordinatione, conceditur. (Causa 7, q. 1, c. 39.) Et ideo forte glossa vocabulo *presbyteris*, vocem *prælatos* substituit. Sic enim de quo ageretur explicat: « Quædam ecclesiæ duos habebant prælatos; quod « cum relatum esset in Rhemeusi concilio, statuit concilium « ut hoc de cætero non fiat; sed unaquæque proprium habeat « prælatum. »

4° Ad rationem desumptam ex inconvenienti, ne una mulier plures viros habere videatur, respondemus negando parochis stricto sensu competere *sponsorum* denominationem. De quo videri potest Nardi (tom. 1, a pagina 78). Verus nempe totius diœcesis sponsus est Episcopus. Et ideo in ejus consecratione annulus ei imponitur, nec potest unquam sponte sua sponsam deserere. *Pontifex ergo* (aiebat Optatus Milevitanus, l. 5, contra Parmen.) *annulum portat ut se sponsum ecclesiæ agnoscat.* E contra parochi nullo consecrationis ritu instituuntur; et parochias suas pro suo libitu in manibus Episcopi resignare possunt; unde et nullum accipiunt in signum spiritualis matrimonii annulum; sed deputantur dumtaxat ad officium (institutionis mere ecclesiasticæ) sacramenta ministrandi.

5° Ad iuconveniētiens ne plura capita uni corpori aptari videantur, respondetur: preservari necessariam capitis unitatem in Episcopo, cui tanquam capiti parochiæ omnes tanquam membra in unitatem mystici corporis adhærent. Non autem necesse est, ut parochiaui in perfectum corpus mysticum cocant cum omnibus eis, qui aliquo officio ecclesiastico apud ipsos funguntur.

6° Ex Tridentino concilio allegari potest decretum (sess. 24, c. 13), quo jubentur Episcopi ut, *in iis locis ubi parochiales ecclesiæ certos non habent fines, nec earum rectores proprium populum quem regant, distincto populo in certas propriasque parochias, unicuique suum perpetuum peculiaremque parochum assignent.* Non tamen videtur ex hoc textu rigoroſe concludi posse unicuitatis parochi necessitatem. Nam *primo*, in hunc dum-

taxat scopum tendere videtur synodus, ut certus populus unicuique parochus, et certus parochus unicuique populo assignetur. Porro ad hunc scopum necesse non est, ut unus tantum constituatur in unaquaque parochia parochus; sed etiamsi duo ponantur, certus erit quoad populum parochus, et certus quoad utrumque parochum populus. *Secundo*, ex vocibus *peculiaremque parochum* concludi nequit cum necessario debere esse unicum; quia etiamsi duo constituentur, uterque satis erit certus et peculiaris quoad populum parochus. *Tertio*, etiamsi *peculiaris parochus* idem ibi sonaret ac *unicus*, rigorose tamen sancita unicitas non esset intelligenda, cum Episcopis facultas fiat ab hac norma certis in casibus recedendi; siquidem additur: *aut alio utiliori modo, prout loci qualitas exegerit, provideant*.

7º Neque videntur rem omnino evincere auctoritates quas adducit Thomassinus. Nam etsi reprobata a sacris canonibus parochorum in una parochia pluralitatem pronuntiet, illos tamen canones non citat; et profert dumtaxat Londinensem anni 1237 synodum (parte 1, l. 1, c. 29, n. 5), necnon Petrum Cautorem (parte 2, lib. 3, c. 9, n. 8). Synodus porro Londinensis capite 12, sic habet: *Exigit ars nostra catholica, ut unicus et in una ecclesia sit magister, perfectus ordine, habitu, vita scientia et doctrina; et quod pura sit ecclesiæ ordinatio atque simplex. Sed objectio diaboli multos facit in hoc dogmate deviare, dum interdum eo suggerente, non uni tantum una datur ecclesia, sed pluribus, prætextu plurium patronorum, ut sint plura capita in eodem corpore, quasi monstrum*. Et paulo infra: *Firmiter statuentes, ut nunquam deinceps in plures personatus vel vicarias una ecclesia dividatur: et quæ divisæ sunt hactenus, quam citius se facultas obtulerit integrentur: nisi forsitan sic instituta fuerit ab antiquo*. (Apud Mansi, tom. 23, pag. 453, cedit. Vened. 1779.) Omittendo quæstionem, an ibi agatur de meris parochis, et non potius de prælatis fori externi jurisdictionem exercentibus, responderi potest, a citata synodo non habitam fuisse tanquam corruptelam rectorum unius ecclesiæ plura-

litem, quando ecclesia hæc cum ejusmodi pluralitate *ab antiquo instituta fuit*. Quæ restrictio magni momenti est, nec debuisset a Thomassino prætermitti. Præterea particularis alicujus synodi statuta, in corpus decretalium non inserta, vim juris communis non habent.

Petrum Cantorem allegat Thomassinus hoc modo : « Im-
« probat denique Petrus eum aliquarum ecclesiarum usum,
« ubi pluribus parochis una committebatur ecclesia, Lutetiæ
« potissimum. *Imo hodie plures quam duo, ut in ecclesia sancti*
« *Mederici, et multis aliis*. Devixit Petrus ante annum 1200. »
Ad quam auctoritatem sic breviter responderi potest : Acriter
etiam reprehendit Petrus Cantor ab eodem clerico plura simul
beneficia obtineri; quod tamen non impedit, quin legitime,
imo et laudabiliter, ex rationabili causa, duobus beneficiis
idem clericus donari possit. Quidni ipsius pariter contra plu-
ralitatem rectorum in eadem parochia reprehensioni eadem
limitatio apponeretur? Venerabilis viri zelum exagitabat rei
abusus; ut adeo ejus verba ad rem ipsam, cum debitis cir-
cumstantiis adhibitam, non sint extendeuda. Adde non adeo
liquere, citatum Petri Cantoris locum esse eo sensu intelli-
gendum, quem ei affigit Thomassinus. Mihi quidem contextum
perpendenti res dubia visa est. Quod tamen lectoris judicium
sit. Eū ipsa Petri Cantoris verba (in ipsius opere cui titulus *Ver-
bum abbreviatum*, capite 31, pagina 90, edit. *Montibus* 1639) :
« Tales(1) male videntur interpretari : *apprehendent septem mu-*
« *lieres virum unum* (Isa. 4, 1). Videant ne incurrant illud ju-
« cundum figmentum adolescentis (2), qui cum diu moratus
« fuisset cum Patribus conscriptis in Capitolio, et ab eo quære-
« ret mater quid diffinitum esset, nolens revelare consilium,
« novam adiuveniens stropham, respondit matri suæ : audisse,
« quod de cætero plures uxores erunt unius viri. Quo au-

(1) Nempe clerici pluribus beneficia donati, quos tanquam monstra et *dicipites belluas* severe carpit.

(2) Id narrat Petrus Cantor ex Macrobio (libro 1 saturnaliū, capite 6).

« dito, mater, convocatis matronis ad ostium Capitollii, clamavit : Non duæ uui, sed una duobus. Sed non duæ uni, sed duo uni. Imo hodie plures quam duo, ut in ecclesia sancti Mederici, et multis aliis. » In toto autem capitis decursu pergit invelhere contra clericos plura beneficia obtinentes.

§ III.

Esi unicum in singulis parochiis constitui parochum regulariter magis expedit, illa tamen unieitas non videtur essentialiter requiri, imo nec a jure positivo exigi tanquam ex regula, quæ nulli exceptioni obnoxia esse debeat.

Prænotanda. — 1° Posse curam *habitualement* residere penes collegium aliquod, verbi gratia, penes cathedrale capitulum, in confesso est apud omnes : et de facto hodie quamplurimis capitulis animarum cura reperitur adnexa ; quam tamen, cum ex Tridentino decreto per vicarium aliquem exerceant, in *habitu* dumtaxat retinere dicuntur. 2° Actualement etiam curam posse ad aliquod collegium pertinere omnino certum est ; siquidem ante Tridentinam synodum plurima capitula de facto curam illam exercebant, omnibus ad id operam navantibus canonicis, certo quodam ordine ab ipsis capitularibus præscripto. Imo licet decreverit Tridentina synodus ad curam actualement esse vicarium aliquem deputandum, id tamen non ita rigore fuit Episcopis injunctum, ut penes ipsos facultas non remanserit ab ea lege recedendi, sicubi forte rem aliter componi majoris utilitatis ratio suaderet ; prout ex ipso Tridentino textu patet. Et de facto post memoratam synodum multis in locis perrexerunt capitula curam animarum per se ipsa exercere. Neque hoc negant qui unicitatem parochi omnino necessariam sustinent ; sed adnotant verificari hanc unicitatem in collegio curam exercente ; cum tunc resideat cura, non penes singulos canonicos, sed dumtaxat penes totum indivisibile collegium, ex quo unica persona moralis efformatur. 3° Item constitui posse in una parochia *plures* vicarios curatos, rema-

nente penes unicam (moralem saltcm) personam *habituali* cura, vidimus supra a Cardinali de Luca assertum, neque id negat ullus canonista. 4° Præsens ergo controversia tota in eo vertitur, an in una parochia possint esse plures veri parochi, qui nec vicarialiter, seu nomine alterius, curam exerceant, nec inter se efformient collegium seu unicam moralem personam. Quam quæstionem affirmative resolvi posse existimamus.

PROBATUR I°. — *Ex ipsa parochiatus essentia.* — Nam possibilis concipitur duorum, verbi gratia, presbyterorum deputatio, quorum unusquisque ex officio teneatur verbum Dei et sacramenta ministrare certo alicui populo, qui vicissim teneatur sacramenta ab alterutro ex his presbyteris recipere. Minime enim repugnat duas personas teneri iu solidum aliquid præstare : item non magis repugnat præcipi certi loci incolis ut sacramenta recipiant ab alterutro ex duobus assignatis presbyteris, quam ipsis præcipi ut ab nno solo recipiant. Verificata autem illa hypothesi, quid quæso utrique hujusmodi presbytero deerit, ex quo nequeat pro vero parochio haberi? De utroque enim verum erit, curam animarum ab eo exerceri; et quidem proprio nomine, non autem tanquam alterius vicario; et ex officii sui obligatione; et in aliquem determinatum populum. Quod autem huic populo liberum sit ad alterutrum recurrere, non tollit necessarium vinculum parochianos inter et parochum. Nam hæc ipsa obligatio sacramenta recipiendi *ab alterutro, non ab aliis*, est verum ligamen quoad utrumque presbyterum : obligatio scilicet recurrendi ad Caium nisi recurratur ad Titium, et vice versa, est vera obligatio erga Caium at Titium. Et cæteroquin, nisi duo isti presbyteri dicendi sint veri curati seu parochi, quid vocandi erunt? Non erunt vicarii : non crunt meri capellani : sed et diversum erit eorum officium ab officio cæterorum omnium presbyterorum, quibus nulla incumbit animarum cura. Remanet ergo ut sint curati sen parochi, et pro talibus habendi.

PROBATUR II°. — *Ex doctrina et praxi Sacræ Congregationis Concilii.* — Certum est a Sacra Congregatione Concilii non ha-

bitam fuisse tanquam illegitimam parochorum pluralitatem. Nam in causa quadam Tyburtina 18 junii 1757 (*Thesauri* tomo 26, pag. 49) agebatur de duobus parochis ejusdem parochiæ ad unum redigendis. Mortuo scilicet altero, decreverat Episcopus unicum posthac fore parochum, cui assisteret capellanus seu vicarius. Reclamantibus autem parochianis propositum Sacræ Congregationi fuit dubium, *an si locus reductioni duorum parochorum unius ejusdemque parochialis Castri Madamæ* (id erat parochiæ nomen) *ad unum solum parochum, qui onus habeat retinendi capellanum coadjutorem in cura animarum ab Episcopo approbandum?* Et responsum est *negative*. Voluit nempe Sacra Congregatio retineri ut prius duos parochos. Inconvenientibus autem ab Episcopo objectis (ex perpetuis nempe inter duos parochos dissidiis) providit hoc modo : *Episcopus incumbat exerceri diuturnam curam animarum per utrumque, sublata alternativa* (1), *et ad mentem : et mens est ut fiat massa communis ex incertis emolumentis æqualiter dividendis*. Ergo Eminentissimis patribus persuasum fuit, non tantum non requiri essentialiter parochi unitatem, sed et positivo juri non repugnare pluralitatem. Neque enim duos parochos in una parochia conservatos voluissent, si id anticanonicum existimassent.

Nec objiciatur, eos parochos fuisse forsitan *curatos* dumtaxat *vicarios*, penes aliquod collegium remanente *habituali* cura; quo casu plures constitui posse negat nullus. Nam contrarium ex relatione expresse constat. De quo ne ulla remaneat dubitatio, nonnulla ex relatione secretarii verba subjicimus : « Una est, inquit, in Castro *Madama* Tyburtinæ dioceseos parochia, una parochialis ecclesia, in qua tamen non unus, sed « duo parochi sunt, diviso per hebdomadas curæ animarum

(1) Cum nempe duo parochi per alterna tempora curam exercerent, frequens erat ut parochiani, qui uni adhaerebant, baptismum puerorum aliave procrastinarent, donec in actu curæ esset ille cui favebant; id utroque suis suadente, ut emolumenta inde sibi accrescerent.

« exercitio. Perpetuæ hinc inter eos dissensiones, jurgia, li-
 « tes... Ut his morbis medicinam pararet Episcopus, cum
 « transacto mense decembri alter ex his parochis obiisset, sta-
 « tuit duos parochos ad unum dumtaxat redigere, dato onere
 « perpetuo assumendi capellanum, ab Episcopis approbandum,
 « qui eum adjuvet in cura animarum. Consiliis Episcopi resti-
 « tit populus illius Castri... Preces igitur tam populus quam
 « Episcopus obtulerunt Sacratissimo Principi nostro... Auditus
 « fuit Episcopus... Eadem quæ Episcopus habet nunc in suo
 « libello promotor fiscalis, addens sacrorum canouum, et nu-
 « peram Tridentini dispositionem, qua vetitum est duos esse
 « parochos in una parochia : neque ad rem pertinere exempla
 « quarundam parochialium, in quibus plures curam anima-
 « rum exercent, cum hic agatur de *jure formali* parochiæ,
 « quod apud plures esse non potest ; diversum si, ut in con-
 « trariis exemplis, ageretur de *exercitio* curæ, quod inter
 « plures dividi potest, cum apud alium sit jus formale paro-
 « chiæ, ut in capitulis et collegiis : nullam denique habendam
 « esse rationem vetustissimæ consuetudinis, cum corruptela
 « et abusus dici debeat, quando sacrorum canonum disposi-
 « tioni adversatur. Hæc promotor. » Is certe promotor thesim
 contrariam strenue sustinuerat : et nihilominus causa cecidit.

Argumentum etiam desumere possemus ex causa *Sutrina*
 (16 junii 1791; *Thesauri* tomo 60, pag. 170). Ex qua tamen
 (brevitatis ergo) hæc tantum verba promemus : « Licet unicam
 « parochi duo regere valeant ecclesiam (Giraldi, animadver-
 « siones et additiones ad Barbosam, de *Officio et potest. pa-*
 « *roch.*, caput 1, n. 44, et Sacra Congregatio in Tyburtina
 « 25 martii et 9 junii 1757), distincti tamen censentur ubi
 « separatim habent gregem. » His paucis verbis habes, et
 nobis assentire clarissimum Giraldum, et receptam esse apud
 Sacram Congregationem Concilii doctrinam quam sustinemus,
 plures nempe constitui posse in una parochia veros parochos ;
 atque id neque essentiae parochiatus adversari, neque ex lege
 ecclesiastica absolute prohiberi.

Cæterum in citato *resolutionum Sacræ Congregationis Concilii Thesauro*, plura alia reperies exempla præpositorum uni parochiæ duorum pluriumve parochorum.

Item in Gardelliana collectione *decisionum Sacræ Congregationis Rituum*, sub n. 3833, reperies Parisiis exstitisse parochiam, a tribus simul parochis gubernatam, qui postea ad duos reducti sunt. Qui duo, cum inter se de præminetia contenderent, eorum dubia resolvit Sacra Congregatio die 11 decembris 1728. Et ne minimo quidem verbo ibi innuitur, anticanonicam esse hujusmodi a duobus rectoribus parochiæ gubernationem; sed contrarium plane supponitur.

PROBATUR III^o. — Ex capite 18 sessiois 24 Tridentini concilii. Ibi expresse dicitur curam animarum in aliqua ecclesia posse ab Episcopo committi pluribus : *Etiam si cura, vel Episcopo incumbere dicatur, et per unum vel plures administretur; etiam in ecclesiis patrimonialibus, seu receptivis nuncupatis, in quibus consuevit Episcopus uni vel pluribus curam animarum dare.* Equidem eludi aliquatenus potest illa probatio, dicendo ibi agi de casu quo verus parochus est ipsemet Episcopus; ita ut illi plures, ad merum curæ exercitium deputati, nihil aliud sint quam vicarii, alieno nomine, non suo, ministrantes; ac proinde a ratione veri parochiatus deficientes : non autem negari plures in una parochia constitui posse hujusmodi curatos vicarios. Atvero facili discursu, ex legitimitate plurium in una parochia vicariorum curatorum, concludi potest nec repugnare parochorum proprie dictorum pluralitatem. Sumamus casum ecclesiæ cathedralis in qua capitulum habet curam dumtaxat *in habitu*; ita scilicet ut jus ipsi non competat sese in exercitio curæ immiscendi. Ibi deputatus ad curæ exercitium, quantumvis dicatur *vicarius*, in re tamen eam exerceat proprio nomine. Nam exercere curam nomine alicujus, qui jus non habet in exercitio curæ sese immiscendi, est revera illam exercere *independenter ab eo* : sed exercere curam independenter ab aliquo, non est eam exercere tanquam ipsius vicarius : ergo qui hoc modo curam exerceat, eam

revera exercet proprio suo nomine : ergo improprie dumtaxat dicitur vicarius ; in re autem est verus parochus. Jam vero plures constitui posse ejusmodi vicarios curatos, remanente penes primitivum parochum *habituali* solummodo cura, in confesso est apud omnes : cum ergo ejusmodi vicarii veri sint parochi, plures in una parochia constitui veros parochos essentialitatis parochiatus non adversatur. His vero perpensis, ita concludendum videtur : 1° si agatur de *essentia parochiatus*, huic non adversari pluralitatem parochorum in una eademque parochia ; 2° si quaestio sit an de facto per universales Ecclesiae leges pluralitas haec interdicta fuerit, rem non omnino liquere ; 3° si pluralitas haec de jure communi interdicta censenda sit, prohibitionem illam intelligendam esse tanquam regulam generalem, certis de causis exceptionibus obnoxiam ; non autem eo sensu quod intrinsece et semper malum sit atque corruptela dicta pluralitas ; 4° si quaeratur, num *ordinarie* magis expediat unicum praefici unicuique parochiae rectorem, affirmative esse respondendum.

CAPUT III.

PERPETUITAS NON EST DE ESSENTIA PAROCHIATUS, SEU NON
REQUIRITUR UT QUIS SIT VERE PAROCHUS.

Etenim essentialiter requireretur vel ratione officii, vel ratione beneficii : atqui neutrum dici potest.

§ I.

Non essentialiter requiritur perpetuitas ratione parochialis officii.

Prænotanda. — 1° *Perpetuum* intelligitur officium, quod semel alicui commissum, nequit ab eo retrahi, nisi judicialiter et ex causis in jure determinatis ; 2° e contra dicitur *manuale*,

seu amovibile, vel etiam revocabile ad nutum, quando ad arbitrium superioris, vel alterius id jus habentis, potest officium alicui commissum ab eo retrahi, absque iudicii forma, et vel sine causa, vel saltem ex causa qualicumque rationabili, etiam non expressa in jure; 3^o hic porro solvenda venit quæstio, utrum parochiale officium ex natura sua debeat esse dicto sensu perpetuum, an vero dari possit verus parochus, etsi ad nutum ab officio revocabilis.

PROPOSITIO. — *Parochus, attenda ipsius officii essentia, tam potest esse ad nutum revocabilis quam perpetuus.* — Nam tota ratio parochialis officii in eo stat, ut quis exercendam habeat animarum curam, ex obligatione et nomine proprio, quoad certum aliquem diœcesis populum, qui vicissim ab eo sacramenta recipere teneatur: atqui omnia hæc requisita optime stant etiamsi parochus sit ad nutum revocabilis: nam presbyter quamvis deputetur ad beneplacitum Episcopi, seu ad nutum revocabilis, potest vere deputari ad exercendam curam apud aliquem populum, et quidem ex obligatione et proprio nomine, et ita ut simul obligetur hic populus ad illum presbyterum tanquam proprium suum parochum recurrere. Quod ita per se patet ut nulla probatione indigeat. Unde qualitas hæc perpetuitatis seu manualitatis, est officii parochialis essentiæ omnino accidentalis et extrinseca; ac proinde parochus ad nutum revocabilis tam vere est parochus, quam in perpetuum deputatus. Hinc quoties a Sacra Congregatione Concilii quæsitum est, num obligationesque de jure parochis incumbunt, censeantur etiam astringere curatos ad nutum revocabiles, responsum est affirmative, modo isti curati proprio nomine curam actualem exercendam habeant, et cura hæc *actualis* non resideat penes alterum, cujus sint dumtaxat vicarii. Et sic multoties responsum est, eos teneri ad residentiam, et ad offerendum sacrificium pro populo, non minus ac si forent perpetui (vide id passim in *Thesauro resolutionum*).

Objectiones 1^o. — Est de ratione parochiatus, ut sit officium pastoris: atqui pastor debet cognoscere oves suas, quod recte

non succedet nisi sit in officio perpetuus; ergo—Respondeo 1° parochum non esse pastorem in stricto sensu, prout supra probatum est. Verus quippe pastor cujuslibet parochiæ est Episcopus; et huic proprie incumbit officium cognoscendi oves suas, ut eis de opportuna cura providere queat, per se vel per alios. Respondeo 2° posse a parcho, etsi amovibili, sufficienter dignosci parochianos: nam ex eo quod alicujus diocesis parochi sint amovibiles, non necessario sequitur eos de facto frequentibus revocationibus et mutationibus exagitari. Cum enim id nocivum foret et officio Episcopi contrarium, inter ordinarie contingentia poni non debet; sed e contra supponendum est, ejusmodi revocationes nonnisi ob majorem parochiarum utilitatem *ordinarie* obventuras. Adde, si quando secus accidat, et nociva parochiæ vel etiam parcho, atque irrationabilis revocatio probari queat, putare nonnullos non deesse tunc recursum ad superiorem, quo actus Episcopi corrigatur, ut infra exponetur. Hinc nequaquam æstimandum est, ex conditione revocabilitatis præpediri parochos, quominus parochianos suos sufficienter cognoscant.

Objicies 2°.— Parochus est sponsus parochiæ; et de ratione spiritualis matrimonii est ut sit perpetuum seu indissolubile. — Respondeo 1° parochis stricto sensu non competere sponzorum quoad parochias suas titulum. Proprium id Episcopis supra vindicavimus. Respondeo 2° si valeret objectio, neque possent parochi pro libitu parochias suas resignare et deserere, sicut Episcopus nunquam potest propria voluntate ecclesiam suam dimittere; quod tamen omnino falsum est.

Præmissas objectiones ex nomine *pastoris* et *sponsi* parochis tribui solito, confutat Pignatelli (tomo 9, consult. 143, n. 24) in hunc modum: « Quod dicitur curatos esse *sponso*s Ecclesiæ, « *patres* et *pastores* populi, ideoque debere esse perpetuos, « facile evitatur, considerando quod hæc *proprie* conveniunt « Episcopis, qui vere sunt animarum pastores (ut probat « canon *Quamvis* 7, q. 1; caput *Ne pro defectu*, de *Elect.*; « concilium Tridentinum capite 1, sessionis 6, de *Ref.*; Bar-

« bosa...) : iis enim oves peculiariter fuerunt demandatæ,
 « animarumque cura ipsis principaliter incumbit. Unde et
 « Episcopus dicitur curatus ecclesiarum suæ diœcesis..., et
 « tota diœcesis dicitur parochia Episcopi... Ipsi veri patres...
 « verique sunt Ecclesiæ sponsi... Ad hoc significandum defert
 « annulum. Minus autem propriè hæc conveniunt parochis in-
 « ferioribus...; nullo autem modo curatis hisce amovibilibus. »
 Addit ibidem Pignatellus curatos illos amovibiles non posse
vere curatos dici; atque non paucos in hunc sensum auctores
 citat : ego vero non video quomodo veri curati non sint, etsi
 amovibiles, ii quibus animarum cura *proprio nomine* exerceuda
 committitur.

§ II.

Neque essentialiter requiritur perpetuitas ratione beneficii.

Ideo quilibet parochus esset necessario perpetuus ratione
 beueficii, quia non posset quis constitui verus parochus, nisi
 simul ei conferretur aliquod beneficium, et nisi illud benefi-
 cium foret perpetuum, ita ut nempe eo privari non posset
 parochus sine iudicio et ex certis in iure determinatis causis :
 atqui potest quis verus esse parochus absque ullo ipsi collato
 beneficio; et etiamsi requireretur aliquod beneficium potest
 illud beneficium esse *manuale* seu ad nutum revocabile : quod
 antequam probemus, communiter receptam de beneficiis no-
 tionem breviter præmittimus.

1° Beneficium definiri solet, *jus perpetuum percipiendi fru-
 ctus ex bonis Ecclesiæ, ratione spiritualis officii, auctoritate eccle-
 siastica constitutum* (vide Leurenium, initio sui *Fori beneficialis*).
 Dnm autem in hac definitione dicitur *jus perpetuum*, quomodo
 illa vox *perpetuum* intelligenda sit, sic explicat citatus auctor :
 « Respondeo 1° eam perpetuitatem intelligi, requiri et
 « sufficere ad rationem beneficii, quæ inest ipsi huic juri seu
 « beueficio, quatenus hoc semel auctoritate prælati ecclesia-

« tici constitutum, manet semper. Ita ut sublatum ab uno,
 « sive voluntate superioris, sive per mortem possessoris, non
 « preat, sed vacet, remaneatque alteri conferendum : secus
 « ac contingit in pensione, quæ cum pensionario extinguitur,
 « et vel hinc rationem beneficii non habet. Respondeo 2° :
 « beneficium, prout in jure canonico et communius accipitur
 « hoc nomen, esse et dici *perpetuum*, quia non tantum in se,
 « modo jam explicato, sed simul etiam in beneficiato, quan-
 « tum est ex se, perpetuatur, dum ei non datur ad tempus,
 « sed in titulum perpetuum.. Atque ita jam beneficia *manua-*
 « *lia*, etsi priori modo in se perpetua, quia tamen ex se non
 « perpetuantur quoque in beneficiato, a ratione beneficii com-
 « muniter accepti recedere dicendum erit. » (*Forum benef.*,
 t. 1, q. 4.) Addit tamen ibidem Leurenus, relicta hac com-
 muni beneficii acceptione, *verum* dari posse beneficium, licet
manualitatis sit, id est non perpetuum quoad beneficiatum, ex
 speciali aliquo jure, verbi gratia, ex eo quod tale primitus
 ex fundatione constitutum sit. Quod etiam iterum tradit
 quæstione 64, ubi ad quæsitum, *num qualitas manualitatis insit*
beneficiis regularibus omnibus, et e contra absit a sæcularibus,
 respondet : « Negative : etsi enim beneficia sæcularia præsu-
 « mantur perpetua, quia fere omnia sæcularia sunt perpetua;
 « regularia e contra præsumantur manualia, quia fere omnia
 « sunt talia; interdum tamen regularia sunt perpetua, et sæ-
 « cularia sunt manualia, quia sic constitutum ex fundatione,
 « vel privilegio apostolico, vel præscriptione. » Cæteros do-
 ctiores si adeas, reperies ab omnibus tanquam certum admitti,
 dari posse beneficia *manualia*; imo tenent beneficia regularia
 ordinarie esse (et in dubio præsumi debere) talia.

2° Equidem tradunt etiam communiter beneficia manualia
 non haberi pro veris beneficiis in quodam *proprio et stricto*
 juris sensu; prout inter alios sic exprimit Fagnanus : « In
 « materia favorabili, appellatione beneficii includuntur etiam
 « beneficia manualia; quæ tamen vere et proprie non sunt be-
 « neficia » (in caput *Ad audientiam, de Rescriptis*, n. 118). Atvero

ex eo quod in hoc *strictiori* sensu nequeant beneficia manualia beneficiorum nomine donari, nequaquam sequitur ejusmodi beneficia non posse existere; cum e contra, posse aliquod beneficium, etiam sæculare, et sive simplex sive etiam curatum, *manuale* esse ex foundationis lege, vel ex aliquo alio speciali jure, neget nullus. Quibus prænotatis, sit :

PROPOSITIO I^a. — *Potest quis verus esse parochus absque ullo ipsi collato beneficio.* — Nam etiamsi quis nullum beneficium habeat, nihilominus si curam alicubi exerceat ex officio et proprio nomine, pro parochus ab omnibus habebitur. Consistit nempe tota parochiatus ratio in officio, non in beneficio : imo beneficium non dicitur curatum et parochiale, nisi quatenus fundatum ad sustentandum curatum seu parochum. Unde si necesse foret conferri beneficium illi qui deputatur in parochum, ea necessitas, ex jure dumtaxat positivo exurgeret, non autem ex ipsa parochiatus natura. Sed neque ex positivis Ecclesiæ legibus requiritur ut cuilibet parochus beneficium aliquod conferatur. Potest enim erigi aliqua ecclesia in parochialem, et ibi deputari verus parochus, quin nullum fundatum fuerit in hunc finem beneficium. Exigitur tantum in hujusmodi erectionibus ut honestæ parochi sustentationi provideatur per certos aliquos proventus; id est, vel per portionem congruam ex bonis matricis ecclesiæ erogandam, vel per annuam subventionem a parochianis ex obligatione solvendam, vel alia qualibet ratione, modo certam faciat decentem parochi sustentationem. Imo casum expendens Fagnanus, quo necessaria foret, ob bonum animarum, novæ parochiæ erectio, et novo parochus provideri non posset de convenienti sustentatione (ob egestatem nempe eorum omnium qui de jure contribuere tenerentur), sic concludit : « Ad extremum, si « neque id fieri possit, et egestate omnes laborent, novus « parochus propriis manibus ex artificio victum sibi quærat « (capite *Clericus* 1 et 2, 91 distinctionis) : et sic dabitur casus « in quo parochialis ecclesia construi poterit sine dote » (in caput *Ad audientiam, de Ecclesiis ædific.*, n. 6 et sequentibus).

In hoc certe casu daretur verus parochus absque ullo beneficio.

PROPOSITIO II^a. — *Etiam si non posset quis esse parochus absque beneficio, non sequeretur requiri beneficium perpetuum, sed sufficeret beneficium manuale seu ad nutum revocabile.* — Nam beneficii perpetuitas requireretur, vel quia beneficium manuale non foret *verum* beneficium, vel quia non sufficeret *verum* beneficium, sed requireretur illa verorum beneficiorum species quæ manualitatem excludit. Atqui neutrum dici potest :

1^o Falsum est beneficia manualia non esse *vera* beneficia. Quam conclusionem ex professo tradit Leurenus (*Forum beneficiale*, quæstione 84) his verbis : « Num beneficia vere manualia seu ad nutum removibilia, sint vere beneficia? — « Respondeo : præter ea, et juxta ea, quæ dicta sunt capite « præcedente, ad quæstionem 4, de perpetuitate (1), dici « posse et esse *vere* beneficia; dum dicitur, perpetuitatem « illam beneficio essentialem, non respicere connexionem « stabilem inter beneficium et beneficiatum, sed connexionem « oneris et illius (ut ita dicam) emolumenti recompensativi; « quod onus, correspondensque ei jus, omnino idem habent « pro tempore obtinentes ea, ac obtinentes cætera beneficia « in perpetuum. » Ex hac Leurenii doctrina (quam tenent etiam Garcias, Lotterus et alii a Leurenio citati), patet duplicem distinguendam esse beneficii perpetuitatem : eam nempe quæ foundationem respicit, et eam quæ opponitur manualitati seu revocationi ad nutum. *Prior* quidem essentialis est beneficio; ita ut nequaquam verum dici possit beneficium, nisi fundetur in perpetuum. Unde, verbi gratia, si quis fundaret certos redditus usque ad certum dumtaxat tempus, vel alicui determinatæ personæ quoad vixerit, solvendos, id *pensio* foret, non beneficium : et elapso præfixo tempore, seu mortua personâ, non daretur vacatio beneficii, sed pensionis extin-

(1) Jam supra transcripsimus quæ a Leurenio sub hac quæstione 4 traduntur.

ctio. Atvero *posterior* perpetuitas, quæ nempe excludit revocabilitatem ad nutum, essentialis non est ad constituendum verum beneficium. Et revera cum, amoto ad nutum uno beneficiato, vacet beneficium, et possit alteri conferri; et sic in perpetuum perduret, vel ab aliquo possessum, vel vacans et conferibile; non est cur pro vero beneficio non habeatur, et hoc nomine donetur.

Quo autem sensu vacare dici possint beneficia etiam manualia, tradit citatus Leurenus (ibidem, quæstione 83): « An beneficia manualia dicantur vere vacare, possintque resignari? — Respondet affirmative Lotterus..., citans pro hoc præter Glossam et Rotam, Gonzalem... E contra sentit Cardinalis de Luca (*de Beneficiis*, discursu 97, n. 18), cum non dentur in titulum, seu titulum non habeant (quamvis corradus dicat posse conferri in titulum, nempe amovibilem), non posse dici vacare et conferri; intelligendo hoc de vacatione vera et propria ad effectus juris, illum præsertim reservationis et affectionis; posse nihilominus largo modo dici vacare per mortem naturalem, vel civilem, vel per remotionem. » Ex quo patet vacare dici posse beneficia etiam manualia, licet non eo peculiari sensu, qui certos quosdam juris effectus secum trahat.

2º Item falsum est ad constituendum verum parochum requiri, non tantum verum beneficium, sed etiam beneficium manualitatem excludens. Nam hæc exclusio manualitatis requireretur, vel ob essentiam officii parochialis, vel ob essentiam ipsiusmet beneficii (quæ scilicet non reperiretur in beneficio manuali), vel ex jure positivo: atqui nullum ex his dici potest: non duo priora, ut modo probavimus: non tertium; siquidem nedum leges ecclesiasticæ alicubi decernant, non posse quem esse parochum nisi inamovibilem, agnoscunt e contra et supponunt dari posse beneficia curata manualia. Et primo certum est talia esse ordinarie beneficia curata *regularia*, id est, fundata ad sustentandos rectores earum ecclesiarum, quæ ex lege foundationis regendæ sint per religiosos,

non per sæculares presbyteros. Cum nempe religiosi strictam obedientiam profiteantur prælato suo, debet is posse subditum suum religiosum pro arbitrio a parochiæ regimine amovere, ac proinde eum beneficio huic regimini adnexo privare. Et ideo nisi constet de contrario privilegio apostolico, beneficium quodlibet regulare manuale censendum est.

Atvero sæcularia etiam beneficia curata, esse vere manualia, si ita cautum sit in fundatione, aut a Sede Apostolica dispositum, aut per præscriptionem obtentum, est communis canonistarum doctrina. Id tantum particulare est ejusmodi beneficiis curatis, quando sæcularia sunt, ut in dubio, debeant de jure præsumi perpetua : ex ea nempe ratione, quod soleat fundari cum ea conditione, ut beneficiatus nequeat eo privari, nisi per viam regularis judicii, et ex causis in jure statutis. Quæ conditio quando non exprimitur, de jure subintelligitur.

Et quod de facto exstiterint et hodie dum exstent ejusmodi manualia beneficia, licet curam animarum sibi adnexam habentia, perspectum habebit, qui vel obiter pervolverit *Thesaurum resolutionum Sacræ Congregationis Concilii*.

Unde revera perpetuitas parochis nequaquam necessario inhæret ratione beneficii : aliunde nec ratione officii : ergo nullo modo.

Hallucinantur proinde qui existimant parochorum munus perpetuitatem ex essentia sua secum trahere. Hallucinantur pariter qui parochos manuales seu ad nutum amovibiles, tanquam quid a jure communi dissonum, vel antiquæ disciplinæ contrarium reputant. Quod magis patebit ex sequenti capite.

CAPUT IV.

AN CURATORUM AMOVIBILITAS CONTRARIA SIT SACRIS CANONIBUS,
AUT BONO ECCLESIE.

Sedulo distinguenda est duplex curatorum revocabilitas :

altera nempe *ad nutum Ordinariorum*, altera *ad nutum parochorum principalium*, id est, capitulorum, monasteriorum, aliorumve hujusmodi, qui curam animarum adnexam habentes, vicarium ad illam exercendam deputant, et eum pro natu suo revocant et mutant. Qua prætermissa distinctione, non pauci moderui scriptores vehementer errarunt, de priori revocabilitate existimantes dictum, quod sacri canones sanxerunt dumtaxat de posteriori; id est de revocabilitate vicariorum curatorum per capitula, monasteria, etc., parochorum principalium personam gerentia. Hinc primo separatim agemus de hac vicariorum curatorum per parochos principales revocabilitate; et concedemus eam revera reperiri a sacris canonibus oppugnatam, et intra certos limites coarctatam. Tum alteram revocabilitatem, *ad nutum nempe Episcoporum*, expendentes, concludemus eam nec antiquæ disciplinæ, nec juri communi ante Tridentinam synodum vigenti, nec Tridentinis sanctionibus, nec etiam (seclusis abusibus) ecclesiæ bono, adversari.

§ I.

Revocabilitas ad nutum, quam aliquatenus avertantur canones, et certis coarctant limitibus, non est revocabilitas per Episcopum, sed revocabilitas vicariorum curatorum per parochos principales, verbi gratia, per capitula aut monasteria, quibus animarum cura adnexa est.

I. Erant olim quamplurimæ parochiæ monasteriis, capitulis, dignitatibusve, aut etiam mensæ episcopali adnexæ. In iis autem solebat exerceri animarum cura per vicarium: atque is vicarius non tantum cligebatur et deputabatur a paracho principali, id est, a monasterio, vel capitulo, sed et ab eodem pro arbitrio revocabatur et mutabatur. Parochiæ redditus (verbi gratia, decimæ, prædiorum fructus, etc.) retinebantur a capitulo, monasteriove, aut a mensa episcopali; et vicario ad curam deputato modicum salarium, tanquam mercenario, erogabatur. Id porro tanquam noxium concilia et Romanorum

Pontificum decreta gnauiter insectati sunt; duobusque remediis malo obsistere sategerunt; decernendo nempe: 1^o ut certa congrua portio vicario curato erogari deberet; 2^o ut idem vicarius curatus semel constitutus non posset revocari ad nutum parochi principalis, id est, capituli, monasteriive, sed perpetuus in officio suo esse deberet.

II. Rem ita sese habuisse paucis ostendamus. « Non monachi autem soli (ait Thomassinus), sed Episcopi parochiales habebant ecclesias, quarum proventus percipiebant, congrua portione parochis vel vicariis assignata (parte 1, lib. 2, c. 27, n. 4). Concilium Abrincatense anni 1172 eos gravi canterio inussit, qui conductitiis annuisque vicariis ecclesias commendarent (ibid., n. 5). Concilium Avenionense anni 1232 statuit, ut in ecclesiis, quas monachi adgubernabant, priores Episcopo ante sex menses vicarios offerrent perpetuos; alioqui ipsimet Episcopi perpetuos eligerent et instituerent, certaue proventuum parte dotarent: *In singulis ecclesiis per monachos solitis gubernari, infra sex menses priores eorum suis Diocesanis ad curam animarum perpetuos presbyteros repræsentent* (can. 29). Sed aliquanto luentius ex concilio Arelatensi anni 1260 declaratur, quæ illis in regionibus et parochorum esset conditio et vicariorum. Parochias plerasque omnes monachi regebant ipsi per semet, et administrationis suæ rationem Episcopo referebant. At eum postea cœpissent ipsi minus residere, temporarios substituerunt sibi vicarios, nonnunquam ne substituerunt quidem illos: statutum est in hoc concilio, ut vel regulares ipsi residerent, vel vicarios sufficerent sibi perpetuos, cum stipendiis idoneis; alioqui Episcopi ipsi perpetuos ibi instituerent vicarios: *Quia major pars ecclesiarum parochialium hujus provincie ad monachorum vel conventuum regularium pertinet prioratus, de quorum collegiis aliqui consueverant in ipsis ecclesiis continue residere, et de ipsis rationem reddere prælatis: nunc autem, etc... vicario perpetuo per prælatum instituto, etc...* (can. 1). Ex hoc canone elucescit: 1^o jam tum vicarios non alios

« probatos fuisse, quam perpetuos; et *mercenariorum* nota
 « inustos fuisse, qui ad tempus quasi conductitias operas lo-
 « cabant. Hoc enim illis elogium appingitur in concilio Arc-
 « latensi : *nullo sacerdote relicto alicubi mercenario*. 2° Si tem-
 « porarii nonnunquam et mercenarii admitterentur vicarii,
 « id gravis extorquebat necessitas; tumque magna adhibeba-
 « tur circumpectio, et ad tempus breve admittebantur, dum
 « perpetuus institueretur, ut liquet ex ejusdem canonis clau-
 « sula, *nec ultra mercenariis, nisi bonis et expertis, et hoc ad*
 « *tempus, et ex causa dominicarum ovium, regimina committan-*
 « *tur*. 3° Si quæ sint provinciæ, ubi non parochi vel curati,
 « sed vicarii vulgo regunt ecclesias, id eo factum, quod cæ
 « parochiæ quondam monachis concessæ fuissent, qui paro-
 « chorum primitivorum nomen et insignia retinentes, vicarios
 « ibi constituebant perpetuos. Idque in hoc eodem canone
 « perspicuum est. 4° Monachi ipsi per sese, vel canonici re-
 « gulares has administraverant aliquando parochias, et omnes
 « parochorum impleverant partes; nec canone isto potestas
 « ejusmodi eis abrogatur. 5° Liquet hinc etiam qui fuerint
 « *prioratus curati*: parochiæ enim istæ a prioribus monachis
 « administrabantur... 6° Vicariatus istos vere titulos dici po-
 « tuisse beneficiorum... 10° Non omnes vicarii perpetui pro-
 « fecti sunt ex monachis, quibus credebantur parochiæ; et ab
 « ipsis enim quidam instituebantur ab Episcopis, in parochiis
 « illis quæ eorum episcopali mensæ erant adscriptæ. Præter
 « canonem supra ea de re laudatum, accipe et aliud hoc do-
 « cumentum. Cum anno 1248 Cardinalis Legatus Odo ecclesiis
 « Cypri pulcherrima sanctionis disciplinæ capita commendaret
 « sanciretque, Episcopis præcepit, ut capellanos perpetuos in
 « omnibus instituerent urbis rursusque parochiis : *In aliis paro-*
 « *chiis, tam civitatum, quam dioceseon, idonei et perpetui instituan-*
 « *tur presbyteri*. Et paulo ante : *Præcipimus tam Archiepiscopo,*
 « *quam Episcopis, ut in suis ecclesiis magistros capellanos, qui*
 « *curam teneantur agere animarum, instituant, quos perpetuo volu-*
 « *mus in suis remanere officiis*. Non erant ergo nisi vicarii per-

« petui, sive in ecclesiis cathedralibus, sive in parochiis aliis.
 « 11° Nec ea sola erat nominis discrepantia; erat res ipsa longe
 « diversa : portione enim congrua contenti esse jubebantur
 « vicarii perpetui : at parochi decimas proventusque prorsus
 « omnes percipiebant...

« Concilium Salisburgense anni 1274 (can. 8, 9, 10) gravis-
 « sime objurgavit parochos, qui ecclesias regerent per vica-
 « rios ad nutum revocabiles. Residere ipsos sanxit, utque in
 « beneficiis quorum cura vicariis demandari soleret, vicarii
 « ipsi Episcopo offerrentur, qui eam ipsis perpetuam curam
 « delegaret, congruamque reddituum ecclesiæ portionem assi-
 « gnaret : *Episcopo præsententur, qui ipsos in hujusmodi vicariis*
 « *perpetuet, et sufficientem de ecclesiarum redditibus eis constituat*
 « *portionem.* » (Thomassinus, loco citato, n. 6 et seq.)

Ex allatis documentis patet, decreta hæc conciliaria, contra
revocabilitatem ad nutum contorta, omnia intelligenda esse de
 revocabilitate *vicariorum curatorum*, ad nutum *parochorum prin-*
cipalium seu primitivorum. Nam de hac ad nutum revocabi-
 litate, non de alia, *expresse* agunt. De revocabilitate autem pa-
 rochorum ad *nutum Episcopi* (de qua hodiernis temporibus
 movetur quæstio relative ad parochias absque beneficio per-
 petuo erectas), antiqua decreta silent.

III. Idem, quod in præfatis conciliis, advertere potest le-
 ctor et in decretalibus, corpore juris iucluis, necnon et in
 Tridentina synodo. Ubicumque nempe revocabilitas ad nu-
 tum configitur, sermo est, non de revocabilitate ad nutum
 Episcopi, sed de revocabilitate *ad nutum capitulorum, mona-*
steriorumve, aut similium, parochi principalis personam ge-
 reuntium. Textus ipsos promamus : Decernebat Alexander III
 anno 1175 : *Si persona alicujus Ecclesiæ vicario, quem in*
eadem Ecclesia instituit, de assensu et auctoritate diæcesani
Episcopi, certam assignaverit portionem; is qui, persona illa
defuncta, in personatum illius substituitur, non potest eundem ab
ecclesia remove, vel assignatam sibi minuere portionem : nisi ali-
quid committat, propter quod per judicem in vicaria sit vel bene-

ficio condemnandus. (Caput Ad hæc 3, tituli 28, libri 1 decret.)

Bonifacius VIII anno 1298 : *Presbyteri, qui ad curam populi per monachos in eorum ecclesiis præsentantur Episcopis, et instituuntur ab ipsis, cum debeant esse perpetui, consuetudine vel statuto quovis contrario non obstante, ab eisdem nequeunt ecclesiis (nisi per Episcopos, et ex causa rationabili) amoveri. (Caput 1, de Cappellis monach., in 6.)*

Advertat lector hoc Bonifacii VIII ratiocinium : *Cum debeant esse perpetui, nequeunt amoveri nisi per Episcopos.* Isti nempe vicarii, nisi fuissent perpetui, ex jure communi (olim sicut nunc etiam vigenti) fuissent revocabiles *per parochos principales.* Ex quo planissimum est, decretam fuisse horum vicariorum perpetuitatem, non ad tollendam revocabilitatem *ad nutum Episcopi*; bene vero ad tollendam revocabilitatem *ad nutum principalium ejusmodi parochorum* (1).

IV. Idem prorsus suadent Tridentina decreta. Sessione 7, capite 7, statutum fuit hoc modo : *Beneficia ecclesiastica curata, quæ cathedralibus, collegiatis, seu aliis ecclesiis, vel monasteriis, beneficiis, seu collegiis, aut piis locis quibuscumque, perpetuo unita et annexa reperiuntur, ab Ordinariis locorum annis singulis visitentur; qui sollicitè providere procurent, ut per idoneos vicarios, etiam perpetuos (nisi ipsis Ordinariis pro bono ecclesiarum regimine aliter expedire videbitur) ibidem deputandos, animarum cura laudabiliter exerceatur.* Ibi duo sancita : 1^o ut animarum cura in dictis locis jam non exerceatur per ipsamet capituli seu collegii membra omnia, sed per certum et deter-

(1) In eundem scopum videtur collinasse Innocentius III, cum anno 1216 decerneret in hunc modum : « Qui vero parochialem habet ecclesiam, non per vicarium, sed per seipsum illi deserviat in ordine quem ipsius ecclesie cura requirit; nisi forte dignitati, vel præbendæ parochialis ecclesie sit annexa : in quo casu concedimus ut, qui talem habet præbendam vel dignitatem, cum oporteat eum in majori ecclesia deservire, in ipsa parochiali ecclesia idoneum *et perpetuum* habeat vicarium, canonice institutum, qui congruentem habent de ipsius ecclesie preventibus portionem. » (Cap. *Extirpendæ* 30, de *Præbendis*, § *Qui vero*.)

minatum vicarium; 2° ut iste vicarius *possit* ab Episcopo *decerni perpetuus*. Jam vero hac posteriori dispositione quo intenderint Tridentini patres, facile patet: iste nempe vicarius, nisi perpetuitate donari potuisset per decretum Episcopi, remansisset de jure communi revocabilis *ad nutum capituli seu monasterii*. Dum ergo synodus vult ab Episcopo *perpetuas* reddi posse ejusmodi vicarias, non eo tendit ut restringatur revocabilitas *ad nutum Episcopi*, sed ut coarctetur revocabilitas *ad nutum capituli, monasterii, aliorumve præfatorum parochorum principalium*.

Eadem sese prodit synodi tendentia sessione 21, capite 6: ibi nempe facultas fit Episcopis *coadjutores aut vicarios pro tempore deputandi* et imponendi parochis illitteratis et imbecillis. Synodus nempe, in hoc imperitorum parochorum casu, derogatum voluit juri communi, vi ejus ad parochos pertinet suos vicarios eligere, et eosdem (sed tantum ex causa ab Episcopo approbanda, ut infra dicetur) remove. Impositus autem imperito parochi, juxta Tridentinam sanctionem, vicarius, licet ad tempus, relative ad huncce parochum evadit perpetuus, cum jam nequeat ab eo removeri. Unde et ibi restringitur a synodo *revocabilitas ad nutum parochorum*.

Item quando synodus, sessionis 24 capite 13, mandat Episcopis ut, *in iis civitatibus ac locis, ubi parochiales ecclesiæ certos non habent fines, nec earum rectores proprium populum quem regant, sed promiscue petentibus sacramenta administrant; distincto populo in certas propriasque parochias, unicuique suum PERPETUUM peculiaremque parochum assignent; aut alio utiliori modo, prout loci qualitas exegerit, provideant*; putarem ego ideo præcipue positam fuisse vocem *perpetuum*, ut excluderentur ii vicarii curati, *ad nutum principalium parochorum revocabiles*.

Hinc concludendum videtur *revocabilitatem ad nutum*, quam aversantur canones, intelligendam eam esse, qua, de jure communi, vicarii ad curam deputati revocabiles erant *ad nutum parochorum principalium* seu primitivorum, qui curam per

se ipsos non exercebant, et redditus parochiales absumebant, relicto vicariis ad exercitium curæ deputatis salario modico.

Quod autem asserimus, vicarios curatos, perpetuitate destitutos, fuisse olim, et etiamnum esse de jure communi *ad nutum parochorum principalium* seu primitivorum revocabiles, extra controversiam est apud canonistas. « Vicarius tempo-
« ralis (ait Ferraris, voce *Vicarius parochialis*, n. 49), nomi-
« natus a superioribus regularibus, et a rectoribus principa-
« libus, potest *ab ipsis ad libitum* removeri (*non autem ab*
« *Episcopo*, nisi ex causa legitima et approbata, propter quam,
« etiamsi perpetuus esset, privari posset). Sacra Congregatio
« Concilii apud Barbosam, in *Summa Apost. decisionum*, verbo
« *Vicarius perpetuus parochialis*, n. 2. Et sic etiam Rota..., lo-
« quens in specie de vicario amovibili deputato a capi-
« tulo (1). »

Hinc si agatur de revocabilitate ejusmodi vicariorum-curatorum *per parochos principales*, libenter concedimus ei aliquatenus adversari sacros canones. Eam tamen penitus sublatam noluit Tridentina synodus; sed potestatem dumtaxat fecit Episcopis, ut *possent* perpetuos constituere ejusmodi vicarios-curatos, *nisi aliter expedire videretur*; unde cum a Sacra Congregatione Concilii quæsitum esset, an *perpetui* vicarii constituendi essent ubicumque cura animarum adnexa reperitur alicui capitulo, collegiove, etc., responsum est, rem non posse generaliter decerni, sed pendere a locorum circumstantiis. Quam decisionem referre solent canonistæ, et pro regula in hac materia tenent. (Vide Pignatelli, tom. 9, consult. 143, n. 14.)

(1) Gonzalez Tellez varia enumerans discrimina perpetuos inter et temporales vicarios sic habet : « Vicarii perpetui tantum institui et destitui ab Episcopo possunt, »
« nec sine ejus auctoritate, curæ animarum preponi, aut ab ea dejecti valent. Tem-
« porales vero tantum voluntate et ex nutu constituentis eliguntur et pendunt. »
(In cap. 2, tit. 28, libri 1 decretalium, n. 7.)

§ II.

Curam animarum per amovibiles ad nutum Episcopi presbyteros exerceri, neque disciplinæ primitivæ, neque juri communi ante Tridentinam synodum vigenti, neque Tridentinis sanctionibus, neque (per se saltem et seclusis abusibus) bono Ecclesiæ contrarium probari potest.

I. *Non adversatur antiquæ disciplinæ.* — Nam, ut supra probatum est, primis Ecclesiæ temporibus animarum cura penes solum Episcopum quoad totam diœcesim residebat. In ea autem exercenda Episcopo non auxiliabantur presbyteri, nisi ab ipso jussi, et ad singula, prout opus habebat, delegati: ita ut nulli tunc exstiterint parochi. Porro a disciplina hujusmodi multo magis recedit parochorum perpetuorum institutio, quam parochorum ad nutum Episcopi revocabilium, ut patet.

II. *Neque juri communi ante Tridentinam synodum vigenti adversari probantur curati ad nutum Episcopi revocabiles.* — Id patebit recensendo textus quos opponere solent contrariæ opinionis patroni.

Obijciunt 1°. Caput unicum *de Cappellis monachorum*, in 6, in quo sic decernitur: *Presbyteri, qui ad curam populi per monachos in eorum ecclesiis præsentantur Episcopis, et instituuntur ab ipsis, cum debeant esse perpetui, ab eisdem nequeunt ecclesiis (nisi per Episcopos, et ex causa rationabili) amoveri.* Ea verba cum debeant esse perpetui supponunt, cuilibet ad curam animarum deputato de jure competere perpetuitatem; et quidem etiam relative ad Episcopum, ut patet ex verbis *nisi per Episcopos et ex rationabili causa.*

Respondet Pignatelli (tom. 9, consult. 143, n. 22), ibi agi de beneficiis, quæ conferebantur eum institutione Episcopi, ut patet ex verbis *et instituuntur ab ipsis*; ac proinde de beneficiis curatis, quæ conferebantur *in titulum*, seu (quod idem tunc in jure sonabat) de beneficiis perpetuis: unde mirum non est dici, *cum debeant esse perpetui.* Atvero probandum esset non exstitisse aut existere potuisse alia beneficia, quæ non darentur

in titulum, seu pro quibus necessaria non foret Episcopi iustitutio, id est beneficia *manualia* et ad nutum revocabilia. Porro illa decretalis hoc non probat. En citati auctoris verba : « Textus allegatus loquitur in diversis terminis, nempe de « presbyteris qui per monachos præsentantur Episcopo, et ab « eodem iustituuntur... Hi enim iu quibus cadit institutio re- « moveri non possunt.. Beneficia enim quæ dantur in titulum « et in quibus cadit institutio perpetua sunt (canone *Sancto- rum*, distinct. 70). Secus autem est in iis qui deputantur ad « beneplacitum, et in quibus nulla cadit institutio, neque cu- « ram habent in titulum, sed nudum curæ exercitium... Hos « enim, licet animarum curam exercentes, removeri posse ad- « mittunt etiam supra citati doctores. »

Consonat glossa in clementinam *Frequens* (cap. 1, tit. 6, libri 5), voce *Ad mensam* : Ad id quod dixerat, *in ecclesia quæ spectat ad mensam*, poni et deponi pro libito vicarium temporalem, sibi objicit glossator caput *Extirpandæ* (*de Præbendis*), et nonnulla alia juris capita, *per quæ patet* (inquit), *quod in ecclesia annexa quoad temporalia instituitur rector, vel perpetuus vicarius*. Cui difficultati sic respondet : « Sed dico quod, aut ecclesia « spectans ad mensam Prælati, vel collegii, vel dignitatem « habentis, vel præbendarii, recipit superioris institutionem « quoad regimen ecclesiæ, vel saltem populi; et tunc locum « habet quod dicitur de vicario perpetuo : aut pleno jure « spectat ad illum etiam quoad spiritualia, et tunc habet lo- « cum quod dicitur de vicario temporali, etiamsi sit curata. » Hanc glossam communiter a doctoribus et Rota receptam fuisse, adnotat Pignatelli, citato loco.

Objiciunt 2º hæc verba canonis *Sanctorum* (distinctionis 70) : *In qua ecclesia quis est intitulatus, in ea perpetuo perseveret.*

Præsto est responsio ex ipso canone : nam ita pergit : *Licet enim Episcopi dispositione unus diversis præesse possit ecclesiis, canonicus tamen præbendarius nisi unius ecclesiæ, in qua conscriptus est, esse non debet.* Unde prohibet quidem canou, ne quis ordinetur sine titulo, id est, sine beneficio perpetuo ipsi in

aliqua ecclesia assignato; et insuper ne plures hujusmodi titulos seu beneficia perpetua habeat; sed bene permittit ipsum ex dispositione Episcopi præesse diversis ecclesiis; ac proinde poterit revocabiliter ad curam animarum deputari.

3º Objiunt canonem *Satis perversum* (distinctionis 56) in quo dicitur : *Non debet quis sine culpa beneficio privari.*

Respondetur, ibi agi de beneficiis *perpetuis*, quem sensum habere solet vox *Beneficium* quando adhibetur sine addito. At vero quaestio est, num possint etiam existere beneficia *manualia* ad nutum revocabilia, et simul curata : num scilicet talia beneficia repugnent juri communi antiquo. Id certe non probat objectus canon.

Alia omittimus quæ ex decretalibus adduci solent, utpote quibus obvia est responsio.

III. *Neque Tridentinis sanctionibus contrarium est, exerceri curam animarum per presbyteros ad nutum Episcopi revocabiles.* — Vidimus supra, non fuisse a Tridentina synodo penitus sublatam vicariorum-curatorum revocabilitatem *ad nutum capitulorum*, quæ curam habent in habitu. *Possunt* quidem Episcopi hos vicarios curatos mutare in perpetuos, sed ad id non coguntur : imo nec id præstare debent in iis locis, ubi opportunior foret vicariorum-curatorum, ad nutum capituli revocabilius, consuetudo : ita ut detur capitulo appellatio (cum effectu tamen devolutivo tantum, non suspensivo) contra Episcopum, perpetuitatem vicarii-curati cathedralis introducere volentem; prout constat ex pluribus Sacræ Congregationis Concilii decisionibus, alibi adducendis. Cum ergo curatorum revocabilitatem ad nutum capitulorum et similium, aliquatenus conservatam voluerit Tridentina synodus, quomodo existimari potuit ab eadem synodo proscripta dictorum curatorum ad nutum Episcopi revocabilitas? Sed ad textus ipsos accedamus.

Solet objeci caput 13 sessionis 24, ubi jubentur Episcopi unicuique parochiæ *suum perpetuum* parochum assignare. Quam difficultatem cum ex professo diluerit Pignatelli (tom. 9. consult. 143, a n. 13), ipsius verba mutuabimus.

« Duo, inquit, considerata sunt : primum, quod concilii
 « Tridentini decretum (in dicto capite 13, sess. 24) loquitur
 « de iis locis, ubi ecclesiæ certos non habent fines, et cura
 « confuse ac promiscue administratur, ut advertit ibidem
 « Bellarminus... et Barbosa...: secundum, quod concilium non
 « præcise aretat Episcopos ad institutionem perpetui parochi,
 « adeo quidem ut non possint *alio utiliori modo* providere.
 « Loquitur enim alternative in hæc verba, *aut alio utiliori*
 « *modo* provideant : per quam alternativam *aut* dat electionem
 « Episcopis. Et notandum quod concilium admittit dari posse
 « utiliorem modum providendi.

« Quin imo idem sanctum concilium (c. 7, sess. 7, *de Ref.*)
 « injungens Episcopis, ut in visitatione ecclesiarum unitarum
 « provideant, ut cura animarum laudabiliter exerceatur,
 « utitur his verbis, *per idoneos vicarios, etiam perpetuos* : et sic
 « ponderando dietionem *etiam*, quæ exprimit casum magis
 « dubitabilem, et implicat minus dubitabilem, admittit in
 « specie modum deputandi vicarios amovibiles esse utiliorem.
 « Quod confirmat, dum statim addit : nisi ipsis Ordinariis pro
 « bono ecclesiarum regimine aliter expedire videbitur. Dietio
 « etiam *nisi* ponitur exceptive a proxima dispositione. Unde,
 « cum in Sacra Congregatione Concilii quæreretur, an vicarii
 « perpetui constituendi essent in cathedralibus, collegiatisve
 « ecclesiis curam animarum habentibus, quam curam tempo-
 « rarii mercenarii que capellani consueverunt administrare,
 « respondit Congregatio, nihil generali lege sancendum esse,
 « sed singulis quibusque casibus, ubi se offerunt, prout magis
 « expedire videbitur prospiciendum. Traditque Navarrus
 « (consilio 9, *de Præbendis*, n. 7) quod arbitrio Ordinariorum
 « videtur relictum, an oporteat ponere vicarios perpetuos,
 « non obstante privilegio ponendi temporales; quia id sonant
 « illa verba, *per vicarios perpetuos, si pro bono regimine id vi-*
 « *debitur*. Item, quod si præfati Ordinarii male siue justa
 « causa id arbitrarentur, potest appellari ab eis, ex eo quia
 « verbum *videbitur*, arbitrium boni viri regulatum denotat,

« juxta doctrinam Bartoli, ab omnibus receptam : tñm quia
 « potest appellari a judice, cujus arbitrio aliquid relinquitur,
 « si male arbitraretur... Sed talis appellatio non suspendet
 « executionem, sed erit devolutiva, et a superiore potest ta-
 « lis sententia revocari.

« Hoc idem videtur admittere idem sanctum concilium in
 « capite 2 sessionis 25, *de Regularibus*. Quamvis enim ibi di-
 « catur quod in monasteriis, quibus cura animarum imminet,
 « non deputentur aliqui, etiam ad nutum amovibiles, nisi de
 « Episcopi consensu, ac prævio examine, per eum aut ejus
 « vicarium faciendo, non tamen negat deputari posse amovi-
 « biles cum Episcopi consensu.

« Hinc Sacra Congregatio Concilii sæpius censuit, esse in
 « arbitrio Ordinarii, vicarium perpetuum vel amovibilem in
 « ecclesia curata unita constituere.

« Neque dicas hoc procedere in parochialibus unitis, vel
 « regularibus, in quibus exercentes curam animarum, ideo
 « sunt amovibiles ad nutum, quia cura iis vere non incumbit,
 « sed residet apud cathedrales, collegiatas, sive alias ecclesias
 « vel monasteria, beneficia, collegia, aut loca pia. Nam præ-
 « terquam quod textus dicti capitis 13 sessionis 24, non lo-
 « quitur de ecclesiis unitis, responderi etiam potest, quod,
 « eodem modo (in casu quo vere cura non incumbat curatis
 « particularibus eam exercentibus, sed resideat apud Ordina-
 « rios, et sic militet in eis eadem ratio), locum habere poterit
 « eadem juris dispositio.

« Præterea ex ejusdem concilii dispositione (cap. 4,
 « sess. 21) sicuti in illis ecclesiis ubi populus ita numerosus
 « est, ut unus rector non sufficiat, potest Episcopus cogere
 « eundem ut sibi alios sacerdotes adjuvat ad sacramenta
 « ministranda, cur non idem liceat Episcopo, quando ipse
 « solus parochus est universalis in sua diœcesi, deputando
 « sacerdotes per quos cura exerceatur?

« Videturque tolli omnis difficultas, quia modum hunc
 « curæ incumbentis Episcopo per presbyteros administran-

« dæ, censetur concilium expresse admittere (capite 18, sessionis 24) ibi : *Etiam si cura ecclesiæ, vel Episcopo incumbere dicatur, et per unum vel plures administretur. Ac infra : In quibus Episcopus uni vel pluribus consuevit curam animarum dare.* »

Adducit postea Pignatellus diœcesis Hispalensis et Calaguritanæ exemplum, in quibus animarum cura non nisi per amovibiles presbyteros exercebatur, reputato Ordinario tanquam unico in tota diœcesi parochus. Et tandem sic concludit : « Constat igitur ex adductis nullo modo repugnare, attentata Tridentini dispositione, quominus animarum cura per curatos aut vicarios amovibiles exerceatur. »

Objicies. — Evincunt quidem hæc Pignatelli ratiocinia Tridentinis sanctionibus non repugnare *curatos vicarios* ad nutum revocabiles : non autem præcise probant, non repugnare amovibilitatem *parochorum* proprie dictorum, idest, qui curam exerceant, non tanquam vicarii, sed proprio nomine. — Respondeo 1^o : cum supra probatum sit parochorum etiam proprie dictorum amovibilitatem nequaquam parochiatus essentiæ repugnare, si de facto eam amovibilitatem Tridentina synodus prohibuerit, id asserentibus incumbit onus promendi decreta, in quibus hæc prohibitio contineatur. Interca merito negabitur. Porro nullum ejusmodi textum afferre potuerunt, qui parochorum amovibilitatem Tridentinæ synodo adversam contendunt. Adducunt dumtaxat supra discussos a Pignatello textus : quam autem inaniter, jam palam factum est.

Respondeo 2^o : positive probatum est, ex Tridentinis textibus amovibilem ad nutum constitui posse vicarium curatum cathedralis ecclesiæ, in qua *habitualement* dumtaxat curam retineat capitulum. Porro talis curatus, nomine tantum vicarius est ; in re autem est verus parochus. Curam enim exercet independentem a capitulo ; siquidem nequit capitulum in ea sese immiscere : ut adeo eam exerceat proprio nomine, consequenterque verus sit parochus. Ex quo merito concluditur approbati a Tridentina synodo, quoad veros etiam parochos, amovibilitatem.

Respondeo 3°: parvi ad rem facere, curatos ad nutum amovibiles vicariorum nomine rectius quam parochorum designari: esto, ut vultis, vicarios debeamus ejusmodi curatos vocitare: probatum remanet posse in tota diœcesi nullum erigi perpetuum beneficium curatum: posse omnibus parochiis ab Episcopo præfici presbyteros ad nutum revocabiles, qui curam exerceant: atque id Tridentinis decretis perfecte quadrare. Si hoc concedatis, prout concedere debetis, satis est: vobis permittimus, si ita placet, ut eos omnes curatos *vicarios Episcopi* vocitetis, et nequaquam parochos. Quamquam et hoc immerito: nam minime repugnat ab Episcopo eis committi curam *proprio nomine* exercendam; quo casu erunt veri parochi, etsi ad beneplacitum revocabiles: quæ duo nunquam probabitur sese mutuo excludere.

IV. *Neque bono Ecclesiæ per se adversatur exercitium curæ animarum, per presbyteros ad nutum Episcopi revocabiles.* — Dicimus *per se*; id est, considerando hanc curatorum amovibilium institutionem quoad effectus ex ipsa *necessario* sequentes, et bonum generale Ecclesiæ respicientes. Si nempe ex aliqua institutione *necessario* non sequantur pravi effectus, etsi per accidens et ex abusu sequi possint, dicimus eam bono Ecclesiæ *per se* non adversari. Imo si de se apta sit ad bonos producendos effectus, *per se* bona etiam dici debet.

Porro talem esse curatorum amovibilium institutionem facile probari potest. Nam 1° quod de se apta sit ad bonos aliquos effectus producendos, negari nequit. Prodesse eam *ut curati sint promptiores ad obediendum, et curam melius exerceant, dum sciunt se facile amovendos*, sapienter advertit Pignatelli cum aliis ab ipso citatis doctoribus (tomo 9, consult. 143, n. 31). Item posse interdum perutilem esse nonnullorum curatorum ad alias parœcias aliave munera migrationem, atque ejusmodi mutationes ex eorum amovibilitate multo facilius expediri, inficias ibit nullus. 2° Effectus autem mali qui pariter oriri inde possunt, non *necessario* ex ipsa curatorum amovibilium conditione sequuntur. Nam quod quis Episcopus, ex

aliquo abreptus non secundum scientiam zelo, incautave mutationum prurigine, perturbationem molestiamve gravissimam clero suo inferat, ex quo et non parva suboriantur incommoda et detrimenta, id non *necessario* consequitur, sed *per accidens*; siquidem bene posset aliter contingere. Atque idem dic de cæteris nocivis effectibus, quibus aperiri januam per amovibilitatis institutionem, fuso et quandoque etiam minus temperato calamo nonnulli hodierni scriptores conquesti sunt. Hæc nempe facilem abusum plus minusve probant; malam intrinsece rem, aut Ecclesiæ bono *per se* adversam non arguunt.

Et pari modo parochorum perpetuitatem *per se* bono Ecclesiæ nequaquam adversari dicendum est, atque ex iisdem prorsus rationibus. Nam quod nonnullæ ex ea oriantur utilitates, verbi gratia, quod difficiliores reddantur injustæ parochorum exauctorationes, quod efficacius innocentiae inferiorum consulatur contra possibiles (quantumvis non de facili præsumendas) ex parte Prælatorum injurias quaslibet, quod fidentius extirpanda vitia, promovendumque aimarum bonum perpetuus in officio suo parochus aggrediatur, aliaque id genus sponte enascantur commoda, satis *per se* perspicuum est. Atvero et hic abusus præ foribus est; cum et accidere possit ut hac ipsa perpetuitate fretus parochus, negligenter munere sno fungatur, in corrigentem Episcopum facilius insolescat, aliisque modis in transversum agatur. Quæ tamen omnia, cum *per accidens*, non vero *necessario* ex perpetuitate fluant, non ideo *per se* adversa Ecclesiæ bono inamovibilium parochorum institutio dicenda erit.

Nec potest catholicus quisque, ut videtur, quin huic nostræ thesi assentiat, alioquin ab ipso Ecclesiæ judicio dissensurus. Nam certum est, approbatam, et generali sua disciplina admissam ab Ecclesia fuisse, curatorum, non tantum perpetuorum, sed et amovibilium institutionem, prout ex Tridentinis textibus supra manifestum fecimus. Ecclesia autem generali sua disciplina non admittit, nec unquam admittere potest quod est intrinsece malum, aut bono suo *per se* et necessario contra-

rium. Ergo exerceri auimarum curam per amovibiles presbyteros, non esse quid per se bono Ecclesiæ contrarium, catholicus quisque fateri debet.

Id dumtaxat in quæstionem vocare licet: num, attentis hodiernis, hujusve aut illius regionis circumstantiis, utilius jam foret perpetuitate donari quoslibet amovibiles curatos, aut aliquam eorum partem. A quo hic expendendo prorsus existimo mihi abstinendum. Ex ipsa autem rei uatura satis monentur Prælati, ut ea curatos ad nutum amovendi facultate discrete utantur; ne Apostolica Sedes, clamantibus damnis et excessibus, ad restringendam penitusve tollendam amovibilitatem merito inducatur: item ut parochi perpetui, in prærogativæ suæ usu non excedant, ne eadem Apostolica auctoritas eos a perpetuitate dejectos decernat: nam et in manualia mutari posse a Romano Pontifice perpetua beneficia, dubium non est. Et certe hac pœna, meo quidem iudicio, non immerito plecterentur parochi, quæ in aliqua regione solitum foret, pronuntiata in ipsos a curia episcopali depositionis sententia, ad laicalem potestatem appellare. Cujus hæreticalis recursus cum eos non pudeat, atque adeo sint sacratissimorum Ecclesiæ jurium immemores, sese profecto indignos probant, qui perpetuitatis prærogativa fruuntur. Quid enim expedit prærogativis id genus hominum, eam diœceseon pestem, hoc Ecclesiæ dedecus, animarumque scandalum adornari? Atque utinam larvas et non historica facta commemorarem! præterita tamen, et ut sperare fas est nunquam reditura. Non ergo mirum manuales interea quamplurimas parochias ab Apostolica Sede ibi relinqui, ubi vel minimum remanet pestiferi hujusce abusus vestigium vel periculum. Nec adeo sollicitos esse Episcopos, ut eædem in perpetuum titulum erigantur. Cessante autem periculo, ac penitus ejecto e clericali corpore dictæ vesaniæ veneno, utiliter eam induci posse mutationem non negamus, sed aliorum iudicio relinquimus.

Nota. — Giralaldi (in suis additionibus ad tractatum Barbosæ de Officio parochi, pagina 341, n. 11, edit. Romæ 1831) post-

quam nonnulla retulit, quibus innuitur perpetuos esse debere. quicumque animarum curam exerceant, sic addit : « Tamen
 « concilium Tridentinum (sess. 23, c. 7; et sess. 25, c. 11, *de*
 « *Regul.*) admittit parochos amovibiles. Ita nihilominus ut
 « valeat Ordinarius semper et quandocumque parochias illo-
 « rum vertere in perpetuas, erigendo easdem in vicarias per-
 « petuas; nisi pro bono ipsarum regimine iudicet expedire ut
 « permaneant amovibiles... Prohibebit Episcopus ne ullibi
 « deputetur parochus amovibilis absque sua auctoritate et
 « approbatione, non modo quoad scientiam, verum etiam
 « quoad mores, prudentiam ac idoneitatem ad parochiale
 « munus laudabiliter exercendum. Pro ipso vero parochus
 « amovibili examinando, non tenetur Ordinarius uti exami-
 « natoribus synodalibus, sed uti potest quibus ipse maluerit,
 « nec pariter fieri debet concursus. (Sacra Congregatio Con-
 « cillii, 12 januarii 1619.)

« Parochi amovibiles gaudent prerogativis perpetuorum.
 « (Sacra Congregatio Concillii, in Comensi, 27 martii 1706.)

« Amovibilis parochus tenetur ad residentiam non secus
 « ac perpetuus (Sacra Congregatio Concillii, in Helborensi,
 « 14 martii 1615); cogique potest ad sacras functiones obeun-
 « das...; demum ad ea omnia munia parochialia obeunda,
 « ad quæ parochi perpetui tenentur : nulla etenim, quoad
 « curam animarum exercendam, datur differentia inter pa-
 « rochos amovibiles et perpetuos.

« Etsi parochi amovibiles valeant toties quoties opus est
 « amoveri, attendere tamen oportet, ut de facto non amo-
 « veantur absque legitima causa (Sacra Congregatio Concillii
 « 11 julii 1628; Sacra Congregatio Episc. in Sulmonensi,
 « 24 maii 1645, et 16 maii 1653, ac alibi pluries). Regulares
 « nihilominus parochi ad nutum suorum superiorum, et Ordi-
 « narii quoque, amoveri possunt etiam sine causa. Quam-
 « obrem edicere potest Episcopus, quod parochi amovibiles,
 « qui a laicis, vel collegio, sive societate laicali nominantur,
 « absque illius licentia et auctoritate non valeant amoveri.

« (Rota, decis. 53, n. 90, coram Pentinger; Cardinalis de
« Luca, de Beneficiis, discursu 80, n. 20.)

« Omnes vero amovibiles curati amoveri possunt arbitrio
« Episcopi diœcesani (capite 1, de Cappell. monach.) : sed non
« debent amoveri nisi ex causa rationabili et justa... Nam et
« in hoc habenda est ratio justitiæ, ac amovendorum honori
« consulendum est. Verumtamen Episcopus nec illis, neque
« ipsorum nominatoribus allegare tenetur causas remotionis.
« (Sacra Congregatio Concilii, in Camerinensi, 18 septembris
« 1627.) »

Ex quibus laudati auctoris verbis abunde patet, omnino
tanquam certum et extra controversiam positum recipi,
dari posse de jure communi parochos amovibiles, qui nempe
ad nutum revocari queant.

CAPUT V.

AN ET QUALITER PAROCHIS COMPETAT ORDINARIA JURISDICTIO.

Premotandum. — 1° Distingui solet jurisdictio in *ordinariam*
et *delegatam*. Ordinaria dicitur, quæ alicui titulo sive officio
vi juris communis alligatur; ita ut is, cui titulus ille confertur
vel officium committitur, hoc ipso jurisdictionem hanc possi-
deat. Delegata vero illa est, quæ ex mera voluntate supe-
rioris recipitur, non autem ex titulo officii, et vi legis seu juris
communis. Quam notionem sic exponit Cardinalis de la Lu-
zerne (*Droits et Devoirs des Evêques et des prêtres*, pagina 145,
edit. Migne) : « La qualité d'*ordinaire* employée dans le droit,
« est la contradictoire de *déléguée*... On entend par pouvoir
« ordinaire celui qui, par le droit commu et non pas seule-
« ment par la volonté transitoire du supérieur, est propre à
« un titre; qui se confère avec le titre; qui ne se perd qu'a-
« vec le titre; qui comprend l'universalité des fonctions atta-
« chées au titre. Le pouvoir délégué est celui qui n'est point

« affecté par le droit à un titre, mais qui est confié par le
 « supérieur à une certaine personne ; celui dont l'étendue et
 « la durée dépendent de la volonté de celui qui le confère. »

2° Iterum distinguitur *jurisdictio fori externi* seu proprie dicta, et *fori interni* seu *pœnitentialis* : quarum denominationum sensus satis ex antea dictis patet.

De parochis ergo expendendum venit utrum externi fori jurisdictionem habeant, an vero dumtaxat interni, et an ordinariam vel delegatam.

PROPOSITIO I^a. — *Parochis competit interni dumtaxat fori jurisdictionis*. — 1° Ipsi non competere fori externi jurisdictionem, supra fuse probavimus. 2° Quod autem fori interni jurisdictione polleant, probatur *primo* ex ipsa parochiatus essentia, seu ex natura parochialis officii : nam supra probavimus ad essentiam parochiatus pertinere, ut sit *officium ministrandi sacramenta*; ergo parochiatus est, et quidem præcipue, officium ministrandi pœnitentiæ sacramentum. Sed repugnat teneri ex officio parochum ad hujusmodi ministrandum sacramentum, nisi fori pœnitentialis jurisdictionem habeat; ergo hoc ipso quod quis constituitur parochus, necessario et inseparabiliter ei confertur (modo tamen capax sit) dicta jurisdictionis. Dicimus, modo *hujusce jurisdictionis sit capax*. Nam si constituatur parochus nondum sacerdos, non poterit quidem valide in foro pœnitentiali absolvere; sed id continget tantum propter abicem. Cæteroquin nisi obstaret inhabilitas, vi solius officii jurisdictionem haberet. Et revera eo ipso momento quo talis parochus ordinatus est presbyter, parochianos suos absolvere potest, quin ulla nova facultas ipsi conferatur. Probatur *secundo* ex communi doctorum sententia, dissentiente nullo; et ex Ecclesiæ universali praxi, id tanquam certum supponente. In quo evolvendo (cum extra controversiam sit) diutius immorari supervacaneum foret.

PROPOSITIO II^a. — *Prædicta parochorum jurisdictionis est ordinaria*. — Nam ordinaria est illa jurisdictionis, quæ titulo seu officio inhæret, et vi juris communis simul cum titulo confer-

tur : atqui talis est, ex modo dictis, parochorum jurisdictio. Quod etiam ex unanimi doctorum consensu confirmatur.

Obicies. — Jus habet parochus, non tantum pœnitentiam et alia sacramenta ministrandi, sed et invigilandi, paterne commonendi, et multa quæ parochiam respiciunt regendi et administrandi; ergo ipsius jurisdictio non est dumtaxat jurisdictio fori pœnitentialis. — Respondeo : ea quæ enumerantur parochi jura, et quæ revera ipsi tanquam officii consecraria competunt, nullam constituunt jurisdictionem. Paterne enim commonere, actus jurisdictionis non est, sed charitatis : cætera autem memorata jura, de quibusdam nempe temporalibus parochiæ rebus statuendi, sacrorum officiorum ordinem decernendi, et alia hujusmodi, nullam fori externi jurisdictionem, sed quamdam dumtaxat administrationem arguunt.

CAPUT VI.

DE VICARIIS CAPPELLANISVE CURATIS, ET QUINAM EX IPSIS SINT VERI PAROCHI.

Prænotanda. — 1º Vicarius curatus dicitur ille, qui ad curam animarum alienbi, parochi principalis loco, exercendam legitime deputatus fuit. Unde ut quis verus esse possit alicujus parochiæ *vicarius curatus*, omnino requiritur aliquem exstare ejusdem parochiæ principalem rectorem seu parochum; id est, aliquem cui competat, vel actualis simul et habitualis, vel saltem *habitualis* hujus parochiæ cura. Alioquin enim vicarius curatus, qui non loco alterius curam exerceret, *vicarius* nequaquam esset. Parochus autem qui vicarium ejusmodi habet, ut ab eo distinguatur, vocari solet *principalis*; vel etiam *primitivus*, quando *habitualement* dumtaxat curam retinet: quod *primitivi* vocabulum tunc indicat, olim penes hunc parochum *actualement* etiam curam exstitisse.

2º In parochiis unitis seu annexis alicui capitulo cathedrali,

vel alicui collegiatæ, vel alicui monasterio, vel alicui dignitati, vel alicui præbendæ, vel alicui pio loco, decrevit Tridentina synodus ut constitueretur vicarius ad curam exercendam.

3° Vicarii curati alii sunt perpetui, alii temporales seu amovibiles.

4° Cappellanorum curatorum nomine vocari solent in quibusdam regionibus vicarii curati; et quandoque etiam ipsimet parochi, qui proprio nomine, et non alterius loco, exercendam habent curam. Itemque nonnunquam curionum, curatorum, rectorumve vocabula ad designandos parochos usurpantur. Unde quoad denominationum ejusmodi sensum, attendenda est regionum consuetudo.

Quibus prænotatis sit,

PROPOSITIO I^a. — *Vicarius perpetuus, quando parochus principalis habitualement dumtaxat curam habet, est verus et proprie dictus parochus.* — Nam in hoc casu nequit parochus principalis sese in exercitio curæ immiscere, cum ei dumtaxat habitualis cura, non autem actualis competere supponatur. Ergo actualis cura penes vicarium tota residet, independentem a principali parochus. Habere autem curam *independentem* exercendam, idem est ac illam habere *proprio* exercendam nomine. Ergo in hoc casu vicario perpetuo non deest præcipuum illud ad parochiatum essentiam requisitum, jus nempe curam exercendi proprio nomine. Sed neque caret aliis requisitis, ut scilicet eam exercent ex obligatione, et quoad determinatum aliquem populum, ipsi reciproco vinculo devinctum: ergo revera omnibus pollet ad essentiam parochiatum requisitis; ergo verus est et proprie dictus parochus. Vicarii proinde quam retinet denominationem, non est stricto sensu intelligenda.

PROPOSITIO II^a. — Pro vero parochus habendus etiam est *vicarius-curatus amovibilis, quando principalis parochus nonnisi habitualement retinet curam.* — Nam talis vicarius par conditionis est ac præcedens, excepta perpetuitate: unde si quid obstaret quin sit verus parochus, obstaret tantummodo amovibilitas: atqui non obstat; si quidem, ex supra probatis,

perpetuitas ad parochiatus essentiam non pertinet; ergo et ipse pro vero paracho habendus est.

PROPOSITIO III^a. — *Quando principalis parochus habituales duntaxat habet curam, vicario sive perpetuo sive amovibili applicanda generaliter veniunt consecratoria juris, quæ veros parochos respiciunt.* — Sequitur hæc conclusio ex duobus præcedentibus, quibus probatum est, in hoc casu pro vero paracho esse habendum vicarium, sive perpetuus sit, sive ad nutum amovibilis. Unde, verbi gratia, nequibit constitui ejusmodi vicarius curatus, nisi inchoato anno vigesimo quinto; tenchitur, sicut cæteri generatim parochi, sacrificium pro populo diebus festis et dominicis offerre; lege residentie obstrugetur; infra annum presbyteratus ordine (si eo careat) initiari debebit; et aliis generaliter parochos afficientibus juribus subiacebit.

Dicimus autem *generaliter*; quia in nonnullis diversam a jure sortitur conditionem: sic, verbi gratia, ad ipsius deputationem quod attinet, concursus adhibendus non est; sed præsentari eum a principali paracho, et ab Episcopo examinari et approbari satis est. Quæ omnia suo loco infra enunciantur.

PROPOSITIO IV^a. — *Vicaria perpetua est verum beneficium stricte sumptum, seu perpetuum.* — Equidem quando erigitur vicaria perpetua in aliqua parochiali ecclesia, non ipsi attribuitur ipsummet beneficium curatum hujus parochiæ: sed, remanente beneficio illo penes parochum primitivum cum *habituali* cura, ad vicarii sustentationem assignatur in perpetuum certa quædam portio, quæ *congrua* vocari solet. Hæc autem congrua, cum non assignatur ad tempus, sed in perpetuum, et quidem de proventibus *certis*, veri beneficii rationem habet; atque ipsi applicari debent juris consecratoria, quæ vera beneficia perpetua concernunt. Constat id, tum ex ipsæ rei natura, cum beneficii perpetui definitio, etiam ejusmodi perpetuis congruis omnino quadret; tum ex variis juris textibus; tum ex unanimi canonistarum doctrina. « Vicario perpetuo, ait Ferraris (verbo *Vicarius parochialis*, n. 14), debet assignari

« congrua portio de redditibus, fructibus et emolumentis
 « provenientihus ecclesiæ incorporatæ monasterio, collegio,
 « universitati, et hujusmodi. Talis congrua est taxanda arbi-
 « trio Episcopi, habito respectu ad qualitatem personæ, loci,
 « temporis, et ad abundantiam seu paupertatem reddituum
 « ecclesiæ : dummodo non sit minor 50, nec major centum
 « aureis pro quolibet anno. Pro tali congrua assignari possunt
 « solum illa emolumenta *incerta*, quæ habent quamdam cer-
 « titudinem, ut sunt decimæ frumenti, olei, etc.; non autem
 « emolumenta omnino incerta, ut sunt eleemosynæ altaris,
 « funeralium et similium. Congrua semel sufficienter assignata
 « non potest minui, quamvis vicarius electus et deputatus di-
 « minutioni consentiat, et pro minore quantitate spondeat de-
 « servire. Unde vicarius perpetuus canonice institutus, est
 « vere beneficiatus (cap. *Postulasti* 27, de *Rescriptis*, ibi : *Non*
 « *enim beneficio carere debet dici, cui competenter de perpetuæ*
 « *vicariæ proventibus est provisum*). Sicque vicarius perpétuus
 « habet verum titulum, et potest ad dictum titulum ordinari;
 « atque idecirco semel canonice institutus nequit removeri,
 « vel portione sua fraudari, nisi forsau aliquod committat de-
 « lietum dignum depositione aut privatione beneficii (cap. *Ad-*
 « *hæc* 3, de *Officio vicarii*). Immo nec potest removeri, vel
 « portione sua fraudari, etiamsi rector principalis moriatur
 « (textu expresso in citato capite *Adhæc* 3, de *Officio vicarii*).
 « Hinc vicaria perpetua æquiparatur beneficio curato seu pa-
 « rochiali; et jura loquentia de beneficiis circa amissionem
 « prioris per assequutionem alterius, et per non promotionem,
 « et de eorum ætate, locum habent in hujusmodi vicariis per-
 « petuis, textu expresso in *clementina unica, de Officio vicarii*,
 « ibi : *Quæ de ecclesiis curam animarum habentibus, per rece-*
 « *ptionem aliarum similium amittendis, ac de ipsarum rectoribus*
 « *promovendis ad sacerdotium, ac de eorum ætate statuta noscun-*
 « *tur, in perpetuis ecclesiarum parochialium vicariis, et assumptis*
 « *ad eas, volumus observari*. Unde sicuti non potest quis esse
 « parochus simul duarum parochiarum (capite de *Multa* 28, de

« *Præbendis*; extravaganti Joannis 22, *execrabilis*), ita nec perpetuus vicarius (capite *Provideas* 2, *de Officio vicarii*)... Item « sicuti cæteri parochi, tenetur vicarius perpetuus residere in « sua vicaria (textu expresso in capite *Ex parte* 6, *de Officio vicarii*)... Vicarius perpetuus in sua parochiali ecclesia constitutus, habet eandem potestatem, quam verus parochus, « seu prælatus ac rector; ita tamen ut tota cura actualis, seu « quoad exercitium, competat vicario, prælatus vero seu rector principalis non nisi habitu curam retineat. »

PROPOSITIO V^a. — *Ubi parochus principalis curam etiam actualem, et non habitualem dumtaxat, retinet, ejus vicarius, quantumvis curatus dicatur et curam de facto exerceat, parochus non est, sed merus vicarius.* — Tuuc enim vicarius ille non exercet curam proprio nomine, sed dependenter a principali rectore, et vice ac nomine ipsius. Deficit proinde a conditionibus ad parochiatum essentialiter requisitis.

COROLLARIUM. — Hinc patet quomodo distingui tuto queat, an ille qui vicarii, cappellani, curionis, aliove nomine, curam animarum alicubi exercet, verus sit parochus, annon. Videntum nempe, an ejusdem parochiæ existat aliquis principalis rector, et an is curam actualem retineat. Si nullus talis existat principalis rector, vel si existat quidem, sed cum *habituali* dumtaxat cura, pro vero parochio æstimandus est vicarius-curatus, cappellanusve, aut curio, qui ad curam ibidem exercendam deputatus fuit. Secus, meri vicarii conditionem sortiri censendus est. Id aperte sequitur ex præmissis propositionibus.

CAPUT VII.

DE HODIERNORUM GALLIÆ CURATORUM CONDITIONE, ET AN II
QUI DESERVITORES VOCANTUR SINT VERI PAROCHI.

Ad propositæ quæstionis enodationem, præmittemus quæ ratione ordinatæ fuerint hodiernæ Galliarum parochiæ : tum

earum parochiarum curatis, quæ sub nomine *paroisses* constitutæ sunt, proprie dictorum parochorum, et quidem perpetuorum rationem vindicabimus : deuique eos qui parochias regunt sub nomine *succursales* institutas, veros quidem parochos esse probabimus, ast ad nutum Episcopi revocabiles.

§ 1.

Qua ratione ordinatæ et constitutæ existant hodiernæ Galliarum parochiæ.

1° In concordato anni 1801 decrevit Pius Papa VII in hunc modum : *Episcopi in sua quisque diœcesi novas parœcias circumscriptent; quæ circumscriptio suum non sortietur effectum, nisi postquam gubernii consensus accesserit.*

Ex hac lege ecclesiastica sequitur, *primo* eas dumtaxat existere in Gallia veras parochias, quæ ut tales ex mutuo Episcopi et gubernii consensu erectæ et circumscriptæ fuerunt. Nam cum, ante dictam novam circumscriptionem, veteres parochiæ omnes (1) auctoritate Pontificia suppressæ atque extinctæ fuerint, non possunt nunc existere nisi quæ ad dictam normam, in concordato præscriptam, erectæ sunt. Sequitur *secundo*, harum dumtaxat parochiarum curatos seu rectores, veram sortiri parochorum conditionem. De facto autem, in concordati executionem parochiæ in Gallia erectæ sunt, non unius, sed duplicis generis, nempe :

2° Consentientibus Episcopis, prout in ipsorum potestate positum erat, facta est nova circumscriptio et erectio, ad normam articulorum 60 et 61 ex organicis, in hunc modum statuentium : *Article 60 : il y aura au moins une paroisse "par justice de paix. Il sera en outre établi autant de succursales que le besoin pourra l'exiger. Article 61 : chaque Evêque, de concert avec*

(1) An tamen ab ista suppressione excipiendæ sint parochiæ monasteriis conventibusque annexæ, ex eo quod neque in concordato, neque in decreto executoriali Cardinalis Caprariæ ulla de iis expressa mentio fiat, est questio quæ non curet aliquo quoad Belgiam applicatione ; sed quam hic intactam relinquimus.

le préfet, règlera le nombre et l'étendue des succursales. Ibi nempe duplex parochiarum genus : earum scilicet quæ vocantur *paroisses*, et earum quæ sub vocabulo *succursales* designantur. Ex quo enascitur quæstio, an posteriores etiam pro veris parochiis habendæ sint. Item expendendum venit an rectores, sive prioris, sive posterioris generis harumce parochiarum, de jure perpetui sint, an vero ad nutum revocabiles. Quæ difficultates sub sequentibus paragraphis solvuntur.

§ II.

Rectores eorum parochiarum quæ sub nomine *paroisses* constitutæ sunt, pro veris parochis, et quidem perpetuis sunt habendi.

I. *Sunt veri, in sensu juris, parochi.* — Iis nempe nulla deest ex iis conditionibus, quas supra vidimus ad essentiam parochiatus constituendam requiri et sufficere. Deputantur enim ut curam animarum, ex officio seu *ex obligatione*, et *proprio nomine* (id est, non tanquam alterius vicarii), exerceant, in certum diœcesanorum numerum; atque ita ut vicissim isti diœcesani aliquatenus teneantur ab ipsis sacra recipere. Constat præterea ex eo quod a respectivis Episcopis et a Sede Apostolica tanquam veri parochi habeantur. Neque ulla movetur de hoc controversia.

II. *Sunt in officio perpetui.* — Nam pensio gubernii, ejusmodi parochis solvi solita, rationem habet, non tantum boni ecclesiastici, sed et veri beneficii; prout in tractatu de capitulis probavimus, agendo de ejusmodi pensionibus quoad canonicos. Jam vero certa est regula juris quæ docet, perpetua præsumi, et pro perpetuis habenda esse quælibet *beneficia secularia* (1), nisi contrarium expresse in ipsorum erectione dispo-

(1) Inversa est regula quoad religiosos : beneficia nempe regularia præsumuntur ad nutum superioris revocabilia, nisi aliter in lumine foundationis, aut auctoritate Apostolica cautum fuerit.

situm sit, aut postea auctoritate Pontificia statutum. Ergo beneficia curata parochorum de quibus agimus, certo sunt perpetua, si in prima eorum post concordatum erectione et collatione Episcopi Galliae non expresserint ea fore ad nutum revocabilia : atqui id non expresserunt; neque postea Sedes Apostolica eadem beneficia curata ex perpetuis fecit revocabilia : ergo revera perpetua ab initio fuerunt, et hodieum permanent. Confirmatur ex ipsorummet Episcoporum Galliae persuasione, qui ejusmodi parochos uanissimi consensu pro perpetuis habent. Item ex praxi Romanae curiae; siquidem ex multis causis ad ipsam delatis patet, dictos parochos a Romanis Congregationibus supponi in officio suo perpetuos. A qua conclusione ulterius firmanda (cum nemo sit qui cam neget) abstinebimus, ut statim gressum faciamus ad *succursalium* rectores, de quibus acriter nuperis temporibus mota difficultas est.

§ III.

Curati succursalistæ, seu, ut eos vocant, deservitores, veri quidam sunt parochi; ast ad nutum Episcopi revocabiles.

I. *Veri sunt parochi.* — Equidem primis post concordatum anni 1801 temporibus, res in dubium vocari potuit, ob ambiguas voces quibus gubernium intentum suum manifestavit in articulo 31 ex organicis, tenoris hujusmodi : *Ces vicaires et desservants exerceront leur ministère sous la surveillance et la direction des curés ; ils seront approuvés par l'Évêque et révocables par lui.* Eæ voces *sous la direction des curés* aliquatenus innuebant, curam actualem succursalis remanere penes rectorem parochiæ præcipuæ; ex quo rigore sequebatur *deservitorem* non esse verum parochum, sed dumtaxat alterius vicarium. Ast 1° Episcopi non teuebantur gubernii consensum obtinere in modo jurisdictionem conferendi ejusmodi succursalium rectoribus; sed tantum in determinando parochiarum

numero et circumscriptione; siquidem id tantum a Pio VII in citata concordati dispositione gubernio conceditur. Articuli autem organici, in quantum non nituntur dicti concordati pontificiis concessionibus, per se vim nullam juris habent, utpote ab incompetente in hujusmodi ecclesiasticis materiis auctoritate conditi. 2° De facto Episcopi memoratum articulum dicto sensu intellectum, non acceptarunt; sed e contra rejecerunt; siquidem deservitoribus curam animarum, proprio nomine, exercendam commiserunt; ita nempe ut parochiæ præcipuæ rector curam actualem in succursali nullam haberet, nec posset in ea sese immiscere. 3° Ipsummet gubernium, suum articulum intellectum voluit eo sensu, qui modo agendi Episcoporum consonaret. Nam in sua quadam ad Episcopos epistola (25 therm. an 10) præmonebat dominus Portalis, non in aliud intendisse articulum organicum, quam ut præcipuæ parochiæ rectori committi ab Episcopo posset inspectio in succursalem, necnon visitatio, aliaque jura olim archipresbyteris et decanis competentia.

Unde certum omnino est cuilibet deservitori committi animarum curam, non tanquam vicario alterius, sed proprio nomine exercendam. Et sicut proprie dictus quilibet parochus, ita deservitor ex officio tenetur parochiæ suæ incolis sacramenta ministrare; et vicissim hi tenentur ad ipsum recurrere in iis casibus, in quibus de jure tenentur parochiani proprium suum parochum, et non alium, adire; verbi gratia, in matrimoniorum celebratione, in recipienda semel in paschate communione, etc. Quæ conditiones, cum ipsamet parochiatus essentiam constituent (ut supra probatum est), omnino concludendum venit, hodiernos Galliæ curatos, qui vocantur *desservants*, veros esse et proprie dictos, in sensu juris, parochos.

Obijcies. — Verus parochus non est nisi perpetuus: atqui deservitores sunt ad nutum revocabiles: ergo non sunt veri parochi. — Respondeo: nego majorem. Nam perpetuitas ad essentiam parochiatus non pertinet; sed tam vere parochus

esse potest revocabilis quam perpetuus, ut supra probatum est.

II. *Deservitores sunt ad nutum Episcopi revocabiles.* — Id deducimus ex supra memorata regula omnino certa, et a canonistis communiter recepta; beneficium nempe sæculare præsumi quidem perpetuum, si de hoc dubitetur; at posse etiam esse amovibile ex variis causis; nempe 1° si in ipsius fundatione id expressis aut æquivalentibus terminis fuerit statutum; 2° ex legitime præscripta consuetudine; 3° si Papa ipsum, licet prius perpetuum, in revocabile transmutet. Porro ob primam ex dictis causis concludimus beneficia curata deservitorum Galliæ esse ad nutum revocabilia. Nam certum est primos clericos, qui, post factam succursalium circumscriptionem seu erectionem, ad eas regendas deputati sunt, non fuisse deputatos nisi cum hac clausula *ad beneplacitum*. Et, si quando forte clausula hæc omissa alicubi fuerit, ex consuetudine in tota Gallia prævaluit, ut eo sensu dumtaxat deservitorum deputatio intelligeretur. Jam vero dicta clausula aperte probat Episcopos, dum ejusmodi beneficia curata crexerunt, voluisse ut forent revocabilia: alioquin enim sibi contradixissent ponendo clausulam *ad beneplacitum*. Unde hæc clausula, ab initio adhibita, æquivalenter idem exprimit ac si dixissent Episcopi: *Beneficia succursalia erigimus, cum hac conditione ut sint ad nutum revocabilia*. Et notetur in potestate Episcoporum fuisse, ita statuere: tum quia ad ordinariam Episcoporum potestatem pertinet beneficiorum erectio; tum quia ipsis insuper, quoad hanc parochiarum Galliæ erectionem, delegata fuerat auctoritas Apostolica; per expressam nempe a Cardinali Caprara factam subdelegationem. Aliunde vero, attento jure communi, dum initio erigitur beneficium (etiam curatum et sæculare), potest erigi ad nutum Episcopi amovibile; neque ad id alio opus est, quam ut illa manualitatis conditio in limine fundationis expresse vel æquivalenter exprimatur. Porro Episcopi per dictam clausulam, statim ab initio quoad deservitores adhiberi solitam, *æquivalenter* declararunt a se

erigi beneficia succursalium sub revocabilitatis ad nutum conditione : ergo revera deservitores sunt ad nutum revocabiles. Imo quoad alias etiam parochias, si in ipsarum erectione expresse cavissent Episcopi ut esset beneficia amovibilia, talia revera forent, et nullus hodie in Gallia parochus esset perpetuus. Sed præcipuarum parochiarum rectores initio deputando, hanc clausulam in eorum provisionibus non posuerunt Episcopi; sed eam adhibuerunt dumtaxat quoad succursales. Et hinc totum deservitores inter et alios parochos discrimen. Utrique nempe veri parochi; ast revocabiles ad nutum succursalistæ, perpetui in officio suo cæteri.

III. *Num dicti deservitores Galliæ possint a solis Episcopis transmutari in parochos perpetuos; an vero ad id requiratur Pontificia auctoritas?* — De jure communi dicendum videtur, necessarium esse Pontificiæ auctoritatis interventum, ut parochia, semel erecta tanquam *manualis*, mutetur in beneficium perpetuum; quod sic exponit Leurenus (*Forum beneficiale*, quæstione 155, n. 2) : « Dum parochialis jam erecta » habet tamen rectorem ad nutum amovibilem ex fundatione » vel consuetudine, petitur (*nempe a Sede Apostolica*) ejusdem » ecclesiæ status mutatio, ut exinde rector amovibilis fiat » perpetuus : talis mutatio spectat ad Papam, cum præter » hunc nullus possit mutare condiciones in limine fundationis » adjectas de consensu Ordinarii (Moneta..., Ugolinus... et » alii, quos citat et sequitur Corradus...). » Nec obstant superius relata (pag. 226) Giraldi verba, nempe posse Ordinarium parochias amovibilium parochorum *vertere in perpetuas* : nam ibi agitur de vicariis curatis, qui curam exercent in parochiis alicui capitulo vel monasterio annexis; et dicit dumtaxat Giraldus posse ab Episcopo ejusmodi vicarias constitui perpetuas; quod omnino certum est ex Tridentino textu. Atvero ubi agitur de parcho proprie dicto, licet amovibili, id est, de parochia semel erecta tanquam *manuali*, videtur tenenda modo exposita Leurenii doctrina.

In Gallia tamen obtinuit usus, ut Episcopi, absque Sedis

Apostolicæ interventu, et cum solo gubernii assensu, ejusmodi succursales, seu manuales parochias, in perpetuas transmutent. Quæ praxis inde videtur inducta, quod existimatum sit, includi hanc Episcoporum potestatem in facultate, vi concordati anni 1802 ipsis tributa, novas parochias, assentiente gubernio, erigendi et circumscribendi.

Objicies. — Animarum cura secum trahit officii perpetuitatem, tum ex jure naturali, tum ex jure divino, tum ex jure ecclesiastico : atqui deservitores vere curam animarum exercent ; ergo perpetui censendi sunt. — Respondeo : nego majorem quoad omnes partes. Probavimus nempe stare posse curam animarum, et totam parochiatus essentiam, absque perpetuitatis prærogativa. Aliunde ex jure ecclesiastico certum est, posse aliquod beneficium curatum, etiam sæculare, erigi sub conditione revocabilitatis ad nutum. Unde quæcumque a parochistis toties adducta sunt de necessitate perpetuitatis in parochiali officio, vanæ sunt declamationes, nullo solido fundamento nixæ.

Ex dictis inferas, 1° deservitoribus, sicut cæteris parochis, generatim applicanda esse consecratoria juris, quæ veros parochos respiciunt ; 2° iisdem in specie applicanda esse consecratoria-juris quæ respiciunt beneficia ad nutum revocabilia ; 3° cæteris vero parochis applicanda ea, quæ beneficiatos perpetuitate gaudentes attingunt.

Nota. — Quod autem diximus de hujusmodi *deservitoribus* Galliæ, intelligenda pariter sunt quoad alias regiones (1), in quibus vi dicti concordati anni 1801 extinctæ fuerunt veteres parochiæ, et cum præfata forma et conditione amovibilitatis, erectæ succursales.

(1) Quoad Belgium, verbi gratia.



PARS II.

DE CANONICA NORMA PAROCHIAS

CONSTITUENDI ET SUPPRIMENDI.

Dicemus 1° quotuplici modo constitui possit nova parochia; 2° de parochiarum erectione per viam creationis; 3° an et quatenus Episcopi potestatem habeant novas parochias per viam dismembrationis erigendi; 4° quænam sit justa causa, a jure requisita, ut possit Episcopus ad dismembrationem procedere; 5° quænam sint formalitates requisitæ, ut canonice fiat ab Episcopo dismembratio et erectio; 6° de appellatione a decreto erectionis et dismembrationis; 7° de unione parochiarum; 8° qua norma parochiæ sub jure patronatus canonice constituentur; 9° de ecclesiarum parochialium alteratione et suppressione.

CAPUT I.

QUOTUPLICI MODO CONSTITUI POSSIT NOVA PAROCHIA.

I. Nova parochia constituitur vel per meram creationem, vel per dismembrationem.

Quando efformatur nova parochia, non ex portione vel portionibus parochiæ vel parochiarum jam existentium, sed ex populo vel territorio nondum ulli parochiæ adscripto, dici

potest erigi per viam creationis. Talis conditionis, verbi gratia, fuerunt omnes parochiæ Galliarum statim post concordatum anni 1802 erectæ. Nam Pius Papa VII omnes hujus regionis parochias suppresserat et extinxerat, ut fieret nova circumscriptio et erectio. Unde parochiæ in vim Pontificii decreti tunc erectæ, non per dismembrationem antiquarum, quæ jam non existebant, sed per creationem constitutæ sunt.

Dicitur e contra erigi nova parochia per dismembrationem, quando ex una vel pluribus parochiis jam existentibus aliquæ partes distrahuntur, et ex iis partibus alia efformatur et constituitur. Et hoc modo frequenter in omnibus diœcesibus contingit novas exurgere parochias. Atque etiam in Gallia post memoratam primam circumscriptionem anni 1802, nonnullæ decursu temporis per aliarum jam crectarum dismembrationem erectæ sunt.

II. Novæ parochiæ erigi possunt vel per se stantes, vel adnexæ. Quandoque scilicet contingit ut cura animarum quoad certum populum adnectatur alicui monasterio, vel alicui capitulo, vel præbendæ alicujus dignitatis (verbi gratia, archidiaconatus vel præposituræ), vel alicui beneficio simplici, quod sic transit in curatum seu parochiale. Ejusmodi autem parochiæ dicuntur adnexæ, et considerantur tanquam quid accessorium ad capitula, monasteria, etc., quibus adnectuntur. Secus quando locum non habet ejusmodi adnexio : tunc enim parochia est quid principale et per se stans.

III. Nova parochia efformari potest vel per unionem, vel absque unionem. Quando nempe duæ aut plures parochiæ ad unam reducuntur, ex ista unionem exurgit parochia aliquatenus nova.

IV. Tandem erigi potest parochia, vel cum jure patronatus, vel absque isto jure. Quando nempe quis ecclesiam, quæ parochialis efficitur, ædificavit, vel perpetuis redditibus dotavit, contingit nonnunquam ut sibi suisque in perpetuum hæredibus reservet jus præsentandi ad ejusmodi beneficium paro-

chiale quoties vacaverit, et similes alias prærogativas. Quæ dispositione, si ab auctoritate ecclesiastica acceptetur et firmetur, dictus fundator jus illud, quod *patronatus* nuncupatur, sibi suisque in perpetuum hæredibus acquirit; sicque erecta parochia sub jure patronatus constituta dicitur.

CAPUT II.

DE PAROCHiarum ERECTIONE PER VIAM CREATIONIS.

Rarissime contingit in aliqua diœcesi reperiri territorii populi partem aliquam, quæ alieni jam constitutæ parochiæ non adscribatur (1). Rarissimus proinde casus, quo erigi possit nova parochia per *viam creationis*, id est, ex territorio vel populo ad nullam parochiam antea pertinenti. Hinc solent canonistæ casum illum, utpote vix unquam practicum, prætermittere. De quo et nos, eandem ob causam, pauca dumtaxat adnotabimus.

I. Dubium non est ad ordinariam Episcopi potestatem pertinere, eam diœcesis suæ regiunculam plebemve, quæ nondum ulli parochiæ adscripta foret, in parochiam erigere; id est ibi sacerdotem constituere, qui proprio nomine et ex officio illarum animarum curam exerceat. Id a fortiori sequitur ex eo quod possit (ut infra probatur), et quidem vi ordinariæ potestatis suæ, per viam etiam dismembrationis novas erigere parochias.

(1) In regionibus infidelium, ut fidem catholicam noviter subactis, datur locus novarum diœceseon erectioni; et in hujusmodi semel constitutis diœcesibus reperiuntur in parochias distribuendi populi, qui nulli adhuc parochiæ adscripti fuerant. Item in Gallia anno 1801 erigendæ fuerunt per viam creationis parochiæ; si quidem auctoritate pontificia omnes quæcumque tunc temporis exstabant, suppressæ atque extinctæ fuerant; ita ut noviter erectæ, non ex unione vel dismembratione jam existentium efformatæ sint, sed in locum extinctarum et jam non existentium successerint.

II. De jure autem communi tenetur Episcopus, quocumque modo nova erigatur parochia, providere de sufficienti dote ad honestam curati sustentationem; nisi tamen id impossibile foret ob egestatem eorum omnium qui contribuere tenentur: nam in eo casu posset absque dicta dote parochia erigi, ut infra cum Fagnano concludemus.

Nunc ad parochiarum, *per viam dismembrationis* (quæ perpetuo in praxi adhibenda recurrit) erectionem, gradum facimus.

CAPUT III.

AN ET QUATENUS EPISCOPI POTESTATEM HABEANT NOVAS PAROCHIAS PER VIAM DISMEMBRATIONIS ERIGENDI?

Prænotandum. — 1^o Dubium non est quin ea potestate Romanus Pontifex quoad totum orbem polleat; atque id in quæstionem vocari nequit; prout Cardinalis de Luca (in *Summa* libri 12 de *Beneficiis*, n. 206) loquens de *unione, divisione, dismembratione, et nova erectione*, sic adnotat: « Papæ hujusmodi actus, vel eorum aliquos facientis, nulla cadit quæstio potestatis; quæ plena et absoluta est. Minusque causæ requisitum desideratur, nisi quatenus ex illa præsupposita quæ non existat, resultet surreptio seu defectus voluntatis... Ubi vero ordinaria auctoritate hujusmodi actus, vel eorum alter sequantur, utpote speciem alienationis redolentes, causa necessitatis, vel nimix utilitatis, pluresque solemnitates... exiguntur. »

2^o Item quæstio esse nequit de iis qui jurisdictione destituuntur, cum absonum sit posse absque jurisdictione existentes parochias dismembrari aut novas erigi.

3^o Hinc quoad Episcopos duntaxat, seu locorum Ordinarios, quæstionem posuimus; eo scilicet consilio, non tantum ut hanc eorum potestatem inconcusse adstruamus, sed etiam ut

qualis ea sit, seu quibus conditionibus subiaceat et coarctetur, palam faciamus. De quo sint sequentes paragraphi.

§ I.

Premittuntur juris textus e quibus pendet propositæ questionis solutio.

Duo præcipue ad rem faciunt; quibus et solent canonistæ suas de hac materia conclusiones firmare.

1º Adduci solet caput *Ad audientiam* (3, tituli 48 *de Ecclesiis ædif.*, libri 3 decretalium), tenoris hujuscemodi : *Ad audientiam nostram noveris pervenisse, quod villa quæ dicitur H., tantum perhibetur ab ecclesia parochiali distare, ut tempore hyemali, cum pluvie inundant, non possint parochiani sine magna difficultate ipsam adire : unde non valent congruo tempore ecclesiasticis officiis adesse. Quia igitur dicta ecclesia dicitur redditibus abundare, quod præter illius villæ proventus minister illius convenienter valeat sustentationem habere, mandamus quatenus, si res ita se habet, ecclesiam tibi ædifices, et in ea sacerdotem, sublato appellationis obstaculo, ad præsentationem rectoris ecclesiæ majoris, cum canonico fundatoris assensu instituas, ad sustentationem suam ejusdem villæ obventiones ecclesiasticas percepturum : providens tamen ut competens in ea honor, pro facultate loci, matrici ecclesiæ servetur : quod quidem fieri posse videtur, cum ejusdem villæ dominus viginti acras terræ frugiferæ velit ad usus sacerdotis conferre. Si vero persona matricis ecclesiæ virum idoneum præsentare distulerit, vel opus illud voluerit impedire, tu nihilominus facias idem opus ad perfectionem deduci, et virum bonum, appellationis cessante diffugio, instituere non omittas.*

Notetur decretalem istam, quæ anno 1170, ab Alexandro III ad Eboracensem Episcopum directa est, etsi ad casum particularem dumtaxat referatur, tanquam normam tamen univernalem corpori juris fuisse insertam, et ut talem unanimiter a doctoribus habitam. Imo tanquam lex generalis a Tridentino

concilio fuit confirmata, ut patet ex sequentibus dictæ synodi verbis :

2° Alter nempe juris textus, in præscuti materia valde attendendus, est caput 4 sessionis 21 Tridentinæ synodi, in quo sic decernitur : *Episcopi, etiam tanquam Apostolicæ Sedis delegati, in omnibus ecclesiis parochialibus vel baptismalibus, in quo populus ita numerosus sit, ut unus rector non possit sufficere ecclesiasticis sacramentis ministrandis, et cultui divino peragendo, cogant rectores, vel alios ad quos pertinet, sibi tot sacerdotes ad hoc munus adungere, quot sufficiant ad sacramenta exhibenda et cultum divinum celebrandum. In iis vero in quibus, ob locorum distantiam sive difficultatem, parochiani sine magno incommodo ad percipienda sacramenta et divina officia audienda accedere non possunt, novas parochias, etiam invitis rectoribus, juxta formam constitutionis Alexandri III, quæ incipit AD AUDIENTIAM, constituere possint. Illis autem sacerdotibus, qui de novo erunt ecclesiis noviter erectis præficiendi, competens assignetur portio arbitrio Episcopi, ex fructibus ad ecclesiam matricem quomodocumque pertinentibus ; et si necesse fuerit, compellere possit populum ea subministrare, quæ sufficiant ad vitam dictorum sacerdotum sustentandam.*

§ II.

Episcopis, tum quatenus a Sede Apostolica delegatis, tum etiam quatenus Ordinariis, competit potestas per viam dismembrationis novas erigendi parochias; et quidem invitis etiam dismembrandarum parochiarum rectoribus.

I. Dictam potestatem habent Episcopi tanquam Sedis Apostolica delegati. Nam in citato Tridentino decreto expresse disponitur, 1° ut possint Episcopi novas parochias constituere; 2° ut id possint juxta formam constitutionis Alexandri III quæ incipit AD AUDIENTIAM; quod idem est ac dicere per viam dismembrationis posse ab Episcopis parochias erigi, siquidem in illa decretali Ad audientiam agitur de parochia per dismembrationem constituenda; 3° vult Tridentina synodus ut id

possint Episcopi *etiam tanquam Apostolicæ Sedis delegati*. Ergo revera ex Tridentino textu Episcopis tanquam Sedis Apostolicæ delegatis competit potestas per viam dismembrationis novas erigendi parochias.

Quam cæteroquin conclusionem tenent commuiter canonistæ. Inter quos sic Leurenus (*Forum beneficiale*, parte 1, quæst. 155) : « Ad quos spectet erigere novas parochiales ? » — Respondeo : id posse Ordinarios autoritate sibi desuper tanquam Sedis Apostolicæ delegatis impertita, vi citati capitis *Ad audientiam*, et capitis 4 sessionis 21 Tridentini. « Porro quoties Papa (ad quem quandoque recurritur, ubi de similibus parochialium erectionibus ordinaria autoritate factis dubitari contingit, ut parochialis ordinaria jam autoritate erectæ confirmatio, seu nova erectio ab ipsa Sede Apostolica impetretur) concedit similes erectiones (in quibus pro causa allegatur dicta locorum distantia et difficultas), semper rescribit Ordinario, ut autoritate Apostolica erigat, servata forma citati capitis *Ad audientiam*. »

Dum autem ibi dicit Leurenus quandoque recurri ad Papam, et a Papa *confirmari* erectionem ab Episcopo factam, id intelligendum est, de recursu et confirmatione, non ex necessitate, sed libere et ad cautelam adhibitis; prout ipse Leurenus adnotat in citato opere, parte 3, quæst. 927.

II. Eadem potestas Episcopis etiam competit jure ordinario. Nam ante Tridentinam synodum ipsis competebat vi citatæ decretalis *Ad audientiam*; quam decretalem tanquam generalem legem memorat Tridentina synodus; et eam nequaquam abrogat, sed confirmat. Ergo etiam post Tridentinam synodum penes Episcopos remansit jus ordinarium parochias per viam dismembrationis erigendi.

Confirmatur ex modo loquendi Tridentinæ synodi. Quando enim aliquam potestatem Episcopis conferendo tanquam Sedis Apostolicæ delegatis, addit vocem *etiam*, signum est (prout communiter tradunt doctores) eam potestatem *ordinario* simul jure ipsis competere.

III. Dictam potestatem parochias dismembrandi habent Episcopi, invitis etiam earum rectoribus. Quæ conclusio indubitata est apud doctores omnes, ob expressa Tridentini verba quæ nullum dubitationi locum relinquunt. Usi sunt enim Tridentini patres clarissima hac formula, *etiam invitis rectoribus*. Quibus verbis evanuit controversia veterum canonistarum, qui, attenta dumtaxat decretali *Ad audientiam*, aliisve juris textibus Tridentinæ synodo anterioribus, disputabant num requireretur parochorum consensus.

§ III.

Dictam potestatem dismembrandi habent Episcopi etiam in parochias exemptas.

Equidem si qua parochia sit ab Ordinarii jurisdictione exempta, sive quod adnexa sit alicui monasterio vel capitulo exempto, sive alia de causa, nequibit Episcopus vi ordinariæ jurisdictionis suæ eam dismembrare. Atvero cum Tridentina synodus ipsum quoad ejusmodi parochiarum dismembrationes et erectiones constituerit Sedis Apostolicæ delegatum, vi hujusce delegatæ jurisdictionis proculdubio poterit dismembrationem exemptæ etiam parochiæ decernere.

§ IV.

Episcopi, etiam quatenus Sedis Apostolicæ delegati, præfatam potestatem non habent absolute, sed certis et a jure determinatis conditionibus et formalitatibus subjectam.

Constat 1º, ex textu ipso legum ecclesiasticarum, quibus Episcopis vindicatur dicta potestas. Nam ex Tridentino decreto (cap. 4, sess. 21, *de Ref.*) possunt quidem Episcopi *novas parochias constituere*, antiquas dismembrando; idque *invitis etiam dismembrandarum rectoribus*: atvero id eis conceditur dumtaxat quoad ea loca *in quibus, ob locorum distantiam sive difficultatem, parochiani sine magno incommodo ad percipienda*

sacramenta et divina officia audienda accedere non possunt. Ergo ut dismembrandi facultate polleat Episcopus, tanquam necessaria conditio requiritur *magnum* illud, a Tridentinis patribus descriptum, parochianorum incommodum : ergo revera dicta Episcoporum facultas alicui *conditioni* subjacet.

Item in citato decreto statuunt Tridentini patres, ut procedatur *juxta formam constitutionis Alexandri III, quæ incipit AD AUDIENTIAM.* Sed in hac constitutione plures servandæ prescribuntur formalitates ; ergo dicta Episcoporum potestas certis etiam *formalitatibus* subjacet. Adstringi autem Episcopos, etiam quatenus Sedis Apostolicæ delegatos, ad dictam conditionem et dictas formalitates, constat ex ipso Tridentino textu ; qui, postquam expresse memoravit Episcopos quatenus delegatione Apostolica donatos, nihilominus ejusmodi conditionem et formalitates decernit.

Constat 2º, ex communi doctorum consensu. « Recepta conclusio est (ait Cardinalis de Luca, *de Parochis*, discursu 35, n. 6), dismembrationem unius ecclesiæ ab altera sapere speciem veræ alienationis ; ideoque requiri copulativum concursum solemnitatis, ac justæ causæ, juxta doctrinam abbatis... »

Item Leurenus, postquam expendit (in *Foro suo beneficii*, parte 1, quæstione 154) : « Quæ sint vel non sint sufficientes causæ constituendi novam parochiam, dismembrando anti-
quam, » sic pergit (ibidem, quæstione 157) : « An et quæ solemnitates aliaque servanda, præter dictas causas, requirantur ad constitutionem novarum parochialium cum dicta dismembratione ? — Respondeo primo : requiri certas solemnitates dum dismembratio et constitutio novæ parochialis fit per Ordinarium (secus dum fit a Papa, ejusdem auctoritate supplente solemnitatem). Proceditur namque in tali negotio dismembrationis tanquam in specie formalis alienationis, rigorose ; ideoque requiritur copulativus concursus *justæ causæ et solemnitatis.* »

Consonat Fagnanus (in caput *Ad audientiam, de Eccles.*

ædific., n. 13): « Quæro generaliter (inquit) que requirantur ad
 « hoc ut nova parochia erigi possit ab Episcopo infra limites
 « alterius parochiæ? — Respondeo multa esse necessaria;
 « quorum si vel alterum deficiat, erectio non sustinetur. Et
 « quidem ante omnia requiritur justa causa, de qua constet
 « legitime: nam regula est, ut parochialis ecclesia in alterius
 « parochia ædificari non debeat (ut capite *Ecclesiæ*, et capite
 « *Quicumque*, 16, q. 1). Sed hæc regula fallit, legitima subsi-
 « stente causa, ut aperte probatur hic (1): nam Pontifex primo
 « narrat causas erectionis: deinde præcipit erectionem fieri,
 « adjecta clausula, *si res ita se habet*. Ergo causa subsistente
 « eaque probata, et non alias, permittitur erectio. Est enim
 « huiusmodi erectio et dismembratio a parochia antiqua, iu-
 « star alienationis jurium ecclesiæ, quæ sine causa fieri non
 « debet (ut capite 1, *de Rebus ecclesiæ non alienandis*, in 6) ».
 Postea enumerat idem auctor (n. 28 et seq.) octo requisitas
 formalitates, præter justam dismembraudi causam.

Quam etiam doctrinam exponebat Sacræ Congregationis
 Concilii secretarius (in causa *Massanensi*, 9 maii 1840, tomo
 100 *Thesauri resolutionum*) in hunc modum: « Nescit nemo,
 « qui vel a limine sacros canones salutaverit, beneficiorum
 « dismembrationem in jure esse odiosissimam: quippe quæ
 « alienationem sapiat, ut aiunt Abbas..., Lotterus..., Rota...
 « Hinc nonnisi in subsidium, ac gravissimis patentibus causis,
 « quæ sunt urgens necessitas, vel evidens Ecclesiæ utilitas
 « permittendam docent..., præsertim cum de parochialibus
 « ecclesiis sermo est. »

Constat 3°, ex prohibitione, ipsos etiam Episcopos atti-
 gente, res Ecclesiæ alienandi. Nam constitutio *Ambitosæ*
 Pauli Papæ II (*Extrav. comm.*, libro 3, titulo 4, capite unico)
 ejusmodi alienationem districte prohibuit, ipsis etiam Epi-
 scopis, excipiendo dumtaxat casus in jure permissos: atqui

(1) Nempe in capite *Ad audientiam, de Ecclesiis ædif.*, de quo ibi disserit
 Fagnanus.

divisio seu dismembratio alicujus parochiæ est ipsius bonorum et jurium alienatio : ergo fieri nequit ab Episcopis, nisi eo modo quo ipsis a jure concessa reperitur : nullibi autem reperitur ipsis concessa facultas hæc absolute et sine conditione ; sed tantum justis de causis, ab eodem jure expressis : ergo revera ut possit Episcopus parochiam dividere seu dismembrare, requiritur justa causa.

Hoc autem argumentum, ex prohibitione bona ecclesiastica alienandi deductum, canonistis solemne est tanquam peremptorium quoad præsentem quæstionem exhibere ; prout satis patebit ex sequentibus citationibus : « Dismembratio an
« et qualiter prohibita vel permissa ? — Respondeo *primo* :
« dismembratio quorumvis beneficiorum jamdudum prohibita
« fuit in concilio Turonensi (capite *Majoribus*, et capite *Tuæ*,
« *de Præbendis*) ; quia divisiones et dismembrationes ecclesia-
« rum redolent et in jure censentur species formalis et veræ
« alienationis prohibitiæ, cadentis sub dispositione extrava-
« gantis ambitionis (*de rebus ecclesiæ non alienandis*)... Respon-
« deo *secundo* : tamen permissa est ex causa legitima (capite
« *Ad audientiam, de Ecclesiis ordif.*). » Ita Lenrenius in suo
Foro beneficii, parte 3, quæstione 947. Qui auctor paulo post
(quæstione 949) eandem doctrinam tradit, adducta multorum
canonistarum auctoritate.

Consonat Cardinalis de Luca : « Divisiones et dismembra-
« tiones, inquit, omnes et forte majores *solemnitates* exigunt,
« cum *justa causa necessitatis vel utilitatis*; eo modo quo in
« formalibus alienationibus desideratur » (*de Regular.*, di-
« scursu 5, n. 4). « Divisio, vel suppressio, aut dismembratio,
« aut alia concessio ecclesiarum, redolet prohibitam aliena-
« tionem, quæ ab Episcopo vel alio prælato fieri non potest
« absque copulativo concursu *solemnitatis et justæ causæ* »
« (ibidem, discursu 64, n. 9). Dismembratio fructum nullo-
« modo fieri debet, nisi adhibitis debitis requisitis et so-
« lemnitatibus ad illius validitatem, una cum *justa causa* : cum
« ipsæ causæ requirantur ac solemnitates in hujusmodi dis-

« membratione, quæ adhiberi debent in alienatione rerum « Ecclesiæ. » (Corradus, apud Leurenium, citato loco.) Cæteros doctores si adeas, omnino reperies in hac re concordare.

Occurrit nunc gravissima, utpote quotidianam praxim attingens, quæstio, quænam sit illa *justa causa*, et quænam illæ *formalitates*, ad legitimam dismembrationem et novæ parochiæ erectionem requisitæ. De quo sigillatim sub sequentibus capitibus disserere visum est.

CAPUT IV.

QUÆNAM SIT JUSTA CAUSA, A JURE REQUISITA, UT POSSIT EPISCOPUS AD DISMEMBRATIONEM PROCEDERE.

PROPOSITIO I^a.—*Justa causa non alia esse potest, quam vel distantia, vel alia difficultas parochianorum, accedendi ad recipienda sacramenta et audienda divina officia.* — Nam jus non aliam exprimit, ob quam licitam faciat Episcopis dismembrationem. *Ob locorum distantiam sive difficultatem*, ait Tridendina synodus: atque pariter decretalis *Ad audientiam* non aliam exprimit causam, quam accedendi ad parochiam *difficultatem*. Aliunde vero certum est, et a doctoribus unanimiter receptum principium, licitum non esse Ordinariis parochias dividere aut dismembrare, nisi in casibus a jure permissis; ex eo quod nempe talis dismembratio habeuda est pro alienatione bonorum ecclesiasticorum, et quælibet ejusmodi alienatio, vi constitutionis *Ambitosæ*, sit ipsis etiam Episcopis interdicta, extra casus a jure exceptos. Cum ergo jus, dum causas enumerat ob quas facultatem facit Episcopis parochias dismembrandi, non alias exprimat, quam *distantiam* aut *aliam difficultatem*, concludendum omnino est non aliam dari legitimam dismembrationis causam, quam vel *ex distantia*, vel *ex alia difficultate* ad parochialem ecclesiam accedendi. Unde merito Fagnanus (in caput *Ad audientiam*, de *Eccles. ædif.*, n. 18): « Ad hauc

« difficultatem accedendi ad ecclesiam matricem, pro susci-
 « piendis sacramentis et divinis officiis audiendis, aliæ causæ
 « omnes reducuntur. » Atque idem auctor (loco citato, n. 23),
 sic eandem sententiam exprimit : « Ex prædictis collige, in
 « effectu unicam esse causam erigendi novam parochiam,
 « videlicet magnam difficultatem accedendi ad ecclesiam ma-
 « tricem pro sacramentis percipiendis, et divinis officiis au-
 « diendis : nam aliæ causæ, videlicet distantia loci, flumina
 « intermedia, portæ civitatis clausæ, necessitas leprosororum,
 « et alia id genus impedimenta, in tantum justificant ere-
 « ctionem, in quantum pariunt difficultatem hujusmodi : alias
 « secus, ut ex jam dictis constat. »

PROPOSITIO II^a. — *Ingens populi multitudo non est per se causa legitima dismembrationis.* — Sequitur ex præcedenti propositione. Nam ingens populi multitudo existere potest absque nimia distantia et absque nimia difficultate accedendi. Cum ergo, ex præcedenti propositione, ratio nimie distantie et difficilioris accessus, sint solæ causæ legitimæ dismembrationis, sequitur ingentem parochianorum multitudinem inter ejusmodi causas non esse numerandam. Quod cæteroquin satis indicat ipsummet Tridentinum decretum (cap. 4, sess. 21) : nam ibi Tridentini Patres suum etiam remedium huic nimie multitudinis inconvenienti attulerunt : atvero remedium illud non est dismembratio, sed plane diversum ; ut nempe cogatur parochus tot sibi adjungere vicarios, quot necessarii erunt ad sacramenta ministranda, aliaque ad curam animarum opportuna peragenda. Remedium vero dismembrationis non sanxerunt, nisi quoad casum nimie distantie, seu difficilioris accessus.

Conclusionem autem firmanr communis doctorum sententia, et Sacræ Congregationis Concilii declarationes, prout satis patebit ex sequentibus citationibus.

« Glossa ultima in caput *Nulli* (99 distinctionis), adducit
 « aliam causam construendi novam ecclesiam in parochia an-
 « tiqua ; videlicet, cum multitudo fidelium excrevit : et mo-

« vetur argumento illius textus, ibi : *Nisi aliqua gens deinceps*
 « *ad fidem convertatur, cui necesse sit propter multitudinem eorum*
 « *primatem constitui...* Tu dic contra : quoniam hoc casu nova
 « parochia non debet erigi ; sed utendum est remedio concilii
 « Tridentini, dicto capite 4 (in principio) sessionis 21, ubi sta-
 « tuitur, ut *Episcopi, etiam tanquam Apostolicæ Sedis delegati,*
 « *in omnibus ecclesiis parochialibus vel baptismalibus, in quibus*
 « *populus ita numerosus sit, ut unus rector non possit sufficere*
 « *ecclesiasticis sacramentis ministrandis, et cultui divino pera-*
 « *gendo, cogant rectores, vel alios ad quos pertinet, sibi tot sacer-*
 « *doles ad hoc munus adjungere, quot sufficiant ad sacramenta*
 « *exhibenda, et cultum divinum celebrandum.* Unde Sacra Con-
 « gregatio, ejusdem Concilii interpres, jampridem censuit, ex
 « ea sola causa, quod populus alicujus parochiæ adeo sit nu-
 « merosus, ut unus rector non possit sufficere sacramentis
 « ministrandis et cultui divino peragendo, minime quidem
 « licere Ordinario novam parochiam erigere, nisi et alia con-
 « currant, quæ exprimuntur in constitutione Alexandri III,
 « quæ incipit *Ad audientiam*, et innovatur decreto concilii
 « (capite 4, sessionis 21) : sed ob magnum hujusmodi nume-
 « rum debere Ordinarium uti remedio dicti capituli 4, scilicet
 « cogendo rectores, ut sibi sacerdotes adjungant quot suffi-
 « ciant ad sacramenta exhibenda et cultum divinum celebra-
 « dum. » (Fagnanus, in caput *Ad audientiam*, de *Ecclesiis*
œdific., n. 24 et seq.)

« Item responsum (*nempe a Sacra Congregatione Concilii*),
 « non potuisse Episcopum erigere in ecclesia parochiali duas
 « vicarias perpetuas eo quod populus esset numerosus. »
 (Fagnanus, loco citato, n. 27.)

« De cætero, ubi in ecclesiis parochialibus, vel etiam ba-
 « ptismalibus, populus ita sit numerosus, ut unus rector non
 « possit sufficere ecclesiasticis sacramentis ministrandis, vel
 « pluribus infirmis providendis, et divino cultui peragendo,
 « non est causa sufficiens dividendi parochiam, aut consti-
 « tucudi aliam cum præcedentis præjudicio, neque etiam

« erigendi coadjutoriam; sed in vim Tridentini concilii (sessione 21, capite 4) cogendi per Ordinarium rectores, vel
 « alios ad quos spectat, ad adjungendum sibi tot sacerdotes,
 « quot sufficiunt ad administranda sacramenta et cultum divinum peragendum (Lotterus... Barbosa... Corradus...
 « citantes desuper declarationem Sacræ Congregationis);
 « multoque minus reputabitur pro justa causa constituendi
 « parochiam novam, si ecclesia non sit capax totius populi,
 « ac ita deformis; tum quia neque Tridentinum, neque citatum caput *Ad audientiam* id consideravit; tum quia huic difficultati occurri potest per ampliationem ecclesiæ, vel per
 « exstructionem novæ capellæ in proprietate parochialis antiquæ.» (Leurenus, *Forum beneficiale*, parte 1, quæst. 154, n. 4.)

Eandem doctrinam reperies apud Pignatellum (tomo 4, consult. 230, n. 13) Sacræ Congregationis Concilii necnon Rotæ decisionibus firmatam. In causa *Massanensi*, 9 maii 1840 (in *Thesaurus resolutionum*, tomo 100), illud idem sic exponebat Sacræ Congregationis Concilii secretarius: « Inter necessitatis
 « et utilitatis exempla recenseantur etiam magnus oppidanorum
 « numerus, ac nimia distantia a parœciali ecclesia... Verum
 « adnotant doctores, *ob solum parochianorum numerum*, etsi
 « exorbitanter sit auctus in eodem loco ecclesiæ parochialis,
 « ad subsidiarium dismembrationis remedium non deviniri,
 « cum succurri possit semper per unius vel plurium vicariorum deputationem.» (Atque ibi in probationem adducuntur variae decisiones Rotæ.)

Nota. — Quoad hodiernas parochias civitatis Parisiensis. — Quamvis citati doctores tanquam causam legitimam dismembrationis non admittant populi numerum, etiam *exorbitanter* adauctum, difficile mihi persuadeam id eos intellexisse de numero ita exorbitante, ut ad triginta millia et amplius animarum pertingat, prout in Parisinis parochiis reperitur. Id nempe ante recentiora tempora inauditum fuerat. Ut adeo dici posse videatur, casum hunc non fuisse prævisum; nec

proinde sub dicta regula comprehendi. Quod autem bonum spirituale animarum expostulet ejusmodi ingentissimas parochias in plures dividi (ubi id per circumstantias licet), ne in quæstionem quidem adducendum videtur. Id certe dubium nequaquam habuit Pius VI, qui (in suo brevi *quod aliquantum*, diei 10 martii 1791) statutas per *civilem cleri* Gallicani *constitutionem* sex millium animarum parochias, tanquam *longe longeque unius parochi vires excedentes* lamentabatur in hunc modum : « In maximam Nos etiam adduxit admirationem in-
 « numerabilis earum (*nempe parochiarum Galliæ*) suppressio,
 « cum jam nationalis decreverit conventus, ut in urbibus aut
 « oppidis, in quibus sex capitum millia tantummodo cen-
 « scantur, nonnisi una constitueretur parœcia. Et quo un-
 « quam modo unus parochus sufficere tanto curando populo
 « poterit? Quam ad rem opportunum hic videtur referre,
 « Cardinalem Conradum, a Gregorio IX ad præsideudum Co-
 « loniensi synodo delegatum, hisce verbis interrogasse quem-
 « dam, qui aderat, parochum, quique vehementer contendebat
 « ne illuc fratres ordinis prædicatorum inducerentur : *Quis est*
 « *numerus hominum in parochia tibi subditorum?* Cumque ille
 « *esse novem millia* respondisset, tum Cardinalis admiratione
 « iraque commotus : *Quis es, inquit, tu miserrime, qui tot mil-*
 « *libus sufficis debitam gubernationis curam impendere?* Nescis,
 « *hominum perditissime, quia in illo debes tremendo judicio, ante*
 « *tribunal Christi, de his omnibus respondere?* Et tu si tales habes
 « *vicarios (fratres prædicatores) querularis, qui onus tuum gratis*
 « *relevent, sub cujus pondere nescius conquassaris!* Quia igitur ex
 « *hac querela indignum te cura omnimode judicasti, ideo privo te*
 « *omni beneficio pastoralis.* Et quamvis illic de novem hominum
 « millibus agebatur, hic vero, nimirum a conventus decreto,
 « sex tantum millia unius parochi curæ tribuantur, nihilo
 « tamen minus quis non fateatur, talem etiam numerum longe
 « longeque unius parochi vires excedere; ac consequi pro-
 « pterea debere, ut multi ex parochianis necessario priventur
 « spiritualibus subsidiis, pro quibus ad regulares, qui jam

« suppressi sunt, confugere non valebant? » Nec dicatur questum esse laudatum Pontificem, quod solus *absque vicariis* parochus sex millia parochianorum curare deberet : neque enim *constitutionis civilis* decretum vicarios excludebat. Imo ipsammet sex millium animarum in unica parochia coacervationem repreheudebat, prout totus contextus aperte indicat. Jam vero quid dicturus fuisset Pius VI de hodiernis Parisiis parochiis, triginta et amplius animarum millia complectentibus? Et quæ ipsius meus de parochis illis, qui, dismembrandis hisce parochiis pro pastoralis suo officio adlaborantibus præsulibus, omni qua possunt arte obnitiuntur?

PROPOSITIO III^a. — *Distantia et difficultas accedendi non sunt causa justa dismembrationis, nisi quando ex ipsis oritur magnum incommodum.* — Probatur ex toties citato Tridentino decreto (sess. 21, cap. 4). Nam ibi pro causa legitima dismembrationis assignatur, non quælibet distantia, aut quælibet accedendi difficultas, sed ea dumtaxat quæ talis est, ut parochiani accedere nequeant *sine magno incommodo*. Item in citata decretali *Ad audientiam*, non de qualibet, sed dumtaxat de *magna* accedendi *difficultate* agitur. Ergo revera uisi difficultas accedendi magna sit, seu (quod idem est) magnum generans incommodum; et pariter uisi distantia talis sit ex qua magnum incommodum oriatur, non aderit iusta dismembrationis causa.

Valde autem uotanda sunt verba illa *sine magno incommodo* (in Tridentino textu), *sine magna difficultate* (in capite *Ad audientiam*) : nam ex iis concludendum venit, non sufficere distantiam vel aliam difficultatem quæ *mediocre* dumtaxat incommodum generet; sed talem requiri ex qua *magnum* oriatur. « Caput citatum *Ad audientiam*, inquit Leurenus, non « quæcumque distantiam, sed talem quæ est cum magno incommodo; item necessitatem non quamlibet, sed evidentem (quæ est talis, ut ei aliud remedium aptari nequeat), pro « causa sufficiente talis dismembrationis et novæ parochialis « constitutione requisivit. » (*Forum beneficiale*, parte 1, quæstione 154.)

PROPOSITIO IV. — *Ad legitimam dismembrationem, non simul requiritur distantia et difficultas accedendi; sed una ex istis causis absque altera sufficere potest.* — Contingere potest ut parochianorum pars aliqua, licet parum a parochiali ecclesia distet, nequeat tamen ad eam accedere absque magno incommodo : eo quod nempe interfluat torrens, vel intersit via ferrea, aut aliud ejusmodi obstaculum. Porro dicimus sufficere posse solam distantiam, vel solam prædictam accedendi difficultatem. Atque id concludimus ex Tridentina lege (sess. 21, c. 4). Ibi siquidem disjunctive ponitur, *ob locorum distantiam sive difficultatem* : ex qua formula rigorose concluditur sufficere unam ex istis causis; id est, vel distantiam, vel difficultatem.

Et ita legem illam esse intelligendam tradunt communiter canonistæ, inter quos sic Fagnanus (in caput *Ad audientiam, de Ecclesiis ædific.*, n. 19) : « Infertur secundo ut similiter
« *justa sit erectionis causa, si inter populum alicujus villæ, et*
« *parochialem, torrens vel flumen aliquod intercedant, quæ*
« *nec pontem habeant, nec vado transiri possint...* Unde
« *cumque enim proveniat magna difficultas percipiendi sacra-*
« *menta, dicitur subesse justa causa erigendi novam paro-*
« *chiam, u ex dictis patet. Ideoque concilium Tridentinum*
« *(in dicto capite 4 sessionis 21) alternative loquitur, ibi : ob*
« *locorum distantiam, sive difficultatem. Ita ut propterea alter-*
« *utrum sufficiat.* »

PROPOSITIO V. — *Ut constet de magno incommodo ex distantia vel ex alia difficultate accedendi, necesse non est aliquos infantes absque baptismo, vel alios absque sacramentis decessisse.* — Nam citatum decretum Tridentinum et decretalis *Ad audientiam*, requirunt dumtaxat magnum ex distantia vel alia difficultate incommodum ; sed magnum illud incommodum et existere et probari potest, antequam infantes sine baptismo, vel adulti sine sacramentis decesserint : ergo ut satis constet de justa dismembrationis causa, nequaquam requiritur jam evenisse lugendum ejusmodi casum.

Quæ cæteroquin doctrina communiter a canonistis traditur,

et fuit a Sacra Congregatione Concilii expresse decisa, prout satis constat ex sequentibus Fagnani verbis : « Causa quæ
« justifieat erectionem novæ parochiæ, est magna difficultas,
« seu magnum incommodum parochianorum adeundi eccle-
« siam matricem ad percipienda sacramenta et divina officia
« audienda; ut hic (*nempe in decretali Ad audientiam*) patet
« expresse, et in præallegato decreto concilii Tridentini
« (cap. 4, sess. 21). Aliqualis ergo incommoditas non sufficit.
« Non tamen requiritur ut parochiani aliquando decesserint
« sine sacramentis : neque id exigunt Hostiensis, Abbas et
« doctores; sed tantummodo hujusmodi casus mentionem
« faciunt per modum exempli. Unde satis est ad validitatem
« erectionis, ut immineat periculum ne sic decedant : neque
« hujusmodi eventus est expectandus; quia potius prævenien-
« dum ne contingat; cum satius sit occurrere in tempore,
« quam post exitum vindicare... Et ita censuit Sacra Congre-
« gatio Concilii, videlicet pro erectione novæ parochiæ non esse
« expectandum ut parochiani absque sacramentis decesserint.
« Quod bene nota, quia frequenter audiivi parochorum que-
« relas, quod Episcopi processerint ad erectionem novæ paro-
« chiæ, absque eo quod ullus ex parochianis unquam obierit
« sine sacramentis. » (In caput *Ad audientiam*, de *Ecclesiis
ordific.*, n. 16 et seq.)

PROPOSITIO VI^a. — *Quando adest magnum incommodum, sed
cui occurri potest aliter quam per dismembrationem, sat recepta
est apud doctores sententia, non posse tunc Episcopum ad dismem-
brationem procedere : cui tamen sententiæ validæ rationes opponi
posse videntur.* — Ut quæstio hic solvenda recte intelligatur,
exemplo eam illustrabimus. Supponatur in aliqua parochia no-
tabilem populi partem adeo procul ab Ecclesia degere, ut re-
vera nequeat *sine magno incommodo* congruis temporibus ad
eam accedere. Supponatur insuper posse occurri huic incom-
modo cappellam exstruendo in hac parte nimis dissita, et de-
putando aliquem parochi vicarium sive coadjutorem, qui ibi-
dem commoretur et sacramenta ministret. Quæritur utrum

in hoc casu Episcopus possit parochiam dismembrare et novam erigere; an vero id nequeat, ex hoc ipso quod adhiberi tunc possit aliud dictum remedium? Porro de hac quæstione duo in thesi posuimus: 1° sat receptam videri opinionem quæ in hoc casu Episcopo denegat facultatem dismembrandi; 2° huic tamen sententiæ opponi posse rationes, quæ gravitate non carent. Probandum nunc utrumque assertum.

1° Multorum doctorum opinio est, non posse Episcopum in dicto casu ad dismembrationem et novæ parochiæ erectionem procedere. «Dato etiam (ait Pignatellus, tomo 4, consult. 230, « n. 20) quod bene probaretur talis distantia loci ac difficul-
« tas accessus, ita ut vere parochianis inferret *magnum incom-*
« *modum* requisitum, tam ex dispositione capitis *Ad audien-*
« *tiam*, quam ex sacro concilio Tridentino (capite 4, sess. 21),
« non tamen exinde videtur statim deduci sufficiens causa
« dismembrationis; cum ad hunc effectum ut dicatur suffi-
« cius, necesse sit ulterius quod aliter commoditati paro-
« chianorum consuli non possit (Rota, in dicta *Albinganensi*,
« decisione 464, n. 4, *recentiorum*; ac resolvit Riccius). Et
« generatim dispositionem dicti capitis *Ad audientiam* et de-
« cretum Tridentinum procedere, quando aliter provideri
« non potest necessitati nisi ex dismembratione, judicavit
« Rota (in sæpe allegata *Comensi*, 22 junii 1648, coram Car-
« dinali Corrado). »

Consonat Leurenus (*Forum beneficiale*, parte 1, quæst. 154, n. 4): « Caput *Ad audientiam*, inquit Leurenus, uti et caput 1
« de *Rebus Ecclesiæ non alienandis*, in 6, non quamcumque di-
« stantiam, sed talem quæ est cum magno incommodo; item
« necessitatem non quamlibet, sed evidentem, quæ est talis,
« ut ei aliud remedium aptari nequeat, pro causa sufficiente
« talis dismembrationis et novæ parochialis constitutione re-
« quisivit. »

Idem videtur innere Cardinalis de Luca, dum (discursu 42, n. 5, de *Parochis*) ad justam dismembrationis causam requirit, ut sit talis, quod alias consuli non valeat cum provisione ecclesiæ

adjutricis et capellani in ea residentis pro aliquo impedimento temporaneo et accidentali. Et simile quid reperies in ejusdem auctoris annotationibus ad concilium Tridentinum (discursu 16, n. 2). Unde revera valde vigere apud doctores dictam opinionem fatendum est.

2° Validis tamen rationibus propugnari posse videtur contraria conclusio, quod nempe in dicto casu possit Episcopus ad dismembrationem procedere. Id euim concludi potest,

PRIMO, *ex ipso legis textu.* — Nam Tridentini patres (cap. 4, sessione 21) expresse decernunt, ut Episcopi *novas parochias, etiam in vitis rectoribus, constituere possint, in iis locis, in quibus ob locorum distantiam seu difficultatem, parochiani sine magno incommodo ad percipienda sacramenta et divina officia audienda accedere non possunt.* Ibi autem nequaquam ponitur illa restrictio, *modo non adsit aliud medium occurrendi incommodo;* sed absolute et expresse tribuitur Episcopis dicta potestas, in casu *magni incommodi ex distantia vel alia difficultate.* Ergo revera hanc potestatem habent Episcopi absque prætensa restrictione. Ergo ubi datur casus magni incommodi ex distantia vel alia difficultate, licet posset consuli huic incommodo per deputationem vicarii vel coadjutoris in loco nimis dissito commorantis, et ibi sacra ministrantis, non tamen obligari censendus est Episcopus ad hoc remedium adhibendum; sed potest etiam, si velit, ad dismembrationem et novæ parochiæ erectionem tunc procedere. Nec videntur contrariæ opinionis canonistæ ulla satis solida ratione fundari, ad ponendam restrictionem quam lex non posuit.

SECUNDO, *ex natura ipsa prætensæ restrictionis,* quæ fere inane redderet Tridentinum decretum. — Nam si nequeat Episcopus novam parochiam, dismembrata antiqua, erigere, nisi in casu, quo satis consuli non posset parochianis nimium distantibus, per cappellam et vicarium apud ipsos commorantem, vix videtur quandonam dismembrationi locus esse possit. Ubi enim constitui posset parochialis ecclesia, a fortiori et facilius constitui poterit simplex cappella; et ubi de-

gere posset novus parochus, a fortiori degere poterit vicarius aut coadjutor. Aliunde per ejusmodi cappellam et vicarium removetur magna illa parochianorum difficultas sacramenta recipiendi et divina officia audiendi. Ergo vix unquam daretur casus quo Episcopo liceret ad dismembrationem procedere. Ergo Tridentini patres Episcopis contulissent potestatem fere chimericam; quod nequaquam admitti posse videtur.

Cæteroquin et ipse Pignatellus (loco citato, n. 9) huic posteriori opinioni suffragari videtur; sic enim habet: « Quin
« imo si constiterit quod via sit montuosa, aspera, lutuosa, ac
« ita ardua ut parochiani sine magno incommodo, imo etiam
« periculo ad parochialem accedere nequeant..., non solum
« reputatur necessaria deputatio vicarii, verum etiam dis-
« membratio sive erectio novæ parochiæ, juxta ea quæ tradit
« Rota (in Lucana, dismembrationis 9 maii 1611 coram Ot-
« tembergo; et decisione 59, n. 2, coram Martino Andrea).» In hoc certe casu tolli posset incommodum per solam cappellæ constitutionem et vicarii deputationem. Et nihilominus, ipso fatente Pignatello, datur tunc locus dismembrationi.

Hinc forte dicendum, voluisse Tridentinos patres ut Episcopi possent ad dismembrationem devenire, etiam in casu quo aliter removeri posset incommodum; quando ad salutem animarum utilior ipsis videtur novæ parochiæ erectio; nec requiri a Tridentina synodo aliam conditionem, quam ut verificetur magnam parochianorum incommodum.

PROPOSITIO VII^a. — *Ad determinandum quando adsit magnum incommodum, sive ex distantia, sive ex difficultate accedendi, nulla datur a jure regula; ac proinde id Ordinarii judicio relinquitur.* — Textus juris, quibus facultas fit Episcopo ad dismembrationem procedendi, sunt caput 4 sessionis 21 Tridentinæ synodi, et supra citata decretalis *Ad audientiam*. Porro in istis textibus nullatenus declaratur quodnam incommodum pro magno habendum sit, quænamve difficultas inter magnas sit reponenda. Nec alibi in jure reperitur hujusmodi declaratio. Hoc ipso autem quod jus, dictam facultatem faciendo Episco-

pis in casu *magni incommodi*, non declaraverit in quo stet ejusmodi incommodum, id ipsorum æstimationi et judicio relictum voluit. Quam conclusionem sic exponit Fagnauus (in caput *Ad audientiam, de Eccles. ædific.*, n. 18): « Quanta autem « debeat esse hujusmodi distantia seu parochiæ amplitudo, « ad hoc ut parochiani dicantur non posse *sine magno incom-* « *modo*, ad ecclesiam accedere, cum jure definitum non sit, « judicis arbitrio relinquatur (capite *de Causis, de Officio de-* « *leg.*). » Circa hujusmodi distantiam, ait Pignatelli, vel diffi- « cultatem accedeudi ad ecclesiam parochialem, totum pendet « ab ejus (*nempe Ordinarii*) judicio atque arbitrio. » (Pignatelli, tomo 4, consult. 130, n. 3.)

Dum autem dicitur æstimationem de magno incommodo stare peues Episcopum, id ita intelligendum est, ut simul penes dismembratæ parochiæ rectorem, et alios quorum interest, remaneat facultas appellandi a decreto Episcopi: de qua appellatione, quæ devolutivum dumtaxat effectum habet, infra disserimus.

PROPOSITIO VIII^a. — *Regulariter loquendo, duo millia passuum habentur pro distantia sufficienti, ut ad dismembrationem procedi possit.* — Cum nempe notabilis aliqua pars parochiautorum plus quam duobus passuum millibus a parochiali ecclesia distat, communiter æstimant canonistæ adesse *magnum* incommodum, ac proinde justam dismembrationis causam; idque pro generali regula tradere solent: pro *generali*, inquam, regula; nam simul monent id non esse ita rigorose accipiendum, ut ex variis aliis circumstantiis ab ea quandoque recedi nequeat.

De hac communi doctorum æstimatione sic adnotatur in *Thesauro resolutionum* (tomo anni 1800, pagina 178): « Quæ « distantia, cum a sacris canonibus definita non sit, ex com- « muni canonistarum sententia idonea ad dismembrationem « obtinendam æstimatur, si duplicis sit milliaris, ut docet « Ursaya (discept. 14, n. 11, tom. 1), et Rota (decis. 39, n. 4, « coram Peutinger). »

Item in tomo anni 1803, pagina 92, in Anconitana 30 aprilis 1803, § *Cum nullus* : « Satis reputatur distantia duplicis « milliaris ut dismembratio fiat, teste Fagnano (in caput *Ad « audientiam, de Ecclesiis ædificandis*, n. 19), Pirrhing (in *Jus « canon.*, cap. 16, n. 19) et Sacra Congregatione (in *Ariminensi « erectionis parochiæ*, 18 junii 1789; et in *placentina dismem- « brationis*, 28 maii 1791). »

Sed, ut diximus, quantumvis hæc duplicis milliaris regula communiter a doctoribus tradatur, in unoquoque casu particulari ex circumstantiis præcipue æstimandum est *magnum illud incommodum*, a jure requisitum, ut dismembrari parochia queat. Nec etiam pro regula sumi potest hæc aut altera Sacræ Congregationis Concilii, aut Rotæ, decisio; quia, pari stante distantia vel asperitate itineris, fieri potest ut dicta Congregatio in uno casu dismembrationem approbet, in altero autem rejiciat; ob alias nempe quæ intervenire possunt diversas circumstantias; prout sapienter adnotat Cardinalis de Luca (*Annotationes ad concilium Trid.*, discursu 16, n. 2). Cæterum ad Ordinarium pertinet de magno illo incommodo judicare : ad rectorem autem parochiæ dismembratæ appellare, si putet non adfuisse justam causam; quæ tamen appellatio (ut dicitur infra) non habet nisi effectum devolutivum.

PROPOSITIO IX^a. — *Ex eo quod adsit justa dismembrationis causa, non potest Episcopus partem populi distrahere a sua parochia, et alteri jam esistenti parochiæ addicere.* — « An autem « quibus in casibus ex decreto concilii (sessionis 21, capite 4) « potest Episcopus novas parochias erigere, possit etiam, loco « erectionis faciendæ, certam partem populi separare ab antiqua parochia, et alteri commodiori applicare, si vel exiguus numerus populi, vel inopia, vel alia causa impediat « erigi novam parochiam? — Responsum est (*nempe a Sacra « Congregatione*) non posse ex decreto concilii. » (Fagnanus, in caput *Ad audientiam, de Eccles. ædific.*, n. 25.) Et ita repeties communiter a doctoribus traditum.

CAPUT V.

QUÆNAM SINT FORMALITATES REQUISITÆ UT CANONICE FIAT
AB EPISCOPO DISMEMBRATIO ET ERECTIO.

Superiori capite diximus quam ex causa procedi possit ad novæ parochiæ erectionem, antiquam dismembrando. At non sufficit adesse causam legitimam. Ut enim canonice fiat ejusmodi erectio et dismembratio multa insuper observanda sunt, ne alioquin nullitate laboret Episcopi decretum. De iis formalitatibus seu requisitis nunc venit disserendum.

REQUISITUM I. — *Debet fieri processus ad verificandum an revera adsit justa causa novam erigendi parochiam.* — De hoc requisito sic habet Leurenus (*Forum beneficiale*, parte 1, quæstione 157, n. 2) : « Respondeo (1), ex Corrado, servanda
« esse sequentia; ob quæ et similia non servata, sæpe hujus-
« modi erectiones pro invalidis declaratas esse habet expe-
« rientia, eodem Corrado teste : primo, ut Episcopus inquirat
« an dictæ causæ sufficientes hic et nunc vere adsint; verbi
« gratia, an prima parochialis tam sit ampla, ut tempore
« hyemali ob inundationes et nives parochiani non possint
« sine magno incommodo congruis temporibus adire paro-
« chiam. Nam, ut addit Lotterus, hujusmodi causæ veritas non
« debet dependere ex assertionem partium, vel etiam ipsius
« Episcopi, aut alterius dismembrationem autorizantis; sed
« de ea debet positive constare ex processu desuper facto;
« etsi non scrupuloso et juxta juris subtilitatem, sed simplice
« (ut dicitur in una Toletana, parochialis, de Madrito, 19 no-
« vembrii 1601). Sufficiet tamen pro verificatione causæ
« accessus Ordinarii ad locum, illiusque inspectio. »

REQUISITUM II. — *Ut sufficiens sit numerus parochianorum,*

(1) Nempe ad questionem, quænam formalitates requirantur.

novæ parochiæ adscribendorum : ubi et quinam sit ille numerus.

— Non posse novam parochiam erigi absque sufficienti parochianorum numero, extra controversiam est : atvero quisnam sit ille sufficiens numerus, non una fuit doctorum sententia. « Principaliter (ait Fagnanus, n. 28, in caput *Ad audientiam, de Ecclesiis ædific.*) ad erectionem novæ parochiæ requiritur, « ut in illa parte parochiæ antiquæ ubi nova parochia est erigenda, sit competens numerus parochianorum. Et quidem « Rota (decisione 380, n. 8 et 29, partis 5, recentiorum) « videtur tenere, ad hoc non sufficere quatuor domos et duodecim animas aptas ad communionem (per caput *Unio, causæ 10, quæstionis 3*). Sed certe ille textus magis innuit « ut sufficiant decem animæ : ait enim : *Ecclesia quæ ad decem habuerit mancipia, super se habeat sacerdotem : quæ vero minus decem mancipia habuerit, aliis conjungatur ecclesiis.* Et merito ; « quia decem faciunt plebem, ut ait ibi glossa. Item concilium « Tridentinum, dicto capite 4, sessionis 21, videtur requirere « ut nova parochia habeat populum, ut patet ibi : *compellere possit populum.* At decem homines populum faciunt (ut notat glossa... et Bartolus...). Insuper adverte, ne decipiaris, quia « dum Rota ad hoc requirit sufficientem numerum animarum, « quæ sint aptæ ad communionem, hæc aptitudo non est necessaria ; quia usum rationis habentes, tametsi non sint apti « ad communionem, tenentur tamen semel in anno confiteri « proprio sacerdoti, et missam audire dominicis et festis diebus ; eisque dari debet sacra unctio : baptismus vero etiam « parvulis. Ergo si parochiæ incolæ ad ecclesiam sine magna « difficultate ad hujusmodi sacramenta recipienda et divina « audienda accedere nequeant, sive sint ad communionem « apti, sive non, succurrendum est eis remedio hujus capitis. »

Communiior videtur opinio quæ requirit saltem decem familias. Quam opinionem sic exponit Leurenus (*Forum beneficiale*, parte 1, q. 160) : « Ad minus decem familiis constare « debet.... Et licet Corradus dicat sufficere decem personas

« ad constituendam parochiam, id tamen intelligit de paro-
 « chia semel constituta, quod ea persistat, modo 10 personæ
 « remaneant. » Vide in *Thesouro resolutionum*, tomo 100,
 causam civitatis Castellanae, 14 martii 1840, § *de Hoc*, et
 § *Atqui*.

REQUISITUM III. — *Citandus est dismembrandæ parochiæ*
rector, et alii quorum interest, ut dicant si quid opponendum
habeant. — Hujus formalitatis necessitatem sic exponit Fagna-
 nus (in caput *Ad audientiam, de Ecclesiis ædific.*, n. 29) : « Re-
 « quiritur ad erectionem novæ parochiæ ut citetur rector
 « matricis ecclesiæ : nam etsi erectio fieri possit etiam ipso
 « invito, ut ostensum est supra, tamen non potest fieri nisi
 « eodem citato et requisito (ut capite *Multis consiliis*, et capite
 « *Felix*, et capite sequenti, causæ 16, quæstionis 1; et tenet
 « glossa... et Lopus...). Et jam censuit Sacra Congregatio ad
 « erectionem novæ parochiæ non esse procedendum aliter,
 « quam citato rectore parochialis, intra cujus fines nova pa-
 « rochia fuerit erigenda; et erectionem, omissa hujusmodi ci-
 « tatione ab Ordinario factam, nullius momenti existere.

« Nec tantum rectoris Ecclesiæ, sed etiam aliorum omnium
 « quorum interest, prærequiritur citatio. Unde quærenti an
 « requiratur consensus rectoris, vel commendatoris, aut ma-
 « gni Magistri ad erigendam novam parochiam, infra limites
 « parochialis subjectæ ordini sancti Joannis Hierosolymitani,
 « responsum est ad erectionem posse procedi etiam invito
 « rectore, dum tamen præcesserit citatio tam ipsius, quam
 « omnium aliorum quorum interest : cæterum etsi nulla vi-
 « deatur erectio ob defectum citationis, tamen si causæ eri-
 « gendi subessent, licere Episcopo de novo erigere : ideo
 « scribendum viciniore Episcopo ut se instruat de causis; quæ
 « si suberunt, peti poterit confirmatio a Sanctissimo. »

Cardinalis de Luca (*de Parochiis*, discursu 35, n. 6), necnon
 Leurenus (*Forum beneficiale*, parte 1, q. 157, n. 4) videntur
 pro necessaria formalitate habere, non tantum citationem, sed
 etiam *consensum* rectoris dismembrandæ parochiæ. Sed hoc

intelligendum est eo sensu quod, nisi consentiat, potest appellare. Atvero appellatio non habebit effectum suspensivum, sed dumtaxat devolutivum, ut dicemus infra. Unde remanet posse Episcopum ad dismembrationem procedere, etiam dissentiente parcho, modo citatus fuerit. Quod cæteroquin certum omnino faciunt Tridentini decreti verba, *etiam invitis parochis*.

Firmata autem præsentis requisiti III regula, solvenda remanet triplex quæ circa eam occurrit difficultas : nempe,

Quæritur 1° : Quisnam citari debeat, quando parochiæ dismembrandæ cura *actualis* penes unum, *habitualis* vero penes alterum residet? — Respondeo citandum esse illum penes quem residet habitualis cura, non vero vicarium illius curatum. « Rector beneficii (inquit Leurenus) cujus hic consensus (1) requiritur, non est vicarius cui solum curæ exercitium commissum, sed penes quem residet cura habitualis. » (*Forum beneficiale*, parte 1, q. 157, n. 4.) Pro qua doctrina vide ibidem adductas a Leurenio auctoritates. Hinc si dismembranda foret, verbi gratia, parochia aliqua cathedralis in Gallia, non citandus foret curatus cathedralis, sed capitulum; cum in Galliarum plerisque cathedralibus capitulo unita fuerit animarum cura, et penes capitulum resideat *in habitu*, quamvis per vicarium curatum exerceatur.

Quæritur 2° : Quid agendum in casu quo parochia dismembranda rectore vacaret? — Cum tunc citari nequeat parochiæ rector, vel procrastinanda est dismembratio donec novus parochus præficiatur, vel debet Episcopus aliquem deputare, qui sub *defensoris parochiæ* nomine, quoad hoc vices rectoris agere atque ipsius jura exercere possit. Quod pariter (loco citato) tradit Leurenus his verbis : « Ubi vero vacaret Ec-

(1) Non requiritur consensus nisi sensu modo explicato; id est sufficit dismembrandæ parochiæ rectorem citari, et postulari ejus consensum; quem si renuat, valebit nihilominus decretum episcopale dismembrationis; et appellatio rectoris dissentientis non habebit nisi effectum devolutivum.

« clesia dismembranda, debet in ordine ad hunc effectum illi
« deputari ab Episcopo defensor, qui corrumpi nequeat, cujus
« sit disquirere de legitimitate et veritate causæ. (Lotterus...
« citans glossam...) »

Queritur 3° : Quando parochia dismembranda est juris patronatus, num requiratur consensus, vel saltem citatio patronorum? — Respondeo 1° : « Consensus patronorum minime
« requiritur vel curatur. Lotterus..., citans late sic decisum a
« Rota. » (Leurenus, loco citato.) — Respondeo 2° videtur tamen citandos esse patronos; cum, ex traditis supra a Fagnano, citandi sint *omnes quorum interest*, et patroni de hoc numero censendi sint.

REQUISITUM IV. — *Dum erigitur nova parochia, debet determinari ejus extensio, sive per certi alicujus territorii, sive saltem per certarum familiarum assignationem.* — Etenim distingui ab invicem parochias, et certum unicuique addici populum præscripsit Tridentina synodus. Et regulariter quidem distinguuntur parochiæ, et determinatur uniuscujusque populus per territorialem circumscriptionem. Atvero juri canonico non repugnat ut constituatur aliqua parochia per certarum dumtaxat familiarum assignationem; quia hoc modo satis certus et distinctus est ipsius populus. Et de facto plures post Tridentinam etiam synodum exstiterunt ejusmodi parochias, et tauquam canonicam a Sacra Congregatione Concilii haberi eam formam, patet ex variis causis in *Thesouro resolutionum* relatis, et passim adnotant canonistæ. « Respondeo, ait Leurenus, parochiam
« quamlibet, regulariter loquendo (quod addo ob parochias
« distinctas tantum certis familiis, alias promiscue habitantibus),
« debere habere territorium suum separatum et divisum, in quo non est licitum alteri parochiæ aliquid facere. » (*Forum beneficiale*, parte 1, q. 160.)

REQUISITUM V. — *Requiratur capituli consensus, tum quando Episcopus procedit jurisdictione ordinaria; tum etiam quando procedit tanquam Sedis Apostolicæ delegatus, modo dismembratio sit de iis quas posset ex jurisdictione ordinaria facere.* — Pro conclu-

sionis hujus gravitate, lectorem præmonens ut ad ejus sensum sedulo attendat. Potest scilicet contingere ut antiquæ parochiæ dismembratio, et novæ erectio nequeat ab Episcopo fieri ex jurisdictione ordinaria. Id, verbi gratia, contingit quando dismembranda parochia gaudet privilegio exemptionis, ita ut ordinariæ Episcopi jurisdictioni non subjaceat. Tunc eam dismembrare Episcopus nequit, nisi procedendo tanquam Sedis Apostolicæ delegatus. Et in hoc casu dicimus non requiri capituli consensum. Atvero in cæteris casibus, sive procedat ex jurisdictione sua ordinaria, sive etiam tanquam Sedis Apostolicæ delegatus, dicimus necessarium esse assensum cathedralis capituli.

Quomodo autem conclusio hæc nostra, non parum olim fuerit inter doctores controversa, postea vero communiter recepta sit, et variis Sacræ Congregationis Concilii decisionibus firmata, satis patebit ex Fagnano (in caput *Ad audientiam* 3, de *Ecclesiis ædific.*, n. 49), cujus doctrinæ hæc summa est :

1º Expendit quomodo solvi deberet quæstio, si attenderetur duntaxat ad jus commune ante Tridentinam synodum vigans.

« An Episcopus, inquit, in nova parochia intra fines parochiæ
 « alterius erigenda teneatur adhibere consilium vel consen-
 « sum capituli? — Hostiensis et Joannes Andreas tenent Epi-
 « scopum debere hoc facere de capituli *consilio* (per caput
 « *Pastoralis, de Donationibus*); et consentiunt Butrio, Cardinalis
 « et alii. Sed certe ille textus exigit *consensum*, ut patet in
 « extremis verbis, ibi : *consensus est sui capituli requirendus*;
 « ubi hoc tenet glossa... Et merito; quia cum hæc divisio pa-
 « rochiæ, et dismembratio redditum ad matricem ecclesiam
 « pertinentium, sit instar alienationis rerum ecclesiæ, sine
 « capituli consensu fieri non potest (ut capite *Cum nos*, capite
 « *Tua*, et capite *Pastoralis, de His quæ fiunt a prælato*; et capite
 « *Dudum, de Rebus, ecclesiæ non alienandis*, in 6). Præterea in
 « ecclesiis adinvicem uniendis necessarius est capituli consen-
 « sus (Clementina *Si una* 2, tituli 4, libri 3; et capite *Pasto-*
 « *ralis, de Donationibus*) : ergo et in parochiis dividendis...

« Idcirco autem Hostiensis et alii requirunt consilium capituli,
 « quia in dismembratione parochiæ præcedere debet tractatus
 « (ut resolvit Rota, decisione 1, de *Rebus ecclesiæ non alienandis*,
 « in novissimis); unde in consilio includunt etiam consensum...
 « Hæc procedunt inspecta juris communis (1) dispositione.
 « Sed ex jure novissimo concilii Tridentini res est magis am-
 « bigua. »

2° Exponit Fagnanus quomodo ex textu Tridentino oriatur ratio dubitandi, num revera capituli consensus ad legitimam dismembrationem prærequiratur : « Ratio dubitandi, inquit,
 « oritur ex decreto dicti capituli 4, sessionis 21, ubi facultas
 « constituendi novas parochias tribuitur Episcopis, *etiam tan-*
 « *quam Sedis Apostolicæ delegatis*. Clausula enim illa, quæ ha-
 « betur in principio textus, censetur repetita in paragrapho
 « *In iis vero*, qui venit continuative ad præcedentia, ut alias
 « fuit resolutum. At quando Episcopus procedit tanquam de-
 « legatus Apostolicæ Sedis, non requiritur capituli consen-
 « sus... Quoniam, etsi potestas Episcopi, propter conjunctio-
 « nem quæ est inter ipsum et capitulum suæ Ecclesiæ, sit
 « arcata ad consensum vel consilium hujusmodi adhibendum
 « (ut capite *Novit, de His quæ fiunt a Prælato*; et dicta Clemen-
 « tina *Si una*), tamen in Legato, qui cum capitulo hujusmodi
 « unionem non habet, hoc non reperitur jure cautum... Quia
 « sicut Sedes Apostolica non tenetur requirere consensum ali-
 « cujus inferioris, ita nec legatus, qui vices ipsius obtinet...

« In contrarium facit, quia decretum dicti capituli 4, quam-
 « vis tribuat Episcopis potestatem delegatam, tamen disertis
 « verbis exprimit ut ea potestate uti possint *juxta formam*
 « constitutionis Alexandri III quæ incipit *Ad audientiam*; et sic
 « videtur se restringere ad formam juris communis. Sed de
 « jure communi in erectione novæ parochiæ adhibendus

(1) Juris *communis* appellatione, ibi intelligit Fagnanus jus commune ante Tri-
 dentinam synodum vigens, Quem loquendi modum usurpatum reperies apud ceteros
 etiam hujus ævi canonistas. Jus autem ex Tridentinis dispositionibus exurgens,
novissimum vocitant.

« est consensus capituli, ut ostensum est supra; ergo hujus-
 « modi consensus erit adhibendus etiamsi fiat erectio aucto-
 « ritate delegata. Et est simile in capite 5 sessionis 21, ubi
 « tribuitur Episcopis tanquam Sedis Apostolicæ delegatis facul-
 « tas faciendi uniones parochialium ecclesiarum: et tamen quia
 « ibi expressum est ut uniones hujusmodi fieri debeant juxta
 « formam juris, ex Sacræ Congregationis sententia requiritur
 « capituli consensus, prout requiritur de jure. »

3º Sic expositis pro et contra rationibus, quid teneendum sit concludit Fagnanus hoc modo: « Quid dicendum? — Cum
 « Episcopus hoc casu duplicem habeat potestatem, unam sci-
 « licet ordinariam, quæ illi competit ex dispositione hujus
 « decretalis (*Ad audientiam*), cique non fuit adempta a concilio
 « Tridentino; alteram vero delegatam, quæ illi tribuitur in
 « dicto capite 4, et accumulatur potestati ordinariæ per illa
 « verba *etiam tanquam Sedis Apostolicæ delegati* (ponderando
 « vocem *etiam*, quæ est augmentativa et implicativa præce-
 « dentium); videtur sic distinguendum: aut in erectione novæ
 « parochiæ Episcopus procedit jure delegato *in eo casu in quo*
 « *jure ordinario non potest procedere* (puta quia erectionem fa-
 « cit in parochia subjecta regularibus exemptis); et hoc casu
 « existimo non requiri consensum capituli. Capitulum enim
 « hoc casu non potest conqueri, quod se inconsulto fuerit pro-
 « cessum ad erectionem; cum Papa, cujus vices gerit delega-
 « tus, ad illius consensum requirendum non adstringatur. —
 « Aut procedit ad erectionem autoritate delegata, *in eo casu*
 « *in quo potest jure ordinario* (puta, in parochia non exempta);
 « et tunc censeo necessarium esse consensum capituli, sicut
 « erat in jure veteri, cujus dispositionem hac in parte concilium
 « Tridentinum non sustulit... Et hanc distinctionem in
 « Legato de latere probavit in effectum Marianus Socinus...; ut
 « scilicet si procedat *jure ordinario legationis*, teneatur adhi-
 « bere capituli consensum, ad eum modum quo Ordinarius
 « tenebatur: secus si procedat *speciali jure delegationis*. Et
 « eandem distinctionem probavit Sacra Congregatio in materia

« appellationis interponendæ, ad Metropolitanum, vel ad Sedem Apostolicam. »

REQUISITUM VI. — *Novæ parochiæ assignanda est dos competens, ex qua parochus convenienter sustentari queat.* — « Requiritur
« (ait Fagnanus, in caput *Ad audientiam* 3, de *Ecclesiis ædif.*,
« n. 31), ut ecclesiæ construendæ dos competens assignetur
« (ut capite *Nemo, de Consecr.*, distinct. 1). Et jam censuit Sacra Congregatio, in erectione novarum parochiarum prius
« eogitandum de dote. »

Ex illa autem regula, omniuo certa, et ab omnibus admissa, duplex statim oritur questio : nempe.

Queritur 1°. Unde sit dos illa competens desumenda ? —
« Respondet Cardinalis de Luca (*de Decimis*, discursu 12,
« n. 8), cum ad istiusmodi novas erectiones cum tali dis-
« membratione procedi non soleat, nisi cum minimo, quo
« fieri potest, antiquæ ecclesiæ præjudicio, adeoque ut patia-
« tur quidem præjudicium illud diminutionis jurisdictionis
« populi, alterumque hinc natum diminutionis emolumento-
« rum parochialium, non vero illud diminutionis decimarum,
« in quo frequenter præcipua parochiarum dos consistit ;
« hinc Ordinarios solere ad istas novas erectiones, quæ sunt
« cum formali dismembratione, procedere, quatenus illa pa-
« rochianorum pars vel communitas quæ id petit, et cujus iu-
« terest istam dismembrationem fieri, congrue dotet novam
« parochiam. Adeo ut antiquæ dos illud detrimentum saltem
« in hac parte non patiatur : possuntque, si necesse est,
« compellere ad hoc parochianos illos Ordinarii. Quibus tamen
« non obstantibus, possunt iidem Ordinarii, præsertim ubi
« proventus matricis copiosi sunt, et parochianorum pars illa
« avulsa egentior, ex fructibus quomodocumque ad matri-
« cem pertinentibus hanc novæ ecclesiæ dotem, et novi re-
« ctoris congruam desumere. » (Leurenus, *Forum beneficiale*,
parte 1, quæstione 159, n. 1.)

Plenior et clarior Fagnani ad eandem quæstionem respon-
sio : « Si aliquis reperiat, qui velit eam ex bonis propriis

« competenter dotare, omnia erunt plana. Alioquin in consti-
 « tutione dotis hoc ordine erit procedendum. Primo enim
 « competens portio pro sustentatione rectoris assignanda erit
 « ab Episcopo ex redditibus ad matricem ecclesiam quomodo-
 « cumque pertinentibus (ut dicto capite 4, sessionis 21). Id-
 « que, ex sententia Congregationis, procedit, etiamsi eccle-
 « sia matrix esset cathedralis, et quæcumque matrix; et posse
 « assignari portionem ex redditibus illius matricis dumtaxat,
 « non autem ex aliis ecclesiis. Quod si redditus hujusmodi in-
 « sufficientes sint, nec sit aliquis qui velit illos augere, cogen-
 « dus erit... populus ea subministrare, quæ ad vitam rectoris
 « sustentandam sufficiant. Si populus inopia laboret, tenebitur
 « Episcopus ex mensa sua. Demum si nimia egestas omnes
 « excuset, sacerdos novæ ecclesiæ præficiendus propriis ma-
 « nibus victum sibi comparabit... Posse etiam Episcopum fa-
 « cere beneficiorum unionem pro nova parochia in terminis
 « concilii erigenda, si non sint fructus vel obventiones ex
 « quibus deduci possit portio, ex voto Sacræ Congregationis
 « Concilii dixit sanctæ memoriæ Gregorius XIII.» (In caput *Ad
 audientiam* 3, de *Ecclesiis ædif.*, n. 32 et seq.)

Quibus in antecessum adductis auctoritatibus, videtur sic
 strictius resolveri posse quæstio :

Primo. — Desumenda est dos ex redditibus antiquæ paro-
 chiæ, modo tamen ita abundant ut, distractione illa facta, ad-
 huc sufficiant ad convenientem parochi sui sustentationem.
 In Tridentino enim decreto (c. 4, sess. 21) sic disponitur : *Illis
 autem sacerdotibus, qui de novo erunt ecclesiis noviter erectis præ-
 faciendi, competens assignetur portio, arbitrio Episcopi, ex fructi-
 bus ad ecclesiam matricem quomodocumque pertinentibus.* Aliunde
 in capite *Ad audientiam* (3, de *Ecclesiis ædif.*), cujus formam
 servandam esse præscribit Tridentina synodus, providetur
 ut remanere debeat conveniens sustentatio parochi matricis
 ecclesiæ. Ergo revera dotanda est nova ecclesia ex rediti-
 bus antiquæ, modo hujus parochi reservetur portio, quæ ad
 convenientem ejus sustentationem sufficiat. Unde si ecclesiæ

matricis redditus non sufficiant nisi ad convenientem ipsius parochi sustentationem, non debet quidquam ex illis distrahi ad dotandam novam parochiam. Ita communis doctorum sententia, quæ pro certa regula habetur apud Romanas congregationes.

Secundo. Casu quo antiqua ecclesia nihil habet præter necessariam sustentationem, tradunt doctores communiter, « cogendum esse (sunt verba Fagnani) ab Episcopo subjectum « parochiæ populum, ut presbytero instituendo necessaria ministraret. Arguitur capite *Cum sit Romana, de Simonia*; et ex « presse cautum est decreto concilii Tridentini (cap. 4, « sess. 21), ubi innovatur hoc caput, et statuitur ut, si necesse fuerit, compellere possit Episcopus populum ea subministrare, quæ sufficiant ad vitam ipsius sacerdotis sustentandam. Facit caput 7, sessionis 21, ibi : *In illorum defectum « parochianos omnibus remediis opportunis ad prædicta cogant : « et caput 13 sessionis 24, in illis verbis : Per parochianorum « symbola aut collectas, aut qua commodiori ei videbitur ratione, « tantum redigatur, quod pro rectoris aut parochiæ necessitate « decenter sufficiat.* » (Fagnanus, in c. *Ad audentiam, de Ecclesiis ædific.*, n. 5.) Unde revera sufficiens proventus ad novi parochi sustentationem, si nequeat ex redditibus matricis ecclesiæ desumi, ab ipso noviter erectæ parochiæ populo est constituendus; qui populus tunc ad id ab Episcopo est cogendus.

Tertio. « Sin autem paupertas parochianos excuset, cogat « Episcopus abbatem vel præpositum, cui parochia illa in temporalibus subest, ad suppeditanda vitæ necessaria sacerdoti « instituendo, ut capite *Sanctorum*, distinct. 70, et capite *Ex tirpandæ, de Præbendis.* »

Quarto. « Quod si et illos excuset inopia, provideat Episcopus ex mensa sua (capite *Inter cætera, de Officio ordin.*) : « ad hoc enim tenetur Episcopus, si commode potest (ut capite 2, 16, q. 3; capite *Præcipimus* et capite *Ecclesiasticum* 12, q. 1; capite *Regenda* et *Per totam* 10, q. 1; et capite *Episcopus habeat potestatem*, 10, q. 2). »

Quinto. « Ad extremum, si neque id fieri possit, et egestate
 « omnes laborent, novus parochus propriis manibus ex arti-
 « ficio victum sibi quærat (capite *Clericus* 1 et 2, 91 dist.) :
 « et sic dabitur casus in quo parochialis ecclesia construi po-
 « terit sine dote, cum scilicet urget necessitas, et alia ratio non
 « suppetit; quod nota singulariter, secundum Abbatem...,
 « ad limitationem capitis *Nemo* (*de Consecrat.*, dist. 1), prohi-
 « bentis ecclesiam ædificari sine competenti dote. Itaque se-
 « cundum ordinem superius propositum procedendum erit
 « ab Episcopo in assignatione reddituum pro sustentatione
 « rectoris novæ parochiæ; prout concludunt Joannes An-
 « dreas... Hostiensis... Cardinalis... Ancharanus... Abbas...
 « et alias declaravit Sacra Congregatio Cardinalium Concilii
 « Tridentini interpretum. Censuit enim in terminis concilii
 « assignationem faciendam ex fructibus ad ecclesiam matricem
 « pertinentibus; et si ii non sufficiant, tunc demum populum
 « compellendum; quod si nec ipse ob paupertatem compelli
 « possit, Episcopum de suo dare debere. » (Fagnanus, in caput
Ad audientiam, de Ecclesiis ædif., n. 6 et seq.)

Quæritur 2º, quanta debeat esse dos novæ parochiæ assi-
 guanda? — « Respondet in genere Azor (p. 2, l. 3, c. 12)
 « dotem parochialis ecclesiæ debere esse tantam, ut ex ea
 « unus presbyter cum altero clerico ministro commodè su-
 « stentari possit, et quando opus sit, uti hospitalitate. » (Leu-
 renius, *Forum beneficiale*, parte 1, q. 159, n. 2.)

Nota. — Oblationes parochianorum novæ parochiæ adscrip-
 torum de jure ad novam parochiam, tanquam pars ipsius
 dotis, transeunt. Atvero decimæ provenientes ex ea portione
 territorii quæ novæ parochiæ addicta fuit, non transeunt *de*
jure ad novam parochiam, sed pergunt pertinere ad ecclesiam
 matricem; nisi tamen ex decreto episcopali novæ parochiæ
 tanquam dos expresse assignatæ fuerint. Nam potest Episco-
 pus, et ex istis decimis novæ parochiæ dotem constituere. De
 quo vide Leurenium, loco citato, quæstione 157, n. 8.

REQUISITUM VII. — *In dotanda nova parochia ex redditibus*

seu fructibus antiquæ, curandum est ut rectori antiquæ remaneat conveniens sustentatio. — Colligitur ex textu ipso decretalis *Ad audientiam* (3, tituli 48, libri 3 decretalium); ubi pontifex novæ parochiæ erectionem non decernit, nisi in hypothese quod parochus antiquæ, facta dismembratione, *convenienter valeat sustentationem habere.* Unde Leurenus inter requisita reponit, « ut curato prioris parochialis compensetur id quod illi detrahitur, ut commode valeat in prima ecclesia habere sustentationem, juxta caput *Ad audientiam.* » (*Forum beneficiale*, parte 1, q. 157, n. 5.)

REQUISITUM VIII. — *Matricis ecclesiæ rectori reservari debet jus patronatus in noviter erectam, si hæc ex alterius redditibus dotata fuit.* — « Si nova ecclesia fuerit dotata ex redditibus ad matricem ecclesiam pertinentibus, planum erit jus præsentandi sacerdotem pertinere ad rectorem matricis ecclesiæ, ut probat hæc littera (nempe decretalis *Ad audientiam* 3, *de Eccles. ædific.*) ibi : ad præsentationem rectoris ecclesiæ *majoris.* » (Fagnanus, in caput *Ad audientiam* 3, *de Eccles. ædific.*, n. 35.) Unde tunc quoties nominandus erit novæ parochiæ parochus, jus habebit parochus antiquæ parochiæ illum eligendi et præsentandi; et debet Episcopus illum, et non alium præficere; nisi forte eum non reperiatur idoneum, quo casu rector antiquæ parochiæ alterum præsentare debeat.

Diximus autem, *si antiqua parochia ex redditibus suis novam dotavit.* An vero jus illud patronatus acquirat antiquæ parochiæ rector, etiamsi antiqua parochia nihil contulerit ad dotandam novam, olim disputatum fuit. Ast jamdudum prævaluit negativa sententia, quam et firmavit Sacra Congregatio Concilii, prout testatur Fagnanus his verbis : « Sacra Congregatio Concilii declaravit matricem ecclesiam non acquirere jus patronatus in ecclesia fundata intra fines suos, nisi de suo aliquid contulerit, non obstante quod oblationes futuræ dicantur esse loco dotis » (in caput *Ad audientiam* 3, *de Ecclesiis ædific.*, n. 39). Notetur autem, præter antiquæ parochiæ rectorem, posse simul alios esse patronos novæ parochiæ;

si nempe et ipsi fundationi vel dotationi aliquid contulerint. (Vide Fagnanum, loco citato, n. 35.)

Consonat Lenreuius, requirens et ipse, « ut curato prioris
« ecclesiæ servetur jus patronatus, seu jus præsentandi recto-
« rem novæ ecclesiæ, idque quasi in recompensationem ali-
« quam; quod tamen intelligendum ait Corradus, secundum
« Abbatem, ubi ecclesia antiqua contulit aliquid de suo pro
« dote ecclesiæ noviter erectæ; ac ita acquiritur jus patro-
« natus ecclesiæ matriei, ejusque rectori, non vero hujus re-
« ctoris consanguineis. » (*Forum beneficiale*, parte 1, q. 157,
n. 6.)

REQUISITUM IX. — *Præter jus patronatus, parochiali antiquæ seu matrici debet competens honor præstandus assignari.* — Id concludunt unanimiter doctores ex textu ipso decretalis *Ad audientiam*; in qua sic expresse disponitur: *Providens tamen ut competens in ea honor, pro facultate loci, matrici ecclesiæ servetur.* In quibus autem ejusmodi honor consistat, sic exponit Fagnanus (in caput *Ad audientiam* 3, de *Ecclesiis ædific.*, n. 8): « Nota (ibi: *competens in ea honor*), ecclesiam constructam infra
« limites alterius parochiæ, teneri aliquem honorem impen-
« dere matriei ecclesiæ; scilicet annum censum in signum
« subjectionis...; vel die clericos ecclesiæ noviter ædificatæ
« teneri majorem ecclesiam adire pro baptismo, scrutinio,
« capitulo, et consimilibus; vel solvere illa jura, quæ cappellæ
« debent ecclesiæ matriei. »

Item Leurenus (in suo *Foro beneficii*, parte 1, q. 157, n. 7), inter cætera in novæ parochiæ erectione observanda, monet, « ut pro facultate loci, competens honor matrici con-
« servetur, juxta caput *Ad audientiam*; nimirum aliqua pen-
« satio arbitrio Episcopi moderanda; prout etiam ait Corradus
« ex Lottero... Eidem matrici in signum subjectionis reser-
« vari possunt ea, quæ alias jure parochiæ in filialem trans-
« funderentur, ut sunt jura sepulturæ, baptizandi, etc. »

REQUISITUM X. — *Requiratur ut Episcopus novam parochiam erigat per seipsum; vel, si erigat per vicarium suum generalem,*

ut is speciale ad id mandatum habeat. — Ita Fagnanus (in caput *Ad audientiam 3, de Ecclesiis ædif.*, n. 41), adducens in probationem quemdam juris textum, et addens ita jampridem censuisse Sacram Congregationem Concilii.

REQUISITUM XI. — *In Gallia et nonnullis aliis regionibus, ubi viget concordatum anni 1802, requiritur gubernii assensus.* — Nam in dicto concordato decrevit Pius Papa VII, ut novarum parochiarum erectio et circumscriptio ab Episcopis non fieret nisi de gubernii consensu. Ex qua dispositione sequitur, jam erectas hoc modo parochias non posse dismembrari, nisi pariter interveniente ejusdem gubernii consensu. Et ita in praxi a tempore concordati fuit observatum.

REQUISITUM XII. — *Notantur nonnulla alia ad cautelam observanda.* — « Cum ex concilio Tridentino Episcopus proce-
« dere possit ad erectionem novæ parochiæ, etiam uti Sedis
« Apostolicæ delegatus, sit cautus ut, vel in decreto expri-
« mat se procedere utraque potestate, ordinaria scilicet et de-
« legata (nam si non valebit ex una, valebit ex altera, et
« abundans cautela non nocebit, nec vitabit adjectio super-
« vacua); vel procedat simpliciter, nulla facta expressione au-
« thoritatis delegatæ vel ordinariæ (nam duplicem potestatem
« habens censetur ea usus, quæ facit actum valere); vel de-
« mum exprimat se uti potestate delegata, si procedat contra
« exemptos; alioquin si procederet jure ordinario (cum in eo
« casu non habeat nisi potestatem delegatam), erectio non
« valeret. »

« His omnibus observatis, et, causa cognita, in processum
« redactis, tuto poterit Episcopus procedere ad erectionem
« novæ parochiæ, etiam in parochiis exemptorum: nam cum
« in hoc vota Cardinalium in Sacra Congregatione essent di-
« visa, Sanctissimus respondit facultatem erigendi novas pa-
« rochias, et assignandi portionem novis parochiis, attributam
« Episcopis, habere locum etiam in parochiis regularium. »
(Fagnanus, in caput *Ad audientiam 3, de Ecclesiis ædif.*, n. 42
et 43.)

CAPUT VI.

DE APPELLATIONE A DECRETO EPISCOPI NOVAM PAROCHIAM
ERIGENTIS, DISMEMBRATA ANTIQUA.

Duplex occurrit de ejusmodi appellatione tractanda quæ-
stio : 1° an revera detur a dicto episcopali decreto appellatio
aliqua; 2° ad quem detur.

§ I.

An et qualis detur appellatio a decreto Episcopi novam parochiam erigentis, dismem-
brando antiquam?

1° Certum est in decretali *Ad audientiam* conferri Epi-
scopis dictam dismembrationis et erectionis potestatem, cum
expressa clausula, *sublato appellationis obstaculo, appellationis
cessante diffugio*. Atque item certum est, nedum sublatam a
synodo Tridentina illam clausulam, fuisse e contra confirma-
tam; cum Episcopis Tridentini patres potestatem parochias
dismembrandi et novas erigendi conferant *juxta formam
constitutionis Alexandri III quæ incipit AD AUDIENTIAM, necnon
etiam invitis rectoribus*.

2° At non minus certum est per dictam clausulam tolli
dumtaxat appellationem *quoad effectum suspensivum*, non vero
quoad *devolutivum*. Nam ita in jure determinata fuit vis ejus-
modi clausulæ. Cum nempe ab Innocentio III quæsitum
fuisset quænam appellatio inhibita censeri debeat, *quando in-
hibetur appellatio in rescripto*, id declaravit his verbis : *Res-
pondemus quod quælibet provocatio intelligitur removeri, quæ a
jure non indulgetur expresse : sed si appellans fuerit gravatus in-
juste, gravamen ejusmodi per superiorem poterit emendari* (caput
Pastoralis 53, tituli 28, libri 2 decretalium). Quibus verbis pa-

tet, nonobstante clausula *omni appellatione remota*, dari adhuc appellationem quoad effectum devolutivum; ac proinde vi ejusmodi clausulæ tolli dumtaxat suspensivum appellationis effectum. Et ita intelligendam dictam clausulam pro certo tenent unanimiter doctores.

3° Ex dictis autem sequitur, a decreto episcopali erectionis et dismembrationis dari appellationem quoad effectum devolutivum, non dari quoad suspensivum. De quo sic Fagnanus (in caput *Ad audientiam* 3, de *Ecclesiis ædif.*, n. 12): « Cum
« concilium det Episcopis facultatem erigendi ad præscriptum
« hujus decretalis, et hic tollatur appellationis obstaculum,
« utique ex hoc manifeste liquet Episcopum posse hoc casu
« procedere *appellatione remota*. Quæ tamen clausula non im-
« pediret appellationem ad effectum devolutivum, sed suspen-
« sivum dumtaxat; ut est textus in capite *Pastoralis* (de *Appel-
« lationibus*); et est communis opinio, ut testantur Abbas... et
« Præpositus. »

§ II.

Ad quem detur prædicta appellatio : num scilicet ad Papam dumtaxat; an vero etiam ad immediatum superiorem, verbi gratia, ad Metropolitanum?

« Dic breviter in omni casu posse appellari ad Papam omisso
« medio (*hoc ibi firmat Fagnanus multis auctoritatibus*). Sed
« nihilominus regulariter a sententia Episcopi appellatur ad
« Metropolitanum...; quod locum habet etiamsi Episcopus
« processerit tanquam Sedis Apostolicæ delegatus : hujusmodi
« enim autoritas attributa est Episcopis, ut firmiori jure pro-
« cedere valeant contra exemptos, Sedi Apostolicæ immediate
« subjectos, et quia ex auctoritate delegata exemptiones non
« violantur : non autem ut per hoc tollatur jus commune, per
« quod appellationes deferuntur Metropolitanis.

« Intellige tamen hanc resolutionem obtinere quando Epi-
« scopus potest utroque jure procedere, scilicet ordinario et

« delegato, ut in casu erectionis novæ parochiæ. Nam cum
 « Episcopus posset eam erigere autoritate ordinaria, ex
 « dispositione hujus capituli (*nempe decretalis Ad audientiam*),
 « secundum communem opinionem, nihilominus ex decreto
 « concilii Tridentini (cap. 4, sess. 21) potest hoc facere etiam
 « uti Sedis Apostolicæ delegatus : merito in hoc et similibus
 « casibus appellari potest etiam ad Metropolitanum. Secus
 « autem est quando Episcopus non potest procedere ordi-
 « nario jure, puta contra exemptos, contra quos procedere
 « non potest nisi tanquam Sedis Apostolicæ delegatus : tunc
 « enim appellari non potest nisi ad Papam. Et ita supra scri-
 « ptam resolutionem postea declaravit eademmet Sacra Con-
 « gregatio. Nam proposito dubio, *an cum Episcopi procedunt*
 « *uti Sedis Apostolicæ delegati, in causis quæ sub eorum ordi-*
 « *naria jurisdictione non comprehendantur, possit ad alium quam*
 « *ad Sedem Apostolicam appellari*, Sacra Congregatio censuit,
 « non posse, neque ex hoc inferioribus judicibus ullum fieri
 « præjudicium : sed quando jurisdictio delegata cumulatur
 « cum ordinaria, Episcopum non posse, hujusmodi delega-
 « tionis prætextu, declinare jurisdictionem Metropolitanam in
 « casibus illis, in quibus autem concilium tanquam ordinarius
 « poterat uti eodem jure eademque potestate.

« Et hinc notabiliter infero, ut si Episcopus erigat novam
 « parochiam infra limites parochiæ regularibus subjectæ,
 « (quod potest secundum ea, quæ dicta sunt supra), tunc si gra-
 « vet, appellari non poterit ad Metropolitanum; quia, cum
 « contra exemptos non potuerit procedere nisi jure delegato,
 « necessario appellandum erit ad Summum Pontificem dele-
 « gantem : intellige ad effectum devolutivum, non suspensi-
 « vum; cum in casu hujus capituli (*nempe decretalis AD AUDIEN-*
 « *TIAM*) appellatio sit inhibita. » (Fagnanus, in caput *Ad*
audientiam 3, de *Ecclesiis edific.*, n. 45 et seq.)

Exposita Fagnani doctrina, quæ communiter a doctoribus
 traditur, et est omnino tenenda, sic breviter resumitur :

1^o A decreto Episcopi novam parochiam erigentis cum

antiquæ dismembratione, semper potest appellari ad Sedem Apostolicam.

2° Si erectionem et dismembrationem potuerit Episcopus perficere ex jure suo ordinario, quamvis eam perfecerit ex jure delegato, potest appellari ad Metropolitanum.

3° Si non potuerit Episcopus erectionem et dismembrationem decernere nisi ex solo jure delegato, non potest appellari ad Metropolitanum, sed dumtaxat ad Sedem Apostolicam.

4° Quocumque modo fiat appellatio, non habet nisi effectum devolutivum; unde firmum remanet Episcopi decretum, nisi a superiore annulletur; nec impedit interposita appellatio, quin ad executionem deduci possit.

CAPUT VII.

DE UNIONE PAROCHiarUM.

Quæ hic expendenda occurrunt distribuemus sub duplici paragrapho: *primo* nempe nonnullas præmittemus juris dispositiones de unione beneficiorum in genere; *secundo* dicemus quænam sit Episcopi quoad parochiarum unionem potestas.

§ 1.

Præmittantur nonnullæ juris dispositiones de unione beneficiorum in genere.

QUÆSTIO 1^a. — *Quotuplici modo uniri possint duo beneficia?* —

« Unio est beneficiorum seu ecclesiarum ab Episcopo, seu alio
« superiore, ob utilitatem seu necessitatem ecclesiæ, facta an-
« nexio. Unio prædicta fit potissimum tribus modis. *Primo*
« *modo* fit talis unio, cum ex duobus beneficiis fit tantum
« unum; ita ut neutrum eorum uniatur alteri, sed ambo simul

« uniantur. Et talis unio præsertim fit, cum duæ parochiales
 « ecclesiæ vicinæ, et populo (ratione belli, pestis, et hujus-
 « modi) valde destitutæ, ita ad invicem uniuntur, ut ex duabus
 « fiat tantummodo unica. Et tunc illa unica ex duabus sic
 « unitis resultans, retinet consuetudines et privilegia favora-
 « bilia utriusque ecclesiæ sic in unam redactæ. Unde hæc unio
 « dicitur *extinctiva* seu *translativa*; eo quod ex duabus eccle-
 « siis fiat unica tantum, sicque altera minus privilegiata ex-
 « stinguatur ac perimatur, et in aliam magis privilegiatam,
 « ac potioribus juribus gaudentem transferatur, ac cum ipsa
 « omniino incorporetur.

« *Secundo modo* fit talis unio, cum duæ ecclesiæ ita uniuntur,
 « ut non coalescant (sicut dicto primo modo) in unum corpus;
 « sed una sit superior, et alia inferior ac accessoria superiori
 « seu principaliori: et solet fieri pro augmento dotis alterius
 « beneficii, non habentis sufficientes redditus pro congrua bene-
 « ficiarii sustentatione. Unde talis unio nuncupatur *accessoria*
 « seu *subjectiva*. Sicque Ecclesia accessoric alteri unita assumit
 « naturam, consuetudines et privilegia principalis, cui est an-
 « nexa.

« *Tertio modo* fit talis unio, cum neutra Ecclesia alteri sub-
 « jicitur (sicuti dicto secundo modo), nec ipsæ coalescunt in
 « unum corpus (sicuti dicto primo modo), sed ambæ Ecclesiæ
 « ita æque principaliter invicem uniuntur, ut ambæ adhuc
 « suum titulum atque honoris gradum retineant, et solum ab
 « uno eodemque rectore regantur; sicque adhuc remaneant
 « duo beneficia omnino distincta; verbi gratia, duo distincti
 « episcopatus, quamvis sit unicus et idem utriusque Epi-
 « scopus. Et talis unio appellatur unio *æque principaliter*
 « facta; quæ aliud non operatur, nisi ut rector unius sit etiam
 « rector alterius. » (Ferraris, ad vocem *Unio beneficiorum*,
 u. 1 et seq.)

Hanc de variis unionum speciebus notionem, modo tantisper
 diverso, quoad rem tamen consonante, tradit Riganti (in pri-
 mam partem regulæ 9 cancellariæ, § 2, n. 402).

QUÆSTIO 2^a. — *Quisnam potestatem habeat beneficia et ecclesias uniendo?* — 1^o « Unire episcopatus ad solum pertinet « Papam... Papa non solum episcopatus, sed etiam quæcum-
« que alia beneficia unire potest, cum in omnibus beneficiis
« plenariam habeat potestatem. »

2^o « Episcopus potest ex legitimis causis unire beneficia et
« ecclesias suæ diocesis... Archiepiscopus nequit unire bene-
« ficia diocesium suorum suffraganeorum. »

3^o « Capitulum, sede vacante, potest unire ea beneficia
« quæ potest Episcopus, dummodo per eam unionem jurisdi-
« ctioni episcopali nihil detrahatur. »

4^o « Legatus a latere in provincia sibi concredita potest
« unire beneficia dictæ provinciæ suæ legationis, absque
« tamen præjudicio Episcopi : Legatus enim a latere potest in
« sua provincia omnia quæ Episcopus in sua diocesi. »

5^o « Vicarius generalis Episcopi non potest beneficia uni-
« re, nisi specialiter ab Episcopo committatur. » (Ferraris,
voce *Unio*, n. 7 et seq.)

6^o « An abbates, quando jurisdictionem habent quasi-epi-
« scopalem, dicta potestate polleant, disputatur. » (Vide Fer-
raris, loco citato, n. 14.)

QUÆSTIO 3^a. — *Quænam sint conditiones requisitæ, ut legi-
time fiat unio ab Episcopo?* — Tres præsertim requiri tradunt
communiter doctores : justam causam, citationem omnium
interesse habentium, et consensum capituli.

« *Prima conditio* requisita ad faciendam legitimam unionem
« beneficiorum est causa justa et prævia cognitio de ejus ve-
« ritate... Justa causa est Ecclesiæ *necessitas*, vel ipsius *uti-*
« *litas*... Necessitas autem Ecclesiæ tunc censetur intervenire,
« quando præbenda, cui unio facienda est, caret sufficientibus
« redditibus ad alendum ministrum... Item quando Ecclesia est
« destructa ab hostibus vel desolata... Item quando Ecclesiæ
« sunt vicinæ, et restant pauci de populo, aliis mortuis... *Uti-*
« *litas* vero tunc intervenit, quando propter fructuum tenui-
« tatem non inveniuntur clerici idonei ad deserviendum.

« *Secunda conditio* requisita ad legitimam beneficiorum unionem est, quod citentur omnes interesse habentes in dicta
« *unionem faciendam*, eorumque consensus requiratur...

« Unde, si Ecclesia sit subjecta abbati, aut alii inferiori præ-
« lato, non potest Episcopus eam unire absque illius consilio
« et assensu. Item si beneficium uniendum pertineat ad colla-
« tores vel electores Episcopo inferiores, etiam istorum con-
« sensus requiritur; quia istis grave damnum in suis juribus
« infertur, cum beneficium post unionem non sit amplius va-
« caturum, sicque ipsi amittant jus conferendi seu eligendi...
« Item si beneficium uniendum sit de jure patronatus, re-
« quiritur pro tali unionem faciendam consensus patroni...

« *Tertia conditio* requisita ad legitimam unionem faciendam
« per Episcopum, est consensus capituli... Unio fieri potest
« sine requisito tali consensu, si adsit alicubi consuetudo legi-
« time præscripta ipsam faciendi sine requisitione dicti cou-
« sensus. » (Ferraris, voce *Unio benef.*, n. 17 et seq.)

Nota 1^a. — Si unio faciendam esset seminario, præter alia
requisita, intervenire deberet consilium quatuor deputato-
rum; duorum scilicet de capitulo, et duorum de clero. Alio-
quin unio nullitate laboraret (Ferraris, loco citato, n. 35).

Nota 2^a. — Inter eos qui citandi sunt et quorum requiritur
consilium vel consensus, non comprehenditur rector beneficii
uniendi. Nam cum unio suum effectum non habitura sit nisi
post ejus obitum, nullum ei damnum per hanc unionem in-
fertur. Unde quamvis vocandi sint omnes quorum interest,
non tamen ipse. At si sponte comparuerit, debet audiri. (Vide
Ferraris, loco citato, n. 27.)

Nota. 3^a — Item non requiritur consensus plebis; sed tan-
tum, si sponte comparuerit, audiri debet. (Ferraris, loco
citato, n. 29.)

§ II.

De potestate Episcopi quoad parochiarum uniones.

PROPOSITIO I^a. — *Possunt Episcopi unire parochias inter se.*
— Constat ex capite 5 sessionis 21 concilii Tridentini, in quo sic decernitur: « Possint Episcopi, etiam tanquam Apostolicæ Sedis delegati, juxta formam juris, sine tamen præjudicio obtinentium, facere uniones perpetuas quarumcumque ecclesiarum parochialium et baptismalium, et aliorum beneficiorum curatorum vel non curatorum, cum enatis, propter earum paupertatem, et in cæteris casibus a jure permissis, etiamsi dictæ ecclesiæ vel beneficia essent generaliter vel specialiter reservata, aut qualitercumque affecta. » Jam ante Tridentinam synodum de jure communi Episcopis compete-
bat potestas, tum beneficia cætera, tum etiam parochias uniendi, justis ex causis, et servata canonica forma. Atvero per citatum Tridentinum decretum, id possunt insuper *tanquam Apostolicæ Sedis delegati*; et etiam in casu quo beneficia parochiis unienda Sedi Apostolicæ *reservata* vel *affecta* forent tempore unionis; in quo casu antea unionem perficere nequibant.

Illa autem Episcoporum potestas uniendi parochias seu beneficia curata inter se, intelligenda est tum de unione translativa, tum de subjectiva, tum de æque principali; in quo probando non immoramur, cum nulla de hoc controversia moveatur.

PROPOSITIO II^a. — *Nequit Episcopus parochiam accessorie unire alicui beneficio non curato.* — Obstat nempe decretum Tridentinum (c. 13, sess. 24), tenoris hujusce modi: *Ecclesiæ parochiales monasteriis quibuscumque, aut abbatibus, seu dignitatibus, sive præbendis ecclesiæ cathedralis, vel collegiatæ, sive aliis beneficiis simplicibus, aut hospitalibus, militiisve non uniantur.* Illa nempe locutio *unire parochiam alicui beneficio simplici*, ex

sensu obvio et a canonistis unauimenter recepto, significat unionem, qua parochia illi beneficio *subjicitur*, seu qua ipsi *accessorie* adnectitur. Sicut e contra verba hæc, *unire beneficium simplex alicui ecclesiæ parochiali*, idem sonant ac illud beneficium parochiæ subjici et ei accessorie adnecti. Quo stante sensu, patet prohibitam a Tridentinis patribus fuisse parochiarum unionem accessoriam cuilibet beneficio non curato. Et eum esse decreti sensum patet insuper ex collatione hujus textus cum altero, sub præcedenti propositione citato. Ibi nempe facultas fit Episcopis uniendi beneficia curata *vel non curata cum curatis*. Dum ergo postea Tridentini patres prohibent uniri parochiales ecclesias *beneficio non curato*, procul dubio patet, in priori casu intelligi unionem qua beneficium non curatum *subjiçatur parochiæ*; in posteriori autem, qua parochia *beneficio non curato subjiçeretur*. Et prior quidem unio, utpote parochiis proficua, permittitur; posterior vero, utpote ipsis nociva, prohibetur. Eo nempe consilio hæc et similia de parochiis a Tridentina synodo disposita sunt, ut prospero earum statui consuleretur.

A fortiori autem censenda est prohibita unio, qua parochia, non tantum *accessorie*, sed et *extinctive* beneficio simplici uniatur; id est, ita ut perimeretur seu extingueretur parochiæ titulus, et remaneret dumtaxat beneficium simplex, parochiæ redditibus auctum.

PROPOSITIO III^a. — *Prohibita videtur æque-principalis etiam unio parochiam inter et beneficium simplex.* — Eam quæstionem sic expendit Fagnanus (in caput *Exposuisti, de Præbendis*, n. 12): « Quid de unionibus parochialium quæ fiunt præbendis
« sine suppressione, ut cum duo beneficia æque-principaliter
« uniuntur, et utrumque per se remanet, nec immutat statum
« aut naturam suam? — Et primo intuitu videtur dicendum
« hanc speciem unionis non comprehendere in prohibitione cou-
« cili; quia nullum præjudicium fit parochiali sic unitæ, sicut
« fit per unionem accessoriam seu subjectivam, per quam Ec-
« clesia unita amittit titulum et nomen beneficii. Item hæc

« species uniuersalis non facit canonicatum curatum, nec beneficium simplex (cui sic unitur parochialis) desinit esse simplex. Item concilium non prohibet ne parochiales et præbendæ adinvicem uniantur, sed ne *parochiales uniantur præbendis*; quæ verba videntur importare unionem accessoriam, non autem æque-principalem. In contrarium facit, quia interest ecclesiæ habere suum proprium rectorem : at per huiusmodi unionem, tametsi unumquodque beneficium retineat sua jura et privilegia, tamen unus est rector utriusque. Præterea unio requirit causam necessitatis vel utilitatis ecclesiæ ; alioquin non valet, etiamsi fiat ab Ordinario servata juris forma : huiusmodi autem unio tantum abest ut habeat causam necessitatis vel utilitatis, ut potius utrique beneficio sit damnosa. » Concludit Fagnanus, sibi videri verius, prohibitam etiam esse dictam unionem æque principalem.

Atque idem tenet Riganti (in reg. 13 cancellariæ, n. 158) : « Nihil interest, inquit, an unio sit extinctiva tituli, vel æque principalis; cum hæc quoque a concilio prohibeatur. »

Nota. — Dicta prohibitionis parochias beneficio non curato subjective uniendo, correctum fuit jus commune ante Tridentinam synodum vigens. « Respondeo (ait Leurenus, *Forum beneficiale*, pag. 1, q. 164, n. 2), tametsi olim cum capituli consensu posset Episcopus loco alicui pio seu religioso donare jura et redditus ecclesiarum parochialium, cum patroui consensu (juxta caput *Pastoralis, de Donationibus*), nunc autem per Tridentinum (sess. 24, c. 13) prohibitum esse Episcopis, parochialem monasterio, abbatix, dignitati, canonicatui, vel alteri beneficio simplici unire. »

PROPOSITIO IV^a. — *Potest Episcopus beneficium non curatum accessorie unire parochiæ.* — Nam citato sessionis 21 capite 5, decernit Tridentina synodus ut *possint Episcopi facere uniones perpetuas beneficiorum curatorum vel non curatorum cum curatis*. Quod quidem non ita intelligendum est, ut possit parochia accessorie uniri alicui beneficio non curato et ei subijci; siqui-

dem id e contra eadem synodus prohibuit, ut modo probavimus : sed intelligendum est de unione accessoria beneficii simplicis ecclesiæ parochiali.

PROPOSITIO V^a. — *Episcopus nequit valide dictas parochiarum uniones peragere, nisi ex causa necessitatis vel utilitatis.* — Nam neque a Tridentina synodo, neque a jure communi antea vigente tribuitur Episcopis absolute hujuscemodi unionum peragendarum potestas; sed dumtaxat ob certas quasdam causas. Istæ vero causæ, ad legitimam unionem requisitæ, duæ sunt, necessitas et utilitas. Quod sic ex juris textibus probatur : capite *Exposuisti* 33 (*de Præbendis*) permittitur quidem unionem fieri *si evidens necessitas vel utilitas exigat*; non autem extra hunc necessitatis vel utilitatis casum. Atque olim ante Tridentinam synodum, non potuisse ab Episcopis uniones fieri, nisi ex dicta necessitatis vel utilitatis causa, pro comperto habent canonistæ omnes. Jus vero Tridentinum id nequaquam immutavit. Equidem aliis terminis utitur, dum (capite 5, sess. 21) uniones parochiarum concedit *propter earum paupertatem, et in cæteris casibus a jure permissis* : sed ea verba nec plus nec minus exprimunt, quam in citato capite *Exposuisti* exprimitur. Nam dicendo *in cæteris casibus a jure permissis*, æquivalenter dicit *ex causa necessitatis vel utilitatis*, cum jus tum vigens non ex alia uniones permetteret. Addendo vero *ob earum paupertatem*, non exprimit causam a necessitate vel utilitate diversam, sed quæ formula *necessitatis vel utilitatis* comprehenditur. Unde remanet hodieum etiam fieri non posse dictas parochiarum uniones, nisi ex necessitatis vel utilitatis causa; quæ causa si desit, invalida erit unio, prout adnotat Fagnanus (in cap. *Exposuisti* 33, *de Præbendis*, n. 15) : « Unio, » inquit, requirit causam necessitatis vel utilitatis ecclesiæ; « alioquin non valet, etiamsi fiat ab Ordinario servata juris- » « forma. »

Nota. — *Circa modum recte intelligendi hanc necessitatem vel utilitatem.* — Necessitas tunc censetur intervenire, quando parochia, cui unio facienda est, adeo *tenues* habet redditus, ut

non reperiatur qui velit eam acceptare : item quando ecclesia est destructa vel desolata : item quando supersunt nimis pauci de populo. Utilitas vero tunc intervenit, quando ob tenuitatem fructuum non reperiuntur idonei, sed tantum minus apti, qui parochi ibi esse velint. (Vide Ferraris, ad vocem *Unio benef.*, n. 20.)

« Quod si parochiani se offerant, vel ecclesiam parochialem
« restaurare, vel sacris suppellectilibus (si destituta sit) ornare,
« aut congruam sufficientem pro rectore assignare, tunc
« Episcopo permissum non est ex motivo paupertatis eccle-
« siam præfatam alteri parochiali unire ; sed congruum tem-
« pus præfigere debet parochianis ad promissa adimplendum,
« ut decrevit Sacra Congregatio Concilii in *Aversana*, 5 apri-
« lis 1704; ad 1. » (Riganti, in regulam 13 cancell., n. 137.)

PROPOSITIO VI^a. — *Ut valide fiant ab Episcopo dictæ parochiarum uniones, requiritur consensus cathedralis capituli.* —
« Sunt qui existimant non requiri ; ea ducti ratione, quod
« Episcopi hujusmodi uniones explent vigore facultatis ipsis a
« concilio impertite, etiam tanquam delegatis Sedis Aposto-
« licæ, quæ ad consensum præfatum adhibendum non adstrin-
« gitur. (Navarrus... Riccius... Gallemart... Zerola...) Sed
« contraria opinio verior est et magis recepta. Non enim
« concilium (laudato capite 5 sessionis 21) delegat absolute
« et simpliciter Episcopis facultatem uniendi beneficia cu-
« rata curatis, vel simplicia curatis, sed eam impertitur
« *juxta formam juris*. De jure autem in unionibus beneficio-
« rum per Episcopum faciendis omnino requiritur consensus
« capituli, ut saucitur in Clementina *Si una* (*de Rebus Eccle-*
« *siae non alien.*). Proindeque si Episcopi deveniendo ad unio-
« nem parochialium, etiam tanquam Sedis Apostolicæ delegati,
« tenentur vigore concilii servare *formam juris*, debent utique
« consensum capituli a jure requisitum adhibere. Et ita Fir-
« mant Fagnanus..., Monacelli..., Cardinalis de Luca..., Ven-
« triglia..., Pignatelli..., Sanchez..., Riccius..., Garcias...,
« Pax. Jordanus..., Rota, decisione 1078, n. 5, coram Sera-

« phino, et decisione 222, n. 5, parte 9, *recentiorum*. Sicque
 « etiam decrevit Sacra Congregatio Concilii, 20 novem-
 « bris 1600, his verbis : *Congregatio censuit, Episcopum in*
 « *unione facienda, vigore decreti ejusdem concilii (sess. 21, c. 5),*
 « *teneri adhibere consensum capituli : quod si illum consensum*
 « *in unione prætermiserit, unionem nullam atque irritam esse.*
 « Quod decretum habeo in antiquo eodice resolutionum Sacræ
 « Congregationis ad usum Cardinalis Pauli Senensis; in quo
 « legitur ulterius alterum decretum ejusdem Sacræ Congre-
 « gationis (in *sancti Severini*, 19 decembris 1620), his verbis :
 « *Cum sessionis 21 capite 5 caveatur, Episcopum juxta formam*
 « *juris posse simplicia beneficia unire curatis, et curata curatis ;*
 « *quæritur, an in hoc consensus capituli requiratur, cum ex Cle-*
 « *mentina Si una (de Rebus Ecclesie non alien.) consensus capituli*
 « *in hoc casu requiri videatur, de quo in concilio nulla mentio est*
 « *habita. — Congregatio censuit requiri, juxta tamen terminos*
 « *Clementinæ Si una (de Rebus Eccl. non al.).* Non est tamen
 « necesse, quod capituli consensus interveniat ante, vel in
 « ipso actu unionis; sed sufficit quod accedat post actum jam
 « perfectum... Quod si capitulum irrationabiliter consensum
 « præstare detrectet, de facili Sacra Congregatio Concilii
 « Episcopis indulget, ut, non obstante illius dissensu, ad unio-
 « nem deveniant. » Hæc præclarus Riganti (in regulam 13
 cancellariæ, n. 138 et seq.); ejus verbis ita plene soluta
 videtur quæstio, ut nihil addendum existimemus.

PROPOSITIO VII^a. — *Requiritur insuper citatio et consensus eorum quorum interest.* — Nam Tridentina synodus vult ab Episcopis fieri parochiarum uniones *juxta formam juris* (sess. 21, c. 5). Porro inter requisitas a jure formalitates in uniendis beneficiis, habetur et illa, ut exquiri debeat consensus omnium quorum interest, prout superiori paragrapho dictum est. « Citari itaque debent, ait Riganti, omnes quorum
 « interest : alias unio remanet nulla... Et non solum citari de-
 « bent ii qui habent principale interesse, sed optimum etiam
 « esset, ad omne dubium tollendum, citare habentes interesse

« secundarium; et sic citare per proclama seu edictum omnes
« et quoscumque sua interesse putantes » (in regulam 22 cancell., n. 39).

PROPOSITIO VIII^a. — *Si beneficium, parochiæ uniendum, sit juris patronatus, requiritur patroni consensus.* — Nam ex præcedenti propositione, necesse est citari et assentire eos, quorum interest. Porro patronus est præcipue de iis quorum interest; siquidem per beneficii unionem amittit suum jus præsentandi. Textus autem juris, quibus præsens conclusio (a doctoribus unanimiter recepta) probari solet, sunt præcipue sequentes: caput *Suggestum* 20, de *Jure patronatus*, ubi dicitur, *cum assensu patroni... consensu domini*. Caput *Pastoralis* 7, de *Donationibus*, ubi habetur, *de consensu patroni*. Caput 6 sessionis 7 Tridentinæ synodi, ubi hæc clausula, *vocatis quorum interest*. Et caput 15 sessionis 24 ejusdem synodi, ubi iterum conditio hæc, *cum patronorum consensu, si de jure patronatus laicorum sint*.

Dum autem dicitur requiri patroni consensum, id intelligendum etiam de jure patronatus *ecclesiastico*, tenent communius doctores; contra paucos, qui necessitatem consensus ad jus patronatus laicale restrictam volunt. De quo vide Riganti (in regulam 22 cancellariæ, n. 41 et seq.).

PROPOSITIO IX^a. — *Si ecclesia parochialis unienda sit juris patronatus, et patronus nolit consentire unioni, et Episcopus nequeat parochiæ illius necessitati subvenire remediis indicatis capite 13 sess. 24 Tridentinæ synodi, potest talis patronus cogi ab Episcopo ad consentiendum, vel ad tribuendum necessaria.* — « Quod si, in casu denegati pro unionem consensus patroni, « necessitatibus talium parochialium succurri non potest re- « mediis positis capite 13 sessionis 24, compelli possunt pa- « troni illarum ecclesiarum ad præstandam congruam susten- « tationem rectoris, vel permittendam unionem; ut habet « altera ejusdem Sacræ Congregationis declaratio. » (Leurenius, *Forum beneficiale*, parte 1, q. 162, n. 1.) Idem tradit Layman (ad caput 4, de *Ætate et qual. præf.*, n. 4).

PROPOSITIO X^a. — *Unio parochiarum ab Episcopis facta, suum effectum habere nequit, nisi post mortem aut resignationem rectorum, qui has parochias obtinent.* — Nam in citato decreto Tridentinæ synodi (c. 5, sess. 21) expresse cavetur, ut fiant uniones ejusmodi *sine præjudicio obtinentium*: porro si unio effectum suum sortiretur ante mortem aut resignationem rectoris illius parochiæ, quæ alteri unitur, illi rectori præjudicium afferret; siquidem cum titulo suo privaret. Et cæteroquin etiam ex jure communi ante Tridentinam synodum vigenti, idem in unionibus beneficiorum servandum fuisse dubium non est, et tradunt unanimiter canonistæ.

PROPOSITIO XI^a. — *Requiritur consensus rectoris parochiæ uniendæ, ut unio effectum habere possit ante ipsius mortem aut resignationem: ut autem effectum habeat post ejus obitum vel resignationem, nec ipsius consensus, nec etiam ipsius citatio aut consilium requiritur.* — Patet *prima pars* propositionis ex eo quod unio fieri nequeat cum ipsius præjudicio: fieret autem cum ejus præjudicio si, ipso non consentiente, statim ad effectum deduceretur. Patet *secunda pars* ex eo quod, præter cathedrale capitulum, citandi non sint nisi *interesse habentes*: porro si unio effectum habitura sit dumtaxat post ejus mortem aut resignationem, ipse non est de numero eorum *quorum interest*, seu quibus unio præjudicat. Unde nec ejus consensus nec ejus consilium requiritur. « Minusque citari debet rector beneficii, ait Rigautius, si unio non sit effectum sortitura durante ejus vita, sed solum post obitum... Curandum non est de illo præjudicio, quod ei obvenire posset, ex quo stante unione, beneficium resignare aut permutare nequeat » (in regulam 22 cancellariæ, u. 58). Si tamen sponte compareat, audiendus est, ut superiori paragrapho dictum est, loquendo in genere de unionibus beneficiorum.

PROPOSITIO XII^a. — *Nequaquam requiritur consensus aut citatio plebis parochiæ uniendæ.* — « Nec itidem (inquit Riganti, loco citato, n. 60) vocanda est plebs ecclesiæ parochialis quæ unitur; quia præsumitur allegatura id quod sibi utilis

« et convenientius sit, et sæpe contra propria commoda laborat. Si tamen de facto unioni se opponat, et justam aliquam alleget causam, ob quam ad unionem deveniri non expediat, audienda est; quia sua interest bonum habere pastorem; ut fuit sensus Sacræ Congregationis Concilii, in *Fulginatensi*, 21 novembris 1722. »

Nota 1º. — De appellatione a decreto episcopali unionis, idem currit jus, ac de appellatione a decretis episcopalibus dismembrationis. Unde cum jus illud supra exposuerimus quoad erectiones parochiarum per viam dismembrationis, non est cur eadem huc revocemus.

Nota 2º. — In Gallia præter cætera ad unionem parochiarum requisita, intervenire etiam debet gubernii consensus. Id sequi videtur ex articulo concordati anni 1801, quo Pius VII concessit ut ab Episcopis fieri non possint parochiarum circumscriptiones, nisi de consensu Gubernii.

CAPUT VIII.

QUA NORMA PAROCHIAE SUB JURE PATRONATUS CANONICE CONSTITUANTUR.

Antequam propositam quæstionem solvamus, præmittemus breviter generalem de jure patronatus, et de variis illud acquirendi modis notionem: tum subjiciemus requisitas conditiones, ut parochia sub jure patronatus constituatur.

§ I.

De jure patronatus, et variis illud acquirendi modis generalis uero.

1. *Unde ortum jus patronatus.* — « Attento primitivæ Ecclesiæ usu, fundatio vel dotatio ecclesiarum seu præbendarum jus istiusmodi non gignebat; cum hæc omnia fierent ex solo impulsu pietatis, et amore religionis propagandæ et

« conservaudæ. (Cardinalis de Luca, *de Jure patronatus*, in
 « *Summa*, n. 3.) Quin et sacris canonibus cautum, ut bene-
 « ficii seu ecclesiæ fundator dotatorve nullam hinc potesta-
 « tem consequeretur (canone *Noverint*, 10, q. 1), non solum
 « quoad dispositionem, sed etiam quoad honorem præcessionis,
 « præter illum, qui Christi fidelibus indifferenter exhibetur.
 « Frigescente deinde charitate, ex prudenti Ecclesiæ consi-
 « lio, ad alliciendos fideles laicos ad ecclesias fundendas et
 « dotandas, per viam gratiæ et privilegii inductum indultum-
 « que iis jus *patronatus honorifici*, per speciem protectionis
 « et defensionis (quæ alias advocacionis titulo veniebat) ec-
 « clesiarum seu beneficiorum, maxime ab alienationibus re-
 « rum et reddituum, in eis a se collocatorum (canone *Filiis* 16,
 « q. 7). Mox etiam gratitudinis ergo concessum, ut patrono
 « ejusve filiis vergentibus ad egestatem, ab Ecclesia de ali-
 « mentis prospiceretur (canone *Quicumque* 16, q. 7). Præ-
 « terea ex Toletano concilio 9 inductum, *ut quamdiu viverent*
 « ipsimet fundatores, eis permitteretur etiam offerre recto-
 « res idoneos Episcopis, per eos ordinandos et promovendos
 « (canone *Decurrimus*, eadem causa 16, q. 7); sacris canoni-
 « bus interim necdum agnoscutibus facultatem ullam seu
 « potestatem hoc ipsum jus offerrendi (quod hodie jus præ-
 « sentandi vocamus) transferendi de persona fundatoris
 « in successores, seu inter vivos, seu in ultima voluntate.
 « Denique, dum exinde fundatores consueverunt in foundationis
 « limine hanc legem adjicere, ut sibi alterive a se designato
 « jus tale offerendi seu præsentandi, una cum aliis præroga-
 « tivis advocatiæ, honoris, alimentorum, præservaretur;
 « Pontifices, rati id minime eis invidendum, ut passim in-
 « vitarentur, tam clerici quam laici ad fundandas eccle-
 « sias, jus generaliter iis concessere; adjecta insuper per-
 « missione idem jus in alios transferendi: ac ita usu receptum
 « est, ut modo non sit jus amplius extraordinarium et exor-
 « bitans, sed commune et ordinarium, ut satis ostendit totus
 « iste *de Jure patronatus* titulus in jure canonico. Atque ex

« his vides, prærogativam illam juris patronatus unice pro-
« venire et dependere a concessione Ecclesiæ. » (Leurenium, *Forum beneficiale*, parte 2, quæstione 29).

II. *Quomodo acquiratur jus patronatus.* — 1° Acquiritur *ordinarie* triplici modo, nempe : ex *fundatione* seu concessione fundi pro ecclesia ædificanda, ex *illius constructione*, et ex *illius dotatione*. « Per hæc enim tria deducitur ecclesia seu « beneficium de non esse ad esse; et his tribus constringitur « tota activitas juris communis, ut videlicet concessio juris « patronatus, ex quavis alia causa facta, nullatenus possit « referri ad ipsum jus commune, sed ad mernm et nudum « privilegium. » (Leurenium, loco citato, q. 30.) 2° Acquiritur *extraordinarie* consuetudine et præscriptione. 3° Ut quis prædictis tribus modis ordinariis jus patronatus acquirere possit, non requiritur ut simul sit fundator, exstructor et dotator; sed satis est si, vel fundum dederit, vel construxerit, vel dotaverit. Atque id tanquam omnino certum tradunt canonistæ unanimiter (vide inter alios Leurenium, modo citato loco). 4° Hinc ejusdem ecclesiæ vel beneficii plures esse possunt patroni; ut quando unus fundum dedit, alter exstruxit, tertius dotavit. Et tunc sunt patroni *in solidum*, et cum æquali jure, quamvis unus plus cæteris erogaverit. (Vide laudatum Leurenium *Forum beneficiale*, parte 2, q. 31.) 5° Imo si plures simul dent fundum, vel si plures simul construant ecclesiam, vel si plures simul dotent, omnibus inde competere potest jus patronatus; sed si plures, verbi gratia, construxerunt, unus vero sit fundator, et totam dotem pariter unus erogaverit, illi plures qui construxerunt non habebunt nisi unicum suffragium ad præsentandum : duo autem alia suffragia ad fundatorem et dotantem pertinebunt : et idem dicendum de pluribus concurrentibus ad fundum dandum, vel erogandam dotationem (quod pariter vide expositum apud Leurenium, citato loco). 6° Præfatum *jus præsentandi*, in eo consistit ut, vacante beneficio, novum quem maluerit rectorem possit patronus ei præficere. Nam tenetur Episcopus præsentatum.

seu designatum a patrono, in vacante beneficio instituere; nisi tamen aliqua obstaret ratio canonica; quo casu rejici quidem potest ab Episcopo præsentatus; sed remanet patrono jus alterum præsentandi.

§ II.

Requisitæ conditiones ut parochia sub jure patronatus canonice constituitur.

1º Requiritur ut is, qui jus patronatus vult acquirere, vel fundum pro ecclesia ædificanda, vel expensas pro eadem extruenda, vel convenientem dotem erogaverit. Nam, ut supra dictum est, his tribus dumtaxat regulariter niti potest jus patronatus. Dicimus *regulariter*, quia absolute posset Papa per viam meri privilegii jus patronatus in aliquam ecclesiam illi etiam concedere, qui nihil ex dictis tribus præstitisset.

2º Requiritur insuper et omnino necessarius est consensus Ordinarii. « Respondeo, ait Leurenus, dictum consensum « omnino et necessario ad hoc requiri, ut colligitur ex capite « *Nobis, de Jure patronatus.* » (*Forum beneficiale*, parte 2, q. 36.) Sicut nempe causa efficiens erectionis beneficii est Episcopus, ita etiam Episcopi auctoritas dicitur a canonistis causa efficiens reservationis juris patronatus in beneficio; quatenus, dum erigitur beneficium, approbat leges in erectionis limine adjectas; ac proinde etiam reservationem patronatus, si reservatio hæc inter dictas leges reperiatur. « Et certe sicut sine superioris potestate ædificari non potest ecclesia, ita nec servituti patroni subjici. » (Leurenus, loco citato.)

3º Non tamen necesse est ut dictus consensus sit expressus sed sufficit etiam tacitus. Quod vide probatum a laudato Leurenio (*Forum beneficiale*, parte 2, q. 36, n. 2).

4º Nequit vicarius generalis, absque speciali mandato Episcopi, necessarium illum consensum præstare. (Leurenus, ibidem, q. 37, n. 2.)

5° « Potest tamen hanc facultatem concedere capitulum, « sede vacante, quia loco Episcopi succedit. » (Leurenus, ibidem, n. 3.)

6° « Si Ordinarius noluerit præstare consensum, recurrere « dum est ad superiorem antistitem, qui illum compellat. » (Leurenus, ibidem, n. 4.)

CAPUT IX.

DE ECCLESIARUM PAROCHIALIUM ALTERATIONE ET SUPPRESSIONE.

QUÆSTIO 1ª. — *Quid sit beneficiorum alteratio seu mutatio?* — Alterari dicitur beneficium, quando ita mutatur ejus status, ut ejusdem speciei esse desinat; prout contingit, verbi gratia, quando ecclesia non curata mutatur in parochialem, vel simplex parochialis in collegiatam aut cathedrallem.

QUÆSTIO 2ª. — *Penes quem sit potestas parochiarum statum alterandi?* — Respondeo : 1° solus Papa potest aliquam ecclesiam parochialem mutare in cathedrallem. (Vide Leurenium, *Forum beneficiale*, parte 3, q. 964, n. 1.) 2° Item solus Papa potest mutare aliquam ecclesiam, sive parochialem, sive aliam, in collegiatam. (Vide id probatum a Leurenio, loco citato, n. 2.) 3° Item solus Papa potest mutare ecclesiam regularem in sæcularem, et sæcularem in regularem (ibidem, n. 3). 4° « Potest Episcopus potestate sua ordinaria mutare ecclesiam simplicem in curatam et parochialem. » (Leurenus, loco citato, n. 5.) « 5° Episcopus nequit parochialem ecclesiam « convertere in simplicem, potestate ordinaria; quia id ei in- « hibetur a Tridentino, sess. 25, c. 16. » (Leurenus, loco citato, n. 6.)

QUÆSTIO 3ª. — *Quid sit suppressio beneficiorum?* — « Sup- « pressio est extinctio tituli benefitialis, per quam beneficium « desinit esse in rerum natura; ejusque fructus seu redditus.

« si qui sunt, applicantur aliis beneficiis aut locis piis. » (Leurenus, *Forum beneficiale*, parte 3, q. 966, n. 1.)

QUÆSTIO 4^a. — *Quandonam possit Episcopus aliquam parochialem ecclesiam suppressere?* — Potest, tum parochialem ecclesiam, tum cætera etiam beneficia suppressere, in iis casibus, in quibus potest ea aliis accessorie unire. « Quippe illa unio « non fit sine suppressione, et suppressionis filia est unio. » (Leurenus, loco citato, q. 972, n. 16.)

Requiri autem ad ejusmodi suppressionem eandem justam causam, easdemque solemnitates, ac in unione accessoria, vide apud laudatum Leurenium, citato loco, quæstione 967, et sequentibus.

PARS III.

DE CANONICA NORMA PAROCHOS

CONSTITUENDI ET REMOVENDI.

Dicemus 1° quis valeat parochos constituere; 2° quis valeat constitui parochus; 3° qua forma constituendi sint parochi; 4° quomodo canonice removeri possiut.

SECTIO I.

**Ad quem pertineat potestas rectores parochiis
præficiendi.**

Ob multiplices materias, quæ sub hac quæstione expendendæ veniunt, eam in duplicem subsectionem dividimus; prout nempe parochiæ sunt, vel non sunt liberæ collationis.

SUBSECTIO I.

***Ad quem pertineat rectores præficere iis parochiis,
quæ non sunt collationis liberæ.***

Dicitur beneficium aliquod esse *collationis liberæ*, quando potest quis, independenter a quolibet alio, quem voluerit (ex iis tamen qui requisitas a jure qualitates habent) huic beneficio præficere, seu illud ei conferre. E contra dicitur non esse collationis liberæ, quando, etsi quis possit contribuere ut aliquis beneficio donetur, non tamen per se solum et independenter ab aliis potest facere ut is beneficium obtineat. Sic, verbi gratia, quando parochia vacans est juris patronatus, nequit patronus eam novo rectori conferre, sed dumtaxat eum præsentare: atque item Episcopus nequit quem voluerit, parochiæ præficere, sed dumtaxat præsentatum a patrono instituere. In hac porro subsectione expendendum venit, a quibusnam

personis, et a quibusnam ipsarum actibus peudeat provisio ejusmodi parochiarum, quæ liberæ collationis non sunt, id est, parochiarum juris patronatus, et parochiarum alicui capitulo, monasteriove, aut beneficio unitarum.

CAPUT I.

A QUIBUS PERSONIS ET ACTIBUS PENDEAT PAROCHiarum JURIS PATRONATUS PROVISIO.

1. *De necessaria præsentatione ex parte patroni.* — 1° Certum est nullum clericum posse rectorem constitui in parochia juri patronatus obnoxia, nisi per patronum ei, ad quem pertinet institutionem facere, præsentetur. Nam in hoc præsentandi jure, et in hac præsentationis a patrono necessitate præcipue consistit juris patronatus prærogativa, ut dictum est supra (parte 2, capite 8, § 1). 2° Per præsentationem præsentato acquiritur jus *ad beneficium*, non autem *in beneficio*; id est, per solam præsentationem non adhuc efficitur legitimus beneficii possessor (siquidem ad hoc requiritur insuper institutio); sed jus habet tantum ut instituatur, et judicialiter agere potest ut institutio, tanquam quid sibi debitum, concedatur. (Vide Leurenium, *Forum beneficiale*, parte 2, q. 121.) 3° Ut valeat præsentatio, debet a præsentato acceptari. (Leurenium, ibidem, q. 122.) 4° Si plures præsententur, habent tantum jus ut unus ex ipsis instituatur. (Leurenium, ibidem, n. 3.) 5° « Præsentatio necessario debet fieri coram habente instituere. » Pendet enim validitas præsentationis ex concursu trium personarum, præsentantis, præsentati, et habentis instituere. » (Leurenium, ibidem, q. 123.) 6° Necesse non est ut patronus corporaliter per seipsum præsentet; sed potest id per procuratorem facere, vel etiam per litteras. (Leurenium, ibidem, q. 124.) 7° Item necesse non est præsentatum corporaliter præsentem sisti coram illo ad quem pertinet jus instituendi;

sed potest etiam absens valide præsentari. (Leurenus, ibidem, q. 125.) 8º Neque requiritur ut præsentatio fiat per scripturam publicam; sed fieri potest oretenus, vel per privatas litteras. (Leurenus, ibidem, q. 126.) 9º Is ad quem pertinet instituere debet præsentationem factam acceptare; non tamen absolute; sed cum formula conditionali *si et in quantum*; id est, si et in quantum de jure admitti debeat, ac præsentanti jus competat, et præsentato nihil de jure objici possit. Si vero rejiciatur præsentatio legitime facta, possunt præsentans et præsentatus contra rejicientem agere apud ipsius superiorem. 10º Intra quod tempus a die vacationis beneficii fieri debeat præsentatio ut sit valida, vide a Leurenio fuse expositum (*Forum beneficiale*, parte 2, q. 135). 11º Si patronus intra tempus debitum non præsentet, vel si præsentet indignum, collatio ad superiorem devolvitur. Hæc de præsentatione cursim adnotavimus: cum enim multis in regionibus hodie nullæ exstent parochiæ juris patronatus, minus utilem duximus pleniorẽ hujuscæ materiæ enucleationem.

II. *De necessaria institutione, ut quis parochiæ juris patronatus legitime præficiatur.* — 1º « Institutio est concessio beneficii, « facta legitima auctoritate Episcopi, vel alterius, clerico a « patrono præsentato. Differt a *collatione* proprie tali, quod « supponat præsentationem, sitque concessio obligatoria (obligatur enim prælatus conferre beneficium ei, qui a patrono « est præsentatus); collatio autem proprie talis sit *voluntaria* « beneficii concessio, seu quæ fit superioris arbitratu, siue « ulla electione, postulatione, aut præsentatione. Differt a « *confirmatione*, quod sit collatio vel provisio illius qui præsentatus est a patrono; confirmatio sit illius qui electus est. » (Leurenus, *Forum beneficiale*, parte 2, q. 6.)

2º Omnino necessaria est institutio, ut quis evadat rector legitimus parochiæ juris patronatus; nam per solam præsentationem nullam in parochia jurisdictionem acquirit præsentatus; nec fit parochus nisi quando instituitur, et ipsomet institutionis actu.

3° Ad Episcopum seu Ordinarium de jure communi pertinet instituere omnes a patronis præsentatos ad beneficia diœcesis suæ. « Competitque ei hæc potestas *instituendi* (uti et *confirmandi*) jure magistratus; reputaturque inter jurisdictionalia, « tanquam fructus jurisdictionis : secus ac contingit in potestate *conferendi*; hanc enim nulla ratione competere Episcopo « ratione magistratus, seu spectare ad ejus jurisdictionem, « ait Lotterus (libro 2, q. 2, n. 5); sed esse potestatis accideus talis cujusdam, eodem nihilominus tempore concessæ, quo « conceduntur seu imprimuntur ei jurisdictionalia, nimirum « ex speciali concessione legis... : in hoc jure *conferendi* esse « quid longe majus; et superare jus quodcumque eligendi, « confirmandi, instituendi; quod non solum reputetur inter « fructus episcopales, sed et contineat meram gratiam, seu « potestatem gratificandi; cum jus instituendi et confirmandi « sint de mera justitia.» (Leurenus, *Forum beneficiale*, parte 2, q. 169.)

4° Sede episcopali vacante, potest capitulum antequam electus fuerit vicarius capitularis, et postea ipsemet dictus vicarius præsentatos instituere; quamvis nequeant beneficia liberæ collationis Episcopi conferre. Ratio est, quia *instituere* pertinet ad Ordinariam Episcopi jurisdictionem, quæ ad capitulum ipsiusque vicarium transit : potestas autem *conferendi* non est proprie de jurisdictionalibus Episcopi, quamvis ei a lege concedatur, statim ac jurisdictionem episcopalem acquirit. Et notetur per institutionem nullum creari præjudicium subsequenti Episcopo; cum illa institutio sit actus justitiæ, quem debuisse ipse explere, si vicarius capitularis non explevisset. E contra per *collationem* præjudicium pateretur succedens Episcopus, quia potuisset beneficium alteri conferre. (Vide Leurenium, loco citato, q. 170.)

5° Item instituere potest vicarius generalis ex commissione generali officii sui; quamvis absque speciali mandato nequeat conferre beneficia, quorum collatio ad Episcopum pertinet. Vide id probatum a landato Leurenio (ibidem, q. 171).

6° Posse etiam ex speciali titulo (verbi gratia, ex speciali privilegio Sedis Apostolicæ) ad alios Episcopo inferiores pertinere instituendi potestatem, vide apud eundem auctorem (ibidem, q. 172).

7° « Prævie ad institutionem requiritur *examen* a locorum « Ordinariis super instituendi idoneitate (capite *Ex frequentibus, de Jure patronatus*). Sic quoque in Tridentino (sess 7, « c. 13) præcipitur, ut præsentati vel nominati a quibus- « cumque personis ecclesiasticis (multo magis ergo a laicis), « etiam Sedis Apostolicæ Nuntiis, ad quævis ecclesiastica bene- « ficia non instituantur, nec confirmentur, nisi fuerint prius « a locorum Ordinariis examinati et idonei reperti; et nullus « appellationis remedio se tueri possit quominus examen su- « bire teneatur. » (Leurenus, *Forum beneficiale*, parte 2, q. 185, n. 1.)

8° « Prævie ad institutionem in beneficio curato requiritur « quoque *approbatio* Ordinarii; ita ut nulla consuetudine in- « duci possit, ut in ecclesiis Episcopo subjectis ministri curati, « sine ejusdem approbatione instituantur: consuetudo enim « perniciosa ecclesiis prævalere nequit; esset autem pernicio- « sissimum ecclesiis, si sine cognitione et consensu supremi in « diœcesi pastoris, nempe Episcopi, inferiores curati insti- « tuerentur... Unde licet inferior prælatus per consuetudinem « acquirere possit jus instituendi, etiam ad curata beneficia, « sed non sine examine et approbatione Episcopi. » (Leurenus, loco citato, n. 2.)

9° Ad valorem institutionis non requiritur scriptura. Nihilominus expedit scripturam adhiberi; et ita servatur in praxi. (Leurenus, loco citato, q. 186.)

10° Intra quod tempus fieri debeat institutio, jus non determinavit. Esset tamen contra justitiam notabiliter eam differre absque necessitate. Quæ dilatio notabilis communiter reputatur existere, si ultra semestre institutio protrahatur; ita ut nequeat ultra id tempus prorogari, quin ad superiorem devolvatur. (Leurenus, loco citato, q. 189.)

11° Ante institutionem debet publicari edictum, quo contentur omnes interesse habentes : alioquin institutio foret ipso jure nulla. Vide id probatum apud Leurenium (*Forum beneficiale*, parte 2, q. 192); qui auctor nonnulla alia ad institutionem spectantia tractat; quæ hic, utpote minus necessaria, omittuntur.

CAPUT II.

A QUO, ET QUIBUS ACTIBUS, CANONICE CONSTITUANTUR VICARII PERPETUI PAROCHiarUM UNITARUM.

Prenotandum. — Loquimur hic de parochiis alicui capitulo, vel monasterio, vel beneficio, etc., ita unitis, ut tota cura exerceatur per vicarium aliquem perpetuum; et rector principalis, idest capitulum, vel monasterium, etc., non retineat nisi curam *habitualement*, nec possit in exercitio curæ sese intromittere. Qui casus locum habet, verbi gratia, in plerisque cathedralibus Galliæ, ubi cura adnexa fuit capitulo, et exercetur per vicarium perpetuum. Ejusmodi autem vicarios perpetuos esse in re veros parochos, sub prima tractatus parte ostendimus. Et licet proprie dici nequeant *rectores parochiarum* quibus præsent, vere tamen et proprie dicuntur *rectores curæ animarum*. Porro de iis vicariis perpetuis hic quæritur, ad quos pertineat eos constituere, et quoniam sint actus ad hoc necessarii.

I. « Respondeo, iuxta Leurenium, vicarios perpetuos in « parochialibus unitis, non ad liberam Ordinariorum deputationem, se ad deputationem illorum ad quos spectant ecclesiæ unitæ vel beneficia, in quibus erigitur vicaria, spectare. « Sic expresse statuit Pius V (1)... Atque ita *nominatio* ac veluti

(1) In sua nempe constitutione *Ad exequendum*, in qua sic habetur, § 4 : *Volimus insuper et ita mandamus, quod dicti vicarii perpetui, non ad liberam*

« institutio vicarii perpetui pertinet ad rectorem principalem, « præcedente tamen examine et consensu Episcopi sive Ordinarii. » (Leurenus, *Forum beneficiale*, parte 1, q. 116, n. 2.) Hinc, verbi gratia, in iis cathedralibus, in quibus animarum cura adnexa fuit capitulo, vicarii perpetui curam exercentis nominatio, non ad Episcopum, sed ad capitulum pertinet, prout plenius probavi in meo tractatu *de Capitulis*; atque ibi etiam disserui de contraria consuetudine, in Gallia, a tempore concordati anni 1802, vigente; qua nempe solent Galliæ Episcopi ejusmodi perpetuos cathedralium vicarios, absque ullo capituli interventu, nominare et constituere.

II. Constitui tamen nequeunt prædicti vicarii curati absque prævio examine et approbatione Episcopi. « Tametsi, « ait Leurenus, nominatio vicarii perpetui spectet, ut dictum, ad rectorem principalem, is tamen ab eo institui nequit sine prævio examine et consensu Episcopi seu Ordinarii » (*Forum beneficiale*, parte 1, q. 121). Constat ex modo citata constitutione *Ad exequendum* sancti Pii V (1). Atque id verum remanet quantumvis capitula, monasteriave, quibus unita est cura, exemptionis privilegio gaudeant; quod a Cardinali de Luca, aliisque doctoribus tanquam certum tradi, et a Sacra Congregatione Concilii fuisse declaratum, vide apud Leurenium, citato loco.

III. Ad constituendos dictos vicarios perpetuos non requiritur prævius concursus, sed sufficit nominatio a capitulo vel collegio cui adnexa est cura, cum examine et approbatione Ordinarii. « Respondeo (ait Leurenus, loco citato, q. 120,

Ordinariorum electionem, sed ad nominationem illorum, in quorum ecclesiis unitis ponuntur, cum ipsorum Ordinariorum seu eorum vicariorum examine et approbatione, deputantur. (*Bullarium Romanum*, tom. 4, parte 2, pag. 402, edit. Cocquelines.)

(1) Ibi siquidem expresse dicitur *cum examine et approbatione Ordinariorum*. Et quamvis ejusmodi vicariorum nominatio ad Ordinarios non pertineat, ut dictum est, decrevit tamen Tridentina synodus (sess. 7, cap. 7), eos esse ab Ordinariis *deputandos*.

« n. 2) vicarias perpetuas parochialium unitarum (quas admi-
 « nistrat extraneus, seu qui non est de collegio, cui annexa
 « est ecclesia curata) non conferri per concursum; cum illæ
 « provideantur ad nominationem et præsentationem illorum,
 « quorum beneficio, dignitati vel collegio parochiales ecclesiæ
 « sunt annexæ, et non ad liberam Ordinariorum electionem;
 « sed solum ad simplicem eorum approbationem prævio exa-
 « mine deputentur tales vicarii. De Luca, *de Parochis*, di-
 « scursu 37, n. 38. »

IV. « Sed neque requiritur ut examen præsentati fiat ab
 « examinatribus synodalibus, sed sufficit examen et appro-
 « batio Ordinarii. Atque ita in hac provisione ecclesiarum
 « talium unitarum per vicarios perpetuos, locus non est dis-
 « positioni Tridentini (sess. 24, c. 18) super forma provi-
 « dendi per concursum; utpote quod loquitur de ipsis pa-
 « rochialibus, et non de vicariis parochialium unitarum...
 « Neque res illa ullam amplius habet difficultatem, cum sit
 « manifeste decisum per citatam constitutionem Pii V *Ad*
 « *exequendum*, quatuor annis posteriorem publicatione Trideu-
 « tini. Unde etiam decretum concilii Toletani, statuentis ser-
 « vandum quoque in provisione harum vicariarum concursum,
 « contra jus est, et eget confirmatione Papæ, et alias uon
 « valet. » (Leurenus, *Forum beneficiale*, parte 1, q. 120, n. 2.)

SUBSECTIO II.

*Ad quosnam pertineat parochias liberæ collationis
 conferre.*

Parochiis juris patronatus, vel alicui capitulo, monaste-
 riove unitis, quis valeat parochos præficere, superiori sub-
 sectione diximus. Idem nunc quoad cæteras parochias per

se stantes, quæ liberæ collationis dicuntur, expendendum occurrit. Exponendum nempe quinam sint, de jure communi, ejusmodi parochiarum collatores.

CAPUT I.

DE PRIMARIO COLLATORE, SIVE PAPA.

Dicemus 1° quænam sit Romaui Pontificis potestas circa beneficia; 2° quænam ipsius potestas beneficia sibi reservandi; 3° quandonam parochiarum collatio sit ipsi reservata, vi reservationis in corpore juris expressæ; 4° quandonam sit ipsi reservata per regulas cancellariæ; 5° quodnam jus particulare hodie vigeat in Gallia quoad parochiarum collationem.

§ I.

Quænam sit Romani Pontificis potestas circa beneficia.

« Respondeo, Papæ a Christo concessum esse in beneficiis
 « jus plenum, seu summum, absolutamque potestatem, et
 « plenariam dispositionem (Castropalao, tractatu 13, de Bene-
 « ficiis, q. 2, p. 14, n. 2. — Layman, in caput *Quæ ad eccle-*
 « *siarum, de Const.* — Lotterus, c. 2, q. 22, n. 9, dicens catho-
 « licorum neminem id negare, juxta caput 2 de *Præbendis*);
 « ita ut non solum dicatur beneficiorum *administrator abso-*
 « *lutus*, ut cum divo Thoma (2. 2, q. 100, ad. 7) tam theo-
 « logi omnes quam canonistæ, sed etiam *dominus...*; in tantum
 « ut, ubi constat de ejus voluntate, frustra quærat de po-
 « testate, stante ei in hiis pro ratione voluntate... Quemad-
 « modum enim, quamdiu beneficium persistit in suo esse,
 « negari non potest Papæ absoluta ejus administratio, ita
 « nec absolutum dominium respectu ipsius formæ seu tituli
 « beneficialis; qui uti creatur per Papam, ita et per illum de-

« strui et annihilari potest. Utitur proinde Papa jure suo,
 « nec alterius juri contravenit aut detrahit, dum fructus be-
 « neficiorum gravat pensione, etiam invito beneficiato, aut
 « alteri ecclesiæ applicat...; dum beneficia quæcumque, in
 « quantumcumque alienis diœcesibus (quamquam totus ter-
 « rarum orbis stet Papæ pro diœcesi) confert. Quin et utendo
 « hac libera et plena dispositione, beneficiatum, etiam sine
 « causa, privare potest beneficio. (Garcias, parte 5, c. 1, n. 2;
 « addens hinc omnia beneficia respectu Papæ esse mauualia.)
 « Sed neque prærogativam hanc et potestatem ullum ei con-
 « cilium adimere et minuire, aut restringere potest: aut
 « etiam Papa concedens Ordinariis aliisque facultatem confe-
 « rendi beneficia, se privat aut privare potest dicta potestate
 « a Christo accepta. » (Lcurenus, *Forum beneficiale*, parte 2,
 quæstione 512.)

Potest autem Romanus Pontifex variis modis uti hac po-
 testate sua de beneficiis diœcesis cujuslibet disponendi; et
 prout hoc vel illo modo utitur, dicitur hoc vel illo jure suo in
 beneficia uti. Hinc multiplex distinguitur jus Romani Pontifi-
 cis beneficia conferendi: potest nimirum ea conferre.

« 1° *Jure concursus*, quatenus tanquam Episcopus univer-
 « salis, Ordinariusque Ordinariorum, et totius orbis, in quo
 « (veluti in capite et origine) residet ecclesiastica jurisdictio,
 « et potestas ordinandi ecclesias, *concurrit* cum cæteris omni-
 « bus collatoribus inferioribus in provisione beneficiorum
 « quorumcumque, etiam in mensibus (1) ordinariis Ordinario-
 « rum, hoc est, a jure illis concessis. Non enim nisi cumula-
 « tive cum Papa pro his mensibus Ordinarii habent facultatem
 « conferendi; dum Papa pro his mensibus non abdicavit a se
 « totaliter potestatem conferendi, aut manus sibi ligavit. »

« 2° *Jure devolutionis*, dum ex causa aliqua a collatoribus
 « inferioribus ad Papam fit devolutio juris conferendi.

(1) Id est, etiam quando vacant in his mensibus, in quibus collatio ex juris com-
 munis dispositione ad Ordinarios pertinet.

« 3º *Jure præventionis*, dum nimirum præveniundo vacationem beneficii, mandat hac vacatione subsecuta conferri, vel etiam ipse extunc confert certæ personæ.

« 4º *Jure reservationis*, dum confert certa beneficia, quæ ipse sibi privative reservavit. » (Leurenus, *Forum beneficiale*, parte 2, q. 513.)

De jure Papali *concursum* et *præventionis* non est cur fusius disseramus, cum de facto Sedes Apostolica hoc jure uti non soleat. Item quoad *jus devolutionis*, sat crit hic generatim adnotasse, fieri ad Papam devolutionem, quando inferiores ad quos pertinebat beneficii collatio, illud conferre neglexerunt intra tempus a jure præscriptum, vel eo modo contulerunt, quem jus irritat, et propter quem devolutionem decernit.

Atvero de jure pontificio *reservationis* quoad parochiarum cæterorumque beneficiorum collationem, diligenter exponendam duximus doctrinam catholicam : tum quod materia hæc quotidianam praxim attingat; tum etiam ob infeasas declamationes, quibus protestautes, necnon janseniaui et gallicaui systematis sequaces in ejusmodi pontificias reservationes insectati sunt.

§ II.

De potestate Romani Pontificis beneficiorum collationem sibi reservandi.

1º Romano Pontifici competere jus sibi reservandi beneficiorum cujuslibet diœcesis collationem, omnino certum est; atque illud negare temerarium prorsus esset atque erroneum (prout suus erit in tractatu *de Papa* probandi locus). Nam, ex dictis superiori paragrapho, est Romanus Pontifex, et quidem jure divino, omnium beneficiorum mundi supremus administrator; ergo et supremus collator. Unde repugnat ad aliquem pertinere posse, exclusive quoad Papam, jus beneficia confereudi; sed eo sensu dumtaxat existunt alii præter Papam collatores, quod de facto et libere eis Papa faciendam collationem relinquit.

2^o Ad quæstionem *quandonam ejusmodi pontificiæ reservationes induci cœperint*, respondet Leurenus : « Olim Pontifices
 « nulla sibi reservasse beneficia, saltem ex juris communis
 « dispositione : nam in toto decreto Gratiani nullæ beneficio-
 « rum reservationes reperiuntur; et hinc post Gratiani sæcu-
 « lum cœpisse videntur; quamvis ex antiqua consuetudine
 « multa sibi reservaverint. Qnas reservationes fere omnes
 « concilium Basileense abolere tentavit; cujus tamen con-
 « ciliî decreta, paucis exceptis, ab Ecclesia fuere rejecta.
 « Demum a Joanne XXII, et a Benedicto XII reservata fue-
 « runt Sedi Apostolicæ beneficia omnia electiva, et ea omnia
 « quæ per obitum Cardinalium et quorumcumque officialium
 « Romanæ curiæ vacarent. Postmodum ab Innocentio VIII,
 « aliisque subsequentibus Pontificibus eædem reservationes
 « auctæ, innovatæ et declaratæ fuerunt, ut in regulis cancel-
 « lariæ continetur. Sæculo 13 cœpisse Sedem Apostolicam ali-
 « qua beneficia in aliena diœcesi existentia sibi reservare
 « (prins ratione loci in quo vacarent, puta in curia Romana;
 « dein ratione personarum, puta familiarium Papæ; ac demum
 « ratione temporis, aliquot menses sibi servando), ait Cardi-
 « nalis de Luca, *de Beneficiis*, in *Summa*, n. 24. » (Leurenus,
Forum beneficiale, part 2, q. 526.)

Ex eo vero quod recentioribus dumtaxat sæculis illo jure sibi beneficiorum collationem reservandi usa sit Sedes Apostolica, perperam concluderetur eo jure antea caruisse Romanos Pontifices. Esto recens sit exercitium juris, non tamen jus ipsum. Potuisset Sedes Apostolica, statim ex quo cœpere existere beneficia, ea sibi reservare. At eum non expediant omnia quæ licent, recentioribus tantum sæculis opportunum æstimavit hujus sui juris exercitium. Atque idem quoad jus confirmandi Episcopos, aliaque non pauca Sedis Apostolicæ jura advertere est : ab initio scilicet et a Christo ipso ista jura, quamvis nonnisi multa post sæcula exerceri cœpta.

3^o Solet autem describi reservatio, « beneficii vacaturi ad
 « se avocatio, vi cujus nimirum ligantur manus aliis omnibus

« collatoribus, subduciturque beneficium Ordinariorum po-
 « testati (qua alias, cessante hac avocatione, quilibet Episco-
 « pus in suo episcopatu beneficia omnia conferre potest), ita
 « ut attentata jam ab aliis provisio evadat nullius valoris...
 « Verum melius videtur definiri a Lottero... : interdictum Pa-
 « pæ, factum inferiori circa usum potestatis ordiuandi benefi-
 « cium, gratia providendi bene meritis. » (Leurenus, *Forum*
beneficiale, parte 2, q. 522.)

4° Quando Papa ponit actum aliquem, ex quo sequitur be-
 neficii reservatio (verbi gratia, quando beneficium, statim ac
 vacabit, concedit alicui), ille reservationis modus dicitur *af-*
fectio, et tunc beneficium dicitur *affectum*; nequit scilicet
 ordinarius collator de eo disponere, quia jam de eo Papa dis-
 posuit. Unde *reservatio* solet fieri verbali dispositione, qua de-
 clarat Summus Pontifex se sibi tale beneficium reservare, et
 solet esse pro semper, seu quoad omnes in perpetuum benefi-
 cii vacationes : *affectio* vero fit facto aliquo, et dispositione
 transitoria; qua scilicet semel expleta, et beneficio iterum va-
 cante, jus suum recuperat ordinarius collator.

5° Quod si quærat quæ de causa Sedes Apostolica sibi re-
 servandam duxerit multorum beneficiorum collationem, re-
 spondemus cum Leurenio : « Causam fuaalem reservationum
 « esse bonum commune reipublicæ ecclesiasticæ; de quo ele-
 « gantissime discurrentem, et defendentem reservationes
 « apostolicas contra obtrectatores earum, ex verbis ipsiusmet
 « Pii V, vide Lotterum (l. 2, q. 36, potissimum a n. 12).
 « Prima itaque causa est, quod, cum ad Papam spectet remu-
 « nerare bene meritos de Ecclesia, præsertim qui sibi aut suis
 « antecessoribus servierunt, et erga egentes clericos, qui unde-
 « quaque ad Sedem Apostolicam confluunt, se liberalem exhi-
 « bere, iisque subvenire; hinc, inquam, æquum fuit amplissi-
 « mam esse Papæ potestatem, beneficia vacantia, quasi bona
 « communia, aliis conferendi; adeoque et quamplura eorum
 « suæ collationi reservandi. Altera causa est, ut ecclesiarum
 « et ecclesiasticarum personarum toto orbe existentium major

« sit communicatio cum Ecclesia Romana omnium matre, dum
 « non solum in spiritualibus, sed et in temporalibus beneficio-
 « rum proventibus ab ea dependent. Quo enim in pluribus ab ea
 « dependent et ad eam confugere debent, eo magis reverentur
 « et amant, et in eis quæ ad fidem, mores et sacra ministeria
 « spectant se ei submittunt. » (*Forum benefeciale*, parte 2,
 q. 525.)

6º Ad perpetuo recitatam objectionem de periculo, ne Sedes Apostolica ejusmodi potestate abutatur, beneficia indignis conferendo, præsto est responsio. Equidem accidere potest, ut quandoque Romanus Pontifex minus dignis beneficia conferat, cum nequaquam hac in re infallibilis sit. At, quæso, numquid magis infallibiles Episcopi, alique collatores? Ingentes olim, inquis, ex reservationibus pontificiis dioceseon perturbationes, ingentes querelæ, ingentia scandala. — Existimo ego ingentia hæc de re declamata mendacia : esto tamen nonnullos Pontifices in exercenda hac potestate sua aliquid humani passos fuisse : quam inde conclusionem intendis? Non agnoscendam esse hanc in Romano Pontifice potestatem? At numquid ex abusu potestatis legitime unquam, fieri poterit ad ejusdem potestatis negationem illatio? Vide ne infensus ille in reservationes pontificias animus tibi sit in scandalum, quo de sana doctrina ad erroris abyssum misere deturberis. Qui enim offenderit in hanc Petram collidetur ab ea. Neque legimus pios et sanctos viros pontificiarum reservationum obtrectatores exstitisse, aut pravam eam Romanæ Sedis potestatem existimasse. Quamquam autem hæc scribens non panorum forsitan invidiam in me evocitem, absit ut ejusmodi declamationibus subscribam unquam, aut Romanæ Ecclesiæ, matri meæ, quam sibi vindicat reservationum potestatem in dubium revocare audeam, eive crimini vertam. Qua si forte abuti contingat aliquem Romanum Pontificem, qui zelum Dei habet, eum obsecret ut Patrem; at piam et reverentem obsecrationem prætergredi non audeat; quia ultra non sincera in Ecclesiam Christi devotio, sed in felle amaritudinis contentio.

§ III.

Quandonam parochiarum, cæterorumque beneficiorum collatio sit reservata Papæ, vi reservationis in corpore juris sancitæ.

Ex legibus in corpore juris clausis, non reperitur nisi unica reservatio proprie dicta, beneficiorum nempe quæ vacant *apud Sedem Apostolicam*, seu *in Romana curia*; quod probat *Leurenus* in suo *Foro beneficali* (parte 2, q. 529), ostendendo cæteras dispositiones, quibus aliæ reservationes sanciri videntur, non præcise reservationem decernere, sed vel devolutionem, vel privationem beneficii, aliudve hujusmodi. Hinc in præsentî paragrapho agendum nobis est dumtaxat de beneficiorum in curia Romana vacantium reservatione. Quam quæstionem expediemus hoc ordine : 1^o leges transcribemus quibus hæc reservatio decernitur ; 2^o exponemus quid intelligendum sit per vacationem in Romana curia ; 3^o quid ex dictis legibus sequatur quoad parochiarum collationem expendemus.

I. Præmittuntur textus legum, quibus reservantur beneficia apud Sedem Apostolicam vacantia. — Capite 2, tituli 4, libri 3 decretalium, in sexto, sic decernitur : « Licet ecclesiarum, per-
« sonatum, dignitatum, aliorumque beneficiorum ecclesiasti-
« corum plenaria dispositio ad Romanum noscatur Pontificem
« pertinere, ita quod non solum ipsa eum vacant potest de
« jure conferre, verum etiam jus in ipsis tribuere vacaturis ;
« collationem tamen ecclesiarum, personatum, dignitatum
« et beneficiorum apud Sedem Apostolicam vacantium, spe-
« cialius cæteris antiqua consuetudo Romanis Pontificibus
« reservavit. Nos itaque laudabilem reputantes hujusmodi
« consuetudinem, et eam auctoritate Apostolica approbantes,
« ac nihilominus volentes ipsam inviolabiliter observari,
« eadem auctoritate statuimus, ut ecclesias, dignitates, per-
« sonatus, et beneficia, quæ apud Sedem ipsam deinceps

« vacare contigerit, aliquis præter Romanum Pontificem (qua-
« cumque super hoc sit auctoritate munitus, sive jure ordina-
« riæ potestatis ipsorum electio provisio seu collatio ad eum
« pertineat...), conferre alicui seu aliquibus non præsumat.
« Nos enim si secus actum seu attentatum, decernimus irri-
« tum et inane. »

Item in sexto decretalium (c. 34, *de Præbendis*) sic occurrit
a Bonifacio VIII decretum : « Præsenti declaramus edicto,
« statutum felicitis recordationis Clementis Papæ prædeces-
« soris nostri, de beneficiis apud Sedem Apostolicam vacan-
« tibus, per alium quam per Romanum Pontificem minime
« conferendis, locum habere in beneficiis, quæ Legati aut
« Nuntii Sedis ejusdem, vel quivis alii ad Romanam curiam
« venientes, vel etiam recedentes ab ipsa, obtinere noscun-
« tur, si eos in locis vicinis ipsi curiæ mori contingat, quem-
« admodum si in loco ubi eadem curia residet, morerentur...
« Loca vero intelligantur vicina eidem curiæ in præmissis,
« quæ remota ultra duas dictas legales a loco ubi moratur
« ipsa curia non existunt. »

II. *Quid sit vacatio beneficiorum in Romana curia.* — 1º Tunc
dicitur beneficium vacare in curia Romana, seu apud Sedem
Apostolicam, quando ille, qui beneficium possidebat, moritur
in eo loco ubi residet Pontificia curia, verbi gratia, Romæ.
Ubicumque autem residet Papa cum sua cancellaria, suisque
officialibus, tribunalibus et consiliariis, ibi adesse curia Ro-
mana censetur. 2º Etiam si beneficiatus moreretur in loco ubi
Papa resideret absque sua curia, censendum foret beneficium
vacare apud Sedem Apostolicam, ac proinde reservatione
affici; prout tenent communiter canonistæ. (Vide Leurenium,
Forum beneficiale, parte 2, q. 532.) 3º Si beneficiatus non mo-
riatur in loco ipso ubi residet Romana curia, vel Papa; sed
tamen in loco non plus distante quam duobus diebus, id est,
quadraginta millibus passuum, adhuc censetur beneficium va-
care apud Sedem Apostolicam.

III. *Concluditur quomodo parochiarum COLLATIO sit reservata*

Papæ, ex eo quod vacent in curia Romana. — 1° Certa est generalis regula, parochiarum, sicut et cæterorum beneficiorum, in curia Romana vacantium collationem esse Romano Pontifici de jure communi reservatam. Id enim ex supra citatis duabus decretalibus aperte sequitur : siquidem hoc ibi decernitur de beneficiis absque distinctione; ac proinde etiam de beneficiis curatis seu parochialibus.

2° Dari tamen ad prædictam generalem regulam nonnullas exceptiones, tradunt communiter canonistæ. Excipiuntur nempe : *primo* beneficia collata quidem, sed nondum acceptata; quo casu si is cui collatum est moriatur apud Sedem Apostolicam, non manet reservatum beneficium. *Secundo* excipiuntur pariter episcopatus, seu ecclesiæ cathedrales, et abbatie vacantes in curia, aliæque dignitates electivæ. *Tertio* item beneficia manualia, seu ad nutum revocabilia, sive sint sæcularia, sive regularia. *Quarto* beneficia juris patronatus laicalis. *Quinto* beneficia regularia. *Sexto* beneficia parochialia vacantia in curia *dum Sedes Apostolica vacat*. Quæ exceptiones quomodo probentur, vide apud Leurenium (*Forum beneficiale*, parte 2, q. 534). Attentis autem his exceptionibus, ad parochias quod attinet, dicendum cas, dum vacant in curia, esse reservatas, nisi sint, vel juris patronatus laicalis, vel manuales seu ad nutum revocabiles, vel vacent in curia dum vacat ipsamet Sedes Apostolica.

3° Dum autem parochia vacans in curia, et reservata Sedi Apostolicæ, non confertur a Papa intra mensem, a die vacationis computandum, cessat reservatio, et eam ordinarius collator conferre potest. Ita expresse sancitum, quoad omnia generaliter beneficia, a Gregorio X in concilio generali Lugdunensi, his verbis : *Statutum felicitis recordationis Clementis Papæ prædecessoris nostri, de dignitatibus et beneficiis in curia Romana vacantibus nequaquam per alium quam per Romanum Pontificem conferendis, decernimus taliter moderandum : ut illi ad quos eorumdem beneficiorum et dignitatum spectat collatio (statuto non obstante prædicto), demum post mensem, a die quo dignitates seu*

beneficia vocaverint numerandum, ea conferre valeant, tantummodo per seipsos; vel (ipsis agentibus in remotis) per suos vicarios generales, in eorum diocesisibus existentes, quibus id canonice sit commissum (caput Statuum 3, de Præbendis, in 6).

§ IV.

Quandonam parochiarum collatio sit Romano Pontifici reservata per cancellariæ regulas.

Dicemus 1º quid sint regulæ cancellariæ, et an jus commune seu universale constituent; 2º quandonam reservetur collatio parochiarum per primam cancellariæ regulam; 3º quandonam per regulam nonam, quæ vocari solet *regula de mensibus*.

I.

Quid sint regulæ cancellariæ, et an jus universale constituent.

« Sunt constitutiones quædam pontificiæ, majore ex parte concernentes causas et reservationes beneficiales... Sic dictæ, vel quia bona earum pars concernunt expeditionem litterarum, quæ in cancellaria expediuntur, vel quia in cancellaria publicantur et registis consignantur, idque auctoritate Papæ. Solet quilibet Pontifex initio sui Pontificatus has regulas renovare et publicare... Primus omnium eas edidisse et sic appellasse dicitur Joannes XXII. Initium eas habuisse circiter anno 1330 ait Cardinalis de Luca (*de Beneficiis*, discursus 1, n. 23).

« Regulæ hæc... revera jus universale inducunt, seu legum generalium rationem habent, ita ut extra curiam per orbem totum ligent. » (Leurenus, *Forum beneficiale*, parte 2, q. 539 et 540.) Id fusius probatum vide a Rigantio, in eximio ipsius commentario in cancellariæ regulas.

« Per mortem cujuslibet Pontificis, vis et auctoritas dictarum regularum expirat; adeoque cessant regulæ reservatioris Sede Apostolica vacante. Unde beneficia vi earum reservata, Sede Apostolica vacante, libere conferunt Episcopi seu ordinarii collatores. » (Leurenus, loco citato.) Atque id intelligendum est, non tantum sede vacante, sed etiam donec novus electus Pontifex eas regulas renovaverit. (Leurenus, ibidem.) Solet autem eas renovare die sequenti ipsius electionem.

II.

Quandonam reservetur Sedi Apostolicæ parochiarum collatio per primam cancellariæ regulam.

Inter alia quæ in hac regula statuuntur, reservata Sedi Apostolicæ declarantur beneficia omnia, quæ ab Ordinariis aliisque collatoribus contra præscriptam a Tridentina synodo formam collata fuerint : *et ea etiam beneficia omnia* (sunt verba regulæ) *dispositioni suæ reservavit, de quibus per dictos Ordinarios aut alios collatores, contra ejusdem concilii decretorum formam, dispositum fuerit.* Quod ad parochias applicando, si de iis ordinarius collator disposuerit contra Tridentinæ synodi decreta, verbi gratia, eas conferendo absque prævio concursu, vel ætatem requisitam non habentibus, etc., jus suum collationis amittit; nec poterunt jam ejusmodi parochiæ ab alio quam a Romano Pontifice conferri. (Vide Leurenium, *Forum benef.*, p. 2, q. 543, n. 3.)

III.

Quomodo Sedi Apostolicæ reservetur parochiarum collatio, vi regulæ nonæ, quæ dicitur regula de mensibus.

In hac regula sic disponitur : *Cupiens Sanctissimus Dominus Noster Papa pauperibus clericis et aliis bene meritis personis pro-*

videre, omnia beneficia ecclesiastica cum cura et sine cura, sæcularia et quorumvis ordinum regularia, qualitercumque qualificata, et ubicumque existant, in singulis januarii, februaryi, aprilis, maii, junii, augusti, octobris et novembris mensibus, usque ad suæ voluntatis beneplacitum, extra Romanam curiam, alias quam per resignationem quocumque modo vacatura, ad collationem, provisionem, præsentationem, electionem et quamvis aliam dispositionem quoruncumque collatorum... quomodolibet pertinentia, dispositioni suæ generaliter reservavit...

Insuper Sanctitas Sua, ad gratificandum Patriarchis, Archiepiscopis et Episcopis intenta, ipsis, quandiu apud ecclesias aut dioceses suas vere ac personaliter resederint duntaxat, de omnibus et quibuscumque beneficiis ecclesiasticis, cum cura et sine cura, sæcularibus et regularibus (ad liberam ipsorum duntaxat, non autem aliorum cum eis, dispositionem... pertinentibus), quæ in antea in mensibus februaryi, aprilis, julii, augusti, octobris et decembris extra curiam ipsam vacare contigerit..., libere disponendi facultatem concedit...

Illi vero qui gratiam alternativæ prædictæ acceptare voluerint, acceptationem hujusmodi per potentes litteras, manu propria subscriptas, suoque sigillo munitas, et in sua quisque civitate vel diocesi datas declarare, et litteras ipsas huc ad Datarium Sanctitatis Suæ transmittere teneatur.

Ex hac lege ecclesiastica, quoad parochiarum collationem hæc deducenda veniunt :

1° Nisi acceptata fuerit ab Episcopo alternativa, parochiæ quæ vacant in aliquo ex supra nominatis octo mensibus, conferri nequeunt nisi a Romano Pontifice. Quæ autem vacant in quatuor aliis mensibus, a collatoribus ordinariis conferri possunt; modo tamen ex alio aliquo titulo (verbi gratia, ex eo quod vacent in Romana curia) non sint Apostolicæ Sedi reservatæ.

2° Si acceptetur ab Episcopo alternativa, tunc parochiæ (quæ, seclusa reservatione Papali, pertinerent ad liberam Episcopi collationem) conferri poterunt ab Episcopo, si vacent

in aliquo ex mensibus sex, in secunda parte regulæ designatis : si vero vacent in sex aliis mensibus, ad Romanum Pontificem earum collatio pertinet.

3° Quando parochiæ vacantis collatio ad Papam pertinet, non ideo omittendus est concursus; sed etiam tunc instituendus est, ut dicetur postea. Quo casu partes Episcopi sunt, ut facto concursu, nomina eorum, qui ab examinadoribus synodalibus approbati sunt, ad Romanum Pontificem transmittat, quod infra suo loco explanabimus.

4° Sub hac regula de mensibus, non comprehendi parochias juris patronatus laicalis, neque etiam parochias manuales, id est, quarum rectores sunt ad vutum amovibiles, vide probatum a Leurenio (*Forum beneficiale*, parte 2, q. 556).

§ V.

Ex hodierno jure particulari Galliæ videtur parochiarum collatio ad Episcopos pertinere, absque ulla ad Sedem Apostolicam reservatione.

In superioribus paragraphis jus commune descripsimus. Quoad Galliam vero valde notabilis intervenit per concordatum anni 1801 juri huic communi derogatio. Article decimo hujus conventionis, a Pio Papa VII per bullam *Ecclesia Christi* confirmatæ, sic statuitur : *Episcopi ad paræcias nominabunt; nec personas seligent, nisi gubernio acceptas*. Porro ex isto textu colligendum videtur, omnium Galliæ parochiarum collationem ad Episcopos, absque ulla Pontificia reservatione, pertinere. Etenim certa erit conclusio, si vox *nominabunt* ibi intelligenda sit, non tantum de nominatione, sed etiam de collatione. Atqui hoc sensu ibi usurpatum videtur illud vocabulum. Quod suadetur, tum ex circumstantiis nonnullis, tum ex analogia cum concordato reipublicæ Italianæ, tum denique ex eo quod de facto sic res a quinquaginta annis intellecta fuerit.

Et primo quidem id suadet modus, quo hujus concordati textus compositus et determinatus fuit. Propositus a Napo-

leone fuerat articulus sub hac formula : *Ils (les Évêques) nommeront à toutes les cures. Ces nominations seront soumises à l'approbation du gouvernement.* Postulavit Cardinalis Consalvi immutationem in hunc modum : *Ils nommeront à toutes les cures, et choisiront des pasteurs doués des qualités requises par les lois de l'Église, et qui n'auront pas démerité la confiance du gouvernement.* Quonam autem consilio sic moderari articulum procurasset, Pio VII indicabat idem Cardinalis his verbis : « La « scelta de' parrochi nell' attuale situazione delle cose dev' « essere un punto assai geloso per il governo, trattandosi di « persone, che si avvicinano al popolo piu degli stessi Ves- « covi. Bramava per tanto il governo medesimo, que le no- « mine venissero assoggettate alla sua approvazione. Si e « combinato l'articolo in guisa di salvar dette nomine ai Ves- « covi, lo que fissa in loro un tal diritto libero, e di amme- « tere la riserva, che non sceglieranno i pastori, se non doppo « d'essersi assicurati che godono la fiducia del governo. « I Vescovi colla loro prudenza potranno in atto pratico « combinar la cosa in modo plausibile, e senza danno della « disciplina della chiesa. »

Aliunde autem ad dominum Bernier presbyterum, qui pro parte gubernii agebat, hancee notam transmisit Cardinalis Consalvi : *On a cherché à rassurer davantage le gouvernement, en disant que les Évêques qui nommeront à toutes les cures ne choisiront les pasteurs, qu'après s'être assurés qu'ils sont doués des qualités requises par les lois de l'Église, et qu'ils jouissent de la confiance du gouvernement* (1).

Ex quibus patet, lingua gallica primum exscriptam fuisse articuli hujus formulam. Unde sequitur voces illas *Episcopi ad parœcias nominabunt* eo sensu intelligendas esse, qui *nominatio- nis* vocabulo in dicto idiomate inhæret. Porro *nominare ad aliquod munus* apud Gallos sensu obvio designat actum aucto-

(1) Hosce textus deprompsi ex quodam documentorum, Pii VII Pontificum respicientium, collectione, que apud R. P. Angelini in collegio Romano asservatur.

ritatis, vi cuius potest quis hoc munere legitime fungi; ita scilicet ut facta nominatione nihil aliud requiratur. Et hoc procul dubio sensu propositum a se articulum, *ils nommeront à toutes les cures*, intelligebat Napoleo; ad instar nempe nominationis ad varia gubernii munera. Quem sensum, cum procul dubio intellexerit Sedes Apostolica, censenda etiam est juxta ipsum locuta; ita nimirum. ut voces *ad paræcias nominabunt* jus etiam Episcopis tribuant parochias *conferendi*. Quod de omnibus parochiis, proprie (1) vacantibus, et absque ulla exceptione aut reservatione intelligendum est, cum propositio sit generalis.

Idem suadetur ex concordato Pium VII inter et Napoleonem inito, quatuor post annis, quoad rempublicam Italianam. Ibi nempe expressis terminis Sedes Apostolica Episcopis tribuit jus paræcias omnes conferendi: *Sanctitas Sua concedit Episcopis jus conferendi paræcias, quæ quovis anni tempore erunt vacaturæ*. Porro verisimile non est alio sensu intelligendam esse formulam *ad paræcias nominabunt*, in concordato anni 1801 adhibitam.

Et tandem certum est hoc sensu constanter ab initio usque nunc intellectum et ad praxim deductum fuisse illum concordati anni 1801 articulum; ita scilicet ut Episcopi Galliæ non tantum nominationis, sed et collationis ad omnes vacantes parochias plenum jus, et nulla reservatione Pontificia limitatum, sibi vindicaverint, quin ulla unquam de hoc difficultas mota fuerit.

Hinc annuendum non puto cujusdam hodierni canonistæ opinioni, qui mihi dicebat, ita sibi videri articulum interpretandum, ut *nominatio* dumtaxat ad Episcopos quoad omnes vacantes parochias pertineret; *collatio* autem, ut pote de qua

(1) In cathedralibus, ubi cura fuit capitulo adnexa, per obitum vicarii curati parochia proprie non vacat; si quidem principalis rector, seu parochus *in habitu*, est ipsummet capitulum. Unde præsens concordati articulus non censendus est ad nominationem vicarii curati cathedralis extendi; sed hæc nominatio spectat ad capitulum, ad normam juris communis, quem alibi exposuimus.

nihil in concordato expressum, nonnisi ad juris communis normam : proinde vacantibus in curia Romana, vel in mensibus Papæ reservatis Galliarum parochiis, adhuc hodie necesse esse, ut præter nominationem ab Episcopo, collatio a Romano Pontifice obtineatur. Hæc, inquam, opinio mihi videtur nullo solido fundamento niti. Quam tamen meam conclusionem Sedis Apostolicæ judicio et correctioni plene subjicio.

Nota. — Quod autem hic dicitur de Galliæ Episcopis, extendendum est ad nonnullas alias regiones (verbi gratia, ad Belgium), quarum ecclesiæ ex dicto concordato anni 1801 reguntur, utpote quæ tunc temporis intra fines imperii Gallici clauderantur.

CAPUT II.

DE POTESTATE EPISCOPI QUOAD PAROCHiarum COLLATIONEM.

QUÆSTIO 1^a. — *Quis dicatur ordinarius collator.* — « Re-
« spondeo : illum qui jure proprio beneficia confert, tametsi
« jurisdictionem nullam habeat, et sive hanc potestatem con-
« ferendi habeat a jure, sive ex præscriptione, consuetudine,
« privilegio. Et sic in specie capitulum, dum legitime justifi-
« cavit consuetudinem conferendi privative ad Episcopum,
« venire sub nomine ordinarii collatoris, ait Cardinalis de
« Luca, *de Beneficiis*, discursu 31, n. 15. » (Leurenus, *Forum*
beneficiale, parte 2, q. 664.)

QUÆSTIO 2^a. — *Quomodo Episcopus sit de jure communi benefi-
« ciorum diœcesis suæ ordinarius collator.* — « Episcopus inter
« collatores ordinarios primum locum habet; utpote cui ex
« jure communi, et ratione episcopatus, concessa est hæc po-
« testas conferendi beneficia diœcesis suæ (juxta caput *Omnes*
« *basilicæ*, et caput *Nullus omnino*, causæ 16, quæstionis 7;
« caput *Conquerente*, de *Officio ordin.*; caput *Ex frequentibus*, de

« *Institut.*); eum interim collatoribus aliis, quales sunt abbates, « priores, collegia canonicorum, etc., ea potestas potius ex « præscriptione, consuetudine, privilegio, quam de jure com- « petat. Ac proinde, cessantibus reservationibus, omnium be- « neficiorum in diœcesi existentium collatio de jure communi « spectat ad Episcopum, isque de iis conferendis de jure « communi fundatam intentionem habet (sub limitatione ta- « men et exceptione danda inferius circa beneficia ecclesiæ « cathedralis). Idque non solum ratione beneficiorum tunc « existentium, sed et in posterum erigendorum. Neque solum « respectu sæcularium, sed et regularium beneficiorum hoc « jus commune ei assistit : hoc tamen ipsum...intelligitur de « non-exemptis.» (Leurenus, loco citato, q. 665.)

QUÆSTIO 3^a. — *Unde hoc jus conferendi originetur in Epi-
scopo ?* — « Respondeo, tametsi bene dicatur originari in Epi- « scopo a jure communi, non tamen originari in Episcopis « immediate, sed defluxive; nimirum defluere a Papa in eos, « utpote in quo sola hujus potestatis plenitudo residet, cui « omnes alii Episcopi subsunt tanquam membra, et vocati in « partem sollicitudinis. » (Leurenus, loco cit., q. 666.)

QUÆSTIO 4^a. — *An hæc potestas Episcopi circa conferenda be-
neficia spectet ad ejusdem jurisdictionem ?* — « Respondeo : nul- « latenus, saltem proprie, ad potestatem jurisdictionis spectat, « seu competit ei jure magistratus. Non enim omnia quæ ma- « gistratui alieni competunt, competunt ei jure magistratus ; « sed aliqua competere possunt a lege, extra imperium et ju- « risdictionem. Multoque minus hæc potestas est potestas « ordinis; cum (ut dicitur capite *Nosti, de Elect.*) conferre « possit statim ac electio ejus fuit confirmata, etsi nondum sit « consecratus : sed est accidentalis cujusdam potestatis, eo- « dem nihilominus tempore impressæ, quo imprimuntur juris- « dictionalia; nimirum ex speciali concessione legis, nempe « capitis *Omnes basilicæ.* » (Leurenus, loco cit., q. 667.)

QUÆSTIO 5^a. — *Quid sequatur ex præmissa doctrina, quoad
potestatem Episcopi conferendi parochias ?* — Præmissa hac Leu-

renii doctrina, quæ communiter a canonistis tradi solet, facilis jam præsentis quæstionis solutio. 1° Nempe nequibit Episcopus parochiam vacantem conferre, si reservata sit Romano Pontifici, juxta normam superiori capite expositam. 2° Pertinere potest parochiæ alicujus collatio ad alios quam ad Episcopum, quamvis Episcopo inferiores; jure scilicet præscriptionis, consuetudinis, aut privilegii; quo etiam casu non poterit Episcopus eam conferre. 3° Quando autem parochia vacans, neque est reservata Sedi Apostolicæ, neque ullus alius jus suum conferendi probare potest, hoc ipso ad Episcopum collatio pertinet. Tunc scilicet Episcopus, ex sola episcopatus sui ratione, et qui ullo speciali ad hoc titulo indigeat, hanc potestatem habet ex jure communi.

Nota. — Posse autem Episcopum jus illud parochias et cætera beneficia conferendi exercere ante consecrationem suam, non tamen antequam ejus electio confirmata fuerit, et possessionem cøperit, vide apud laudatum Leurenium (loco cit., q. 668).

QUÆSTIO 6ª. — *An hodie in Gallia præter Episcopos alii existant parochiarum collatores?* — Respondendum negative; ob expressam nempe concordati anni 1801 dispositionem, *Episcopi ad paræcias nominabunt.* Quæ verba excludunt (ut superiori capite diximus) quamlibet pontificiam reservationem, necnon simul quemlibet alium collatorem. Si quidem ibi vox *nominabunt* conferendi etiam jus exprimere censenda est. Atque id firmat perpetua praxis a dicti concordati tempore usque ad præsentem diem. Extendenda autem est conclusio hæc ad alias regiones, quæ etsi intra fines Galliæ comprehendi desierint, præfati tamen concordati jure reguntur.

Notetur tamen nos hic loqui dumtaxat de parochiis liberæ collationis; non autem de parochiis alicui capitulo vel monasterio unitis. Nam in vicina quadam ex dictis regionibus quæstio hodie movetur, num quædam monasteria, quibus ante perturbationem anni 1793 unita erat animarum cura, adhuc hodie jus habeant præsentandi unum ex religiosis

suis qui curam exerceat ; ita ut nequeat ibi Episcopus quem voluerit parochum præficere, sed dumtaxat præsentatum et nominatum ab abbate seu capitulo monasterii. Et quidem in favorem liberæ collationis Episcopi militat ratio, quod auctoritate Pii VII omnes hujus regionis parochiæ *extinctæ fuerint*, ut nova dein circumscriptio fieret : ex quo sequitur extinctum simul fuisse jus dictorum monasteriorum in hujusmodi parochias, cum noviter erectæ parochiæ, etsi antiquis territoria-liter correspondeant, non tamen sint illæ antiquæ *restitutæ*, sed *novæ* extinctis succedentes. In favorem autem monasteriorum urgetur gravissimum argumentum ; potuisse nempe primo primos Episcopos, ex subdelegatione Apostolica, a legato Cardinali Caprara sibi facta, novas parochias constituere, etiam cum antiquis monasteriorum in eas juribus. Atque ita revera factum fuisse a primis post concordatum Episcopis contendunt hodie eorum monasteriorum religiosi ; quod concludunt ex eo quod, sicut antiquitus, denuo fieri cœperit a monasterio præsentatio religiosi, qui curam exerceret ; atque ita jus antiquum monasterii, etsi per parochiarum omnium suppressionem extinctum, restitutum tamen fuisse a primo post concordatum Episcopo ; idque auctoritate Apostolica, ita ut nequeant jam successores ejus idipsum immutare.

CAPUT III.

DE POTESTATE, TUM VICARII GENERALIS EPISCOPI, TUM (SEDE VACANTE) CAPITULI, ET VICARII CAPITULARIS. QUOAD PAROCHiarum COLLATIONEM.

I. *Quid valeat quoad parochiarum collationem vicarius generalis Episcopi ?* — 1° Ex eo solo quod sit vicarius generalis, neque parochias, neque ulla alia beneficia conferre potest :
 « Sed eget ad hoc speciali concessione : illi enim ex concessione vicariatus concessa solum est episcopatus administratio,

« in his quæ necessitatis sunt et utilitatis; unde et instituere
« et confirmare potest præsentatos et electos, ex generali
« mandato; quia hæc sunt justitiæ et necessitatis: non autem
« conferre; quia beneficiorum collatio est quædam donatio li-
« bera. » (Leurenus, *Forum beneficiale*, parte 2, q. 683.)

2° « Posse vicario generali concedi hanc facultatem confe-
« rendi beneficia, habet communis (doctorum sententia). Quin
« et Castro-Palao ait, fere semper solere illi concedi hanc fa-
« cultatem. » (Leurenus, *ibidem*, q. 683, n. 2.)

3° Est pariter communis doctorum sententia, « posse vica-
« rium generalcm, ratione vicariatus sibi concessi, sine spe-
« ciali mandato, interim dum beneficium vacat et non pro-
« videtur de rectore, vel rector impeditus est, constituere
« vicarium, qui beneficium regat et animarum curæ prospi-
« ciat; quia hæc designatio rectæ episcopatus administra-
« tioni necessaria est, et non est collatio. » (Leurenus, *ibi-*
dem, q. 682, n. 3.)

II. *An capitulum, sede vacante, conferre possit parochias cæ-*
terave beneficia, quæ sunt liberæ collationis Episcopi ?— « Quoad
« conferenda beneficia quæ sunt de collatione Episcopi, capi-
« tulum, sede vacante, nullam habet potestatem, sive non
« succedit Episcopo in collatione horum beneficiorum. Licet
« enim capitulum succedat in iis quæ Episcopo jure ordinario
« competunt, attamen collatio beneficiorum casus unus est,
« isque præcipuus, ab ista regula exceptus, per caput 2, tituli
« *Ne sede vacante*; et caput unicum ejusdem tituli, in sexto. »
(Leurenus, loco citato, q. 708.)

Parochiæ autem, cæterave beneficia ad liberam Episcopi
collationem pertinentia, quando vacante sede episcopali va-
cant, de jure communi reservantur Sedi Apostolicæ, non au-
tem successori Episcopo; ita scilicet disponente regula 2 can-
cellariæ. (Vide Leurenium, *Forum beneficiale*, parte 2, q. 709.)

Atvero hodie in Gallia, ejusmodi parochiarum collatio vi-
detur ad successorem Episcopum pertinere; ob memorata
nempe concordati anni 1801 verba. *Episcopi ad paræcias no-*

minabunt. Hac enim formula videtur Romanus Pontifex renuntiasse etiam juri suo conferendi parochias, episcopali vacante sede, vaeantes. Et sic in praxi rem a tempore dicti concordati intellectam fuisse certum est.

III. *Quid valeat vicarius capitularis quoad parochiarum collationem?* — Quæ modo dicta sunt de capitulo, sede vacante, applicanda sunt et capitulari vicario; cum ipsius potestas sit ipsamet jurisdictio capituli, ad ipsum transmissa, et non amplior. Unde nec ipse potest parochias conferre; sed duntaxat vicarium in eis constituere, usque dum de paroeo provideatur.

Nota. — Potest etiam pertinere jus parochias conferendi, ad privatas personas; et a fortiori ad aliquod monasterium collegiumve, aut diguitatem; vi nempe et titulo privilegii, vel præscriptionis, vel consuetudinis; prout supra dictum fuit. Neque id episcopalis jurisdictionis subversivum videri debet. Nam (ut supra a canonistis communiter traditum vidimus) beneficiorum collatio proprie ad episcopalem jurisdictionem ordinemve non pertinet; sed est quid a lege episcopatu alligatum. Lex autem ita voluit Episcopos esse ordinarios collatores, ut aliis etiam hoc jus competere posset: eum hoc tamen discrimine, quod Episcopus jus illud habeat hoc ipso solo quod sit Episcopus: alii vero illud sibi vindicare nequeant, nisi mediante speciali titulo privilegii, præscriptionis aut consuetudinis.

Cæterum quando quis, præter Episcopum, jus conferendi aliquam parochiam habet, eam conferre nequit nisi illi, qui examinatus et approbatus ab Episcopo fuerit, prout ex ipsa episcopalis muneris essentia deduci posset, et fuit a Tridentina synodo expresse sancitum his verbis: *Liceat Episcopo præsentatos a patronis, si idonei non fuerint, repellere. Quod si ad inferiores institutio pertineat, ab Episcopo tamen, juxta alias statuta ab hac sancta synodo, examinentur: alioquin institutio ab inferioribus facta, irrita sit et inanis* (sess. 25, c. 9).

SECTIO II.

**Quis valeat constitui parochus, seu de requisitis
ad parochiale officium qualitatibus.**

QUÆSTIO 1^a. — *Quænam requiratur ætas?* — 1^o Omnino certum est constitui non posse in parochum, nisi qui annum vigesimum quintum attigit, id est, inchoavit; atque hac deficiente ætate, irritam prorsus et nullam fore parochiæ provisionem. Ita nempe expresse sancitum ab Alexandro III in Lateranensi concilio, constitutione *Quia nonnulli*. Quam constitutionem postea confirmavit Gregorius X his verbis : *Licet canon, a felicitis recordationis Alexandro Papa III prædecessore nostro editus, inter cætera statuerit, ut nullus regimen ecclesiæ parochialis suscipiat, nisi vigesimum quintum ætatis annum attigerit...; quia tamen in observatione canonis memorati, se multi exhibent negligentes : nos periculosam illorum negligentiam volentes juris executione suppleri, præsentì decreto statuimus : ut nullus ad regimen parochialis ecclesiæ assumatur, nisi sit idoneus moribus, scientia et ætate : decernentes collationes de parochialibus, his qui non attigerint vigesimum quintum annum, de cætero faciendas, viribus omnino carere.* (Caput *Licet* 14, tituli 6, libri 1, in 6). Utriusque dicti Pontificis constitutiones confirmavit Tridentina synodus in hunc modum : « Inferiora be-
« neficia ecclesiastica, præsertim curam animarum habentia
« personis dignis..., juxta constitutionem Alexandri III, in
« Lateranensi, quæ incipit *Quia nonnulli*, et aliam Gregorii X
« in generali Lugdunensi concilio, quæ incipit *Licet canon*, edi-

« tam, conferantur : aliter autem facta collatio sive provisio, « omnino irritetur : et ordinarius collator pœnas constitutionis « concilii generalis, quæ incipit *grave nimis*, se noverit incur- « surum » (sess. 7, c. 3). Vide etiam caput 12, sessionis 24, ubi expresse dicta ætas requiritur pro dignitatibus curam animarum habentibus.

2º Intelligendam hanc legem etiam de vicariis perpetuis parochialium ecclesiarum, et geueratim de omnibus habentibus jurisdictionem spiritualem, quamvis fori externi tantum, vide apud Leurenium (*Forum beneficiale*, parte 1, q. 217, n. 2).

3º Cum prædicta lex de requisita ad parochiale officium ætate, universalis sit, non posse Episcopum ab ea dispensare concludendum est. (Vide Leurenium, citato loco, q. 217, n. 3; et q. 228.) Hiuc ad Sedem Apostolicam recurri solet pro hacce dispensatione; quæ et nonnunquam conceditur; prout concessa est, verbi gratia, in causa *Nucerina* 10 aprilis 1802, ut videre est in *Thesaurò resolutionum*, tomo 68, pag. 73.

QUÆSTIO 2ª. — *An et qualis ordo requiratur ut quis constitui possit parochus?* — 1º Hujus quæstionis solutio præcipue pendet a duobus sequentibus textibus : *Præterea, licet ad regimen paræcialis ecclesiæ non debeat aliquis, nisi subdiaconus sit ad minus, admitti; dispensative tamen in minoribus ordinibus constituti consueverunt assumi : dum tamen tales sint, quod infra breve tempus possint in presbyteros ordinari.* Ita decreverat Alexauder III (capite *Præterea* 5, tituli de *Ætate et qualitate* 14, libri 1 decretalium). Postea vero prodiit decretalis Bonifacii VIII, disponens in hunc modum : *Si pro clericis pauperibus, vel aliis, nostras litteras, ut eis de beneficiis provideas, etiamsi animarum cura sit annexa eisdem, recipere te contingat; ipsis (licet nec in sacris sint constituti ordinibus, nec de defectu ordinum in eisdem litteris mentio habeatur) poteris de beneficiis curam habentibus licite providere; nec prætextu dicti defectus tua poterit provisio impugnari. Oportebit tamen ut ipsi ad ordines, quos requirunt collata eis beneficia, se faciant in proximis statutis a jure temporibus promoveri* (caput 8, tituli de *Præbendis* 4, libri 3, in 6).

2° Est communis doctorum opinio, non requiri subdiaconatum, ut quis parochus constitui valeat. Etenim, licet supra citata decretalis *Præterea* subdiaconatum requirat, id correctum est per subsequentem decretalem *Si pro clericis*. Equidem nonnulli olim canonistæ, cum glossa, putarunt dictam decretalem *Præterea* correctam fuisse dumtaxat quoad clericos, qui parochiam obtinent per *viam impetrationis* seu collationis; non autem quoad eos qui eam obtinent per *viam præsentationis* et *electionis*: sed prævaluit omnino contraria sententia; quod nempe, post decretalem *Si pro clericis*, nullo modo et in nullo casu remanserit subdiaconatus necessitas. Quod vide optime discussum a Fagnano (in caput *Præterea*, de *Ætate et qual.*, n. 5).

3° An saltem requirantur minores ordines, disputant doctores. Etenim decretalis *Si pro clericis* dicit quidem non requiri *sacros* ordines; at non dicit non requiri ordines *minores*. Hinc non liquet an, quemadmodum necessitatem subdiaconatus sustulit, ita et minorum ordinum necessitatem sustulerit. De quo vide Fagnanum (loco citato, n. 6).

4° Non obstante illa canonistarum controversia, ob praxim et decisiones Sacræ Congregationis Concilii, dicendum est, neque minores ordines requiri, ut quis in parochum constitui valeat; sed sufficere simplicem tonsuram. De quo probationem ex laudato Fagnano desumemus. Postquam nempe clarissimus doctor rationes congegessit, quæ minorum ordinum necessitatem evincere videntur, sic addit: « Negari tamen non potest quin in practica servetur oppositum. Nam parochiales
« conferuntur etiam clericis primæ tonsuræ. Et Sacra Congregatio Concilii alias consulta, an matrimonium contractum
« coram paracho, adhuc intra annum ad sacros non promotus,
« sed prima tantum tonsura initiatus, sit validum, necne;
« censuit esse validum. Quam sententiam Clemens VIII ad se
« relatum approbavit. » (In caput *Præterea*, de *Ætate et qual.*, n. 8.)

5° Omnino requiritur ut qui parochiam, nondum sacerdos,

obtinuit, presbyteratus ordinem recipiat *intra annum, a die adeptæ pacificæ possessionis computandum*. Etenim supra citatum caput *Præterea* jam olim decreverat, ut tenerentur ejusmodi parochi presbyteratus ordinem recipere *infra breve tempus...* « Nunc vero (ait Pirrhing, in tit. 14, libri 1 decret., « n. 41) determinatum est hoc *breve tempus*, ut sit annus, a « die quo provisos pacificam possessionem beneficii consecutus « est, numerandus (capite *Cum in cunctis* 7, *de Electione*; et expressius in capite *Licet* 14, eodem titulo, in 6). »

Nota. — Advertere potest lector, quoad ordinem ad parochiale munus requisitum, immutatum a Tridcutina synodo non fuisse jus commune, ante ipsam vigens.

QUÆSTIO 3^a. — *Quenam scientia requiratur in parochis?* — « Respondeo, ait Leurenus, requiri ut tales sciant inter pec- « cata distinguere, evangelium declarare, sacramenta rite ad- « ministrare (Tridentinum, sess. 24, c. 18, *de Ref.*). Adeoque « major in iis requiritur scientia quam in simplice sacerdote » (*Forum beneficiale*, parte 1, q. 246). De jure communi non requiritur ut sint in sacris facultatibus doctores vel licentiati. De cætero æstimanda etiam necessaria parochi scientia ex conditione parochiæ cui præficiendus est, prout dicetur infra, ubi de forma concursus in provisione vacantium parochiarum observanda.

Nota. — Præter dictas qualitates, iis a fortiori instructus esse debet parochus, quæ requiruntur ad presbyteratus ordinem; siquidem in parochi requiritur, vel jam susceptum, vel infra annum suscipiendum sacerdotium.

QUÆSTIO 4^a. — *An regulares possint esse parochi?* — Remissive ad tractatum *de Jure regularium*.



SECTIO III.

Qua forma constituendi sint parochi.

Inter cæteras Tridentini concilii dispositiones, quibus antiqua disciplina immutata est, gravissima procul dubio illa, qua sancitum fuit, ut in vacantium parochiarum provisionibus, institui deberet concursus, atque examen, et digniori inter eos, qui idonei reperti forent, parochia conferri. Cujus Tridentini instituti tota nunc exponenda ratio. De quo postquam jus commune descripserimus, num in Gallia hodiedum etiam vigere censendum sit exquiremus.

CAPUT I.

RECENSENTUR LEGES ECCLESIASTICÆ, QUÆ SERVANDAM IN CONSTITUENDIS PAROCHIS CONCURSUS FORMAM PRÆSCRIBUNT.

1° Transcribemus Tridentinum hac de re decretum; 2° exponemus quid sanctus Pius V et Innocentius XI addiderint; 3° quid et a Clemente XI adjunctum; 4° quid tandem a Benedicto XIV statutum.

§ I.

Tridentina lex de servanda in constituendis parochis concursus forma.

Expediit maxime animarum saluti, a dignis atque idoneis parochiis gubernari: id ut diligentius ac rectius perficiatur, statuit

sancta synodus, ut cum parochialis ecclesiæ vacatio, etiamsi cura ecclesiæ vel Episcopo incumbere dicatur, et per unum vel plures administretur, etiam in ecclesiis patrimonialibus seu receptivis nuncupatis, in quibus consuevit Episcopus uni vel pluribus curam animarum dare, quos omnes ad infrascriptum examen teneri mandet, per obitum vel resignationem, etiam in curia, seu aliter quomodocunque contigerit, etiamsi ipsa parochialis ecclesia reservata vel affecta fuerit generaliter vel specialiter, etiam vigore indulti seu privilegii in favorem sanctæ Romanæ Ecclesiæ Cardinalium seu Abbatum, vel capitulorum : debeat Episcopus statim, habita notitia vacationis ecclesiæ, si opus fuerit, idoneum in ea vicarium, cum congrua, ejus arbitrio, fructuum portionis assignatione, constituere, qui onera ipsius ecclesiæ sustineat, donec ei de rectore provideatur. Porro Episcopus et qui jus patronatus habet, intra decem dies, vel aliud tempus ab Episcopo præscribendum, idoneos aliquot clericos ad regendam ecclesiam coram deputandis examinаторibus nominet. Liberum sit tamen etiam aliis, qui aliquos ad id aptos noverint, eorum nomina deferre, ut possit postea de cujuslibet ætate, moribus et sufficientia fieri diligens inquisitio. Et, si Episcopo aut synodo provinciali pro regionis more videbitur magis expedire, per edictum etiam publicum vocentur, qui volent examinari. Transacto constituto tempore, omnes qui descripti fuerint, examinentur ab Episcopo, sive, eo impedito, ab ejus vicario generali, atque ab aliis examinаторibus non paucioribus, quam tribus; quorum rotis, si pares aut singulares fuerint, accedere possit Episcopus, vel vicarius, quibus magis videbitur. Examinatores autem singulis annis in diocesana synodo, ab Episcopo vel ejus vicariis, ad minus sex proponantur, qui synodo satisfaciant, et ab ea probentur. Advenienteque vacatione cujuslibet ecclesiæ, tres ex illis eligat Episcopus, qui cum eo examen perficiant; indeque succedente alia vacatione, aut eosdem, aut alios tres, quos maluerit, ex prædictis illis sex eligat. Sint vero hi examinatores, magistri, seu doctores, aut licentiati in theologia, aut jure canonico; vel alii clerici, seu regulares, etiam ex ordine mendicantium, aut etiam sæculares, qui ad id videbuntur magis idonei, jurentque omnes ad

sancta Dei Evangelia se, quacumque humana affectione postposita, fideliter munus executuros. Caveantque ne quidquam prorsus occasione hujus examinis, nec ante, nec post accipiant: alioquin simoniæ vitium tam ipsi, quam alii dantes incurrant; a qua absolvi nequeant, nisi dimissis beneficiis, quæ quomodocumque etiam antea obtinebant; et ad alia in posterum inhabiles reddantur. Et de his omnibus non solum coram Deo, sed etiam in synodo provinciali, si opus erit, rationem reddere teneantur; a qua, si quid contra officium eos fecisse compertum fuerit, graviter ejus arbitrio puniri possint. Peracto deinde examine renuntientur quotcumque ab hīs idonei judicati fuerint ætate, moribus, doctrina, prudentia, et aliis rebus ad vacantem ecclesiam gubernandam opportunis; ex hisque Episcopus eum eligat, quem cæteris magis idoneum judicaverit; atque illi, et non alteri, collatio ecclesiæ ab eo fiat, ad quem spectabit eam conferre. Si vero juris patronatus ecclesiastici erit, ac institutio ad Episcopum et non alium pertineat, is, quem patronus digniorem inter probatos ab examineribus judicabit, Episcopo præsentare teneatur, ut ab eo instituat. Cum vero institutio ab alio, quam ab Episcopo, erit facienda, tunc Episcopus solus ex dignis eligat digniorem, quem patronus ei præsentet, ab quem institutio spectat. Quod si jus patronatus laicorum fuerit, debeat qui a patrono præsentatus erit, ab eisdem deputatis, ut supra, examinari, et nonnisi idoneus repertus fuerit, admitti. In omnibusque supra dictis casibus non cuiquam alteri, quam uni ex prædictis examinatis, et ab examineribus approbatis, juxta supra dictam regulam, de ecclesia provideatur: nec prædictorum examinerum relationem, quominus executionem habeat, ulla devolutio aut appellatio, etiam ad Sedem Apostolicam, sive ejusdem Sedis Legatos, aut Vicelegatos, aut Nuncios, seu Episcopos, aut Metropolitanos, Primates, vel Patriarchas interposita, impediatur aut suspendatur; alioquin vicarius, quem ecclesiæ vacanti antea Episcopus arbitrio suo ad tempus deputavit, vel forsitan postea deputabit, ab ejus ecclesiæ custodia et administratione non amoveatur, donec aut eidem, aut alteri, qui probatus et electus fuerit, ut supra, sit provisum: alias provisiones omnes seu institutiones, præter supradictam for-

man factæ, surrepticiæ esse censeantur : non obstantibus huic decreto exemptionibus, indultis, privilegiis, præventionibus, affectionibus, novis provisionibus, indultis concessis quibuscumque. Si tamen adeo exigui redditus dictæ parochiales fuerint, ut totius hujus examinationis operam non ferant; aut nemo sit, qui se examini quærat subicere; aut ob apertas factiones seu dissidia, quæ in aliquibus locis reperiuntur, facile graviores rixæ ac tumultus possint excitari; poterit Ordinarius, si pro sua conscientia eum deputatorum consilio ita expedire arbitrabitur, hæc forma omissa, privatum aliud examen, cæteris tamen, ut supra, servatis, adhibere. Licebit etiam synodo provinciali, si qua in supradictis circa examinationis formam addenda remittenda esse censuerit, providere.

§ II.

Quomodo sanctus Pius V et Innocentius XI Tridentinam legem magis determinaverint.

Ne totam transcribamus sancti Pii V constitutionem, quæ incipit *in conferendis* (16 maii 1567), quoad substantiam dumtaxat sanctitas in ea dispositiones referimus : sunt autem hujusmodi :

1° Nullas irritasque decernit omnes et singulas collationes, provisiones, institutiones et quasvis dispositiones parochialium ecclesiarum, præter et contra formam ab eodem concilio Tridentino, præsertim in examine per concursum faciundo, præscriptam, factas aut in futurum faciendas (§ 3).

2° Parochiarum quæ prædicto modo nulliter collatæ fuerint, collationem reservat Sedi Apostolicæ (§ 3).

3° Eadem reservatio decernitur, si ordinarii collatores intra sex mensium spatium a die vacationis vacantem parochiam non contulerint.

4° Eadem reservatio statuitur quando parochia est juris patronatus ecclesiastici vel mixti, si infra tempus patronis a jure

præfinitum non fiat præsentatio; atque item si *intra duos menses* a die præsentationis non fiat institutio (§ 4).

5° Quoad parochias quarum collatio pertinet ad Sedem Apostolicam, eo quod vacent in mensibus reservatis, aliave de causa (cum etiam ab Ordinariis tunc istituendus sit concursus et faciendum examen), si *intra quatuor menses* a die vacationis, Ordinarii Sedi Apostolicæ non designaverint digniorem inter approbatos, reservatur Romano Pontifici omnimoda dispositio (§ 4).

6° Verba Tridentini, *intra decem dies, vel aliud tempus ab Episcopo præscribendum*, ita determinat, ut nequeat tempus illud ultra viginti dies protrahi (§ 5).

7° Si inter approbatos ab examinаторibus Episcopus minus habilem, posthabitis magis idoneis, elegerit, decernit sanctus Pius V dari appellationem ad Metropolitauum, aut ad Sedem Apostolicam; et, si de ipsius Metropolitanæ electione agatur, ad viciniorem Ordinarium tanquam Sedis Apostolicæ delegatum: statuitque ut tunc fiat novum examen a iudice appellationis et ejus synodalibus examinаторibus (§ 7). Sed ea sancti Pii V dispositio tautisper postea moderata est, ut patebit infra.

Prædicta appellatio, non habet effectum suspensivum; ita ut qui parochiam post primum examen obtinuit, in ejus possessione turbari nequeat, donec iudex appellationis sententiam de minore ipsius idoneitate tulerit (§ 8). Hæc a sancto Pio V statuta.

Innocentius vero XI eorum damnavit opinionem, qui tenebant a Tridentina synodo præscribi dumtaxat eligendum ab Episcopo dignum, non autem digniorem; prout refert Benedictus XIV, his verbis: « Quia vero perniciose apud plurimos opinio sensim invaluit, Tridentini decretis non præscriptam esse dignioris electionem; sed caveri tantummodo, ne indignis ecclesiæ parochiales conferrentur; sanctæ memoriæ Innocentius XI, prædecessor noster erroream doctrinam, a vera et sincera patrum mente longius deflectentem damnavit, et edocuit quam prudens ac diligens esse debeat pastoralis officii dispensatio. » (Constitutio

Cum illud, 14 decembris 1742, sub numero 68 in bullario Benedicti XIV reposita.)

§ III.

Quid Clementis XI auctoritate statutum fuerit.

Prodiit die 10 januarii 1721, et ad locorum Ordinarios transmissum est Sacrae Congregationis Concilii decretum, Clementis Papæ XI assensu firmatum, tenoris hujuscemodi :

« Reverendissime domine, uti frater. Quo parochiales ec-
 « clesiæ diguioribus personis gubernandæ tradereutur, sta-
 « tuit, ut uotum est, sacrosancta Tridentina synodus (sess. 24,
 « c. 18) ut vacante ecclesia parochiali, indiceretur et fieret
 « concursus; ac, postquam concurrentes ab Episcopo, vel
 « ejus vicario generali, atque ab examineribus synodalibus
 « saltem tribus, examinati et approbati essent, Episcopus
 « eum eligeret, quem ætate, moribus, doctriua, prudentia,
 « aliisque rebus ad vacantem ecclesiam gubernandam neces-
 « sariis et opportunis, digniorem cæteris, magisque idoneum
 « judicaret. Adjecitque ad hanc concilii sanctionem validius
 « confirmandam, re et nomine sanctissimus Pontifex Pius V
 « quod, si unquam Episcopus minus habilem, postpositis
 « magis idoneis, elegisset, posseut ii, qui rejecti essent, a
 « mala ejusmodi electione ad Metropolitanum, vel, si ipse
 « eligens Metropolitanus aut exemptus foret, ad viciuorem
 « Ordinarium, ut Sedis Apostolicæ delegatum, vel alias ad
 « ipsam Sedem Apostolicam appellare, ac præelectum ad no-
 « vum examen coram ipso appellationis iudice, et ejus exami-
 « natoribus, provocare : ea tamen cautione, ut appellatio
 « non in suspensivo, sed in devolutivo esse deberet; quem-
 « admodum in ejus constitutione, quæ 33 est, latius cavetur;
 « concludendo, quod, constituto de prioris eligentis irrationa-
 « bili iudicio, eoque revocato, parochialis ecclesia magis ido-
 « neo conferatur.

« Cum autem neque concilii decreto, neque Pontificis bulla,
 « examinis in concursu peragendi forma, seu methodus ulla
 « certa ac peculiaris servanda proponatur, difficile dictu est,
 « quanta examinum aliorum alibi diversitas exstiterit, atque
 « hinc occasio querelarum. Nam alicubi cum non eadem
 « omnibus quæstiones, non iidem casus propositi fuissent,
 « erant identidem qui, vel in iudicio, vel extra conquereren-
 « tur, sibi quidem postpositis difficiliore, præelecto autem
 « faciliores ad solvendum quæstiones obtigisse. Alibi vero
 « eadem quidem omnibus quæstiones propositæ fuerunt, sed
 « neque hæ, neque datæ a concurrentibus responsiones,
 « scripto seu litteris consignabantur. Cumque postmodum,
 « nec raro contingeret, ut e postpositis quispiam, jure bullæ
 « supradictæ, novum ad examen coram iudice appellationis,
 « ejusque examinatore, electum provocaret, Sacra Congre-
 « gatio usque ab anno 1603, considerans gravamen non alia
 « ratione, quam novo examine probari posse, provocationem
 « ad novum examen censuit admittendam, gravamine necdum
 « probato, et requisitis tantummodo probationibus in subse-
 « quenti iudicio : in quo, probato per novum examen ap-
 « pellantis gravamine quoad doctrinam, probanda superest
 « ejusdem præ jam electo in reliquis ad regendam ecclesiam
 « requisitis præstantia, ut de majore alterutrius ad parochia-
 « lis ecclesiæ gubernium idoneitate sententia ferri possit; cum
 « non continuo, si quis est doctior, is etiam aptior, sen magis
 « idoneus ad id regimen habeatur, vel etiam habendus sit.
 « Quam Sacræ Congregationis sententiam scriptores, et tribu-
 « nalia laudarunt. Aliis demum in diocesisibus laudabilis inva-
 « luit consuetudo, ut eadem omnibus quæstiones, iidemque
 « casus proponantur; ac (ne qua detur ansa cancellario quid-
 « quam suo marte addendi, minuendi, mutandi) ut ipsimet
 « concurrentes, qui interrogati fuerint, quæque responderint,
 « sua manu perscribant. Atque Ordinarii, qui morem hunc
 « longe optimum in examnando tenere, Sacræ deinde Con-
 « gregationi etiam atque etiam considerandum reliquerunt,

« his qui sic examiuati esseut atque postpositi, in posterum,
« ut soleut, appellanti bus, indulgenda necne statim electi
« novum ad examen provocatio, nulla gravaminis prærequi-
« sita probatione, videretur; cum isti ex actis primi examiuis
« gravamen doctrinæ facile alioquin probare possint; quod
« alii, aliter nimirum examiuati, probare, nisi secundo seu
« novo examine, non poterant. Nec defuere alii probitatis ac
« peritiæ in administrandis diu ecclesiis laude præstantes, qui
« monerent, frænum aliquod hujusmodi appellantium licentiæ
« tandem injiciendum, eorumque jam nimis crebras novum ad
« examen provocaciones esse reprimendas; quippe quæ vix
« unquam sine magno ecclesiarum damno contingunt. Nam
« cum novum examen coram iudice appellationis longe pro-
« cul a parochia peragendum sit, electus ab Episcopo qui pro-
« vocatur, parochiam quam possidet cogitur interea tempo-
« ris descrere, eamque æconomò, vel vicario cuiquam, veluti
« sponsam ignotis custodibus relinquere, sponso non parum-
« per, sed diu sane abfuturo; dum nempe, implicita, ut fit, lite,
« terna etiam vel quaterna alia ex aliis examina, super præstan-
« tia primum doctrinæ, tum deinde aliorum quæ ad integran-
« dam idoueitatem opportuna sunt, contentiose multiplicentur,
« et commode, ne dicam otiose, transigantur, antequam deli-
« berari possit utri concurrentium parochia sit adjudicanda.

« Ad tollendam ejusmodi non minus querelarum, quam in-
« commodorum occasionem, Sacra Congregatio Concilii Tri-
« dentini interpres, postquam rem omnem a capite repetitam
« in gemina sessione, 1 octobris et 16 novembris 1720, summo
« studio recognovit, tandem, Sanctissimo etiam annuente,
« statuit (quod per præsentis litteras encyclicas exequitur)
« omnes et singulos Episcopos aliosque prælatos, penes quos
« sit jus et auctoritas faciendi concursum, hortari, ut examen
« ejusmodi instituere non graveatur, quale jam et multæ diœ-
« ceses, et Urbs ipsa observat, atque Apostolica etiam dataria
« postulat, sive cum, Sede vacante, vacat aliqua ecclesia pa-
« rochialis, cujus collatio ad Sedem Apostolicam pertineat.

« sive cum vacat parochialis aliqua, ut dicitur, juxta decre-
 « tum, sive demum, cum, vacante in collegiatis, aut cathe-
 « dralibus ecclesiis dignitate aliqua majori, annexam habente
 « curam animarum, faciendus est concursus, atque ad Aposto-
 « licam datariam transmittendus, ut notum est, atque in lit-
 « teris, quæ de ordine Sanctissimi tunc e dataria prodeunt,
 « clare præscribitur.

« Vacante itaque ecclesia parochiali, quæ conferenda sit
 « per concursum, atque hoc solitis formulis indicto, hæc quæ
 « sequuntur, ex Sacræ Congregationis sententia, consilio,
 « suasionem, servanda proponuntur :

« Primum nempe, ut assignentur eadem omnibus concur-
 « rentibus quæstiones, iidem casus, iidemque textus Evange-
 « lii, super quo sermonis aliquid perscribant, ad probandam
 « dicendi pro concione facultatem.

« Alterum, ut casus et quæstiones resolvendæ dictentur
 « omnibus eodem tempore, atque omnibus pariter eodem
 « tempore textus Evangelii tradatur.

« Tertium, ut certum idemque omnibus spatium temporis
 « constituatur, intra quod casus resolvant, quæstionibus re-
 « spondeant, conciunculam componant.

« Quartum, ut eodem concurrentes omnes in conclavi
 « claudantur, unde quamdiu scribent (dabitur enim omnibus
 « scribendi copia) nemo eorum egredi, neque alius quispiam
 « eo ingredi possit, nisi postquam scripta confecerint, et exhi-
 « buerint.

« Quintum, ut omnes sua quisque manu tum responsa, tum
 « sermonem scribant subscribantque.

« Sextum, ut responsa quidem latine, sermo autem ea qua
 « ad populum haberi solet lingua scribatur.

« Postremum, ut unumquodque responsum, et unusquisque
 « sermo, cum ab unoquoque concurrentium exhibebitur, non
 « solum ab eo qui scripsit, atque a cancellario concursus, ve-
 « rum etiam ab examinatore, et ab Ordinario, vel ejus vi-
 « cario, qui concursui interfuerunt, subscribatur.

« Peracto secundum hanc formulam concursu, collataque
« ei qui magis idoneus ac dignior iudicatus fuerit, ecclesia
« parochiali, non admittatur appellatio, aut a mala relatione
« examinerum, aut ab irrationabili iudicio Episcopi, nisi in-
« tra decem dies a die collationis interponatur.

« Si quis autem hoc intra spatium appellaverit, actaque con-
« cursus petat ad iudicem appellationis transferenda, mittan-
« tur vel acta ipsa originalia concursus clausa, et obsignata,
« vel certe unum aliquod authenticum eorum exemplum, a
« cancellario concursus, atque altero notario collatum, et au-
« scultatum coram vicario, vel alio in ecclesiastica dignitate
« constituto, quem eligat Ordinarius, ad quem etiam notarii
« cancellario adijungendi electio pertinebit; necnon ab exa-
« minatoribus synodalibus, qui concursui interfuerunt, sub-
« scriptum.

« Ex quibus actis, vel authentico eorum exemplo, nisi gra-
« vamen quoad doctrinam probet is, qui sic, ut præmittitur,
« examinatus, aut a mala relatione examinerum, aut ab irra-
« tionabili iudicio Episcopi appellaverit, novum ad examen
« provocandi facultatem a Sacra Congregatione frustra po-
« stulabit.

« Quemadmodum et in iudicio appellationis persequi jus
« suum frustra tentabit is, qui forte se gravatum doleat quoad
« reliqua, nisi, interposita mature, ut dictum est, appellatione
« ab irrationabili iudicio Episcopi, gravamen quoad illa osten-
« derit, vel ex actis primi concursus, vel saltem ex attesta-
« tionibus et documentis, extrajudicialibus etiam, sed non
« levibus. Atque ita quidem sensit Sacra Congregatio, et San-
« ctissimus assensit.

« At si quis tamen Ordinariorum aliter, ac supra descriptum
« est, concurrentium examina instituere perrexerit, perget et
« Sacra ipsa Congregatio more pristino appellantis, qui se
« gravatos dixerint, provocationem ad novum examen, nulla
« gravaminis prævia probatione, indulgere. Interim tamen,
« ut harum litterarum memoria dilabatur, vult eadem Sacra

« Congregatio, eas in uniuscujusque Ordinarii cancellaria perpetuo conservari. Cujus interea consilium, tum voluntatem, dum ego omnibus significo, Amplitudini tuæ fausta omnia e cælo precor. Romæ hac die 10 januarii 1721. » Has encyclicas Sacræ Congregationis litteras inseruit Benedictus XIV constitutioni suæ *Cum illud*, quæ est sexagesima octava in ipsius bullario.

§ IV.

Quid a Benedicto XIV statutum.

Dici potest a Benedicto XIV negotio huic determinandæ in conferendis per concursum parochiis formæ ultimam fuisse manum appositam. Id præstitit clarissimus Pontifex citata jam pluries constitutione *Cum illud*; ubi postquam ostendit statutam normam adhuc aliquo indigere complemento et moderamine, sic rem totam auctoritate Apostolica ordinat et servendam præscribit : « Ut in hujusmodi negotio apte omnia atque composite peragantur, officii nostri esse duximus eum vobis, venerabiles fratres, gerendarum rerum ordinem præscribere, quem longo usu utilem agnovimus instituendis animarum rectoribus, qui credito sibi gregi præesse et prodesse possint.

« I. Episcopus, habita notitia vacationis ecclesiæ, statim, ad præscriptum Tridentini, idoneum in ea deputet vicarium, cum congrua ejus arbitrio fructuum portionis assignatione, qui onera ipsius ecclesiæ sustineat, donec ei de rectore provideatur.

« II. Publico evulgetur edicto notitia concursus, congruo et ab Episcopo præfinito tempore celebrandi : eodemque edicto omnes clare et aperte moneantur, ut interim decurrentis termino assignato, coram cancellario episcopali, vel altero ab Episcopo deputando, suarum qualitaturn, meritorum et munerum probationes, attestations tam judiciales

« quam extra-judiciales, aliaque id genus documenta, quæ
« fraude vacent, exhibeant : alioquin, dicto termino elapso,
« documenta hujusmodi, quæcumque et qualiacumque ea sint,
« nullatenus recipiuntur.

« III. Eveniente die concursus, a cancellario episcopali singulorum merita, qualitates et requisita (ut vocant), incorrupta fide deprompta a juribus tempore habili exhibitis, in scriptis summatim redigantur : porro copia epitomes tradetur non solum Episcopo, vel vicario generali vices illius obeunti, sed sigillatim omnibus examinаторibus ad concursum adscitis, ut cum de scientia, tum de vita, moribus, aliisque regendæ ecclesiæ necessariis dotibus ferant judicium.

« IV. Die præstituta ab Episcopo habeatur concursus, servata accurate in omnibus forma tradita in supra relatis literis (1) anno 1721 editis, totaque rerum in eo gestarum series scriptis diligenter enucleetur. Porro examinatores, ad assequendam certam et indubiam conjecturam scientiæ, postquam diligenter expenderint singulorum peritiam in evolvendo explicandoque oretenus aliquo ecclesiasticæ doctrinæ capite, vel a sanctis patribus, vel a sacro concilio Tridentino, vel a catechismo romano excerpto, ac pari diligentia libraverint a quolibet scripto datas responsiones quæstionibus propositis; et postquam demum deprehenderit qua quisque polleat gravitate sententiarum, et elegantia sermonis in conciuncula, scripto pariter exarata, et textui evangelico, vel alteri dato themati accommodata; parem, ni forte majorem solertiam examinatores adhibeant in perscrutandis aliis qualitatibus, regimini animarum consentaneis; morum honestatem inquirent, gravitatem, prudentiam, præstita hactenus Ecclesiæ obsequia, acquisitam in aliis muneribus laudem, aliaque spectabilium virtutum ornamenta, doctrinæ arcto fœdere consocienda; hisque

(1) Quas nempe superiori paragrapho transcripsimus.

« omnibus conjunctim expensis, inhabiles per sua suffragia
« rejiciant, et idoneos Episcopo renuntient.

« V. Absoluto concursu ab Episcopo, vel, eo impedito, a
« vicario generali una cum examinadoribus synodalibus, non
« paucioribus quam tribus, notula compendiaria requisitorum
« antea distributa tradatur cancellario, qui illam comburat,
« vel penes acta secreta custodiat, et nemini ostendat, nisi
« de mandato Episcopi, vel ejus vicarii generalis. Subinde
« vero Ordinarius, cum primum ei libuerit, eligat ex appro-
« batis digniorem; nec illi possessio ullo appellationis vel in-
« hibitionis obtentu retardetur.

« VI. Si quem clericum appellare contigerit a mala relatione
« examinerum, vel ab irrationabili judicio Episcopi, coram
« judice appellationis acta concursus integra omnino producat.
« Et judex, nisi illis visis, et gravamine comperto, sententiam
« non pronuntiet. Præterea in ferenda sententia ac reparando
« gravamine, idem judex innitatur solummodo probationibus
« ab actis elicitis, tam respectu doctrinæ, quam aliorum meri-
« torum. Quia vero, a publica indictione usque ad diem ha-
« biti concursus, tantum temporis intercessit, quantum satis
« fuit commode exhibendis necessario juribus, attestationibus,
« requisitis, aliisque meritorum documentis, idcirco, ut quæ-
« vis via fraudibus præcidatur, volumus ac districte manda-
« mus, ne dictæ attestationes, fides, tam judiciales quam extra-
« judiciales, et documenta quæcumque studiose conquisita, et
« post concursum (ut aiunt) expiscata, ullo modo recipiantur :
« non obstantibus supra memoratis litteris a Congregatione
« Concilii Tridentini interprete anno 1721 editis, quibus ad
« præmissorum effectum in hac parte derogamus. Illis tamen
« in reliquis, una cum omnibus in eis contentis, firmiter in suo
« robore permansuris.

« VII. Ubi vero Episcopus, posthabito uno vel altero ex
« approbatis, ecclesiam contulerit magis idoneo, ob aliquam
« sibi ipsi tantum notam causam, quam censeat significari
« oportere judici appellationis, ad detergendam injustæ for-

« tasse præelectionis notam ; familiaribus litteris judicem
 « certiozem efficiat, inviolabilis secreti lege adjuncta... Sciant
 « porro judices, delatas ab Episcopo causas et rationes invio-
 « labilis secreti fide esse custodiendas ; nec parvi pendendum
 « esse testimonium illius pastoris, cui divino mandatur elo-
 « quio oves suas agnoscere...

« Si vero Episcopo fuerit suspecta fides judicis ad quem
 « appellatum est, nec eidem revelanda censuerit hujusmodi
 « occulta rationum momenta, illa significet secretis litteris
 « sanctæ Romanæ Ecclesiæ Cardinali præfecto pro tempore
 « Congregationis Concilii ; qui nec consilio, nec auctoritate
 « deerit, quominus a iudice appellationis debitus justitiæ lo-
 « cus tribuatur...

« Ubi a iudice appellationis lata sit sententia, quæ præele-
 « ctioni factæ ab Episcopo omnino sit conformis, nullus pateat
 « novæ appellationi aditus, sed auctoritate rei judicatæ con-
 « troversię finis imponatur. Sin vero iudex appellationis ali-
 « ter quam Ordinarius pronuntiaverit, liceat præelecto ab Epi-
 « scopo, qui causa cecidit, ad alium iudicem appellare, firmi-
 « ter interim retenta parochialis ecclesiæ possessione. Tandem
 « postquam tertius quoque iudex sententiam dixerit... ; is le-
 « gitimum regendæ ecclesiæ jus obtineat, cui duæ conformes
 « assistunt sententiæ, nec ullum novæ appellationis remedium
 « succumbenti suffragetur...»

Quoad casum vero quo parochiæ vel beneficii curati colla-
 tio est, quacumque ex causa, Sedi Apostolicæ reservata, de-
 cernit Benedictus XIV in hunc modum :

« Nos, prædecessorum nostrorum vestigiis inhærentes, præ-
 « cipimus et mandamus ut concursus ab Episcopo..., indica-
 « tur, nulla ad hunc actum petita venia vel licentia, quam
 « nostris hisce litteris tributam Episcopi intelligant. Absoluto
 « concursu, si res sit de beneficiis curatis quæ tantum *ratione*
 « *mensium* reservata sint, Episcopus inter approbatos eligat
 « magis idoneum, et datariæ significet ; nec acta concursus
 « transmittat, nisi a dataria, cum id opportunum duxerit, re-

« quiratur. Siu vero dicta beneficia, quibus cura imminet ani-
 « marum, ex alio quovis capite quam mensium Apostolicorum,
 « Sanctæ Sedi reservata sint, eo sane casu, veteri non immu-
 « tato more, absteineat Episcopus a ferendo dignioris iudicio,
 « et acta concursus ultro datariæ exhibeat. »

Nota. — Præmissarum legum textus totam concursus for-
 mam ita patefacit, ut supervacaneum sit de ea per singulas
 partes disserere. Unde nonnulla dumtaxat, quæ difficultatem
 facere possent sub sequentibus capitibus expendemus : tum
 quid juris in Gallia quoad ejusmodi concursus legem hodie
 vigere censendum sit, subjiciemus.

CAPUT II.

ENUMERANTUR BENEFICIA CURATA, PRO QUIBUS ADHIBENDA NON EST FORMA CONCURSUS.

I. *Adhibendus non est concursus quoad vicarios curatos paro-*
chiarum unitarum.—Loquimur hic de vicariis, quibus competit
 cura *actualis* parochiæ, remanente cura *habituali* penes alium,
 verbi gratia, collegium aliquod; prout sunt, in Gallia vicarii
 curati cathedralium; siquidem in iis cathedralibus cura paro-
 chiæ unita fuit capitulo; ita ut capitulum sit parochus in habi-
 tu, et cura per vicarium exerceatur. Cujusmodi vicarios supra
 (parte I *Tractatus*) ostendimus pro veris parochis esse haben-
 dos. Porro quoad ejusmodi vicarios curatos adhibendus non
 est concursus : « Respondeo, ait Leurenus, vicarias perpetuas
 « parochialium unitarum, quas administrat extraneus, seu qui
 « non est de collegio cui annexa est ecclesia curata, non con-
 « ferri per concursum; cum illæ provideantur ad uominatio-
 « nem et præsentationem illorum, quorum beneficio, digni-
 « tati, vel collegio parochiales ecclesiæ sunt annexæ, et non ad
 « liberam Ordinariorum electionem; sed solum ad simplicem
 « eorum approbationem, prævio examine, deputantur tales vi-

« carii (Cardinalis de Luca... Rota... Sacra Congregatio Concilii). Sed neque requiritur ut examen præsentati fiat ab « examinadoribus synodalibus; sed sufficit examen et approbatio Ordinarii. Atque ita in hac provisione ecclesiarum talium unitarum per vicarios perpetuos, etiam intitulatos, locus non est dispositioni Tridentini (sess. 24, c. 18) super « forma providendi per concursum, utpote quod loquitur de « ipsis parochialibus, et non de vicariis parochialium unitarum. « Neque res illa ullam amplius habet difficultatem; cum sit manifeste « decisum per constitutionem Pii V *Ad exequendum* (1), « quatuor annis posteriorem publicatione Tridentini... Quinimo ait Corradus, hæc in tantum procedere, ut si concursus adhibeatur, ubi in prædictis vicariis adhibendus non « esset, nulla prorsus sit provisio vicariæ inde secuta, ob decretum irritans in constitutione Pii V. » (Leurenus, *Forum beneficiale*, parte 1, q. 120, n. 2 et seq.)

II. *Adhibendus non est concursus quoad parochos ad nutum amovibiles.* — Dari posse beneficia parochialia manualia, seu quorum rectores sint ad nutum amovibiles, in prima tractatus parte probavimus. In constituendis autem ejusmodi parochis amovibilibus adhibenda non est concursus forma; quia Tridentinum decretum loquitur simpliciter de *Beneficiis curatis*; quæ vox *beneficium*, quando sola et sine adjuncto adhibetur, de jure intelligenda est dumtaxat de *perpetuis* beneficiis. « Pro ipso vero paracho amovibili examinando (inquit Giralaldi) non tenetur Ordinarius uti examinadoribus synodalibus « sed uti potest quibus ipse maluerit; nec pariter fieri debet « concursus: Sacra Congregatio Concilii, 12 januarii 1619. » (Giralaldi, *Addimenta ad tractatum Barbosa, de Officio Parochi*, pagina 341, n. 13, edit. Romæ 1831.)

(1) En S. Pii V verba: *Volumus insuper et ita mandamus, quod dicti vicarii perpetui non ad liberam Ordinariorum electionem, sed ad nominationem illorum, in quorum ecclesiis unitis ponentur, cum ipsorum Ordinariorum, seu eorum vicariorum, prævio examine et approbatione deputentur.* (Constitutio 47, § 4.)

III. *Non requiritur concursus quando parochia est juris patronatus laici.* — Satis id patet et ipso textu supra transcripti capituli 18 sessionis 24 Tridentinæ synodi. Sed notetur ab eadem synodo requiri, ut præsentatus examinetur a synodalibus examinаторibus : « Quod si jus patronatus laicorum fuerit, debeat « qui a patrono præsentatus erit, ab eisdem deputatis ut supra examinari, et nonnisi idoneus repertus fuerit admitti. »

Si vero parochia sit juris patronatus *ecclesiastici*, certum est observandam esse concursus formam. Tunc scilicet tenetur patronus præsentare unum ex illis, qui ab examinаторibus synodalibus idonei reperti sunt, et quidem eum ex illis quem *digniores* existimabit; prout expresse in citato capite 18 sessionis 24 Tridentinæ synodi præscribitur.

Quod si parochia sit juris patronatus *mixti*, ita ut nempe ejus patroni alii ecclesiastici siunt, laicique alii, an adhibenda sit concursus forma, disputabant olim auctores (vide Leurenium, *Forum beneficiale*, parte 1, q. 206, n. 11); sed concludendum negative, et ita decisum a Sacra Congregatione Concilii, vide apud Benedictum XIV (*de Synodo diocesana*, l. 1, c. 8, n. 9).

IV. Non adhibendus concursus, quando parochia unita est *accessorie* alieni canonicatui vel dignitati, etiamsi cura exerceatur per ipsummet, qui canonicatum vel dignitatem obtinet : secus si parochia unita sit *æque principaliter*. De quo vide Leurenium (loco citato, n. 7).

V. Non adhibendus concursus in parochiis regularibus, seu quæ religiosos pro parochis habere consueverunt. (Vide Leurenium, loco citato, n. 13.)

VI. Non adhibendus concursus in sequentibus casibus : Si adeo exigui redditus dictæ parochiales fuerint, ut totius hujus examinis operam non ferant ; aut nemo sit qui se examini quærat subijcere ; aut ob apertas factiones seu dissidia facile graviore rixæ et tumultus possint excitari. Sunt ipsamet Tridentini decreti verba (sess. 24, c. 18). Poterit tunc Ordinarius, si pro sua conscientia cum deputatorum consilio ita expedire arbitra-

bitur, privatum aliud examen, cæteris tamen ut supra servatis, adhibere.

VII. Nonnullos alios casus, scitu minus utiles, in quibus necessaria non est concursus forma, vide apud Leurenium (*Forum beneficiale*, parte I, q. 206).

CAPUT III.

QUÆSTIONES NONNULLE CIRCA EXAMINATORES SYNODALES.

QUÆSTIO 1^a. — *Quot examinatores in synodo provinciali constitui possint aut debeant?* — 1^o Constitui debent ad minimum sex : alioquin examen, utpote contra formam Tridentinæ synodi habitum, uultitate laborabit. 2^o Ad quodlibet autem examen peragendum, requiruntur dumtaxat tres. Quæ duo satis constant ex ipso supra citato Tridentino textu. 3^o Nomiuari possunt plures quam sex : « Tamen a Sacra Congregatione « *decisum refert (Barbosa), non esse ultra viginti proponen-* « *dos.* » (Benedictus XIV, *de Synodo diæc.*, l. 4, c. 7, n. 3.)

QUÆSTIO 2^a. — *Quandiu duret eorum potestas, et quid si deficiat senarius numerus.* — 1^o « Synodaliū examinatorum « *officium durat usque ad novam synodum, quæ intra unius* « *anni spatium esset celebranda, et iu qua aut iidem, aut ali* « *de novo deputandi forent, sicut idem Tridicutinum præci-* « *pit : Examinatores autem singulis annis in diæcesana synodo ab* « *Episcopo, vel ejus vicario, ad minus sex proponantur.* » (Benedictus XIV, *de Synodo diæc.*, l. 4, c. 7, n. 7.) 2^o Si *infra annum*, aliquorum obitu vel migratione, pauciores quam sex remaneant, « Clementis VIII decreto (relato a Garcia... et Fagna- « *no...)* facultas data est Episcopis alios subrogandi; modo iis « *qualitatibus præstent, quas Tridentinum requirit; a capitulo* « *approbentur; et una simul cum superstilibus ex electis iu* « *synodo senos non excedant.* » (Benedictus XIV, loco citato.) Sed hoc intelligitur de casu quo deficit senarius numerus *infra*

annum ab ultima celebrata synodo. 3° Si annus elabatur et nova synodus non celebretur, « certum est statim ac effluxit annus
« ab ultima synodo, cessare officium examinerum, qui intra
« ejusdem anni intervallum in demortuorum seu absentium
« locum forte fuerint ab Episcopo suffecti : ita eum diserte
« statuit Clemens VIII in citato decreto. Quoad alios porro
« non subrogatos, sed in ultima synodo electos, hoc censuit
« Sacra Congregatio Concilii : quoad sex illorum superstites
« sunt, omnes perseverant in munere : sed si vel unus ex illis
« decesserit, ita ut sex non remaneant, omnium officium ex-
« pirat, et nullus adhiberi potest in concursibus. Neque post
« annum datum est Episcopo in demortui locum quemquam
« sufficere. » (Benedictus XIV, loco citato, n. 8.) 4° Quid au-
tem in hoc casu faciendum sit, exponit idem Benedictus XIV
his verbis : « Quapropter ut, elapso anno, et non existentibus
« sex examineribus in synodo electis, institui valeat vali-
« dum experimentum concurrentium ad vacantes ecclesias
« parochiales, necesse est ut Episcopus, vel novam synodum
« cogat, vel facultatem petat a Sacra Congregatione Concilii
« novos examinadores extra synodum deputandi. Etenim si
« concursus fiat coram examineribus extra synodum desi-
« gnatis ab Episcopo, nulla ad hoc instructo speciali facultate,
« parochialium collationes, institutiones seu provisiones erunt
« irritæ... Nec Sacra Congregatio facultatem, de qua loqui-
« mur, renuit unquam petentibus concedere : quoniam, cum
« probe noverit non facile esse Episcopis, singulis prorsus
« annis suas synodos cogere, ne ideirco legitimis carcant exa-
« minatoribus, statim ac Episcopus eidem exponit, sex ex
« electis in postrema synodo amplius non exstare, potestatem
« ei facit novos eligendi, a majori parte capituli approbandos ;
« quorum tamen officium duraturum decernit tantum ad an-
« num ; quo elapso, iterum ad preces Episcopi illos in munere
« confirmat, quod et deinceps semper in annum iisdem pro-
« rogat. » (*De Synodo diœces.*, l. 4, c. 7, n. 9 et 10.)

QÆSTIO 3ª. — *Quomodo et quando examinadores suffragia*

sua ferre debeant. — « Sua suffragia ferre debent priusquam
« a loco examinis discedant, et ab Episcopo, ejusve vicario
« sejungantur... Nec quidquam refert an suffragia secreto
« vel palam ferantur, cum nihil de hac re fuerit a Tridentino
« sancitum. » (Benedictus XIV, *de Synodo diœcesana*, l. 4,
« c. 8, n. 4.)

QUÆSTIO 4^a. — *An Episcopus, vel ejus vicarius examini assistens, votum cum examinadoribus habeat?* — « In hoc examinatorum judicio nullæ sunt partes Episcopi, vel vicarii, qui
« Episcopi loco examini assistit, nisi forte examinerum vota
« sint paria aut singularia (1) : tunc enim integrum erit Episcopo vel vicario cui voluerit accedere, juxta Tridentinum
« (c. 18, sess. 24)... At, sicuti ab examinadoribus suffragia ferenda sunt statim peracto examine, ita etiam in eventu,
« quod Episcopus aut ejus vicarius alicui accedere possit,
« coram iisdem examinadoribus explicare debet cuinam accedat, cum id pertineat ad examinis complementum. » (Benedictus XIV, *de Synodo diœcesana*, l. 4, c. 8, n. 5.)

CAPUT IV.

NUM TRIDENTINA LEX DE CONCURSU HODIE IN GALLIA VIGERE
CENSENDA SIT.

Prænotandum. — In omnibus Galliæ diœcesibus, a tempore concordati ad præsentem usque diem, constans praxis fuit, ut rectores parochiis absque ullo prævio concursu præficerentur. Nominatio scilicet et collatio quoad parochias omnes a solis Episcopis fieri consuevit ; qui ad id muneris, quos pro sua prudentia magis idoneos existimant, prætermittenda Tridentinæ legis observantia, eligunt atque deputant ; id tantum-

(1) Vota singularia sunt, verbi gratia, quando tres adsunt concurrentes, tresque dumtaxat examinadores, et unusquisque concurrrens unum votum obtinet.

modo præcaveutes, prout a Pio Papa VII in concordato anni 1801 dispositum fuit, ne eos in parochos nominent, qui gubernio non forent accepti. Leodiensis tamen diœcesis in Belgio (quamvis ea etiam regio dicti concordati statutis subjaceat) forma concursus in collationibus parochiarum utitur.

De præfata porro Galliarum praxi, sponte exurgit quæstio, an et quo fundamento nitatur; num scilicet vim juris particularis habere censenda sit, ita ut hujus regionis ecclesiæ juri communi de concursu hodie non subjiciantur.

Ut autem legitima probetur hæc ecclesiarum Galliæ praxis, duo dumtaxat allegari posse videntur fundamenta : 1° verba concordati anni 1801, *Episcopi ad parœcias nominabunt*; 2° quinquagenaria quæ jam interfluxit consuetudo. Cum enim universalis sit Tridentina lex de concursu, nec aliunde unquam intercesserit expressa Sedis Apostolicæ quoad Galliam dispensatio, nisi valeret alterutrum saltem ex assignatis argumentis, hodiedum in Gallia urgere concursus disciplinam foret concludendum. Si enim neque vi concordati, neque vi consuetudinis legitima foret dicta praxis, quonam alio titulo fulciri possit ego prorsus non video. Nam ad priscum jus particulare, quo Galliarum ecclesiæ olim ante concordatum anni 1801 fruebantur, frustra provocaretur; tum quia et in Gallia tunc vigeat Tridentina lex de qua loquimur; tum quia jus illud Galliis proprium, quodcumque tandem fuerit, suppressis et extinctis a Pio VII ecclesiis quibus inhærebat, pro antiquato jam et extincto habendum est, prout in tractatu *de Principiis* probavimus.

Hinc propositæ quæstionis solutio tota pendere videtur ab his duobus : 1° An concordatum anni 1801 evincat non obligare hodie in Gallia Tridentinam de concursu legem; 2° an idem evincat consuetudo.

§ I.

Num ex concordato anni 1801 sequatur Galliarum ecclesias legi Tridentinæ de concursu non subjacere.

I. *Rationes quæ affirmandum suadent.* — Ex citatis dicti concordati verbis, *Episcopi ad paræcias nominabunt*, sic argui potest : ibi vox *nominabunt* intelligenda videtur de potestate nominandi omnino libera et independenti; qua scilicet ad Episcopos independenter a quolibet alio pertineat rectores in parochiis, quos pro sua prudentia maluerint, constituere. Is enim est genuinus hujus locutionis sensus in lingua gallica. Porro articuli concordati lingua gallica primum a gubernio propositi sunt, et in latinam postea translati. Unde probabile non est intellectas fuisse eas voces de nominatione, quæ a synodaliū examinatorum judicio dependeret; ut adeo concludendum sit, per istum concordati articulum juri communi de concursu fuisse a Sede Apostolica derogatum quoad Galliam. Conclusionem autem non parum firmat, quod primi post concordatum Episcopi rem ita intellexerint; siquidem absque ullo concursu rectores in parochiis constituerunt, non in scia procul dubio Sede Apostolica, et quin ulla de hoc Romæ mota fuerit difficultas. Quin et nos supra, ex istis verbis, *Episcopi ad paræcias nominabunt*, deduximus derogatum quoad Galliam fuisse juri communi de reservata certis in casibus Sedi Apostolicæ collatione parochiarum : idem a pari concludendum quoad Tridentinam de concursu legem.

II. *Rationes in oppositum.* — 1° Per se jus nominandi ad paræcias, imo et jus eas conferendi, nequaquam excludit servandæ concursus formæ obligationem; siquidem peracto etiam ad formam Tridentini decreti concursu, ordinario collatori suum remanet jus parochiam conferendi illi, quem inter approbatos digniorem existimat; nec ab alio quam ab ordinario collatore fieri collatio, seu legitime parochus constitui potest.

Unde si voces illæ, *Episcopi ad paræcias nominabunt*, in sensu ordinario jurisprudentiæ caonicæ sumantur, disciplinæ concursus minime adversari censendæ sunt; sed interpretandæ quasi diceretur, ad paræcias Episcopi nominabunt, *servatis in hac peragenda nominatione Ecclesiæ legibus*; quas voces adjici necesse non erat, cum de jure subaudiantur. 2° Sed neque contrarium evincit circumstantia illa, quod is concordati articulus gallica primum lingua descriptus et a gubernio propositus fuerit; gubernium autem procul dubio jus illud nominandi intellexerit, cum independentia a quorumlibet, ac proinde etiam examinatorum syuodaliū, judicio et interventu. Nam etiamsi gubernium ita forte articulum a se propositum intellexerit, non sequitur eodem sensu articulum fuisse a Sede Apostolica sancitum: imo non censetur unquam Sedes Apostolica juri communi derogare, uisi verbis utatur quæ derogationem necessario secum inferant: verba autem articuli, *per se*, ut diximus, ne innuunt quidem ejusmodi derogationem. 3° Præfata verba non censenda sunt disciplinam de concursu excludere, si eam non excludant in simili concordato, Napoleonem inter et Pium VII pariter inito, quatuor post annis, quoad rempublicam Italianam: porro in hoc posteriori concordato eadem tribuitur Episcopis parochias conferendi potestas, et nihilominus simul monentur Episcopi ne illas conferant nisi prævio concursu. Sic enim habetur articulo 13: *Sanctitas Sua concedit Episcopis jus conferendi paræcias, quæ quovis anni tempore erunt vacaturæ; iique prævio concursu paræcias liberæ collationis conferent iis, quos ipsi digniores judicabunt. In paræciis vero juris patronatus ecclesiastici instituent eos, quos prævio pariter concursu tanquam digniores inter approbatos ab examinadoribus patronus ecclesiasticus præsentabit. In paræciis vero laici patronatus præsentatos instituent, dummodo præmisso examine idonei fuerint inventi. In omnibus autem prædictis casibus habebitur ratio, ut qui paræcias assequuturi erunt sint gubernio accepti.*

Notandum autem, in formula, quam Sedes Apostolica Pari-

sios transmitti curaverat, articulum hunc, etsi non sensu, verbis tamen diversum tantisper fuisse (1); et mutata quidem, autequam Parisiis a partibus subscriberetur, nonnulla verba; at circa præscriptum concursum nihil. Ut adeo sic rigore argui posse videatur: si concursus disciplina excluderetur his verbis, *Episcopi ad paræcias nominabunt*, excluderetur etiam, et a fortiori, istis, *Sanctitas Sua concedit Episcopis jus conferendi paræcias*; atqui posterioribus non excluditur; ergo nec prioribus. Quod quidem argumentum, mihi gravissimum (ne dicam peremptorium) videtur. 4º Quod autem objeitur, primos post concordatum Episcopos de instituendo quoad vacantes parochias concursu non curasse, vim non habet. Etenim ex ipso Tridentini decreti textu non urget instituendi concursus lex quando pertimescendum foret grave aliquod damnum, verbi gratia, factiones aut graviore parochianorum rixæ: sicut nec obligat quando certum est nullum concursurum. Tunc scilicet liberum est Episcopo, quos pro sua prudentia maluerit, parochiis præficere. Jam vero ea erat, concordati tempore, ecclesiarum Galliæ conditio, ut sine magno populi Christiani damno, regularis concursus forma servari non potuisset. Vix adhuc sedata tunc ingens illa anni 1793 ecclesiasticæ simul et civilis rei perturbatio: reliquus dumtaxat exiguus clericorum manipulus. Id imprimis urgebat, ut sine mora rectoribus suis parochiæ donarentur. Quod vix ac ne vix quidem Episcopi præstare potuissent, si prius et diœcesanam synodum regulariter celebrare, et synodales examinatores in ea constituere, et quoad omnes parochias quæ simul vacabant concursum indicere, atque ad juris apices expedire voluissent. Mirum ergo non est, iis prementibus rerum angustiis, existimasse Episcopos, nondum quoad suas diœceses urgere Tridentinam de concursu disciplinam. At perperam ex eorum agendi ratione concluderetur, putasse eos huic

(1) Editum hujus formulæ textum ego Romæ præ manibus habui: in ea jacebat sub numero 12 articulus, qui decimus tertius factus est.

disciplinæ per conventionem anni 1801 fuisse derogatum.

Quibus rationibus pro et contra libratîs, fatcor concordati textum insufficiens mihi videri fundamentum, ad asserendam ecclesiarum Galliæ a generali concursus lege exemptionem. Ad quam tamen meam opinionem, cum de re adeo ardua, et vix adhuc ab auctoribus discussa agatur, malim non attendat lector, nisi forte et doctiorum æstimationi, et præsertim superiorum iudicio consonam eam reperiri contingat.

§ II.

An quinquagenaria consuetudo parochias absque prævio concursu conferendi, evincat non vigere hodie in Gallia Tridentinam de ejusmodi concursu legem.

I. *Rationes quæ affirmandum suadent.* — 1° Præscribi potest contra legem mere ecclesiasticam per consuetudinem annorum quadraginta, modo consuetudo hæc non sit per se quid malum seu irrationabile. Porro quod parochiæ ab Episcopis conferantur absque prævio concursu, non est per se quid intrinsece malum nec irrationabile. Aliunde praxis hæc in Gallia jam plus quam quinquagenaria est. Ergo jam non viget quoad ecclesias Galliæ disciplina concursus. 2° Nisi desisset illa lex quoad Galliam vigere, dicendum foret parochos omnes a tot annis ad parochias deputatos illegitimos fuisse, et jurisdictione caruisse; quod dicere prorsus intolerabile est. 3° Galliæ praxim probe novit Sedes Apostolica, et nihilominus siluit; ergo in eam consensit; ergo legitima est.

II. *Rationes in oppositum.* — 1° Ad præscribendum contra legem ecclesiasticam, non sufficit consuetudinem appositam esse quadraginta annorum, et per se innocuam; sed requiritur ut merito præsumi possit legislatoris consensus; et ordinarie quidem ex eo quod legislator legem suam per longum tempus non urgeat merito concluditur, ipsum in praxim contrariam consentire; sed id non est universaliter et absolute verum: etenim contingere potest ut legislator sileat, etiam per annos

sexaginta et ultra, non ex eo quod consentiat, sed ex eo quod majus malum, si legem pro tunc urgeret, pertimescat; atque ideo opportuniore expectet circumstantias ad evellendam consuetudinem, et exigendam legis observantiam (vide id evolutum in meo tractatu *de Principiis juris canonici*). Quod autem in specie quoad nonnullas Galliae consuetudines, non consentiendo, sed opportuniore ad eas evellendas tempora praestolando, Sedes Apostolica prudenter siluerit, et quidem diutissime, non tantum impossibile non est, sed facile supponi potest. Nam in ea regione olim viguit, et post concordatum etiam anni 1801 vigere et doceri perrexit doctrina illa notissima, quae Gallicanismi nomine nuncupari solet. Praecipuum porro hujus systematis placitum erat, vim legis non habere Pontificia circa disciplinam decreta, nisi ab Episcopis acceptentur et publiceantur; immo (ut multi in Gallia tenebant) nisi regium prius assensum obtinereut, et in parlamento registrarentur: praeterea non posse Romanum Pontificem receptas in Gallia consuetudines immutare et ad jus commune inflectere; nec obligationem inducere quicquid in hunc finem Sedes Apostolica moliretur. Qua staute doctrina et sat generali persuasione, quid, quaeso, frugis obtinisset Romani Pontificis reclamatio contra aliquam Galliae praxim juri communi adversantem? Et numquid potius Sedi Apostolicae incumberebat quaedam ex prudentia silendi necessitas? Praesertim cum sperari merito posset gentem illam, sincere caeteroquin et ex praecordiis centro unitatis et Sedi Apostolicae addictissimam, erroneas opiniones illas sponte sua serius ociosius exuturam. Siluit quidem et diutissime de multis in Gallia juri communi adversantibus Pia mater Ecclesia Romana: an vero consenserit, mihi videtur ex silentio dumtaxat probari non posse. Et certe de liturgiis, contra Pianas sanctiones inductis, plus quam integro etiam saeculo siluerat: et tamen nuper cum quaesitum fuisset num legitimum foret Ceuomanense breviarium, aptumque ut ejus recitatione horarum canonicarum debito satisfaceret, negative a Sacra Rituum Congregatione respon-

sum est. Quod ergo legitima evaserit praxis parochias absque prævio concursu conferendi, non videtur ex sola quinquagennaria consuetudine, silente interea Sede Apostolica, rigore probari.

2° Advertendum est disciplinam de concursu esse lege Tridentina sancitam. Porro adversus Tridentina decreta non posse contrariis consuetudinibus præscribi, pro certo tenent, cum Benedicto XIV (institutione 60, n. 7) doctores gravissimi, prout exposui in meo tractatu *de Principiis*, pagina 370.

3° Quod autem objicitur nisi legitima foret dicta praxis, secuturum aliquid dicta intolerabile, parochos nempe omnes illegitimos fuisse, nullius momenti est : certum siquidem principium, parochis suppleri semper ab Ecclesia jurisdictionem, modo existimatum saltem titulum habeant.

III. Expositis hinc inde rationibus quoad illud alterum, ex consuetudine petitum, fundamentum, fateor me non audere in re tam gravi quidquam concludere. Unum dumtaxat adnotabo : nimirum difficultates illas et pertimescenda incommoda, quæ in causa esse potuerunt cur primis post concordatum temporibus prætermissa fuerit concursus forma, adhuc etiam forte ex parte perseverare. Ut adeo mirum videri non debeat, etiamnum retineri praxim illam, etsi forte neque vi concordati, neque vi consuetudinis satis tuta existimetur. Certum enim est non obligare legem ecclesiasticam, quæ vel nullo modo, vel nonnisi cum magno incommodo et animarum detrimento, ob peculiare circumstantias observari potest.

§ III.

An dici queat disciplinam concursus esse quid evangelicæ humilitati contrarium, et ex natura sua nocivum et minus probandum

Cum Tridentina lex de concursu ad universalem disciplinam pertineat, nec possit unquam in Ecclesiæ catholicæ generalem disciplinam quidquam intrinsece pravum et nocivum

irrepere, nefas est omnino ejusmodi legem, tanquam *per se* et *intrinsece* malam, ac evangelicæ doctrinæ repugnantem, carpere. Quam utilem e contra eam existimaverint Tridentini patres, palam faciunt hæc eorum verba initio decreti posita : *Expedit maxime animarum saluti, a dignis atque idoneis parochias gubernari. Id ut diligentius et rectius perficiatur, statuit sancta synodus*, etc. Quanti pariter illam fecerint sanctus Pius V, sanctus Carolus Borromeus, aliique pietate præstantissimi Pontifices, arguit eorum indefessus, in urgenda ipsius observantia, zelus. Qui ergo in hac disciplina sibi videre videretur aliquid ab evangelica humilitate dissonum, caveat ne ipse evangelicum humilitatis præceptum non leviter infringat, dum opinionationem suam Ecclesiæ judicio temere anteposit.

Quod si quis moderate diceret, præfatam disciplinam, etsi *in se* licitam et bonam, atque eo tempore, quo illam sancivit Tridentina synodus, perutilem, hodie tamen in certis quibusdam regionibus, ob mutatos mores, inductasque peculiare circumstantias, nonnullis obnoxiam incommodis evasisse; optandum proinde ut auctoritate Apostolica mutaretur, et parochiæ absque concursu Episcopis, ex solo eorum judicio, conferendæ relinquerentur; id (etsi falsum facile aliis videri possit) a catholica tamen loquendi norma non recederet. Verum enimvero pravam intrinsece ac evangelicæ doctrinæ sanctitati repugnantem concursus disciplinam asserere, nil aliud foret, quam temerarium sese, et catholici dogmatis, de inerrantia Ecclesiæ in sanciendo generalibus disciplinæ decretis, desertorem prodere. Cæterum, ut objectionem directe diluamus, omnino falsum est, non posse presbyterum aliquem, nisi ex pravo et superbiam redolente motivo, optare ut sibi aliqua regenda parochia conferatur, et sua ad id officii idoneitas in concursu agnoscat. Potest enim id optare et procurare, ad hunc honestissimum finem, ut sese animarum saluti impendat, campusque sibi ad hoc idoneus pateat, dotesque animi et talentum cœlitus sibi commissum otiosum non remaneat. Cumque ad concursum accedit, pro voto Ecclesiæ agit; eo se-

curius reliquam vitam acturus, sive parochiam obtineat, sive repellatur, quod nec de relicto sterili talento suo, nec de imposito sibi temere nimio onere, jam habet pertimescendam coram divino tribunali censuram. Nec a concurrando abstinerebunt idouei et vere humiles clerici (cæteris ex ambitione accedentibus), si recte in seminariis suum quoad hoc officium ac debitum edocti fuerint. Quod autem ex pravo temporalium commodorum fine quis ad concurrendum impellatur, id per accidens contingit, non autem ex ipsa dictæ disciplinæ natura necessario consequitur. Examinatorum synodaliū officium est (de quo etiam sincere explendo juramenti vinculo obstringuntur) ut quos noverint hæc ambitionis lepra morbidos severe repellant. Ast, inquis, ambitionem suam hocce genus hominum celabit. Et numquid, seclusa etiam concursus disciplina, ejusmodi clerici conferendas sibi ab Episcopo paræcias omni arte non molientur, et facilius etiam intentum consequentur? Ea est humana conditio, ut optimum quodque institutum abusibus aliquatenus obnoxium remaneat.

SECTIO IV.

De norma canonica parochos removendi.

Multa hic de parochis concludenda veniunt, quæ ipsis sunt communia cum cæteris beneficiatis. Hinc visum est sectionem bifariam dividere; ita scilicet ut 1° recolamus breviter canonicam remotionis normam quoad omnes generatim beneficiatos; 2° ut eam in particulari expendamus quoad parochos seu curatos.

SUBSECTIO I.

De norma canonica beneficiatos removendi.

Triplicem expendemus beneficiatos removendi seu deji-
ciendi modum, nimirum 1° per degradationem actualem;
2° per degradationem verbalem seu depositionem, idest, per
privationem beneficii; 3° per suspensionem. Agimus autem
hic dumtaxat de beneficiis episcopatus inferioribus. Nam ad
removendos Episcopos peculiaris a jure statutus est (ob tantæ
dignitatis celsitudinem) procedendi modus, quem describe-
mus in tractatu *de Episcopo*.

CAPUT I.

NORMA BENEFICIATOS REMOVENDI PER DEGRADATIONEM
ACTUALEM.

QUÆSTIO 1^a. — *Quid sit degradatio actualis seu realis.* — Est illa qua clericus, non solum privatur officio, beneficio, et sacrorum ordinum exercitio; sed insuper spoliatur privilegio fori, clericalibus insignibus cum præscripta a jure solemnitate exuitur, et brachio sæculari, secundum sæculares leges puniendus, traditur. Ita quoad sensum doctores communiter (vide Ferrarium verbo *Degradatio*, n. 6; necnon Reiffenstuel, in tit. 37, libri 5 decret., n. 32). Differt a *degradatione verbali* seu depositione: hæc enim privat quidem officio et beneficio, et reddit inhabilem ad alia beneficia; sed per eam non amittit clericus privilegium fori, nec brachio sæculari traditur, nec obnoxius est dictæ solemnitati, qua insignia clericalia detrahuntur.

QUÆSTIO 2^a. — *Quandonam deveniri possit ad degradationem realem?* — 1^o Adhibenda non est pœna hæc, nisi pro illis solis flagitiis, quæ jus expresse decrevit hoc modo plecti posse vel debere. Id fuse probat Fagnanus (in caput *Cum non ab homine, de Judiciis*); et est sententia communius recepta. Equidem nonnulli veteres canonistæ, putarunt esse locum degradationi reali in omnibus delictis, pro quibus leges sæculares mortis pœnam statuunt: sed hæc opinio quamplurimis doctoribus rejicienda visa est. Cujus confutationem vide apud Fagnanum, loco citato. Adi etiam Benedictum XIV, de *Synodo diœcesana*, l. 9, c. 6.

2^o Flagitia autem, ob quæ leges ecclesiasticæ voluerunt locum esse degradationi reali, sunt sequentia: 1^o hæresis (ut constat ex capitulis *Excommunicamus* et *Ad abolendam, de Hæreticis*); 2^o falsificatio litterarum Apostolicarum (constat ex ca-

pite *ad Falsariorum, de Crimine falsi*); 3° crimen iusdiarum et conspirationis in proprium Episcopum (canone *Si quis sacerdotum*, et canone *Statuimus*, 11, q. 4); 4° crimen assassinatus (arguitur ex capite *Pro humani, de Homicidio*, in 6); 5° incorrigibilitas clerici post servatos aliarum pœnarum gradus (arguitur ex capite *Cum non ab homine, de Judiciis*); 6° nefandum sodomie scelus (ita statuente sancto Pio V in constitutione, quæ incipit, *Horrendum illud scelus*); 7° celebratio missarum vel auditio confessionum a non presbytero (ex constitutione *Etsi alias* Clementis VIII); 8° falsificatio monetarum in Italia (ex constitutione *In suprema* Urbani VIII). Vide Fagnanum (in caput *Cum non ab homine, de Judiciis*, a n. 68 ad 79); et Reiffenstuel, in titulum 37 *de Pœnis*, libri 5 decretalium, n. 38; 9° sollicitatio ad turpia in confessione sacramentali, nonnullis concurrentibus circumstantiis; 10° procuratio abortus; 11° furtum sanctissimæ Eucharistiæ (vide quoad tria ultima Benedictum XIV, *de Syn. diœc.*, l. 9, c. 6, n. 7).

QUÆSTIO 3ª. — *Quænam sint solemnitates requisitæ, ut legitime fiat degradatio realis?* — 1° Fieri nequit nisi ab Episcopo consecrato. (Vide Reiffenstuel, in tit. 37, lib. 5 decret., n. 4; necnon Ferrarium, verbo *Degradatio*, n. 13.) 2° Olim ad degradationem realem presbyteri, sex Episcoporum præsentia necessaria erat: ad deponendum vero diaconum vel subdiaconum tres requirebantur: unus tantum ad degradationem clerici, in minoribus existentis (vide Ferrarium, verbo *Degradatio*, n. 21). 3° Hanc dispositionem Tridentina synodus tantisper immutavit (sess. 13, cap. 4); decernendo nempe, ut jam aliorum Episcoporum interventus non requiratur; sed Ordinario etiam absque illis procedere liceat: *adhibitis tamen, et in hoc sibi assistantibus totidem abbatibus, usum mitræ et baculi ex privilegio Apostolico habentibus (si in civitate aut diœcesi reperiri et commode interesse possint); alioquin aliis personis in ecclesiastica dignitate constitutis, quæ ætate graves, ac juris scientia commendabiles existant.* 4° « Porro iis, sive Episcopis, « sive abbatibus, sive aliis clericis, qui juxta dieta necessario

« præsentes esse debent, non tantum *consultivum*, sed etiam
 « *decisivum* votum competit; ita ut sine ipsorum voto et as-
 « sensu Episcopus nec ad depositionem, nec ad degradatio-
 « nem venire valeat (canone *Episcopus*, causæ 15, q. 7; ca-
 « pite *Non potest* 3, de *Sententia et re judic.*), etiam post
 « concilium Tridentinum; cum ab ipso circa hoc punctum
 « nil sit immutatum, uti cum communiori recte observat
 « Barbosa. » (Ita Reiffenstuel, in tit. 37, de *Pœnis*, libri 5 de-
 cret., n. 42.)

QUÆSTIO 4^a. — *Quisnam ritus servandus sit in degradatione reali exequenda?* — Ritus illum omnino determinavit Bonifacius VIII, in capite *Degradatio* 2, de *Pœnis*, in 6. Et insuper descriptum etiam reperies in Pontificali romano.

CAPUT II.

NORMA REMOVENDI PER DEPOSITIONEM, SEU BENEFICII
PRIVATIONEM.

Prænotanda. — 1^o Degradationis verbalis et depositionis vocabula pro synonymis passim usurpant doctores: « *Depositio*
 « verbalis (inquit Reiffenstuel), quæ etiam degradatio verbalis
 « dicitur, est pœna ecclesiastica, qua clericus quis perpetuo
 « privatur ordine et munere clericali; non quidem quoad cha-
 « racterem, cum sit indelebilis...; sed quoad exercitium..., et
 « hoc ipso etiam ab officio et beneficio » (in titulum 37, libri 5 decretalium, n. 22).

2^o Atvero depositionem inter et privationem hoc discrimen intercedere adnotant, quod *depositus* inhabilis efficiatur quoad omnia alia beneficia, non item *privatus*. De quo sic Reiffenstuel (citato loco, n. 27): « Colliges qualiter *depositio* differat
 « a *privatione* beneficii et a *suspensione*: a *privatione* quidem
 « differt, quia hæc, præter alios suos effectus, ex natura sua
 « non reddit inhabilem ad alia beneficia, bene vero depo-

« sitio; a *suspensione* vero, quia hæc ex natura sua non est
 « perpetua, sed medicinalis; nec privat ipso jure beneficio,
 « sed administratione dumtaxat, et perceptione fructuum ad
 « tempus. »

3° Nobis sub presenti capite expendendum occurrit, quomodo et quando clericus canonice beneficio suo *privetur*. Cum autem norma quoad hoc exponenda locum æque habeat, sive iudex pronuntiet simplicem *privationem* a beneficio, sive pronuntiet *depositionem* (quæ insuper inhabilitatem ad alia beneficia secum trahit), has duas pœnas, privationem scilicet et depositionem seu degradationem verbalem, hic non distinguemus; sed dicta quoad privationem, erunt et quoad alteram pœnam intelligenda.

4° In expendenda autem gravissima præsentis capitis materia hunc ordinem sequemur : primo nonnullas trademus generales regulas circa dictam privationis pœnam : tum percurremus varia delicta, ob quæ locus esse potest privationis pœnæ; et quoad unumquodque exquiremus : an propter tale delictum incurratur privatio ipso jure : an possit ordinarius illam pœnam infligere : et quomodo procedendum sit.

§ I.

Nonnullæ regulæ generales privationis pœnam spectantes.

REGULA I^a. — *Infligi nequit pœna privationis beneficii, nisi propter causam gravem, notoriam, et servato juris ordine.* — Constat ex canone *Inventum* (38, causa 16, quæstione 7), in quo sic decernitur quoad presbyterum, qui aliquam ecclesiam adeptus est : *Quam si juste adeptus fuerit, hanc nonnisi gravi culpa sua, et coram Episcopo, canonica severitate amittat.*

Item constat ex capite *Conquerente* (7, tituli 13, libri 2 decretalium) : *Conquerente nobis Renaldo clerico accepimus, quod ipsum ecclesia de Wefort sine iudicio spoliasti. Quia vero non decet honestatem tuam clericos tuæ jurisdictionis, sine manifesta causa*

et rationabili suis beneficiis spoliare... mandamus quatenus, si ita est, prædicto clerico præfatam ecclesiam cum redditibus inde perceptis restituas. Ex his textibus patet 1° causam debere esse gravem; 2° illam debere esse manifestam, seu, quod idem est, *notoriam*; et dicitur notoria *notorietate juris*, quando reus in iudicio convictus fuit vel confessus; notoria autem *notorietate facti*, quando ita evidens est, ut nulla possit tergiversatione celari; prout, verbi gratia, quando reus delictum in platea coram omni populo patravit. 3° Sequitur etiam ex adductis textibus servandum esse ordinem iudicii, ut indicant verba hæc, *coram Episcopo, canonica severitate amittat.*

Cæterum in admittenda hac regula unanimes sunt doctores; inter quos sic Fagnanus, citatum caput *Conquerente* commentans : « Nota ex textu tria requisita, secundum Abbatem, ad « hoc ut clericus beneficio suo licite privari possit. Primo « enim requiritur causa *rationabilis*. Secundo, ut causa hujus- « modi sit *manifesta*... Et expone verbum *manifesta*, id est, « *notoria* (ut canone *In quemquam*, 2, q. 1); et verbum *ratio-* « *nabili* expone, id est, *gravi* : nam pro levi causa non debet « quis privari beneficio suo (c. *Inventum*, 16, q. 7). Tertio re- « quiritur ut privatio fiat in iudicio, seu juris ordine ser- « vato. »

Idem iterum tradit Fagnanus (in caput *Cum dilectus, de Rescriptis*, n. 20) : « Privatio beneficii est pœna ordinaria, quæ non imponitur nisi progravissimo crimine, prævia citatione in iudicio ordinario, et legitimis exceptionibus discussis... Adeo ut privatus a iudice, non servante ordinem iudiciarium, possit petere restitutionem tanquam spoliatus. »

REGULA II°. — *Non potest Ordinarius ad privationem beneficii procedere ex informata conscientia.* — Sequitur ex præcedenti : nam si posset procedere ex informata conscientia, posset procedere extra-judicialiter, seu non servato juris ordine; quod modo vidimus non licere, quando agitur de infligenda privationis pœna. Præterea dum Tridentini patres (capite *Cum honestius* 1, sessionis 14) facultatem faciunt Episcopis *extra-ju-*

dicialiter seu (ut postea usus loquendi invaluit) *ex informata conscientia* procedendi, loquuntur dumtaxat de facultate *suspendendi*, non autem *privandi* clericos beneficiis suis; prout fuse discussum vide in meo tractatu *de Judiciis*, tomo 2, pagina 311 et sequentibus.

OBJICES : Potest Episcopus ex informata conscientia suspensionem *perpetuam* pronuntiare, prout in citato tractatu *de Judiciis* fuit a me ipso traditum : atqui suspensio perpetua privationi æquivalet : ergo potest Episcopus ex informata conscientia beneficio clericum privare. — Respondeo ad majorem, me non absolute Episcopis tribuisse (in dicto tractatu) *perpetuæ* suspensionis extra-judicialiter ferendæ potestatem ; sed rationes nonnullas dumtaxat, et quamdam Sacræ Congregationis Concilii declarationem adduxisse, quæ id eos posse innuere videntur : et adjeci, a peritis romanis viris, quibuscum hac de re verbum feci, opinionem illam vehementer repelli. Sed cum non perspicerem quomodo dictæ rationes dilui possent (licet eas robore carere suspicer), nolui is videri, qui aliquid Episcoporum potestati detraherem, solidis carens ad id firmandum argumentis. Cæterum fateor a doctoribus communiter pro una eademque re haberi privationem et suspensionem *perpetuam* : inter quos sic Leurenus, de sententia privationis loquens : « Nil refert sub qua forma concipiatur sententia illa : « perinde enim est, sive fiat per verbum *privamus*, sive per « verbum *deponimus*, sive per verbum *suspendimus in perpetuum* » (*Forum beneficiale*, parte 3, q. 174, n. 2). Nec minus concordēs sunt canonistæ dum tradunt, non posse ad privationem procedi nisi servato juris ordine. Unde quod in dicto tractatu mei *de Judiciis* loco scripsi, habeat lector tanquam meram propositam difficultatem, cujus solutionem a doctioribus provocare volui ; prout satis indicat nota ibidem (pagina 338) apposita.

REGULA III^a. — *Ut possit pronuntiari privationis sententia, regulariter loquendo debet constare de delicto per probationem plenam seu concludentem.* — Ad quæstionem, quomodo probatum

fuisse delictum oporteat, ut possit pœna privationis plecti, sic habet Leurenus : « Respondeo : cum sit pœna gravissima
« et ordinaria, ut dictum, hinc intrat criminalistarum pro-
« positio, quod ad ordinariam pœnam procedi non potest, nisi
« contra legitime confessum vel convictum. (Cardinalis de Luca,
« de Beneficiis, discursu 75, n. 4.) Qui tamen subdit (ibidem
« numero 8) quod, licet de stricto jure, quoties agitur de
« privatione beneficii jam obtenti, requiratur plena et con-
« cludens probatio, et non sufficiat aliquem esse diffamatum
« (cum id solum attendatur circa inhabilitatem... ad asse-
« quendum); verumtamen vehemens diffamatio, ob quam
« apud populum tale delictum habetur pro certo (ut contin-
« git quando adsunt indicia indubitata) facile operatur ut
« iudices... non improbabiler dilarent arbitrium, et rigo-
« rosos juris cancellos transcendant; potissimum ubi agitur
« de delictis adeo scandalosis (*agit ibi de defloratione monia-*
« *lis*), sive ubi intrant alia motiva prudentialia. Similia habet
« discursu 76, u. 11; ubi quod ad consulendum delictis et
« scandalis, intret maxima (*la maxime*), ordo est ordinem non
« servare : ideoque exorbitans rigor adhibetur, in magnis
« præsertim tribunalibus, tanquam iu casu exemplari, juris
« cancellos aliquantulum transcendendo. » (Leurenus, *Forum*
beneficiale, parte 3, quæstione 172.)

REGULA IV^a. — *Quando privatio ipso jure incurritur, et delictum est notorium, nulla opus est sententia; sed ad executionem privationis immediate deveniri potest.* — Tunc scilicet non opus est, ut iudex per sententiam privet beneficio, cum reus jam vi ipsius legis beneficio suo privatus existat : sed nec opus est sententia declaratoria; qua nempe iudex declaret a reo patratum revera fuisse tale delictum, ac consequenter ipsum privationem incurrisse : siquidem ex hypothesis notorium est a reo ejusmodi delictum fuisse patratum. Unde in hoc casu sufficit assignari reo terminum, ad sese excusandum quoad factum delicti patrati; quo elapso termino potest Episcopus privationis pœnam exequi. In assignando termino, poterit hæc aut

similis formula adhiberi : *Assignatur Titio octo dierum terminus, aut dicendum quare ipsius beneficium non sit vacans, ob delictum (et ibi exprimatur delicti species) ab ipso patratum, et nequeat tanquam vacans alteri conferri.*

In praxi tamen semper tutius est præmittere sententiam declaratoriam de patrato delicto ; quia raro talis adest notorietas, contra quam uou possit reus aliquid objicere ; imo satis est eam a Reo negari, ut jam non sit talis, et debeat justificari. (Vide quoad hanc quartam regulam *Forum beneficiale* Leurenii, parte 3, q. 163, 164 et 165.)

REGULA V^a. — *Quando privatio ipso jure incurritur, et delictum non est per se satis notorium, judex pronuntiare debet, non sententiam privationis, sed sententiam declaratoriam; qua nempe declaret tale delictum a beneficiato fuisse patratum, ac consequenter ipsum beneficio suo privatum jam existere.* — Non debet ipse judex beneficiatum privare ; siquidem ipso jure jam est beneficio suo privatus. Sed debet declarare patratum fuisse a beneficiato delictum ; quia hoc, ex hypothesi, non est per se plene notorium ; ac proinde remanet juridice probandum et per sententiam definiendum. (Vide Leurenium, loco citato, q. 166, n. 3.)

Nota 1^a. — Quando pronuntiatur ejusmodi declaratoria, beneficiatus non censendus est privatus dumtaxat a tempore pronuntiatæ hujusmodi sententiæ, sed a momento patrati delicti. Unde fructus interea perceptos restituere tenetur. (Vide id expositum a Leurenio, *Forum beneficiale*, parte 3, q. 166.) Atque in hoc admittendo omnino concordant doctores, prout adnotat laudatus Leurenium (loco citato, q. 167, n. 1).

Nota 2^a. — An in dicto casu teneatur in conscientia beneficiatus sese beneficio exuere statim post patratum delictum, au vero possit in ejus possessione remanere usque ad sententiam declaratoriam, inter doctores controversitur. Quam controversiam fusc exponit Leurenium (loco citato, q. 167).

Nota 3^a. — Certum est, et a doctoribus unanimiter admissum, validos esse actus, quos beneficiatus ratione sui muneris

seu officii publici (verbi gratia, absolutiones, si sit parochus; votum electivum, si sit canonicus, etc.), a tempore patrati delicti, usque ad sententiam declaratoriam, pergit exercere. Quod vide probatum a Leurenio (*Forum beneficiale*, parte 3, q. 168).

REGULA VI^a. — *Quantumvis atrox sit delictum, non censendus est beneficiatus ipso jure privatus, nisi expresse pro illo crimine lex ecclesiastica privationem ipso jure decreverit.* — Vide id probatum a Leurenio (*Forum beneficiale*, parte 3, q. 170). Ratio est, quia legislator pro quibusdam solummodo delictis privationem *ipso jure* incurrendam decrevit: pro aliis autem, licet non minus ea pœna dignis, id non decrevit. Ac proinde ut beneficiatus, ob posteriora hæc delicta, beneficio suo privetur, necessaria est sententia judicis, privationis pœnam pronuntiantis.

Nota 1^o. — Verba quæ indicant privationem *ipso jure* decerni, sunt ista: *eo ipso*, vel *privatus existat*, vel æquivalentia.

Nota 2^o. — In dubio an lex privet *ipso jure*, censenda est non privare nisi per judicis sententiam. Odia enim sunt restringenda.

Nota 3^o. — Quando delictum non est de iis, pro quibus legislator privationem *ipso jure* incurrendam decrevit, ut beneficiatus privetur, non sufficit cum condemnari de hoc delicto, verbi gratia, de homicidio: sed debet judex in sua sententia expresse dicere, se privationem pronuntiare. (Vide Leurenium, loco citato, q. 175.)

REGULA VII^a. — *Vicarius generalis Episcopi nequit, absque speciali mandato Episcopi, privationis pœnam infligere.* — Constat ex capite *Licet* (*de Officio vicarii*, in 6), in quo sic decernitur: *Potestatem tamen... aliquos a suis beneficiis... amovendi, transferri nolumus in eundem, nisi sibi specialiter hæc committantur.* (Vide meum tractatum *de Judiciis*, tomo 1, pagina 415.)

§ II.

De pœna privationis ob certas quasdam omissionis culpas?

QUÆSTIO 1^a. — *De privationis pœna, ob omissam receptionem ordinum infra annum.* — Qui tenetur recipere ordines infra annum (prout tenetur, verbi gratia, parochus, qui nondum sacerdos parochiam obtinuit), si absque legitimo impedimento intra hoc intervallum non ordinetur, *ipso jure* beneficio suo privatur. Estque id extra omnem controversiam. Vide Leurenium (*Forum beneficiale*, parte 3, q. 185).

QUÆSTIO 2^a. — *De privationis pœna ob omissam clericalis habitus gestationem.* — 1^o Attento solo jure Tridentino, qui non deferunt vestem clericalem debent primo *suspendi* et a fructibus privari; tum *si semel correpti, denuo in hoc deliquerint, etiam per privationem officiorum et beneficiorum hujusmodi coerceri possint et debeant* (scss. 14, c. 6, *de Ref.*). Unde juxta hoc decretum, ob omissam clericalis habitus gestationem, non incurritur *ipso jure* privatio: imo nec imponenda est per sententiam privationis pœna, nisi jam præcesserit correptio per suspensionem et fructuum subtractionem, et delinqueas non respuerit.

2^o Atvero intervenit post Tridentinam synodum rigidior lex, constitutio uempe *Cum sacrosanctam* (5 idus januarii 1588) Sixti V; qua non gestautes clericalem habitum *ipso jure* beneficiis suis privantur.

Eam tamen constitutionem communiter ita interpretantur doctores, ut effectum illum privationis ipso facto non inducat, nisi cum gestatione vestis laicalis concurrant sequentia: *primo*, ut fiat absque rationabili causa; *secundo* ut id contingat in locis publicis; *tertio* ut ex longo tempore quo beneficiatus vestem laicalem gerit, oriri possit communis opinio illum esse laicum; *quarto* ut id faciat ex quodam contemptu clericalis habitus, non ex joco vel amœnitatis causa. De quo vide Leu-

renium (*Forum beneficiale*, parte 3, q. 187). Hinc in praxi difficillimum esset probare vacationem beneficii ex solo facto non gestati clericalis habitus.

QUÆSTIO 3^a. — *De privationis pœna ob omissam residentiam.* — Hanc quæstionem fusc expendimus infra (parte 5, capite 2, § 8).

§ III.

De pœna privationis ob varia delicta commissionis.

QUÆSTIO 1^a. — *De privatione ob apprehensam possessionem beneficii ante expeditionem litterarum.* — « Si quis beneficii a Papa sibi collati possessionem apprehendat ante expeditionem litterarum, eo ipso vacat ipso jure beneficium hoc obtentum : imo et reliqua, si quæ habeat; juxta constitutionem Julii III, die 27 maii 1553. » (Leurenus, *Forum beneficiale*, parte 3, q. 193.)

QUÆSTIO 2^a. — *De privatione ob factam violentiam in apprehendendo possessione beneficii.* — Si quis habens titulum alicujus beneficii violenter propria auctoritate illud occupet, hoc beneficio ipso jure privatur. Constat ex capite *Eum qui, de Præbendis*, in 6.

QUÆSTIO 3^a. — *De privatione ob litterarum Apostolicarum falsificationem.* — Qui id delictum patravit, non tantum excommunicationem, sed et privationem sui beneficii, si quod habet, ipso jure incurrit; juxta caput *Ad falsarium, de Crimine falsi*.

QUÆSTIO 4^a. — *De privatione ob malam promotionem ad Ordines.* — Male promoti ad ordines (verbi gratia, promoti per saltum, vel absque titulo, vel absque dimissoriis, vel ante legitimam ætatem, vel extra statuta tempora) sunt ipso facto suspensi. Quod si præterea in receptis ordinibus ministrare præsumant, non solum irregulares, sed et suis beneficiis ipso jure privati existunt, per constitutionem *Sanctum et salutare* Sixti V, datam nonis januarii 1558.

QUÆSTIO 5^a. — *De privatione ob alienationem rerum ecclesiæ seu beneficii.* — Qui bona ecclesiæ seu beneficii sui, extra casus a jure permissos, alienat absque Sedis Apostolicæ consensu, ipso jure beneficio illo privatus existit. Vide Leurenium (*Forum beneficiale*, parte 3, q. 199).

QUÆSTIO 6^a. — *De privatione ob simoniam.* — Simonia mentalis non inducit privationem beneficii ipso jure : bene vero simonia realis, confidentialis, et mixta. Quod vide fuse traditum a Leurenio (*Forum beneficiale*, parte 3, q. 200 et seq.).

QUÆSTIO 7^a. — *De privatione ob insordescientiam in excommunicatione.* — 1^o Certum est per solam excommunicationem non incurri privationem beneficiorum obtentorum ; sed excommunicatus fit tantum inhabilis ad obtinenda nova beneficia. (Vide Leurenium, loco cit., q. 204.)

2^o Insordescientia in excommunicatione per annum et ultra, non inducit privationem *ipso jure*. « Nullibi enim reperitur in jure textus dicens insordescentem privatum beneficiis : et insordescientia solum operatur, quod insordescens habeatur pro confesso vel convicto de crimine aut causa, de qua accusabatur. » (Leurenium, citata quæstione, n. 2.)

3^o « Potest tamen excommunicatus, ob insordescientiam privari beneficiis ; ex ratione, ut in privatione non consideretur causa excommunicationis, sed novum delictum ex perseverantia et pertinacia, nimirum contemptus interpretativus clavium Petri. » (Leurenium, ibid., n. 3.) Et ita doctores communiter.

4^o Num ad pronuntiandam privationem sufficiat insordescientia per annum, an vero requiratur insordescientia per triennium, disputant doctores, pro et contra nonnullos juris textus adducentes. (Vide Leurenium, loco citato.) Sed in praxi evanescit difficultas : nam certum est, ex Tridentino decreto (sess. 25, c. 3), posse Episcopum procedere contra insordescentem *tanquam suspectum de hæresi, si obdurato animo per annum insorduerit*. Aliunde extra controversiam est, suspectum de hæresi posse beneficiis privari. Ergo semper poterit Epi-

scopus, post elapsum unum insordescentiæ annum, beneficio excommunicatum clericum privare, si non ob solam insordescentiæ (quod disputatur), saltem ex eo quod suspectus de hæresi evaserit.

QUÆSTIO 8ª.—*De privatione ob insordescentiæ in suspensione.*
— 1º Per solam suspensionem clericus non est privatus beneficiis ante suspensionem obtentis.

2º A beneficiis autem, quæ ipsi jam suspenso collata sunt, removendus est; siquidem nequit beneficium suspenso valide conferri.

3º Ob insordescentiæ in suspensione, potest suspensus privari beneficio, sicut in casu insordescentiæ in excommunicatione. (Vide Leurenium, *Forum beneficiale*, parte 3, q. 205.)

QUÆSTIO 9ª. — *De privatione ob irregularitatem.* — 1º Irregularitas inhabilem reddit clericum ab obtinenda beneficia.

2º Non tamen eum privat *ipso jure* beneficio ante irregularitatem obtento.

3º Sed apta esse potest ut iudex ad privationem procedat loco pœuæ. (Cardinalis de Luca, *de Beneficiis*, discursu 75, n. 11.) Si nempe clericus irregularis evaserit ob delictum privatione dignum, per sententiam privari poterit. (Vide Leurenium, loco citato, q. 208.)

QUÆSTIO 10ª. — *De privatione ob homicidium, vulnerationem et percussionem.* — 1º Homicidium, quando non concurrunt certæ quædam circumstantiæ, mox enumerandæ, non inducit privationem *ipso jure*; sed Episcopus, potest, imo et debet privationem propter ejusmodi flagitium pronuntiare. Constat capite *Cum non ab homine, de Judiciis*.

2º Homicidium cum qualitate *assassinii*, inducit privationem *ipso jure*. Constat capite 1, *de Homicidio*, in 6. Dicuntur autem in jure assassini, tum *pretio conducentes*, tum *pretio conducti* ad occidendum aliquem. (Vide Leurenium, *Forum beneficiale*, parte 3, q. 210.)

3º Privatus *ipso jure* existit occidens vel percutiens Cardinalem : item occidens vel percutiens Episcopum : item occi-

dens rectorem vel beneficiatum illius ecclesiæ, in qua homicida suum habet beneficium.

4° Abstrahendo a qualitate dictarum personarum, percussio, vulnegratio et mutilatio non inducunt *ipso jure* privationem. (Vide Leurenium, citato loco, q. 209.)

QUÆSTIO 11ª. — *De privatione ob procuracionem abortus.* — Clericus qui horrendum illud scelus patraret, procul dubio beneficiis suis ipso jure privatus existeret; prout constat ex constitutione hac de re lata a Sixto V, quarto calendas novembris 1588. Supervacaneum est lectorem præmonere, infanda hæc scelera ob theoricam dumtaxat legum ecclesiasticarum evolutionem commemorari, non autem (absit) quod supponatur iis se reos unquam facere clericos; qui (ut bene notum est) toti mundo angelici status sui integritate prælucent, et tanquam sal terræ, ad servandum immune a talibus flagitiis cæterum humanum genus constituti sunt.

QUÆSTIO 12ª. — *De privatione ob infandum sodomie crimen.* — Non tantum privatus ipso jure existeret clericus tanti flagitii reus, sed foret degradationi reali obnoxius et traditioni sæculari brachio. Constat ex constitutione *Horrendum* sancti Pii V, tertio calendas septembris 1568. Et notetur effectum habere hanc constitutionem etiam in foro interno seu occulto, saltem quoad privationem executionis officii, et inhabilitatem seu irregularitatem in effectum; de quo vide communem doctorum sententiam apud Leurenium (*Forum beneficiale*, parte 3, q. 212).

Nota. — De altero contra naturam flagitio, et præcedentis etiam pravitate superante, nihil expresse jus statuit; unde privationem beneficii *ipso jure* non induceret; sed deberet privatio per sententiam pronuntiari.

QUÆSTIO 13ª. — *Qualiter ob sacrilegum cum moniali facinus locus detur privationi?* — « Respondet Cardinalis de Luca a (*de Beneficiis*, discursu 74, n. 3) quod inter alias pœnas inflicta contra hujusmodi sacrilegos stupratores monialium, « videatur ista pœna privationis beneficiorum imposita, vel

« *ipso jure*, vel quod per sententiam ad eam procedi possit; « juxta canonem *Si qua monacharum* 27, q. 1. Remittit insu- « per ad Farinacium, *de Delictis carnis*, q. 146, n. 26. » (Leu- renius, loco cit., q. 214.)

Nota. — Iterum præmonemus hæc et sequentia horrenda scelera ideo a nobis recenseri, ut jus circa privationis pœnam determinetur quoad casus omnes, et si quoad praxim chimericos. Cæterum absit, et avertat Deus, ullum unquam clericum in ejusmodi pravitatis abyssum ruere et demergi.

§ IV.

De privatione ob concubinatum, et ob simplicem fornicationem.

Hic solvenda venit duplex intricatissima quæstio : 1° num possit Episcopus privationis pœnam pronuntiare ob fornicationem simplicem, id est, quæ per iterationem non transit in concubinatum; 2° num saltem propter notorium concubinatum, quando nempe constat, non tantum de frequentatione suspecta, sed etiam de multiplici fornicationis actu, possit statim Episcopus ad privationem procedere; an vero teneatur prius monitiones et pœnam suspensionis experiri, et in his sistere, si delinquens resipiscat. Nemo non videt quam gravis sit utraque hæc quæstio. Si enim de jure communi non posset Episcopus ad privationem devenire propter unicam fornicationem, sed tantum suspendere, sequeretur, verbi gratia, parochum de hoc facinore notorie reum et juridice etiam convictum, non posse tamen beneficio suo privari : posset dumtaxat ad tempus suspendi a sacris et ab officio, et interea poni ejus loco vicarius seu œconomus : sed ipse parochus titulum suum retineret, aliquando etiam, peracta pœnitentia, ad officii exercitium restituendus. Porro quod parochus, quem fornicarium exstitisse notorium est, non omnino deponatur, imo in administratione parochiæ post temporaneam suspensionem restituatur, non videtur ordinarie fieri posse absque iugentis-

simo populi christiani scandalo, et religionis detrimento. A fortiori id dicendum, si notorietatis publicæ foret eum, non semel, sed pluries dictum facinus patrasse; seu, quod idem est, eum non simplicem fornicatorem, sed concubinarium esse. Hinc quæstionem illam omni cura expendendam duximus.

I.

Praemittitur synopsis historica circa pœnas quæ variis temporibus in clericos incontinentes a jure statutz reperuntur.

« Vetus legum pœna contra clericos incontinentes, fornicarios, aut concubinarios erat perpetua depositio, seu a clero dejectio, tam Justiniano jure sancita (lege *Sacris canonibus*, codicis, de *Episc. et cler.*; novella 6, cap. 5 et 9; et novella 128), quam sacris canonibus comprobata, atque ad dimidium usque duodecimi sæculi usu recepta; ut de primis sex sæculis testatur divus Gregorius Magnus (epistola 26, ad Januarium Episcopum Calaritanum, libro 3 epistolarum); de sæculo vero septimo Martinus I (epistola ad Amandum Trajectensem Episcopum, tomo 6 *Conciliorum*, ultima editio, pag. 383); de octavo et nono Nicolaus I (in decreto, titulo de *Presbyt.*); de sæculo tandem decimo, undecimo, duodecimo, Alexander II et Innocentius II (dist. 28, can. 9; dist. 81, can. 6, 10, 11, 16, 17, 18 et 29).

« Postea, a tempore nempe Alexandri III, qui pontificatum sustinuit ab anno 1159 ad 1181, temperato rigore depositionis, seu dejectionis a clero, hic ordo servari cœpit, videlicet, ut ad certum tempus suspenderentur tam ab officio quam a beneficio respective: augente vero malitia seu contumacia, post trinam monitionem a communione quoque fidelium, donec resipiscerent, arcerentur (capite 2 usque ad 6, tituli de *Cohabitatione clericorum et mulierum*).

« Tandem vero juxta sanctiones sacri concilii Tridentini,
 « si res sit de clericis beneficiatis sine cura animarum, ne ra-
 « ptim propriis beneficiis ac redditibus priventur, hic ordo
 « gradatim servandus præscriptus fuit, ut si post primam
 « monitionem, et quidem personalem, a damnato consortio se
 « non abstinuerint, tertia parte fructuum ipso jure priventur :
 « et si post secundam expletam monitionem nec etiam resi-
 « puerint, omnes fructus amittant, et ab administratione be-
 « neficiorum suspendantur : ac denum si ita suspensi in eodem
 « delicto adhuc perseveraverint, tunc officiis et beneficiis
 « privarentur, subindeque excommunicationis gladio plecte-
 « rentur (sess. 25, c. 14, *de Reform.*).

« Secus autem præscriptum habetur quoad privationem pa-
 « rochorum turpiter et scandalose viventium. Hi enim post-
 « quam *moniti et puniti* fuerint, si adhuc in nequitia perseve-
 « raverint, illico privari jussit (sess. 21, c. 6, *de Ref.*), ibi :
 « *Eos qui turpiter et scandalose vivunt, postquam præmoniti fue-*
 « *runt coerceant atque castigent; et si adhuc incorrigibiles in sua*
 « *nequitia perseverent, eos beneficiis juxta sacrorum canonum*
 « *constitutiones privandi facultatem habeant.*» (In *Thesouro reso-*
 « *lutionum* tomo 47, in causa *sancti Severini*, 4 aprilis 1778.)

Expositio illa historica, etsi in cæteris placeat, non tamen
 ubi tanquam certum supponit, a tempore concilii Tridentini
 jam non posse privari beneficio concubiuarium, de patratæ
 fornicationibus plene convictum, uisi, post adhibitæ moni-
 tionis et suspensionem, sese emendare recuset, et in nequitia
 perseveret. Nam hoc ipsum controvertitur, ut mox videbi-
 mus; nec probabili saltem fundamento carere videtur senten-
 tia, quæ tenet hodieum posse ab Ordinario, ubi de patrata
 fornicatione plene constat, statim procedi ad privationem,
 omissis præviis monitionibus et suspensionis pœna; ita nempe
 ut necesse non sit reum esse incorrigibilem, sed sufficere quod
 turpe illud facinus patraverit.

II.

Plurimorum doctorum sententia fuit, non posse clericum ob simplicem fornicationem beneficio suo privari.

Glossa in canonem *Maximianus* (6, dist. 81), verbo *Removeantur*, sic habet : « Ergo presbyter propter simplicem fornicationem deponitur. » Et adductis nonnullis aliis textibus, sic concludit : « Communiter autem dicitur, quod pro simplici fornicatione quis deponi non debet. »

Glossa in caput *Lator* (44, causæ 2, q. 7), verbo *In corporali* : « Secus si de simplici fornicatione, pro qua hodie non deponitur..., nisi de rigore factum fuerit. »

Pro simplici fornicatione non esse deponendum clericum, sed dumtaxat suspendendum, docuerunt inter alios veteres cauonistas, Imola, Troilus Malvetus, Corsettus, Bermondus, Selva, Dueuus, Bossius, Clarus, Menochius; prout videre est apud Farinacium (*Praxis criminalis*, parte 4; *de Delictis carnis*, quæstione 137, n. 16). Imo prædicti auctores suam sententiam tanquam *communem* tradebant, prout testatur idem Farinacius, citato loco.

Id etiam tenent recentiores plurimi; inter quos sic Schmalzgrueber : « Quæritur, quæ pænæ statutæ sint clericis, qui cohabitant cum mulieribus suspectis, aut omnino concubinarij sunt? Respondeo : olim diversis coercerantur pænis; nec unus idemque in eis infligendis semper servatus est ordo. Hodie circa eosdem observanda sunt potissimum decreta pœnalia Tridentini... Pænæ istæ non cadunt in eum qui simplicem incontinentiam commisit. » (In titulum *de Cohabitatione clericorum et mulierum*, n. 7 et 9.) Atque ibidem, n. 11, loquendo de pænis a concilio Tridentino statutis : « Pænæ istæ non afficiunt eos qui simplicem incontinentiam commiserunt... Proceditque hoc considerato jure communi : nam ex praxi plurium Germaniæ nostræ curiarum

« episcopatum, etiam in clericos fornicarios tantum, etsi
« concubinari non siut, seu assiduitatem cum muliere soluta
« non habeant, iisdem tamen pœnis quæ in concubinarios per
« Tridcentinum statutæ sunt, animadvertitur. »

Infra videbimus a plurimis sustineri, beneficio privandum
non esse clericum, concubinatus seu iteratæ fornicationis
reum, nisi in nequitia perseveret post adhibitæ monitiones
et suspensionis pœnam. Hi omnes a fortiori negant posse pri-
vari beneficio clericum ob unicam fornicationem.

III.

*Plurimi etiam doctores tenent propter simplicem fornicationem posse pœnam
privationis infligi, quando est notaria vel scandalosa.*

Quoad antiquiores canonistas sat erit adduxisse Farinacium,
qui et ipse hanc sententiam sustinet, et alios sibi consentientes
citât in hunc modum (*Praxis criminalis*, part. 4, quæst. 137 de
Delictis carnis, n. 11 et 15): « Regulam constituo, quod for-
« nicatio etiam simplex, de jure canonico prohibita est... Am-
« plia..., ut clerici fornicatores, in sacris constituti, propter sim-
« plicem fornicationem depouendi sint, secundum Paulum de
« Leazzaar, quem ad id originaliter doctores allegant...; quem
« referendo secuti sunt Butrio (in caput *At si clerici*, n. 13)...
« Et pro hac opinione Butrii stringunt sex jura, deducta per
« Bero (in dictum caput *At si clerici*, n. 165); ubi præsertim
« advertit, quod Decius (qui contrarium tenet) omittit respon-
« dere textui in capite 1 distinctionis 81, et in capite *Pres-*
« *byter* 82 distinctionis: nec dissentire videtur Rebuffus...;
« Follerus (in *Practica criminali*, capite 33, n. 31), ubi facit
« generalem conclusionem, contra clericos publica laborantes
« incontinentia, quod deponantur. Et ante istos hanc eandem
« opinionem tenuit Hostiensis (in *Summa de Accus.*, n. 14),
« ubi inter capitalia crimina depositione digna ponit fornica-
« tionem. »

Ad hanc etiam sententiam pertinere censendi sunt auctores,

qui licet sustineant, propter simplicem fornicationem non esse a jure præscriptam privationem, volunt tamen esse in arbitrio judicis hanc pœnam, si voluerit, imponere. De quibus doctoribus sic meminit Farinacius, citato loco, u. 17 : « Et hæc
 « fuit opinio Abbatis (in dictum caput *At si clerici*, n. 35 et seq.
 « *de Judiciis*); ubi post multa concludit, quod, cum jura canonica
 « circa delictum fornicationis vario modo disponant, quan-
 « doque apponendo pœnam acerbam, quandoque mitem,
 « quandoque mitiorem, et quandoque mediam viam ample-
 « ctendo, ideo existimat id totum remitti arbitrio judicis, qui
 « consideratis circumstantiis et consuetudine patriæ, quan-
 « doque fornicatori clerico pœnam depositionis, quandoque
 « suspensionis, et quandoque privationis beneficiorum im-
 « nat. Ipsi enim judici videtur in hoc data optio a jure, eo
 « quia varias pœnas, variosque procedendi modos tradit. Ita
 « tamen quod semper in isto delicto judex inclinet in mitiorem
 « partem... Et hanc Abbatis opinionem dixit magis commu-
 « nem Berous (in dictum caput *At si clerici*, n. 165) : Mantua
 « (eo loci, n. 58), ubi declarat, quomodo in arbitrando hanc
 « pœnam judex consuetudinem loci attendere debeat : Auto-
 « nius Burgus (in repetit. n. 93), ubi opinionem Abbatis de-
 « fendit a contrariis argumentis... : Diaz (in *Practica criminali*,
 « c. 78), ubi, aliis relatis, testatur de magis communi opi-
 « nione : et ibi Ignatius Lopez..., post Lambertum, Navarrum,
 « Didacum, Perezium, et alios, in locis per cum relatis :
 « Menochius (*de Arbitr. quæst.*, libro 2, casu 318, n. 3 et 5). »

Prædictis auctoribus addendi sunt alii multi, qui concedunt posse fornicationem pœna privationis puniri, quando est *notoria, vel scandalosa, vel diu continuata*. Inter quos sic teuentes recenset Farinacius (citato loco, n. 21), Godefredum, Aretium, Corsettum et alios.

Inter recentiores canonistas thesim hanc, quod nempe possit simplex fornicatio privationis pœna plecti, ex professo sustinuit Reiffenstuel; quem, pro rei gravitate, per extensum citare, non pigebit. Eu ipsius verba :

« Pœnæ clerici fornicantis variæ sunt, inter quas pro arbitrio suo aliquam assumere, et etiam ad privationem beneficii propter uiam simplicem fornicationem procedere potest iudex ecclesiasticus, præsertim si delictum notorium et scandalosum est, prout amplius diximus et probavimus libro 3, titulo 2, a numero 48, ubi vide. Nec obstat concilium Tridentinum, sessioe 25 de Reformatione, capite 14; ubi bina vel trina monitio requiri videtur, antequam ad privationem beneficii deveniatur. Respondetur enim, præfatam repetitam monitionem præviam ibidem requiri antequam quis privetur beneficio, ex eo quod suspectam mulierem monitus dimittere nolit. Non item si de lapsu carnali seu fornicatione actualiter, præsertim vero notorie, jam reus invenitur: tum enim monitio prævia necessaria non est, quamvis pro arbitrio iudicis præmitti possit ante privationem beneficii: quia ubi non amplius sola suspicio est, sed jam constat de fornicatione, concilium Tridentinum ad sacros canones se remittere videtur. Qui cum inter diversas pœnas fornicationis, etiam privationem beneficii ponat, hanc quoque arbitrio suo eligere potest iudex: quia diversitas pœnarum a jure statutarum dat optionem Episcopo. Capite de Causis 4, de Officio delegati, juncta glossa, verbo *Certa*; Abbas, in caput *At si clerici*, de *Judiciis*, n. 35 et 36; Farinacius, de *Delictis carnis*, q. 137, n. 17; et alii. » (Reiffenstuel, in titulum 16, libri 5 decretalium, n. 58 et 59.)

Quæstionem magis explicite idem auctor alibi expendens, (in titulum 2, libri 3 decretalium, n. 48), sic habet: « Quali pœna puniendus sit clericus in sacris ordinibus constitutus, propter simplicem fornicationem, absque qualitate concubinatus? — Respondeo 1º: Quando hujusmodi clericus de actuali lapsu carnis, sive ante, sive post monitionem convictus fuerit, variæ contra eum reperiuntur pœnæ in jure statutæ: ita communis. Et patet inductione: nam presbyter aut diaconus in fornicatione deprehensus, jubetur deponi (canone 24 Apostolorum; et canone *Presbyter et dia-*

« conus, distinctionis 81; et canone *Si quis Episcopus*, eadem
 « distinctione 81) : aut a sacerdotali removeri officio (canone
 « *Sacerdotes*, distinctione 50; et canone *Maximianus*, distin-
 « ctione 81). E contra canone *Presbyter si*, distinctionis 82, ju-
 « betur presbyter de fornicatione convictus, sed in vitio non
 « perseverans, agere pœnitentiam decem annis, modo ibidem
 « præscripto. Alibi interdicatur ipsi ingressus ecclesiæ, usque
 « dum pœniteat et emendet (canone *Si qui sunt*, distinctio-
 « nis 81) : vel post præmissam monitionem non emendatus,
 « ab ecclesiasticis beneficiis suspenditur (capite *Sicut* 4, et
 « capite *Si autem* 6, de *Cohabitatione cleric. et mul.*) : aut pront
 « magis vel minus peccaverit, jubetur puniri secundum cano-
 « nicas sanctiones (capite *Clericorum* 13, de *Vita et honest.*
 « *cleric.*). Et quia clericus in sacris constitutus fornicando,
 « sicque violando votum continentię, committit sacrilegium,
 « etiam pœna carceris, aut exilio perpetuæ deportationis, pu-
 « niri potest (canone *Attendendum*, causæ 17, q. 4; juncto
 « Tridentino, sessione 25, c. 14, de *Ref.*, ubi nonnullæ aliæ
 « clericorum incontinentium pœnæ referuntur.

« Respondeo 2° : Pro unica simplici fornicatione puuitur
 « clericus, etiam in sacris ordinibus constitutus, arbitrio ju-
 « dicis juxta qualitatem personæ et circumstantiarum, infli-
 « gendo hanc vel illam pœnam (ibi plures textus juris et
 « auctores adducit Reiffenstuel)... Accedit ratio : quia, cum
 « jura, tam antiqua, quam nova, non unam eandemque, sed
 « variam clerico fornicanti assignent pœnam, modo acerbam,
 « modo mitem, ut dictum n. 48, hoc ipso videtur relinquere in
 « arbitrio judicis, ut pensatis circumstantiis, puta qualitate per-
 « sonæ, gravitate scandali, consuetudine patriæ, et hujusmodi,
 « imponat pœnam quandoque depositionis, quandoque suspen-
 « sionis, quandoque privationis beneficii : quandoque prius mo-
 « neat, dum nondum plene constat de delicto, gravis tamen sub-
 « est hujus suspicio : quandoque sine monitione privet seu pu-
 « niat, ex quo constat de delicto. Nam, ut inquit glossa (canone
 « *Fraternitatis*, distinctione 34, verbo *Professura*...), diversitas

« pœnarum a jure statutarum dat optionem Episcopo... Ac
« proinde cum in proposito diversæ pœnæ sint statutz, potest
« judex infligere quam magis viderit expedire...

« Respondeo 3^o : Etsi pro simplici fornicatione clericus re-
« gulariter deponendus non sit, nec beneficio ecclesiastico pri-
« vaudus, nihilominus concurrentibus certis circumstantiis, et
« si ita expedire judicaverit, poterit judex etiam pœnam de-
« positionis imponere... Prior pars patet ex proxime dictis
« numero præcedenti. Altera pars declaratur inductione. Sic
« imprimis propter fornicationem clerici notoriam et scandalo-
« sam posse imponi pœnam depositionis arbitrio judicis tradit
« Abbas (in caput *At si clerici*, n. 35 et 36, *de Judiciis*); Fariua-
« cius (q. 137, n. 21), allegans complures alios; quamvis non-
« nulli, apud eundem numero 22 allegati, contradicant, vo-
« lentes pro fornicatione, etiam notoria, non imponi pœnam
« depositionis, sed suspensionis.

« Deinde si clericus committat fornicationem qualificatam,
« verbi gratia, peccatum stupri, adulterii, sacrilegii, incestus,
« sodomiz, etc., extra controversiam est, ob jura clarissima,
« quod talis fornicatio, ob annexam illam qualitatem, possit
« puniri pœna depositionis, seu perpetuæ privationis benefi-
« ciorum...

« Objicies contra proxime dicta : concubinatus clericorum
« est longe gravius crimen quam simplex fornicatio : atqui
« propter concubiuatum non potest clericus illico puniri pœna
« privationis beneficii aut depositionis; sed debet præcedere
« monitio, suspensio, ac hujusmodi (juxta caput *Clericos* 3, et
« caput *Sicut* 4, *de Cohabitatione cleric. et mulierum*; et concilium
« Tridentinum sess. 25, c. 14) : ergo idem, et quidem a for-
« tiori videtur dicendum de simplici fornicatione.

« Respondeo...: Nego minorem, si constet de concubinato,
« seu repetita fornicatione. Nam concilium Tridentinum loco
« citato non revocat pœnas jure antiquo statutas : imo istas in-
« novat, addendo tamen ipsis alias. Quia igitur jure antiquo,
« propter fornicationem qualificatam riteque probatam, pote-

« rat clericus puniri pœna privationis beneficii ac depositionis,
 « absque alia prævia monitione, per jura proxime allegata,
 « idem dicendum etiam pro nunc de clerico concubinario,
 « quando notorie constat de actuali multiplicata fornicatione
 « ipsius. Nec obstat citatum caput *Clericos*, et caput *Sicut* (de
 « *Cohabitatione clerice. et mul.*); quia loquuntur in casu, quo
 « nondum notorie constat de concubinato clerici, sed solum
 « habetur gravis suspicio illius: tunc enim debet præmitti
 « triplex monitio antequam iudex procedere valeat ad infi-
 « gendas pœnas ibidem statutas. Atque in eodem sensu lo-
 « quitur, præviamque requirit monitionem concilium Tri-
 « dentinum, citata sessione 25, capite 14, uti patet ex illis
 « verbis ipsius: *Prohibet sancta synodus quibuscumque clericis*
 « *ne concubinas, aut alias mulieres, DE QUIBUS POSSIT HABERI*
 « *SUSPICIO, in domo vel extra detinere, aut cum illis ullam*
 « *consuetudinem habere audeant: alioquin pœnis, a sacris ca-*
 « *nonibus, vel statutis ecclesiarum impositis puniatur. Quod si*
 « *a superioribus moniti, ab iis non abstinuerint, tertia parte*
 « *fructuum... IPSO FACTO sint privati, etc.* Ubi ponderandum
 « est ly *de quibus possit haberi suspicio*: item, quod monitio
 « solum requiratur ad incurrendam *ipso facto* privationem
 « tertiæ partis...; non vero ad pœnas a sacris canonibus vel
 « statutis ecclesiarum antiquitus impositas.» (Reiffenstuel,
 in titul. 2, libri 3 decretalium, n. 48 et sequentibus.)

IV.

Plurimum fuit doctorum sententia, non posse beneficio privari concubinarium, quantumvis notorium, nisi in casu quo, post monitiones et suspensionem, sese emendare recuset, et in concubinato perseveret.

Garcias (*de Beneficiis*, parte 10, n. 181): « Dubitatur de
 « concubinariis, an sint privati, seu privandi beneficiis? Et
 « dicendum est, non esse privatos, nec privandos seu depo-
 « nendos; sed suspensionis pœna puniendos (Glossa... ,

« Imola..., Felinus..., Decius..., Beroius..., Corsettus...,
 « Selva..., Lambertus..., Julius Clarus..., Follerius..., Duen-
 « nas..., Gutierrez...), qui dicunt *communem*, et plures alios
 « referunt. Quamvis Farinacius (4 parte, quæstione 13, a
 « n. 37), cum aliis dicat clericum pro concubitu regulariter
 « deponi debere. Limitatur tamen prædicta resolutio, nisi
 « fuerint moniti, et ad secundam vel tertiam monitionem non
 « destiterint : nam tunc sunt privandi beneficiis (capite *Sicut*,
 « et capite *Si autem, de Cohabit. cleric. et mul.*). Et hodie debet
 « præcedere tertia monitio, ex sacro concilio Tridentino
 « (sess. 25, c. 14), ubi præfigitur ordo et modus procedendi
 « et puniendi concubiuarios. Unde (in una *Tullensi*, mona-
 « sterii sancti Mansueti, 27 januarii 1597, coram Pegna) fuit
 « per Rotam resolutum, quod clericus concubiuarius, etiam
 « publicus, non est ipso jure beneficiis privatus; nec venit
 « privandus, nisi quando post legitimas monitiones indurato
 « animo in concubiuatu persistit. »

Leurenus (*Forum beneficiale*, parte 3, q. 216, n. 3) : « Tam-
 « etsi clericus concubiuarius notorius puniri possit absque
 « aliqua monitione (capite *Tua nos, de Cohabit. cleric. et mul.*),
 « ad privationem tamen beneficiorum deveniri non potest,
 « nisi prævia monitione (juxta caput *Sicut* et caput *Si autem*,
 « *de Cohabit. cleric. et mul.*)... Ut cum tali publico concubina-
 « rio procedi possit ad privationem beneficiorum, hodiedum
 « debet præcedere tria monitio, ex decreto Tridentino, ses-
 « sionis 25, capituli 14. » Idem, quæstione sequenti sic habet :
 « Ad effectum privationis necessaria est plena et conclusiva
 « probatio concubinatus... Pro justificatione hujus objecti
 « non sufficit probare cohabitationem, sed debet probari ipse
 « concubitus. »

Supra dicta decisio Rotæ (in *Tullensi*, monasterii sancti
 Mansueti, die 27 januarii 1597) est tenoris hujusce modi :
 « Utraque parte informante, proposui dubium a Rota præscri-
 « ptum, an probaretur concubinatus A... cum quadam Catha-
 « rina la Rosne, ad effectum ut, vel ipso jure foret privatus

« A..., vel saltem veniret per sententiam privandus. Et Rota
 « primum censuit, clericum concubinarium, etiam publicum,
 « non esse ipso jure beneficiis privatum; quia nedum aliquo
 « expresso jure pontificio id non apparet sancitum, quin imo
 « aperte videtur constitutum contrarium in capite *Sicut*, et
 « in capite *Si autem* (*de Cohabit. cler. et mul.*), et concilio Tri-
 « dentino (sess. 25, c. 14); quibus cavetur clericos concubi-
 « narios prius esse monendos, inde suspendendos, et tandem
 « si non resipiscant a suis beneficiis perpetuo removendos....
 « Tametsi esset probata aliqua concubinatus umbra ante
 « monitiones Abbati ab Episcopo factas, nullo tamen proba-
 « tionis geure docebatur, Abbatem post legitimas monitiones
 « in concubinato permansisse; et tamen ad effectum privatio-
 « nis id tempus erat inspieiendum. Cum enim ob concubina-
 « tum non inducatur ipso jure beneficiorum privatio, ut
 « supra dictum fuit; nec sit inducenda, nisi quando post ul-
 « timas monitiones indurato animo clericus in concubinato
 « perseverat; de hac contumacia non constabat, et verisimile
 « erat Abbatem ab incontinentia post monitiones abstinuisse. »
 (Relatam in extenso reperies hanc Rotæ decisionem apud
 Farinacium, *Responsa criminalia*, libro 1, consilio 80, n. 51,
 folio 286 a tergo, edit. Venetiis 1606.)

V.

*Plurimi doctores tenuerunt pleeti posse concubinatum privationis pœna, non
 præmissis monitionibus et suspensione; modo constet, non tantum de sus-
 pecta frequentatione, sed et de patratæ fornicationis actibus.*

Ex antiquioribus nempe doctoribus quamplurimos supra
 (n. 3) adduximus, qui sustinent, esse in arbitrio judicis pœ-
 nam privationis infligere, etiam ob simplicem fornicationem.
 Porro hi omnes a fortiori idem tenent quoad concubinatum
 de quo agimus, cum is nihil aliud sit quam fornicatio iterata.

Ex recentioribus autem canonistis, vidimus (eodem n. 3)
 quomodo Reiffenstuel eandem thesim sustineat, et quomodo

probet ei contrarium non esse caput 14 sessionis 25 Tridentini concilii.

Dicimus autem *modo constet non tantum de suspecta frequentatione, sed de fornicationis actibus*. In casu enim, de concubinato dumtaxat præsumpto, seu quando constat solummodo de frequenti conversatione cum suspecta muliere, tenent hujus sententiæ patroni, non posse statim ad privationem procedere, sed servandam esse gradationem a Tridentina synodo præscriptam (sess. 25, c. 14).

VI.

Quenam e duplici exposita doctorum sententia, potius amplectenda videatur.

1° Ex adductis sub quinque præcedentibus numeris, non videtur negari posse, duplicem revera existere sententiam, quoad privationis pœnam ob simplicem fornicationem, et ob concubinatum infligendam. Et utriusque sententiæ discrimen ultimatum versatur circa *incurribilitatem*. Prior nempe sententia negat posse infligi privationis pœnam, nisi prius adhibeantur monitiones, subtractio fructuum et suspensio, et his adhibitis concubiniarius in nequitia perseveret, sen remaneat *incurribilis*. Altera vero sententia tenet, non necessario expectandum esse ut constet *de incurribilitate*; sed satis esse ut constet de patrata vel patratis fornicationibus; et quando id constat, non esse necessario præmittendam monitionem, et suspensionem; sed statim ad privationem procedere posse: gradationem autem a Tridentina synodo (sess. 25, c. 14) descriptam, respicere dumtaxat casum *suspectæ frequentationis*; ita ut non sit, nisi in isto casu, necessario servanda.

2° Jam vero quænam ex istis duabus sententiis videatur meliori fundamento niti, lectori expendendum relinquimus. Quem in finem sub sequenti numero ipsi exhibemus tum præcipuos juris textus, tum nonnulla alia documenta, quæ ad rem introspectendam conferre possunt.

VII.

Subiiciuntur juris textus et alia documenta, ad illustrandam quæstionem idonea.

qpe

I. *Triplex distinguenda concubinatus species.* — Solent auctores concubinatum distinguere in *occultum*, *notorium*, et *pene occultum*. Quæ distinctio ab ipso jure desumitur, videlicet ex capite *Vestra* (7, de *Cohabitatione clericorum et mulierum*).

De concubinato *occulto*, seu qui ignoratur, nulla movetur controversia. Nequit scilicet privationis pœna per sententiam judicis plecti, cum judex de occultis judicalem sententiam ferre nequeat: aliunde nec inducit privationem ipso facto, eum id nullibi in jure tantum sit: unde solent doctores adnotare, occultum concubinatum relinqui judicio Dei puniendum.

Concubinatus, sicut et quodlibet aliud crimen, dupliciter *notorius* esse potest: notorietate juris, et notorietate facti. Notorius est notorietate juris, quando reus in judicio convictus fuit, vel confessus. Notorius est notorietate facti, quando ita publicus est et populo notus, ut nulla possit tergiversatione celari.

Concubinatus *pene occultus* dicitur, quando non plene constat de fornicationis actibus, sed ex validis indiciis ii actus merito præsumuntur. Id autem locum habet, quando clericus cum muliere suspecta cohabitavit aut frequenter conversatur. Et hic casus fere solus est practicus, siquidem rarissime contingit, ut plene probari possint fornicationis actus. Compreheudi autem hunc casum concubinatus *pene occultus*, seu suspectæ frequentationis, sub decreto Tridentino (sess. 25, c. 14), dubium non est, ut mox ex ipso textu patebit.

II. *Subiiciuntur duæ decretales Alexandri III, quæ potissimum pandere videntur jus commune, ante Tridentinam synodum vigens.* — Prior est tenoris hujusmodi. « Mandamus qua-

« tenus clericos vestræ jurisdictionis, qui in subdiaconatu et
 « supra fornicarias habuerint, studiose monere curetis ut a
 « se illas removeant, eas ulterius miuime admissuri. Si vero
 « acquiescere contempserint, eos ab ecclesiasticis beneficiis
 « usque ad satisfactionem congruam suspendatis. Et si eas
 « suspensi præsumpserint detinere, ipsos ab eisdem beneficiis
 « perpetuo remove curetis. » (Caput *Sicut* 4, tituli 2, libri 3
 decretalium.)

Posterior decretalis sic habet : « Si autem clerici tuæ ju-
 « risdictionis (sive in sacris ordinibus, sive in inferioribus con-
 « stituti) fornicarias detinent, nisi eas ad secundam vel ter-
 « tiam communionem a se dimiserint, easdem de cætero
 « contempturi, liceat tibi eos ecclesiis, vel earum portionibus,
 « appellatione postposita, spoliare, officio ipsis nihilominus
 « interdicto. » (Caput 6, tituli 2, libri 3 decretalium.)

III. *Decretum Tridentini concilii* (sess. 25, c. 14). — « Pro-
 « hibet sancta synodus quibuscumque clericis, ne concubi-
 « nas aut alias mulieres, de quibus possit haberi suspicio, in
 « domo vel extra detinere, aut cum iis ullam consuetudinem
 « habere audeant : alioquin pœnis, a sacris canonibus, vel sta-
 « tutis ecclesiarum impositis, puniantur. Quod si a superiori-
 « bus moniti, ab iis se non abstinerint, tertia parte fructuum,
 « obventionum ac proventuum beneficiorum suorum quorum-
 « cumque, et pensionum, ipso facto sint privati ; quæ fabri-
 « cæ ecclesiæ, aut alteri pio loco arbitrio Episcopi applicetur.
 « Sin vero in delicto eodem cum eadem, vel alia fœmia per-
 « severantes, secunduæ monitioni adhuc non paruerint, non
 « tantum fructus omnes ac proventus suorum beneficiorum
 « et pensiones eo ipso amittant, qui prædictis locis applicentur,
 « sed etiam a beneficiorum ipsorum administratione (quoad
 « Ordinarius, etiam nti Sedis Apostolicæ delegatus, arbitra-
 « bitur) suspendantur. Et si ita suspensi nihilominus eas non
 « expellant, aut cum iis etiam versentur, tunc beneficiis,
 « portionibus ac officiis et pensionibus quibuscumque eccle-
 « siasticis perpetuo priventur. »

Eadem synodus (sess. 21, c. 6) decernit in hunc modum :
 « Eos vero qui turpiter et scandalose vivunt, postquam præ-
 « moniti fuerint, coerceant ac castigent ; et si adhuc in-
 « corrigibiles in sua nequitia perseverent, eos beneficiis,
 « juxta sacrum canonum constitutiones, exemptione et ap-
 « pellatione quacumque remota, privandi facultatem ha-
 « beant. »

IV. *Variae declarationes Sacræ Congregationis Concilii.* —
 « Hoc decretum de concubinato et aliis impudicitiae sordibus
 « clericorum, non procedit in simplici incontinentia absque
 « qualitate concubinatus. » (Ita declaratum dicit Gallemart,
 ad caput 14, sess. 25.)

« Patroni possunt (si ad eos spectat præsentatio alicujus
 « beneficii per concubinarium detenti), vel alii laici paro-
 « chiani pro suo interesse, in quo ab his percipiunt sacra-
 « menta, accusare eos. »

« Quinimo potest Ordinarius procedere contra ipsos de
 « jure, non expectata forma hujus textus, et vi hujus lit-
 « teræ ; est enim intolerabile peccatum. » (Ita declaratum
 dicit Gallemart, ad caput 14, sess. 25.)

« Pœna de qua in versu, *quod si a superioribus moniti*, etc.,
 « non habet locum in clericis, si primo deliquerint, etiamsi
 « edicta generalia Ordinarii præcesserint ; sed incurritur ubi
 « clericus secundo deliquit. Pro primo puniri debet aliis pœ-
 « nis a sacris canonibus vel statutis ecclesiarum impositis : et
 « demum si monitus fuerit, et quidem speciali admonitione,
 « et secundo delinquat, privatur tertia parte fructuum... »
 (Ita declaratum dicit Gallemart, in c. 14, sess. 25.)

Seriem quamdam declarationum Sacræ Congregationis
 Concilii, retulit Garcias ; et post ipsum eandem citare solent
 canonistæ. Cujus præcipua capita sic meminit Reiffenstuel
 (in tit. *de Cohabit. clericorum et mulierum* 2, libri 3 decreta-
 lium, n. 33) : « Circa quod decretum concilii refert Nicolaus
 « Garcias (parte 11 *de Beneficiis*, cap. 10, n. 185) plura per
 « Sacram Congregationem fuisse declarata, quorum quatuor-

« decim puncta enumerat. Et 1° quidem censuit Sacra Cou-
 « gregatio quod istud decretum de concubiuatu et impudi-
 « citiæ sordibus clericorum, non procedat in simplici inconti-
 « nentia *absque qualitate concubinatus*. 2° Quod habeat locum,
 « etiamsi clericus modo cum una, modo cum alia deprehen-
 « datur. 3° Quod illud, *si a superioribus moniti...*, intelligatur
 « de monitione specialiter, non autem generaliter (puta per edi-
 « ctum) facta. 4° Quod monitiones, ex eodem decreto fa-
 « ciendæ, non tantum in visitatione, sed aliis quoque tempo-
 « ribus fieri possint. 5° Quod tempus quod inter unam et
 « aliam monitionem intercedere debet, arbitrio Episcopi re-
 « linquatur. 6° Quod pœna, de qua in versu, *quod si a supe-*
 « *rioribus moniti...*, non habeat locum in clericis qui primo
 « deliquerint, etiamsi edicta generalia Ordinarii præcesserint;
 « sed iucurratur, ubi clericus secundo deliquit : in primo
 « enim puniri debet aliis pœnis a sacris canonibus, vel statu-
 « tis ecclesiarum impositis : et demum, si monitus fuerit, et
 « quidem speciali monitione, et secundo delinquat, privatus
 « est tertia parte fructuum, non tamen distributionibus quo-
 « tidianis, quas ratione canonicatus vel præbendæ, divinis in-
 « teressendo, percipit, præter fructus præbendæ distinctæ.
 « 7° Quod eadem pœna censeatur repetita in versu, *sin vero*
 « *in delicto eodem...*, si secundæ monitioni non paruerit, qui
 « suspendendus est ab administratione beneficiorum : et cum
 « non possit interesse choro, amittit etiam distributiones
 « quotidianas. 8° Quod Episcopus possit procedere per de-
 « nuntiationem, inquisitionem ex officio, vel quo alio sibi
 « videbitur modo. Tacentur cætera sex puncta dictæ decisio-
 « nis Sacræ Congregationis, apud Garciam (ubi supra) vi-
 « denda. »

VIII.

In hypothesi quod de jure communi non posset privationis pœna plecti simplex fornicatio, nec etiam concubinatus nisi præmissis monitionibus et suspensione, id saltem fieri posset de jure particulari, seu ex statutis particularibus ecclesiarum, et vigente apud ipsas consuetudine.

Nam 1^o Tridentina synodus (sess. 25, c. 14) expresse mandavit concubenarios puniri pœnis *a sacris canonibus vel statutis ecclesiarum impositis*. Quibus verbis statuta ecclesiarum, quibus contra fornicatores et concubenarios privationis pœna imponeretur, sarta tecta voluisse manifestum facit.

2^o Accedit quoad hoc doctorum consensio. Nam illi ipsi qui negant impoui posse de jure communi privationis pœnam ob fornicationem simplicem, aut propter concubinarium (nisi reperiunt incorrigibilem post adhibitam monitionem, et suspensionem), concedunt tamen id fieri posse de jure particulari. Sic imprimis Schmalzgrueber (in titulum *de Cohabitatione cler. et mul.*, n. 11), postquam adnotavit in hunc modum : « Pœnæ
« istæ non afficiunt eos qui simplicem incontinentiam commiserunt : et ratio est, quia concilium loquitur de eo clerico,
« qui consuetudinem habet cum muliere lasciva; haec autem
« non ceusetur habere, qui semel tantum deliquit cum aliqua;
« sed requiritur ut saltem bis id fecerit, » statim subjungit :
« Proceditque hoc considerato jure communi; nam ex praxi
« plurium Germaniæ nostræ curiarum episcopaliū, etiam in
« clericos fornicarios tantum, etsi concubinarij non sint, seu
« assiduitatem cum muliere soluta non habeant, iisdem tamen
« pœnis, quæ in concubenarios per Tridentinum statutæ sunt,
« animadvertitur : idque rectissime, ut quo gravius puniatur
« hoc scelus, eo magis refrænentur perversa vivendi licentia. »
Si iisdem pœnis, ergo et privatione beneficii, licet unica inter-
venerit fornicatio.

Imò Leurenus existimat validum fore statutum alienjus diœcesis, quo privationis pœna decerneretur *ipso jure* a con-

cubinariis incurrenda. En hujus auctoris verba : « Concubi-
 « natus, quantumcumque scandalosus et notorius, non indu-
 « cit pœnam privationis ipso jure (intellige, præscindendo a
 « statuto aliquo vel jure singulari; nam dum jure aliquo sin-
 « gulari sic statutum est, ut rector ecclesiæ propter concu-
 « binatum ipso jure destitutus sit beneficio, videntur talia
 « statuta seu jura singularia præservata esse per Tridentinum
 « decretum sessione 25, c. 14...); sed ea est imponibilis et
 « imponenda per judicem. » (Leurenius, *Forum beneficiale*,
 parte 3, q. 216, n. 2.)

IX.

*De difficultatibus præsentium temporum, quoad Tridentinam de clericis
 concubinariis dispositionem.*

1° Si valeat interpretatio Anacleti Rciffenstuel et aliorum,
 quam supra exposuimus, in observanda illa Tridentinorum
 Patrum dispositione nulla occurret difficultas. Etenim juxta
 illam sententiam, non prærequiruntur monitiones, suspensio
 et incorrigibilitas, nisi quando agitur de concubinato *pene oc-
 culto*, id est, de frequenti cum suspecta fœmina conversa-
 tione : si autem notorie constet de patrata fornicatione, potest
 Ordinarius ad privationem procedere, indicatam a Tridentino
 gradationem omittendo, et nequaquam expectando fornicarii
 incorrigibilitatem. Sed interpretatio illa Tridentini decreti
 aliorumque juris textuum (quod nempe illi textus expectan-
 dam incorrigibilitatem non præscribant, nisi in casu suspectæ
 frequentationis), non videtur ita rigore probata, ut senten-
 tiam oppositam a sua probabilitate dejiciat.

2° Si vero contrariæ sententiæ tanquam juri communi stan-
 dum esset, gravissima hodiernis temporibus oboriretur diffi-
 cultas. Casum ponamus, verbi gratia, alicujus parochi, de pa-
 tratis pluribus fornicationibus (quod Deus avertat) juridice
 convicti. Ex Tridentina dispositione, juxta dictam interpreta-

tionem intellecta, non poterit Episcopus illum ideo parochia privare; sed ut ad privationem deveniatur, necesse erit ut jam monitus, et aliis pœnis correptus, adhuc in dictum nefandum scelus prolabatur. Quod si resipiscat, vel probari nequeant novæ postmodum patratae fornicationes, parochia non privabitur, sed in ea relinquendus erit. Jam vero, attentis præsertim hodiernis moribus, talem parochum (etiamsi resipuerit) commisso sibi populo, non ædificationi, sed immense ruinae futurum, nullus, puto, negabit. Ad Galliam quod attinet, asseri posse videtur tantum fore scandalum, ut fideles nequaquam hancce Episcopi agendi rationem legitimam sibi persuadere possent.

3º Inde tamen non sequitur vituperanda esse decreta hæc Tridentina, etiamsi juxta dictam interpretationem intelligenda forent: absit. Nam ea esse potuit iniquitas temporum, et circumstantiarum difficultas, quando Alexander tertius et Tridentini patres præfatum sanxere procedendi modum, ut satius fuerit non nihil ex antiquiori disciplina remittere, et mitiori remedio pesti huic obviam ire; præsertim cum simul, ut diximus, sarta tecta voluerint particularia ecclesiarum hac in re statuta; et sic penes Ordinarios remanserit graviores pro locorum opportunitate pœnas decernendi facultas.

4º Quidquid autem sit de duplici exposita sententia circa quæstionem, an de jure communi possit propter fornicationes infligi privationis pœna, non expectata incorrigibilitate, pro certo habendum est id *de jure saltem particulari* fieri posse. Et quam legitima et laudabilia æstimanda sint statuta particularia diœceseon vel provinciarum, quibus ita sancitur, satis ex supra deductis liquet.

X.

Episcopus contra clericos concubinaros procedens juxta normam Tridentinae dispositionis, judicii summarii formam adhibere potest.

Constat capite 14 sessionis 25 Tridentini concilii, in quo sic

disponitur : « Supra dictorumque omnium cognitio, non ad archidiaconos, nec decanos, aut alios inferiores, sed ad Episcopos ipsos pertineat : qui *sine strepitu et figura judicii, et sola facti veritate inspecta*, procedere possint. » Procedere *sine strepitu et figura judicii* idem prorsus est ac per *summarii judicii* formam procedere, ut notum est. Quænam autem sit illa forma, judicio summario propria, vide in meo tractatu *de Judiciis*, ubi illam ex professo exposui.

CAPUT III.

NORMA BENEFICIATOS REMOVENDI PER SUSPENSIONEM.

Prænotandum. — Beneficiatus per suspensionem a beneficio suo stricte loquendo non removetur, sed dumtaxat per privationem; nisi tamen suspensio foret perpetua; quia tunc privationi æquivaleret, ut notant passim doctores. Aliquo tamen sensu dici potest illum per suspensionem removeri; cum toto suspensionis tempore, officium et administrationem a quibus suspenditur explere nequeat. Atque ideo inter varios modos beneficiatum removendi, illum etiam, qui in suspendendo illo consistit, breviter memorare debuimus.

QUÆSTIO 1^a. — *Quibus in casibus de jure communi incurratur suspensio?* — Remissive ad tractatum de *Pœnis et censuris*. Etenim ejusmodi casuum enumeratio proprie ad præsentem tractationem non pertinet. Ex istis tamen casibus unum expendemus, qui ad expensam superiori capite de concubinariis materiam refertur.

QUÆSTIO 2^a. — *An concubinarii notorii sint ipso jure suspensi?* — Adduci solet sequens declaratio : « Si clerici concubinarii notorii sunt, etiam hodie *ipso jure* a divinis suspensi (prout « in vetere jure) sunt. » (Ita declaratum dicit Gallemart, ad caput 14, sess. 25 Tridentini concilii.) Eam etiam refert Reif-

fenstuel (in tit. 2, libri 3 decretalium, n. 40); sed de ejus authenticitate dubitat (ibid., n. 42). Doctrinæ autem a laudato Reiffenstuel circa propositam quæstionem traditæ summa hæc est (institut. 2, l. 3 decr., n. 35):

1° *Jure antiquo*, concubinarius notorius revera suspensus erat, non tantum *quoad se* (seu suspensione improprie dicta, quæ non inducit irregularitatem in clerico, si celebret), sed etiam *quoad alios*, ita ut peccarent audientes missam aliaque officia ejusmodi clerici, et ipse irregularitatem celebrando iuraret.

2° Post constitutionem Martini V *Ad evitanda*, in concilio Constantiensi editam, non tenentur fideles ab audienda missa concubinari, etiam notorii, nisi nominatim et publice fuerit denunciatus. Qua dispositione præcavere voluit dictus Pontifex conscientiarum timoratarum anxietates et pericula.

3° An tamen concubinarius notorius hodie sit ipso jure suspensus, suspensione proprie dicta, ita ut nempe celebrando incurrat irregularitatem, disputatur. Pro sententia negativa stat inter alios Fagnanus (in caput *Quæsitum, de Cohabitatione clericorum et mulierum*, n. 22). Ad objectam autem declarationem Sacræ Congregationis Concilii, supra citatam, quæ contraria videtur, sic respondet Reiffenstuel (citato loco, n. 42): « Ad declarationem Sacræ Congregationis non oportet respondere, donec de ejus veritate constet, atque afferatur in forma authentica. Eo præsertim, quia, ut hic allegatur, probaret etiam, quod clerici notorie concubinari de facto essent suspensi in divinis quoad alios, prout fuerunt in veteri jure: quod tamen est contra bullam Martini V *Ad evitanda*, et doctores communiter. »

QUÆSTIO 3ª. — *Quamnam ob causam possit Episcopus clericum suspendere?* — Certum est id eum posse ob culpam quamlibet mortalem. Ob venialem autem non posset nisi *levem* suspensionem infligere, puta a celebranda missa uno aut altero die.

De quo vide Layman (*Theologia moralis*, tomo 1, libro 1, tractatu 5, parte 3, cap. 3).

QUÆSTIO 4ª. — *An possit Episcopus clericos suspendere extra-judicialiter seu ex informata conscientia.* — Diximus supra, de pœna privationis agendo, eam ab Episcopo nunquam ex informata conscientia seu-extra-judicialiter infligi posse. At de suspensione contrarium omnino tenendum. Quam Episcoporum potestatem ex professo probatam vide in meo tractatu *de Judiciis ecclesiasticis*.

Nota. — Subsectionem primam, *de norma benefiatiatos removendi*, hic claudimus; ut ad alteram subsectionem, de modo canonico curatos removendi, gressum faciamus.

SUBSECTIO II.

Norma removendi curatos.

Agemus 1º de parochis sæcularibus beneficium parochiale perpetuum obtinentibus; 2º de vicariis curatis perpetuis; 3º de parochis sæcularibus, ad nutum Episcopi amovibilibus; 4º de vicariis curatis, ad nutum collegii amovibilibus; 5º de parochis regularibus, remissive.

CAPUT I.

NORMA REMOVENDI PAROCHOS SÆCULARES, QUORUM PAROCHIALE BENEFICIUM PERPETUUM EST.

Diximus supra (parte 1, sectione 3, capite 3) dari posse parochos, non tantum perpetuos, seu beneficium perpetuum obtinentes, sed etiam ad nutum amovibiles, seu quorum be-

neficiū sit manuale. Sub præsentī capite, quoad priores dumtaxat, indicandum venit, quomodo canonice a parochiis suis amoveri possint. Quod quidem, post deducta sub præcedenti subsectione, brevissime expediri potest.

1° Nempe quoad remotionem *ob omissam residentiam*, multum disparis conditionis sunt parochi et cæteri beneficiati. Procedendi modum contra parochos non residentes adhibendum describimus infra (parte 5, capite 2, § 8); atque ibidem reperies quomodo differat a procedendi modo contra non residentes canonicos.

2° In reliquis vero ejusdem conditionis sunt parochi, ac cæteri beneficiati. Unde quæ in præcedenti subsectione diximus de beneficiatis in genere, quoad remotionis normam, sunt et parochis in beneficio perpetuis applicanda.

CAPUT II.

NORMA REMOVENDI VICARIOS-CURATOS PERPETUOS.

I. Quando animarum cura annexa est alicui clericorum collegio (verbi gratia, cathedrali capitulo), ex Tridentino decreto (sess. 7, c. 7) debet exerceri, non a singulis simul canonicis, aut per turnum (ut aiunt), sed ab uno dumtaxat et determinato vicario: cujus quidem vicarii nominatio ad capitulum pertinet; sed debet ab Episcopo approbari. Ad ejusmodi vicarium curatum exclusive pertinet *actualis* cura; ita ut in ejus exercitio sese immiscere nequeat capitulum, sed *habitualement* dumtaxat curam retineat.

II. Potest Episcopus decernere ut ejusmodi vicarius-curatus sit in officio *perpetuus*. Ut tamen id decernat non injungit Tridentina synodus; sed tantum Episcopo facultatem facit ita statuendi. Cum ergo perpetuitatem illam non decernit Episcopus, ad nuntum capituli amovibilis remanet vicarius *curatus*.

III. In plerisque Galliarum cathedralibus animarum cura

fuit capitulo annexa, et vicarius curatus constitutus est perpetuus; ita ut nullibi reperiatur cathedralis curatus, ad nutum capituli amovibilis.

IV. Vicarius-curatus perpetuus censetur obtinere beneficium stricte dictum, seu perpetuum; ita ut etiam possit quis ad titulum vicariæ perpetuæ ordinari.

Quibus prænotatis, facile solvi potest quæstio, de qua agimus, quam scilicet norma vicarii-curati perpetui removeri possint.

V. Dicendum nempe, in eis removendis eodem modo esse procedendum, ac si forent proprie dicti parochi, in suo parochiali beneficio perpetui. Sequitur ex eo quod vicaria perpetua sit verum et perpetuum beneficium. Hinc « si aliqua « causa rationabilis existat, propter quam vicarius (*de Vicario « curato perpetuo ibi agit auctor*) debet privari, poterit illum « Episcopus privare vicaria, sicut quemlibet beneficiatum suo « beneficio. Habet enim talis vicarius vicariam in titulum, et « jus in beneficio. » (Leurenus, *Forum beneficiale*, parte 1, q. 122.) Et cum ejusmodi vicarii perpetui sint, non tantum veri beneficiati, sed insuper veri (quoad rem) parochi, si ob omissam residentiam removendi sint, ipsis applicandus venit procedendi modus, qui specialis est parochis, quando ob ejusmodi delictum sunt beneficio privandi.

CAPUT III.

NORMA REMOVENDI PAROCHOS SÆCULARES AD NUTUM EPISCOPI AMOVIBILES.

Quæstionem attingimus, quæ solet hodie in Gallia aliisque nonnullis regionibus frequenter moveri : an scilicet parochi illi, qui dicuntur *desservans*, santque ad nutum Episcopi amovibiles, possint *sine causa* revocari. Cumque in dictis regionibus tot numerentur ejusmodi amovibiles parochi, nemo non

videt quam practica sit suscepta disceptatio, atque adeo quam diligenter devitanda sit hac in re quælibet a recta, et a probatis auctoribus communiter recepta doctrina, aberratio.

§ I.

Nonnullæ præmittuntur notiones de beneficiis manualibus, a quibus nempe beneficiati possunt ad nutum removeri.

1º Posse dari beneficia *manualia*, quæ scilicet non conferantur in perpetuum, sed ad nutum, est unanimes et certa doctorum sententia; quamvis aliquatenus disputetur num in *stricto sensu* beneficia sint et vocari queant. Notionem autem de hujusmodi manualibus beneficiis tradit Gonzalez hoc modo :

« Beneficium manuale est illud quod non confertur alicui in perpetuum, sed ad nutum conferentis vel alterius, ita ut pro libito illius amoveri possit quodcumque et quomodo-cumque voluerit. » (Gonzalez, in regulam 8 cancellariæ, glossa 5, § 6, n. 2.)

« Talique modo possunt ad libitum amoveri, quod non valet pactum factum ab Abbate de contrario; et eo (pacto) non obstante, quamvis intervenisset juramentum, posset amoveri. » (Ibid., n. 3.)

« Et omnia beneficia regularia præsumuntur de sua natura *mannalia*. » (Ibid., n. 6.)

« Secus tamen est in beneficiis sæcularibus: nam perpetua, et non manualia, præsumuntur. » (Ibid., n. 7.)

« Interdum tamen regularia sunt perpetua, et sæcularia sunt manualia; quia, vel foundatione, vel statuto ab Apostolica Sede confirmato, ita sancitum sit. » (Ibid., n. 8.) Vide etiam, quoad notionem de beneficiis manualibus, Analectum Reiffenstuel (in tit. 5, libri 3 decret., n. 43).

2º Posse dari parochos ad nutum amovibiles, seu quorum parochiale beneficium manuale sit, probavimus (parte 1, se-

ctione 3 et 4). Atque ibidem (capite 7) ostendimus hujusce conditionis esse hodiernos Galliæ parochos, qui *desserviteurs* nuncupantur.

3° Beneficia manualia obtinentes non revocari per mortem concedentis, est omnino certum, et a doctoribus unanimiter traditum. (Vide Leurenium, *Forum beneficiale*, parte 1, q. 82.)

4° Traditam autem notionem de hujusmodi manualibus beneficiis, juvat confirmare præstantissimi Cardinalis de Luca verbis et auctoritate : « Generalis distinctio est (inquit) inter « sæcularia et regularia. Prima enim species sæcularium habet pro se præsumptionem perpetuitatis in exclusionem « manualitatis : et e contra secunda species regularium habet « præsumptionem manualitatis, propter votum obedientiæ « quod regulares profitentur erga superiorem. Utraque autem regula, utpote juris præsumptioni innixa, cessat ex diversa particulari qualitate inducente limitationem : quoniam « sicuti in beneficiis regularibus non implicat ea esse perpetua, præsertim vero ubi sunt curata..., ita non implicat beneficia sæcularia esse manualia et ad nutum amovibilia. » (*De Beneficiis*, discursu 97, n. 3 et seq.)

§ II.

Adducitur summam aliquot præcipuorum doctorum sententia quoad questionem, an beneficia manualia obtinentes possint iis privari sine causa, et an recursum ad superiorem habeant.

I. DOCTRINA SUARESI. — Quæstionem expendit dumtaxat quoad regulares, beneficia ejusmodi manualia obtinentes. Quærit nempe an eorum superior regularis possit eos revocare sine causa; et sic habet : « Si autem prælatus revocet hujusmodi subditum sine causa, quidam dicunt illicite agere, « et posse subditum coram majore superiore conqueri. Ita « significat Innocentius (in caput *Insinuantes*, qui clerici vel vocantes, n. 2) : Si superior (inquit) vellet ex malitia removere

« illum a loco, posset supplicare superiorem, et superior eum audire
 « deberet, ad similitudinem servi. » Concludit Suaresius revocationem non esse a superiore cassandam, nisi facta fuisset ex malitia, aut scandalum vel infamiam generaret (*de Religione*, tomo 4, libro 3, cap. 19, n. 21).

II. DOCTRINA GARCÆ. — « In beneficiis manualibus et ad
 « nutum amovibilibus, potest fieri revocatio sine causa, malitia cessante...; licet contrarium dicat Azor. » (Garcias, *de Beneficiis*, parte 1, c. 2, n. 88.)

III. DOCTRINA LOTTERI. — Distinguit ille sæcularia inter et regularia beneficia manualia. Prænotat in sæcularibus manualitatem substantiæ ipsius beneficii inhærere : « At in regularibus (ait) qualitas hæc manualitatis non constituitur in substantia beneficii... Vis manualitatis stat in ipsa obedientia, non autem in natura beneficii, quod perpetuum est, nec tale desinit esse per remotionem obediæntiarum. » (*De Re beneficiaria*, l. 1, q. 33, n. 5 et seq.) Quo præmisso discrimine, tenet quoad beneficia manualia sæcularia, posse revocationem fieri sine causa, si revera in fundatione clare expressum sit beneficium fore manuale, seu beneficiatum fore ad nutum revocabilem : c contra de regularibus tradit non posse fieri revocationem sine causa rationabili; et dari recursum revocato sine causa; et tunc superiorem revocatum teneri ad exprimeudam, apud superiorem majorem, revocationis causam; et revocationem factam siue causa habendam esse tanquam factam ex malitia. En ipsa auctoris verba, quæ sæculare beneficium manuale respiciunt : « Quamvis respectu articuli
 « liberæ remotionis, id est, sine causa et ex abrupto, circa
 « sæcularia sit attendendus omnino tenor fundationis..., adeo
 « quod, si ille sit clarus, ut possit quis ad libitum et nutum
 « revocari..., id consequatur, nec nisi ad tale revocationis
 « tempus eum possidere, neque propterea posse intentare
 « mauutentionem...; ita ubi verba aliquo modo sunt dubia,
 « semper erunt ita interpretanda, ut debeant referri ad arbitrium regulatum; indeque (æque ac in regularibus) dum

« discernitur causa remotionis, dandum esse mandatum de
« manutenendo proviso tanquam de manuali seculari, re-
« spondit Rota... » (Lotterus, *de Re beneficiaria*, libri 1,
q. 33, n. 29.)

IV. DOCTRINA HIERONYMI GONZALEZ. — 1° Sibi objicit eorum opinionem, qui tenent non posse a superiore regulari subditum revocari sine causa, et revocato sine causa dari recursum ad majorem superiorem. Item sibi objicit supra citata verba Innocentii IV. Item sibi objicit casum quemdam, cujus ipse testis fuerat; cujusdam nempe presbyteri *ad nutum* deputati ab Ordinario, et postea sine causa revocati: is recursum habuit ad Metropolitanum, sibi adherentibus parochianis; et Metropolitanus decretum revocationis annullavit. 2° His nonobstantibus, ipse existimat in hujusmodi manualibus beneficiis posse fieri revocationem *sine causa*. En ipsius verba: « Cæterum quidquid sit in aliis materiis, in casu tamen beneficii manualis, de quo hic agitur, de cujus natura est, quod
« possit ad libitum quaudocumque et quomodocumque amoveri (clementina 1, § *Præmissa*; et ibi Cardinalis, numero 4, Ancharanus, et Imola, et omnes; *de Supplenda neglig. Prælat.*); difficile mihi videtur quod in praxi servari possit, ut
« sine causa removeri non valeat. Et propterea dicit Joannes
« Andreas (in caput *Cum singula* 32, n. 1, sub glossa *ad idem*,
« *de Præbendis*, libro 6), quod apud Italos communiter hoc non
« recipitur; et ibi (1) etiam tradunt omnes; præsertim Gem-
« nianus..., Decius..., Milius..., Abbas (sub numero 26). Licet
« Franchus (sub n. 5, in dicto capite *Cum singula*) indistincte
« non admittat opinionem Joannis Andreæ, sed distinctione
« quadam utatur: et tandem concludit quod, licet talis pro-
« motus non audiat pro interesse suæ personæ, tamen pro
« interesse loci, a quo moveretur (ut quia ex tali revocatione
« læderetur prædictus locus), semper sit audiendus. Dicit
« etiam Rota (in decisione 1, sub numero 1, *de Restitutione*

(1) *Ibi*, id est, in explanando dicto capite *Cum singula*, *de Præbendis*, in 6.

« *spoliatorum*, in antiquis, versiculo *nec servamus*) quod uon
 « servat opinionem D. Innocentii (1)... Cum igitur removens
 « utatur jure suo, remotus conqueri non potest, ex quo illi
 « injuriam non facit. » (In regulam 8 cancellariæ, glossa 5,
 § 6, n. 45 et seq.) 3° Posito sic per modum generalis regulæ,
 posse, quoad manualia beneficia, fieri revocationem *sine*
causa, nec dari tunc appellationem aut recursum ad supe-
 riorem, hanc apponit limitationem : « Quod tamen declara
 « et limita, quando superior privaret animo se vindicandi,
 « vel alias malo, et de hoc posset aliquatenus apparere. »
 (Ibid., n. 48.)

V. DOCTRINA CARDINALIS DE LUCA. — 1° Tanquam regulam
 ponit, posse fieri revocationem *sine causa* : « Posita manua-
 « litate, regula est, illa posse auferri possessoribus per supe-
 « riorem *ad ejus nutum et arbitrium, etiam sine causa*; juxta
 « opinionem Cardinalis (in clementinam 1, § *Præmissa, de Sup-*
plenda negligentia Prælatorum, n. 4), quæ, rejecta contra-
 « ria sententia, est *magis communiter* recepta, præsertim in
 « Rota. » Id firmat laudatus auctor, plures adducendo sacræ
 Rotæ decisiones, quas dicit haberi tanquam *magistrales* in hac
 materia. 2° Præmissæ regulæ nonnullas exceptiones esse appo-
 nendas docet in hunc modum : « Quarum *prima* est, ubi
 « amotio fieret odio vel calumnia. » Et ibi citatis in confirma-
 tionem variis Rotæ decisionibus, subjungit : « In quibus ta-
 « men (decisionibus) firmatur, quod odium vel calumnia in
 « dubio non præsumitur, sed probari debet. *Secundo* limitatur,
 « ubi ex amotione dedecus vel infamia, seu aliud magnum
 « præjudicium ejecto causaretur; juxta decisionem 6, *de Re-*
stitutione spoliatorum, in antiquis... *Tertio*, licet de stricto
 « jure, non probato odio vel calumnia, dicta facultas compe-
 « tat, non curato (2) quod superior non esset solitus amovere.

(1) Hanc opinionem Innocentii IV supra citavimus, doctrinam Sauresii referendo.

(2) Ille voces *non curato quod*..., ibi significant, *non attendendo ad hoc, quod*, etc.

« dum hic actus dicitur facultativus, in quo non-usus non
 « præjudicat...; attamen ex quadam non scripta æquitate
 « competere videtur recursus vel querela ad superiorem,
 « pro interpositione arbitrii super aliqua saltem summaria
 « cognitione causæ, ob quam hujusmodi ejecto fiat, cum non
 « soleat dari casus (1) absque aliquo odio, vel absque dicto
 « præjudicio in fama, seu alias resultante. » (*De Beneficiis*,
 discursu 97, n. 6 et seq.)

Citati auctoris doctrina sic breviter exprimi potest : 1° regula generalis est posse fieri remotionem *sine causa*. 2° Regula hæc tribus exceptionibus obnoxia est ; quarum *prima* est, quando remotio fit ex odio ; *secunda* quando ex remotione reducat in remotum dedecus, vel infamia, vel magnum aliud præjudicium ; *tertia*, quando *non solet* Prælati revocare sine causa ; quia tunc si quem revocet, is ob culpam ejectus censebitur, et sic famæ detrimentum patietur ; quam tamen ultimam exceptionem non de rigore juris, sed ex quadam non scripta æquitate procedere, idem auctor existimat.

VI. DOCTRINA LEURENII. — 1° *Valide* fieri potest revocatio sine causa (*Forum beneficiale*, parte 1, q. 72, n. 2). 2° Non tamen *licite* (ibid., n. 3). 3° Non datur recursus, nisi constet vel merito præsumatur ex malitia seu odio facta remotio (ibid., q. 75). 4° Proinde si fiat a remoto recursus, non tenetur removens *manifestare multoque minus probare causam, cur eum amoverit* (ibid.). 5° Ad questionem, *quæ censeatur causa rationabilis removendi*, respondet, *eam esse, non tantum culpam aliquam beneficiarii, sed quamcumque utilitatem vel commoditatem ecclesiæ (vel religionis, si beneficiatus est religiosus) ; cum hæc remotio non sit pœna, neque actus justitiæ vindictivæ, sed prudentis regiminis beneficii* (ibid., q. 74). 6° Excipiendo casum remotionis ex odio seu malitia, intelligit malitiam *positivam*, et

(1) Casus nempe remotionis a superiore, *qui non solet remove* : illam quippe tertiam limitationem ponit de Luca, in hypothesi dumtaxat superioris *qui remove non solet* ; quo fit, ut si quando removeat, facile existimat populus id fieri ob culpam aliquam, et sic remoti famæ læditur.

non mere *privativam*, quæ nempe consistat in *pura carentia causæ removendi* (ibid., in rubrica quæstionis 76). 7° Ad quæstionem, *quandonam recte præsumatur, vel etiam constare censeatur de amoventis malitia*, ita ut *detur recursus ad superiorem, et locus sit manutenentiæ amoti*, respondet in hunc modum : « Primo si pendente accusatione vel inquisitione « adversus beueficiatum fieret remotio. *Secundo* si contra con- « suetudinem receptam, ne beneficiatus intra tantum tempus « moveatur, absque aliqua culpa moveretur ; quia vel sic de « culpa constaret, et sic remotio cederet in infamiam beuefi- « ciati... *Tertio*, si ad instantiam beneficiati fieret inquisitio « adversus prælatum ; quia tunc præsumi potest ex animo « vindictæ facere remotionem. » (Ibidem, quæstione 76.) 8° Ad quæstionem an prælatus adhuc revocare queat, si promiserit se non revocaturum, respondet : « Adhuc revo- « care illum posse *valide*, cum per hanc promissionem non « mutetur natura beneficii, quæ est, ut pro voluntate con- « ferentis removeri possit. Neque etiam fieret in hoc casu « revocatio *illicite*, cum hæc promissio, utpote contraria na- « turæ talis beneficii, vires nullas habeat, non secus ac pro- « missio non revocandi testamentum. » (Ibid., q. 73.)

VII. DOCTRINA ROTÆ ROMANÆ. — Fuit proculdubio hujus tribunalis sententia, posse curatos, ad nutum Episcopi amovibiles, ab eodem Episcopo revocari *sine causa*. Aperte id constat ex celeberrima lite, in diœcesi Hispalensi orta, curatos inter et Cardinalem Archiepiscopum, et tribus conformibus sententiis decisa, 20 aprilis 1640, 21 juuii 1641, et 23 junii 1642, coram Peutingero. In hac nempe diœcesi erat Archiepiscopus in possessione removeudi ad nutum curatos omnes ; ita ut nullus perpetuus censeretur ; sed omnes, tanquam vicarii ipsiusmet Archiepiscopi, curam exercerent. Jus illud Archiepiscopi impugnarunt ex illis curatis nonnulli. Et primo quidem contendebant se non esse *ad nutum amovibiles*. Postea vero evincere conabantur non posse ipsos, etsi amovibiles, ab Archiepiscopo revocari *sine causa*. Iusuper factæ remotionis

nullitatem repetebant ex eo capite, quod ad eam Præsul *ex odio et indignatione* devenisset.

Ut probarent se non esse *ad nutum amovibiles*, allegabant 1° veterem Rotæ decisionem, qua curatus quidam remotus, fuerat in cura reintegratus; 2° plures canonistas, a quibus tradi contendebant, beneficium quodlibet curatum esse hoc ipso perpetuum; 3° quosdam textus juris, et duos præsertim ex Tridentina synodo.

Ut probarent curatos, etsi ad nutum amovibiles, non posse *sine causa* removeri, allegabant Sacræ Congregationis Concilii decisionem quamdam in causa *Ferrariensi* anni 1629, qua declaratum est cappellanos amovibiles de quibus agebatur, non posse amoveri sine causa; necnon aliam decisionem, qua declaratum fuit de quodam monialium confessore, ad ipsarum nutum amovibilem, non posse ab ipsis ad libitum et siue causa mutari.

Quæ omnia Hispalensium curatorum allegata rejecta sunt a Rota, in tertia decisione, diei 23 junii 1642, in hunc modum :
 « Curatos Hispalenses, non acquiescentes decisionibus coram
 « me factis, placuit tertio audire : hodieque proposita causa
 « tertio, Domini steterunt in decisis... Sententia vero reiu-
 « tegratoria unius curati ad curam (data in veteri summario,
 « n. 22), nullam vim faciebat. Quia curatus ille non fuerat
 « remotus *ab Archiepiscopo*, sed spoliatus a beneficiatis et cap-
 « pellanis, ut patet ex ejusdem lectura. Unde merito potuit
 « petere reintegrationem, ex traditis per Rotam (decisione 1,
 « *de Restit. spol., in antiquis*); ubi expresse firmatur, quod ha-
 « benti administrationem seu prioratum amovibilem, nullum
 « competat remedium restitutorium, si removeatur per Ab-
 « batem deputantem; secus vero si *ab extraneo*.

« Auctoritates Romani (consilio 356, n. 6), Seraphini (decisi-
 « sione 950, n. 1), Bellameræ..., Cassadi..., quæ in substantia
 « nihil aliud probant, quam quod *regulariter* status beneficii
 « curati est perpetuitatis, admittebantur : non tamen per
 « hoc tolli dicebatur, quin cura, quæ residet penes Prælatum.

« possit exerceri *per vicarios amovibiles*, ut tenuit glossa...,
 « Abbas..., Imola..., Rota..., post Rebuffum, Garciam, Azo-
 « rium, Hostiensem, Ancharanum, et alios, in præterita (de-
 « cisione) cumulatos.

« Quibus sane nec textus in capite *Unico*, de *Cappellis mo-*
 « *nachorum*, nec textus concilii Tridentini (in capite 13,
 « sess. 24), pro perpetuitate curatorum adducti, repugnant.
 « Nam quoad textum in capite *Unico*, satisfacit decisio Ca-
 « valli 350, n. 4, et 389, n. 3. Ad textum vero concilii plene
 « dicta secunda decisio (§ *Circa secundum*), cum pluribus se-
 « quentibus; quæ responsiones brevitatis causa omittuntur.

« Præsertim cum hodie curati (Hispalenses), tacite admissa
 « conclusione circa amovibilitatem, ad duo potissimum recur-
 « rere denuo viderentur : nempe ad illud, quod remotio sal-
 « tem fieri non possit *sine causa*; innixi potissimum declara-
 « tione Sacræ Congregationis Concilii (in una *Ferrariensi* de
 « anno 1629), quam solam hodie de novo afferebant : alte-
 « rum, quod in præsentī casu remotio facta fuerit *ex odio* vel
 « indignatione : sed neutrum relevare visum est.

« Etenim quod vicarii amovibiles in curatis removeri pos-
 « sint ad nutum, etiam *absque causa*, firmarunt Domini in præ-
 « terita decisione... Prædictaque conclusio roborata fuit, non
 « solum rationibus, quibus nunc nihil pro parte curatorum
 « (Hispalensium) respondetur, sed etiam auctoritate ejusdem
 « Sacræ Congregationis Concilii, in una *civitatenſi* relata per
 « Garciam (parte 1, c. 2, 94, *in addit.*); in qua expresse cen-
 « suit, vicarios, a capitulo ad exercitium curæ deputatos,
 « removeri posse *ad nutum* ipsius capituli, ab ordinario *vero*
 « nisi ex causa. Ponderando igitur verbum *ad nutum*, quæ
 « liberam voluntatem importat, et dictionem *vero*, quæ est
 « adversativa, necessario innuit, capitulum deputans posse
 « remove *sine causa*.

« Non obstat autem allegata Sacræ Congregationis Concilii
 « declaratio in dicta *Ferrariensi*. Nam licet in ea censuerit
 « cappellanos amovibiles removeri non posse *sine causa*, non

« inde tamen aliquid contra conclusionem in præsentī casu
 « firmatam inferri potest : quia, ultra quod ipsa Congregatio
 « id totum arbitrio et prudentiæ Ordinarii remittit, termini
 « sunt longe dispares : nam ibi non constabat quod ii cappel-
 « lani essent amovibiles ad nutum *ipsius Episcopi*... Neque eo
 « casu docebatur de quasi possessione removendi ad nutum
 « sine causa, prout fit in præsentī casu...

« Sicuti etiam altera declaratio (in una *Hispalensi* de
 « anno 1626) non ita universaliter procedit, sed in casu spe-
 « ciali monialium. Multa enim considerari possunt inconve-
 « nientia, si permittatur monialibus remotio confessariorum
 « seu curatorum ad earum libitum, quæ minime locum habent
 « in Archiepiscopo, cui cura principaliter incumbat anima-
 « rum.

« Demum non obstat prætextus indignationis... Satis justam
 « reddi illius indignationem dicebant Domini...

« Et ideo merito standum esse in decisis, utraque parte in-
 « formante. » (Tomo 1, partis 9 *Recentiorum*, pag. 240.)

§ III.

Quomodo resolvenda videatur questio, an parochi ad nutum amovibiles possint sine
 causa revocari.

PROPOSITIO I^a. — *Est de essentia manualitatis, ut possit bene-
 ficiatus legitime revocari sine causa.* — Beneficium manuale de-
 finit Gonzalez : « Illud quod non confertur alicui in perpe-
 « tuum, sed ad nutum conferentis vel alterius; ut *pro libito*
 « illius amoveri possit quodcumque et quomodocumque vo-
 « luerit. » (In regulam 8 cancellariæ, glossa 5, § 6, n. 2.)
 « Manualitas, inquit Lotterus, quæ jurisconsultis dicta est *ma-
 « nuum injectio*, nihil est aliud quam rei, ut juris nostri, ap-
 « prehendendæ abducendæque facultas... Ex quo intelligitur
 « illud esse beneficium manuale, quod superior, qui illud
 « contulit, *pro libito* ad manum suam potest revocare. » (*De*

Re beneficiaria, l. 1, q. 33, n. 1.) Ex his et similibus definitionibus constat, per manualitatem unanimiter intelligi facultatem illam revocandi *ad nutum*; et nullus est canonista, qui pro manuali habeat beneficium, si fieri nequeat *ad nutum* revocatio. Imo omnes *manualitatem* et *revocabilitatem ad nutum* pro una eademque re habent. Unde primo negari nequit, de essentia manualitatis esse, ut possit beneficiatus *ad nutum* revocari.

Jam vero revocabilitas *ad nutum* secum necessario infert revocabilitatem *sine causa*; quod sic probatur : qui jus habet aliquid faciendi *ad nutum*, jus habet illud faciendi quando vult, et ex libera voluntate : « Id enim importat verbum *ad nutum* (ait Garcias); et patet ex ipsa significatione vocabuli, « quod accipitur pro voluntate; et verbum *voluntas* importat « liberam et absolutam voluntatem, et non regulatam. » (*De Beneficiis*, parte 1, c. 2, n. 85.) Id pariter adnotat Reiffenstuel. Postquam enim beneficia manualia definiit : « Quæ non « conferuntur alicui in perpetuum, sed ad nutum conferentis, « vel alterius; ita ut beneficiarius pro libitu ipsius amoveri « possit, » subjungit in hunc modum : « Additur notanter in « data definitione *ad nutum conferentis*...; hoc est ad liberam « ipsius et absolutam voluntatem, et non necessario regula- « tam : id enim importat ly *ad nutum* » (in tit. 5, libri 3 decret., n. 43 et 45). Ergo habere jus aliquid faciendi *ad nutum*, est habere jus illud faciendi pro libitu, seu ex mera voluntate. Ergo jus revocandi *ad nutum* est jus revocandi pro libitu et ex mero voluntatis arbitrio. Sed jus hoc modo revocandi, idem est ac jus revocandi, sive aliqua causa revocationem exigat aut suadeat, sive nulla ejusmodi causa interveniat : aliis terminis est jus revocandi *sine causa*. Quæ argumentatio sic breviter contrahi potest : est de essentia manualitatis ut possit fieri revocatio *ad nutum*; sed jus revocandi *ad nutum*, est jus revocandi *sine causa*; ergo de essentia manualitatis est, ut legitime possit revocatio *sine causa* fieri.

PROPOSITIO II*. — *Beneficiatus amovibilis, sine causa revo-*

catus, nequit conqueri, nec jus recurrendi habere, ex eo titulo quod jus ipsius in beneficium violatum fuerit. — Sequitur ex conclusione præcedenti : nam revocans sine causa utitur jure suo, ut probavimus : non autem uteretur jure suo, si violaret jus beneficiati in beneficium, seu (quod idem est) si beneficiato jus competeret, ut nonnisi ex certis causis amoveretur. Idem sequitur ex eo quod talis beneficiatus non habeat jus retinendi beneficium, nisi *usque dum revocetur*; si quidem non ipsi confertur in perpetuum, sed ad nutum, id est, donec amoveatur. Quod sic exprimit Leurenus : « Beneficiatus enim « non potest possidere tale beneficium, nisi pro tempore quo « non fuerit ab eo revocatum; quia solum pro eo tempore fuit « concessum : ergo revocatione facta, non habet jus diutius « illud possidendi. Et hinc spoliatus *sine causa* beneficio, nullomodo potest contradicere Prælato spolianti; quia nullam in « tali spoliatione patitur injuriam; neque recurrere ad superiorem, ut injustitiam repareret; sed ad summum ut impediat « malitiosam revocationem. » (*Forum beneficiale*, parte 1, q. 72, n. 2.)

PROPOSITIO III^a. — *Ex eo quod revocans sine causa agat ex pravo motivo, non sequitur eum non uti jure suo, aut injuriam facere revocato.* — Equidem qui revocaret absque ulla causa honesta et rationabili, peccaret : « Tum quia generale est, quemlibet obligatum esse in suis actionibus habere finem « honestum; tum quia variatio rectorum solet esse ecclesiæ « damnosa; adeoque ut hujusmodi periculum honestetur, « gravi causa moveri debet Prælati ad amotionem. » (Leurenus, loco citato, n. 3.) Et a fortiori peccaret, si ageret ex aliquo fine graviter pravo. Nihilominus etiam tunc beneficiato nullam injuriam faceret : quia nempe pravus per se non est nec injustus actus revocandi; et jus habet hunc actum ponendi; et revocando utitur jure suo. Quod autem pravam sibi proponat finem, et sic peccet, id fit per accidens, nec facit ut injustus erga beneficiatum evadat revocandi actus. Solent canonistæ rem exemplo illustrare : si librum, verbi

gratia, tibi commodaverim, possum illum, quando libuerit, a te repetere. Statim autem ac repetii, finitur jus tuum librum ulterius retinendi. Accidere autem potest, ut librum repetam absque ulla rationabili causa; imo ex pravo fine, verbi gratia, ex odio interea contra te concepto; et tuuc procul dubio peccabo: id tamen non impedit quin utar jure meo; nec tibi injuriam facio librum commodatum repetendo, etsi alias ob pravam a me intentum finem coram Deo reus factus sim. Equidem similitudinem illam, ex commodato desumptam, non putat Lotterus sub omni respectu quadrare revocationi *ad nutum*, de qua agimus: sed, sicut pluribus doctoribus, ita et mihi videtur recte adduci.

PROPOSITIO IV^a. — *Generali regulæ, quod revocans sine causa utatur jure suo, apponenda est exceptio hæc, nisi ob peculiares circumstantias amoto inde obveniat notabile damnum, ab amissione beneficii diversum.* — Probatur 1^o doctorum auctoritate. Superiori siquidem paragrapho vidimus, exceptionem hanc a multis adduci. Si nempe amotio sine causa fieri nequeat, quin redundet in amotum infamia aliudve notabile damnum, existimant cessare in superiore jus hoc modo amoveudi; et a tali amotione patere recursum. Et hæc opinio communior videtur. Probatur 2^o ratione. Etenim jus habet beneficiatus, ne superior ejus famam lædat, aliudve grave damnum ei inferat sine causa. Si ergo tales sint circumstantiæ, ut tale præjudicium ex amotione oriatur, jus superioris amovendi sine causa per accidens suspenditur et cessat. Eliditur scilicet obligatione, qua adstringitur superior hocce damnum clerico non inferendi, absque sufficienti causa. Quod etiam ex supra allato rei commodatæ exemplo palam fieri potest. Quamvis pecuniæ summam, amico meo commodatam cum clausula *donec repetam*, possim pro libitu et sine causa quando voluero repetere, et sic repetendo utar jure meo, nihilominus si tales emergerint circumstantiæ, ut commodatum statim reddere non possit quin fame pereat, hoc ipso præpeditur et suspenditur meum jus repetendi sine causa; quia nempe ex lege chari-

tatis teneor hoc tam grave amici mei damnum præcavere. Diximus autem in thesi, *notabile damnum, ab amissione beneficii diversum*. Nam per solam beneficii ablationem nulla ei fit injuria, cum illud retinendi jus non habeat, nisi *donec revocetur*.

PROPOSITIO V^a. — *Generali regulæ, quod revocans sine causa utatur jure suo, apponenda etiam est exceptio : nisi sequatur damnum tertii notabile.* — Probatur 1^o doctorum auctoritate. Nam, ut superiori paragrapho retulimus, existimant multi fieri non posse revocationem sine causa, quando inde exurgeret magnum parochiæ præjudicium; et in hoc casu dari locum querelæ et recursui ad superiorem videtur sat communiter recepta opinio.

Probatur 2^o ratione. — Etenim jus quod habeo aliquid peragendi pro libitu et sine causa, statim præpeditur et suspenditur, quando inde oriretur damnum tertii : ob eam nempe legem qua obstringor, non inferendi damnum tertio, sine causa. Notetur tamen in hoc casu clericum revocatum queri apud superiorem non posse, quod sine causa revocatus fuerit, sed dumtaxat ex eo quod damnum parochiæ sine causa illatum fuerit.

PROPOSITIO VI^a. — *Quando tales sunt circumstantiæ, ut amotio merito præsumatur fieri ex odio, hoc ipso cessat jus superioris amovendi sine causa.* — Probatur 1^o doctorum auctoritate. Etenim in apponenda hac limitatione præcipue eos concordare reperies. Dum nempe regulam ponunt, posse fieri revocationem sine causa, statim addere solent, modo tamen non fiat ex malitia. Quod intelligunt de malitia, quæ vel aperte pateat, vel merito ex circumstantiis præsumatur. Et tunc amoto patere recursum concedunt; et, si probetur a recurrente malitia removens, debere remoto beneficium manuale restitui. Quam hypothesim de revocatione ex odio ideo movent, quia præcipue agunt de revocationibus regularium, quæ per eorum regulares superiores fiunt, et frequentes esse solent; ut adeo non repugnet aliquoties, pro humana fragili-

tate, id contingere posse. Quoad Episcopos vero casus revocationis ex odio fere chimericis accensendus videtur.

Probatur 2^o ratione. — Nam revocatio quæ merito præsumitur ex odio facta, scandalum ex hoc ipso excitaret. Porro tenetur superior, ad vitandum scandalum, sibi alias licita omittere. Unde jus revocandi sine causa suspenditur et cessat, quando imminet ejusmodi scandalum.

§ IV.

Præmissorum applicatio parochis amovibilibus Gallie, qui desservitores nuncupantur.

1^o Eos esse ad nutum Episcopi amovibiles, seu eorum beneficia esse manualibus accensenda, jam probavimus (parte 1, sect. 3, cap. 7).

2^o Hinc quæstio, *an possint revocari sine causa*, non aliter quoad ipsos, quam quoad cæteros manualia beneficia obtinentes resolvenda est.

3^o Attenta autem communiori doctorum sententia, videtur dicta quæstio, quoad manualia beneficia, resolvenda in hunc modum : *Primo*, exceptis nonnullis casibus, fieri potest revocatio sine causa, nec ab ea datur ad superiorem recursus. Et hæc generalis regula fundatur in ipsa *manualitatis* natura, estque omnino certa, et communiter ut talis recepta. *Secundo*, excipiendos esse a dicta generali regula nonnullos casus, etsi forte nequeat ex ipsis juris textibus rigore deduci, ob communiorum tamen sententiam doctorum, qui has limitationes, ex quadam sive scripta sive non scripta æquitate apponendas existimarunt, necnon ob consonam congregationum romanarum praxim, videtur admittendum. *Tertio*, casus autem, qui, juxta dictam canonistarum sententiam, excipi solent, sunt sequentes : si amotio fiat ex odio aperto, vel legitime præsumpto : si cedat in infamiam revocati, vel notabile ipsi damnum, ab amissione beneficii diversum, inferat : si cedat in

damnum tertii, præsertim parochiæ : si non soleat superior revocare sine causa ; quia tunc redit casus damni quoad famam. In his ergo casibus probabile saltem est, non posse Episcopum sine causa revocare, et dari sic revocato recursum ad superiorem.

4° Quod autem nunquam et in nullo casu fieri possit remotio sine causa, et quod a remotione sine causa semper detur recursus, ego prorsus falsum existimo. Etenim sat communiter quidem doctores sentiunt, excipiendos esse supra enumeratos casus ; ast simul regulam generalem, quod fieri possit sine causa remotio, ut certam defendunt ; quæ regula prorsus evanesceret, si in omni casu daretur, contra revocationem sine causa factam, recursus.

5° Si quis e dictis parochis amovibilibus Galliæ sine causa removeretur, quin simul alteri parochiæ vel muneri præficeretur, posset ad superiorem recurrere : tunc enim graviter læderetur ejus fama ; quia ex gravi culpa remotus censeretur.

6° Extra casus supra exceptos, Episcopus parochum amovibilem transferens ad aliam parochiam, aliudve explendum officium, ex illa sola ratione, quod id bono diœcesis regimini conferre existimet, non tantum utitur jure suo, sed et coram Deo licite et laudabiliter agit : si quidem, ut supra tradentem Leurenium vidimus, causa hæc pro justa et honesta haberi debet.

7° Si parochus, ab Episcopo suo revocatus, existimet se esse in casu legitimi recursum, ipsi incumbit hoc probare apud superiorem. Debet nempe probare factam fuisse revocationem, vel cum detrimento ipsius famæ, vel cum altero notabili ipsius detrimento, vel cum detrimento parochiæ, vel (quod absit) ex odio. Episcopus autem non tenetur pandere qua ex causa remotionem fecerit ; quia per se, et nisi intervenire aliquem ex casibus exceptis probetur, potuit remotionem etiam sine causa facere. Id sequi videtur ex modo traditis circa manualia beneficia notionibus.

8° Omnino falsum est, præfatos Galliæ parochos, qui des-

servitores vocantur, non posse parochiis suis privari, nisi ex gravi eorum culpa, et servato ordine judicii. Si enim id verum foret, jam non essent ad nutum amovibiles, et eorum beneficia, non mauualia, sed perpetua forent censenda; quod nulloatenus sustineri potest.

9º Tandem conqueri nequeunt dicti parochi deservitores, quod Episcopi, cum possent deputare in perpetuum (testante Cardinali de Luca), illos omnes revocabilitati ad nutum obnoxios relinquunt. Huic enim querimoniæ sic respondemus: est regula apud jurisperitos recepta, non posse beneficiorum naturam, eorumque leges fundamentales ab Episcopo immutari; sed ad hoc pontificiam requiri auctoritatem. Unde beneficium quod semel tanquam *manuale* erectum est, jam nequit ex Ordinarii decreto perpetuum fieri, nec vice versa. Vide id stabilitum supra (parte 1 hujus tractatus, sect. 3, cap 7). Non ergo potest Episcopus beneficium manuale alicui conferre *in perpetuum* eo sensu, quod tunc manuale esse designat.

Sed neque eo sensu quod sic deputatus *in perpetuum* ad beneficium manuale, jam nequeat a deputante revocari ad nutum. Imo etiamsi promissionem et juramentum adjecisset Episcopus de nunquam revocando tali beneficiato, adhuc posset eum ad nutum revocare. Et hanc esse communiter receptam doctorum sententiam ut palam faciamus, disserentem hac de re Leurenium adducemus. Quæstionem sic ponit (*Forum beneficiale*, parte 1, q. 73): « Quid si Prælati, cui « pleno jure subest manuale beneficium, promiserit se non « revocaturum? » Et respondet: « Adhuc revocare illum « posse valide, cum per hanc promissionem non mutetur natura beneficii, quæ est, ut pro voluntate conferentis remota veri possit. (Sanchez, l. 7, in *Decalogum*, cap. 29, n. 125, « pluribus id probans: Gonzalez...) Neque etiam fieret in « hoc casu revocatio illicite, cum hæc promissio, utpote contraria naturæ talis beneficii, vires nullas habeat, non secus « ac promissio non revocandi testamentum vel precarium...

« Quod idem est, et valet adhuc revocatio, etsi juramento firmata sit promissio; quia neque juramentum mutat naturam beneficii (Sanchez..., Gonzalez...). Perjurus tamen erit Prælati in omnibus illis casibus, in quibus alias obligatus non esset revocationem facere; quia pro omnibus illis videtur jurasse. »

Equidem Cardinalis de Luca (*de Beneficiis*, discursu 77, n. 33) sic adnotat: « Demum observandum, quod manualia sæcularia prohibitum non est conferri perpetuo. » Et citat tanquam id docentem Gonzalez, in regulam 8 cancellariæ, glossa 5, § 6, n. 36; qui tamen Gonzalez id loco citato non dicit. Sed commode interpretari possunt illa dicti Cardinalis verba, eo sensu, quod prohibitum non sit beneficiatos ejusmodi relinquere perpetuo in suis beneficiis; ita nempe ut nonnisi ex eorum culpa inviti removeantur. Et ita de facto plerumque ab Episcopis, etiam in Gallia, peragi, pro paterno quo clerum suum prosequuntur affectu, præsumendum est. Quod autem Episcopus ita possit beneficium manuale in perpetuum conferre, ut manus sibi liget, ne possit jam revocare, vidimus a Leurenio rejectum.

Nota 1. — Supposuimus parochos Galliæ, qui *deservitores* vocantur, habere *beneficium manuale*. Et revera erectæ fuerunt illæ parochiæ auctoritate ecclesiastica; et unicuique destinati sunt certi redditus, pensio nempe gubernii; et ab initio amovibiles ad nutum Episcopi fore ejusmodi parochos expresse cautum est, et perpetua dei praxi servatum. Unde nulla videtur deesse conditio ad *beneficii manualis* creationem necessaria.

Si quis tamen contenderet ejusmodi parochias non esse beneficiis manualibus accensendas, sed *meritis officiis*, pariter admittere deberet dictos parochos posse, regulariter loquendo, siue causa ab Ordinario revocari. « Regula juris est iudicata (inquit Scarfantionius, tom. ultimo, additione 19), quod Episcopi alique prælati jus habentes deputandi vicarios, possint illos ad libitum et voluntatem remove... Idemque

« procedit in quocumque vicario exercente curam animarum,
 « qui potest ad nutum deputantis amoveri; ac præsertim
 « quoties deputans in actu deputationis talem facultatem sibi
 « reservavit; cum tali casu, qui vicariam hujnsmodi tanquam
 « amovibilem accepavit, non possit dictam qualitatem impu-
 « gnare... Posito autem quod aliqua vicaria, sive etiam aliqua
 « cappellania sit ad nutum amovibilis, potest deputans remo-
 « vere sine necessitate exprimendi causam; quæ (necessitas)
 « pugnat cum libera facultate ad placitum revocandi; quia
 « hoc importat esse officium de sui natura amovibile, et cum
 « tali conditione concessum et acceptatum, ut etiam absque
 « ulla causa possit jam electus revocari, et alius in ejus locum
 « substitui... Et licet aliqui teneant, quod deputatus ad ali-
 « quod officium ecclesiasticum *ad nutum*, non possit removeri
 « absque causa superiori exprimenda, præsertim quando re-
 « motio denigrare posset aliquo modo estimationem per-
 « sonæ removendæ, certum est, quod sufficit quælibet causa
 « etiam levis et levissima... Solumque sustineri posset contra-
 « ria opinio, quoties probaretur amotionem factam fuisse
 « odio impellente, vel ex alia causa veram redolente mali-
 « tiam. »

Nota 2. — Supra citata decisio Rotæ (in *Hispalensi* 23 junii 1642, coram Peutingero) magnam vim habet ad probandum, hodiernos Galliæ parochos, *deservitorum* nomine nuncupatos, posse ab Episcopo, etiam sine causa, ad nutum revocari. Nam ejusmodi deservitores non magis possunt prætere per-
 petuitatem, quam Hispalenses curati; nec melius fundatur eorum prætesum jus, ut non revocentur *sine causa*. Et ta-
 men Hispalenses curati quoad ntramque prætesionem causa
 ceciderunt. Aliunde celebris illa Rotæ decisio magistralis est
 in hac materia; siquidem perpetuo postea fuit a doctoribus,
 et coram tribunalibus ecclesiasticis adducta, et ad instar re-
 gulæ habita.

CAPUT IV.

NORMA REMOVENDI VICARIOS CURATOS, AD NUTUM ALCUJUS
CAPITULI SEU MONASTERII AMOVIBILES.

Quando cura alicui clericorum collegio, verbi gratia, cathedrali capitulo adnexa fuit, exerceri debet, non ab omnibus simul, aut singulis per vices canonicis, sed ab uno ad hoc designando et deputando. Ita siquidem præscripsit Tridentina synodus, ut supra (capite 2) jam fuit adnotatum. Ejusmodi autem deputatus ad curam *vicarius curatus* dicitur. Et licet capitulum curam *in habitu* retinere dicatur, in ejus tamen exercitio sese intromittere nequit, sed totum curæ exercitium est peues vicarium curatum; qui ideo pro vero parochio habetur. Olim ejusmodi vicarius curatus remanebat ad nutum capituli revocabilis. At Tridentina synodus voluit posse ipsum auctoritate Episcopi constitui *perpetuum*. *Posse*, inquam: dicta enim synodus liberum fecit Ordinariis, ut, si ita expedire judicarent, ejusmodi vicarium relinquerent ad nutum capituli revocabilem. Hinc nonnulli hodiedum exstant ejusmodi vicarii curati, *ad nutum collegii* revocabiles. Et de his quæstio nunc est, quomodo canonice removcantur.

1. Refert Fagnanus (in caput *Cum ad monasterium*, de *Statu monach.*, libri 3 decretalium, n. 39) fuisse a Sacra Congregatione Concilii decisum in hunc modum: « An vicarii
« amovibiles deputati ad nutum capituli pro exercitio curæ,
« prævia approbatione Episcopi, possint ab ipso Episcopo sine
« causa amoveri? — Sacra Congregatio censuit vicarios præ-
« dictos posse a capitulo amoveri ad nutum capituli: ab Ordinario vero non nisi ex causa legitima et probata, propter
« quam, etiamsi perpetui essent, amoveri possent. »

Reperies etiam a Garcia relatam (de *Beneficiis*, parte 1, cap. 2, n. 94) sequentem Sacræ Congregationis Concilii declaratio-

nem : « Capitulum ecclesiæ Civitatensis habet unitas mensæ
 « nonnullas parochiales, quibus ab immemorabili tempore de-
 « serviri faciunt per vicarios ad eorum nutum amovibiles,
 « juxta facultatem sibi expresse a Sede Apostolica concessam.
 « Hi nunc, ex declaratione Sacræ Congregationis, non possunt
 « deputari, nisi prævio examine et approbatione Episcopi : et
 « sic deputati possunt ad nutum capituli, et ab ipso quoque
 « Ordinario removeri. Quæritur, an amotio ab Episcopo fieri
 « possit sine causa? — Congregatio censuit, vicarios ipsos
 « posse a capitulo amoveri ad nutum capituli; ab Ordinario
 « vero, uon nisi ex causa legitima, atque approbata, propter
 « quam, etiamsi perpetui essent, amoveri possent. »

2. Sed remanet solvenda quæstio, an ejusmodi vicarii cu-
 rati, ad nutum amovibiles, possint a capitulo removeri *sine*
causa. Et videtur respondendum affirmative, cum hac limita-
 tione, *modo non ex odio remotio fiat*. Quam doctrinam esse com-
 muniter receptam, satis testantur hæc Benedicti XIV verba :
 « A capitulis et monasteriis deputari solent vicarii temporarii,
 « ad nutum amovibiles, qui animarum curam exerceant in
 « parochiis, iisdem capitulis seu monasteriis unitis, a quibus
 « tamen de jure communi possunt, etiam sine causa, divelli ac
 « removeri, modo remotio fiat absque dolo et non ex odio. In
 « citatis constitutionibus Pampilonensibus statutum fuit, ne
 « iidem, indicta causa, c curæ exercitio evocarentur... Sed
 « cum contigisset remotionem sine causa fieri, Rota (deci-
 « sione 886, n. 29, coram Cerro) illam sustinuit, nulla habita
 « ratione synodalis constitutionis » (*de Synodo diœcesana*,
 libro 12, capite 1, u. 2). Idem notatum reperies apud Devoti
 (*Institutiones*, libro 1, titulo 3, sect. 9).

Quam pariter doctrinam tradit Ferraris (verbo *Vicarius pa-*
rochialis, n. 59, edit. Matriti 1787) in hunc modum : « Vi-
 « carii temporarii a capitulis et monasteriis destinati curæ
 « animarum, in parochiis illis unitis, etiam sine causa remo-
 « veri possunt; nec remotio in synodo prohiberi potest. »

Unde quoad remotionem ejusmodi vicariorum, ad nutum

collegii alicujus amovibilium, sic breviter jus commune exarari potest : 1° Non possunt removeri ab Episcopo, nisi pro culpa, pro qua eos remove posset, si forent perpetui. 2° Capitulum autem potest eos remove ad nutum. 3° Atque etiam sine causa, modo non ex odio.

CAPUT V.

NORMA REMOVENDI PAROCHOS REGULARES (REMISSIVE).

Posse religiosos regendis parochiis præfici, in tractatu *de Jure regularium* ostendemus. Atque ibidem de modo canonico eos removendi disseremus.

SECTIO V.

De coadjutoribus parochorum, et de norma canonica eos constituendi.

Ex dictis supra, nequit removeri parochus per depositionem seu privationem beneficii, nisi ob grave delictum. Exigit tamen animarum spirituale bonum, ut ipsi non relinquatur parochiæ administratio, quando huic officio evasit impar, etiam citra omnem culpam suam, verbi gratia, ex infirmitate vel senio. Hinc a legibus ecclesiasticis statutæ coadjutoriæ; quarum hic quoad parochos exponenda norma.

CAPUT I.

QUID SIT ET QUOTUPLEX COADJUTORIA.

1º « Coadjutoria est facultas, ex causa, auctoritate juris « vel iudicis cuiuspiam concessa, adjuvandi Prælatum, vel alium « beneficiatum, in ecclesiæ vel beneficii regimine. » Hanc definitionem tradit Ferraris (verbo *Coadjutor*, n. 1); et addit eam esse, quoad sensum, communiter apud doctores receptam.

2º Accurate distinguendi sunt coadjutores *proprie dicti*, a coadjutoribus *improprie dictis*. Non enim omnis qui Episcopum, vel parochum, vel canonicum adjuvat, ideo est, in sensu juris, Episcopi, parochi, aut canonici coadjutor. Sed ut quis sit in vero et stricto sensu Episcopi (verbi gratia) coadjutor, necesse est ut constituatur a superiore ejusdem Episcopi, et

ius facultatemque adjuvandi Episcopum ab illo superiore recipiat. Hinc vicarius generalis Episcopi, etsi largo quodam sensu dici queat ipsius coadjutor, quia de facto eum adjuvat, in sensu tamen juris nequaquam est, aut dici potest coadjutor; siquidem non a superiore Episcopi deputatur, sed eum sibi Episcopus libere eligit, et libere eum amovere potest. Item quando Episcopus, ob parochi senium infirmitatesve, aut alias a jure determinatas causas, aliquem ei adjungit, cum facultate et potestate illum in exercitio curæ adjuvandi, is verus est parochi coadjutor. Atvero quando parochus, ob populi multitudinem (quæ non est causa canonica, ut suo loco dicemus, ob quam possit Episcopus coadjutorem dare), vel libere, vel coactus ab Episcopo, sibi eligit et assumit sacerdotem, qui eum adjuvet, is stricto sensu coadjutor non est. Cum nempe ejusmodi adjutores, etsi ab Episcopo approbari debeant, eligi tamen et nominari possint a parochis, ipsi (ut suo loco infra probamus) deficiunt a dicto essentiali ad verum coadjutorem constituendum requisito, quod scilicet auctoritate superioris deputentur. Et revera, quamvis nonnunquam largo sensu coadjutores vocentur ejusmodi auxiliares, rectius tamen aliis nominibus designantur; et in Gallia *vicarii* parochorum nuncupari solent.

3º Hinc coadjutor parochi definiri potest: *Sacerdos ad' auxiliandum parochi in exercitio curæ, Ordinarii auctoritate deputatus, ex causis a jure determinatis*. Dicimus *ex causis a jure determinatis*, quia nequit Episcopus, nisi ob illas causas coadjutorem parochi dare; ac proinde *datus* extra illas causas, non esset legitimus, nec proinde verus coadjutor. Hac definitione non comprehenduntur præfati *vicarii* parochorum; tum quia hos sibi assumit ipse parochus, et approbat dumtaxat Episcopus (ut suo loco dicemus); tum quia adjunguntur parochi, non ob perennem ejus infirmitatem, aliamve sufficientem constituendæ coadjutoriæ causam; sed plerumque ob nimiam populi multitudinem, quæ non est nova ex causis canonicis, quæ locum dent constituendo coadjutori.

4° Iterum distinguuntur coadjutores, in *temporales*, sive absque futura successione, et *perpetuos* seu cum futura successione.

CAPUT II.

QUIBUS EX CAUSIS PAROCHO DARI POSSIT COADJUTOR.

PROPOSITIO I^a. — *Magna populi multitudo non est causâ legitima, ob quam parochia dari possit coadjutor.* — Id evincitur 1° argumento negativo : ex eo quod scilicet nullibi in jure causa hæc designetur tanquam sufficiens, ad ejusmodi coadjutorem constituendum.

Evincitur 2° argumento positivo : nempe ex eo quod in hoc casu jus alio remedio utendum præscripserit. Etenim Tridentinum concilium (sess. 21, c. 4) sic decernit : « Epi-
« scopi, etiam tanquam Apostolicæ Sedis delegati, in omnibus
« ecclesiis parochialibus vel baptismalibus, in quibus popu-
« lus ita numerosus sit, ut unus rector non possit sufficere
« ecclesiasticis sacramentis ministrandis, et cultui divino
« peragendo, cogant rectores vel alios ad quos pertinet, sibi
« tot sacerdotes ad hoc munus adjungere, quot sufficiant ad
« sacramenta exhibenda, et cultum divinum celebrandum. »
Ergo in dicto casu non debet Episcopus coadjutorem parochia dare; sed eum cogere ut ipse sibi sufficientem vicariorum numerum assumat. Qui tamen vicarii, ut alibi disponitur, approbati debent ab Episcopo.

Evincitur 3° ex communi doctorum sententia : inter quos sic Leurenus (*Forum beneficiale*, parte 1, q. 154, n. 4) : « Ubi
« in ecclesiis parochialibus, vel etiam baptismalibus, populus
« ita fit numerosus, ut unus rector non possit sufficere eccle-
« siasticis sacramentis ministrandis, vel pluribus infirmis pro-
« videndis, et divino cultui peragendo, non est causa suffi-
« ciens dividendi parochiam, aut constituendi aliam cum præ-

« cedentis præjudicio, neque etiam erigendi coadjutoriam; sed
 « in vim Tridentini (sess. 21, c. 4), cogendi per Ordinarium
 « rectores, vel alii ad quos spectat, ad adjungendum sibi tot
 « sacerdotes, quot sufficiant ad ministranda sacramenta, et
 « cultum divinum peragendum (Lotterus..., Barbosa..., Cor-
 « radus..., citantes desuper declarationem Sacræ Congrega-
 « tionis). »

PROPOSITIO II^a. — *Quando parochus, ex aliqua perenni corporis aut animi infirmitate, jam nequit parochiam suam recte regere, dari ei potest et debet coadjutor.* — In admittenda hac nostra conclusione unanimes sunt doctores. Inter quos sic Barbosa (*de Parocho*, cum addit. Giraldis, cap. 23, n. 1) : « Temporalis
 « coadjutor et revocabilis dari solet ecclesiæ rectori, ab ægri-
 « tudinem, vel infirmitatem animi seu corporis, facto inutili,
 « et ministrare impotenti; ut pro eo ministret et officium
 « exerceat, cum congrua portione ex redditibus beneficii ei
 « assignanda. »

Item Ferraris (verbo *Coadjutor*, n. 11) causas enumerando ob quas sive parochis, sive aliis generatim clericis coadjutores dari possunt, sic habet : « Coadjutor ob varias causas dari po-
 « test et solet. *Primo*, datur coadjutor simpliciter et sine fu-
 « tura successione clericis ob morbum incurabilem et perpe-
 « tuum (cap. *Ex parte* 5, *de Clerico ægrotante*; cap. *Pastoralis*,
 « *de Clerico ægrotante*, in 6). Secus dicendum, si morbus sit
 « curabilis et temporalis; tunc enim ipsemet clericus ægrotus
 « poterit sibi vicarium temporalem constituere pro tempore
 « morbi durantis (arguitur capite *Adjicimus* 19, causæ 16,
 « q. 1; juncto concilio Tridentino, sess. 21, c. 1, *de Ref.*)...
 « *Secundo* propter lepram... *Tertio* datur coadjutor benefi-
 « ciato propter amissum linguæ usum (capite *Consultationi-*
 « *bus* 6, *de Clerico ægrotante*). *Quarto* dandus est coadjutor cle-
 « rico beneficiato propter ejus amentiam (capite *Quamvis* 14,
 « causæ 7, q. 1; cap. *Pastoralis*, *de Clerico ægr.*, in 6). *Quinto*
 « datur coadjutor propter senectutem, qua ipse reddatur per-
 « petuo inutilis ad executionem officiorum suorum (capite *Pe-*

a tiisti 17, q. 1: et dicto capite *Pastoralis*). » Circa hanc Ferrarii enumerationem advertas, 1^o causas illas omnes reduci ad *infirmi-
tatem animi vel corporis*, non quidem transitoriam, sed *perennem*, seu quæ permansura prævideatur; ac proinde eas comprehendere sub thesibus nostræ formulæ; 2^o concordare canonistas in enumerandis iisdem causis tanquam sufficientibus, ut possit coadjutor a superiore deputari; 3^o cum ex officio suo teneatur Episcopus providere ne parochia detrimentum patiat-
tur, teneri eum, dictis existentibus causis, coadjutorem paro-
cho dare, regulariter saltem loquendo; idest, nisi alio medio parochianis succurri melius posse circumstantiæ suadeant; 4^o textus juris, qui afferri solent quoad singulas ex dictis cau-
sis, etsi expresse non loquantur omnes de parochorum coad-
jutoribus, sed quidam Episcopis, quidam archidiaconis dan-
dos coadjutores respiciant, recte tamen a canonistis applicari parochorum coadjutoribus, ob rationis paritatem.

Cæterum, prætermis-
sis etiam juris textibus, ex sola ipsa episcopalis muneris ratione colligi potest illa Episcoporum potestas coadjutores dandi parochis, qui ex dicta infirmitatis causa explendo officio suo impares evaserunt. Instructus enim esse debet Episcopus necessaria potestate, ut parochia, cujus curam habere jam parochus nequit, detrimentum non patia-
tur. Poterit proinde Episcopus providere, ut tali parocho ali-
quis substituatur, qui vires ejus gerat. Hæc autem substitutio fieri nequit, ut dictum est, parochum deponendo et succes-
sorem proprio dictum constituendo. Remanet ergo ut, vel parochus ipse sibi, vel Episcopus parocho aliquem adjungat : porro prius medium satis aptum quidem est, quando paro-
chus, mente et corpore validus, adjutore dumtaxat indiget ob nimiam populi multitudinem; nec mirum in hoc casu ipsi parocho a jure relictam fuisse adjutoris seu vicarii sui electionem. Atvero quando ex senio, corporisve et præsertim mentis infirmitate, regendæ parochiæ impar factus est parochus, nemo non videt aptum eum hoc ipso non esse, ad recte eligendum adjutorem suum. Ergo tunc pertinere debet hæc electio et

deputatio ad Episcopum. Jam vero sacerdos, *auctoritate Episcopi* adjunctus parochi ad ei auxiliandum, est hoc ipso, non simplex parochi vicarius, sed proprie dictus coadjutor. Ergo in dicto casu infirmi parochi, ad Episcopum pertinere debet eidem coadjutorem dandi potestas.

PROPOSITIO III^a. — *Potest insuper dari coadjutor illi parochi, qui necessaria ad officium suum scientia destitutus reperitur.* — Constat ex capite 6 sessionis 21 Tridentini concilii, ubi in hunc modum id decernitur : « Quia illitterati et imperiti parochialium ecclesiarum rectores sacris minus apti sunt officii;... Episcopi, etiam tanquam Apostolicæ Sedis delegati, eisdem illitteratis et imperitis, si alias honestæ vitæ sint, coadjutores, aut vicarios pro tempore deputare, partemque fructuum eisdem pro sufficienti victu assignare, vel aliter providere possint; quacumque appellatione et exemptione remota. » Hac lege Tridentina attinguntur etiam parochi exempti, cum Episcopis tribuatur dicta potestas *etiam tanquam Sedis Apostolicæ delegatis*; quod notatum vide apud Barbosam (*de Parocho*, cum *Addit.* Giraldis, c. 22, n. 8).

PROPOSITIO IV^a. — *Potest Episcopus parochos, etsi jam a se vel prædecessoribus examinatos, ad examen vocare, ut videat num requisita scientia destituantur; modo tamen contra eos publicæ vi-geat ignorantie suspicio.* — Ex eo quod Episcopo Tridentina synodus potestatem tribuerit coadjutores dandi parochis ob imperitiæ causam, inferunt doctores, « posse Episcopum ad examen vocare parochos, ut ei per experientiam innoscat, an illorum scientia sit extenuata, et boni mores mutati; nam quamvis a principio collationis parochialis beneficii scientia parochorum fuerit nota, decursu temporis diminui potest. » (Barbosa, *de Parocho*, cap. 22, n. 10.) Cum tamen durum videretur parochos semel examinatos et approbatos sic ad examen iterum vocari posse pro arbitrio Episcopi, varia orta sunt, et ad Sacram Congregationem Concilii transmissa dubia; quorum decisionem transcribimus ex Giraldo (*Additamenta ad Barbosam, de Parocho*, cap. 22, n. 10) :

I. Quoad parochos, etiam regulares, a prædecessore Episcopo constitutos, Sacra Congregatio die 26 augusti 1628 censuit : *Episcopos successores posse, superveniente rationabili causa, iterum ex officio, etiam extra visitationem, examinare parochos, alias ad ecclesias parochiales approbatos* (libro 13 decretorum, folio 520, a tergo). Item quoad eosdem parochos, die 13 januarii 1635, Sacra Congregatio respondit : *Episcopos successores, superveniente rationabili causa, posse, etiam ex officio, iterum examinare, tam in visitatione quam extra, parochos, quamvis regulares, approbatos tempore provisionis parochialium* (libro 15, folio 146 a tergo). « Ad quorum examen devenire » potest Episcopus etiam pro libito, et pro sola quiete conscientie suæ, quemadmodum et ipsum sacre Rotæ tribunal constituit, decisione 257 parte 19 *Recentiorum*, n. 5. » (Giraldi, loco citato.)

II. Quoad parochos ab eodem Episcopo in præcedenti examine approbatos, Sacra Congregatio Concilii, die 22 septembris 1668, Pampilonensi Episcopo respondit in hunc modum : *Cum sub die 15 januarii 1667, ad instantiam Episcopi Pampilonensis a Sacra Congregatione resolutum fuerit, 1° posse Episcopum examinare parochos et rectores semel approbatos ad curam animarum, quando adest vehemens suspicio de illorum imperitia; 2° posse ad hujusmodi examen procedere etiam extra visitationem; 3° ad dictum examen faciendum haud necesse esse ut judiciales probationes imperitiæ præcedant : nunc supplicat Episcopus ipse, per hanc Sacram Congregationem ulterius declarari, an in actis visitationis diocesis possit Episcopus examinare parochos quotquot visitat, etiamsi contra illos, vel aliquem ipsorum non vigeat suspicio imperitiæ. — Sacra Congregatio, 22 septembris 1668, respondit negative.*

Ex hac ultima a decisione sic infert Benedictus XIV (*Inst. eccles.* 60, sub finem) : « Atque ita pro novo examine sola conscientie sedandæ ratio non sufficit : insuper necesse est, ut » is rumor palam in omnes emanaverit, parochum, eorum » quæ ad curam animarum gerendam pertinent, memoriam

« amisisse, et ob socordiam pro sustinenda tam gravi pro-
 « vincia esse imperitum; sicut Patres Sacræ Rotæ accurate
 « perpenderunt, decisione 527, parte 19 recent., n. 16 et
 « seq. »

Ex his porro documentis veram probari thesim nostram,
 satis per se patet.

CAPUT III.

QUALIS COADJUTOR PAROCHO DARI POSSIT AUT DEBEAT.

PROPOSITIO I^a. — *Episcopus parochio dare nequit coadjutorem cum futura successione.* — Nam Tridentina synodus (sess. 25, c. 7) coadjutorias cum futura successione proscripsit; et ab ea generali proscriptione unicam admisit exceptionem; quoad Episcopos nempe et Abbates, ex urgentis necessitatis, vel evidētis utilitatis causa. En decreti verba : « In coadjutoriis
 « quoque cum futura successione idem posthac observetur, ut
 « nemini in quibuscumque beneficiis ecclesiasticis permittatur.
 « Quod si quando ecclesiæ cathedralis aut monasterii urgens
 « necessitas aut evidens utilitas postulet Prælato dari coadju-
 « torem, is non alias cum futura successione detur, quam hæc
 « causa prius diligenter a sanctissimo Romano Pontifice sit
 « cogita, et qualitates omnes in illo concurrere certum sit,
 « quæ a jure et decretis hujus sanctæ synodi in Episcopis et
 « Prælatis requiruntur. » Ex hac generali Ecclesiæ lege se-
 quitur, non posse Episcopum parochis canonicisve dare co-
 adjutores cum futura successione; sed ad ejusmodi coadju-
 torias concedendas (ubi id ex specialibus circumstantiis
 opportunum videretur) requiri potestatem quæ sit supra ca-
 nones, nempe Pontificiam.

Cæterum neque in jure ante Tridentinam synodum vigente
 ullum reperire est fundamentum, quo dictæ coadjutoriæ cum
 futura successione fulciantur; sed ex consuetudine tantum

(prout passim adnotant canonistæ) hujusmodi coadjutoriae inductæ fuerant. Unde Tridentini Patres eas proscribendo, juri antiquo scripto non derogarunt, sed jns illud confirmarunt. Imo derogasse potius censendi sunt admittendo præfatam exceptionem quoad Episcopos et monasteriorum Prælatos. Quam doctrinam de coadjutoria *perpetua*, seu cum futura successione, commuiter traditam reperies a doctoribus; inter quos sic Ferraris (verbo *Coadjutor*, n. 3): « Hæc ex stylo est
 « adinventæ (ut apud Cassiodorum, decisione 2, n. 2, de *Restit.*
 « *spoliatorum*; Fagnanum, in caput *Ex parte*, de *Clerico ægrot.*,
 « n. 15); cum talis coadjutoria sit sacris canonibus inimica,
 « et odiosa (capite *Accepimus* 5, de *Pactis*; capite *Nulla* 2,
 « de *Concessione præb.*; capite *Detestanda* 2, et capite *Ne ca-*
 « *ptandæ* 3, de *Concessione præbendæ*, in 6); et expresse pro-
 « hibita a concilio Tridentino (sess. 25, c. 7). Unde coadjutoria
 « perpetua cum futura successione, utpote sacris canonibus
 « odiosa, et Patrum decretis contraria, concedi non potest
 « nisi per Papam; cum ipse solus secundum plenitudinem
 « potestatis de jure possit supra jus dispensare (capite *Pro-*
 « *posuit* 4, de *Concessione præbendæ*, ibi: *Qui secundum plenu-*
 « *dinem potestatis de jure possumus supra jus dispensare*). Hinc
 « fit quod talis coadjutoria cum futura successione nequeat
 « concedi neque a Cardinali Legato seu Nuntio. »

PROPOSITIO II^a. — *Coadjutor habere debet qualitates quas requirit officium pro quo datur.* — Sequitur ex eo quod et ipse conjunctim cum coadjuto officium illud explere debeat: imo et solus officio illo fungi debebit, si coadjutus omnino inhabilis efficiatur. Hinc in admittenda proposita thesi concordant doctores; inter quos sic Ferraris (verbo *Coadjutor*, n. 18): « Coad-
 « jutor debet habere omnes qualitates de jure requisitas ad
 « illud officium pro quo datur. Sic expresse statuit concilium
 « Tridentinum (sess. 25, c. 7). Unde debet esse constitutus in
 « illa ætate, quæ ad obtinendum illud beneficium, seu eccle-
 « siam requiritur (Rota..., Gonzalez..., Garcias..., Barbosa...
 « et alii passim). Et si coadjutor datur in spiritualibus pa-

« rocho, verbi gratia, aut Episcopo, debet habere scientiam
 « et prudentiam, qua sciat populum regere, parochiam vel
 « diœcesim gubernare, animarumque sibi commissarum saluti
 « prospicere... »

CAPUT IV.

AN REQUIRATUR CONSENSUS PAROCHI UT IPSI DARI POSSIT COAD-
 JUTOR; ET NUM APPELLARE POSSIT, SI INVITO SIBI COADJUTOR
 IMPONATUR.

PROPOSITIO I^a. — *Potest Episcopus parochis, etiam invitis, coadjutores dare, ob causas canonicas supra expressas.* — Nam si agatur de dando coadjutore ex causa imperitiæ, id fieri posse etiam renitente parcho, patet ex ipsis verbis Tridentini decreti, *quacumque appellatione remota*. Qui enim appellat, profecto non consentit. Cum ergo dari possit coadjutor parcho, non obstante ejus appellatione, dari utique potest ipsi non consentienti, seu invito. Idem autem dicendum, casu quo dandus sit coadjutor ob corporis animive permanentem infirmitatem. Nequaquam scilicet requiritur etiam tunc parochi consensus. Nam textus juris qui dandum in hoc casu coadjutorem decernunt, minime tanquam conditionem hunc consensum requirunt; sed absolute loquuntur; verbi gratia, capite *de Rectoribus* (3, *de Clerico ægrot.*) absolute dicitur, *eis dandus est coadjutor*. Et præterea si lex voluisset id ab arbitrio coadjuvandi parochi pendere, inutile erat quidquam decernere; siquidem quod possit dari coadjutor parcho in id consentienti dubium esse nequit. Insuper nisi etiam invitis parochis posset Episcopus coadjutores dare, non attingeretur legis scopus, ut nempe ex infirmitate parochi detrimentum parochia non patiatur. Siquidem coadjutorem recusante parcho, huic malo Episcopus mederi non posset. Et tandem ita tenent unanimiter canonistæ. Unde ad Episcopum pertinet judicare, num ex

senio aliave corporis aut mentis infirmitate, dari legitime possit coadjutor alicui parochi. Nec queri potest parochus quod sibi, nec audito, nec consentienti, coadjutor datus sit; quia in hoc Episcopus jure suo utitur. Quod si prætendat parochus non adesse sufficientem causam canonicam, appellare quidem ab Episcopi decreto poterit, prout sequenti propositione dicimus; non autem ex eo capite decretum oppugnare, quod sibi non consentienti coadjutor datus sit.

PROPOSITIO II^a. — *A decreto Episcopi coadjutorem dantis appellare potest parochus ad effectum devolutivum tantum, si ob causam imperitiæ coadjutor datus sit: ad utrumque autem effectum, si ob causam infirmitatis animi aut corporis.* — Est principium certum, posse quemlibet, qui se gravatum existimat, appellare, et quidem quoad effectum etiam suspensivum, exceptis iis casibus, in quibus lex appellationis beneficium expresse denegat. Porro quoad casum dati coadjutoris *ex infirmitatis causa*, nullibi reperio in jure sublatam appellationem; unde concludendum videtur, in hoc casu parochum appellare posse, eum effectum, non tantum devolutivo, sed etiam suspensivo; ita scilicet ut, interjecta appellatione, decretum suum nequeat Episcopus executioni mandare; sed expectare debeat superioris judicis sententiam.

In casu autem dati coadjutoris *ob imperitiæ causam*, dicimus appellare quidem posse parochum, sed ad devolutivum dumtaxat effectum. Nam in hoc casu dari posse coadjutorem decrevit Tridentina synodus, *quæcumque appellatione remota*. Porro per talem formulam auferri appellationem in suspensivo dumtaxat, non autem in devolutivo, tenent doctores unanimiter; et nos ipsi probavimus in tractatu *de Judiciis ecclesiasticis*, ubi de appellatione disseruimus. Atque ita decisum a Sacra Congregatione Concilii adnotat Barbosa his verbis: « Per illud decretum tollitur appellatio ad effectum suspensivum, sed non devolutivum; ut ex Sacræ Congregationis » et Rotæ decisionibus probat Garcias » (*de Parocho*, cap. 22, n. 10).

Hinc si ob dictam imperitiæ causam coadjutorem parochio dederit Episcopus, appellare quidem poterit parochus; sed non obstante hac appellatione, liberum erit Episcopo decretum suum ad executionem deducere, quin attentati vitium incurrat.

CAPUT V.

CONGRUA COADJUTORIS QUOMODO DETERMINANDA, ET UNDE SIT DESUMENDA.

I. Quando parochiæ proventus sufficere possunt ad convenientem sustentationem tam coadjuti, quam coadjutoris, ex iis proventibus seu fructibus desumenda est coadjutoris portio congrua. « Et in hoc conveniunt omnes doctores, » ait Ferraris (verbo *Coadjutor*, n. 32). Vide ibidem textus juris, ad hoc firmandum adduci solitos.

II. Quando parochiæ proventus ad amborum sustentationem non sufficiunt, an primum providendum sit coadjuto, an vero potius coadjutori, res est apud canonistas disputata (Ferraris, ibid., n. 33). Sed *communior* sententia est, præferendum esse coadjutum (ibid., n. 35). Ipsi proinde primum est de fructibus parochiæ providendum. Coadjutori vero ut sequitur.

III. « Si redditus ecclesiæ pro utroque non sufficiant, tunc « coadjutori, pro quanto adhuc ipsi ad congruam sustentationem deficiet, providebit Episcopus, in quantum sibi possibile erit. » (Ferraris, ibid., n. 40.)

IV. « Si nullo modo id Episcopus præstare sufficiat, tunc « auctoritate ejusdem Episcopi erit cogendus populus ad « coadjutori necessaria præbenda » (ibidem, n. 41). Id autem concludit Ferraris, tum ex aliis juris textibus, tum præcipue ex capite 4 sessionis 22 Tridentinæ synodi, « ubi statuitur, « quod si redditus ecclesiæ non sufficiant pro sacerdotibus pa-

« rochialium noviter erectarum, cogi possit populus ea sub
 « ministrare, quæ sufficiant ad vitam dictorum sacerdotum
 « sustentandam. » Cæterum ita decisum fuisse in quadam
 causa *Theatina* refert Fagnanus (in caput *de Rectoribus* 3, *de Cle-*
rico ægrotante, n. 13). Et esse communem doctorum senten-
 tiam, vide apud Ferrarium, loco citato.

V. Quod autem ad Episcopum pertineat coadjutoris con-
 gruam taxare, extra omnem controversiam est.

VI. Ab ea taxatione non poterit appellare quoad effectum
 suspensivum parochus ille, cui datur coadjutor *propter impe-*
ritiam. Siquidem in decreto Tridentino (sess. 21, c. 6) hunc
 casum respiciente, apponitur clausula, *quacumque appellatione*
remota : quibus verbis tollitur appellatio, non quidem devo-
 lutiva, sed suspensiva, ut alibi diximus.

VII. Quando autem ob alias causas canonicas datur coad-
 jutor, non reperitur apposita illa clausula. Unde videtur,
 posse tunc parochum quoad utrumque effectum appellare a
 taxatione congruæ, coadjutori assignatæ, si hæc pinguior sit,
 et ipsi plus æquo præjudicet.

CAPUT VI.

QUID POSSIT, ET AD QUID TENEATUR COADJUTOR PAROCHI.

I. Cum ideo deputetur coadjutor ut parochus in obeundis
 muniis parochialibus supplere possit, ex facto ipso deputa-
 tionis, censenda est collata ipsi jurisdictio fori pœnitentialis.
 Item censenda est facta illi delegatio, ut valide matrimoniis
 assistere possit.

II. Si parochus omnino inhabilis evaserit (verbi gratia, si
 usum rationis amiserit), ad coadjutorem pertinet parochiam
 regere, periunde ac si ipse parochus esset.

III. Nequit coadjutor ea munia obire, quæ coadjutus potest
 et vult per se ipsum explere.

IV. Impedito parcho, tenetur coadjutor supplere, prout requirit debita animarum cura. (Vide Leurenium, tractatus de Coadjutoriis, q. 380, n. 2.)

V. Coadjutor requisitus a coadjuto, ut aliquod munus parochiale obeat, tenetur id præstare; quamvis coadjutus, nequaquam impeditus, illud ipsum possit ipse peragere. Vide Leurenium, loco citato, n. 3.

VI. *Tam coadjutor, quam coadjutus parochus ad residentiam tenentur.* — Id traditur unanimiter a canonistis; et fuit a Sacra Congregatione Concilii decisum; prout inter alios testatur Barbosa in hunc modum: « Tenentur coadjutores hujusmodi « ad personalem residentiam, sicut rectores ipsi, ut censuit « Sacra Congregatio Concilii... Tenentur etiam coadjuti residere. Licet enim coadjutor ratione infirmitatis parochi ei « datus fuisset, nihilominus parochus coadjutus debet residere « in loco, ubi sita est ecclesia parochialis; sicut declaravit « eadem Sacra Congregatio Concilii... Sic etiam si coadjutor « detur inhabili et illitterato, coadjutus per hoc abesse non « poterit, ne sit melioris conditionis stultus quam litteratus: « eadem Sacra Congregatio. » (Barbosa, *de Parcho*, cum *Addit.* Giral-di, cap. 22, n. 14 et 15.)

Ferraris (voce *Coadjutor*, n. 37) refert obligationem residendi quoad parochum coadjutum decisam fuisse his verbis: *Propter deputationem coadjutoris, parochus, cui datur, non poterit abesse a residentia.*



PARS IV.

QUID POSSINT PAROCHI,

SEC

DE IPSORUM JURIBUS ET PRÆROGATIVIS.

Dicemus 1° de distinctione inter jura parochialia, functiones parochiales, et functiones mere sacerdotales; 2° de jure parochorum nominandi et amovendi vicarios seu adjutores suos; 3° de jure parochi quoad baptismata; 4° quoad sacramentum pœnitentiæ; 5° quoad sacramentum Eucharistiæ; 6° an et quatenus possit parochus binas missas eodem die celebrare; 7° de jure parochi quoad matrimonia; 8° quoad viaticum et extremam-unctionem; 9° quoad oblationes; 10° quoad funeralia; 11° quænam sint functiones parochiales, id est, quæ nonnisi a parochi, aut de ipsius licentia peragi possunt; 12° de jure parochorum quoad stolæ delationem; 13° quoad benedictionem sollemnem per verba *sit nomen Domini benedictum*; 14° de potestate parochi dispensandi a jejunio, abstinentia, et a præcepto servilia opera diebus festis prohibente; 15° de jure parochorum quoad confraternitates; 16° quoad regulares; 17° quoad varia, superius non recensita.

CAPUT I.

DE DISTINCTIONE INTER JURA PAROCHIALIA, FUNCTIONES
PAROCHIALES, ET FUNCTIONES MERE SACERDOTALES.

Nulla fere materia tot litibus et dubiis ortum dedit, quam ea, de qua nunc nobis agendum, jura et munia parochorum propria respiciens. In ea vero excutienda constans fuit doctorum praxis, ut inter *jura parochialia* et *functiones parochiales* distinctionem instituerent; quamvis potuissent ejusmodi functiones sub jurium parochialium denominatione comprehendere, cum et ipsæ jus aliquod parochorum constituent. Cum autem distinctioni huic Romanæ congregationes, in suis hac de re edendis variis decretis et declarationibus, sese accommodaverint (ut infra patebit), ad eam omnino est attendendum. Unde hic præmittendum duximus, quid per jura parochialia et per functiones parochiales, quatenus hæc duo inter se contradistinguuntur, intelligi soleat.

§ I.

Quid strictiori sensu per jura parochialia intelligatur.

Solent doctores ea potissimum quæ paroco *utilitatem* adferunt, non autem quamdam dumtaxat præminentiam seu honorem, *jurium parochialium* nomine, strictiore veluti sensu, complecti. Quorum jurium catalogum olim contextit Abbas Panormitanus (*de Parochiis*, n. 2), in nonnullis hodie deficientem, ob mutatum postea commune jus. Cæteri autem recentiores canonistæ in conficienda ejusmodi jurium parochialium enumeratione concordant. Inter quos sic Leurenus: « Jus parochiale consistit in pluribus: nimirum in obligatione parochianorum recipiendi in Ecclesia parochiali sacramentum Eucharistiæ in paschate; aliaque sacramenta

« conferenda moribundis, p[ro]p[ter]ta, eucharistiam pro viatico, et
 « extremam-unctionem; in jure funerandi et sepulture; in
 « jure percipiendi oblationes, et decimandi » (*Forum benefi-*
ciale, parte 1, q. 449). Vide etiam Cardinalem de Luca (*de*
Parochiis, discursu 31, n. 8).

Etsi autem communiter recepta sit hæc jurium parochia-
 lium enumeratio, non tamen pro completa habenda videtur.
 Sunt enim alia parochorum jura, quæ parochialibus functio-
 nibus minus apte adscriberentur; verbi gratia, jus admini-
 strandi temporalia ecclesiæ suæ bona, interessendi diocæ-
 sanæ synodo, etc.

§ II.

Quid per parochiales functiones seu parochialia munia soleat intelligi.

« Præter jura parochialia, quæ cum utilitate parochorum
 « plerumque conjunguntur, et de quibus canonum interpre-
 « tes frequenter verba faciunt, *munia* quoque parochialia re-
 « censentur; quæ ita dicta sunt, eo quod ad parochos reipsa
 « pertineant, aut illis saltem convenient, vel ob naturam mu-
 « nerum, quæ cum juribus parochialibus omnino copulantur,
 « vel ob dignitatem et conjunctionem quam habent parochi
 « cum pastoralis officio, cujus causa parochus vices Episcopi
 « gerit et exhibet. » (Cardinalis Colloredus, apud Benedi-
 ctum XIV, institutione 105, n. 91.) « Jura vero quæ honori-
 « fica sunt et præeminentialia, et quæ vere et proprie ver-
 « santur circa functiones ecclesiasticas, improprie dictas
 « functiones parochiales, distinguuntur a juribus parochiali-
 « bus; et ea sunt quæ in earum exercitio præ se ferunt
 « quandam honorificentiam et præeminentiam » (apud Bene-
 dictum XIV, loco citato, n. 103). Ejusmodi parochiales fun-
 ctiones enumerat Barbosa in suo tractatu *de Officio parochi*,
 capite 12. Sed cum hac de re varia, atque inter se pugnantia,
 non tantum canonistæ scripserint, sed et congregationes Ro-

manæ olim declaraverint, ad determinandum quæuam functiones privative ad parochos pertineant, standum præcipue est decreto generali Sacræ Congregationis Rituum diei 10 decembris 1703, quod ad tolleudas ejusmodi contrarietates summa cura confectum est, et a Sede Apostolica confirmatum. De qua parochialium functionum recta enumeratione tractamus infra. Hic vero volumus dumtaxat lectorem præmonere, quid per jura parochialia, et quid per functiones parochiales soleant doctores intelligere. Cæterum eas functiones quæ ab aliis etiam presbyteris, absque parochi assensu, peragi possunt, *mere sacerdotales* vocabimus, ad distinctionem earum quæ solis parochis competunt.

In sequentibus porro capitibus, singula parochialia jura perlustrabimus. Tum ad functiones etiam parochiales gradum faciemus, atque enodandæ huic intricatissimæ juris sacri quæstioni adlaborabimus.

CAPUT II.

DE JURE PAROCHORUM NOMINANDI ET AMOVENDI VICARIOS, SEU ADJUTORES SUOS.

Gravissimam illam quæstionem expediemus hoc ordine : 1° parochorum coadjutores seu cooperatores in duplicem classem distinguemus. 2° Probabimus ad Episcopum spectare nominationem seu deputationem coadjutorum proprie dictorum; id est, qui parochi adjunguntur ex causa infirmitatis aut iuscitæ. 3° Nominationem vero coadjutorum improprie dictorum (qui nempe constituuntur ex causa numerosioris populi, quique in Gallia vocari solent vicarii) pertinere ad ipsummet parochum, non ad Episcopum. 4° Vicarios tamen a parochi sibi electos, esse ab Episcopo approbandos. 5° Expendemus quomodo eorundem vicariorum amotio ad parochum pertineat, et quomodo ad Episcopum. 6° Nonnulla adnotabi-

mus de hodierna Galliarum praxi quoad ejusmodi vicarios seu adjutores parochorum.

§ I.

Distinguendi sunt duplicis speciei coadjutores parochorum.

I. Ea vox *coadjutor* in jure atque apud canonistas passim occurrit duplici sensu relative ad parochos usurpata. *Primo* nempe, et quidem stricto sensu, quando agitur de illo coooperatore, qui parochi datur, eo quod is, sive ob aliquam pereunem animi aut corporis infirmitatem, sive ob necessariæ scientiæ defectum, reperitur inhabilis ad gerendam convenienter animarum curam. Hoc sensu, verbi gratia, capite *de Rectoribus* (3, tituli 6, libri 3 decretalium), de parochis lepra laborantibus dicitur: *eis dandus est coadjutor, qui curam habeat animarum, et de facultatibus ecclesiæ ad sustentationem suam congruam recipiat portionem*. Et generatim quando ob senium, aliamve pereunem animi aut corporis infirmitatem datur parochi auxiliator, qui in administratione curæ suppleat, hic coadjutoris nomine solet a doctoribus designari. Item ob causam imperitiæ ejusmodi *coadjutores sive vicarios* ab Episcopo dari posse parochis, decrevit Tridentina synodus (sess. 21, cap. 6). *Secundo* hoc etiam *coadjutorum* vocabulo frequenter utuntur canonistæ ad designandos eos sacerdotes, qui deputantur ad auxiliandum parochi, non ex eo quod is infirmus sit aut inhabilis, sed quod ita numerosus sit populus, ut solus parochus ministrandis sacramentis sufficere nequeat. Hæc vero posterior coadjutorum classis valde differt a priori, quoad effectus juris, ut mox dicemus. Imo coadjutorum denominatio priori classi censetur propria; nec ad posteriorem extenditur nisi largo quodam sensu. Hinc sæpe etiam hujus posterioris classis auxiliares, vocantur parochorum *vicarii*; quæ denominatio in Gallia præsertim generaliter obtinet. Item et aliis passim nominibus nunciantur, verbi gratia, *cappellanorum*,

quando simul de aliqua cappellania sunt provis; auxiliatorum, adjutorum : et Parisiis, non a multo tempore, vocabantur *sacerdotes administratores*, ex præcipuo nempe eorum officio, parochum adjuvandi eique supplendi in sacramentorum administratione. Quæ ultima denominatio satis congruit modo loquendi Tridentinæ syodi, dum (sess. 21, cap. 4) decernit ut « Episcopi, in omnibus ecclesiis parochialibus, in quibus populus ita numerosus sit, ut unus rector non possit sufficere sacramentis administrandis et cultui divino peragendo, cogant rectores sibi tot sacerdotes ad hoc munus adjungere, quot sufficiant ad sacramenta exhibenda, et cultum divinum celebrandum. »

II. Nobis sub præsentî capite agendum est, non de coadjutoribus strictè sumptis (de quibus disseruimus supra, parte 3, sectione 5), sed de altera sacerdotum parochis auxiliantium classe; quos, ad vitandam omnem ambiguitatem et confusionem, solo *vicariorum* seu *adjutorum* vocabulo designabimus. Et de his expendenda venit, inter alias, gravis quæstio, ad quem pertineat eorum nominatio atque remotio; an scilicet ad parochum, an ad Episcopum.

§ II.

Ad parochum pertinet adjutores vicarios suos sibi eligere et nominare; quamvis eorum approbatio spectet ad Episcopum.

Prænotanda. — 1° Præcipuus juris textus quo fundatur jus illud parochorum est caput 4 sessionis 21 Tridentini concilii, in quo sic decernitur : « Episcopi, etiam tanquam Apostolicæ Sedis delegati, in omnibus ecclesiis parochialibus vel baptis-
malibus, in quibus populus ita numerosus sit, ut unus rector non possit sufficere ecclesiasticis sacramentis ministrandis, et cultui divino peragendo, cogant rectores, vel alios ad quos pertinet, sibi tot sacerdotes ad hoc munus adjungere; quot sufficiant ad sacramenta exhibenda, et cultum divinum celebrandum. »

2^o Auctor quidam Gallicus, nomine Corgne (in suo libro *Défense des droits des Evêques*, tomo 2, pagina 417, edit. Parisiis 1768), ejusmodi vicariorum nominationem gnaviter conatus est Episcopis vindicare. Ad quem scopum, *primo* fingit doctrinam contrariam fuisse Jansenistis veluti propriam. Excepto scilicet canonista Gibert, solos memorat jansenisticæ sectæ scriptores, et præsertim Van-Espenium, qui eam propugnaverint : pontificia autem documenta, necnon Sacræ Congregationis Concilii declarationes, et catholicorum doctorum sententiam, quæ doctrinam illam et communem probant, et certam (ut mox videbimus) faciunt, alto silentio prætermittit. *Secundo*, multa congerit, quæ adeo palam extra quæestionem vagantur, ut mirationem moveat hæc ab eo fidenter tanquam peremptorias probationes afferri. Adducit, verbi gratia, nonnullorum provincialium conciliorum statuta, quibus prohibentur parochi sibi vicarios constituere, nisi *idoneos et ab Episcopo approbatos* : de cujus approbationis necessitate nulla est difficultas. Item quibus Episcopo tribuitur potestas dandi *coadjutorem* paracho ob inscitie causam; quod pariter a nullo in quæestionem vocatur, cum id expresse decreverit Tridentina synodus sessione 21, capite 6. Item quibus probatur, vicarium, a quo (vacante parochia, seu absente ad notabile tempus paracho) principaliter exercenda est animarum cura, esse ab Episcopo deputandum : de qua vicariorum specie nullatenus agitur ; cum quæstio sit dumtaxat de vicariis, paracho residenti, valido, et sufficienter perito, auxilium præstantibus ob ingentem populi numerum. *Tertio* textum Tridentinum ita interpretatur, ut verba hæc *sibi adjungere sacerdotes* idem sonent ac *eis necessaria ad vitæ sustentationem suppeditare* : « Le concile de Treute n'a voulu dire autre chose, sinon que les Evêques pourront contraindre tous ceux qui sont ainsi chargés des paroisses, de pourvoir à la subsistance des prêtres nécessaires... » (loco citato, pag. 432).

3^o Verum est Jansenistas scriptores jus illud parochorum vicarios suos nominandi propugnasse ; sed cum in hoc Roma-

nis Pontificibus, Sacræ Congregationis Concilii declarationibus, et communi doctorum catholicorum sententiæ consonent, non est cur ideo doctrina hæc rejicienda videatur. Illam nos probabimus, non ex impuro Giberti, Van-Espenii, aliorumve id genus scriptorum fonte; absit: sed ex auctoritatibus, quæ apud catholicum quemque vim habere, et summa cum veneratione recipi mereantur. Quibus prænotatis, proposita thesis

PROBATUR I. — *Ex ipso Tridentino textu.* — Dum scilicet decernunt Tridentini Patres, ut Episcopi parochos *cogant sibi vicarios adjungere*, aperte et æquivalenter nominationem hanc parochis ipsis tribuunt. Si enim debuisset nominatio hæc ab Episcopis fieri, non usi fuissent hac formula, *cogant parochos si adjungere* vicarios; bene vero hac altera, *parochis vicarios adjungant*. Imo si vicarius nominetur ab Episcopo, et sola Episcopi auctoritate deputetur et in parochia constituatur, jam non potest *cogi* parochus *ad adjungendum* sibi hunc vicarium; siquidem ex ipsa Episcopi nominatione et deputatione jam est *adjunctus* et constitutus. Ut proinde dicendum sit, vel Tridentinos Patres absurda et ridicula formula usos fuisse (quod profecto dicere nefas est), vel *adjunctionem* vicariorum, seu quod idem est, eorum electionem et nominationem, ad parochos ipsos pertinere. Quod tamen non impedit, quin debeant, ut dicetur infra, ejusmodi vicarii a parochis assumpti, approbationem ab Episcopo prius obtinere, quam officium suum exercere valeant. Sed etiamsi non foret adeo apertus et obvius hic tridentinorum verborum sensus, indubitatum eum fecissent sequentes auctoritates. Nempe,

PROBATUR II. — *Ex constitutionibus APOSTOLICI MUNERIS Innocentii XIII, et in SUPREMO Benedicti XIII.* — Dicta Innocentii XIII constitutio, § 11, sic habet: « Quoties itaque in aliis
« parochialibus ecclesiis, quæ, ut præfertur, unitæ non sint,
« oportuerit ex aliqua justa causa provideri per coadjutores
« parochorum, aut per vicarios temporarios; curæ erit Episcopis, pro data sibi a Tridentina synodo potestate, partem

« fructuum prædictis coadjutoribus aut vicariis assignandam
 « determinare... *Quod si parochi ab Episcopis moniti, congruo*
 « *iisdem termino præfixo, coadjutores, sive vicarios temporarios,*
 « *quoties opus fuerit, assumere neglexerint, poterunt ipsi Epi-*
 « *scopi eos, quos huic muneri idoneos censuerint, auctoritate*
 « *propria deputare, cum assignatione ante dictæ portionis fru-*
 « *ctuum. Et nihilominus, ubi etiam prædicti coadjutores aut*
 « *vicarii temporales a parochis nominati vel assumpti fuerint,*
 « *eorum de idoneitate Episcopis constare per examen debeat,*
 « *antequam ad exercitium admittantur; nec satis sit, quod*
 « *ad confessiones audiendas antea fuerint approbati, nisi aliis*
 « *etiam qualitatibus, ad curam animarum recte exercendam*
 « *opportunis, præditi noseantur. Quibus si carcant, nec paro-*
 « *chi deinde intra alium similem terminum, ab Episcopis præfi-*
 « *gendum, alios vere idoneos nominaverint, tunc pariter ad ipsos*
 « *Episcopos libere spectet deputatio, cum dicta congruæ assi-*
 « *gnatione...* Verum quia non satis animarum curæ et ne-
 « cessitatibus quandoque consultum est per hoc, quod ad
 « obeunda parochialia munia alii sacerdotes parochis adjun-
 « gantur, sed majora remedia adhiberi oportet..., etc.» (Ibi
 transit Pontifex ad easum, quo dismembranda est parochia.)
 In his Innocentii XIII verbis habes luce meridiana clarius de-
 clarata sequentia : 1° Quando parochis adjungi vicarios opus
 est, ad parochos ipsos spectat vicarios illos sibi *assumere et no-*
minare. 2° Si necessariam existimet Episcopus ejusmodi vica-
 riorum adjunctionem, debet parochi *præfigere congruum ter-*
minum, intra quem debeat vicarium vel vicarios sibi assumere
et nominare. 3° Si vero parochi, sic ab Episcopis moniti, intra
 præfixum terminum vicarios assumere negligant, *tunc pote-*
runt Episcopi propria auctoritate dictos vicarios deputare.
 4° Quando parochus vicarium *assumpsit vel nominavit,* debet
 nihilominus vicarius ille ab Episcopo examinari et approbari ;
 nec sufficit eum fuisse jam ad confessiones approbatum, sed
 debet specialiter quoad vicarii parochialis munus approbari.
 5° Si vicarium a parochi nominatum minus idoneum Episcopus

judicet, eumque rejiciat, non potest alium sibi bene visum ipse Episcopus deputare; sed debet iterum parochio terminum præfigere, ut alium sibi eligat. Et idem currit jus de hoc secundo, ac de priore; debet nempe et ipse ab Episcopo approbari. Parique modo procedendum quoad tertium, quartum, etc., si priores a parochio nominati rejecti fuissent. Hæc, inquam, aperte patent ex citata Innocentii XIII constitutione.

Objici utique posset dictam bullam universalem non fuisse, sed ad Hispaniarum dumtaxat ecclesias directam. Verum non is fuit constitutionis scopus ut nova, et decretis Tridentinis derogantia statuerentur; sed, quemadmodum ipsemet declarat Pontifex, ut corrigerentur *nonnulla, ecclesiasticæ disciplinæ rationibus, ac saluberrimis sacri œcumenici concilii Tridentini decretis haudquaquam consentanea, quæ sensim in diversis inclytæ nationis Hispanicæ locis obrepisse* perlata fuerant. Unde ea quæ adduximus haberi debent tanquam juris communis, et in specie tanquam juris Tridentini declarativa; ac proinde ad probandam thesim vim habere censenda sunt. Et notetur constitutionem hanc fuisse ab ipsamet Sacra Congregatione Concilii elaboratam. Editam autem illam reperies, et simul a Benedicto XIII per constitutionem *In supremo* confirmatam, ad calcem provincialis Romani concilii, anno 1725 celebrati.

PROBATUR III. — *Ex variis Sacræ Congregationis Concilii declarationibus.* — In causa *Mediolanensi*, 26 aprilis 1732. quam reperies in tomo 5 *Thesauri resolutionum*, agitur de quadam ecclesia collegiata, quæ simul erat parochialis. Residebat cura *habitualis* penes capitulum; *actualis* vero penes præpositum (eodem ferme modo, quo res se habet in cathedralibus, quando capitulo cathedrali cura fuit annexa: tunc nempe cathedrale capitulum est parochus *in habitu*, et curæ exercitium est penes vicarium ad hoc deputatum, qui ideo vicarius *curatus* dicitur). Fuit autem propositum, inter alia, hocce dubium: 2^o *An et ad quem spectet jus eligendi coadjutorem in exercitio curæ, quoties eo opus sit?* Et Sacra Congregatio respondit: *Ad secundum, spectare ad præpositum, cum ap-*

probatione Ordinarii. Ex quo vides vicariorum nominationem pertinere ad curatum, etiam quando non habet nisi curam actualem, remanente penes capitulum habituali cura.

Refert Zamboni (parte 1, verbo *Parochus*, § 2, n. 12) quomodo, condolentibus parochianis ejusdam parochiæ, quod, præ multitudine populi, unicus parochus præsto esse nequiret omnium spiritualibus necessitatibus, nisi mediante deputatione coadjutoris in animarum cura; « Episcopus, neglecta a « parocho facta deputatione hujusmodi, coadjutorem sacer- « dotem Felicem de Christophoro deputavit. Ast deputationem « hanc firmam non habuit Sacra Congregatio; et ut Ordina- « rius provideat ad formam concilii. (*Triventina*, deputationis « coadjutoris, 11 januarii 1716.) » Ibi expresse agitur de assumendo adjutore ob numerositatem populi. Hunc adjutorem seu vicarium sibi assumpserat parochus. Episcopus vero, non obstaute vicarii nominatione et deputatione a parocho facta, alium ipse deputavit. At Sacra Congregatio hanc ab Episcopo factam deputationem pro irrita habuit, et mandavit ut provideret ad formam concilii; id est, ut approbationem dumtaxat sibi vindicaret; nominationem vero parocho relinqueret: id enim ex citatis Zambonii verbis aperte colligitur.

PROBATUR IV. — *Ex communi doctorum sententia.* — Ferraris (verbo *Vicarius parochialis*, u. 43), postquam varias enumeravit causas, ob quas in parochiis constitui possunt vicarii temporales, et ultimo loco memoravit casum vacantis parochiæ, sic subjungit: « Deputatio vicarii temporalis, seu æco- « nomi clerici sæcularis, in hoc ultimo casu vacationis ec- « clesiæ, spectat ad Episcopum, in cujus diœcesi parochia « vacans sita est, seu ad eum qui potest instituere concur- « sum. » Sed excepto hoc casu (de quo in nostra thesi non agitur, cum disseramus dumtaxat de vicariis qui adjuvant parochos), laudatus auctor cæterorum vicariorum nominationem attribuit, non Episcopo, sed ipsimet rectori parochiæ, sive rector ille sit sæcularis, sive ecclesia parochialis sit regularis, vel regularibus subjecta: « Nominatio, inquit, aliorum vicario-

« rum temporalium, ad nutum amovibilium, spectat ad recto-
 « rem principalem, seu Prælatum monasterii cui beneficium
 « est unitum. Et Episcopus solum debet ipsum approbare, ac
 « licentiam administrandi sacramenta ei concedere, si per
 « examen vel aliunde sibi constet esse idoneum; nec ulla alia
 « requiritur collatio aut institutio... Vicarius temporalis nomi-
 « natus a superioribus regularibus, et a rectoribus principa-
 « libus, potest ab ipsis ad libitum removeri : non autem ab
 « Episcopo, nisi ex causa legitima et approbata, propter quam
 « (etiamsi perpetuus esset) privari posset. »

Consonat Fagnanius, in caput *Consultationibus, de Clerico ægrotante*, n. 13 : « Quamquam enim autoritas instituendi
 « vicarios perpetuos in beneficiis sit penes Episcopum (ut ca-
 « pite *Ex frequentibus, de Institutionibus*), curati tamen et
 « vicarii perpetui utique vicarios temporales, absque Episcopi
 « licentia, sibi assumere possunt, dummodo sint noti, et de
 « promotione eorum constet (ut notatur in capite *Adjicimus*,
 « 16, q. 1 : ad idem caput *Mulier*, 23 distinct. : ad hoc con-
 « cilium Tridentinum, capite 4 sessionis 21); dummodo tamen
 « statutum synodale, vel provinciale non impediat (capite
 « *Illud*, et capite *Nihil*, 7, q. 1). Hodie tamen approbari de-
 « bent ab Ordinario (ut in concilio Tridentino, capite 1 ses-
 « sionis 23, § *Eadem omnino*; et capite 11, versus *Nec ibi aliqui*,
 « sessionis 25, de *Regularibus*); et ab ipso Ordinario deputari
 « debent in casu capitis 7 sessionis 7, et capitis 6 sessio-
 « nis 21. »

Perpendamus tantisper hæc Fagnani verba. 1° Persuasum ei omnino fuit posse vicarios temporales assumi a parochis; imo et a vicariis perpetuis; idque *absque Episcopi licentia*. 2° Putavit id recte colligi, tum ex aliis juris textibus, tum præcipue ex capite 4 sessionis 21 Tridentini concilii; ac proinde ex supra citatis verbis, *cogant parochos tot sacerdotes sibi adjungere*, etc. : citat enim in probationem hoc caput 4 sessionis 21, in quo præcise agitur de vicariis, ob populi multitudinem, cui solus parochus providere nequit, constituendis.

3° Supponit olim ante Tridentinam synodum necessariam non fuisse, quoad ejusmodi vicarios, Episcopi approbationem; sed fuisse satis quod noti essent parochis eos assumendi, et de eorum ordinatione constaret: addit autem, post Tridentinum concilium omnino necessariam esse dictam ab Ordinario approbationem. 4° Quoad duas vicariorum species dicit, eos esse *deputandos* ab ipso Episcopo: nempe quoad vicarios de quibus agitur sessionis 7 capite 7, et sessionis 21 capite 6 Tridentinæ synodi. Porro in capite 7 sessionis 7 agitur de vicariis curatis parochiarum alicui capitulo vel monasterio annexarum; penes quos nempe residet tota actualis cura. In capite vero 6 sessionis 21 agitur de vicariis seu coadjutoribus, qui dantur parochis ob illius incertitiam. 5° Cum necessitatem hujus deputationis restringat ad duos illos casus, quoad alios vicarios temporales aperte supponit, posse eos a parochis, non tantum eligi et assumi, sed et deputari; necessariamque esse tantum ex parte Episcopi approbationem. 6° Dictum jus parochorum suos assumendi temporales vicarios sic limitat: *dummodo tamen statutum synodale vel provinciale non impediat*; et hanc limitationem fundat capitibus 15 et 16 quæstionis 1 causæ 7. Verum in his textibus Toletani Patres statuunt dumtaxat ut sacrificium missæ, quando celebrans viribus destituitur, per alium sacerdotem perficiatur: quod ad præsentem quæstionem nihil facit. Nec mihi videtur limitatio hæc concordare posse cum citato capite 4 sessionis 21. Nam, ex dictis, textus ille parochis tribuit jus vicarios suos sibi assumendi. Quod autem lege universali Ecclesiæ statutum fuit, tolli nequit per synodalia aut provincialia etiam statuta.

§ III.

Quatenus vicarii parochorum adjutores amoveri possint a parochis, et quid juris hodie in Gallia quoad nominationem et amotionem (remissive).

Ad calcem tractatus reperies, sub titulo *Appendicis* 1, di-

sceptationem de vicariis parochiarum et cappellanis; in qua expenditur quæstio, an et quatenus eorum remotio pertineat, sive ad parochum, sive ad Episcopum; et an parochus eos removere possit sine causa ab Episcopo approbata. Atque ibidem (capite I, § 5) statum præsentem ecclesiarum Galliæ perpendendo, concluditur, tam nominationem quam remotio-nem vicariorum hodie in ea regione ad Episcopos, non ad pa-rochos, pertinere.

CAPUT III.

JUS PAROCHI, QUOAD BAPTISMATA.

1° Certum est ad parochum regulariter pertinere jus sole-mniter baptizandi parochianos suos; ita ut prærogativa hæc inter jura parochialia numeretur. (Vide Barbosam, *de Officio parochi*, c. 18.)

Dicimus *regulariter*; quia titulo privilegii vel longævæ con-suetudinis posset cathedrali pertinere jus baptizandi pueros aliarum parochiarum civitatis, vel etiam diœcesis, qui ad illam deferrentur. Secluso ergo hoc casu.

2° Tenentur parochiani pueros suos baptizandos ad paro-chiam suam deferre; et peccant graviter si in alia parochia baptismum fieri procurent absque licentia sui parochi.

« Adco certum est quemcumque baptizandum esse in Ec-clesia cui subest, si habet fontem baptismalem, ut id etiam
« locum habeat quando baptizandi sunt ad fidem conversi;
« qui ex decreto Congregationis Concilii (22 septembris 1687,
« et 21 februarii, ac 28 augusti 1680, in *Napolitana, juris ba-*
« *ptizandi*) baptizari debent, non a parcho Metropolitanæ,
« sed a parochis parochiarum, intra quarum limites degunt. »
(Giraldi, *Additamenta ad Barbosam, de Parcho*, cap. 18, n. 7.)

3° Item si absque licentia proprii parochi alter sacerdos infantem, extra casum necessitatis, baptizet, peccat mortaliter;

et incurrit censuras latas contra usurpantes jura aliarum ecclesiarum. (Vide Giraldi, *Additamenta ad Barbosam, de Parocho*, cap. 18, n. 11.)

CAPUT IV.

JUS PAROCHI QUOAD SACRAMENTUM PŒNITENTIÆ.

I. Parochus vi officii ordinariam fori interni jurisdictionem habet in sua parochia; « et censetur quoad hoc a lege approbatus, absque alia desuper sibi facienda per Ordinarium « licentia, ut colligitur ex concilio Tridentino, sessione 23, « *de Reformatione*, capite 15, ibi, *nisi aut parochiale beneficium, etc.* » (Barbosa, *de Parocho*, cum *Additam.* Giraldi, c. 19, n. 1.)

II. Quamvis ordinariam jurisdictionem suam habeat parochus a lege, cam tamen habet dependentem ab Ordinario, quoad culparum reservationem.

III. « Ut notat Cardinalis de Lugo (*de Sacramento pœnitentiæ*, « disp. 20, sect. 3, n. 11), quamvis Episcopus possit jurisdictionem absolvendi, quam aliis sacerdotibus delegat, omnino « pro libito limitare, et ad paucissimas causas restringere, « tanta tamen potestate non potitur quoad parochos, quorum « jurisdictio, etsi ab Episcopo pendeat eique subjaceat, uon « est tamen delegata, sed ordinaria; nec potest sine legitima « causa, aut prorsus auferri, aut adeo imminui, ut fere inanis « remaneat. » (Benedictus XIV, *de Syn. dioc.*, libri 5, c. 4, n. 3.)

IV. Jurisdictio fori pœnitentialis quam habet parochus vi officii sui, non est quoad totam diœcesim, sed dumtaxat quoad civitatem vel oppidum ubi sita est parochia. Ita doctores communiter (vide Barbosam, *de Parocho*, cum *Additamentis* Giraldi, cap. 19, n. 3). Quod et a Sacra Congregatione Concilii declaratum refert ibidem Giraldi, in hunc modum: « Ita

« quidem decisum fuit a Sacra Congregatione Concilii (in Leo-
« diensi, mense augusto 1600, ad secundum dubium, ut libro 9
« decretorum, pag. 7). Ideoque, stante hoc decreto, ad remo-
« vendas omnes difficultates, expediret ut quilibet Episcopus
« expresse facultatem daret omnibus parochis audiendi con-
« fessionem in tota diœcesi. »

V. « Potest tamen, ait Giraldi loco citato, parochus in
« propria ecclesia absolvere parochianos alterius parochiæ,
« absque alia licentia, ut declaravit laudata Congregatio (in
« *Vilnensi*, 25 junii 1639, libro 16 decretorum, pag. 213,
« ad 5). »

VI. Ad dubium. « An curati unius diœcesis, vocati a parochis
« alienæ diœcesis, possint in illa audire confessiones, tam
« suorum subditorum, quam alienorum, absque licentia Epi-
« scopi loci, » Sacra Congregatio Concilii rescripsit : *Affirma-*
tive quoad subditos, negative quoad reliquos (in *Posmaniensi*,
3 decembris 1707, in *Thesaurò resolutionum*, tomo 9, p. 141).

VII. Ad dubium, « An sacerdotes approbati ad confessiones
« audiendas in una diœcesi, vocati a parochis alterius diœ-
« cesis, possint in ista audire confessiones quorumlibet absque
« approbatione Episcopi loci, » Sacra Congregatio, in citata
causa respondit, *negative*. Has binas responsiones refert Gi-
raldi (*Additamenta ad Barbosam, de Parocho*, c. 19, n. 3).

VIII. Quod diximus de restrictione jurisdictionis parochi ad
locum ubi curam exercendam habet, intelligitur, non quoad
parochianos suos, sed quoad ceteros ipsi non subditos; nam,
ut ait Barbosa, et tenent doctores unanimiter, « suorum con-
« fessiones potest etiam in aliena diœcesi, et ubique locorum
« audire. » (Barbosa, *de Parocho*, cum *Additamentis* Giraldi,
cap. 19, n. 5.) Atque id sequitur ex decisione Sacræ Congre-
gationis Concilii, modo relata, sub numero 6.

IX. Parocho non competit potestas dispensandi in votis;
quia caret jurisdictione fori externi, quæ ad hoc necessaria
est. (Vide *Additamenta Giraldi ad Barbosam, de Parocho*,
cap. 19, n. 10.)

X. An jus habeat parochus ut parochiani, tempore paschatis aut instante mortis periculo, sibi sacramentalem faciant confessionem, nec possint aliis sacerdotibus, nisi de ipsius licentia, confessionem illam facere?

Respondendum negative. Quam conclusionem peremptoriis auctoritatibus firmatam habes apud Benedictum XIV (*de Syn. diœc.*, lib. 7, cap. 64, n. 2 et seq.). Nec contrarium recentioribus temporibus sustinuerunt, nisi malesanæ doctrinæ auctores, veluti Launoy, Juenin, Vau-Espen, et horum similes. Et uotandum ne auctoritate quidem Episcopi posse hanc imponi fidelibus obligationem; prout etiam concludit laudatus Benedictus XIV (loco citato, n. 6). Possunt ergo fideles, etiam in paschate, atque etiam in mortis articulo, cui volueriat ex approbatis presbyteris, sive regularibus, sive sæcularibus, confessionem sacramentalem facere, absque ulla parochi licentia. Regulares tamen qui infirmorum confessiones audierunt, debent parochum de hoc certiores facere; prout statutum reperitur in constitutione *Suprema* (11 cal. junii 1670) Clementis X. Addit autem laudatus pontifex, *sufficere, ut certioratio hujusmodi fiat saltem per scripturam, apud ipsum infirmum relinquendam.*

XI. An jus habeat parochus exigendi a parochianis, dum Eucharistiam in paschate petunt, attestationem de facta sacramentali confessione alicui approbato sacerdoti? — Equidem generaliter decreverat sanctus Carolus Borromæus, ne parochi sacram Eucharistiam in paschate administrarent, *nisi confessis sibi, aut alicui ex confessariis approbatis, de qua confessione fidem scriptam ferant* (apud Benedictum XIV, institutione 45, n. 15). Abstrahendo autem ab ejusmodi statutis diœcesanis, quoad diœceses nempe ubi nihil hac de re præscripsit Ordinarius, dicendum non posse parochum attestationem ejusmodi generaliter ab omnibus exigere, sed dumtaxat ab eis, quos merito et ex gravibus rationibus suspicatur ad expiationis sacramentum non accessisse, quamvis contrarium asserant. De quo vide, citato loco, Benedictum XIV; qui

plene in hoc adhæret Roncalio, in hunc modum quæstionem solventi : « Certum est parochum posse denegare in paschate
 « communionem non exhibenti schedulam confessionis, quoties
 « prudenter credi uou possit alicui asserehti, se confessum
 « esse : nam tuuc, cum parochianus fidem non mereatur,
 « bene parochus abstinet se ab administranda iïdem commu-
 « nione. »

In tradenda autem dicta attestatione, sciat confessarius communiorem doctorum sententiam esse, quam et laudatus Benedictus XIV amplectitur, de *confessione* dumtaxat, non autem de *absolutione*, mentionem esse faciendam : « Testimo-
 « nium nempe de peracta confessione tribuendum sine ulla
 « absolutionis mentione ; si præsertim confessarius idem te-
 « stimonium aliis concesserit ; vel cognitum aliis perspectum-
 « que fuerit ad sacrum pœnitentiæ tribunal cum hominem,
 « de quo sermo est, accessisse. Nam si alius de confessione
 « solum peracta, alius vero de accepta pariter absolutione
 « testimonium accipiat, suspicandi locus præbetur, et sigil-
 « lum confessionis aliquo pacto violatur. » (Benedictus XIV, institutione 45, n. 10.)

XII. Nequit parochus ad confessiones audiendas vel prædicandum divinum verbum, sibi iu adiutorem assumere ullum sacerdotem, qui non sit ab Episcopo quoad hoc approbatus. Nam pro confessionibus tum licite, tum etiam valide audiendis omnino necessaria est approbatio Episcopi, ut constat ex capite 15 sessionis 23 Tridentinæ synodi ; et pariter ut quis, etiam a parcho invitatus, licite valeat prædicare, debet licentiam obtinere ab Ordinario, ut coustat ex capite 2 sessionis 5 ejusdem Tridentinæ synodi. Unde prorsus derelinquenda est opinio quorundam canonistarum, qui olim contrarium tenebant, prout Barbosa (in suo tractatu *de Parcho*, c. 19, n. 38).

CAPUT V.

JURA PAROCHI QUOAD SACRAMENTUM EUCHARISTIÆ.

I. Tenentur parochiani communionem paschalem facere in ecclesia parochiali.

II. Rejicienda est nonnullorum sententia, qui olim tenebant, posse huc præcepto satisfieri in ecclesia cathedrali a parochianis aliarum parœciarum. Vide id probatum pluribus decisionibus apud Giralaldi (*Additamenta ad Barbosam, de Parocho*, cap. 20, n. 12), et apud Benedictum XIV (institutione 18, et encyclica *Magno*, 2 junii 1751, § 21).

III. Ab hac lege excipiuntur laici degentes intra domos regularium, et actu ipsis inservientes; prout sic decisum a Sacra Congregatione Concilii refert Giralaldi (*Additamenta ad Barbosam, de Parocho*, cap. 20, n. 12): « An laicis, qui intra
« claustra regularium habitant, et illis actu serviunt, possint
« regulares sacramentum Eucharistiæ, et tempore paschæ, ac
« extremæ-unctionis ministrare, necnon in eorum ecclesiis
« eisdem laicis sepulturam dare? — Sacra Congregatio sub
« mense junii 1587 rescripsit, posse; ut libro 4 decretorum,
« pagina 267. »

IV. Contrarium dicendum de iis, qui apud regulares morantur, tanquam *hospites* (vide probatum a Giraldo, loco citato). Potest nempe parochus exigere, ut paschalem communionem in parochiali ecclesia recipiant.

V. Impedire nequit parochus, quin parochiæ suæ fideles cæteras præter paschalem communionem, in quibuslibet ecclesiis et cappellis publicis faciant.

VI. Hinc possunt regulares personis sæcularibus sacram communionem in suis ecclesiis distribuere, etiam toto tempore paschali (id est a dominica Palmarum, ad dominicam in Albis), excepto solo Paschatis die; quod vide pluribus Sacræ

Congregationis Concilii decisionibus firmatum, apud Benedictum XIV (*de Syn. diœc.*, l. 7, c. 42, n. 3). Die autem Paschatis nequeunt sacram Eucharistiam porrigere, etiam iis qui jam in sua parochia paschalis communionis præcepto satisfacere. Id pariter decisum reperies apud laudatum Benedictum XIV, citato loco.

VII. In oratoriis vero privatis, nec parochus, nec quilibet alius celebrans sacram synaxim præbere potest sine licentia Episcopi, quamvis ex indulto Apostolico in iis oratoriis possit missa celebrari; ut declaravit Benedictus XIV in citata encyclica *Magno*, 2 junii 1751, §§ 23 et 24 (de quo vide etiam Giraldum, citato loco).

VII. An jus habeat parochus suos parochianos cogendi ad audiendam missam in parochia? — Respondendum negative. Dicendum nempe, olim revera de jure communi adstrictos fuisse fideles ad interessendum sacro in suis quique parochiis. Postea vero huic obligationi derogatum fuisse contraria consuetudine. Tum et expresse variis summorum pontificum constitutionibus. Ita ut hodie certum sit, posse fideles præcepto missam audiendi satisfacere in quacumque ecclesia, modo tamen non sit cappella *privata*, seu oratorium *privatum*. Imo nequit hodie Episcopus præcipere suis subditis, ut se sistant missæ parochiali; nequit enim delere consuetudinem in toto orbe vigentem, utpote quæ juris communis naturam induit. Hæc probata vide apud Benedictum XIV (*de Syn. diœc.*, lib. 7, c. 64, a n. 7 ad 11), qui rem totam exinie discutit, et ad modo expositam conclusionem deducit.

VIII. An possit parochus exigere, ut parochiani ad verbum Dei audiendum parochiam adeant? — Respondendum negative. Quæ sententia, jam recepta generaliter, quo fundamento nitatur, et quomodo respondeatur Tridentino decreto (in quo dicitur *teneri unumquemque parochiæ suæ interesse, ubi commode id fieri potest, ad audiendum verbum Dei*), vide apud Benedictum XIV (*de Syn. diœc.*, lib. 7, c. 64, n. 12 et 13).

CAPUT VI.

AN ET QUATENUS POSSIT PAROCHUS BINAS EODEM DIE MISSAS
CELEBRARE.

PRÆNOTANDUM.—Quæstionem hanc reperies erudite discussam in bulla *Declarasti* Benedicti XIV (16 martii 1746, tomo 2 ipsius bullarii, n. 4); et accuratius in voto quodam Francisci Zeladæ, Sacræ Congregationis Concilii secretarii, postea vero Cardinalis, quod habetur *Thesauri resolutionum* tomo 37 (in causa *Derthusensi*, 26 augusti 1768). Atque in his duobus documentis citantur præcipua de eodem argumento doctorum scripta. Ad quæ nos lectorum pro fusiori evolutione remittentes, propositam quæstionem sequenti conclusionum serie breviter absolvemus.

PROPOSITIO I^a. — *Prioribus Ecclesiæ sæculis invaluerat passim disciplina, ut sacerdos pluries eadem die divina mysteria celebraret.* — Rem pro explorata habent doctores multi; inter quos Christianus Lupus (in scholiis ad decretum 1 Alexandri II, tomo 5 operum, pag. 197, edit. Venet.), Martene (*de Antiquis Ecclesiæ ritibus*, l. 1, cap. 3, art. 3), Cardinalis Bona (*Rerum liturg.*, lib. 1, cap. 18, § 5), Sainte-Beuve (tomo 3, *Resolut. casuum conscientiæ*, casu 83). Hos sequitur Cardinalis Zelada (citato voto, n. 1). Postea vero, ob exortos abusos, disciplina hæc moderata est ut sequitur.

PROPOSITIO II^a. — *A multis jam sæculis certa est lex ecclesiastica, hodieum plene vigens, qua prohibentur sacerdotes, præterquam in festo Natalis, pluries eodem die celebrare, excepto necessitatis casu.* — Anno 1212, sciscitanti Vigornienti Episcopo, num sacerdotibus liceret pluries eodem die sacrum facere, respondit Innocentius III : « Excepto die Nativitatis Domini, nisi causa necessitatis suadeat, sufficit sacerdoti semel in die unam missam solummodo celebrare. » Porro

ejusmodi responsum, libris decretalium insertum (libro 3, titulo 41 *de Celebratione missarum*, capite 3), pro lege universalis Ecclesiæ unanimiter et constanter habitum fuit. Et quamvis Pontifex utatur dumtaxat verbo *sufficit*, verum ibi et proprie dictum præceptum esse intelligendum probat tum decretalis contextus, tum constans et unanimis doctorum interpretatio, et generalis ecclesiæ praxis, quæ juxta hanc interpretationem perpetuo determinata est. Id insuper supponunt quotquot Sacrarum Congregationum decisiones declarant, num in tali vel tali casu adsit sufficiens necessitas, ut licite possit sacerdos bis eodem die celebrare. Nisi enim exstaret lex, id extra casum necessitatis prohibens, absone quæreretur de hac sufficienti necessitate.

Unde certa est omnino lex, qua prohibetur sacerdos bis eodem die celebrare. At simul certa est, et quidem de jure communi, duplex exceptio : prior nempe quoad diem Natalis Domini : posterior ob *necessitatis* casum.

Cum autem lex, *necessitatis casum* a generali prohibitione excipiendo, nequaquam declaraverit, quis sit et quotuplex ille casus, fuit postea hæc quæstio a doctoribus disputata. Excogitati nempe fuere ab ipsis non pauci ejusmodi casus, in quibus locum esse dictæ exceptioni existimarunt. De hac casuum serie ageudum nunc sub sequentibus propositionibus.

PROPOSITIO III^a. — *Plures casus ab antiquis canonistis habiti tanquam a præfatæ legis prohibitionem excepti, ut tales hodie habendi non sunt.* — Durandus (*Rationale divinarum officiorum*, l. 4, c. 1), glossa (in caput *Consuluisti*, 3, *de Celebr. miss.*), aliique veteres canonistæ, inter casus, in quibus sacerdoti liceret bis eodem die sacrum facere, enumerabant sequentes : si supervenirent hospites aut peregrini, dicta jam missa, nec alius adesset sacerdos, qui aliam missam celebrare posset : item si superveniret princeps : si nuptiæ non possent in crastinam diem differri : si dandum moribundo viaticum, nec adesset particula consecrata.

Porro dietos casus non esse comprehendendos sub casu

necessitatis ab Innocentiana decretali excepto, sic probat Benedictus XIV (*de Missæ sacrificio*, l. 3, c. 5, n. 3): « Ut
 « autem ad alios redeamus casus, in quibus veteres theo-
 « logi putabant posse sacerdotem plures eodem die missas ce-
 « lebrare, quilibet potest intelligere eos nullomodo contineri
 « sub *necessitatis* voce, quam diserte exprimit Innocentius III
 « in allata decretali. Ejusmodi est casus hospitum et eorum
 « qui iter faciunt; atque itidem ille de principe aut Episcopo,
 « qui die festo missam non audierint, nec alius quisquam sa-
 « cerdos sit, qui possit missam celebrare: *Quod enim incon-*
 « *veniens est, si Episcopus vel alia persona nobilis missam non*
 « *audiat, quia nullus adest sacerdos, qui jure possit illam dicere,*
 « ait Suarez (in 3 part. D. Thomæ, tom. 3, q. 73, art. 2,
 « disp. 80, sect. 3). Ejusmodi est etiam casus de nuptiis, quæ
 « differri non possint: nam quid incommodi inde sequeretur,
 « si, cum nuptiæ differri non possint, matrimonium condicta
 « die celebraretur, cumque non esset qui missam celebraret,
 « die proxime sequenti sacrificium fieret, et nuptiæ benedi-
 « cerentur? Adde parum referre, quod differatur in diem sequen-
 « tem benedictio: sunt verba Cardinalis de Lugo. » Quod vero
 attinet ad casum quo moribundus viaticum petit, neque sa-
 cramenti copia est, nec sacerdos ullus sacramentum potest
 conficere, nisi qui jam missam celebravit, adnotat Benedi-
 ctus XIV, casum respicere posse dumtaxat pauca illa temporis
 momenta, quæ communionem inter et ablationem celebran-
 tis interfluunt; si nempe hoc intervallo certior fiat sacerdos
 de viatico deferendo. Nam si ante consecrationem id resciat,
 particulam consecrabit: si post consecrationem et ante com-
 munionem, e magna hostia particulam abrumpet: Si post
 ablationem, certum est non posse cum iterum celebrare:
Nullus enim (sunt verba dicti Pontificis) *qui non sit jejunos potest*
missam celebrare, etiam ut viaticum moribundo ministret. Unde
 cum casus respiciat solummodo parvum illud intervallum, a
 communione usque ad ablationem interfluens, fere est chi-
 mericus.

Hinc, abstrahendo a casibus, qui in iufidelium et hæreticorum regionibus occurrere possunt (verbi gratia, si ob metum mortis, nequeant fideles nisi turmatim, non autem omnes simul, sacro interesse), pro quibus speciales missionariis facultates concedi solent, solus practicus hodie casus est, quando populus, aut populi magna pars, sacro careret diebus dominicis et festis, nisi parrocho liceret his eodem die celebrare. De quo casu præcipue nobis hic disserendum. Agemus autem primo de iteratione divini sacrificii in duabus ecclesiis; tum et in eadem ecclesia.

PROPOSITIO IV*. — *Ad hoc ut parochus in duabus ecclesiis eodem die licite celebrare possit, satis est quod alioquin alteruter ex duobus dissitis populis missa carere debeat die dominico aut festo.* — Pro certa communiter a doctoribus haberi hanc conclusionem, sic adnotat Cardinalis Zelada, in supra citato ipsius voto, n. 13 : « Communis theologorum omuium sententia est, « quorum plures recenset Benedictus XIV (*de Sacrificio missæ*, « l. 3, c. 5, n. 1; et in epistola ad Oscensem Episcopum) necessitatis casum, ad sacrificium eodem die repetendum, « cum potissimum esse, cum duas presbyter paræcias habet, « si in alterutram parochiam nequeat populus convenire, nec « alius præsto sit sacerdos præter parochum, qui missam possit celebrare. » Addit autem citatus auctor idem procedere quando parochus, etsi non *duas paræcias*, duos tamen habet in sua parochia populos, prædicto modo distantes. Atque ad confirmandam communem in hac re theologorum sententiam, inter varia documenta adducit sequens syuodale statutum sancti Turribi, Limani Archiepiscopi : « Quantum convenit, et « per locum juris possumus, licentiam concedimus omnibus... « parochis nostri districtus, ut diebus dominicis et festivis « ex præcepto servandis, possint celebrare duas missas in « duabus ecclesiis tam inter se distautibus, ut qui in loco unius « ecclesiæ assistunt, non possint commode accedere ad audiendam missam in altera. Cum autem habuerint alium « sacerdotem, qui possit celebrare in altera dictarum ec-

« clesiarum, non poterit parochus celebrare in utraque. »

Nota. — Utrum nihilominus in dicto casu indigeat parochus licentia Episcopi, expeditur infra.

PROPOSITIO V^a. — *Etiam in eadem ecclesia bis eodem die celebrare licitum esse potest parochi : si nempe unica missæ magna pars populi adesse nequeat.* — De hoc casu synodus Nemausensis, anno 1284, decrevit in hunc modum : « Si omnes parochiani ad unam missam simul non possint convenire, eo quod in diversis locis habitant, distantibus ab ecclesia, et remotis, sicut est in montanis, nec sunt in ecclesia duo sacerdotes, et dicta prima missa, postmodum parochiani venientes postulent missam aliam sibi dici, poterit tum sacerdos missam aliam celebrare. » Quod autem, stante ejusmodi causa, parochi liceat bis, in eadem etiam ecclesia, celebrare, est pariter concludendum. Utrumque casum postquam memoravit Benedictus XIV his verbis, *Sive missa celebranda sit in duabus ecclesiis inter se distantibus, ut in supra citata synodo Limana, sive una tantum sit ecclesia, in qua missa celebratur, et ad quam insimul universus populus convenire non potest, ut in synodo Nemausensi*, sic addit : *Hi quippe duo casus eodem jure censendi sunt, uti præcipue advertit Theophilus Rainaudus.* (In citata bulla *Declarasti*, 16 martii 1746.)

Consonat Cardinalis Zelada : « Quamvis autem (inquit) in supra citata synodo VII Limana, quemadmodum etiam in concilio Burdigalensi anni 1583, facultas fiat parochi in prædicto casu duo perficiendi sacra in *duabus* tantummodo *ecclesiis* inter se distantibus, non autem in eadem ecclesia, eodemque oppido; fatendum tamen est expedire ut parochi fiat potestas secundum offerendi sacrificium, tametsi una tantum sit ecclesia in qua missa celebratur, et ad quam insimul universus populus convenire non potest. Hi quippe duo casus eodem jure censendi sunt, ut potest Theophilum Rainaudum animadvertit Benedictus XIV... Nec desunt vetustissima hujus rei monumenta...

« Itaque ut liceat parochi duas paræcias habenti, vel duos

« populos maxime inter se dissitos, duo sacra perficere diebus
 « festis, ut populus missæ sacrificio intersit, sive celebranda
 « ea sint in duabus ecclesiis inter se distantibus, sive in una
 « tantum ecclesia ad quam universus populus nequit insimul
 « convenire, non alia necessitatis causa est admittenda, se-
 « cundum hodiernam ecclesiæ disciplinam, quam quæ oritur
 « ex defectu alterius sacerdotis, qui aliud sacrificium offerre
 « possit. Quæ tamen ita intelligenda sunt, ut nullum inde
 « inferri putetur præjudicium aliis casibus, qui solent con-
 « tingere in sacris missionibus, in quarum utilitatem missio-
 « nariis conceditur facultas plures missas celebrandi eadem
 « die. » (Votum Francisci Zeladæ, in causa Derthusensi, 20 au-
 gusti 1768, in *Thesaurο resol.*, tomo 37, § 15.)

Et revera si possit parochus eodem die celebrare in duabus ecclesiis, ex ea ratione quod alioquin trecenti (verbi gratia) parochiani missa carebunt, cur non idem ei concederetur in eadem ecclesia, quando pariter, si unica tantum missa celebraretur, trecenti nequibunt illi interesse? Si reputetur sufficiens necessitas in priori casu, et in posteriori reputanda est.

Dum autem quoad duplicem casum in duobus ultimis propositionibus expensum, concluditur dari locum iterationi missæ ab eodem sacerdote, id dictum intelligi debet abstrahendo a quæstione, an etiam tunc nihilominus necessaria sit licentia Episcopi. De qua Episcopi licentia exquirendum remanet utrum requiratur et sufficiat, tum quoad iterationem missæ in duabus ecclesiis, tum quoad iterationem in eadem ecclesia.

PROPOSITIO VI^a. — *Ad iterationem in duabus ecclesiis (etsi detur sufficiens necessitas) requiri videtur, regulariter loquendo, licentia Episcopi.* — Id evincere mihi videntur rationes a Cardinali Zelada in hunc modum expositæ : « An vero ad sacrum
 « bis celebrandum in locis ubi prædicta urget necessitas, pa-
 « rochi opus habeant licentia Episcopi, haud recens est docto-
 « rum disputatio. Quidam plane negative sentiunt, ea ducti
 « ratione, quod facultas hæc a jure communi illis concedatur.

« Affirmativam vero tuentur sententiam alii plures a Bene-
 « dicto XIV relati (*de Sacrificio missæ*, libro 3, c. 5, n. 1). At,
 « quemadmodum ibidem, numero 2, tradit citatus Pontifex,
 « sive sit necessaria Episcopi licentia, sive non, id certe ne-
 « cessarium est, ut ille rem cognoscat, ac perspiciat uum re-
 « vera necessitas urgeat, ut sacerdos duas missas celebrare
 « cogatur. Hinc in citata coustitutione ad Episcopum Oscen-
 « sem, cœrtissimum esse statuit, *missionariis tantum a Sede*
 « *Apostolica potestatem aliquando fieri ut uno die sacrificium bis*
 « *operentur : reliquis vero sacerdotibus opus esse ut hac de re fa-*
 « *cultatem ab Episcopo consequantur, etiamsi causa necessitatis*
 « *intercedere videatur, cujus sane iudicium ad ipsos sacerdotes*
 « *nequaquam pertinet.* Ad quæ confirmanda auctoritatem etiam
 « profert Verricelli..., testantis ita a Sacra Congrégatione
 « fuisse resolutum » (in supra citato voto, § 19). Hæ porro
 rationes, et auctoritas præsertim Benedicti XIV, sat demon-
 strare videntur dictæ licentiæ necessitatem, quamvis antea
 res fuerit inter doctores controversa. Diximus autem *regulari-*
ter loquendo : quia in uno aut altero casu, præsertim repentino,
 et in quo non facilis pateat ad Episcopum recursus, si aliunde
 certo adesse videatur sufficiens necessitas a jure requisita,
 non puto crimini vertendum parochi, quod dictam licentiam
 non exquirat.

A fortiori autem necessaria certo erit Episcopi licentia, si
 Episcopus aliquo statuto prohibuerit, ne absque illa ullus un-
 quam diœcesis suæ sacerdos bis eodem die celebrare præsu-
 mat. Nec dubium est quin possit Episcopus ejusmodi prohibi-
 tionem edicere. Unde illi etiam theologi, qui sustinuerunt
 posse parochum absque venia Episcopi, modo adsit requisita
 a jure necessitas, bis eodem die celebrare, intelligendi sunt
 quoad diœceses, in quibus Episcopi nihil in hac re præter jus
 commune statuerunt ; non autem quoad eas, in quibus exstat
 Episcopi vel provincialis synodi statutum, necessariam decer-
 nens dictam Ordinarii licentiam.

PROPOSITIO VII^a. — *Ad iterationem in eadem ecclesia, non re-*

quiritur Sedis Apostolicæ licentia, sed sufficit licentia Episcopi. — Quoad casum iterationis in *duabus ecclesiis*, nullus est qui de necessaria Sedis Apostolicæ licentia cogitaverit. Equidem citatus Benedictus XIV, et Cardinalis Zelada (contra non paucos doctores, nullam omnino requiri licentiam contententes), existimant parochis fieri debere facultatem ab Episcopo, ut licite valeant bis eodem die sacrum facere. Ast plane sufficere hanc Episcopi facultatem omnino supponunt. Et revera, cum per ipsummet jus commune licita decernatur, in casu necessitatis, dicta iteratio (ut patet ex decretali *Consuluisti* Innocentii III), obtineudæ a Sede Apostolica facultatis necessitas repeti non posset, nisi ex reservatione, qua postea Sedes eadem jus commune hac in re coarctasset; et de hac reservatione certo constare deberet. Porro ejusmodi reservationis, ne vestigium ullibi reperire est, quoad casum iterationis in *duabus ecclesiis*.

Atvero quoad iterationem *in eadem ecclesia*, putavit modernus quidam (1), non posse nisi a Sede Apostolica facultatem concedi. In quam opinionem cum nonnullæ Sacrarum Congregationum declarationes impulerunt. Hæc tamen sententia nequaquam mihi admittenda videtur. Etenim,

I. In citata decretali *Consuluisti*, qua jus commune statuitur, casus iterationis in eadem ecclesia, nequaquam distinguitur a casu iterationis in *duabus ecclesiis*; sed generatim licere iterationem statuitur, si *necessitatis causa suadeat*. Aliunde autem utrumque casum *pari jure censendum esse*, pro certo tenent viri gravissimi Theophilus Rainaud, Benedictus XIV et Cardinalis Zelada, prout supra vidimus; et merito quidem: nam cum ex ea tantum ratione concedatur missæ iteratio, ne populi magna pars alioquin ei intervenire nequeat, non est cur non concessa censeatur in eadem ecclesia, sicut in *duabus ecclesiis*, quando in priori casu æque ac in posteriori, ex unica tantum celebrata missa sequitur, eundem parochianorum nu-

(1) *Analeeta juris Pontificii*, octobris 1853, pag. 545 et seq.

merum sacris mysteriis defraudari. Nec dicatur intrinsece repugnare divini sacrificii in eadem ecclesia iterationem, cum contrarium probet triplex concessa missa in die Natalis Domini, et priorum Ecclesiæ sæculorum vetus disciplina. Hinc dici nequit requiri, quoad iterandam in eadem ecclesia missam, Sedis Apostolicæ facultatem, nisi certo constet intervenisse hac in re ejusdem sedis aliquam dispositionem, qua sibi facultatem hanc reservaverit. Porro,

II. De hujusmodi reservatione nullatenus constat. Non quidem expresse ex aliquo decreto; nullum siquidem in probationem adducitur; et si quod exstaret, non illud ignorassent aut siluissent citati Benedictus XIV et Cardinalis Zelada, rem ex professo tractantes : sed neque implicite seu indirecte ex declarationibus et praxi Sacrarum Congregationum, ut sibi videre visus est prælaudatus modernus scriptor. Nam quas ad fulciendam opinionem hanc adducit ejusmodi declarationes, tota qua potui diligentia perlegi et perpendi; et nedum ipsius intentum probare, contrarium potius evincere mihi visæ sunt. In qua minuta controversia ne ultra immorer quam fert hujus tractatus instituta ratio, lectorem dumtaxat præmonebo ut ipse suis oculis prædictas causas perlustret. Sunt autem 1° *Dertthusensis*, de qua in tomo 37 *Thesauri resolutionum* agitur, sub datis 20 augusti, 17 septembris, et 26 novembris 1758; 2° *Ambianensis*, diei 22 maii 1841, quæ in collectione Gardelliana occurrit sub numero 4768; 3° allegat quidem memoratus scriptor aliam causam ad Sacram Congregationem Concilii delatam; sed absque ulla dici, locive aut voluminis indicatione; quæ tamen, prout ab ipso refertur, non magis quam duo alia documenta, necessariam probat (meo quidem judicio) Sedis Apostolicæ licentiam, quoad iterationem in eadem ecclesia.

Dum autem in nostra præsentī conclusionē diximus *sufficere* licentiam Episcopi, intelligendum simul est eam *requiri*, sicut in casu iterationis in duabus dissitis ecclesiis; cum, ut pluries dictum est, hi duo casus pari jure censendi sint.

PROPOSITIO VIII^a. — *Licita non est iteratio, si aliis a jure in-*

dicatis remediis necessitati occurri possit. — Tunc enim non adesset vera et a jure requisita necessitatis causa. Unde si possit alter sacerdos deputari, qui secundam missam celebret, vel si cogi possit parochus ad sibi assumendum vicarium, vel si dismembrari parochia queat, ita ut suus nimium distantī populo detur parochus, vel alio ejusmodi remedio provideri, nequaquam permittenda est ab Episcopis missæ iteratio. Quod vide evolutum in citato voto Cardinalis Zeladæ, § 20.

PROPOSITIO IX^a. — *Si non ad sit requisita a jure necessitas, nulla consuetudo licitam facere potest iterationem.* — Quia nempe talis consuetudo pro irrationabili et tanquam abusus merito censetur. Quod vide firmatum in bulla *Declarasti* Benedicti XIV, et in memorato voto Cardinalis Zeladæ, § 25. Vi autem abusivæ consuetudinis unquam contra legem præscribi legitime potest.

Nota. — 1^o Quamvis alicui parochi liceat duas eodem die missas celebrare, « Feria tamen sexta paraseeves non potest nisi semel officium facere, quia pars hostiæ consecratæ sumi debet cum vino, et sic desinit esse jejunus. » (Sylvius, apud Benedictum XIV, *de Sacrificio missæ*, l. 3, c. 5, u. 5.)

2^o Item nequit feria 5 in cæna Domini bis celebrare; quia non tenetur populus hoc die sacro adesse. Atque idem dic de omnibus festis quæ non sunt de præcepto quoad populum; quia tunc deest necessitatis causa, qua non adstaute, licita esse nequit iteratio, quantumvis eam concederet Episcopus.

3^o Quando parochus alteram missam celebraturus est, non purificet calicem, sed illum patena, palla et velo (absque purificatorio interposito) cooperiat. Digitis autem ablutis in vase solito, et finita missa, calicem velo circumligatum asportabit ad locum ubi iterum sacra facturus est. Calix autem, donec purificetur, tum in ecclesia in qua primum celebratum est, tum in altera, super corporali repouatur.

CAPUT VII.

JUS PAROCHI QUOAD MATRIMONIA DICEMUS.

Dicemus 1° quisnam sit proprius parochus quoad matrimonia. 2° Jurisdictionem parochorum circa matrimonia describemus.

§ I.

Quisnam sit quoad matrimonia proprius parochus.

Ut validum sit matrimonium, sancivit Tridentina synodus contrahi debere coram proprio contrahentium parochus (sess. 24, c. 1 *de Ref. matrimonii*). Quis autem censendus sit proprius contrahentium parochus, Patres non declararunt. « Hinc super hac re innumeræ prope disceptationes, quarum « pleni sunt libri, excitatæ fuerunt. » (Benedictus XIV, institutione 33, n. 3.) Difficultates ejusmodi non ex professo hic discutiemus, sed earum dumtaxat solutionem breviter adnotabimus.

1° Ad validitatem matrimonii sufficit præsentia solius parochi sponsæ, si matrimonium celebretur in sponsæ parochia; item solius parochi sponsi, quando in sponsi parochia contrahitur. Ita decisum a Sacra Congregatione Concilii, libro 1 decretorum, pagina 125 a tergo. Atque ita omnino tenendum, vide passim apud doctores de matrimonio tractantes.

2° Proprius parochus, non est parochus originis, sed domicilii. Vide Benedictum XIV, institutione 33, n. 6.

3° Qui domicilium habet in duobus parochiis, matrimonium inire potest coram eo parochus, in cujus territorio degit quando contrahit. (Benedictus XIV, loco citato.)

4° Quando quis ruri degit recreationis causa, vel pro rusticis negotiis, parochus ruri non est ejus proprius parochus.

Vide id pluribus Sacrae Congregationis Concilii declarationibus firmatum, apud Benedictum XIV, loco citato, n. 7.

5° Si quis domicilium suum relinquens, contrahat in loco, in quo nec domicilium nec quasi domicilium acquisivit, matrimonium est invalidum. (Vide Benedictum XIV, citata institutione 33, n. 8.)

6° Si quis in loco, in quo non fuit publicatum Tridentinum decretum, contrahat sine parcho et testibus, invalide contrahit, antequam ibi domicilium vel quasi domicilium acquisiverit : valide autem, si ibi acquisiverit domicilium vel quasi domicilium. (Vide probatum loco citato, n. 9.)

7° Vagorum proprius parochus quoad matrimonium censetur ille, in cujus parochia vagi illi actu reperiuntur. (Ibidem, n. 10.)

8° Si quis in perpetuum vel ad certum tempus in carcere detineatur pœnæ lucendæ causa, ejus proprius parochus ille censendus est, in cujus parochia exstat carcer. Si vero in carcere detineatur dumtaxat custodiæ causa, verbi gratia, donec de eo sententia proferatur, ejus parochus quoad matrimonium ille est, in cujus parochia domicilium habebat, antequam in carcerem detruderetur. (Ibidem, n. 12.)

9° Quando contrahendum est matrimonium ab aliquo, qui in xenodochio degit, an matrimonium celebrari debeat coram cappellano xenodochii, an vero coram parcho loci, in quo exstat xenodochium, *magno studio contenditur*. (Benedictus XIV, institutione 33, n. 13.) Qua stante opinionum diversitate, sic prudenter quoad suam Bononiensem diœcesim statuerat laudatus Benedictus XIV : « Præcipimus ut quoties hæc eveniant, « statim nos de more certiores faciant, ut statuamus qui matrimonio celebrando intersit. » (Institutione 33, n. 13.)

10° Quando matrimonium contracturæ sunt puellæ, quæ in hospitio spuriarum detinentur, contrahendum est coram parcho, in cujus territorio situm est hospitium, non autem coram illius hospitalis cappellano seu rectore. (Benedictus XIV, institutione 33, n. 14.)

11° Quoad puellas in monasterio degentes, vel aliud domicilium non habent; et tunc earum matrimonium celebrari debet coram paroco loci, in quo exstat monasterium: vel habent domicilium aliud (verbi gratia, paternum, vel maternum, vel frateruum) et tunc coram paroco hujus domicilii est contrahendum. Denuntiationes vero in utroque loco fieri tunc debent. (Benedictus XIV, loco citato, u. 16.)

12° Quoad famulos et famulas, idem dicendum ac de puellis in monasterio degentibus. (Ibidem, n. 17.)

§ II.

Describitur jus parochi quoad matrimonia.

I. Ad ipsum proprio jure pertinet denunciare matrimonia a parochianis suis contrahenda. Expresse enim a *proprio contrahentium paroco* esse denuntiationes illas faciendas decrevit concilium Tridentinum (sess. 24, cap. 1, de *Ref. matrim.*). « Nee eas possunt regulares publicare iuxta missarum sollemnia, ut censuit Sacra Congregatio... » (Barbosa, de *Paroco*, cum *Addit.* Giraldis, cap. 21, n. 16.)

II. Item ad ipsum pertinet benedictionem nuptialem imperiri: *Statuitque benedictionem a proprio paroco fieri; neque a quoquam, nisi ab ipso paroco, vel Ordinario licentiam ad praedictam benedictionem faciendam alii sacerdoti concedi posse; quacumque consuetudine, etiam immemorabili, quae potius corruptela dicenda est, vel privilegio non obstante. Quod si quis parochus vel alius sacerdos, sive regularis sive saecularis sit, etiamsi id sibi ex privilegio vel immemorabili consuetudine licere contendat, alterius parochiae sponso sine illorum parochi licentia matrimonio conjungere aut benedicere ausus fuerit, ipso jure tamdiu suspensus maneat, quamdiu ab Ordinario ejus parochi, qui matrimonio interesse debebat, seu a quo benedictio suscipienda erat, absolvatur.* (Trid. concilium, sess. 24, c. 1, de *Ref. matrim.*)

III. Potest tamen parochus alium sacerdotem delegare, tum

ad faciendas denuntiationes, tum ad assistendum matrimonio, tum ad impertiendam nuptialem benedictionem.

IV. Per prædictum jus parochi, nequaquam excluditur jus Episcopi per seipsum, si velit, vel per alium a se deputatum sacerdotem, faciendi denuntiationes, nuptialem benedictionem impertiendi, et matrimoniis assistentiam præstandi; sed a fortiori jus illud ad Ordinarium diœcesis pertinet, cum sit parochus parochorum et curam totius diœcesis habeat. Imo nec excluditur vicarius generalis Episcopi, ob ordinariam quam universaliter habet jurisdictionem: unde, et per se potest, si sit sacerdos, matrimoniis valide assistere, et (etiamsi nondum presbyteratus sit initiatus) alium ad id deputare, modo is sacerdos sit; prout in tractatu *de Judiciis ecclesiasticis*, agendo de vicariis generalibus, probavi.

Hiuc quando vicarius generalis in aliqua parochia vult per seipsum matrimonio assistentiam præstare, et nuptialem benedictionem impertiri, vel presbyterum aliquem ad id præstandum deputat, nequit parochus obsistere, aut conquiri quasi sibi injuria fieret; essetque in hoc casu parochi resistentia grave delictum, quod gravibus pœnis plecti posset. Quamvis autem Ordinarius ejusque generalis vicarius possint per seipsos matrimonia peragere, regulariter tamen, et nisi adsit rationabilis causa, porrochis esse munus illud relinquendum, passim ab auctoribus adnotatum reperies.

V. Jus non habet parochus assistendi matrimoniis, nisi præmissis publicationibus, vel obtenta ab Ordinario eas omitendi facultate. Quamvis autem graviter peccet assistendo libere contractui matrimoniali omissis illis denuntiationibus, et non obtenta ab Episcopo dispensatione, validum tamen erit matrimonium, modo adsint simul duo testes. Dicimus assistendo *libere*: fieri enim potest ut contracturi cum duobus testibus ex inopinato parochum adeant, et coram eo, etsi iuvito, mutuum consensum emittant: quo casu validum erit matrimonium; nec peccabit parochus, utpote coacte assistens; sed graviter peccabunt hoc modo contrahentes.

VI. Jus proinde non habet parochus assistendi occultis matrimoniis quæ matrimonia *conscientiæ* vocantur, nisi ad hoc ab Episcopo deputetur; siquidem ea matrimonia ideo occulta dicuntur, quod fiant omissis denuntiationibus, licet coram requisito testium numero. Quando autem Episcopus, justa de causa, ejusmodi matrimonia permittit, et ipse, et parochus, sive alius quem deputat sacerdos, tenentur eas servare formalitates, quas præscripsit Benedictus XIV in sua constitutione *Satis vobis* 17 novembris 1741; quarum summam vide a Giraldo expositam (*Addit. ad Barbosam, de Parocho, c. 21, n. 29*). Atque ibidem vide casum, quo parochus licet, ad removendum scandalum, talia secreta matrimonia revelare. Item quoad proles ex iis matrimoniis ortas quid servandum sit, præscribit in citata constitutione laudatus Pontifex.

VII. Potest parochus valide matrimoniis assistere, etsi nondum sit sacerdos, sed prima dumtaxat tonsura initiatus; prout decisum a Sacra Congregatione Concilii, et a Clemente VIII confirmatum, vide apud Fagnanum (in cap. *Præterea* 5, de *Ætate et qual. præficiend.*, n. 8).

VIII. Potest quidem, attenta sola validitate, parochus alium deputare sacerdotem ad præstandam matrimonio assistentiam. Atvero id eum *licite* non posse, nisi *legitima gravissimæque de causa* impeditis monet Benedictus XIV, in sua constitutione *Nimiam licentiam*, 18 maii 1743, § 9. « Et quando
« concessit alteri sacerdoti licentiam assistendi, ipse parochus
« tenetur adnotare in libro ad hoc confecto etiam istud ma-
« trimonium. Cum enim spectet ad parochum fidem facere
« de matrimoniis suorum parochianorum, hæc debent probari
« per hujusmodi librum : circa quod proinde si parochus ne-
« gligens fuerit, deficit in suo munere in re valde gravi, ideo
« que mortaliter peccat. » (Giraldi, *Additamenta ad Barbosam, de Parocho, c. 21, n. 62.*)

IX. Nequit parochus quidquam pro benedictione nuptiali exigere. Si quid tamen sponte offeratur, potest legitime recipere. Atque illa spontanea oblatio ad parochum pertinet,

etiamsi alium deputaverit ad impertiendam nuptialem benedictionem. (Vide Barbosam, *de Parocho*, cum *Addit.* Giralaldi, c. 21, n. 99 et 103.)

CAPUT VIII.

JUS PAROCHI QUOAD EXTREMAM-UNCTIONEM ET VIATICUM.

I. Ad parochum pertinet jus extremam-unctionem parochianis suis ministrandi; ita ut alii sacerdotes, etsi valide, licite tamen, extra casum necessitatis, illud ministrare nequeant absque parochi vel Ordinarium licentia. Dicimus *extra casum necessitatis* : uam instante mortis periculo, et absente paracho, posse a quolibet sacerdote aegrotum sacro oleo inungi, pro certo tenendum est; quidquid in contrarium olim senserint nonnulli theologi. (De quo vide Benedictum XIV, *de Syn. diœc.*, lib. 7, c. 19, n. 7.)

II. Regulares qui, extra casum necessitatis, extremam-unctionem parochi subditis ministrareut absque ejus licentia, non tantum peccareut graviter, sed et incurrerent excommunicationem Sedi Apostolicæ reservatam, ut constat ex clementina I *de Privilegiis*.

III. Atvero licite possunt hoc sacramentum ministrare confratribus tam professis, quam novitiis, fratribusque oblatiis sive donatis, necnon famulis actu inservientibus, et intra septa monasterii degentibus. Unde possunt regulares oleum infirmorum apud se retinere. (Vide Barbosam, *de Parocho*, cum *Additam.* Giralaldi, c. 22, n. 4, et c. 20, n. 12.)

IV. Idem dicendum de administratione sacratissimi sacramenti per modum viatici; utpote quæ ad parochum eodem modo pertinet ac ministratio extremæ-unctionis. Et de hoc nulla est difficultas. Vide illud decisum, etiam quoad sacerdotes et clericos infirmos, in causa *Eugubina*, 12 martii et 2 aprilis 1729 (in *Thesaurò resolutionum*, tomo 5).

V. Etiam canonici cathedralis, viaticum et extremam-unctionem recipere debent a rectore parochiæ in qua degunt et infirmi decumbunt. Id pluries decisum a Sacra Congregatione Concilii, vide apud Zamboni (parte 1, verbo *Parochus*, § 1, n. 4, 6, 7). Item vide præfatam causam *Eugubinam*, 12 martii 1729 (tomo 5 *Thesauri resolutionum*).

Episcopo infirmo viaticum et extremam-unctionem ministrare non pertinet ad parochum; sed pluries a Sacra Congregatione Concilii decisum fuit servandum esse cæremoniale. Verbi gratia, in *Faventina*, 7 junii 1760 (in *Thesauri resolutionum*, tomo 29), ad dubium viii : *An capitulo ejusque primæ dignitati competat jus administrandi Episcopo ægrotanti sacramenta sanctissimæ Eucharistiæ et extremæ-unctionis, seu potius an, et in quibus casibus idem jus competat parochi sancti Terentii, in casu?* Responsum est : *Ad viii, servetur cæremoniale*. Porro cæremonialis dispositio est in hunc modum (l. 2, c. 38, § 3 et 4) : « Episcopus ægrotans..., cum extremum diem suum
« appropinquare cognoverit, primo peccata sua confessario
« diligentissime confiteatur; deinde tempore congruo sacrum
« petat viaticum; et antequam communicet, indutus rochetto
« et stola, præsentem sanctissimo Christi corpore, profiteatur
« catholicam fidem, ex formula ab Apostolica Sede præscripta,
« quam affirmet se semper inconcusse et firmiter tenuisse et
« credidisse, sequæ in ea velle vivere, et mori cum Deo placuerit. Tum majori qua poterit devotione et humilitate,
« sacrum sumat viaticum, quod illi deferat prima dignitas,
« comitante capitulo et toto clero cathedralis ecclesiæ, in
« habitu ecclesiastico, et cum candelis accensis... : moneatque
« Episcopus sacristam seu curatum, ut cum tempus erit, extremæ-unctionis sacramentum sibi administret et animæ
« commendationem faciat. » Quod nulla in contrarium prævalere debeat consuetudo, sic adnotat Zamboni (tomo 2, verbo *Cæremoniale Episcoporum*, nota 29) : « Spectare ad primam
« dignitatem ministrare sacramenta Episcopo decumbenti,
« omnes conveniunt doctores; neque suffragari posse contra-

« riam consuetudinem, inspecta cæremonialis clausula, quæ
 « irritat contrarias consuetudines : ac etiam declaravit Sacra
 « Congregatio Rituum, in *Gerundinensi*, 11 februarii 1702; ubi
 « quanquam allegaretur contraria consuetudo, servari in
 « omnibus cæremoniale mandavit. »

CAPUT IX.

JUS PAROCHI QUOAD OBLATIONES.

Exponemus 1° quid de jure communi parochis quoad oblationes competat; 2° quomodo hodie in Gallia prærogativa illa parochorum reguletur.

§ I.

Quid de jure communi competat paracho circa oblationes.

QUÆSTIO 1^a. — *Quid sint oblationes?* — 1° Oblationes lato sensu vocantur res omnes, sive mobiles, sive immobiles, quæ intuitu religionis Deo offeruntur, ut, vel in usum Ecclesiæ, vel in usum ipsius ministrorum cedant.

2° « Oblationum tres sunt species : *prima* dicitur donatio rei inter vivos facta Deo et Ecclesiæ; *secunda* dicitur donatio causa mortis, quæ fit pro animæ redemptione; *tertia* dicitur usualis; et est illæ quam faciunt fideles, dum offerunt ad altare, vel ad manum sacerdotis. » (Barbosa, *de Parocho*, cap. 24, n. 3.)

3° Restringi autem solet *oblationum* vocabulum ad illas res mobiles quæ a fidelibus offeruntur, ad Ecclesiæ vel ministrorum usum, tum ad altare intra missam, tum occasione aliarum sacrarum functionem, puta, pro benedictione nuptiarum, pro benedictione mulierum post partum, pro exequiis seu sepulturis, et aliis similibus. Et in hoc strictiori sensu vocabulum

illud hic usurpamus : eo nempe sensu, qui solet gallice exprimi per vocem *casuel*. Et circa ejusmodi usuales oblationes quærimus nunc quodnam jus parochis competat.

QUÆSTIO 2^a. — *Ad quem pertineant oblationes, tam quæ jure debentur, quam quæ sponte offeruntur ?* — 1^o Ad quæstionem illam sic respondet Leurenus (*Forum beneficiale*, parte 1, q. 463, n. 2) : « Oblationes utræque de jure communi spectant » ad parochum, seu presbyterum ecclesiæ rectorem. » In quo admittendo generali principio concordant doctores. Hinc attento jure communi dicendum est, ad parochum pertinere, primo oblationes quæ fiunt in ecclesia parochiali intra celebrationem missæ, etiamsi non ipse parochus, sed alius sacerdos celebret; secundo item oblationes quæ fiunt pro benedictione nuptiarum, pro sepulturis, pro benedictione mulierum post partum, aliisque functionibus sacris; etiamsi non ipse parochus, sed alter in ecclesia parochiali dictas functiones peragat.

2^o Quantumvis autem certum sit præfatum principium, fieri potest ut, vi consuetudinis, aliter se res habeat. Nam posse consuetudinem quoad hoc contra dictum jus commune præscribere, adnotant pariter doctores; et monent multum in hac re attendendum locorum consuetudinibus legitime præscriptis.

3^o Si oblatio nullo titulo debeatur, et offerens expresse dicat se velle dare sacerdoti functionem sacram peragenti, ad hunc, non ad parochum, oblatio illa pertinebit.

QUÆSTIO 3^a. — *Ad quemnam pertineant oblationes quæ fiunt, tum alicui cappellæ vel imagini ecclesiæ parochialis, tum alicui oratorio extra ecclesiam parochialem, intra ambitum tamen parochiæ, esistenti ?* — Per se, et nisi aliter constaret de mente offerentis, ad parochum pertinerent. (Vide Leurenium, loco citato, n. 3.) Sed regulariter loquendo, ejusmodi oblationes non fiunt ut cedant in usum parochi, sed ad ornamentum imaginis, oratoriivæ, aut cappellæ. Et tunc in hunc finem omnino sunt adhibendæ. Atvero, in hoc casu ad parochum per-

tinere administrationem ejusmodi oblationum, vide apud Leurenium (loco cit. n. 8), et Barbosam (*de Parocho*, c. 24, n. 22).

QUÆSTIO 4^a. — *An oblationes ex justitia debeantur, ita ut possit parochus eas exigere?* — 1^o « Ad faciendas oblationes » parochiani neque divino neque humano ullo præcepto obligantur. » (Ita Leurenium, in suo *Foro beneficii*, parte 1, q. 461, adducens Lessii et Suaresii auctoritatem.) « Secure » tenendum est, ait Barbosa (*de Parocho*, c. 24, n. 9), oblationem non deberi ex præcepto, cum id in sacris canonibus nusquam appareat. » Et hæc sententia communiter recipitur, contra nonnullos veteres canonistas, qui contrarium tenuerunt.

2^o Per consuetudinem tamen potest induci obligatio certas et determinatas ejusmodi oblationes faciendi. Quæ quidem consuetudo, etsi initio voluntaria, si decursu temporis eas conditiones induerit, quæ vim legis consuetudinibus tribuunt, poterit parochus dictas oblationes ex justitia exigere. (Vide Barbosam, *de Parocho*, c. 24, n. 12.)

3^o Insuper ex triplici titulo posse oblationes obligatorias evadere tenent communiter doctores cum sancto Thoma (2, 2, q. 86, a. 1): nempe, « Primo, dum debentur per modum » census, pensionis aut conventionis antea factæ cum ecclesia. « Secundo, cum debentur ex testamento, legato, donatione, » voto. Tertio, dum minister ecclesiæ non habet congruentem » sustentationem; tenentur enim tunc parochiani (nisi et ipsi » tam sint inopes et teues, ut nequeant concurrere ad sustentationem parochi) facere oblationes aliquas. » (Leurenium, *Forum beneficiale*, parte 1, q. 461.)

QUÆSTIO 5^a. — *Quomodo ad Episcopum pertineat determinare quænam oblationes ex justitia exigi possint?* — 1^o Ubi ex consuetudine non tenerentur fideles ullas oblationes facere, atque aliunde non decisset congrua cleri sustentatio, non posset Ordinarius ejusmodi oblationes obligatorias ex justitia decernere. Sequitur ex principio supra memorato, et communiter a doctoribus admissio, nullam scilicet exstare neque divinam

neque ecclesiasticam legem, qua ad id parochiani adstringantur. Nec penes Ordinarium est de bonis temporalibus diœcesanorum pro libitu disponere; sed dumtaxat eos ad contribuendum compellere potest, ex causis et in casibus a jure determinatis.

2º Cum vero, ut diximus, contingere possit, ut oblationes obligatoriæ ex justitia evaserint, tum ex titulo consuetudinis, tum etiam ex eo quod alioquin parochus sufficienti sustentatione destitueretur; quoties dubium intervenit, sive de vi obligatoria hujusmodi consuetudinis, sive de necessitate subveniendi clero per oblationes, sive de quantitate offerenda, sive de abusibus hac de re introductis aut præcavendis, ad Ordinarium pertinet pronuntiare, et normam in his omnibus tenendam decernere. Episcopus enim ex ordinaria sua jurisdictione potestatem habet statutis et legibus decernendi, quæ ad bonum diœcesis suæ regimen conferre possunt: multi autem interest, tum injustas ac sordidas oblationum exactiones præpedire, tum ad quamquam quantitatem ex justitia parochiani teneantur determinare, et quæ oriri hac de re possent contestationes dirimere. Hinc in particulari quoad abusum circa eleemosynam pro celebrandis missis disposuit Tridentina synodus (sess. 22, decreto *de Observandis in celebratione missæ*) in hunc modum: « Decernit sancta synodus ut Ordinarii locorum Episcopi ea omnia prohibere et de medio tollere sedulo curent ac teneantur, quæ vel avaritia..., vel irreverentia... induxit. Atque ut multa paucis comprehendantur, imprimis quod ad avaritiam pertinet, cujusvis generis mercedum conditiones, pacta, et quidquid pro missis novis celebrandis datur, necnon importunas atque illiberales eleemosynarum exactiones potius quam postulationes, aliaque hujusmodi, quæ a simoniaca labe, vel certe a turpi quæstu longe absunt, omnino prohibeant. » Similem autem potestatem Episcopis competere, ut circa alias etiam oblationes abusus removeant, et quid justum sit decernant, dubium non est.

3° Ab ejusmodi autem Episcopi decretis, si gravatos sese existiment parochiani, aut parochi, aut alii, appellare ad superiorem cœclesiasticum possunt; cum regula generalis sit, posse a quocumque Episcopi decreto, quo quis se læsum reputaret, appellari.

§ II.

Quoniam modo hodie in Gallia jus parochorum quoad oblationes determinatur.

1° In ea regione sæcularis potestas reliquit quidem ab Episcopis determinandum, seu potius gubernio proponendum, quænam oblationes ex justitia exigi possint.

2° At simul decrevit ut ejusmodi Episcoporum statuta suæ approbationi subjicerentur; nec nisi prius a gubernio approbata possent publicari, aut ad executionem deduci. Constant hæc duo exarticulo 69 inter *organicos*, in quo sic disponitur. *Les Evêques rédigeront les projets de règlement relatifs aux oblations que les ministres du culte seront autorisés à recevoir pour l'administration des sacrements. Les projets de règlement rédigés par les Evêques ne pourront être publiés, ni autrement mis à exécution, qu'après avoir été approuvés par le gouvernement.* Quæ verba Episcopis non tribuunt potestatem dictas oblationes determinandi, sed dumtaxat gubernio proponendi, quid ipsis hac de re opportunum videatur. Gubernium autem sibi reservat jus approbandi vel rejiciendi; id est, de re ipsa statuendi et decernendi.

3° Cum ad potestatem cœclesiasticam, nullatenus autem ad sæcularem, pertineat de hac materia pronuntiare, certum est statuta Episcopi, etiam antequam a gubernio approbentur, et etiamsi ab a gubernio rejicerentur, plenam vim habere; et catholicum quemque teneri ex conscientia ipsis sese subicere, nisi forte a superiori tribunali ecclesiastico (appellatione interjeeta), fuissent annullata.

4° De facto tamen, nisi accedat dicta gubernii approbatio

(quæ prævia concilii status deliberatione dari solet), deerit sæcularis brachii auxilium ad obtinendam solutionem earum oblationum, quas Episcopus ex justitia solvendas decrevit.

5° Hinc Episcopi Galliæ sua de oblationibus statuta, sæculari potestati nota faciunt, et ut ab ea approbentur procurant : non quod in potestate sæculari jus ullum agnoscant de ejusmodi re decernendi, sed ne alias statuta sua dicto sæcularis brachii auxilio destituantur.

6° In singulis ergo diœcesibus Galliæ eæ censendæ sunt ex justitia debitæ oblationes, quas tales Episcopus decreverit, et in ea quantitate quam determinaverit. Nec poterunt absque injustitia aut plus parochi exigere, aut minus parochiani præstare. Quæ quidem utrorumque obligatio, non ex approbatione aut sanctione gubernii (ut dictum est) oritur, sed ex sola Ordinariorum ita decernentium potestate. Debet nempè sæcularis potestas ea Episcoporum statuta, non judicare aut approbare, sed ex simplici notificatione brachii sui auxilio munire; aut certe, si ea minus justa reputaret, ad superius tribunal ecclesiasticum, pro obtinenda moderatione, recurrere.

CAPUT X.

JUS PAROCHI QUOAD FUNERALIA.

Jus illud tria complectitur : 1° jus sepeliendi; 2° jus interveniendi funeribus; 3° jus percipiendi emolumenta ex funeribus provenientia. De his in triplici sequenti paragrafo. Quartum addemus de modo quo hodie in Gallia jus illud parochorum regulatur.

§ 1.

De jure sepeliendi ad parochos pertinente.

PROPOSITIO I^a. — *Exceptis certis casibus, a jure determinatis, jus sepeliendi parochianos pertinet ad parochum.* — **Probatur**

capite *Ex parte* (5, tituli 28, *de Sepult.*, libri 3 decretalium), ubi agitur de collegio canonicorum, qui jure parochiali quamdam parochiam administrabant : cumque decessisset unus ex eorum parochianis, hunc in sua ecclesia Prior quidam sepe-
liverat. De quo sic decernit Innocentius III : *Quoniam hoc ecclesiasticæ institutioni contrarium est, et a rationis tramite penitus alienum, ut quis falcem mittat in messem alienam, mandamus quatenus præfatum priorem compellas, ut memoratis canonicis prædicti parochiani corpus restituat, et exinde amicabiliter conveniat cum eisdem*. Idem constat ex capite *Is qui* (3, tituli *de Sepulturis* 12, in 6), ubi de eo qui moritur in parochia villæ ruralis, sed est parochianus alterius parochiæ, sic decernitur : *Non in ecclesia dietæ villæ, sed in sua parochiali, vel in ea potius, in qua majorum ipsius ab antiquo sepultura existit, sepeliri debet; dummodo absque periculo ad eam valeat deportari*. Unanimes autem sunt doctores in admitteundo præfato parochorum jure.

« Parochus, ait Leurenus, parochianos suos omnes, quibus
 « sepultura sacra conceditur, sepelire debet in ecclesia vel
 « cœmeterio parochiali (Barbosa..., Layman... cum communi).
 « Sicut enim sacramenta et verbi Dei prædicationem, ita et
 « sepulturæ officium fidelibus præstare ad eorum pastores
 « pertinet. » (*Forum beneficiale*, parte 1, q. 452, n. 1.) Addit autem laudatus auctor parochus jus competere sepeliendi, non tantum parochianos suos, sed « item omnes alios (puta scho-
 « lares, et peregrinos, ubi hi ad propriam parochiam deferri
 « non possunt...), intra parochiam degentes et decedentes;
 « estque hoc jus *parochiale*; ita etiam ut parochus præferatur,
 « et ante omnia sit restituendus, si fuerit spoliatus, corpore
 « jam sepulto; cum illud possit extrahi auctoritate superioris,
 « tanquam non justæ sepulturæ traditum, et restitui. »

Diximus autem in propositione, *exceptis casibus in jure determinatis*; quia dantur revera casus (quos nempe subsequentibus propositionibus enumeramus) in quibus legitime potest parochianus sepeliri ab aliis quam a proprio parochus, et alibi quam in parochiæ suæ ecclesia vel cœmeterio.

PROPOSITIO II^a. — *Si quis habeat majorum suorum sepulchrum alibi quam in parochiæ suæ ecclesia vel cæmeterio, nec aliam sepulturam elegerit, non tantum potest, sed debet in dicto majorum suorum sepulchro sepeliri.* — Constat ex pluribus juris textibus; præcipue vero ex capite *Nos instituta* (1, de *Sepulturis* 28, libri 3 decret.), in quo sic decernitur : *Statuimus unumquemque in majorum suorum sepulchris jacere; ut patriarcharum exitus docet. Nulli tamen negamus propriam eligere sepulturam.* Unde rector ecclesiæ, in qua exstat sepulchrum majorum defuncti, hoc ipso jus acquisitum habet defunctum illum sepeliendi. Sepulchrum autem majorum dicitur locus sepulturæ, familiæ alicui reservatus, et in quo de facto jacent, vel pater, vel aliquis alius, aut aliqui alii ex majoribus defuncti. (Vide Barbosam, de *Officio parochorum*, c. 26, n. 32.)

PROPOSITIO III^a. — *Quilibet, modo ætatem pubertatis attigerit, sepulturam suam eligere potest; ita ut in ea debeat sepeliri, quamvis extra parochiæ suæ ecclesiam et cæmeterium.* — Constat sequentibus juris textibus : capite *Nos instituta* (1, de *Sepulturis*), in quo expresse dicitur : « Nulli tamen negamus propriam eligere sepulturam... ubicumque libitum fuerit eligat » sepulturam. » Capite *Licet* (4, de *Sepulturis*, in 6), in quo sic decernitur : « Licet pater minores filios, qui nequeunt » antequam ad annos pubertatis perveniant eligere sepul- » ram, possit (si consuetudo terræ id habeat) quo voluerit » sepelire; hoc tamen non potest ubi consuetudo hujusmodi » non habetur; sed sunt cum suis majoribus, vel in parochiali » ecclesia tumulandi. Quamvis autem filius familias absque » patris assensu sibi possit libere eligere sepulturam, pro » anima tamen sua præter ipsius assensum (nisi peculium ca- » strense aut quasi castrense habeat) aliquid judicare potest. » Clementina *Dudum* (2, de *Sepulturis*) decernit posse religiosos Dominicanorum et Minorum ordines in suis ecclesiis sepulturam dare omnibus, qui eam ibi elegerint. Ex his et aliis textibus tanquam omnino certum concludunt unanimiter canonistæ, liberum esse cuique, modo tamen pubertatis annos

attigerit, suam ubi voluerit sepulturam eligere. Pubes autem censetur masculus qui decimum quartum, fœmina quæ duodecimum annum complevit.

PROPOSITIO IV^a. — *Pro inpubere sepulturam eligere potest pater, et (hoc deficiente) mater, et (patre et matre deficientibus) consanguinei, affines, et etiam tutor, modo ea sit regionis consuetudo.* — Quoad patrem expresse decernit caput *Licet* (4, de *Sepulturis*, in 6), his verbis : *Licet pater minores filios, qui nequeunt (antequam ad annos pubertatis perveniant) eligere sepulturam, possit (si consuetudo terræ id habeat) quo voluerit sepelire...* Id vero deficiente patre, extendendum ad matrem et alios memoratos, utpote qui paterno juri quoad hoc succedunt, communius tenent doctores. (Vide Leurenium, *Forum beneficiale*, parte 1, q. 452, n. 2.)

Nota. — Quod in duobus ultimis propositionibus dicitur de libertate sepulturam eligendi, ita intelligitur, ut nequeat tamen sepultura eligi, nisi in aliqua ecclesia, aut cœmeterio ecclesiæ, quæ de jure ordinario (prout ecclesiæ parochiales), vel saltem ex privilegio, sepulturas habere queat.

PROPOSITIO V^a. — *In monasterio suo respectivo sepeliri possunt : novitii, etiam extra monasterium decedentes, modo ad illud transferri queant : domestici, religiosi inservientes et apud ipsos degentes, quando intra septa monasterii decedunt : tertiarii qui collegialiter vivunt : tertiariæ quæ cum habitu tertiariarum et voto castitatis vivunt.* — Hos omnes, etiam invito paracho, sepeliri posse in respectivo suo monasterio seu conventu, ab ejusdem conventus aut monasterii religiosi, vide apud Leurenium (*Forum beneficiale*, parte 1, q. 452, n. 4, 5 et 7). Atque item infirmi, in hospitali absque sepulturæ electione decedentes, sepeliri possunt ab hospitalis rectore, in ecclesia eidem hospitali annexa, si hæc privilegio sepulturas habendi donata sit. Et quoad ejusmodi infirmos, rectores hospitalium dicuntur parochi, et omnia sacramenta eis ministrare possunt. (Leurenium, loco cit.)

PROPOSITIO VI^a. — *Paracho non licet officium facere super cada-*

veribus in aliena ecclesia tumultandis. — Constat sequenti Sacrae Congregationis Rituum declaratione « Oeconomus et ministri « ecclesiae Sancti Juliani conquesti sunt de curatis loci, praetenduntibus facere officium super cadaveribus, quae deferuntur in eorum ecclesia sepelienda, necnon cantare missas, aliaque facere, ac si essent in propriis ecclesiis; supplicantes declarari, an liceat? Et Sacra Congregatio respondit, non licere. Die 20 novembris 1628. » (Apud Gardellini, n. 632.)

Item in Andriensi, 10 februarii 1629, eadem Sacra Congregatio respondit: *Officium super cadaveribus in ecclesiis regularium fieri debere per ipsos regulares, non autem per alios curatos, etiam cathedralium, non obstante quacumque contraria consuetudine* (apud Gardellini, n. 648). Idem reperies decissum 18 augusti 1629 (Gardellini, n. 684).

PROPOSITIO VII*. — *In casu, quo defunctus tumultatur in ecclesia regularium, non posse parochum defuncti impediri ab ipsis regularibus, quin pulset campanas parochiales; neque ipsos regulares ecclesiae, in qua defunctus sepelitur, impediri a paroco, quin pulsant campanas eorum ecclesiae.* — Ita expressis terminis declaravit Sacra Congregatio Rituum. (Apud Gardellini, n. 1217.)

Nota. — Quoad jus parochiarum habendi sepulturas, tanquam certae haberi solent duae sequentes regulae: 1º jus ordinarium sepulturas habendi competit ecclesiis parochialibus. Ecclesiae vero regulares, collegiatae, et caeterae non parochiales, nonnisi ex privilegio jus illud habent. (Vide Leurenium, *Forum benef.*, parte 1, q. 452, n. 2.) 2º Privilegium istud concedi potest alieni ecclesiae non parochiali ab Episcopo, de consensu tamen cathedralis capituli. Quod vide pariter apud laudatum Leurenium, loco citato.

§ II.

De jure parochi interveniendi funeribus.

Distinguendum jus sepeliendi a jure interveniendi funeri-

bus; quia quandoque, etsi ad alios pertineat defunctum sepelire, jus tamen parochus remanet corpus e domo levandi, et funus ducendi usque ad ecclesiam, in qua ab aliis explendum officium et facienda sepultura est. Quod jus parochorum funeribus interveniendi, quandoque ipsis competat, et quomodo intelligi debeat, hic exponendum occurrit. Ob multiplices autem hac de re solvendas quaestiones, ad distincta quaedam capita rem totam reducemus, in hunc modum: 1° ostendemus parochus revera competere jus funeri interveniendi, etiam quando ad ipsum non pertinet parochianum sepelire. 2° Dicemus quasnam ipse functiones tunc jure proprio possit peragere. 3° Quid in ducendis ejusmodi funeribus observandum sit quoad crucem. 4° Quid juris ad parochum pertineat quoad praecedentiam.

I.

Etiamsi parochianus in aliena ecclesia et ab aliis sit sepeliendus, jus habet ipse parochus ut ad funus vocetur, et vocatus tenetur intervenire.

« Parócho, ait Leurenus, de jure communi competit jus
 « interveniendi funeribus hinc inde coactivum, et ex neces-
 « sitate reciproca, seu activa et passiva; quo scilicet ipse te-
 « netur, quamvis invitus, intervenire; et e converso paro-
 « chiani tenentur, quamvis inviti eum vocare (Cardinalis de
 « Luca, *de Parochis*, discursu 28, n. 6); juxta textum capitis 1,
 « et clementinae *Dudum, de Sepulturis*; ubi communiter do-
 « ctiores. Quod ita verum, ut licet a defuncto jussi sint ad-
 « vocari soli regulares ad sepeliendum cadaver, nullatenus
 « parochus sit excludendus..., juxta declarationem Congre-
 « gationis praepositae negotiis Episcoporum... Item ut re-
 « gulares, quamvis expresse privilegiati in hoc, ut a parochus
 « impediri nequeant ne in ecclesiis suis sepulturam saeculari-
 « bus concedant, adhuc sine parochus funus peragere nequeant
 « extra suas ecclesias, ut ad illas cadaver ducatur; quia esset

« exercere jurisdictionem in territorio parochi, in quo illi jus
 « nullum habent, utpote constrictum ad territorium ipsorum
 « proprium, quod consistit intra septa et ambitum monasterii. »
 (*Forum benefic.*, parte 1, q. 453.)

Etiamsi corpus in ecclesia regularium sepeliendum jam intra septa monasterii existat (eo quod, verbi gratia, parochianus ibi casu, vel tanquam hospes obierit), nihilominus debere parochum ad funus vocari, vide apud laudatum Leurenium, loco citato.

Sed notetur propositionem intelligi quoad parochianos: nam si agatur de regularibus ipsis, extra monasterium suum decentibus, posse eos, inconsultis parochis, ad monasterium deferri et ibi sepeliri, nec posse id impedire parochos sub prætextu quod prius solvendum sit jus sepulturæ, vide ab eodem Leurenio probatum, loco citato.

Dictum autem jus parochorum interessendi funeribus, ex iis omnibus Sacræ Congregationibus Rituum declarationis firmatum remanet, quæ certas ipsis functiones in iis funeribus attribuunt, et quarum nonnullæ infra referuntur. Si enim potest parochus in iis funeribus nonnulla peragere, a fortiori potest adesse.

II.

Parocho, quatenus funeri intervenienti, quænam functiones, quænamque jura competant.

1° Quamvis parochianus in aliena ecclesia, et ab aliis, sepultura donandus sit, ad ejus parochum pertinet stolam deferre, corpus e domo levare, aqua benedicta respergere, et præcinere antiphonam *exultabunt Domino*. — Ex multis, quæ ad id probandum adduci possent, declarationibus, sequentes seligimus: « Sacra Rituum Congregatio... censuit, regularibus
 « supradictis nullo modo licere, etiam specialis alicujus con-
 « suetudinis prætextu, parochias cum cruce processionaliter

« aut aliter, ad levanda et efferenda defunctorum corpora,
 « intrare, vel illa levare, et efferre, nisi vocato et expectato
 « proprio parcho, eoque ibidem præsente, nisi tamen ipse
 « aliter fieri consentiat, vel requisitus venire expresse omniuo
 « recuset; neque etiam licere eisdem regularibus aut in domo,
 « aut per viam, dum defuncti cadaver ad sepeliendum defer-
 « tur, illud aspergere, neque ante januam ecclesiæ orationem
 « solitam cautare seu dicere, antequam cadaver intus illam
 « collocetur, etiamsi in eorum ecclesiis suam defuncti elegerint
 « sepulturam; hæc enim omnia proprio parcho competere,
 « ad regulares vero supradictos solum spectare facere officium
 « circa corpus defuncti, postquam intus eorum ecclesias fuerit
 « delatum. » (12 octobris 1619, Gardellini, n. 429.)

« Sæpissime a Sacra Rituum Congregatione declaratum fuit,
 « ad parochum defuncti spectare in funeribus stolam deferre,
 « aqua benedicta cadavera aspergere antequam e domo effe-
 « rantur, et antiphonam præcinere, *exultabunt Domino*... Imo
 « a Sacra Congregatione Concilii (in Calliensi, jurium paro-
 « chialium, 20 decembris 1828) declaratum fuit hoc pertinere
 « etiam in funeribus canonicorum ecclesiæ cathedralis. Præ-
 « cedentia vero parochi supra capitulum collegiatæ statuta
 « fuit a Sacra Rituum Congregatione in Faventina, 15 se-
 « ptembris 1668. » (Sacra Congregatio Rituum, apud Gardel-
 lini, n. 4524.) Vide etiam Leurenium, *Forum beneficiale*, parte 1,
 q. 453, n. 2 et seq.

2º Quando defunctus in ecclesia regularium tumulandus est, tenetur parochus associare cadaver usque ad ecclesiæ regularium januam. Sacra Congregatio Rituum, apud Gardellini, 2581, 2688. Quod si parochus funeri adesse recuset, nec alium mittat, possunt regulares levare cadaver. (Ibidem, n. 2581, 2694.)

3º Quando parochus pervenit ad januam ecclesiæ regularium in qua sepeliendum est corpus, an possit consuetas preces deposito feretro recitare? An ingredi ecclesiam processioniter cum stola usque ad locum in quo deponendum est

ferctrum? an functioni a regularibus faciendæ, cum vel sine stola interesse? — De his sic reperio a Sacra Congregatione Rituum declaratum, apud Gardellini.

« Die 23 martii 1619... Congregatio Sacrorum Rituum censuit... associato funere ad ecclesiæ portam, debere parochum, vel illum ex capitulo et clero penes quem animarum curæ exercitium existit, ad populum converti, eique absolutione impertita recedere, relicto cadavere in ecclesia dictorum clericorum regularium, ad quos dumtaxat peragendi officii cura spectabit. » (Gardellini, n. 422 : et consonat numerus 429.)

« An parochus defuncti et clerus sæcularis in associatione cadaverum possint ingredi ecclesias regularium, in quibus præfata cadavera tumulari debent, etiam cum cruce usque ad locum in quo cadaver collocatur, » Sacra Congregatio respondit : *Posse parochos supradictos et clerum sæcularem ingredi ecclesiam eum cruce; nullam tamen ibi peragere functionem circa cadavera. Die 20 junii 1654. (Apud Gardellini, n. 1559.)*

Et cum ulterius petatum fuisset an præmissa decisio intelligenda esset de ingressu usque ad locum in quo defuncti cadaver collocatur, responsum est : *Affirmative, dummodo parochi statim discedant e loco prædicto, et ad propria revertantur, liberum absolutionis cæremoniæ a regularibus peragendæ locum illuc dimittentes. Die 10 junii 1656. (Apud Gardellini, n. 1654.)*

« An possit præcludi aditus parochi processionaliter cum cruce stola et superpelliceo ingredienti ecclesias regularium, quando cadavera in eorum ecclesiis sepeliuntur, comitando tantummodo defunctum?... Sacra Congregatio... respondit... *Non licere parochi, et posse impediri, nisi adsit contraria consuetudo immemorabilis, formiter et legitime probanda. » (Gardellini, n. 2684.)*

« Primo utrum renuentibus parochis cadavera ad ecclesias regularium associare, possint regulares ipsi cadavera de domo levare, et ad ecclesiam ducere, et sepelire absque parochi præsentia, nec possint a parochis impediri? Secundo, an parochi, postquam cadavera associarunt usque ad

« januas ecclesiæ regularium, teneantur ab ea recedere, vel
 « saltem stolam dimittere, et manere in loco distant ab offi-
 « ciatura, nec in ea se ingerere? *Tertio*, an parochi dum per-
 « venerint ad fores ecclesiæ regularium, in associatione cada-
 « veris, teneantur deponere crucem in ipsa janua, vel saltem
 « eam collocare in loco distant ab officiatura? — Sacra Con-
 « gregatio respondit : *Ad I affirmative, posse vocatis parochis,*
 « *et ipsis renuentibus intervenire, vel alterum mittere, ut resolu-*
 « *tum fuit in Senogallienſi die 22 junii 1675. Ad II teneri ab ea*
 « *recedere, nisi adsit contraria consuetudo immemorabilis legitime*
 « *probanda, vel saltem admitti posse dimissa stola. Ad III sub*
 « *unica cruce sunt deferenda cadavera, et debet esse illius ecclesiæ,*
 « *ad quam corpus deferatur. 20 novembris 1677.* » (Gardellini,
 n. 2694.)

« An liceat parochi cathedralis Camerinensis, occasione as-
 « sociationis defuكتورum ad ecclesiam regularium, deposito
 « feretro ante limina ecclesiæ, preces consuetas recitare? —
 « Sacra Congregatio censuit : *Non licere et amplius.* » (Gardeli-
 lini, n. 3644.) Vide etiam numerum 3573.

Communiorem autem canonistarum de eadem re doctrinam
 sic exprimit Leurenus (*Forum beneficiale*, parte 1, q. 453,
 n. 3) : « Ad parochum spectat, tam in domo defuncti, quam
 « per viam, donec accedatur ad ecclesiam regularem, in qua
 « cadaver sepeliendum et exequiæ peragendæ, officium per-
 « agere; quamvis oporteat per aliarum parochiarum fines
 « transire; dum ita dicitur continuare jus suum, jam inco-
 « ptum iu suo termino a quo, usque ad terminum ad quem
 « (Cardinalis de Luca, *de Regularibus*, discursu 1, n. 53); juxta
 « declarationem Sacræ Congregationis præpositæ negotiis
 « Episcoporum. Ac ita teuetur usque ad januam ecclesiæ re-
 « gularium, in qua sepeliendus defunctus, funerale ducere
 « et prosequi, juxta eandem Congregationem. Sed neque,
 « dum mortuus in hospitali elegit sepulturam in alia ecclesia,
 « ac propterea inde asportandum funus, possunt regulares,
 « quorum est hospitale, se in hoc ingerere extra septa pro-

« priæ domus regularis; sed tali casu subiintrat parochus, ni-
 « mirum proprius defuncti, sub cujus parochia hic vivebat;
 « et non ille intra cujus parochiam situm est hospitale, nisi
 « forte ex privilegio et consuetudine. »

« Porro debent regulares vocati ad funus associandum ac-
 « cedere ad ecclesiam parochialem, et exinde cum parocho ad
 « domum, ex qua exportandum cadaver, se conferre. Quam-
 « vis in hoc (num sufficiat regulares invitatos reperiri in loco
 « in quo cadaver est, et exinde tantum perrecturos, au vero
 « debeant accedere ad ecclesiam parochialem, ex qua diri-
 « genda processio ad accipiendum corpus in propria domo)
 « deferendum esse consuetudini; et (cessante consuetudine)
 « servandum regularibus quod jam dictum, utpote contra eos
 « decisum, asserat Cardinalis de Luca (*de Regul.*, discursu 1,
 « n. 61).

« Verum in ingressu portæ vel atrii ecclesiæ regularis, aut
 « alterius, in qua sepeliendus defunctus, parochus suum
 « munus dimittit, illudque reassumit Prælati istius domus
 « regularis (vel alius regularis de ejus mandato), vel alter
 « parochus sæcularis, si ecclesia electa pro sepultura sit alia
 « parochialis. »

4° Potest parochus prohibere regularibus ut propriam cru-
 cem erigant in funeralibus, quando cadavera non deferuntur
 ad eorum ecclesias. (Sacra Congregatio Rituum, apud Gardel-
 lini, n. 570, ad 4.)

5° Dummodo autem incedant sine cruce, prohiberi ne-
 queunt a parocho regulares ne ad funus vocati, corpus asso-
 cient psalmos de more canendo. (Sacra Congregatio Rituum,
 apud Gardellini, n. 684.)

6° Parochus impedire nequit quin confraternitates fu-
 nus associet. (Sacra Congregatio Rituum, apud Gardellini,
 n. 685.)

7° Parochus per cujus parochiæ fines transit funus, nullum
 jus acquirit, nec transitum impedire potest, aut quidquam sti-
 pendii petere. (Sacra Congregatio Rituum, in Fanensi 14 fe-

bruarii 1626; apud Gardellini, n. 468.) — Idem decum in Sutrina 15 septembris 1685. (Apud Gardellini, n. 2945.) Item in Turritaua 9 decembris 1634 (Gardellini, n. 863).

8° Ad parochum spectat declarare per quam viam exportandus sit defunctus. — Ita decum a Sacra Congregatione præposita negotiis Episcoporum et regularium refert laudatus Leurenus, citato loco, n. 4.

9° *Non ad parochum, sed ad hæredes pertinet quos voluerint clericos convocare; sicut et numerum cercorum, atque alia, ad maiorem minoremve pompam adhibenda, determinare.* — Vide id variis Sacrarum Congregationum decisionibus declaratum, apud Leurenium, citato loco, n. 4.

10° Officiu funerale in ecclesia regularium in qua sepe-liendus defunctus, non a parochu, sed a prælato regulari, vel alio ab ipso deputato peragendum est. Si electa fuerit a defuncto alia ecclesia parochialis, officiu in ea peragendum est a rectore illius ecclesiæ, non autem a parochu defuncti. (Leurenus, loco citato, n. 7.)

11° Quando exequiæ fiunt in sua parochia, potest parochus ad funus vocare quos maluerit clericos, nisi hæredes defuncti aliter disponant. — « Parochus seu vicarius Sancti Romani » in civitate Ferrariensi petiit a Sacra Rituum Congregatione » declarari, an ad funera et exequias, quæ fiunt et celebrantur in sua parochia, possit ad libitum vocare quos clericos » vel presbyteros voluerit; an vero teneatur, ut aliqui præ-tendunt, vocare viciniore? — Eadem Sacra Rituum Congregatio respondit: *Posse parochum ad libitum vocare quos voluerit, dummodo illi sponte velint accedere, nisi aliter disponant hæredes defuncti, quorum voluntatem servandam esse censuit et* » declaravit die 7 septembris 1613. » (Apud Gardellini, n. 329.)

12° Stante consuetudine immemorabili, potest parochus, invitis regularibus, in ipsorum ecclesiis, cum superpelliceo et stola, simpliciter assistere officio, quod ab iisdem regularibus decantatur, cadaveribus defunctorum præsentibus. (Sacra Congregatio Rituum, apud Gardellini, n. 2201 et n. 2206.)

Sed tunc nequit parochus quidquam functionis exequi, sed solum interesse. (Ibidem, n. 2239.)

III.

Jus parochi quoad elevandam in ducendis funeribus crucem

1. Unica tantum crux in ducendo funere elevari potest; estque hæc regula omnino certa, ut ex modo adducendis decisionibus patebit.

2. Quando funeri intervenit cathedrale capitulum, non alia crux deferenda est quam capituli. (Saera Congregatio Rituum, apud Gardellini, n. 2424.)

3. Idem procedere quoad collegiale capitulum, sequitur ex declaratione in causa Balneoregiensi, 11 aprilis 1840. (Apud Gardellini, n. 4730.) Ibi enim dicitur elevationem crucis deberi *Ecclesiae ad quam defunctus defertur, uti pluries decretum fuit... Si vero intersit collegiatae capitulum, huic debetur prælatio crucis, juxta generale decretum diei 2 julii 1661. Generale illud decretum reperies apud Gardellini, sub n. 1956.*

4. Excepto prædicto casu intervenientis cathedralis vel collegialis capituli, elevari semper debet *crux ecclesiae tumultantis*, id est ad quam cadaver defertur, et in qua sepeliendum est. Constat hæc regula, tum decisionibus apud Gardellini sub numeris 684, 2694, 4061 positis, tum aliis infra indicandis.

5. Hinc si unius parochiae defunctus in alia parochiali ecclesia sepeliendus sit, hujus posterioris, non autem propriae defuncti parochiae crux elevari debet. Id expresse decusum est in *Sabinensi*, 12 novembris 1831. (Apud Gardellini, n. 4524.) Orta nempe hac de re contentione inter collegiatam Sanctæ Mariæ Magdalenæ (quæ collegiata ecclesia simul parochialis erat), et alteram parochiam, Sancti Hilarii nuncupatam, ad dubium: *An et cui competat elevatio crucis?* Responsum est: *Crucis elevationem competere ad ecclesiam parochialem tumultantem: nempe si cadavera deferantur ad ecclesiam collegiatam*

Sanctæ Mariæ Magdalænæ, hujus ecclesiæ crux est elevanda, etiamsi defunctus ad Sancti Hilarii parœciam pertineret : et vicissim crucis elevatio competit ad parœciam Sancti Hilarii, si defunctus in hac ecclesia sit tumulandus, quamvis de parochia collegiatæ esset : cum sub una tantummodo cruce ecclesiæ tumultantis in funeribus esse procedendum pluries decreverit Sacra Rituum Congregatio; præsertim, in Melphitana 12 julii 1628, in Lucensi 15 maii 1694, in Melvitana jurium parochialium 27 februarii 1723, et (omissis aliis) novissime in Aletrina 6 maii 1826.

6. Item si defunctus non in sua parochiali ecclesia, sed in ecclesia regularium sepeliendus sit, ecclesiæ regularis, non parochiæ crux adhibenda est. Sequitur ex præmissa regula, procedendum nempe esse sub cruce ecclesiæ tumultantis; et præterea decisum est in *Camerinensi* 19 septembris 1750 (apud Gardellini, n. 4061). Contendentibus nempe Franciscanorum conventu et parcho ejusdam oppidi, Ploraci nuncupati, propositum est dubium, *An plebanus oppidi Ploraci, associando cadavera sepelienda in ecclesia Sancti Francisci Patrum minorum conventualium, teneatur incedere sub illorum cruce, seu potius valeat propriam crucem elevare?* Et Sacra Congregatio respondit, *affirmative ad primam partem, et negative ad secundam.*

Hinc, etsi olim disputatum fuerit, an possit parochus cum sua cruce ingredi regularium ecclesiam, in qua sepeliendum est corpus, jamdudum hæc difficultas evanuit; siquidem ex quo decisum fuit unicam, et quidem ecclesiæ tumultantis, intervenire posse crucem, falso supponeretur parochum suam habere.

IV.

Jus parochi quoad præcedentiam in funeribus.

Quoad præcedentiam parochi, stola induti et funus ducentis, hæc, ex variis Sacræ Congregationis Rituum decisionibus, tenenda sunt :

1° Si neque cathedrale neque collegiale capitulum interveniat, præcedentia, ac proinde dignior locus debetur parochi, stola induto et funus ducenti. Dignior autem locus tunc est ultimus : unde parochus immediate ante cadaver, post alios omnes incedere debet.

2° Si interveniat cathedrale capitulum, ipsi præcedentia et dignior locus competit : ac proinde incedere debet immediate ante cadaver; parochus autem, stola indutus, immediate ante capitulum, et post cæteros omnes (salva sequenti exceptione).

3° Interveniente cathedrali capitulo, cathedralis curatus et sacrista, etiamsi sint amovibiles, ntpote incedentes sub cruce capituli, præferuntur etiam parochi : unde incedere debent cum capitulo, post parochum, non autem ante parochum.

4° Quando intervenit capitulum collegiale, an ipsi, an vero parochi dignior debeatur locus, non una semper et eadem fuisse videtur Sacræ Congregationis Rituum sententia. De quo, ut nonnulla proferam, in una *sassoferrati*, Nucerinæ diocesis, die 24 octobris 1609 responsum est : *Illum presbyterum, seu curatum, seu priorem, qui defert stolam, et ad cujus ecclesiam funus deferitur alios omnes præcedere debere, etiam canonicos ecclesiæ collegiatæ*. In una autem *Prænestina Cavarum*, 12 maii 1618, necnon in generali decreto 2 julii 1661 (apud Gardellini, n. 1956), contrarium decisum est. In *Anagnina* 28 julii 1832, emanavit responsio, *præcedentiam competere illi qui stolam defert, et agebatur in casu de præcedentia quoad collegiale capitulum* (apud Gardellini, n. 4546). Ast in *Balneoregiensi*, 11 aprilis 1840 ad dubium, *cui debeatur præcedentia in incessu per vias occasione associandi funus, an capitulo collegiatæ capitulariter intervenienti, vel parochi ipsius defuncti*, responsum est : *Debetur capitulo, uti in una Januensi, diei 13 martii 1688* (apud Gardellini, n. 4730). Tandem in *Syracusana*, 17 junii 1843, declaratur præcedentiam deberi *capitulo collegiatæ, dummodo sit, vel a parochi, vel ab hæredibus defuncti invitatum* (apud Gardellini, n. 4819). Ejusmodi autem de præcedentia

parochum inter et collegiale capitulum in deducendis funeribus declarationes, an et quo sensu concordent, aliis expendum reliquimus.

5° Circa modo dicta quoad parochi in funeribus præcedentiam, confer in Gardelliana collectione numeros 295, 638, 1575, 1598, 758, 269, 426, 413, 564, 1908, 2299, 3566, 3018, 4524, 4546, 4730, 4819, 1956.

6° Quamvis funerali interveniat cathedrale capitulum, et præcedentiam habeat super parochum, ut dictum est, non tamen ad aliquem de capitulo pertinet intonare antiphonam *Exultabunt Domino*, etc., sed ad parochum, juxta Rituale Romanum. (Sacra Congregatio Rituum, apud Gardellini, n. 2369, 2424, 2386.)

§ III.

Jus parochi quoad emolumenta ex funeribus provenientia.

Jus parochi ad ejusmodi emolumenta duplex distingui potest : jus nempe ad certam aliquam oblationem, dum ipsius parochianus in parochiali ecclesia vel cæmeterio sepelitur; et jus ad *quartam funeralem*, dum ejus parochianus alibi sepultura donatur. De utroque jure sub sequentibus quæstionibus.

QUÆSTIO 1°. — *An possit parochus aliquid exigere pro officio sepulture ab ipso præstito?* — Respondeo 1° quoad pauperes, certum est non posse quidquam exigi; sed tenetur parochus gratis eos sepelire. 2° Etiam quoad cæteros, si agatur de modo sepeliendi ordinario (id est, non cum extraordinaria pompa), et abstrahendo a consuetudine vim legis habente, nequit parochus quidquam exigere. Nam sepeliendi officium est quid spirituale, et vi muneris sui tenetur parochus illud parochianis suis præstare. Unde si pretium exigeret, injustitiæ, cupiditatis, et simoniæ reum se faceret. 3° Si tamen defuncti hæredes vel consanguinei postulent extraordinarium modum, verbi gratia, missam solemnius cantatam, et alia ejusmodi, ad quæ vi officii non tenetur parochus, poterit is, in stipendium hujus

extraordinarii laboris aliquid exigere. 4° « Utrum autem va-
« leat consuetudo quod quid certum exigi possit a curato pro
« sepultura, seu pro officio sepulturæ, Abbas (in caput *Cum*
« *M. Ferrariensis, de Constit.*; et in caput *Abolendæ, de Sepultu-*
« *ris*, post glossam) tenet talem consuetudinem, post traditum
« sepulturæ corpus esse observandam, quia habet principium
« voluntarium. Contrariam vero opinionem, imo consuetudi-
« nem solvendi aliquid pro sepultura seu pro officio sepulturæ
« non tenere, sustinet Hostiensis..., Antonius de Butrio... »
(Barbosa, *de Officio parochi*, c. 26, n. 18.)

Certum autem est ad parochum pertinere oblationes quæ sponte fiunt sive intra sive extra missam, et sive ante sive post funus, in ecclesia parochiali, ejusdem funeris intuitu et occasione.

QUÆSTIO 2ª. — *Quid sit quarta funeralis, seu canonica portio ?*
— « Est certa quantitas a jure canonico inducta, et solvi debita
« parochi vel Episcopo ab ecclesia illa, in qua quis, relicta
« propria, sepelitur, ex relictis eidem a parochiano defuncto,
« vel obvenientibus ratione funeris. » (Leurenus, *Forum be-*
neficiale, parte 1, q. 454.) Cum nempe, ex stabilitis supra,
cuiuslibet liberum sit sepulturam suam alibi quam in parochiali
ecclesia et cæmeterio eligere, sæpe contingit ut parochianus
illi ecclesiæ aut monasterio, ubi sepeliendum se maudavit, le-
gatum aliquod ex testamento relinquat; item ut eidem eccle-
siæ vel monasterio ratione sepulturæ fiant oblationes. Porro
ecclesiastica lex, etsi permittat ita fieri, voluit tamen ut ex
iis legatis et oblatis certa aliqua pars parochi tribui deberet;
atque illa pars a jure determinata vocari solet quarta fune-
ralis, vel portio parochialis, vel etiam portio canonica. Vocatur
autem *quarta*, quia de jure ordinario, et nisi aliter ex con-
suetudine inductum fuerit, parochi debetur *quarta* pars ex
omnibus emolumentis, quæ occasione funeris alienæ ecclesiæ
obvenerunt. Certum omnino est jus illud parochorum ad quar-
tam funeralem, prout constat ex multis juris textibus, quorum
nonnullos mox adducemus. •

QUÆSTIO 3^a. — *Quanta sit portio canonica parochia debita?* — Respondeo 1^o : de jure ordinario est quarta pars, ex omnibus emolumentis, quæ ratione funeris alteri ecclesiæ obveuerunt; sed vi consuetudinis potest esse diversa. Constat id sequentibus juris textibus : *Præsentium auctoritate statuimus, ut, si aliquem paræcianorum vestrorum alibi contigerit eligere sepulturam, de testamento ipsius quarta vobis portio relinquatur.* (Caput *Cum super* 8, tituli *de Sepulturis* 28, libri 3 decretalium.) In elementina *Dudum* (2, *de Sepulturis*) pariter præcipitur parochis solvi quartam portionem; et quidem *de obventionibus omnibus tam funeralibus, quam quibuscumque et quomodocumque relictis, distincte vel indistincte, ad quoscumque certos vel determinatos usus; necnon de datis vel qualitercumque donatis in morte, seu mortis articulo in infirmitate donantis vel dantis, de qua decesserit; quomodocumque directe vel indirecte; fratribus ipsis, vel aliis pro eisdem.* In capite autem *Certificari* (9, *de Sepulturis*) sic disponitur : *Certificari voluisti a nobis quomodo illa clausula, quæ in privilegiis solet apponi, salva justitia illarum ecclesiarum, a quibus mortuorum corpora assumuntur, intelligi debeat et exponi. Cum autem super hoc articulo diversa antecessorum nostrorum manaverint instituta, Leone justitiam illam quandoque tertiam partem, quandoque mediam, et Urbano quartam fore censentibus : Nos tale præbemus in hac varietate responsum : ut, sicut beatus Hieronymus inquit, unaquæque provincia in suo sensu abundet, secundum rationabilem consuetudinem regionis illa justitia circa medietatem, vel tertiam, aut quartam partem, pro locorum diversitatibus attendatur.*

2^o Ex his et nonnullis aliis textibus concludunt canonistæ posse, vi consuetudinis, portionem parochialem esse dimidiam vel tertiam partem; imo posse esse majorem dimidia et minorem quarta parte : cum hoc tamen discrimine, quod valeat consuetudo decem annorum quoad dimidiam, tertiamque, et quamlibet aliam non majorem dimidia nec minorem quarta : quoad portionem autem vel majorem dimidia, vel minorem quarta, dicunt requiri consuetudinem 40 annorum spatio

præscriptam. (Vide Barbosam, *de Officio parochi*, c. 25, n. 2; et Leurenium, *Forum beneficiale*, parte 1, q. 454, n. 2.)

QUÆSTIO 4^a. — *De quibus rebus solvenda sit portio canonica?*
 — « Respondeo : de omnibus quæ ecclesiæ, in qua quis
 « (relicta propria) eligit sepeliri, ratione et occasione funeris
 « seu sepulturæ obveniunt ; puta quæ tali occasione legantur
 « illi ecclesiæ (non autem personæ certæ illius), sive res sint
 « mobiles, sive immobiles : quæ deferuntur seu portantur
 « cum funere : quæ offeruntur tempore quo funus seu exe-
 « quiæ celebrantur ; sive obveniant antequam corpus in terra
 « condatur, sive post, usque ad trigesimum diem ; et quam-
 « diu fit memoria funeris, dum ex causa pluribus diebus post
 « tumulationem fiunt exequiæ magna cum pompa ; etiam dum
 « paracho jam die funeris data est candelarum, facum, simi-
 « liumque quarta pars... ; hæc enim omnia dicuntur funera-
 « lia. » (Leurenium, *Forum beneficiale*, parte 1, q. 455, n. 1.)
 Ita deducunt communiter auctores ex supra citatæ clemen-
 tinæ *Dudum* verbis.

« In particulari : 1^o debetur quarta funeralis de candelis
 « et cereis oblatis : item ex eis qui accensi afferuntur et po-
 « nuntur circa crucem et cadaver. Nulla tamen debetur por-
 « tio ex candelis quas fratres confraternitatum aliique presby-
 « teri in manibus portant, cum hæ remaneant deferentibus,
 « juxta declarationem Benedicti XI... ; uti nec de intorstiis
 « seu cereis confraternitatum sæcularium associantium fu-
 « nera. Item nec de intorstiis quæ portantur a locis piis ad
 « associandum funera pæuperum.

« 2^o Ex iis quæ legantur sive dantur pro legendis missis.

« 3^o De armis, culcitra, pallio, pannis sericis, etc., quæ in
 « feretro deferuntur.

« 4^o Ex bonis relictis jure institutionis, ut si defunctus
 « iustituerit hæredem ecclesiam, in qua eligit sepulturam.

« 5^o Ex iis quæ relinquuntur ecclesiis donatione, causa mor-
 « tis facta ; aut in mortis articulo donantur. Item ex ea pecu-
 « nia, quam, dum regularibus talis ecclesiæ nihil legatum est,

« frater aliquis ex illis datus executor ad eam pro libitu suo
« distribuendam, distribuit inter dictos regulares...

« 6^o Ex omnibus legatis tali ecclesiæ factis seu relictis in
« ultima voluntate. » (Leurenus, loco citato.)

Dum autem dicimus portionem canonicam ex his omnibus esse solvendam, id procedere intelligitur juxta jus commune ; id est, quoad eos, qui hanc portionem juxta jus commune parochi solvere tenentur. Nam ab hoc onere num regulares auctoritate apostolica exempti fuerint, infra expenditur.

« Sacra Rituum Congregatio censuit..., quoad tertium, semper quartam funeralem interstitiorum, quæ circa corpus defuncti deferuntur, reservatam intelligi proprio parochi, quotiescumque defunctus alibi sepeliri contigerit. Die 9 decembris 1628. » (In Senogalliensi, apud Gardelliui, n. 638.)

CAPUT XI.

QUÆNAM SINT FUNCTIONES PAROCHIALES, ID EST, QUÆ NONNISI
A PAROCHO, AUT DE IPSIUS LICENTIA PERAGI POSSUNT ?

Prænotanda. — 1^o Jam supra monuimus, non tantum in variis hæc de re sententias doctores abuisse, sed et discrepantes videri Sacrarum Congregationum declarationes ; atque ut ejusmodi contrarietatibus finis (quoad multa saltem) imponeretur, editum fuisse a Sacra Rituum Congregatione percelebre decretum, *urbis et orbis* inscriptum, diei 10 decembris 1703. De qua opinionum varietate Cardinalis Colloredus, cui demandata fuerat dicti decreti præparandi cura, sic adnotabat : « Adeo frequentes sunt controversiæ parochos inter ac
« sodalitia, scriptorum vero opiniones, et Sacrarum pariter
« Congregationum sententiæ adeo variæ ac discrepantes inter
« se videntur, ut Eminentie Vestre necessarium alias duxerint aliquem modum statuere, ac judicium ferre de quibusdam controversiis, quæ generatim proponantur ; ita ut re-

« liquæ in posterum difficultates facile componi, aut facilius
« judicari possent. Id nunc eo difficilius obtinetur, quo faci-
« lius excitantur dissidia...; quia utræque (*partes*) facile inve-
« niunt auctores ac decreta, quæ causæ suæ plurimum suffra-
« gantur : quæ sanc decreta variis temporibus, atque a
« diversis iudicibus confecta, vim majorem vel minorem a
« majori vel minori partium dissidentium peritia atque iudu-
« stria sibi comparaverunt. » (Apud Benedictum XIV, institu-
tione 105, n. 92.)

2° Quo prænotato, ad propositæ quæstionis solutionem pro-
cedemus hoc modo : *primo* exquiremus quibusnam auctori-
tibus, tanquam norma, vitendum sit, ad discernendas paro-
chiales functiones a functionibus mere sacerdotalibus. *Secundo*
transcribemus dictum decretum Sacræ Congregationis Rituum
10 decembris 1703. *Tertio* concludemus quænam functiones
pro parochialibus habendæ sint.

§ I.

Quænam auctoritates pro norma habendæ sint ad determinandas parochiales
functiones.

1° Cum anno 1703 confectum fuerit, per modum legis
universalis, memoratum decretum Sacræ Congregationis Ri-
tuum, et in eum præcise fuit ut opinionum varietas huc
usque perseverans de medio tolleretur, decretum illud pro
norma sumendum procul dubio est; cum aliunde constet
idem decretum uequaquam postea fuisse revocatum; ut adeo
etiæ pro lege universali habendum sit.

2° Doctorum opiniones, atque ipsæ etiam Sacrarum Con-
gregationum declarationes, dicto decreto anteriores, et quæ
eidem contrariæ viderentur, jam attendendæ non sunt; cum
per illud decretum eis, in quantum contrariæ forent, dero-
gatum fuerit.

3° Quoad cætera de functionibus parochialibus dubia, de

quibus dictum decretum silet, perpendendæ sunt Sacrarum Congregationum declarationes, sive eidem decreto anteriores sint, sive posteriores; atque iis deficientibus, attendenda de more communi doctorum sententia.

4° Quod autem, ut diximus, attendendæ non sint declarationes sæpedito decreto anteriores, si forte ipsi adversari viderentur, fuit etiam clarissimi Benedicti XIV sententia. Nequaquam scilicet, ut optime adnotat, intentum finem controversias finiendi assecuta fuisset Sacra Congregatio, « Si, « post decreta *urbis et orbis* anni 1703, liceret repetere contraria decreta, quæ ante illud tempus edita fuerunt; cum Sacra Congregatio post diuturnum et accuratum examen aliqua ex ipsis penitus abrogaverit, alia vero confirmaverit, et alia nova condiderit, ut pristinis controversiis optatus finis, « certaue in posterum uorma super hac re statueretur. » (Institutione 105, n. 102.)

5° Hæc præmittenda duximus, ne forte existimet quis elidi posse conclusiones, mox a nobis e decreto anni 1703 deducendas, adductis in contrarium vetustioribus Sacrarum Congregationum declarationibus. Nunc ipsummet decretum oculis subjiciamus.

§ II.

Decretum generale Sacre Congregationis Rituum diei 10 decembris 1703, circa jura parochialia, functiones et præeminencias, inter parochos et confraternitates laicorum, earumque cappellanos et officiales.

« Ad debitum imponendum finem controversiis, quæ inter
« parochos et confraternitates sæculares, earumque cappella-
« nos et officiales, super juribus parochialibus et functionibus
« ecclesiasticis, nonnullisque præeminentiis seu prærogativis
« frequenter exoriri solent; in Sacra Rituum Congregatione
« ab Eminentissimo et Reverendissimo D. Cardinali Colloredo
« propositis infra scriptis dubiis, videlicet :

« 1° An confraternitates laicorum, legitime erectæ in ecclesiis parochialibus, habeant dependentiam a paroco in ex-
« plendis functionibus ecclesiasticis non parochialibus?

« 2° An dictæ confraternitates erectæ in cappellis vel oratoriis, tam publicis quam privatis, aduexis parochialibus ecclesiis et ab eis dependentibus, habeant dictam dependentiam a paroco quoad dictas functiones?

« 3° An confraternitates erectæ in aliis ecclesiis publicis habeant quoad easdem functiones aliquam dependentiam a paroco, intra cujus parochiæ limites sitæ sunt ecclesiæ?

« 4° An confraternitates erectæ in oratoriis tum publicis tum privatis, seunctis ab ecclesiis parochialibus, quoad dictas functiones ecclesiasticas habeant dictam dependentiam a paroco?

« 5° An benedictiones et distributiones candelarum, circum et palmarum sint de juribus mere parochialibus?

« 6° An benedictiones mulierum post partum, fontis baptismalis, ignis, seminis, ovorum et similium sint de juribus mere parochialibus?

« 7° An functiones omnes hebdomadæ sanctæ sint de juribus mere parochialibus?

« 8° An celebratio missæ solemnis feria V in cæna Domini sit de dictis juribus parochialibus?

« 9° An prima pulsatio campanarum in sabbato sancto sit de dictis juribus parochialibus?

« 10° An celebratio missarum solemniū per annum, sive pro vivis, sive pro defunctis, sit de dictis juribus parochialibus?

« 11° An expositio quadragesimæ horarum, et benedictio quæ fit super populo sit de dictis juribus mere parochialibus?

« 12° An expositio quæ fit cum reliquiis et sacris imaginibus, et benedictio quæ cum eis fit super populo, sit de dictis juribus parochialibus.

« 13° An functiones in præcedentibus octo dubiis, videlicet

« a dubio 5 ad 12 expressæ, peragi possint in oratoriis pri-
« vatis, contradicente paroco.

« 14° An in dictis oratoriis privatis confraternitatum per
« confratres statis horis recitari possint horæ canonicæ cum
« cantu, vel sine, absque alia licentia parochi?

« 15° An in dictis oratoriis privatis sit licita celebratio missæ
« privatæ, assentiente Ordiuario loci, et contradicente paro-
« cho?

« 16° An cappellani confraternitatum possint populo denun-
« tiare festivitates et vigiliæ occurrentes in hebdomada absque
« licentia parochi?

« 17° An parochus, invitis coufratribus, docere possit do-
« ctrinam christianam in prædictis ecclesiis et oratoriis pu-
« blicis vel privatis, a parochiali divisus et separatis?

« 18° An in sæpe dictis ecclesiis publicis confraternitatum
« possint haberi publicæ conciones, etiam per totum cursum
« quadragesimæ vel adventus cum licentia Ordinarii, et abs-
« que licentia parochi?

« 19° An in eisdem ecclesiis possit celebrari missa sive
« lecta, sive cantata, ante missam parochialem sive lectam
« sive cantatam?

« 20° An ad parochum spectet facere officium funebre su-
« per cadaveribus sepeliendis in sæpeditis ecclesiis et ora-
« toriis publicis confraternitatum?

« 21° An intra ambitum earundem ecclesiarum fieri possint
« processiones, juxta cujusque confraternitatis institutum,
« absque interventu vel licentia parochi?

« 22° An eadem processiones fieri possint extra ambitum
« dictarum ecclesiarum, absque licentia illorum parochorum,
« per quorum territorium transeundum est?

« 23° An in dictis processionibus cappellani confraternita-
« tum possint deferre stolam?

« 24° An Episcopo accedenti ad ecclesias publicas confra-
« ternitatum, quæ non sint regularium, neque proprium re-
« ctorem beneficiatum habeant, porrigendum sit asperso-

« rium a parochō , in ejus territorio sunt sitæ dictæ ec-
« clesiæ ?

« 25° An earundem ecclesiarum et confraternitatum re-
« ctōres, et cappellanos possit parochus, cessante speciali ac
« legitimo titulo, et ex solo jure parochialitatis, compellere
« invitos ad assistendum functionibus ecclesiæ parochialis ?

« 26° An in sæpēdictis ecclesiis confraternitatum neque
« parochialibus neque regularibus, retineri possit sanctissi-
« mum Eucharistiæ sacramentum sine speciali indulto Sedis
« Apostolicæ ?

« 27° Præsupposita facultate retinendi, an possit infra an-
« num publice exponi, sine licentia Ordinarii ?

« 28° An possit parochus se ingerere in administratiōe
« oblationum, elemosynarum in sæpēdictis ecclesiis recol-
« lectarum, vel capsulæ pro illis recipiendis expositæ clavem
« retinere ?

« 29° An in ecclesia parochiali confratres, vel eorum cap-
« pellani immiscere se valeant, invito parochō, in ejusdem
« ecclesiæ functionibus, sive parochialibus, sive non parochia-
« libus ?

« 30° An confraternitates, sive sint erectæ in ecclesia pa-
« rochiali, sive extra illam, possint pro libitu, et juxta unius
« ejusque peculiaria statuta congregationes suas facere, abs-
« que interventu vel licentia parochi ?

« 31° An possint propria bona administrare, ac de illis dis-
« ponere, absque ulla dependentia a parochō ?

« 32° Quando parochus eisdem congregationibus intersit de
« mandato Ordinarii, et tanquam ejus delegatus, an possit
« suffragium decisivum ferre ? Et quatenus affirmative.

« 33° An etiam suffragium duplex ?

« Sacra eadem Rituum Congregatio, re mature discussa, re-
« spondendum esse censuit :

« Ad 1, affirmative; — ad 2, affirmative; — ad 3, negative;
« — ad 4, negative; — ad 5, negative; — ad 6, negative;
« sed benedictiones mulierum et fontis baptismalis fieri de-

« bere a parochis ; — ad 7, negative prout jacet ; — ad 8,
 « uegative prout jacet, sed spectare ad parochos ; — ad 9,
 « negative prout jacet, sed spectare ad ecclesiam digniorem,
 « ad formam constitutionis Leonis X, 22, § 14 ; — ad 10, ne-
 « gative prout jacet, sed licere confratribus dumtaxat in fe-
 « stivitatibus solemniioribus ejusdem ecclesiæ, vel oratorii, ut
 « in Brundusina sub die 1 julii 1601 ; — ad 11, negative ;
 « — ad 12, negative ; et quoad benedictiones cum reliquiis
 « et imaginibus servantur decreta ; — ad 13, satis provisum
 « in superioribus ; — ad 14, affirmative, nisi aliter Ordina-
 « rius statuatur ex rationabili causa ; — ad 15, affirmative ; —
 « ad 16, affirmative ; — ad 17, negative ; — ad 18, affirmative ;
 « — ad 19, negative nisi aliter Episcopus disponat ; — ad 20,
 « affirmative, quando tumultandus est subjectus parochus, intra
 « cujus fines est ecclesia, vel oratorium ; — ad 21, affirmative ;
 « — ad 22, negative, nisi adesset licentia Episcopi ; — ad 23,
 « uegative extra propriam ecclesiam ; — ad 24, negative ; —
 « ad 25, negative ; — ad 26, uegative ; — ad 27, uegative ; —
 « ad 28, negative ; — ad 29, negative ; — ad 30, affirmative,
 « dummodo non impendant functiones et divina officia ; —
 « ad 31, affirmative ; — ad 32, negative ; — ad 33, negative.
 « — Et ita (salvis tamen conventionibus et pactis in erectione
 « confraternitatum forsitan factis, concordatis inter partes iutis
 « et a Sancta Sede approbatis, indultis, constitutionibus syuo-
 « dalibus, et provincialibus, et consuetudinibus immemo-
 « rabilibus vel saltem centuariis) declaravit ac decrevit...,
 « die 10 decembris 1703. » Occurrit illud celebre decretum
 apud Gardellini, numero 3521, sub rubrica *Urbis et orbis*.
 Atque illud etiam per extensum transcripsit Benedictus XIV
 in sua institutione 105. Fuisse autem idem decretum a Cle-
 mente XI, constitutione *Ad debitum*, confirmatum, vide in
 citata collectione Gardelliana, numero 4855.

§ 3.

Concluditur quænam functiones pro parochialibus habende sint.

PROPOSITIO I^a. — *Benedictio fontis baptismalis est functionibus parochialibus annumeranda.* — Nam ad dubium sextum præallati decreti respondetur quidem illam benedictionem non esse *de juribus mere parochialibus*; sed additur, illam *fieri debere a parochis*: quæ voces idem sonant, ac si expresse diceretur, ejusmodi benedictionem esse ad parochiales functiones referendam.

PROPOSITIO II^a. — *Missa sollemnis feriæ V in cœna Domini est etiam de functionibus parochialibus.* — Nam ad dubium VIII respondetur pariter, hujus missæ celebrationem non esse quidem de juribus parochialibus, sed additur illam *spectare ad parochos*.

PROPOSITIO III^a. — *Benedictiones mulierum post partum esse de functionibus parochialibus fuerat dicto decreto 1703 decisum; sed iterum postea intervenire declarationes contrarium statuentes.* — Quod ex decreto anni 1703 parochialis functio censenda sit puerperis impertienda benedictio, patet responsione ad dubium VI; in qua negatur quidem benedictionem illam esse *de juribus parochialibus*, sed expresse additur illam nihilominus *fieri debere a parochis*. Atvero contrarium postea declaratum reperitur. Verbi gratia, in *Derthonensi*, 7 decembris 1720, ad dubium quo quærebatur ad quem spectaret jus benedicendi puerperas, Sacra Congregatio Concilii expresse decrevit, *esse in libertate puerperarum accedere ad quamcumque ecclesiam sibi benevisam* (in *Thesauro resolutionum*, tomo 1, p. 299). Aliam in hunc sensum ejusdem Congregationis declarationem anni 1708, adducit Giraldis (in suis *Additamentis ad Barbosam, de Officio parochi*, capite 12, n. 12). Qua stante declarationum contrarietate quid concludendum sit, doctioribus expendendum relinquo. Adnotabo dumtaxat, præfatum decretum

anni 1703 esse generale, et a Sede Apostolica legis instar confirmatum. Ut adeo videatur declarationibus particulares casus rescipientibus anteponendum.

PROPOSITIO IV^a. — *Benedictiones et distributiones candelarum, cinerum, palmarum, ignis, ovorum et similium; item hebdomadæ sanctæ functiones cæteræ præter missam solemnem seriæ V in cæna Domini; item missæ solennes per annum, expositio quadraginta horarum, benedictio quæ fit super populo, expositio quæ fit cum reliquiis vel sacris imaginibus, et benedictio quæ cum eis fit super populo, non sunt de functionibus parochialibus.* — Huic nostræ conclusioni contrarios reperies nonnullos auctores, inter quos Monacellus (*Formularium legatæ*, tomo 2, tit. 13, formula 1, n. 54 et seq.). Ipsi nempe volunt in præfato decreto anni 1703 decisum dumtaxat fuisse prædictas functiones non esse *de juribus parochialibus*; nequaquam vero non esse *de functionibus parochialibus*. Unde, nonobstante hoc decreto, negant posse a cappellanis, in oratoriis ecclesiisve sodalitatum, peragi benedictiones cinerum, candelarum, ramorum olivæ, expositiones divinæ eucharistiæ per 40 horas, benedictiones super populo; utpote quæ functiones, etsi de juribus parochialibus non sint, sunt tamen munia parochialia, seu ad parochum privative pertinentia.

« Attamen huic adharere sententiæ nullo modo possumus, » ait Benedictus XIV (institutione 105, n. 102). Cujus clarissimi Pontificis sententiam omnino hac in re tenendam existimo, ob rationes ab ipso adductas: nempe,

1^o Nisi decreti sensus foret, dictas functiones nequaquam esse parochiales, posseque eas proinde in oratoriis peragi invito paroco, absona prorsus fuisset Sacræ Congregationis ageudi ratio. Nam decretum edebat, prout ipsamet expresse testatur, *ad debitum imponendum finem controversiis...*, *super juribus, parochialibus, et functionibus ecclesiasticis* (vide supra, initio decreti).

Jam vero si, quoad præfatas functiones, declaravit dumtaxat eas non esse *de juribus parochialibus*, intactam autem re-

liquit quæstionem, an *parochiales* sint neene, controversias de hoc ipso antea existentes nequaquam composuit, sed e contra eas tales quales permanere permisit. Quæ hypothesis omnino repugnat, præsertim quoad decretum ea cura, iisque præmissis investigationibus elaboratum, de quibus documenta profert Benedictus XIV in citata institutione 105. Hinc quando ad dubium 13, *an functiones in præcedentibus octo dubiis expressæ, peragi possint in oratoriis privatis contradicente paroko,* respoudet Sacra Congregatio, *satis provisum in superioribus,* sensus est, posse revera dietas functiones a cappellanis invito paroko peragi, exceptis tribus supra-memoratis, pro quibus addidit, spectare illas ad parochum. Alioquin enim ridiculum fuisset dicere, *satis provisum in superioribus,* cum nequaquam provisum fuisset.

2° Ita intelligendam esse responsionem ad dubium 13, constat præterea ex verbis Cardinalis Colloredi et duorum advocatorum consistorialium, qui concinnando decreto adlaboraverant; quæ verba vide apud Benedictum XIV (institutione 105, u. 106).

3° « Certissimum est, quod Sacræ Congregationes, cæteri-
« que iudices Romæ, in causis propositis post decreta de
« quibus verba fecimus, perpetuo decreverunt, eas func-
« nes peragi licere in ecclesiis et oratoriis confraternitatum,
« nisi vetusta consuetudo aut leges diœcesanæ synodi id
« prohibeant. » Benedictus XIV, institutione 105, n. 107.

4° Conclusionem nostram confirmat declaratio Sacræ Congregationis Concilii (in *Reatina*, 13 januari 1844). Propositis enim dubiis : « 1° An liceat cappellano novenas, triduos, et
« alias functiones cum expositione et benedictione sanctis-
« simi Sacramenti explere in oratorio Sancti Dominici, inde-
« penderet a paroko in casu ; — 2° an liceat eidem cappel-
« lano missas solemniter canere independenter a paroko in
« casu » Sacra Congregatio respondit : « Ad I et II affirmative
« in omnibus, ad formam decretorum urbis et orbis Sacræ
« Congregationis Rituum diei 10 decembris anni 1703, salvo

« tamen jure Episcopi super licentia benedicendi populum
« solemniter cum sanctissimo Sacramento prout de jure. »
(In *Thesaurο resolutionum*, tomo anni 1844, pag. 8.)

PROPOSITIO V^a. — *Prima pulsatio campanarum in sabbato sancto non est de juribus, nec de functionibus parochialibus.* — Constat responsione ad dubium 9; qua statuitur hanc primam pulsationem spectare ad ecclesiam digniorem, ad formam constitutionis Leonis X, 22, § 14. Fieri autem potest ut ecclesia dignior non sit parochialis; prout est, verbi gratia, cathedralis, quamvis, curam sibi annexam non habeat.

PROPOSITIO VI^a. — *Denuntiatio festivitatum et vigiliarum in hebdomada occurrentium, non est de functionibus parochialibus.* — Constat responsione ad dubium 16 citati decreti anni 1703, qua statuitur posse hanc denuntiationem absque licentia parochi fieri in oratoriis aliisve ecclesiis, intra parochiæ ambitum sitis.

PROPOSITIO VII^a. — *Officium funebre super parochianorum cadaveribus sepeliendis in confraternitatibus ecclesiis et oratoriis publicis, est de functionibus parochialibus.* — Constat responso ad dubium 20 citati decreti, quo statuitur officium illud ad parochum spectare, quando tumulandus est subjectus parochο, intra cujus fines est ecclesia vel oratorium.

CAPUT XII.

DE JURE PAROCHORUM QUOAD STOLÆ DELATIONEM.

In quæstionem vocari solet, an stolæ delatio parochis competat *in signum jurisdictionis*; et an eam deferre valeant extra illas functiones, quæ ejus usum exigunt, a quocumque presbytero peragantur.

I. Fatendum est non omni auctoritate destitui opinionem, quæ stolæ gestationem parochis attribuit *in jurisdictionis signum*. De quo, inter alia, quæ citari possent documenta, se-

quentem dumtaxat Sacrae Congregationis Rituum declarationem adducemus : « Ad sedandam controversiam obortam inter rectores curatos parochialium ecclesiarum, et inter canonicos et archipresbyteros cathedrales Sulmouensis civitatis, super prerogativa deferendi stolam et pluviale, ac praecedendi in itineralio cum ad dictas parochiales ecclesias cada- vera efferuntur, Congregatio Sacrorum Rituum censuit : *In processione funebri, ubi cadaver defertur, dictos canonicos et capitulum cathedralis ecclesiae Sulmonis praecedere debere, parochum deferre stolam, tanquam suae in cadaver illud JURISDICTIONIS SIGNUM, quemadmodum et Romae servatur.* Die 2 decembris 1592. » (Gardellini, tomo 7, in *Supplemento*, n. 35.)

II. Quod tamen stola parochis tanquam signum jurisdictionis non competat, melius fundatum videtur.

III. Parochis autem non licere stola uti extra functiones quae illam exigunt, et in quibus eam deferre possunt et debent alii etiam presbyteri, qui eas functiones peragunt, videtur omnino tenendum.

Duo ultima asserta ex professo sustinet ad notator Gardellianae collectionis (ad numerum 4400, tomo 6, pag. 95, editio romana) in hunc modum : « Siquidem (inquit) stola sacerdotale est indumentum, quod omnibus presbyteris aequè convenit, sed non semper : bene vero in conficiendis et administrandis sacramentis, ac in sacramentalibus. Ideo nec Episcopi stola utuntur, nisi dum pontificalia aut sacerdotalia munera exercent, vel aliud praestant quod, servata forma *libri caeremonialis*, stolae exigat delationem. Sacra Rituum Congregatio, neque hebdomadario in canendis divinis officiis fas esse stolam adhibere, pluries declaravit, quod *tantum in sacramentorum administratione et consecratione adhiberi debeat.* Ita in Alexanensi, die 7 septembris 1658; in altera Dalmatarum, 4 augusti 1663. Et nuperrime die 7 septembris 1816, nedum idipsum generali decreto confirmatum fuit, sed insuper additum, *consuetudinem in contrarium esse abusum, per locorum Ordinarios omnino eliminan-*

« *dum*... Solus Romanus Pontifex in signum supremæ uni-
« versalis potestatis, stolam non solum ad aram sacrisque
« actionibus, sed ubique defert... Hinc fit, ut stolæ usus in
« parochis haberi nequeat tanquam signum jurisdictionis,
« nisi lato modo accipiatur pro exercitio proprii officii, ita ut
« officium sit cum actuali ordinis exercitio conjunctum...
« Adhibent utique stolam in aliis pluribus functionibus, quæ
« ad ipsos privative spectant; sed ideo adhibent, quia hujus-
« modi actiones stolæ delationem necessario requirunt, uti sa-
« cramenta, sacramentalia, etc... Quod si actio non exigeret
« stolæ usum, et nihilominus eam parochus deferre vellet,
« interverteretur ordo adhibendi sacra paramenta, stolæque
« delatio ut vana quædam ostentatio habenda foret. Pone ca-
« sum quod in solemni supplicatione ducenda per ambitum
« alienius parochiæ, sanctissimum Sacramentum deferat aut
« Cardinalis, aut Episcopus, aut canonicus, aut alius simplex
« sacerdos: is dumtaxat debet uti stola; neque parochi licet
« ejusdem delatio, quia actu non exercet officium sacerdotale
« erga sacramentum. Quod si alieubi fiat, reprobandus abu-
« sus est... Si Episcopus in sua diœcesi processionem sequi-
« tur, in qua canonicus vel alius sacerdos defert aut sanctissi-
« mum Sacramentum aut sanctorum reliquias, non sibi stolam
« imponit, quia actu non exercet officium pontificale aut sa-
« cerdotale, licet in sua diœcesi plenam habeat et exerceat
« jurisdictionem. Eritne permittendum parochi intra limites
« parochiæ, quod Episcopo in sua diœcesi non licet? Patet
« ergo delationem stolæ non esse signum jurisdictionis. » Ad-
« dit citatus annotator, decisiones sacræ Rotæ, quæ contrarium
innuere viderentur, ita intelligendas esse, ut vox jurisdictio
ibi designet officium, quatenus privative ad parochum perti-
neus, et stolam simul exigens.

CAPUT XIII.

BENEDICTIO SOLEMNIS PER VERBA *Sit nomen Domini benedictum*, EST PAROCHIS ET CÆTERIS QUIBUSCUMQUE, EXCEPTIS EPISCOPIIS ET ABBATIBUS MITRATIS, SUB GRAVI ILLICITA.

« Populo solemniter benedicere, sive intra, sive extra ecclesiam, fuit semper jus unico pastori, id est Episcopo, reservatum; neque unquam fidelium cætus, præsentem Episcopo, dissolvi solitus fuit, nisi prins episcopali accepta benedictione. Sub priora sæcula, absoluta re sacra, clamabat diaconus ad populum : *Inelinate ad benedictionem* (vide Constitutiones apost., cap. 37, 38, 39 libri 8). Episcopus scilicet primum clero, tum populo benedicebat; idque in fine matutini officii, missæ et vesperarum; prout adnotat Albaspineus ad canonem 20 concilii Arausicani anni 441; et ut expresse habet canon 30 concilii Agathensis anni 506; et insuper videri potest apud Amalarium, et in concilio Lemovicensi anni 1031. Atque idem hodie absoluta qualibet functione sacra peragit Episcopus. Dnm Simmachus Papa anno 498, in sexta sua ad Anastasium imperatorem epistola, demonstraret imperiali præstare episcopalem dignitatem, benedictionem pastorem inter cætera argumenta adducit : *Tu, imperator, a Pontifice baptismum accipis, sacramenta sumis, benedictionem speras, pœnitentiam rogas*. Atque ex historicis discimus monumentis solitos imperatores et imperatrices, atque a fortiori cæteros, advenientis Episcopi benedictionem flexis genibus expostulare. Benedicebant autem Episcopi in ecclesia et foris, in civitate et ruri... (Vide apud Mansi tom. 18, col. 977, editio Florentiæ.)

« Presbyteris autem populo benedicere vetitum semper fuisse certum est. Id expresse cavetur canone 44 modo citati

« Agathensis concilii : *Benedictionem super plebem in Ecclesia*
 « *fundere presbytero penitus non licebit.* In jure autem canonico
 « (26, q. 6, c. 3) vetita presbyteris dicitur sollemnis ea bene-
 « dictio *quæ fit per talia verba : Sit nomen Domini benedi-*
 « *ctum,* etc. Idem reperies in concilio Narbonensi anni 1609
 « cap. 19, ubi prohibetur ne quisquam, cujuscumque digni-
 « tatis sit, præter Episcopos et mitratos abbates, prædictam
 « benedictionem impertiant. In appendice ad canones sæcu-
 « li sexti, libro 1, adnotatur non fas esse presbytero bene-
 « dictionem dare, quod et confirmatur canone 7 Hispalensis
 « concilii anni 619. In capitularibus concilii Aquisgranensis
 « anni 803, cap. 5, presbyteris et etiam corepiscopis prohi-
 « bitum dicitur *benedictionem in publica missa tribuere, quæ*
 « *omnia Summis Pontificibus, id est, cathedralibus Episcopis de-*
 « *bentur, et non corepiscopis vel presbyteris.* Item in capitulo 78
 « Herardi legitur : *Ne presbyter benedictionem publicam fundere*
 « *super populum præsumat.* Et capite 225 libri 7 Ansegisi, de-
 « gradationis pœna statuitur in presbyterum, qui ausus fuerit
 « *benedictionem in ecclesia super populum fundere.* » (Nardi, *dei*
Parochi, tom. 1, pag. 82 et seq.)

Prohibitionem autem prædictam intelligi de benedictione
 sollemni per verba *Sit nomen Domini*, etc., expresse habent ca-
 nones. Cæterum presbyteri in sine missæ benedictionem sim-
 plicem, non præsentem Episcopo, fundunt; cujus consuetudinis
 initium ad undecimum sæculum refert Nardi (loco citato,
 pag. 85).

Tanta fuit in tota retro antiquitate apud omnium æstima-
 tionem præfata episcopalis benedictio, ut etiam usus inoleverit
 sedis vacationem exprimendi hisce et similibus formulis : *Va-*
care pastoralis benedictione (in *Vita sancti Landoaldi*, Surius,
 mense martio) : *Absque benedictione episcopali deget* (apud
 Mansi, tom. 15, col. 130, editio Florentiæ) : *Unico pastore*
ridua, episcopali vacat benedictione (ibid., tom. 20, col. 30). Et
 in concilio Turonensi anni 1163, coram Papa et Cardinalibus
 prolata referuntur hæc verba : *Episcopi sumus. Ex eadem*

causa populorum nobis multitudines inclinantur, ut de manu nostra partem aliquam commissæ nobis benedictionis accipiant.

Ex præmissis patet minime parochis licere, absque Pontificio privilegio, triam benedictionem, per verba *Sit nomen*, etc., usurpare. Hujusmodi quidem privilegio Ravenuentenses canonicos donatos fuisse constat; quo etiam aliqui forsan alii gaudent.

At parochi Parisiini id sibi illicite et ex mera præsumptione vindicarant. De quo libet prælaudatum Nardi disserentem adducere. « Parisienses curati, inquit, non tantum a suis sacristis insigniuntur formula *Votre Grandeur* (1) (quod incredibile quidem, sed tamen verum est); non tantum curant sibi in ecclesia præire Helvetium (un Suisse), ut nos dicimus, id est atri custodem quemdam, hasta instructum; non tantum missam cantant cum multis assistantibus (quorum laici quidam) diaconum et subdiaconum, ad formam pontificalium, agentibus; sed ego testis sum, et testes mecum quicumque Parisios adierunt, a prædictis parochis, finita missa, intonari solemniter cum cantu *Adjutorium nostrum*, etc., et *Sit nomen Domini benedictum*; tum ab iisdem ad populum conversis fundi formulam *Benedicat vos*, etc. » (*Dei Parochi*, tom. 1, pag. 81.) « Romæ scissitatus sum utrum parisiensibus parochis a Sede Apostolica concessum unquam fuerit imperitiendæ solemnæ benedictionis privilegium. Mihique per dominum Golt (unum ex iis qui in secretaria status primas partes gerunt) respondendum curavit Reverendissimus Sala : *Id nunquam eis fuisse concessum. Est ergo abusus in diminutionem auctoritatis episcopalis. Et qui talia usurpant, seclusa ignorantia...* (2), rei sunt peccati gravis, atque irregularitatem incurrunt, ut adnotat Majolus, *de Irregularitate*, lib. 4, c. 13, n. 4). » (*Dei Parochi*, tom. 1, pag. 85 in nota.)

(1) Is tamen abusus, si revera existit eo tempore quo Nardi Parisios ivit (sub initium nempe præsentis sæculi), nunc penitus sublatus fuit.

(2) Addit auctor, o *bonaria, non buona fede*.

CAPUT XIV.

DE POTESTATE PAROCHI DISPENSANDI A JEJUNIO VEL ABSTINENTIA, ET A PRÆCEPTO SERVILIA OPERA DIEBUS FESTIS PROHIBENTE.

1° Quoad potestatem dispensandi a jejunio et abstinencia, sic habet Giraldi (*Additamenta ad tractatum Barbosa, de Parocho*, parte 1, c. 16, n. 3) : « Non videtur ita tutum ad-
« struere parocho facultatem dispensandi a jejunio, præsertim
« ubi præsens est Episcopus, si agatur de pluribus parochia-
« nis. Potius dicendum esset, posse pro peculiari aliquo dubio
« alicui declarare, hic et nunc ad jejunium non teneri; sive
« agatur de unica comestione, sive de cibis vetitis edendis.
« Imo nec Episcopus dispensare posset, pro his edendis, sine
« auctoritate Sedis Apostolicæ, etiam in gravi necessitate, si
« ageretur de dispensatione pro integra civitate vel diœcesi,
« ut ex constitutione Benedicti XIV *Si fraternitas*, 10 junii
« 1745. »

Melius tamen fundata, et in praxi tuta doctrina sancti Ligorii, qui sic habet (libro 4, n. 1032) : « Parochi, licet du-
« bitetur inter doctores, an ex vi juris communis possint dis-
« pensare in jejuniis, jure tamen consuetudinis certe id possunt
« ex justa causa cum suis subditis particularibus, non vero
« pro tota parochia. Ita ex communi sententia... Imo valde
« probabiliter potest parochus in iis dispensare, etiam præ-
« sente Episcopo; quamvis enim parochi de jure hanc juris-
« dictionem non habeant, habent tamen, ut dictum est, ex
« consuetudine, quæ satis potest jurisdictionem tribuere... Id
« possunt etiam vicarii parochorum, qui exercent actus pa-
« rochiales jurisdictionem exigentes, nisi parochi expresse re-
« pugnent. »

2° Quoad daudam licentiam operibus servilibus vacandi

diebus festis, sic docet idem sanctus Ligorius : « Parochus
 « dispensare potest, quando subditus nequit adire Episcopum;
 « sed tantum ad tempus, et pro aliquo particulari casu »
 (libro 4, n. 288). Consonat Barbosa : « Ex causa legitima,
 « veluti damni evitandi vel vitæ sustentandæ, potest parochus
 « concedere licentiam laborandi diebus festis, in quibus ad
 « Episcopum vel vicarium non potest haberi recursus. » (Bar-
 bosa, *de Parocho*, cum *Additamentis* Giraldis, parte 1, cap. 16,
 n. 6.) Est doctrina hæc communis inter doctores, et tuta in
 praxi.

In citato autem loco præfati operis Barbosa reperies et
 hæc utiliter adnotata : « Quamvis vero nulla dispensatio requi-
 « ratur, quando causa laborandi die festo est indubitata,
 « semper tamen petenda est licentia a superiore, quando
 « publice laborandum est ; cum ad eum, non ad quemcumque
 « privatum hominem spectet iudicium ferre de veritate cau-
 « sæ ; nisi forte periculum esset in mora, et grave inde da-
 « mnum sequeretur, juxta decretum Congregationis Concilii
 « 12 aprilis 1597 ; quod amplexa est Congregatio Episcoporum
 « et Regularium, 12 martii 1601. »

CAPUT XV.

JUS PAROCHORUM QUOAD CONFRATERNITATUM ORATORIA SIVE ECCLESIAS, NECNON EARUMDEM CAPPELLANOS.

PROPOSITIO I^a. — *Si diætæ confraternitates erectæ sint in ipsa
 ecclesia parochiali, vel in aliquo edificio eidem parochiali ecclesie
 annesso, nequeunt ab iis confraternitatibus functiones ullæ eccle-
 siasticæ peragi, nisi dependenter a parochio.* — Constat ex decre-
 to Sacræ Congregationis Rituum diei 10 decembris 1703,
 dubio 1 et 2. Vide illud decretum supra transcriptum (ca-
 pite 11, § 2).

PROPOSITIO II^a. — *Si confraternitas existat in alia ecclesia*

quam parochiali, vel in aliquo oratorio (sive publico, sive privato) ab ecclesia parochiali ejusque dependentiis sejuncto, possunt independenter a paracho in ejusmodi ecclesia vel oratorio confraternitatis peragi earum functiones ecclesiasticæ, quæ non sunt parochiales. — Constat ex citato decreto anni 1703, dubio 3 et 4. Quænam autem functiones sint parochiales, diximus supra capite 11.

PROPOSITIO III^a. — *In dictis confraternitatibus oratoriis, ab ecclesia parochiali sejunctis, possunt recitari horæ canonicæ, cum vel sine cantu, absque ulla parochi licentia.* — Constat ex eodem generali decreto anni 1703, dubio 14.

PROPOSITIO IV^a. — *In modo dictis confraternitatibus oratoriis seu ecclesiis, celebrari potest missa privata, contradicente paracho, modo assensuat Episcopus.* — Constat ex eodem decreto anni 1703, dubio 15.

PROPOSITIO V^a. — *Jus non habet parochus, invititis confratribus, doctrinam christianam docendi in dictis eorum ecclesiis seu oratoriis, ab ecclesia parochiali divisis.* — Constat ex eodem decreto anni 1703, dubio 17.

PROPOSITIO VI^a. — *In dictis confraternitatibus ecclesiis et oratoriis, a parochiali ecclesia divisis, haberi possunt conciones, etiam per totum tempus Quadragesimæ et Adventus, absque licentia parochi, modo assensuat Episcopus.* — Constat ex eodem decreto, dubio 18.

PROPOSITIO VII^a. — *In modo dictis confraternitatibus oratoriis, celebrari nequit missa, sive lecta, sive cantata, ante parochialem missam, sive lectam, sive cantatam, nisi aliter disponat Episcopus.* — Constat ex eodem decreto, dubio 19.

PROPOSITIO VIII^a. — *Intra ambitum modo dictarum ecclesiarum et oratoriorum, possunt confraternitates processionibus suas facere, absque interventu vel licentia parochi: id vero nequeunt extra, absque licentia parochi per cujus territorium transeundum est, nisi de licentia Episcopi.* — Constat ex eodem decreto, dubio 21 et 22.

PROPOSITIO IX^a. — *In prædictis processionibus potest cappella-*

nus deferre stolam, si fiant intra ambitum: secus si fiant extra. — Constat ex eodem decreto, dubio 23.

PROPOSITIO X^a. — *Episcopo ad publicam confraternitatis ecclesiam accedenti (etiamsi si hæc ecclesia non sit regularium, nec rectorem beneficiatum habeat), non pertinet ad parochum aspersorium porrigere.* — Constat ex eodem decreto, dubio 24.

PROPOSITIO XI^a. — *Nequit parochus, ex solo jure parochialitatis, confraternitatum rectores seu cappellanos compellere ad assistendum ecclesiæ parochialis functionibus.* — Constat ex eodem decreto, dubio 25.

PROPOSITIO XII^a. — *In præfatis confraternitatibus ecclesiis, quæ nec parochiales sunt nec regulares, retineri nequit sanctissimum Eucharistiæ Sacramentum absque speciali indulto Sedis Apostolicæ.* — Constat ex eodem decreto, dubio 26. Præsupposito autem dicto speciali indulto, non potest publice exponi sanctissimum Sacramentum sine licentia Ordinarii, ut constat ex sequenti dubio 27.

PROPOSITIO XIII^a. — *Nequit parochus se ingerere in administratione oblationum vel eleemosynarum, in dictis confraternitatibus ecclesiis seu oratoriis recollectarum, nec clavem capsulæ, in qua recipiuntur, retinere.* — Constat ex eodem decreto, dubio 28.

PROPOSITIO XIV^a. — *Nec confratres, nec eorum cappellani possunt, invito parochus, sese immiscere in ecclesiæ parochialis functionibus, sive parochialibus, sive non parochialibus.* — Constat eodem decreto, dubio 29.

PROPOSITIO XV^a. — *Confraternitates, sive in ecclesia parochiali erectæ, sive alibi, possunt, absque interventu et licentia parochi, suas congregationes habere, dummodo non impendant parochialis ecclesiæ functiones et divina officia.* — Constat eodem decreto, dubio 30.

PROPOSITIO XVI^a. — *Possunt dictæ confraternitates propria bona administrare, ac de illis disponere, absque ulla dependentia a parochus.* — Constat eodem decreto, dubio 31.

PROPOSITIO XVII^a. — *Etiam si parochus confraternitatum congregationibus intersit de mandato Ordinarii, et tanquam ejus*

delegatus, non habet suffragium decisivum. — Constat eodem decreto, dubio 32.

CAPUT XVI.

DE JURE PAROCHORUM QUOAD REGULARES NONNULLA ADNOTANTUR.

I. Impedire nequit parochus quin regulares conventum aut collegium in ipsius parochiæ territorio ædificent. Vide id probatum apud Leurenium (*Forum beneficiale*, parte 1, q. 443.)

II. Est regula generalis, non posse extra sua claustra processiones a regularibus fieri, atque parochi proprium esse jus illud processiones per parochiæ suæ territorium ducendi. (Vide id decisum in collectione Gardelliana, numeris 340, 672, 692, 739, 823, 937, 938, 1081, 1221, 1274, 1299, 1489, 1648, 2422, 2500. Vide etiam Barbosam, *de Officio parochi*, cum *Addit.* Giraldis, c. 12.)

Hæc tamen regula sequentes exceptiones patitur :

1° Cum licentia Episcopi possunt regulares, processionem extra claustra, per vias et plateas agere, absque parochi interventu aut assensu. « Certissimum quippe est (ait Benedictus XIV, institutione 105, n. 52) solam Episcopi licentiam « satis esse, etiamsi parochi se contrarios antea, ac penitus « reluctantés exhibuerint. Petitum fuit a Congregatione Sacrorum Rituum, an solius Episcopi accedente licentia, possint regulares dictam processionem facere (alienas parochias circum-euntes), quamvis parochus contradicat et consentire recuset? « Sacra autem Congregatio respondit, sufficere licentiam Episcopi. Haud dissimiles sententias a Sacra Congregatione « Concilii desumptas in medium proferre possemus. »

2° Processiones per octavam, et dominica infra octavam corporis Christi, fieri possunt non petita parochi venia, intra

cujus parochiæ limites ducendæ sunt. (Vide id probatum ex constitutione *Cum interdum* Gregorii XIII, 11 martii 1573, § 2, apud Barbosam, *de Officio parochi*, cum notis Giraldis, capite 12, n. 15. Item vide collectionem Gardellianam, n. 1643.)

III. Regulares approbati ad confessiones, possunt, absque assensu parochi, toto anno, et etiam paschali tempore, sæcularium confessiones excipere. (Vide id probatum apud Benedictum XIV, *de Synodo diocesana*, libro 11, capite 14, n. 3 et 4. Vide etiam Leurenium, *Forum beneficiale*, parte 1, q. 442, n. 2.)

IV. Item possunt infirmorum etiam confessiones audire; ast de excepta confessione certiozem facere debent parochum, quando infirmo viaticum est deferendum. (Ibid., n. 5.)

V. Item possunt regulares in suis ecclesiis eucharistiam sæcularibus distribuere, excepto solo dominicæ resurrectionis die. (Ibidem.)

VI. Nec viaticum nec extremam-unctionem ministrare parochorum subjectis possunt regulares. Id vero possunt quoad religiosos et novitios; item quoad laicos actu degentes in monasterio, et eidem monasterio inservientes. (Vide quæ supra dicta sunt, capite 7.)

VII. Nequit parochus subjectos suos cogere ut missam audiendi præcepto satisfaciant in ecclesia parochiali; sed illi obligationi satisfacere possunt parochiani in ecclesiis etiam regularium. (Vide Benedictum XIV, *de Synodo diocesana*, libro 11, cap. 14, n. 7.)

VIII. Impedire nequit parochus quominus regulares in suis ecclesiis eas functiones ecclesiasticas peragant, quæ parochiales non sunt. Quænam autem sint hæ functiones non parochiales diximus supra (capite XI). Esti autem ibidem, ex decreto Sacræ Congregationis Rituum 10 decembris 1703, dictum sit, missam solemnem feriæ 5 in coena Domini spectare ad parochum, id intelligendum est quoad ecclesias et oratoria confraternitatum, non autem quoad ecclesias regu-

larium; siquidem, tum ex privilegiis, tum ex generali consuetudine, omnes hebdomadæ sanctæ functiones libere a regularibus in suis ecclesiis peraguntur.

IX. An possint regulares in suis ecclesiis mulieribus post partum benedictionem impertiri, vide supra, capite X, § 3, propositione 3.

X. Nequit impedire parochus quin regulares in suis ecclesiis hora sibi bene visa prædicent. Nequeunt tamen prædicare eadem hora qua prædicat Episcopus. (Vide Benedictum XIV, *de Syn. dioces.*, libro 9, cap. 17, n. 6.)

XI. Possunt regulares absque assensu parochi, in suis ecclesiis annuntiare festa, vigiliis et jejunia, sequentis hebdomadæ. Vide id probatum apud Leurenium (*Forum benef.*, parte 1, q. 442, n. 4).

CAPUT XVII.

DE JURE PAROCHORUM, QUOAD VARIA SUPERIUS NON RECENSITA.

Parochus impedire nequit, ne regulares propriam crucem erigant in processionibus, licet id impedire possit in funeralibus. (Sacra Congregatio Rituum, apud Gardellini, n. 570.)

Parochus impedire nequit quominus in aliis ecclesiis missæ ante parochialem celebrentur. (Ibid., n. 997.)

« An parochi possint cogi ad descreudam ecclesiam propriam, præsertim in solemnibus, et ad interessendum a choro cathedralis? — Sacra Rituum Congregatio respondit a affirmative. 16 junii 1668. » (In *Ferentina*, apud Gardellini, n. 2075.)

« An parochi in choro cathedralisthurificari debeant duplici ductu, veluti canonici? — Sacra Rituum Congregatio a respondit..., unico ductu. 16 junii 1663. » (In *Ferentina*, apud Gardellini, n. 2075.)

Ad parochum privative pertinet jus benedicendi campos

et maledicendi animalia. (Sacra Congregatio Rituum, apud Gardellini, n. 2139, ad 4.)

Parochi assistentes functionibus cathedralis, extra proprium parochiale officium, nequeunt deferre stolam. (Sacra Congregatio Rituum, apud Gardellini, n. 2454.)

Et tunc sedere debent post canonicos et ante beneficiatos, si sint de gremio cathedralis; alioquin etiam post beneficiatos. (Ibid., n. 1747 et 1851.)

Parochum cogere nequit Episcopus, sed dumtaxat eum hortari, ut sacerdotibus, sub parochia commorantibus, et in ecclesia parochiali celebrare volentibus, sacra suppellectilia, et alia ad sacrificium necessaria subministret. (Sacra Congregatio Rituum, apud Gardellini, n. 3494.)

Parochis non competit jus benedicendi concionatoribus. (Sacra Congregatio Rituum, apud Gardellini, n. 3054.)

Parochus, qui ex necessitate celebrat duas missas, unam tantum tenetur applicare pro populo. (Sacra Congregatio Rituum, apud Gardellini, n. 4869.)

PARS V.

AD QUID TENEATUR PAROCHUS,

SEU

DE IPSIUS OFFICIO ET OBLIGATIONIBUS.

CAPUT I.

DE EMITTENDA A PAROCHIS PROFESSIONE FIDEI, ET SPONDENDA
ROMANO PONTIFICI OBEDIENTIA.

QUÆSTIO 1^a.—*An teneantur parochi professionem fidei emittere, et obedientiam Romano Pontifici jurare?*—Respondeo affirmative. Expresse enim id præcepit concilium Tridentinum his verbis : « Provisi de beneficiis quibuscumque, curam animarum habentibus, teneantur a die adeptæ possessionis, ad minus intra duos menses, in manibus ipsius Episcopi, vel, eo impedito, coram generali ejus vicario, seu officiali, orthodoxæ fidei publicam facere professionem, et in Romanæ Ecclesiæ obedientia se permansuros spondeant ac jurent. » (Sess. 24, c. 12.)

QUÆSTIO 2^a. — *Quanam formula utendum sit?* — Formulam ad ejusmodi fidei professionem, et obedientiæ juramentum determinavit, atque obligatoriam fecit Pius IV in sua constitutione *Injunctum*, datam idibus decembris 1564. Illa ergo, et non alia, dictæ Tridentinæ legi satisfieri potest. Vide Benedictum XIV, institutione 60, n. 1.

QUÆSTIO 3^a. — *Qualiter obliget prædictum Tridentinæ synodi præceptum?* — 1^o Certum est illud obligare sub gravi, seclusa ignorantia : « Colligitur ex concilio Tridentino (dicto capite 12 sess. 24), quod utitur gravibus verbis, et infert gravem pœnam; quo casu obligat ad culpam mortalem... Ita « Petrus de Ledesma... Garcias... Squillante... Sanchez... » (Giraldi, *Addimenta ad tractatum Barbosa de Parocho*, parte 1, cap. 4, n. 14, pag. 44, edit. Romæ 1831.)

2^o Quid vero si parochus ex ignorantia professionem fidei omittat? « Mortaliter peccare non videtur (ait Barbosa, citato loco); cum, bona fide legem humanam transgrediens, mortale tale peccatum non committat. » Eam tamen conclusionem impugnat, ibidem, citatæ editionis adnotator Giraldi, his verbis : « Non videtur excusandus parochus, omittens professionem fidei ob ignorantiam, quandoquidem sub gravi pœna id onus a Tridentino injungitur; et cæteroquin, cum parochus ratione sui status hoc scire teneatur, sequitur hanc ignorantiam, etiam sub gravi, illi esse imputandam. » Sed pace laudati viri dixerim, jansenisticum rigorem sapit hæc ejus doctrina : non peccare eum, qui legem, quam transgreditur, inculpabiliter ignorat, teneat moralistæ communiter (de quo adi sanctum Ligorium). Potest autem contingere ut aliquis parochus ne suspiciouem quidem habeat de illius legis existentia, et simul bona fide credat sibi non deesse requisitam quoad statum suum scientiam; quo casu inculpabilis certe erit ejus ignorantia.

3^o Habet autem parochus ad satisfaciendum præfatæ legi spatium duorum mensium; a die aptæ possessionis parochiæ suæ; ita ut non peccet, omittendo fidei professionem, nisi elapsis illis duobus mensibus. Sequitur id aperte ex citato Tridentino textu.

4^o Non tamen, si infra præfatum tempus non fiat, ob id « facere debens solutus remanet ab obligatione illam in posterum emittendi; sed nihilominus semper ad eam faciendam tenetur; quia hujusmodi terminus a concilio assignatus,

« non est præfixus ad remittendam ac terminandam obligationem, sed ad differendam pœnam. » (Giraldi, loco citato, n. 10.)

5° Tenetur parochus se ultro offerre ad faciendam fidei professionem; tenetur scilicet ad satisfaciendum huic præcepto, etiamsi nullam de hoc a superioribus monitionem recipiat. (Ibid., n. 8.)

6° Intelligendum est Tridentinum præceptum de qualibet parochiæ adeptione; ita ut, qui in adeptione alicujus parochiæ fidei professionem jam emisit, si præficiatur alteri, teneatur iterum fidei professionem emitte. (Ibid., n. 7.)

QUÆSTIO 4^a. — *An possit illa fidei professio per procuratorem fieri?* — Multi olim canonistæ affirmative quæstionem hanc resolvebant, prout videre est in tractatu Barbosæ de Parocho, a Giraldo edito et correcto (parte 1, cap. 4, n. 3); cui opinioni accedebat et Rotæ auctoritas. Atvero nunc contrarium tenendum est, ob decisiones Sacræ Congregationis Concilii, prout, citato loco, adnotat Giraldi, his verbis: « Hodie corrigendi » sunt asserentes fidei professionem fieri posse per procuratorem, attenta clarissima declaratione Congregationis Concilii, in *Cathacensi*, sub die 9 februarii 1726, ad secundum » dubium, ut in *Thesaurò resolutionum* ejusdem Congregationis, tomo 3, pag. 271. » Citat Benedictus XIV (institutione 60, n. 1 et 3) declarationem Sacræ ejusdem Congregationis, in causa *Catanzarii* 26 januarii 1726, qua ad dubium, *an professio fidei emitti possit per procuratorem*, responsum est, *negative*. Sed causa hæc *Catanzarii* videtur eadem esse ac memorata *Cathacensis*, quæ in *Thesaurò resolutionum* tomo 3, proposita occurrit die 26 januarii 1726, et decisa die 9 februarii ejusdem anni, sub terminis a Benedicto XIV relatis; nec sub rubrica *Catanzarii* occurrit in *Thesaurò* ulla causa anni 1726. Cæterum jam antea idem declaraverat Sacra Congregatio Concilii, anno scilicet 1610, his verbis: *Sacra Congregatio Concilii censuit, professionem fidei per procuratorem emitti nullo pacto potuisse, nec emissam suffragari* (in causa *Valentiæ*, libro 11 de-

cretorum, pagina 11; citata a Benedicto XIV, institutione 60, n. 3).

QUÆSTIO 5ª. — *Quamnam pœnam incurrat parochus, dictam fidei professionem omittens?* — Pœnam illam determinavit Tridentina synodus his verbis: *Alioquin non faciant fructus suos.* Amittit ergo fructus omnes beneficii, a die clapsorum duorum mensium, qui ad faciendam professionem conceduntur. Si vero postea obligationi satisfaciatur, ex tunc quidem faciet fructus suos; sed non recuperabit amissos. (Tractatus Barbosa de Parocho, cum Additamentis Giralaldi, parte 1, c. 4, n. 15.)

QUÆSTIO 6ª. — *Quis condonare possit parochus fructus amissos ob non factam debito tempore fidei professionem?* — Id nequit Episcopus; sed ad Sedem Apostolicam est recurrendum. De quo sic in opere modo citato (eodem loco, n. 16): « Quæ
« pœna procedit usque adeo, ut nec Ordinarius possit condonare fructus amissos ob non factam fidei professionem;
« quia Ordinarius non potest remittere pœnam inflictam a
« Concilio, nisi in casibus ibi expresse permissis.... Fructus
« male percepti ob omissionem professionis fidei condonari
« solent a Sede Apostolica (si omissa fuerit, vel male emissa,
« bona fide), injuncta aliqua eleemosyna, arbitrio Episcopi,
« vel confessarii; juxta plura exempla relata in folio Congregationis Concilii, 13 aprilis 1728, in Toletana, pag. 175. »

QUÆSTIO 7ª. — *An parochus, qui non fecit fructus suos, ob omissam fidei professionem, teneantur illos restituere ante sententiam declaratoriam?* — Vide id in utramque partem disputatum in tractatu Barbosa de Parocho, cum Additamentis Giralaldi (loco supra citato, n. 19 et seq.). Putat Giralaldi teneri ex conscientia parochum illum fructus restituere, etiam non interveniente ulla sententia.

QUÆSTIO 8ª. — *Cui assignandi et applicandi sint fructus amissi ob non factam fidei professionem?* — Id Tridentinum concilium non determinat: sed « communis omnium fere sententia tenet, eos esse impendendos, vel in usus pauperum,

« vel in fabricam ecclesiæ, sicut fructus eorum qui non resistent. » (Opere modo citato, loco eodem, n. 21.)

QUÆSTIO 9^a. — *An Tridentinum præceptum de emittenda fidei professione, adstringat etiam parochos ad nutum amovibiles?* — Respondendum negative. Concilium enim loquitur de Beneficiis curam animarum habentibus. Porro vox illa *beneficium*, quando sola adhibetur, intelligitur de beneficiis stricto sensu sumptis, id est, *perpetuis*; nullatenus vero de beneficiis *mauualibus*. Parochi autem ad nutum amovibilis non habent nisi beneficium mauuale; unde ad eos lex Tridentina extendenda non est.

QUÆSTIO 10^a. — *An dicta obligatio professionem fidei emittendi tolli possit per contrariam consuetudinem?* — Quæstio hæc particularis pendet ab alia generali, quam expendimus in tractatu *de Principiis* (pagina 369), an scilicet valere censendæ sint consuetudines Trideutinis decretis contrariæ. Et nostra conclusio fuit, pro legitimis non habendas esse ejusmodi consuetudines. Cujus conclusionis ratio est potissimum, quod merito præsumi nequeat Romanus Pontifex hisce consuetudinibus consentiens, stante, et hodieum perseverante Romanarum Congregationum praxi, nullas constanter declarandi easdem consuetudines. Quod vide evolutum citato loco tractatus *de Principiis*. Cæterum *nihili faciendam esse consuetudinem omittendi professionem fidei*, parochis a Tridentina synodo injunctam, ex professo tradit Benedictus XIV, *Institutione* 60; ubi sic habet (n. 7): « Licet ejusmodi consuetudo
« constans haberetur, nihili tamen facienda esset, cum Tri-
« dentino concilio apertissime repugnet. Quamvis enim post
« decretum, quo professio fidei præcipitur, aliud decretum
« non sequatur abrogans quæcumque in contrarium proferri
« possint, tamen id cautum satis fuit per Pium IV Pontificem
« in ea constitutione quæ incipit *Benedictus Deus*, et quæ in
« fine concilii solet excudi. Illa quidem abrogat omnia, quæ
« Tridentinæ synodo contraria esse videantur; ideoque sin-
« gula ejusdem concilii capita simul amplectitur; et nullius effi-

« cit momenti consuetudines, quæ leges aliquas in iisdem capitibus præscriptas violent. »

QUÆSTIO 11^a. — *Quid concludendum videatur quoad parochos earum regionum, in quibus non viget dictæ professionis fidei usus ?*

— 1^o Cum, ex præmissis, harum regionum consuetudo ab observanda lege Tridentina non excuset, sequitur reos esse illos parochos violatæ legis ecclesiasticæ; et quidem legis eos sub gravi obligantis, ut supra, quæstione 3, dictum est; nisi tamen eos excusaverit ignorantia et bona fides.

2^o Fructus non fecerunt suos, et ad restitutionem tenentur.

3^o Facienda remanet hæc restitutio, etiamsi bona fide existimaverint se ad dictam fidei professionem non teneri. Et enim hæc bona fides eos quidem excusabit a peccato; non autem ab obligatione restituendi id quod illegitime perceperunt. Potest tamen et solet Apostolica Sedes, quando sic bona fide erratum est, ejusmodi fructuum beneficii male perceptorum restitutionem condonare, injuncta in commutationem modica elemosyna. Atvero ejusmodi condonationem solus Papa facere potest, utpote bonorum omnium ecclesiasticorum supremus administrator.

CAPUT I.

DE OBLIGATIONE RESIDENDI QUA OBSTRINGUUNTUR PAROCHI.

Plures occurrunt quoad ejusmodi obligationem expendendæ quæstiones, quas in sequentes paragraphos distribuimus.

§ I.

Recensentur præcipui juris textus, et nonnullæ Sacrarum Congregationum declarationes, onus residendi parochorum spectantes.

1. Tridentinum concilium (sess. 23, cap. 1, *de Ref.*), post

nonnulla circa residentiam Episcoporum statuta, sic decernit quoad cæteros, quibus incumbit animarum cura : *Eadem omnino, etiam quoad culpam, amissionem fructuum, et pœnas, de curatis inferioribus, et aliis quibuscumque, qui beneficium aliquod ecclesiasticum, curam animarum habens, obtinent, sacro sancta synodus declarat et decernit : ita tamen ut, quandocumque eos, causa prius per Episcopum cognita et probata, abesse contigerit, vicarium idoneum ab ipso Ordinario approbandum, cum debita mercedis assignatione relinquunt. Discedendi autem licentiam, in scriptis gratisque concedendam, ultra bimestre tempus, nisi ex gravi causa, non obtineant. Quod si per edictum citati, etiam non personaliter, contumaces fuerint, liberum esse vult Ordinariis, per censuras ecclesiasticas, et sequestrationem et subtractionem fructuum, aliaque juris remedia, etiam usque ad privationem, compellere; nec executionem hanc, quolibet privilegio..., exemptione..., consuetudine, etiam immemorabili (quæ potius corruptela censenda est), sive appellatione aut inhibitione... suspendi posse.*

2. Cum autem, præter hæc speciatim quoad inferiores curatos decreta, generatim dicat Tridentina synodus, iisdem esse applicanda ea, quæ prius quoad Episcopos statuerat, illa de Episcopis decreta, quæ parochos etiam spectare possunt, subijcimus. Statuerat nempe, eodem capite, sancta synodus ita teneri Episcopos ad personalem residentiam, ut abesse non possint, nisi ex causis sequentibus : *Cum christiana charitas, urgens necessitas, debita obedientia, ac evidens Ecclesiæ vel reipublicæ utilitas eos abesse exigunt. Item statuerat posse Episcopos abesse per tres menses, etiam non existentibus prædictis causis, modo tamen id fieret æqua ex causa et sine gregis detrimento; quia hæc brevis absentia non censetur residentiae debito contraria. En synodi verba : Quoniam autem qui aliquantisper tantum absunt, ex veterum canonum sententia non videntur abesse, quia statim reversuri sunt, sacrosancta synodus vult illud absentiae spatium singulis annis, sive continuum, sive interruptum, extra prædictas causas, nullo pacto debere duos, aut*

ad summum tres menses excedere; et haberi rationem ut id æqua ex causa fiat, et absque ullo gregis detrimento : quod an ita sit, abscedentium conscientiæ relinquit.

3. Anno 1573, ad dubium : *An parochi ab ecclesiis suis abesse possint per duos menses sine licentia Episcopi?* — Sacra Congregatio Concilii censuit : *non posse* (libro I decretorum, folio 131 (1)).

4. In Toletana diœcesi prætendebant parochi, plurium doctorum auctoritate iunxi, necessariam sibi non esse licentiam Episcopi ut a parochia per duos menses abessent; sed satis esse propositam ab ipsis Episcopo fuisse legitimam absentiae causam, et substitutum fuisse aliquem, qui interea parochiam curaret. Quæ praxis cum invalesceret, anno 1573 ad Sacram Concilii Congregationem delata quæstione, an licite dicto modo abesse potuissent parochi, *Sacra Congregatio censuit, non potuisse, nisi causa cognita et probata ab Ordinario, et ab eodem in scriptis obtenta licentia* (libro I decretorum, folio 202).

5. Die 7 octobris 1604, Sacra eadem Congregatio sequentes emisit declarationes, quæ habentur libro 10 decretorum, folio 100.

Sacra Congregatio censuit, solam distantiam loci (nempe distantiam a civitate episcopali), etiam cum æqua causa discedendi, non excusare parochum, ut possit abesse a sua ecclesia sine licentia in scriptis obtenta, nisi talis necessitas repente se offerat, quæ non patiatur dilationem huiusmodi licentiam petendi; quo casu quamprimum de discessu et de necessitate Ordinarium certiore faciendum esse, ut de causa cognoscere possit.

Nec parochum, habentem justam causam abeundi extra paro-

(1) Voentur libri decretorum volumina illa manuscripta, et nondum edita, in quibus habentur Sacre Congregationis Concilii declarationes, ab instituta hac congregatione, usque ad annum 1718. A dicto autem anno usque ad presens tempus emanant declarationes edictæ fuerunt in celebri collectione, quæ *Thesaurus resolutionum* inscribitur, cuique singulis annis novus accedit tomus. *Libris decretorum*, dum Romæ degerem, frequenter usus sum; quos cum adverterim non parum jam vetustate detritos, emise a Sanctissimo postulavi ut typis ederentur.

chiam per duos menses aut tres, satisfacere suæ conscientiæ, si petat licentiam jurando gravem se habere causam, quam non expediat manifestare, ut sic petita licentia abesse possit, licet Episcopus non concedat.

Similiter abesse non posse in casu, quo causam rationabilem expressit, quam vir bonus et æquus rationabilem judicaret, licet rigidus Prælati minus æquam judicet, et licentiam denegat, vel quia movetur suspicione quod ficta sit, cum tamen sit vera; sed habere posse recursum ad superiorem.

Nec posse per hebdomadam abesse non petita, vel non obtenta licentia, etiam relicto vicario idoneo, ab ipso Ordinario approbato.

Nec esse liberum a culpa, et a pœna amissionis fructuum, qui veluti per quatuor mensium spatium, ad curandam suam valetudinem, morbo gravi instante, recessit, et ad hujusmodi absentiam non petiit licentiam ab Episcopo, quia bona fide putavit evidentiam causæ satis esse; nisi periculum fuisset in mora petendi licentiam, ut supra dictum est. Nec sufficere licentiam tacitam, sed oportet esse expressam juxta formam ejusdem concilii, sessione 23, capite 1.

6. Dic 7 julii 1646, *Sacra Congregatio respondit aeris intemperiem non excusare parochum a residentia* (libro 18 decretorum, pag. 164).

7. Anno 1573, ad dubium, an parochus alibi quam in parochia degere possit, quando adeo insalubris est locus, ut nemo nisi indigena absque vitæ discrimine in eo degere possit, *Sacra Congregatio censuit, non posse. Si tamen rector infirmus esset, et in loco parochiali curari non posset defectu medicorum vel medicinarum, tunc posse ab Ordinario dari dilationem trium aut quatuor mensium, ut in locis vicinioribus maneat, recuperandæ sanitatis causa, posito interea ab ipso Ordinario in parochiali idoneo vicario, cum congrua portione ex redditibus ejusdem parochiæ* (libro 1 decretorum, pag. 51).

8. Die 24 novembris 1674, *Sacra Congregatio legitimam declaravit licentiam* (ab Archiepiscopo Avenionensi cuidam pa-

rocho infirmo concessam), per quatuor menses abessendi, ob aeris Avenionensis inclementiam (libro 28 decret., pag. 395).

9. Die 6 aprilis 1647, *Sacra Congregatio respondit, nec ætatem senilem, nec malam valetudinem excusare parochum a residentia personali* (libro 18 decretorum, pag. 329).

10. Die 3 octobris 1671, ad casum sic propositum : *Bernardus Monuzzi, parochus Fognani, petit eximi a residentia, stante parvo numero familiarum, cui vicinus parochus supplebit.* — *Sacra Congregatio censuit, non esse annuendum* (libro 27 decretorum, pagina 229).

11. Fagnanus (in caput *Extirpandæ*, n. 11, de *Præbendis*) testatur in hunc modum : « *Sacra Congregatio consulta, an parochus teneatur residere, etiamsi essent in illa parochia tres tantum vel quatuor incolæ, respondit, teneri.* »

12. Die 10 maii 1687, ad dubia :

Primo, an rectores ecclesiarum parochialium, a civitate distantium per duo tria aut quatuor milliaria circiter, possint sine expressa Episcopi licentia abesse a suis ecclesiis parochialibus, relicto ibidem substituto ab eis deputato; et in civitate tam diurno quam nocturno tempore jugiter commorari, exceptis solis diebus festis in quibus ad dictas ecclesias se conferant, revertentes illico ad civitatem?

Secundo, an parochi, qui nocturno cæteroquin tempore resident apud suas ecclesias, possint, celebrata summo mane missa in dictis ecclesiis, se conferre ad civitatem, et in ea diurno tempore totius vel majoris partis anni commorari, licet apud dictas ecclesias adsint eorum substituti?

Tertio, an dicti parochi, qui cæteroquin diurno tempore resident apud suas ecclesias, possunt nocturno tempore totius vel majoris partis anni commorari in civitate, licet apud dictas ecclesias adsint eorum substituti?

Sacra Congregatio respondit ad primum, secundum et tertium, negative. (Apud Benedictum XIV, *Institutione* 17 : ubi etiam reperies omnes alias in hoc nostro paragrapho relatas declarationes.)

§ II.

An et quo jure parochi, et alii quibus incumbit actualis animarum cura, residere tenentur.

PROPOSITIO I^a. — *Residentiae lege obstringuntur parochi proprie dicti, qui nempe beneficium parochiale perpetuum obtinent, cum actualis curae onere: non autem parochi inproprie dicti, qui dicuntur parochi in habitu.* — Constat prior conclusionis pars ex verbis Tridentinis (relatis superiori paragrapho, numero I). Ibi enim, postquam egit synodus de Episcopis, generatim loquitur de *curatis inferioribus, et aliis quibuscumque, qui beneficium aliquod ecclesiasticum curam animarum habens, obtinent.* Porro de hoc numero præcipue sunt parochi beneficium aliquod parochiale, cum actuali animarum cura, in titulum perpetuum obtinentes, ut per se patet. Constat insuper jure eommuni ante Tridentinam synodum vigente, quodque a Tridentinis patribus quoad hanc obligationem non fuit sublatum, sed confirmatum. Constat tandem ex unanimi doctorum sententia, et etiam quamplurimis Sacrarum Congregationum declarationibus, quæ obligationem hanc omnino certam supponunt. Neque ulli cæteroquin dubio obnoxia unquam fuit propositio hæc generalis, *ad residentiam teneri parochos proprie dictos; sed tantum difficultas esse potest quoad modum intelligendi residentiam illam, ad quam tenentur.*

Constat *posterior conclusionis pars* (parochos nempe *in habitu*, non obstringi residentiae lege) ex eo quod non sint proprie curati. Dicitur quippe parochus *in habitu* ille, qui dignitatem beneficiumve possidet, cui annexa quidem est animarum cura, sed per vicarium exercenda; ita quod principalis, non tantum non debeat curam exercere, sed ne jus quidem habeat sese in eam ingerendi. Tunc enim vicario incumbit exercitium curæ, et ipse est verus curatus, non autem parochus principalis. Cum ergo tota ratio legis de residentia sit, ne parochiani

cura defraudentur, et hujus curæ exercitium non spectet ad parochos *in habitu*, nequaquam censendi sunt sub dicta residendi lege, ratione suæ parochialitatis, comprehensi. Unde postquam Leurenus legem illam stabilivit quoad parochos proprie dictos, sic addit: « Secus est, ubi de cura tantum « habituali agitur, quæ resultat ab unione accessorie facta « alicui dignitati vel beneficio, cum deputatione vicarii » (*Forum beneficiale*, parte 1, q. 366).

PROPOSITIO II^a. — *Lege residendi obstringuntur parochi ad nutum amovibiles*. — Nam et hi sunt reipsa *curati inferiores*; et eorum beneficium, etsi manuale, est tamen vere et proprie curatum. Atqui Tridentina synodus, loco citato, legem residendi edicens, expresse loquitur *de curatis inferioribus*, et aliis quibuscunque, qui beneficium aliquod ecclesiasticum, curam animarum habens, obtinent.

PROPOSITIO III^a. — *Lege residendi constringuntur vicarii curati tam temporales quam perpetui*. — Quando cathedrali capitulo adnexa fuit animarum cura, penes capitulum remanet dumtaxat cura *habitualis*; et ad exercendam eandem curam deputandus est vicarius, qui ideo curatus dicitur. Potest autem et solet ejusmodi vicarius ab Episcopo constitui perpetuus; ne scilicet alioquin ad nutum capituli sit amovibilis. Porro talis vicarius a jure habetur tanquam parochus, et ejus vicaria tanquam beneficium stricte sumptum; ita ut etiam possit quis ordinari ad titulum vicariæ hujusmodi. Hinc autem patet cum legi residendi esse obnoxium, cum et ipse vere sit *de curatis inferioribus*, et de iis qui obtinent *beneficium aliquod, curam animarum habens*.

Idem dicendum de vicario temporali, qui vacante parochia (verbi gratia), ad curam ibi exercendam, donec de rectore provisum fuerit, deputatur; et generaliter de quolibet vicario temporali vere *curato* (id est, cui *principaliter* incumbit animarum cura), quamvis sit ad nutum amovibilis, et quamvis ad tempus dumtaxat constituatur. Etenim hi etiam vicarii sunt de numero *curatorum inferiorum*, de quibus agit Tridentina

synodus; et ratio ob quam lata est residendi lex, tam urget quoad ipsos (quandiu sic incumbit ipsis principaliter exercenda cura), quam quoad parochos, ut per se patet. Hinc in admittenda hac obligatione quoad dictos vicarios concordant doctores; prout videre est, verbi gratia, apud Leurenium (*Forum beneficiale*, parte 1, q. 366, n. 2), qui expresse docet obligationem illam extendi *ad vicarios tam temporales, quam perpetuos*; et citat Cardinalem de Luca, Barbosa et Pax-Jordanum.

Notetur tamen nos hic agere de iis vicariis temporalibus, quibus (deficiente parochus) exercenda interim principaliter cura demandata est; non autem de vicariis seu cappellanis, qui parochos, curam per seipsos exercentes, adjuvant. Hi quippe sub dicta Tridentina lege nullatenus comprehenduntur.

PROPOSITIO IV*. — *Quando parochus coadjutorem habet, tam coadjutor quam coadjutus residere tenentur.* — 1° Quod remaneat coadjuto residendi onus tenent doctores communiter: « Si autem (ait Barbosa) datus sit coadjutor ratione infirmitatis, non ob id proprius parochus excusatur a residentia. » (*De Officio parochi*, cap. 8, n. 20.) De quo rationem affert Leurenium in hunc modum: « Neque enim Papa censetur dare coadjutorem ad eximendos eos omnino a cura animarum et residendo, sed ut eos adjuvet; per dationem enim coadjutoris non transfertur tota cura animarum in coadjutorem, ablata parochus administratione » (*Forum beneficiale*, parte 1, q. 366, n. 2). Atque ita decisum a Sacra Congregatione Concilii, in *Ravennatensi* anno 1577, vide apud Zamboni (parte 1, verbo *Parochus*, § 2, n. 1).

2° Ipsum etiam coadjutorem ad residendum teneri tradunt communiter doctores, et decisum a Sacra Congregatione Concilii, in causa *Brixienti*, 5 novembris 1620, refert Giraldis (Barbosa, *de Officio parochi*, cum notis Giraldis, cap. 8, n. 21) in hunc modum: « Ad sequentia dubia: 1° utrum coadjutores omnes, quomodocumque sint cappellanice institutæ, teneantur ad residentiam personalem, eadem lege concilii (sess. 23,

« c. 1), qua rectores ipsi parochialium tenentur. — Congregatio censuit teneri...

« 3° Utrum Episcopus teneatur cogere ad residentiam illos etiam coadjutores, quibus nulla expressa personalis residentie obligatio injuncta est. — Sacra Congregatio censuit, teneri cogere hos, sicut ipsos ecclesiae rectores.

« Utrum possit Episcopus cum aliquo ex his coadjutoribus dispensare super residentia. — Congregatio censuit, non posse, prout nec cum rectoribus ipsis potest. »

PROPOSITIO V^a. — *Certum non est curatos ex jure divino ad residendum teneri.* — Equidem doctores quamplurimi et praestantissimi sustinent de jure divino ad residendum teneri eos, quibus incumbit animarum cura; et in probationem adducere solent hae Tridentinae synodi verba: *Cum praecepto divino mandatum sit omnibus, quibus animarum cura commissa est, oves suas agnoscere, pro his sacrificium offerre, verbique divini praedicatione, sacramentorum administratione, ac bonorum omnium operum exemplo pascere...*; quae omnia nequaquam ab iis praestari et impleri possunt, qui gregi suo non invigilant neque assistunt, sed mercenariorum more deserunt... (sess. 23, c. 1 de Ref.). Ex eo nempe textu non pauci doctores argumentati sunt in hunc modum: quo jure quis tenetur ad finem aliquem, eodem tenetur ad media ad eum finem assequendum necessaria; atqui Episcopi et parochi jure divino tenentur ad pascendum gregem suum, ut habetur in citato Tridentino textu; et aliunde nequeunt hunc finem assequi, nisi residendo, prout eodem textu clare exprimitur; ergo. « Sed, inquit Benedictus XIV, difficultas est in altera parte secundae propositionis, quam minorem vocant: etenim non dixit Tridentinum, non posse oves pascere qui non resident, sed qui gregi suo non invigilant neque assistunt, sed mercenariorum more deserunt: hae autem verba commode referri queunt ad animum; cum vere intelligatur gregi suo invigilare, assistere, eumque non descrere, qui, etsi absens sit corpore, illius tamen regimini et tutelae sedulo excubat animo. » (De Synodo diocesana, l. 7,

c. 1, n. 4.) Ex prædicto Tridentino textu probari non posse divino jure impositam residendi obligationem, evincitur aliunde ex eo quod certo constet, Tridentinos patres noluisse controversiam dirimere; imo textum illum ex proposito ita fuisse ab ipsis concinnatum, ut eam non dirimeret. « De hæc controversia, inquit laudatus Benedictus XIV, acriter disputatum fuit in concilio Tridentino, ante sessionem 6, sub Paulo III; sed ea vehementius recrudit sub Pio IV, in conventibus habitis ante sessiones 19 et 23... Cumque dissidentes inter se Patres haudquaquam conciliari potuerint, tandem deliberatum est, ut novo quidem decreto cuncti animarum pastores ad residentiam adigerentur; nihil tamen definiretur de jure, quo iidem continue inter suas oves versari teneantur: quin immo ita decretum concinnandum Patres duxere, ut nihil inde alterutri sententiæ detraheretur: quæ omnia narrantur a Cardinali Palavicino... Hanc Tridentini mentem, cum perspectam habuerit Pius IV, in allocutione habita ad Cardinales et Episcopos calendis martii 1564..., agens de residentia a concilio Lateranensi sub Innocentio III, atque a Tridentino animarum pastoribus, novis sanctionibus injuncta, hæc ad rem subdidit: *Licet vero neque in illo, neque in isto concilio clare definitum sit, an residentia de jure divino esse censeatur, quod neque etiam nos nunc ex improviso definire audemus.* » (*De Synodo diœcesana*, l. 7, c. 1, n. 3.)

§ III.

Quoniam sint generatim justæ causæ, ob quas curati licite a parochia sua abesse possunt.

PROPOSITIO I^a. — *Lex residendi non ita intelligenda est, ut nequeant parochi, justa interveniente causa, extra parochiam ire, et ad tempus abesse.* — Constat ex ipsa juris ecclesiastici dispositione, qua ejusmodi legitimas abessendi causas determinavit (ut modo videbimus), et certum modum servandum

præscripsit, dum eo jure suo parochi utuntur. Nec dicatur residendi obligationem, juxta præstantissimorum canonistarum sententiam, a jure divino dimanare; ut proinde jus ecclesiasticum non potuerit illam minuere, decernendo eam, certis intervenientibus causis, non urgere: nam in hypothese etiam præscriptæ a jure divino residentiae, non eo sensu id intelligendum est, aut fuit a dictis canonistis intellectum, quod nullo in casu possit parochus ad tempus abesse; sed ea dumtaxat residentia exigî a dicto jure censenda est, quæ ad convenientem gregis custodiam sufficiat. Cui profecto sufficienti residentiae nequaquam repugnant nonnullæ ad tempus, et justis de causis, absentiae.

PROPOSITIO II^a. — *Ut parochus singulis annis per bimestre, sive continuum, sive interruptum, abesse queat, non requiritur causa gravis, sed sufficit æqua, seu rationabilis.* — Constat ex verbis Tridentinae synodi supra relatis (§ 1, n. 1): *Discedendi autem licentiam, ultra bimestre tempus, nisi ex gravi causa, non obtineant.* Cum prohibeat synodus ne concedatur licentia ultra bimestre, nisi ex gravi causa, æquivalenter declarat, posse hanc licentiam absque gravi causa concedi, si agatur dumtaxat de absentia per duos menses.

Quod tamen, ad absentiam etiam duorum mensium, requiratur causa *rationabilis*, constat ex eo quod eadem synodus quoad Episcopos voluerit (dum agitur de breviori eorum absentia gravem causam non requirente), *haberi rationem ut id æqua ex causa fiat* (vide § 1, n. 2); simulque varias de residentia quoad Episcopos dispositiones, de *curatis* etiam *inferioribus* intelligendas declaraverit, exceptis iis quæ specialiter quoad hos diverso modo postea determinat. Porro ab hac necessitate æquæ causæ inferiores curatos synodus nullibi declarat exemptos.

Diximus autem in thesi, *per bimestre sive continuum, sive interruptum*; quia pluries quidem eodem anno absque gravi causa poterit abesse parochus, modo ejusmodi absentiae simul junctæ bimestre non excedant. Ad excedendum autem

sive continue, sive diversis vicibus hoc temporis spatium, gravis causa requiri censenda est. Sequitur ex simili dispositione quoad Episcopos. Tempus scilicet Episcopis concessum ad abessendum sine gravi causa, idem determinatur, *sive continuum sit, sive interruptum* (sess. 23, c. 1, vide textum supra § 1, n. 2). Et nullibi synodus aliter disponit quoad curatos; quibus proinde applicanda venit dispositio, quoad illam continuitatis vel interruptionis circumstantiam; cum (ut dictum est) disposita quoad Episcoporum residentiam, intelligi velit synodus etiam de curatis inferioribus, in iis omnibus, pro quibus aliter expresse non disponit.

PROPOSITIO III^a. — *Interveniente gravi causa, potest parochus ultra duos menses licite abesse.* — Constat ex iis Tridentinæ synodi verbis : *Discedendi autem licentiam ultra bimestre tempus, nisi ex gravi causa non obtineant* (sess. 23, c. 1). Ibi enim æquivalenter dicitur, posse eis licentiam ultra bimestre concedi, dummodo adsit gravis causa.

PROPOSITIO IV^a. — *Ut parochus per bimestre legitime abesse possit, sufficit recreationis causa vel similis.* — Nam, ex dictis, sufficit causa levis, modo tamen sit *æqua*, seu rationabilis; atqui recreationis causa rationabilis est. Et idem dicendum de qualibet alia causa, quæ boni viri arbitrio pro rationabili haberi potest. Esse autem hanc doctrinam a probatis auctoribus communiter receptam, vide apud Ferrarium, verbo *Parochus*, art. 2, n. 37.

PROPOSITIO V^a. — *Ut parochus legitime abesse possit ultra bimestre, requiritur christianæ charitatis, vel urgentis necessitatis, vel debitæ obedientiæ, vel evidentis ecclesiæ aut reipublicæ utilitatis causa.* — Nam, ex dictis, ad absentiam ultra bimestre gravis requiritur causa : « Porro reducuntur causæ graves a
« Tridentino (sess. 23, c. 1) ad quatuor capita, nimirum :
« Christianæ charitatis (quo spectat causa juvandi proximum
« auxilio egentem, verbi gratia, ut odia et lites componantur);
« evidentis et urgentis necessitatis, præsertim communis
« (verbi gratia, dum quis abest ob acris intemperiem, ob

« persecutionem tyranni, ob capitales inimicitias...); ob
 « dientiæ majoribus debiti (ut dum versatur beneficiatus in
 « servitio Papæ vel Episcopi); evidentis ecclesiæ, cui quis
 « præfectus est, necessitatis, vel utilitatis, ut dum abest ob
 « prosecutionem litis super juribus beneficii; vel ob aliud
 « negotium Ecclesiæ, verbi gratia, vocatus ad synodum ec-
 « clesiasticam aut imperatoriam. » (Leurenus, *Forum benefi-*
ciale, parte 1, q. 376, n. 1.) Vix autem aliqua gravis causa
 excogitari potest, quæ ad aliquod ex dictis capitibus non re-
 feratur.

PROPOSITIO VI^a. — *Judicium de legitimitate causæ, sive ad bimestris, sive ad longioris temporis absentiam, pertinet ad Episcopum; ita tamen ut a recusatione detur recursus ad superiorem.*
 — 1^o Certum est voluisse Tridentinam synodum ejusmodi judicium ad Episcopum pertinere; siquidem decrevit ne abesse posset parochus, nisi prius absentiae causam cognovisset Episcopus, et licentiam in scriptis dedisset, prout infra ostendimus. 2^o Dari tamen recursum ad superiorem, si parochus existimet injuste sibi licentiam denegari, concluditur ex eo quod a lege ipsa fiat parochus facultas abessendi per bimestre cum æqua causa, licet non gravi; et ultra bimestre cum gravi causa. Unde Tridentina synodus ideo licentiam Episcopi requisivit, ut Episcopus causæ allegatæ justitiam verificaret; et prout sufficientem eam vel insufficientem existimaret, postulatam licentiam concederet vel denegaret: non autem ut, stante etiam causæ justitia, dictam licentiam recusare posset. Hinc si revera adsit causa legitima, et licentia denegetur, gravatur parochus. A quolibet autem gravamine ad superiorem appellari potest.

Et ita intellectum et declaratum a Sacra Congregatione Concilii, constat ex decisione supra relata (§ 1, n. 5). Ibi siquidem agebatur de casu, quo parochus exprimit causam, quam vir bonus et æquus rationabilem judicaret; quam tamen prælatus, vel fictam, vel minus æquam reputans licentiam denegat: et postulabatur an nihilominus parochus licite

abesse posset. Ad quod Sacra Congregatio respondit, non posse; *sed habere posse recursum ad superiorem.*

« Si autem (ait Ferraris, verbo *Parochus*, art. 2, n. 24) parochus postulanti Episcopus reuerset licentiam concedere, posset haberi recursum ad superiorem illius Prælati seu Episcopi; et subsistente rationabili causa, posset idem superior compellere Prælatum inferiorem ad eam licentiam concedendam, prout censuit Sacra Congregatio Concilii, ut referunt ac tenent Fagnanus..., Reiffenstuel..., Garcias..., et alii. » Verum est hæc dici a Ferrario quoad absentiam duorum mensium, de qua ibi loquitur : sed applicanda pariter sunt in casu absentiae ultra duos menses ex causa gravi. Nam Tridentinum concilium non minus tribuit parochis absentiam ultra duos menses *ex causa gravi*, quam absentiam duorum mensium *ex causa æqua*, seu rationabili, quamvis non gravi.

PROPOSITIO VII^a. — *Ut parochus a residendo in perpetuum eximatur, non sufficit ulla causa, quantumvis gravis; nec ulla Episcopi licentia: sed requireretur Apostolicæ Sedis indultum, quod non solet concedi.* — Constat ex eo quod Tridentina synodus (sess. 6, c. 2) indulta perpetua de non residendo sustulerit, per hæc verba : *nullique privilegia, seu indulta perpetua de non residendo, suffragentur.* In qua lege, utpote universali, nequit dispensari ab Episcopo, sed dumtaxat a Sede Apostolica. Non tamen solent Romanæ congregationes perpetuum illud indultum concedere; sed facultatem dumtaxat ad sex menses. Quod si causa residentiam parochi impediens (verbi gratia, capitales inimicitiae) ultra annum perduratura prævideatur, inducitur parochus, etsi innocens, ad resignandum vel permutandum; non autem ultra annum ipsi protrahitur abessendi licentia. De qua praxi, vide in tomo 8 *Thesauri resolutionum*, causam Tyburtinam, 7 septembris 1737; necnon Pignatellum, tomo 7, consultatione 4, n. 16; Fagnanum, in caput *Ad supplicationem, de Renuntiatione*, n. 12 et 13, et in caput *Clericos, de Clericis non resid.*, n. 26; aliosque passim canonistas.

§ IV.

De nonnullis causis in particulari expenditur an parochum a residentia excuset.

PROPOSITIO I^a. — *Consuetudo non residendi, etiam immemorabilis, a residentia non excusat.* — Nam hujusmodi consuetudinem decreti sui executioni obstare non posse decrevit Tridentina synodus; et de hac ipsa consuetudine etiam immemorabili loquens, addit : *quæ potius corruptela censenda est* (sess. 23, c. 1). Porro consuetudo, quam jus semel intrinsece malam seu corruptelam declaravit, nunquam potest contra legem legitime præscribere.

PROPOSITIO II^a. — *Causa perficiendi sua juris sacri vel theologiæ studia, a tempore Tridentinæ synodi parochum non excusat a residentia.* — Certum est jure antiquo, ante Tridentinam synodum vigente (vi nempe capitis 2, de Privilegiis, in 6; capitis Licet, de Præbendis; capitis Cum ex eo, de Elect., in 6; et aliorum), potuisse parochos, studiorum causa, abesse usque ad septennium, ex consensu et licentia Episcopi. (Vide Barbosam, de Officio parochi, c. 8, n. 27.)

2^o Remansisse post Tridentinam etiam synodum jus illud sive privilegium, sustinuerunt non pauci doctores, qui post dictam synodum scripsere; inter quos Layman et Pirrhing. (Vide Leurenium, *Forum beneficiale*, parte 1, q. 380, n. 2.)

3^o Sed dicendum ejusmodi antiquo juri fuisse a Tridentina synodo derogatum. Etenim primo, si attente perpendantur Tridentina decreta, satis aperte derogatio hæc reperietur. Prohibuit nimirum sancta synodus, ne ultra duos menses abessendi licentiam concederet Episcopus, nisi ex gravi causa. Jam vero, etsi antea gravis fuerit studendi causa, non tamen post stabilitum a dicta synodo concursum quoad parochialium ecclesiarum collationem. Siquidem, juxta hanc concursus disciplinam, supponitur parochos esse idoneos et jam studuisse, « et consequenter non esse necesse, ut studiorum causa absint

« a suis ecclesiis. » (Barbosa, loco citato.) At *secundo*, etsi Tridentina verba controversiæ locum aliquatenus reliquissent, jamdudum tamen, ob multiplices et constantes hac de re Sacræ Congregationis Concilii declarationes omnis evanuit dubitandi ratio. Ita ut hodie pro certo tenendum sit, studiorum causam nequaquam sufficere, ut ab Episcopo debeat aut possit parochis concedi facultas non residendi. « Congregatio Concilii, ait Giralduſ, pluries ita censuit, et præsertim 1 octobris 1594. » (Barbosa, *de Officio parochi*, cum notis Giralduſ, cap. 8, n. 27.) A referendis ejusmodi declarationibus abstinemus, eo quod passim apud auctores occurrant, nec ulla jam supersit quoad quæſtionem hanc difficultas.

PROPOSITIO IIIª. — *Nec excusatur a residentia parochus ex eo quod theologiam in civitate doceat, etiam relicto idoneo vicario, et etiamsi non adsit alius ad docendum idoneus.* — Ex jure antiquo a residentia excusabat hæc etiam docendi causa; et num huic docentium privilegio derogaverit Tridentina synodus, fuit pariter aliquando disputatum. Sed et jamdudum, per Sacræ Congregationis Concilii declarationes, omnis sublata est dubitatio. Vide inter alios, communiter conclusionem nostram tradentes, Barbosam, loco citato, n. 28, cum subjecta ibidem Giralduſ nota; necnon Ferrarium, verbo *Parochus*, art. 2, n. 26.

PROPOSITIO IVª. — *Aeris intemperies, etiam juncto morbo, parochum a residentia non excusat; est tamen causa sufficiens morbus cum aeris inclementia, ut Episcopus ultra duos menses abessendi licentiam concedat.* — Constat ex Sacræ Congregationis declarationibus supra relatis (§ 1, n. 6, 7 et 8). Idem tradit Ferraris, verbo *Parochus*, art. 2, n. 28.

PROPOSITIO Vª. — *Nec senilis ætas, nec adversa valetudo parochum excusat a personali residentia.* — Id declaravit Sacra Congregatio Concilii (vide supra § 1, n. 9), et tradunt communiter doctores.

PROPOSITIO VIª. — *Parvus parochianorum numerus, etiamsi tres dumtaxat remaneant, parochum a residentia non excusant.*

— Ita communiter doctores; et decisum a Sacra Congregatione Concilii vide supra (§ 1, n. 10 et 11).

PROPOSITIO VII^a. — *Periculum contrahendæ pestis in parochia grassantis, parochum non liberat ab onere residendi, etiamsi alii adsint idonei, qui vices ejus suppleant.* — « Sanctus Carolus « Borromæus... dubium hoc ad Congregationem Concilii de- « finiendum detulit : num scilicet residere teneretur, qui « curæ præerat animarum, quamvis urgeret periculum con- « trahendi pestem, et ex illa occumbendi. Responsum autem « fuit residendi obligationem vel tum vigere, eaque obstringi « non modo parochos, sed et Episcopos; quemadmodum vide- « re est in rescriptis mensis octobris et decembris anni 1576, « relatis apud Fagnanum (in caput *Clericos*, n. 37 et seq., de « *Clericis non resid.*); quibus pontificia quoque Gregorii XII « accessit approbatio. Unde post hujusmodi rescripta, sive « resolutiones, aditus locusque amplius relinqui non potest « eorum doctorum opinioni, qui affirmarunt et docuerunt, « licere ei, qui animarum curam exerceat, a residentiæ loco « abscedere, modo sacerdotem idoneum adinveniat, qui, ac- « cedente Episcopi licentia, vices ejus adimpleat. » (Benedictus XIV, de *Synodo diœcesana*, libro 13, cap. 19, n. 2.) Vide etiam Ferrarium, verbo *Parochus*, art. 2, n. 29.

PROPOSITIO VIII^a. — *Ob inimicitias ipsi paracho personales, licite potest parochus e parochia aufugere : licentiam autem perpetuam non residendi nequit Episcopus ei hanc ob causam concedere.* — *Probatur 1^a pars.* — « Doctores omnes conveniunt, « non posse utique parochum a parochiali sua ecclesia aufu- « gere, plebemque sibi commissam relinquere, sed animam « pro ovibus ponere obstringi, si tam contra ipsum quam con- « tra eandem plebem gravis oborta sit inimicitia et persecu- « tio, ita ut omnibus commune impendat vitæ discrimen, nec « alii reperiantur, qui tuto possint gregi assistere, ejusque spi- « rituali saluti invigilare... Æquè tamen communiter rece- « ptum est, graves inimicitias a solo paracho cum Barone loci, « aut cum ipsomet populo... contractas, justam ei præstare

« causam a residentia abcedendi, constituto vicario, qui ab
 « Ordinario approbatus, ea meliori qua fieri potest ratione
 « spirituali animarum saluti occurrat... » (In *Thesaurus resolutionum*, tomo 8, in causa *Tyburnina*, 7 septembris 1737, § *Sacrosancta*.) Ad quod firmandum ibidem adducuntur plures auctores et textus juris.

Probatur 2^a pars. — Nimirum non posse in dicto casu, sicut nec in ullo alio, concedi ab Episcopo *perpetuam* licentiam non residendi, et interea fructus percipiendi. — Nam certum est a Tridentina synodo (sess. 6, c. 2) sublata omnino fuisse indulta *perpetua* de non residendo : *Nullique privilegia seu indulta perpetua de non residendo, aut de fructibus in absentia percipiendis, suffragentur.* Quæ lex, cum universalis sit, excludit potestatem Episcopi aliter statuendi quoad subditos suos.

NOTA 1^a. — Circa quæstionem, *num possit tunc Episcopus licentiam non residendi ad tempus concedere, an vero sit ad Sedem Apostolicam recurrendum.* — Antequam in nonnulla documenta, mox subjicienda, offendissem, dubium mihi non erat, quin posset Episcopus, ex dicta causa inimicitarum, licentiam non residendi parochæ *ad tempus* concedere. Sic nempe arguebam : certum est a Tridentina synodo generatim Episcopis tribui potestatem absentias ejusmodi, ultra bimestre etiam, *ex gravi causa* permittendi (sess. 23, c. 1). Urgens autem necessitas extra parochiam, ob capitales inimicitias, commorandi, gravibus proculdubio causis annumeranda est ; ut adeo ad hunc casum dicta Episcopi potestas extendi merito censeatur. At vero huic conclusioni obstare videntur sequentes, quæ mihi occurrerunt, auctoritates : Ad quæstionem, « an ob capitales « inimicitias Ordinarius dare possit parochæ licentiam non residendi, » sic habet Leurenus (in suo *Foro beneficii*, parte 1, q. 385) : « Respondet negative Pax-Jordanus ; idque, ut ait, « ex declaratione Sacræ Congregationis Episcoporum : sed « recurrendum ad ipsam Sacram Congregationem ; quæ non « soleat concedere ultra sex menses, ad effectum interim re- « signandi vel permutandi : quidquid alias concedere hac in

« parte potuisse Episcopos doceat Zerola... Bonacina... » Ibi videtur agi de licentia *ad tempus*, et dicitur non posse ab Episcopo concedi.

« Quando inimicitiae (ait Barbosa, *de Officio parochi*, c. 8, « n. 32) absque parochi culpa contractae fuerant, Episcopi dispensare solebant ut per annum in alio viciniore et tutiori loco manere possit (parochus); et crescentibus inimiciis, dabatur alius annus; dummodo semper in parochiali expensis parochi maneret idoneus vicarius. » Ad quae verba Barbosa, sic adnotat Giraldus : « Licentia abessendi propter inimicitias concedi debet, non ab Episcopo, sed a Congregatione Concilii, ut eadem respondit mense decembri 1589 in Faventina : *Prætextu inimiciarum minime excusandos esse* (parochos), *nisi obtinuerint litteras a Congregatione Concilii; quæ ubi petita fuerint, dabuntur juxta formam.* »

Pignatellus (tomo 7, consultatione 4, n. 16) refert a Sacra Congregatione Episcoporum et Regularium negotiis præposita, die 7 januarii 1578, Ariminensi Episcopo, Visitatori Apostolico, rescriptum fuisse in hunc modum : *I curati, sotto pretesto d'inimizia, non ponno assentarse d'alla cura con licenza del Vescovo; ma devono domandarla al Pontefice, o alla Congregazione : la qual suole molto bene esaminare le circostanze... E quando pure si concede, si fa per breve tempo.*

His in medium adductis, quid tenendum sit, doctioribus concludendum relinquo.

NOTA 2^a. — Circa praxim Sacrae Congregationis Concilii, quando ad ipsam in dicto casu inimiciarum recurritur. — Eam sic describit Fagnanus (in caput *Clericos, de Clericis non residentibus*, n. 25) : « Sacra Congregatio Concilii... in his casibus consuevit dare litteras ad Episcopum, ut, si veræ sint et graves inimicitiae quæ narrantur, et absque parochi culpa, et antequam ecclesiam obtinuit, exortæ, super quibus Episcopi conscientia operatur, dilationem ei det, ut in alio tutiori ac viciniore loco manere possit; durantibus dumtaxat inimiciis; dum tamen non ultra sex menses durent. Interca

« autem vicarium idoneum in illa ecclesia constituat Episcopus, assignata ei congrua portione ex redditibus Ecclesiæ; et partes etiam suas interponat, et omnem diligentiam adhibeat, ut tuto possit residere parochus. Quod si intra sex menses necdum sedatæ sint inimicitie, rescribit Episcopo, ut det illi sex mensium prorogationem, repetitis omnibus, quæ in prioribus litteris continebantur, et sine spe ulterioris prorogationis, quæ rarissime conceditur. Nam cum indulta perpetua de non residendo, etiam ex justis et rationabilibus causis, jam sublata fuerint decreto capitis 2 sessionis 6, ubi inimicitie sunt verisimiliter duraturæ, ut consulatur curæ animarum, inducendus est parochus ad resignandum vel permutandum... Et ita parochus punitur sine culpa, sed non sine causa, ut notat glossa (in caput *Tua nos, de Cler. agrot.*); ad exemplum parochi leprosi, qui ab administrationis officio removetur, sed de bonis ecclesiæ sustentatur, ut in prædicto decreto *Tua nos.* »

PROPOSITIO IX. — *Servitium Episcopo præstandum, non est legitima causa non residendi, nisi per duos menses a Tridentina synodo concessos.* — « Nec Episcopus (ait Ferraris, verbo *Parochus*, art. 2, n. 44) potest uti opera parochi in visitatione, vel alio servitio suæ ecclesiæ, nisi pro tempore duorum mensium a concilio Tridentino permissorum... Sic declaravit Sacra Congregatio Concilii... Item non potest parochus per Episcopum occupari in sui, vel ecclesiæ cathedralis servitio, ut nempe sit vicarius, visitator, secretarius, fiscalis, etc. Sic decrevisse Sacram Congregationem Concilii referunt Gonzalez..., Garcias..., Pignatellus... »

Nota. — Nec voti aut peregrinationis causa legitime abesse potest parochus ultra sibi concessum bimestre. Vide Leurenium (*Forum beneficiale*, parte 1, q. 387).

§ V.

Quomodo ad licitam parochi absentiam, præter causæ legitimatem requiratur, ut causa declaretur Episcopo, isque licentiam in scriptis concedat, et interim substituat vicarius ab Episcopo approbatus.

PROPOSITIO I^a. — *Ad absentiam ultra duos menses, requiritur, præter causam legitimam, licentia Episcopi in scriptis data.* — Constat ex his Tridentinæ synodi verbis : « Discedendi autem licentiam, in scriptis gratisque concedendam, ultra bi-
« mestre tempus, nisi ex gravi causa, non obtineant » (sessione 23, c. 1.) Constat etiam ex declaratione Sacræ Congregationis Concilii supra relata (§ 1, n. 5); ubi etiam dicitur *evidentiam* causæ a petenda et obtinenda licentia nequaquam excusare.

PROPOSITIO II^a. — *Eadem Episcopi licentia requiritur, etiamsi agatur tantum de absentia per duos menses.* — Colligitur ex modo relatis verbis, *licentiam in scriptis concedendam*; quæ perpenso contextu, generalia sunt, nec restringuntur ad casum absentiæ ultra duos menses duraturæ. Sed præterea id declaravit Sacra Congregatio Concilii, ut videre est supra (§ 1, n. 3 et 4). Ubi notetur rejectam fuisse prætensionem parochorum, qui contendebant satis esse, quoad absentiam duorum mensium, si causa Episcopo declararetur, non expectata ejus licentia. Idem cæteroquin tenent doctores communiter, inter quos sic Pignatellus (tomo 7, consultatione 4, n. 24) : « Pa-
« rochi non possunt, ex decreto concilii (in capite 1 sessio-
« nis 23) annis singulis per aliquod tempus a suis parochiali-
« bus abesse, nisi causa cognita, et licentia ab Episcopo in
« scriptis obtenta... Et quamvis dictis parochis abesse liceat
« per bimestre, tamen hanc autoritatem sibi arrogare non
« possunt; sed licentiam, ut supra, ab Episcopo obtinere de-
« bent. » Vide etiam idem variis documentis probatum a Ferrario (verbo *Parochus*, art. 2, n. 22 et seq.).

PROPOSITIO III. — *Etiam ad absentiam unius hebdomadæ requiritur prædicta Episcopi licentia.* — Ita declaratum a Sacra Congregatione Concilii vide supra (§ 1, n. 5). Et apud Ferrarium (verbo *Parochus*, art. 2, n. 22). Ex præmissis autem declarationibus corrigas ea, quæ a non paucis canouistis et moralistis olim in contrarium scripta sunt.

PROPOSITIO IV. — *Quoad absentiam ultra biduum et citra hebdomadam, an de jure communi necessaria sit Episcopi licentia, videtur licite controversi posse.* — Etenim tunc non requiri dictam licentiam sustineri potest ex sequentibus rationibus : 1° certum est principium, parum pro nihilo reputandum esse; et admittunt doctores multi, per *modicum tempus* a parochia sine licentia Episcopi discedere posse parochos, prout videre est apud sanctum Ligorium (lib. 5, dub. 1, art. 4, n. 123); sed dicta absentia pro modica habenda est, nec saltem potest contrarium probari; ergo. 2° Dictam absentiam pro modica esse reputandam sequi videtur ex his Trideutinæ synodi verbis : *Quoniam autem qui aliquantisper tantum absunt, ex veterum canonum sententia non videntur abesse, quia statim reversuri sunt, sacrosancta synodus vult illud absentiae spatium... nullo modo debere duos, aut ad summum tres menses excedere* (sess. 23, c. 1). 3° Nec deest huic sententiæ plurium doctorum auctoritas : « Barbosa..., Reiffenstuel... et alii (inquit Ferrarius) docent posse parochum sine licentia Episcopi, ex causa sibi « legitima visa, abesse per sex aut septem dies; dummodo « interim idoneum vicarium, in illo episcopatu admissum, pro « administratione sacramentorum relinquat; ita (sicuti fate- « tur Barbosa) declarante consuetudine universali. » (Ferrarius, verbo *Parochus*, art. 2, n. 34.)

Pro contraria sententia adduci potest decretum concilii provincialis Romani, sub Benedicto XIII habiti (tit. 17, c. 6) quo prohibentur parochi, ne ultra biduum, absque obtenta Episcopi vel ejus generalis vicarii licentia, e parochia discedant. Neque enim ita statuissent dictæ synodi patres, si absentia citra hebdomadam restricta pro modico ac nihilo esse

habenda. Quibus stantibus momentis, hæc ego adnotabo :

Primo, suppono quæstionem a Sacris Congregationibus nondum fuisse decisam : alioquin, si quæ intervenissent declarationes (quas prorsus ignoro) essent hæc pro norma sumendæ.

Secundo, ubi nihil de hac re jure particulari diœcesis statutum est, et viget consuetudo licentiam in dicto casu non petendi, non videntur inquietandi parochi hanc sequentes consuetudinem : modo tamen aliquem sibi substituant qui, occurrente necessitate, sacramenta parochianis administrent ; et dummodo etiam dictæ absentiæ frequenter non recurrant ; quia alioquin parvitatem materiæ certe excederent.

Tertio, ubi vero non constat de consuetudine licentiam in dicto casu omittendi, nec adest Episcopi statutum illam petendam decernens, parochis vehementer suaderem, ut illam petere non omittant ; quamvis non auderem, si secus agant, de aliquo eos peccato arguere. Diximus autem in thesi, *de jure communi* ; quia ubi diœcesauo statuto petenda in dicto casu præcipitur Episcopi licentia, dubium non est, quin peti et obtineri debeat, ut probamus infra.

PROPOSITIO V^a. — *Quoad absentiam bidui, vel biduo breviorum, non videtur de jure communi necessaria licentia Episcopi.* — Id tanquam communiter receptum tradit Ferrarius (verbo *Parochus*, art. 2, n. 33) in hunc modum : « Ubi autem non
« adsit talis constitutio Episcopi (1), potest parochus, ex
« causa quæ sibi legitima videatur, per unum aut alterum
« diem abesse sine licentia Ordinarii ; dummodo interim idoneum vicarium ab Ordinario approbatum relinquat : *communis*. Sic enim docet universalis recepta consuetudo, quæ
« est optima legum interpret. Nec immerito ; quoniam qui ali-
« quantisper tantum absunt, ex veterum canonum sententia non
« videntur abesse, quia statim reversuri sunt ; uti loquitur idem-
« met ipsum concilium Tridentinum, citato sessionis 23 capite 1. »

(1) Nempe præcipiens, ut in hoc etiam casu petatur licentia.

Posuimus autem in hac etiam thesi verba hæc, *de jure communi*; quia stante præcepto Episcopi, certo remanet petendæ licentiæ necessitas, ut statim dicitur.

PROPOSITIO VI*. — *Certum est posse Episcopum prohibere, ne ultra biduum absint parochi, absque licentia prius oblenta.* — « Valet enim (ait Ferrarius, verbo *Parochus*, art. 2, n. 31) « constitutio Episcopi, ne parochi possint abesse ultra duos « dies sine licentia, ut declaravit Sacra Congregatio Concilii « (apud Garciam, *de Beneficiis*, parte 9, cap. 2, n. 23, in prima declaratione)... Quin imo potest Episcopus prohibere « parochis sub pœna pecuniaria, quæ tamen dimidiam (partem « fructuum) non excedat, ne ultra biduum ab ecclesia sua « possint abesse. Non tamen id prohibere potest sub pœna « excommunicationis latæ sententiæ: sic declaravit Sacra Congregatio Concilii, testibus Garcia..., Barbosa... » Vide etiam Fagnanum, in caput *Relatum, de Clericis non residentibus*, n. 22.

Nulla est ratio cur pro valida censenda non sit episcopalis constitutio, absentiam ultra biduum, non obtenta licentia, prohibens. Etsi enim foret *præter* jus commune, non tamen est *contra*. Quam autem utilis aliquando esse possit, satis inuit Romani concilii, sub Benedicto XIII habiti, auctoritas, in quo ejusmodi prohibitio sancita est (titulo 17, cap. 6), addita pœna subtractionis fructuum juxta tempus absentiae.

Nota 1*. — Valeret constitutio Episcopi, qua *unius* etiam diei absentiam, absque obtenta licentia, prohiberet; modo tamen non necessarium foret ad civitatem episcopalem recurrere, sed designaret Episcopus aliquem vicarium foraneum, qui facile adiri posset et licentiam concedere. Hanc enim fuisse Sacræ Congregationis Concilii sententiam, testatur Fagnanus (in caput *Relatum, de Clericis non resid.*, n. 23), his verbis: « Quin etiam cum Episcopus Brixiensis esset editurus « constitutionem, prohibentem ne quispiam curatus abesset a « sua ecclesia, etiam unum diem, sine ejus licentia, sub pœnis pecuniariis; et parochi ejus diœcesis dubitassent, an id « Episcopo liceret (cum, ex concilio, capite 1 sessionis 23,

« qui paulisper abest a sua ecclesia non videtur abesse); Sa-
 « cra Congregatio censuit, non posse declarari tale statutum
 « esse contra concilium, quod videtur velle, ne paulum pos-
 « sit abesse rector absque licentia Episcopi, etiam per unum
 « diem: exspectandum tamen ut Episcopus edat constitutio-
 « nem; quæ si erit cum aliquo temperamento, poterit permitti;
 « sin minus, Sacra Congregatio curabit addi, ut alicui ex vica-
 « riis foraneis detur facultas concedendi talem licentiam. »

Nota 2ª. — Sanctus Ligorius videtur tenere, certo validam fore Episcopi constitutionem, qua prohiberet quamlibet absentiam uno etiam die breviorē: « Bene poterit Episcopus
 « (inquit) prohibere, ne parochi *omnino* discedant a suis eccle-
 « siis » (libro 5, cap. 2, dub. 1, art. 4, n. 23 circa finem). Dicendo *omnino*, absentiam etiam unius horæ includit. Mihi vero invalida potius videretur episcopalis prohibitio quoad absentiam *uno die* breviorē: imo et quoad absentiam *unius integri diei*, nisi appoueretur temperamentum a Fagnano supra indicatum. Nimio scilicet onere, ex tali prohibitione, gravari parochos, absque sufficienti ratione, merito sustineri posset.

PROPOSITIO VIIª. — *Debet Episcopo declarari causa; nec sufficit ipsi dicere causam esse gravem, et hoc juramento firmare.* — Constat ex his Tridentinæ synodi verbis, *causa prius per Episcopum cognita et probata*. Constat insuper ex relata declaratione Sacræ Congregationis Concilii (supra § 1, n. 5), ubi casus iste expresse deciditur.

PROPOSITIO VIIIª. — *Sive ad absentiam duorum mensium, sive ad longiorem, si necessitas ita urgeat, ut non patiatur moram expetendæ licentiæ, omitti quidem licentia poterit; sed debet quamprimum certior Episcopus fieri.* — Constat ex declaratione Sacræ Congregationis Concilii relata supra (§ 1, n. 5). Et ita tenent doctores communiter, inter quos sic Ferraris (verbo *Parochus*, art. 2, n. 25): « Occurrente tamen causa aliqua
 « gravi et necessaria subito abcedendi, quæ tantam celerita-
 « tem requirat, ut non patiatur dilationem, seu sit periculum

« in mora petendi et expectandi licentiam, tunc parochus,
 « relicto idoueo vicario, discedere poterit absque præhabita
 « licentia Ordinarii, quia necessitas non habet legem (*atque ibi*
 « *citat Ferraris plures juris textus*): ita tamen, ut hujusmodi
 « parochus quamprimum poterit, teueatur certiorare Ordina-
 « rium de tali suo discessu atque necessitate urgente, ut is de
 « causa cognoscat, et licentiam concedat, nisi sit brevi rever-
 « surus. Et sic declarasse Sacram Congregationem Concilii
 « referunt Garcias..., Barbosa... »

De qua doctrina facile patet ratio. Quod nempe possit in dicto casu discedere parochus ante petitam et obtentam licentiam, sequitur ex generali principio, legem ecclesiasticam cum gravi incommodo non obligare. Quod autem certior quamprimum fieri debeat Episcopus, sequitur ex eo quod lex Tridentina, præcipiens ut Ordiuario declaretur causa, nequaquam cessare censenda sit, quando autem discessum e parochia non impleta est; sed adhuc remanere explenda; id nimirum exigente legis fine, qui totus et idem remanet; siquidem, postquam etiam discessit parochus, plurimi interest ut causam Episcopus cognoscat, et vicarium substitutum approbet.

PROPOSITIO IX*. — *Præter causam legitimam, et scriptam Episcopi licentiam, de quibus supra, requiritur ut substituatut idoneus vicarius ab Episcopo approbatus, cum mercede congrua.*
 — Id expresse decrevit Tridentina synodus his verbis: « Quau-
 « documque eos, causa prius per Episcopum cognita et pro-
 « bata, abesse contigerit, vicarium idoueum, ab ipso Or-
 « dinario approbandum, cum debita mercedis assignatione
 « relinquant » (sess. 23, c. 1).

Nota. — Cum, ex præmissis, ad legitimam absentiam simul concurrere debeant justitia causæ et Episcopi licentia, si altera ex his conditionibus desit, licitus non erit parochi discessus. Nec justitiam causæ, si forte desit, supplere potest Episcopi licentia; quia universali lege (quam tollere nequit Episcopus) prohibetur discessus absque causa legitima. Unde,

verbi gratia, si conscius sit parochus de insufficientia causæ, tutus in conscientia non erit, quamvis Episcopus ex nimia bonitate discedendi licentiam concesserit. In dubio tamen de causæ justitia, iudicio Episcopi eam approbantis tuto stare poterit.

§ VI.

Quomodo lex residendi intelligenda sit quoad modum.

PROPOSITIO I^a. — *Lex residendi intelligenda est de residentia, non materiali dumtaxat, sed formali; id est, de laboriosa, non de otiosa.* — « Advertendum hic est, ut quis residentie legem
« impleat, quam Tridentinum concilium ac Summi Pontifices
« tantopere commendant atque præcipiunt, haudquaquam
« satis esse, si corpore solum intersit, in desidia tamen ver-
« setur, vel tantum leviora munera sibi desumat, reliqua vero
« ministris committat. Residentiam quippe non cum inertia,
« sed cum laboribus conjungendam esse Tridentina synodus
« jubet, ut a patribus Aquileiensis concilii, anno 1595 coacti,
« recte perpeuditur : *Quod de residentia a sacro Tridentino con-*
« *cilio, et Summorum Pontificum constitutionibus cautum est, hoc*
« *non est intelligendum, ut præsentia assideant, nihil præterea*
« *agant; cum ex sacris canonibus residentia sit accipienda in eum*
« *sensum, ut sit laboriosa, non otiosa.* Quidquid sit de ea quæ-
« stione, utrum pœna restituendi fructus (in eos, qui longe a
« suis sedibus morantur, constituta) illos quoque parochos
« complectatur, qui præsentia solum assident, nullaue causa
« impediti otio marcescunt (cum eos nonnulli ab eadem pœna
« liberos existiment); illud tamen certum est, desides ejus-
« modi parochos lethali crimini obnoxios esse, et a præside
« pro culpæ gravitate plectendos. » (Benedictus XIV, insti-
tutione 17, n. 6.)

PROPOSITIO II^a. — *Suffieienter formalis seu laboriosa censenda est residentia parochi, si parochialium munitum partem notabi-*

lem per seipsum expleat; quamvis multa vicariis adiutoribus exequenda relinquat. — « Parochus non satisfacit præcepto residentiae, suæque conscientiae, si resideat quidem personaliter « in parochiali, sed totam curam relinquat cappellano, nulla « per seipsum munia parochialia obeundo... Parochi enim « cogendi sunt ad subeunda per seipsos, et non per substitutos, ea munia ad quæ tenentur. Tolerandi autem, ut per « substitutos supplicant in illis tantum casibus, in quibus « expressis verbis canonum et decretorum concilii, permissum « est eis, ut per vicarios coadiutores possint officio suo « fungi. Sic censuit Sacra Congregatio Concilii (in una *nullius*, « 3 julii 1591)... Unde in capite *Extirpandæ* (30, *de Præbendis*) « expresse sic statuitur : *Qui vero parochialem habet ecclesiam,* « *non per vicarium* (cappellanum sive cooperatorem), *sed per* « *seipsum illi deserviat, in ordine, quem ipsius ecclesiæ cura requirit.* Vide *Monacellum*, parte 2, titulo 16, formula 2, « n. 2. Potest tamen parochus pro meliori cura animarum, « atque officiorum parochialium executione, et aliquali sua « quiete, unum vel plures cooperatores habere, et ipsi, seu « ipsis relinquere munera magis ardua, ut ire de nocte ad infirmos, peragere divina officia in ecclesiis filialibus distantibus, confessiones multas audire, et hujusmodi : dummodo « simul ipsemet parochus, cessante justo impedimento, aliqua « etiam munia pastoralia, præsertim principaliora, personaliter præstare non intermittat; et quando nominatim vocatur a parochianis, ad ipsos, præsertim infirmos, ire non « recuset... Docetque hoc recepta consuetudo, quæ est optima legum interpret. » (Ferraris, verbo *Parochus*, art. 2, n. 18 et seq.)

Vide insuper *Fagnanum* (in caput *Extirpandæ*, *de Præbendis*, n. 4), qui casus a jure expressos, in quibus vicariorum opera parochis uti licet, sic indicat : « Quales sunt sessione 5, capite 2, versu *Archipresbyteri*; sessione 6, capite 2, in fine ; « sessione 21, capite 4, in principio ; sessione 23, capite 1, « versu *Eadem omnino*; capite 1 *de Reformatione matrimoni*,

« sessione 24, versu *Præterea eadem*; et eadem sessione, capite 4. »

Eosdem casus descriptos vide apud Zamboni (parte 1, verbo *Parochus*, § 2, n. 2, et nota 10); qui ibidem memorat Sacræ Congregationis Concilii declarationem (in *nullius*, 30 julii 1591) præsentī conclusionī nostræ consonantem.

§ VII.

Quomodo intelligenda sit lex residendi quoad locum.

PROPOSITIO I^a. — *Est regula generalis, teneri parochum habitare intra parochiæ limites.* — Ita tenent doctores communiter; inter quos sic Leurenus: « Parochi vicariiue curati, intra « ipsius parochiæ limites habitare debent, ita ut etiam in casibus repentinis adesse possint suis, et hi illos convenire « commode » (*Forum beneficiale*, parte 1, q. 371). Vide etiam Cardiualem de Luca (ad Trideutinum, discursu 4, n. 11). Et concluditur a fortiori ex sequentibus propositionibus. Posita est autem regula tanquam *generalis*, ob exceptiones de quibus infra.

PROPOSITIO II^a. — *Est pariter regula generalis, debere parochum habitare in domo parochiali, si adsit.* — Hanc regulam sic exponit Fagnanus (in caput *Extirpandæ, de Præbendis*, n. 12): « Extenditur tertio (lex residendi) ut nec sufficiat parochum « ubilibet residere infra limites parochiæ, sed oporteat eam « habitare in ædibus parochialibus, ut sæpe fuit solutum. Et « in specie, cum multi rectores parochialium ecclesiarum in « diocesi Eborensi, tametsi proprias ædes parochiales haberent, vel saltem percommode possent alias conducere intra « limites parochiæ, tamen aut extra parochiam, aut extra prædictas ædes inhabitarent; et Episcopus quæsiuisset quid agendum; Sacra Congregatio censuit parochos teneri habitare in « domo ecclesiæ parochialis: ac si domum non habeant, debere aliquam conducere, saltem intra limites parochiæ. »

Nihilominus et hæc regula nonnullis exceptionibus obnoxia est; unde et tanquam *generalis* dumtaxat ponitur.

PROPOSITIO III^a. — *Justa interveniente causa, potest parochus alibi quam in parochiali domo, intra fines parochiæ degere.* — Constat ex pluribus Sacræ Congregationis Concilii declarationibus. Id nempe esse permittendum Sacra Congregatio Episcopis rescripsit, quoad multos particulares casus, in quibus justæ allegabantur ejusmodi causæ. Inter alia hujus rei exempla duo sequentia, ex Fagnano, subjicimus: « Petente Præ-
« posito Piscienti declarari, an posset compellere parochos ad
« habitandum ædes conjunctas ecclesiis parochialibus, Sacra
« Congregatio censuit posse compellere: si tamen aliquis casus
« occurrat, qui rationibus specialibus innitatur, rescriben-
« dum ad Sacram Congregationem. » (Fagnanus, in caput *Ex-
tirpandæ, de Præbendis*, n. 13.) « Vincentio Taurellio postulante
« sibi concedi ut posset habitare in domibus pateruis, eo quod
« in domibus ecclesiæ parochialis satis commode (cum senex
« esset) habitare non posset, præsertim cum ecclesia esset
« viciua domibus pateruis, et iu ecclesia etiam coadjutorem
« susteutaret: censuit scribendum Episcopo, si vera sunt
« narrata, permittendum oratorem manere in domibus pater-
« nis; dum tamen et ipse curam animarum exerceat, ut de-
« bet. » (Fagnanus, loco citato.)

PROPOSITIO IV^a. — *Etiam ut extra parochiæ limites habitet parochus permitti potest, justa de causa; in loco tamen ita vicino, ut officium suum convenienter explere possit.* — Ita pluries declaratum a Sacra Congregatione Concilii quoad casus particulares, in quibus aderat id permittendi valde urgens ratio. De quo etiam unum aut alterum exemplum ex Fagnano transcribimus. « Die 16 junii 1607, Sacra Congregatio censuit secun-
« dum ea quæ proponuntur, Episcopum suo arbitrio posse
« permittere, ut rector, qui neque ex fructibus ædes in pa-
« rochiali construere, nec alias intra suæ parochiæ fines con-
« ducere potest, inhabitet domum in altera parochia vici-
« niori...; atque ita in sua parochiali animarum curam gerat,

« fructusque suos faciat, perinde ac si in parochiali habitaret ;
 « idque donec alia ratio, qua residentiae adamussim satisfiat,
 « possit iuri. » (Fagnanus, in caput *Extirpandæ, de Præbendis*,
 n. 18.) Memorat ibidem citatus auctor casum rectoris duas
 parochias unitas habentis, et habitantis extra earum fines in
 vicino castro, seu oppido ; unde tamen facilius parochianis
 suis adesse poterat, quam si intra fines parochiæ degisset. Ca-
 rebat cæteroquin domo intra fines sita. « Die 15 septem-
 « bris 1607 Sacra Congregatio Concilii censuit rectorem, qui
 « hactenus in dicta domo, in castro ædificata, permittentibus
 « Episcopis permansit, fructus fecisse suos. Imo etiam dei-
 « ceps posse Episcopum... permittere, ut ibidem manere per-
 « gat, dum tamen, etc... » Notetur autem quoad hoc requiri
 gravissimam rationem, ac veluti quamdam necessitatem.

PROPOSITIO V^a. — *Quando parochia distat a civitate duobus passuum millibus aut amplius, non licet parochi in civitate diu noctuque, exceptis diebus festis, commorari, etiam relicto in parochia substituto : item non ei licet nocturno dumtaxat tempore in parochia habitare, et dicta missa summo mane ad civitatem redire, sicque per majorem anni partem in civitate diuturno tempore degere ; quamvis etiam substitutum in parochia manentem haberet : item vice versa, non ei licet nocturno tempore per majorem anni partem in civitate morari, quamvis diurno in parochia degeret, atque ibi habitantem substitutum haberet.* — Expressam de hoc triplici casu Sacræ Congregationis Concilii decisionem retulimus supra, § 1, n. 12.

PROPOSITIO VI^a. — *Quando parochus absque legitima causa non habitavit in domo parochiali, sed in alia intra fines parochiæ suæ, etsi contra præceptum residentiae peccaverit, non tamen tenetur ad fructuum restitutionem : atque idem dicendum videtur si habitaverit extra parochiæ limites, modo necessaria ad curam præstiterit : in utroque tamen casu, si jussus ab Episcopo ut debito loco habitaret, parere renuerit, mulctari potest.* — Ita conclu-
 dendum videtur ex variis Sacræ Congregationis Concilii declara-
 tionibus. Uam aut alteram ex Fagnano subjicimus : « Cum

« fuerit quæsitum a paroco Ravennatensi, an parochialem
« ecclesiam intra civitatem obtinens, et in ædibus ecclesiæ,
« seu intra limites parochiæ, diu noctuque non residens, ei-
« dem tamen ecclesiæ in divinis inserviens, teneatur tanquam
« non residens ad fructuum restitutionem: responsum, non te-
« neri; sed cogendum in posterum residere in domo ecclesiæ,
« vel si non habet, in propinquiore intra limites parochiæ.

« Et iterum orta dubitatione, an rector parochialis ecclesiæ,
« habens domos parochiales, satisfaciatur residentiæ habitando
« in domibus propriis ipsius rectoris, intra tamen parochiæ
« limites constitutis, ita ut alias non faciat fructus suos, sed
« teneatur ad restitutionem percceptorum; responsum est te-
« neri habitare in ædibus parochialis ecclesiæ; non tamen
« amisisse fructus, si intra fines parochiæ resedit, nisi ab Epi-
« scopo fuerit jussus in ædibus parochialibus residere; quo
« casu, si id non præstitit, mulctari potest ab Episcopo.
« 6 aprilis 1606. » (Fagnanus, in caput *Extirpandæ, de Præ-
bendis*, n. 14, 15 et 16.)

Item quoad parochum, qui extra fines parochiæ, in quodam
castro, gravibus de causis, et annuentibus Episcopis habitave-
rat, referente eodem Fagnano (ibid., n. 18): « Sacra Congre-
« gatio Concilii censuit rectorem, qui hactenus in dicta domo,
« in castro exædificata, permittentibus Episcopis, permansit,
« fructus fecisse suos. »

§ VIII.

De penis et modo procedendi contra parochos non residentes.

Pro præsentis argumenti gravitate, non tantum exponen-
dam duximus hodiernam hac de re disciplinam, sed et brevi-
ter recolendum, quid juris olim ante Tridentinam synodum
vignerit, et quam diversimode contra non residentes eccle-
sia procedi statuerit, prout curata vel simplicia beneficia obti-
nent. Hinc dicemus: 1° quis fuerit ante Tridentina decreta

contra non residentes procedendi modus; 2° quis existat a tempore Tridentinæ synodi contra canonicos non residentes; 3° quis tandem contra parochos.

QUÆSTIO 1^a. — *Quisnam fuerit ante Tridentinam synodum canonicus procedendi modus, contra clericos non residentes.* —

1° Si clericus non residens *latitaret*, ita ut non posset citari personaliter, jus disposuerat in hunc modum: citari debebat tribus publicis edictis, ecclesiæ ipsius valvis affigendis: quo peracto, si intra sex menses, ab ultimi edicti affixione computandos, non reverteretur, beneficio suo privari poterat. Id constat decretali *Ex tuæ* 11, tituli 4 *de Clericis non residentibus*, libri 3 decretalium; necnon ex communi et recepta hujus decretalis interpretatione; prout inter alios, exponit Fagnanus, dictam decretalem commentans.

2° Extra casum clerici *latitantis*, id est, quando poterat citari personaliter, non requirebatur trinum edictum; sed debebat fieri citatio personalis. Sufficiebat autem *unica* ejusmodi citatio. Imo sufficebat simplex requisitio, seu monitio, seu revocatio, eum competenti termino ad redeundum: quo termino elapso, etiam non expectatis sex mensibus, beneficio spoliari poterat. Constat decretali *Ex parte* (8, tituli 4, libri 3 decretalium); et expresse id docet Fagnanus (in caput *Ex tuæ, de Clericis non residentibus*, n. 9).

3° Non tamen tenebatur Episcopus contra non residentem procedere statim per viam privationis beneficii; sed poterat, si ita ipsi videretur, adhibere duntaxat pœnam privationis fructuum, vel censuras ecclesiasticas, suspensionem videlicet et excommunicationem; ita ut ad privationem non deveniret, nisi post inutiliter præmissas ejusmodi pœnas. Id probat Fagnanus textu decretalis *Ex tuæ, de Clericis non residentibus*, n. 18.

4° Prædicto modo intelligi solet, quoad præsentem materiam, jus commune, ante Tridentinam synodum vigens, non obstante decretali *Extirpandæ* (30, *de Præbendis*); quæ tamen magnam difficultatem facit, eo quod aliter disposuisse videa-

tur. In ea scilicet statuitur, ut qui parœciale[m] habet ecclesiam, debeat per seipsum illi deservire, seu residere; et sic additur: *Alioquin illa se sciat auctoritate hujus decreti privatum, libere alii conferenda, qui velit et possit quod dictum est adimplere.* Quæ verba satis aperte indicant parochum illegitime non residentem esse *ipso jure* parochiali suo beneficio privatum. Jam vero si privatus existat *ipso facto*, nihil Episcopo remanet faciendum, quam declarare parochiam vacantem, ut alteri conferri possit; et sic stare nequeunt quæ diximus de modo procedendi contra non residentem.

Hinc in concordanda hac decretali cum præcedentibus valde insudarunt canonistæ; de quo quatuor excogitata systemata refert Gonzalez (in caput *Ex tuæ, de Clericis non residentibus*, n. 5). *Prima* explicatio, quæ est Garcie, difficultatem solvit dicendo, per decretalem *Extirpandæ* sublatis et antiquatas fuisse præcedentes. Sed hoc admitti nequit; siquidem a Gregorio IX (qui decretali *Extirpandæ* posterior est) in ultimo capite tituli *de Clericis non residentibus*, decernitur, clericum non residentem spoliandum esse, non autem esse ipso jure spoliatum. *Secunda* explicatio, quæ est Lotharii, distinguit privationem beneficii, ab illius pænæ executione: et dicit, privationem beneficii incurri quidem ipso facto non residentie, juxta caput *Extirpandæ*; alias autem decretales, quibus requiritur prævia citatio vel monitio, respicere dumtaxat executionem. Sed neque hanc explicationem esse admittendam probat Gonzalez variis rationibus. *Tertia* est Thomæ Hurtudo, qui vult in decretali *Extirpandæ* subaudienda esse verba hæc, *Prævia monitione*; et sic omnia concordare existimat. Sed neque id laudato Gonzalez arridet. *Quarta* demum est Gernonii, qui distinguit inter non residentes qui *præsentés sunt* in regione, quamvis non resideant; et non residentes, qui *absunt*. Et priores quidem ipso jure esse privatos, juxta caput *Extirpandæ*, casum hunc dumtaxat respiciens; de posterioribus autem esse intelligendas alias decretales, atque ipsis applicandas. Et huic ultimæ explicationi assentit Gonzalez.

Hanc difficultatem ne introspexisse quidem videntur nonnulli canonistæ, verbi gratia, Ferraris (verbo *Parochus*, art. 2, u. 55).

Quibus prænotatis circa jus commune, quoad præsentem quæstionem, ante Tridentinæ decreta vigeus, expendamus nunc quid Tridentina synodus ex hoc antiquo jure servatum voluerit, quidve immutaverit.

QUESTIO 2^a. — *Quisnam, post concilium Tridentinum, sit modus canonicus procedendi contra absentes canonicos cathedralium vel collegiarum ecclesiarum.* — Sic disponit dicta synodus (sessione 24, cap. 12): « Præterea obtinentibus in iisdem cathedralibus aut collegiatis dignitates, canonicatus, præbendas aut portiones, non liceat... ultra tres menses ab eisdem ecclesiis quolibet anno abesse... Alioquin primo anno privetur unusquisque dimidia parte fructuum. Quod si iterum eadem fuerit usus negligentia, privetur omnibus fructibus, quos eodem anno lucratus fuerit. Crescente vero contumacia, contra eos juxta sacrorum canonum constitutiones procedatur. » Per hocce decretum multum immutatum est quoad canonicos jus ante Tridentinam synodum vigeus. Antea enim, ut in superiori quæstione videre est, poterat Episcopus contra non residentem procedere ad privationem beneficii, sive post competentem terminum (si personaliter citatus fuerat), sive post sex menses (si triuo edicto facta fuerat citatio). Post Tridentinam autem dispositionem deveniri nequit ad privationem nisi post tres annos. Quod sic adnotat Fagnanus (in caput *Ex tuæ, de Clericis non residentibus*, u. 14): « Atque ita absentes ultra tres menses hodie beneficio privari non poterunt (intellige propter defectum residentię) nisi post lapsum trium annorum, et servata forma ibi præscripta, ut sæpius declaravit Sacra Congregatio ejusdem concilii interpres. Minime enim verum est quod refert Mantica..., videlicet per illustrissimos Sacræ Congregationis interpretes fuisse declaratum, Episcopos posse procedere ad privationem ob non residentiam, tametsi temporum intervalla, de quibus in di-

« cto capite 12 sessionis 24, non fuerint observata. Imo enim
 « Sacra Congregatio censuit expectandum esse lapsum trium
 « annorum, priusquam ad privationem in totum procedatur.
 « Et primo anno absentem ultra tempus permissum privan-
 « dum esse dimidia parte fructuum; et quidem ad ratam
 « mensium quibus abfuit, si non integer est annus; secundo,
 « omuibz fructibus; tertio, privandum titulo: et ad priva-
 « tionem hujusmodi procedi non posse nisi forma servata. »
 Idem tradit Fagnanus in caput *Licet, de Præbendis*, n. 26, et
 sic concludit: « Atque ita hodie correctæ est dispositio anti-
 « quorum canonum, secundum quam canonicus absens privari
 « poterat beneficio, si infra congruum terminum sibi præfixum,
 « ad residentiam non rediisset. Nam post concilium (Tridenti-
 « num) privari non potest titulo, nisi post lapsum trium anno-
 « rum. » Et citat ibidem expressam hac de re Sacræ Congre-
 gationis Concilii declarationem.

QUÆSTIO 3^a. — *Quisnam sit, post concilium Tridentinum, canonicus procedendi modus contra parochos non residentes? —*
 Pendet hujus quæstionis solutio a sequentibus Tridentinæ sy-
 nodi textibus; qui attente ponderandi sunt, ut recte res discer-
 natur: sessione 6, capite 1, contra Episcopos non residentes
 sic decretum est: *Si quis..., justis et rationabilibus causis ces-*
santibus, sex mensibus continuis extra suam diocesim morando
abfuerit, quartæ partis fructuum unius anni... pœnam ipso jure
incurrat. Quod si per alios sex menses in hujusmodi absentia per-
severaverit, aliam quartam partem fructuum... eo ipso amittat.
Crescente vero contumacia..., Metropolitanus suffraganeos, Me-
tropolitanum vero absentem suffraganeus Episcopus antiquior...
Romano Pontifici denuntiare teneatur. Hæc statuta fuerant a
 Tridentinis Patribz tempore Pauli III. Sessione autem 23,
 capite 1, præter illas pœnas, statuunt contra Episcopum, ultra
 permissos tres menses absentem, eum, præter mortalis peccati
 reatum quem incurrit, pro rata temporis absentiae fructus suos non
 facere: nec tute conscientia (alia etiam declaratione non secuta)
 illos sibi detinere posse. Postea vero, in eodem capite 1 sessio-



nis 23, eas dispositiones ad parochos extendunt his verbis : *Eadem omnino, etiam quoad culpam, amissionem fructuum et pœnas, de curatis inferioribus... sacrosancta synodus declarat et decernit.* Et tandem quoad eosdem parochos ibidem sic specialiter disponitur : *Quod si, per edictum citati, etiam non personaliter, contumaces fuerint, liberum esse vult Ordinariis, per censuras ecclesiasticas, et sequestrationem et subtractionem fructuum, aliaque juris remedia, etiam usque ad privationem, compellere; nec executionem hanc quolibet privilegio..., consuetudine, etiam immemorabili (quæ potius corruptela censenda est), sive appellatione aut inhibitione..., suspendi posse.*

Porro his attentis textibus, necnon Sacræ Congregationis Concilii declarationibus, et recepta doctorum interpretatione, proposita quæstio resolvenda est ut sequitur :

I. *Liberum est Episcopo contra parochum non residentem, sive per subtractionem fructuum, sive per censuras, sive per privationem beneficii procedere.* — Id aperte sonant modo transcripta concilii Tridentini verba, *liberum esse vult Ordinariis*, etc. Atque ita intelligenda esse verba hæc tradunt communiter doctores, cum Fagnano (in caput *Ex tuæ, de Clericis non residentibus*, n. 18). Idem declaratum fuit a Sacra Congregatione Concilii, prout testatur laudatus Fagnanus in hunc modum : « Consulta, an sit arbitrium Episcopi qua via et quo remedio « uti voluerit contra non residentes, nempe vel censuris, vel « sequestratione, et subtractione fructuum, vel privatione ; « respoudit, ita esse. » (Loco citato.)

Objici quidem potest ejusdem congregationis quædam declaratio, qua respondit, contra parochos ob grassantem pestem non residentes, non esse illico per privationem beneficii procedendum ; sed adhibenda prius esse alia remedia. At vero respoudet Fagnanus, hanc declarationem respicere dumtaxat casum illum pestis : excepto autem hoc casu (pro quo theologi tunc temporis adhuc disputabant, num tenerentur parochi ad residendum personaliter), veram remanere conclusionem.

Unde omnino derelinquenda est opinio nonnullorum veterum canonistarum, qui sustinebant, etiam post concilium Tridentinum, non posse Episcopum procedere ad privationem contra parochos non residentes, nisi præmissis aliis remediis. Est e contra in arbitrio Episcopi ut statim, si velit, ad privationem procedat.

II. *Si velit Episcopus per privationem fructuum procedere contra non residentem parochum, tenetur servare intervalla et quantitates, prout quoad Episcopos sessione 6, capite 1, præscribuntur.* — Sequitur ex eo quod statuta contra Episcopos non residentes applicata fuerint parochis non residentibus, expresse quoad privationem fructuum. Accedit declaratio Sacræ Congregationis Concilii, quam sic refert Fagnanus (in caput *Ex tuæ, de Clericis non residentibus*, n. 24): « Orta dubitatione, an Episcopus procedens per subtractionem fructuum adversus parochos non residentes..., teneatur observare eadem intervalla eandemque rationem, quæ contra Episcopos non residentes statuitur in capite 1 sessionis 6: censuit, Episcopum, quoties in pœnam omissæ residentię vult parochis subtrahere partes fructuum, quos residendo suos fecerunt, debere servare, quoad intervalla et quoad quotas, præscriptum concilii capitis 1 sessionis 6. »

III. *Si velit Episcopus exequi privationem, quoad eos dumtaxat fructus, quos parochus, ob omissam residentiam, non fecit suos, non debet prædicta intervalla sequi.* — « In executione autem facienda super illis fructibus, quos iidem parochi pro rata temporis absentię suos non fecerunt, nec tuta conscientia retinere possunt, Episcopum non debere sequi intervalla, de quibus iu dicto capite 1 sessionis 6. » Ita Sacra Congregatio Concilii (apud Fagnanum, loco modo citato).

IV. *Parochus absens illegitime, præter peccati reatum, non facit fructus suos, nec potest illos retinere; sed illi fructus debent applicari fabricæ ecclesiarum, aut pauperibus loci.* — Nam synodus postquam id statuit quoad Episcopos, subjungit se idem de-

cernere quoad culpam, amissionem fructuum et pœnas, de curatis inferioribus.

V. *Si Episcopus contra parochum non residentem procedere velit per privationem beneficii, non tenetur eum citare personaliter, sed potest citare per edictum.* — Constat ex verbis capitis I sessionis 23, quod si per edictum citati, etiam non personaliter. Et idem tradit Fagnanus (in caput *Ex tuæ, de Clericis non resid.*, n. 31.)

VI. *Episcopus procedere volens per privationem beneficii contra parochum non residentem, non tenetur citare tribus edictis, sed sufficit unum, cum assignatione competentis termini.* — « Post concilium (ait Fagnanus) sufficit unicum edictum peremptorium cum competenti termino ad redeundum, cum non requiratur « trinum, sed simpliciter dicat, *per edictum citati* » (in caput *Ex tuæ, de Clericis non resid.*, n. 32).

VII. *In prædicto casu, non tenetur Episcopus, post citationem per edictum, expectare sex menses, prout volebat jus commune ante Tridentinam synodum; sed statim elapso termino assignato, privationem beneficii exequi potest.* — Sequitur ex his verbis, *per edictum citati, etiam non personaliter.* Nam sic loquendo, indicat synodus se voluisse, ut edictum esset loco personalis citationis, et eodem jure regularetur: porro de jure communi, quando citatio fit, non per edictum, sed personaliter, sufficit expectare ut elabatur assignatus terminus, et nequaquam expectandum est sex mensibus. (Vide Fagnanum, loco citato, n. 34.)

Nota. — A fortiori sequitur in dicto casu expectandum non esse per tres annos, sicut supra (quæstione 2) vidimus esse necessarium quoad non residentes canonicos, aliosque beneficia simplicia obtinentes.

VIII. *Fructus quos parochus, ob omissam residentiam non fecit suos, debent applicari fabricæ ecclesiarum, vel pauperibus loci, per ipsummet parochum, et (ipso id non præstante), per superiorem.* — Constat his verbis Tridentini decreti: *aut ipso cessante, per*

superiorem ecclesiasticum, illos fabricæ ecclesiarum, aut pauperibus loci erogare.

IX. *A decretis Episcopi executoriis contra parochos non residentes, non datur appellatio ad effectum suspensivum, sed dumtaxat ad effectum devolutivum.* — Constat his Tridentini decreti verbis: *Nec executionem appellatione suspendi posse.* Et ita doctores unanimiter.

X. *Certum est parochum per illegitimam absentiam non incurere ipso facto privationem beneficii sui.* — Nam quidquid sit de jure communi ante Tridentinam synodum vigeante, certum est (ut diximus supra n. I) Tridentinos Patres liberum fecisse Episcopis ut procederent, sive per privationem fructuum, sive per censuras, sive per privationem beneficii. Porro si parochus, illicite non residens, foret ipso jure privatus suo beneficio, non posset Episcopus procedere contra ipsum censuris dumtaxat, aut subtractione fructuum; sed deberet privationem beneficii exequi; declarando nempe parochum esse jam ipso jure parochia sua spoliatus, et parochiam vacare. Et ita communiter doctores (vide inter alios Ferrarium, verbo *Parochus*, art. 2, u. 55).

Nota 1^o. — Ex dictis sub hac ultima questione, facile potest lector colligere, quomodo Tridentina synodus, quoad pœnas et modum procedendi contra non residentes parochos, jus antiquum immutaverit: item quam disparis conditionis hac in re parochos et canonicos eadem synodus esse voluerit.

Nota 2^o. — Quæ de parochis in hoc paragrapho dicta sunt, intelligenda etiam veniunt de quibuslibet aliis curam animarum principaliter et ex officio exercentibus; verbi gratia, de vicario curato cathedralis, quando cura capitulo adnexa fuit; de œcono parochiam vacantem regente, donec novus in ea parochus constituatur, etc. Cum enim hi omnes eadem ac parochi residentie lege obstringantur, iisdem etiam illius legis cosectariis subjacent. Unde Tridentina synodus (sess. 23, c. 1) eos omnes complecti volens, non parochorum, sed gene-

raliori *curatorum inferiorum* vocabulo utitur. Excipiendum dumtaxat quod privationem beneficii respicit, si beneficium non habeat, ut per se patet.

CAPUT III.

OFFICIUM PAROCHI QUOAD BAPTISMATA.

I. Tenetur habere librum in quo describantur baptismata, prout constat ex decreto Tridentino, mox transcribendo.

II. Non debet recipere nisi unicam personam, vel ad summum duas (idest patrinum et matrinam), quæ baptizatum de fonte suscipiant. Earum nomina pariter libro baptismatum inscribere debet, necnon eas monere de contracta cognatione spirituali. Quæ omnia sic præcepit Tridentinum concilium (sess. 24, c. 2, de *Ref. matr.*): *Sancta synodus... statuit, ut unus tantum sive vir, sive mulier, juxta sacrorum canonum instituta, vel ad summum unus et una baptizatum de baptismo suscipiant; inter quos, ac baptizatum ipsum, et illius patrem et matrem, necnon inter baptizantem et baptizatum, baptizatique patrem et matrem tantum, spiritualis cognatio contrahatur. Parochus antequam ad baptismum conferendum accedat, diligenter ab iis ad quos spectabit, sciscitetur, quem vel quos elegerint, ut baptizatum de sacro fonte suscipiant; et eum vel eos tantum ad illum suscipiendum admittat, et in libro eorum nomina describat; doceatque eos quam cognationem contraxerint.*

Nequit dispensare Episcopus, ut plures quam duo in patrinum et matrinam recipiantur. (Vide Giraldi, *Addit. ad Barbosa, de Parocho*, cap. 18, n. 37.) Si tamen plures recipiantur, contrahunt cognationem spirituales. (Ibid.)

III. Ad effectum contraheudæ cognationis spiritualis requiritur ut patrini (idem dic de matrinis) sint baptizati. (Barbosa, *de Parocho*, cum *Addit.* Giraldi, c. 18, n. 27.) Unde adhibere non baptizatum in patrinum, idem est quoad valorem actus

ac nullum adhibere. Atque idem dicendum videtur de mente captis, aut rationis usum nondum habentibus; quia incapaces sunt explendi patrinorum officii, quod in eo stat ut patrius sese fideijussorem constituat.

IV. Non autem necesse est, ad effectum contrahendæ coguationis, ut patrinus ætate major sit baptizando; quia id nullo jure requisitum reperitur. Nec verum est patrium agere personam patris (ex quo ætate proveciorem enim esse debere aliqui olim existimarunt); sed agit dumtaxat personam fideijussoris erga ecclesiam. (Barbosa, citato loco, n. 29.)

V. « An patrini possint esse duo mares, aut duæ fœminæ? » — Nega; sed probabile est (cum Sanchez et Croix) esse tantum veniale, contra Bonacinam et alios, qui volunt esse « mortale. » (Sanctus Ligorius, libro 6, n. 155.)

VI. « An patrinus masculi (si unicus sit) debeat esse masculus, et fœminæ fœmina? — Affirmat Layman...; sed probabilius negant Suarez, Fillucius...; cum a Tridentino dicatur, « sive vir, sive mulier. » (Idem, ibid.)

VII. Parochus admitteus in patrilinos, duos mares, aut duas fœminas, peccaret; et quidem probabiliter mortaliter, si essent diversi sexus ac iufans. (Vide sanctum Ligorium, l. 6, n. 155.)

VIII. In patrilinos admitti non debent religiosi nec religiosæ, neque conjuges respectu conjugum (extra casum necessitatis), neque parentes respectu filiorum (nisi adsit necessitas), neque infames, neque apostatæ, neque hæretici. (De his vide sanctum Ligorium, l. 6, n. 156.)

IX. Duos conjuges licite admitti posse in patriuos alienæ prolis, concludit sanctus Ligorius (libro 6, n. 157), contra nonnullos, id sub veniali prohibitum existimantes.

X. « Peccat graviter parochus baptizans solemniter sine patrino. » (Sanctus Ligorius, l. 6, n. 158.)

XI. « Sic etiam graviter peccat, si admittit ad baptismum « patrinum non designatum. » (Idem, ibidem.)

XII. Parochus, tempore pestis, non tantum residere tene-

tur, ut supra (cap. 2) probavimus, sed peste laborantibus, per se vel per alios idoneos, sacramenta baptismi et pœnitentiæ administrare. Ita decissum a Sacra Congregatione Concilii (in *Mediolanensi*, 13 aprilis 1630); prout refert Zamboni (parte 1, verbo *Parochus*, § 1, n. 1).

Nota. — Cætera, quæ officium parochi circa baptismum respiciunt, vide apud laudatum sanctum Ligorium (libro 6, tractatu 2).

CAPUT IV.

OBLIGATIONES PAROCHI QUOAD SACRAMENTUM PŒNITENTIÆ.

1. Tenetur, regulariter loquendo, et quidem sub gravi, pœnitentibus parochianis hoc sacramentum ministrare, non tantum quando parochiani tenentur illud recipere, id est, semel in anno, sed etiam toties quoties petunt.

2. Diximus *regulariter loquendo*; quia ad hanc generalem regulam dari sequentes exceptiones tenent doctores communiter: nempe *primo*, licite recusabit audire confessionem, quando prudenter existimat, spirituali pœnitentis profectui non prodesse, quod tam frequenter confiteatur, prout occurrit casus, verbi gratia, quoad scrupulosos; *secundo*, etiamsi pœnitens rationabiliter petat se audiri sacramentaliter, si parochus semel aut iterum renuat, erit dumtaxat peccatum veniale; *tertio*, si subditus tempore importuno, verbi gratia, tempore prandii, somni, etc., confiteri velit, non peccabit parochus recusando. (Vide hæc exposita in tractatu Barbosæ, *de Parocho*, cum *Additamentis* Giraldis, cap. 19, n. 8.)

3. Tenetur parochus, etiam eum mortis periculo, pœnitentiæ sacramentum ministrare infirmis peste laborantibus, quando non adest alius sacerdos qui id præstet. Ita decissum a Sacra Congregatione Concilii (in *Mediolanensi*, 13 aprilis 1630) refert Zamboni (parte 1, verbo *Parochus*, § 1, n. 1).

Atque omnino tenendam doctrinam hanc, vide apud Barbosam (*de Officio parochi*, c. 17, n. 12); apud Benedictum XIV (*de Synodo diocesana*, l. 13, c. 19, n. 6 et seq.); et alios passim probatos auctores.

CAPUT V.

OBLIGATIO PAROCHI QUOAD SACRAMENTUM EUCHARISTIÆ.

1. Tenetur parochus sanctam Eucharistiam ministrare quoties ipsius subditi rationabiliter eam petunt. Ita doctores unanimiter. (Vide Barbosam, *de Parocho*, cum *Additam.* Giral-di, c. 20, n. 15.)

2. « Non tenetur ipsam ministrare, imo non potest, si pe-
« tatur in nocte Nativitatis Domini, non abstante quocumque
« privilegio; ex decreto Sacræ Congregationis Rituum, sub
« die 7 decembris 1641, 9 augusti 1653, et 20 aprilis 1664
« in Pisauriensi : quorum decretorum observantia etiam de-
« mandata fuit Romæ a Sacra Congregatione Visitationis Apo-
« stolicæ, 7 decembris 1703. Semper enim administrari de-
« bet diurno tempore, ab aurora videlicet usque ad meri-
« diem. » (Giral-di, loco citato.)

3. In Gallia autem viget generalis consuetudo, ut in nocte Natalis Domini fidelibus sacra communio præbeatur. Cujus quidem consuetudinis legitimitas an concludenter defendi possit post tot Sacræ Congregationis Rituum declarationes, quibus expresse etiam contrarius ille usus rejicitur, nuper a nonnullis disputatum est.

Questionem ipsam hic omittentes, pauca dumtaxat adnota-
bimus : *primo* nempe, non videri præfatam consuetudinem,
prout hodie in Gallia viget, ullos prave effectus secum
trahere ; sed e contra fidelium pietati non parum prodesse ;
ita ut etiam ejus suppressio, non tantum mirationem, sed et
scandalum apud multos excitaret. *Secundo*, præfatam prohibi-

tionem procul dubio ad mutabilem ecclesiæ disciplinam pertinere; siquidem eucharistiam in nocte Nativitatis sumere, nequaquam est quid prævum per se et intrinsece, sed dumtaxat propter abusum, qui passim invaluerant; quibus ut efficaciter occurreretur merito Sacra Rituum Congregatio prohibitionem illam decrevit. *Tertio*, cum dicti abusus a Galliarum ecclesiis hodie exulent, mirari nemo debet optari a multis, ut præfata consuetudo retineatur. *Quarto*, poterit autem legitime retineri, saltem interveniente pontificio indulto. Cum enim agatur (ex modo dictis) de re ad mutabilem Ecclesiæ disciplinam pertinente, potest Summus Pontifex a lege contraria diœceses Galliæ eximere. *Quinto*, an autem absque Pontificio indulto legitime retineri queat, ita ut consuetudo illa contra legem prohibentem legitime præscripsisse censenda sit, est illa ipsa quæstio, a qua expendenda abstinere in præsentiarum maluimus. Cæterum, ab ea quæstione abstrahendo, mihi expedire videretur, prout Romæ a nonnullis hac de re sententiam rogatus respondi, ut Galliæ Episcopis facultatem retinendæ hujus consuetudinis Sedes Apostolica faceret. Qua ratione, et pietati fidelium, huic praxi in Gallia valde addictorum, consuleretur; et simul subtraheretur occasio dubitandi, num forte indebite contra certissimas Sacræ Congregationis Rituum præscriptiones ea praxis usurpetur. Quidquid enim deducere valeant, qui legitime præscriptam consuetudinem illam contendunt, quando aliquæ decisio id ipsum firmans non intervenerit, non impedient quin res disputationi obnoxia remaneat.

4. Decreto Sacræ Congregationis Concilii 12 februarii 1679, approbato ab Innocentio XI, cavetur ne communionem recipientibus tradantur plures particule consecratæ, neque grandiores, sed consuetæ. (Vide Giraldi, *Additamenta ad Barbosam, de Parocho*, cap. 20, n. 15.)

5. In die parasceves distribuenda non est Eucharistia nisi infirmis, ut censuit Sacra Rituum Congregatio sub die 10 februarii 1622. (Giraldi, *ibid.*)

6º Nequit parochus, communionem denegare pueris, qui ad

annos discretionis pervenerunt; cum et hi paschalis communionis præcepto obstringantur, sic definiente concilio Tridentino (sess. 13, canone 9): *Si quis negaverit omnes et singulos Christi fideles utriusque sexus, cum ad annos discretionis pervenerint, teneri singulis annis, saltem in paschate, ad communicandum, juxta præceptum sanctæ matris Ecclesiæ, anathema sit.* Quinam autem sint discretionis anni, nequit certa quoad omnes regula determinari; cum alii tardius, citius alii pueri ad intellectualem illam evolutionem perveniant. Nimis laxam opinionem reputat Giralduus (*Additamenta ad Barbosam, de Officio parochi*, c. 20, n. 18), qua prima communio ad decimum quartum annum pro masculis, ad duodecimum pro puellis, generali veluti lege protraheretur; cum longe ante illam ætatem multis pueris et puellis non desit sufficiens intelligentia ad recte æstimandum, tum ipsummet sacramentum, tum requisitas in eo recipiendo animi dispositiones. Communiter evolvi hunc necessarium rationis usum intra decimum et decimum quartum annum, notat Suaresius, et est generaliter recepta opinio. In determinando autem, intra hoc spatium, incipientis obligationis tempore, non una est doctorum sententia.

7º « Verum, etsi doctores ita inter se dissentiant, fere tamē communiter fatentur, tantam non desiderari ætatem, ut quis in mortis articulo et possit et debeat sanctissimo viatico muniri; quinimo landatus Suarez expresse docet, omnibus qui sunt doli capaces, positis in vitæ discrimine, illud esse ex divino præcepto porrigendum: citatam quippe sectionem (tomo 3, in tertiam partem, quæst. 80, disput. 70, sect. 1) in hunc modum absolvit: *Atvero de communione facienda in articulo mortis non est eadem ratio... Unde existimo in illo articulo dandam esse communionem cuicumque homini habenti usum rationis ad peccandum, et capace[m] confessionis et extremæ-unctionis. Quod Navarrus quidem fatetur esse omnibus consulendum: ego vero existimo esse obligationem, tam ex parte petentium quam dispensantium.* » (Benedictus XIV, de *Syn. diœc.*, l. 7, c. 12, n. 3.)

8° Perpetuo amentibus communio dari nequit. Semi-fatuis autem dari potest intra intervalla lucida. De quo vide Barbosam (*de Officio parochi*, c. 20, n. 19).

9° Peccatoribus publicis communio danda non est, si eam publice petant. Si constet parochus de eorum resipiscentia, eos occulte communicare potest; non autem publice, quoadiu scandalum inde oriri posset. (Vide Barbosam, loco citato, n. 20.)

10° Occulto peccatori publice petenti deneganda non est communio: denegari autem debet si occulte petat. (Vide Benedictum XIV, constitutione *Ex omnibus*, 15 septembris 1756; et *Rituale Romanum, de Sacramento Eucharistiæ*, § *Occultos*.)

11° Tenetur parochus, etiam cum vitæ suæ discrimine, per seipsum (si nullus alius adsit sacerdos, qui id præstet) sanctam Eucharistiam peste laborantibus ministrare. Equidem contrariam opinionem tenuerunt doctores multi, ex ea ratione, quod sacramentum hoc non sit ad salutem necessarium, prout sunt e contra baptismus et pœnitentia. Nihilominus deserendos eos esse, satis evincunt auctoritates a Benedicto XIV adductæ (libro 13, c. 19, *de Syn. dioc.*). « Percurratur, inquit
« laudatus Pontifex, Mediolanensis quinta synodus provincia-
« lis...; poteritque quisque facile deprehendere, sanctum Ca-
« rolem haud redactum voluisse onus parochorum, reliquo-
« rumque curam animarum habentium, ad baptismi et pœni-
« tentiæ ministrationem; sed etiam ad reliqua duo sacramenta
« ministranda protendisse. Verum id fortasse satis non esset
« ad evincendum, quod ea, quæ in quinta Mediolanensi pro-
« vinciali synodo de duobus Eucharistiæ et extremæ-unctio-
« nis sacramentis statuta fuerunt, vim legis auctoritatemque
« ubique terrarum obtinere debeant... Investigandum est
« ergo an, seposita quinta provinciali synodo Mediolanensi,
« possit aliunde probari, debere parochos, etiam cum pro-
« priæ vitæ discrimine, suis parochianis peste infectis viati-
« cum extremamque unctionem ministrare. » Atque ibi ad-
ducit Benedictus XIV doctrinam Suaresii, qui existimat teneri

parochum ad viatici administrationem, excepto casu quo simul urgeret necessitas aliis pœnitentiam ministrandi; quia tunc parochus, non valens utrumque peragere, potius absque viatico relinquere debet illum, cui impertita fuit absolutio. Item adducit Sylvium, qui teneri parochum docet ad extremæ-unctionis administrationem, etiam cum propriæ vitæ discrimine, quando infirmus duo alia sacramenta recipere non potuit. Et tandem subjungit ejusmodi auctoritates sat solidum fundamentum visas fuisse, « ut postulato per vicarium apostolicum Juliæ Cæsareæ proposito rescriberetur, sacerdotes animarum curæ præpositos obligatione teneri, per se, vel per alios idoneos sacerdotes, Christi fidelibus peste correptis, non obstante contrahendæ pestis periculo, non solum duo illa baptismi et pœnitentiæ sacramenta, juxta veteres superius recensitas definitiones, sed et duo reliqua, scilicet viatici et extremæ-unctionis; nec omissum est ipsam quoque afferre quintæ synodi provincialis Mediolanensis auctoritatem, non quidem per modum legis vim coactivam obtinentis, sed veluti regulam vi directiva pollentem, ut aiunt jurisperiti. »

12° « Nedum tenetur parochus Eucharistiam per modum viatici infirmis ministrare, sed etiam aliis diuturna infirmitate laborantibus, licet non morti proximis, jejunis tamen, in solemnioribus anni festis diebus; iis potissimum qui sani cum frequenter sumere consueverunt, et tanto refici sacramento optant et petant. » (Giraldi, *Additamenta ad Barbosam, de Officio parochi*, cap. 20, n. 27.)

13° Viaticum ægrotis pluries deferre, durante eodem morbo, potest parochus; imo et tenetur, si id ægroti petant; modo tamen inter singulas sacramenti sumptiones conveniens tempus interfluat. Quantum autem interponi temporis necesse sit, disputant doctores: aliis nempe 30 dies assignantibus; aliis tres; aliis etiam insequenti die porrigi denuo posse viaticum asserentibus. De quo vide Benedictum XIV (*de Syn. diœc.*, lib. 7, c. 12, n. 4 et 5).

14° « Tenetur tam parochus, quam alii ecclesiarum rectores
 « tabernaculi clavem, in quo sacratissima Eucharistia asser-
 « vatur, semper penes se custodire. Quod si ob ejusdem cla-
 « vis, ipsiusque tabernaculi male servatam custodiam furtum
 « aliquod vel sacrilegium circa Eucharistiam, pixidem, osten-
 « sorium et similia unquam evenerit, suspendendi erunt ab
 « Ordinario tribus mensibus ab officio, juxta decretalem Inno-
 « centii III, editam in concilio generali Latcravensi, relata
 « in capite 1 *Statuimus, de Custodia Euch.*; aliisque pœnis ple-
 « ctendi ad formam epistolæ circularis Congregationis Episco-
 « porum et Regularium, sub die 8 januarii 1724, approbatæ
 « ab Innocentio XIII. Quibus pœnis etiam plecti possunt ab
 « eodem Ordinario regulares, licet exempti, cumulative cum
 « eorum superioribus. » (Giraldi, *Additamenta ad Barbosam, de Officio parochi*, cap. 20, n. 27.)

15° Tenetur curare parochus ut Eucharistia debitis tempo-
 ribus renovetur; quæ renovatio facienda est (ait Giraldi, citato
 loco), « a græcis quidem singulis octo vel quindecim diebus,
 « ex constitutione Innocentii IV, *Sub catholicæ*, 6 martii 1254;
 « et Clementis VIII *Sanctissimus*, 31 augusti 1595 : a latinis
 « vero quolibet octiduo, vel die dominico, vel feria V, ex
 « decreto laudatæ Congregationis, in *Ravennatensi*, 5 aprilis
 « 1573; et ex capite 58 *Permittimus, de Sentent. excomm.* »

16° Item curare debet parochus ut lampas ante sanctissimum
 Eucharistiæ sacramentum diu noctuque perpetuo ardeat. (Vide
 Barbosam, *de Officio parochi*, cum *Addit.* Giraldi, c. 20, n. 29.)

CAPUT VI.

OBLIGATIO MISSAM OFFERENDI PRO POPULO.

PROPOSITIO I^a. — *Tenentur parochi, etiam amovibiles, et sive
 sæculares sint, sive regulares, vicariique curati, ad offerendum
 pro populo sacrificium diebus dominicis, et festis de præcepto, non*

obstante quavis contraria consuetudine, et etiamsi congruis redditibus destituantur. — Jus de hac re in bulla *Cum semper* (numero 103 in suo bullario), ad Episcopos Italiæ directa, declaravit Benedictus XIV in hunc modum : « Sacrosanctum missæ
« sacrificium a pastoribus animarum applicari debere pro populo, ipsorum curæ commisso, id veluti ex divino præcepto
« descendens, a sacra Tridentina synodo diserte exprimitur
« (sess. 23, c. 1 *de Ref.*) per hæc uotabilia verba : *Cum præcepto divino mandatum sit omnibus, quibus animarum cura commissa est, oves suas dignoscere, pro his sacrificium offerre...* Et
« quamvis minime defuerint, qui per inanes et frivolas interpretationes hujusmodi obligationem, a sancta synodo memoratam, de medio tollere vel saltem extenuare contenderint;
« cum tamen relata concilii verba satis clara et perspicua
« sint; cumque prædicta Congregatio, ejusdem Concilii interpretationi privative præposita, constanter edixerit, eos quibus animarum cura demandata est, non modo sacrificium
« missæ celebrare, sed illius etiam fructum pro populo sibi
« commisso applicare debere, nec illud pro aliis applicare, aut
« pro hujusmodi applicatione eleemosynam percipere posse;
« quodque magis interest, cum hæc intelligentia a prædecessoribus nostris Romanis Pontificibus approbata fuerit et confirmata; nihil jam amplius ulli vestrum desiderandum superest, ut eam amplecti, eidemque obsequi, necnon illius
« promptam executionem in vestris respective diæcesibus
« omni studio procurare debeatis. » (Citata bulla, § 2.)

Declarat postea laudatus Pontifex, huic obligationi fieri satis, si ū, qui animarum curam exercent, missam celebrent atque applicent pro populo *in dominicis aliisque per annum dictis festis de præcepto.* (Ibid., § 6.)

Declarat insuper sub dicta obligatione comprehendere sequentes : *primo*, vicarios curatos, qui nempe curæ exercitium habent, remanente penes alium *habituali* cura; *secundo*, vicarios illos seu œconomos, qui, vacante parochia, ad curam in ea exercendam deputantur; *tertio*, curatos ad nutum amovibiles;

quarto, regulares, qui parochi vel vicarii titulo curam exercent. (Ibid., § 4.) In particulari quoad curatos amovibiles vide id decisum a Sacra Congregatione Concilii, in *Ostiensi* 29 januarii 1724 (in *Thesouro*, tomo 3, pag. 12).

Quod autem urgeat præfata obligatio, etiamsi parochi congruis redditibus destituantur, declaravit Innocentius XII, bulla *Nuper*, 24 aprilis 1699. (Vide Merati, parte 3, tit. 12, ad n. 5 Gavanti.)

Ad contrariam consuetudinem quod attinet, sic habet Benedictus XIV in citata bulla *Cum semper* (n. 103 ipsius bullarii, § 16) : « Nonnulli siquidem obtenta contrariæ consuetudinis, etiam immemorabilis, in propria ecclesia vigentis, se « hujusmodi onere eximi posse sibi persuaserunt. Verum jam « pluries responsum fuit, hujusmodi consuetudinem, licet im- « memorabilem, quæ potius abusus et corruptela dicenda est, « nemini suffragari. » Notetur autem hanc Benedicti XIV bullam, etsi ad Italiæ dumtaxat Episcopos directam, in quantum tamen jus commune declarat, universalem vim habere ad jus illud probandum. Hinc absque locorum distinctione solet Sacra Congregatio Concilii ad eam constitutionem remittere, et ea niti, pro declaranda recta juris communis intelligentia, quoad materiam de qua agimus.

Possemus insuper singulas conclusionis nostræ partes plurimis Sacræ Congregationis Concilii declarationibus firmare. Quas si a nobis (brevitatis ergo) prætermittas desideres, vide Zamboni in verbo *Parochus* (parte 1, § 5, et parte 3, § 3).

PROPOSITIO II^a. — *Remansit prædicta cûratorum obligatio quoad festa, per indultum 9 aprilis 1802 in toto gallicanæ reipublicæ territorio suppressa.* — Constat ex plurimis Sacræ Congregationis Concilii declarationibus, quas indicatas vide in eximio opere *Nouveau traité des saints Mystères*, auctore Richaudeau presbytero (pagina 361, edit. Parisiis 1853). Unam dumtaxat e recentioribus referemus. A domino Verhoeven, in universitate Lovaniensi juris sacri professore, Sacræ Congregationi Concilii proposito dubio : 1^o *An parochi de-*

beant sanctissimum missæ sacrificium pro populo offerre diebus dominicis, et iis etiam festis diebus, qui per indultum Apostolicum die 9 aprilis 1802 suppressi sunt, licet hujus obligationis nova promulgatio ab Episcopo diocesano non fiat; die 25 septembris 1847, Sacra Congregatio Eminentissimorum sanctæ Romanæ Ecclesiæ Cardinalium, concilii Tridentini interpretum, censuit rescribendum : Ad primum affirmative (1).

PROPOSITIO III^a. — *Consuetudo contraria præfatæ obligationi offerendi pro populo, etiam dictis festis suppressis, nunquam legitima censenda est.* — Constat, tum ex aliis pluribus, tum expresse ex supra citata Sacræ Congregationis Concilii declaratione, in causa *Mechliniensi*, diei 25 septembris 1847. Proposito enim a domino Verhoeven dubio : 2^o *An consuetudo unquam legitima haberi possit, vi cujus parochi non applicant pro populo sanctissimum missæ sacrificium, aut dominicis, aut saltem prædictis festis diebus suppressis : Sacra Congregatio respondit : Ad secundum, negative.*

PROPOSITIO IV^a. — *Quænam sint festa illa, dicto indulto 9 aprilis 1802 quoad gallicanæ reipublicæ territorium suppressa, determinandum est ex catalogo festorum Urbani VIII, addita Conceptionis festivitate; non autem ex catalogo festorum Clementis XIV.* — Equidem Cardinalis Caprara, dicto decreto 9 aprilis 1802, conservatis dumtaxat quatuor festis (Natalis Domini, Ascensionis, Assumptionis, et sanctorum omnium),

(1) Hanc Sacræ Congregationis decisionem editam reperies, tum in citato opere domini Richaudeau, pagina 438, tum in opusculo cui titulus, *de Praxi a parochiis observanda*, auctore Verhoeven (pag. 4, edit. Hasselcti 1849). Ast illam frustra quæres in *Thesaurò resolutionum*. In tomo scilicet anni 1847, si perlustres causas omnes, die 25 septembris dicti anni propositas (quæ a pagina 571 usque ad paginam 635 volumen occupant), hanc prorsus exulare comperies. Cur autem a collectione rejecta sit, ignoro. Nec summæ nec sanæ doctrinæ virum fuisse præfatum dominum Verhoeven, satis patet ex ipsius infausto opusculo, *de Regularium et sæcularium clericorum juribus* inscripto; ut ideo forsitan in *Thesaurò resolutionum* non visa fuerit inserenda causa, in cujus expositione non parvis laudibus vir ille exornabatur. Cæterum authenticam esse illam Sacræ Congregationis Concilii declarationem mihi dubium non est.

cætera in posterum non fore de præcepto pronuntiavit. Quænam autem sint illa cætera, non dixit. Ea tamen certo dignoscere parochorum interest plurimi, cum iis etiam diebus missam pro populo offerre teneantur. Porro in contexendo horum festorum elencho occurrit gravissima quæstio : 1° an ratio habenda sit statutorum, quibus jam nonnulli Galliae Episcopi plura festa in suis diœcesibus propria auctoritate suppresserant ; 2° an standum sit festorum catalogo, quem Urbanus VIII, in sua constitutione *Universa per orbem*, idibus septembris 1432, exaravit ; 3° an potius cuidam alteri diverso catalogo, a Clemente XIV descripto. Quæ difficultas solvenda visa est ut sequitur :

I. De suppressis olim in Gallia festis per nonnullorum Episcoporum ordinationes, non est habenda ratio. 1° Quia, ut in tractatu de jure liturgico probavimus, ejusmodi potestatem festa supprimendi non habent Episcopi ; ut proinde invalida fuisse suppressio hæc censeuda sit. 2° Quia extinctis per bullas concordati anni 1801 diœcesibus omnibus, dicta festorum suppressio in antiquis diœcesibus facta, etsi valida fuisset, nequaquam tamen quoad noviter erectas vim habere censenda foret.

II. Ad recte dignoscenda dicta festa suppressa, pro norma non assumenda est festorum enumeratio, quam in sua constitutione diei 27 augusti 1770 describit Clemens XIV. Cum enim constitutio hæc data sit *pro civitate et diœcesi Misnensi* dumtaxat, in quantum festa de præcepto aliter enumerat, quam de jure communi antea vigeant, censenda est jus particulare hujus diœceseos determinasse, non autem legem universalem immutasse.

Equidem in contrarium adduci potest responsum quoddam ad Namurcensem Episcopum directum, 27 januarii 1842 (editum in collectione cui titulus, *Sacræ Rituum Congregationis decreta authentica*, pagina 153, edit. Leodii 1851). Proposuerat nempe reverendissimus Namurcensis Episcopus Sacræ Congregationi Concilii sequentia dubia : *An missa parochialis*

debeat pro populo applicari diebus festis, per indultum anni 1802 translatis in dominicam sequentem; 2° an sit applicanda diebus festis, qui per Clementem Papam XIV retenti, anno 1802 auctoritate Pii VII fuerunt abrogati; 3° an sit nunc applicanda etiam diebus festis, qui ab anno 1771 fuerunt per Clementem XIV suppressi, id est, omnibus festis in catalogo Urbani VIII recensitis? De quibus dubiis sibi per subsecretarium Sacræ Congregationis Concilii expositis jussit Summus Pontifex Namurcensi antistiti rescribi, missam pro populo esse a parochis suæ diocesis applicandam omnibus diebus festis, etiam a S. M. Clemente XIV retentis, et deinceps a S. M. Pio VII, die 9 aprilis 1802, suppressis.

Sed præter quam quod citata collectio Leodii impressa nulla pollet authenticitatis auctoritate, objecto documento sic respondet dominus Richaudeau : « 1° La consultation suppose que « la constitution donnée par Clément XIV est une loi générale regardant toute l'Eglise : or cela est manifestement « contraire à la teneur de la bulle. 2° Elle reproduit d'une « manière très-inexacte l'énumération des fêtes qui se trouve « dans la constitution (1)... 3° La consultation de 1842 suppose que le Pape (Clément XIV) supprime entièrement les « fêtes qui restent en dehors de son énumération : or ce Pontife déclare, au contraire, que les fidèles continuent à être « obligés d'entendre la messe tous ces jours de fête, sans exception, par conséquent tous les jours maintenus par Urbain VIII. » (*Nouveau traité des saints Mystères*, pag. 368, édit. Parisii 1851.) Adde, quod ex dicto catalogo Clementis XIV, festis adnumerandæ forent Visitatio Beatæ Virginis, et dies sanctæ Mariæ Magdalænæ; quod admitti nequit.

III. Pro uorma sumenda est Urbani VIII constitutio *Uniuersa per orbem*. Cum enim constitutio hæc vim legis communis

(1) Suis dubiis adjecerat Namurcensis Episcopus elenchum festorum a Clemente XIV reservatorum (quem vide in citata collectione Leodiensi, pagina 153), sed reuera mutilum.

habuerit, nec ante annum 1802 per ullam aliam universalem legem fuerit immutata, concludendum, dicto anno 1802 festa de præcepto (attento jure communi) illa ipsa fuisse, quæ in hac constitutione enumerantur; nisi quod his a Clemente XI addita fuerat Conceptionis festivitas. Festa autem de præcepto, prout in præfata Urbani VIII constitutione determinantur, præter dominicos dies, sunt sequentia : Natalis Domini, Circumcisionis, Epiphanie, Paschatis, cum duobus diebus subsequentibus, Ascensionis, Pentecostes, cum duobus diebus sequentibus; Trinitatis, Corporis Domini, Inventionis sanctæ Crucis, Purificationis, Annuntiationis, Assumptionis, Nativitatis Beatæ Virginis, dedicationis sancti Michaelis, Nativitatis sancti Joannis Baptistæ, sanctorum Petri et Pauli, sancti Andreæ, sancti Jacobi, sancti Joannis, sancti Thomæ, sanctorum Philippi et Jacobi, sancti Bartholomæi, sancti Matthiæ, sanctorum Simonis et Judæ, sancti Matthiæ, sancti Stephani, sanctorum Innocentium, sancti Laurentii, sancti Silvestri, sancti Joseph, sanctæ Annæ, omnium sanctorum, festum unius e præcipuis patronis ejusque civitatis, aut loci.

Ex hoc ergo catalogo facile possunt sibi adnotare parochi festa illa suppressa, in quibus missam pro populo offerre tenentur. Addendum solummodo, ut dictum est, Conceptionis festum, a Clemente XI erectum.

Quoad festa patronorum, de quibus in constitutione Urbani VIII, notetur agi de patronis totius regni, vel totius diœcesis aut civitatis, non de *titularibus* ecclesiæ. In festis siquidem titularium ecclesiæ, utpote quæ ante annum 1802 non erant de præcepto, non tenetur parochus pro populo missam offerre.

Sed neque in festis patronorum regni, aut diœcesis, aut civitatis, nisi fuerint legitime assumpti. Ad legitimam autem ejusmodi patronorum constitutionem, requiritur tum electio a populo facta, tum Sedis Apostolicæ assensus. Si tamen ab immemorabili alicubi celebratum fuerit ante annum 1802 ali-

cujus patroni festum, tanquam de præcepto præsumitur initio rite institutum; ac proinde quoad obligationem offerendi pro populo, festis suppressis annumerandum est.

PROPOSITIO V^a. — *Excepto casu legitimi impedimenti, tenetur parochus missam pro populo per seipsum offerre; nec potest alium sacerdotem, qui id præstet, sibi substituere.* — Pro certa omnino habenda est conclusio hæc, utpote multoties a Sacra Congregatione Concilii firmata. E quibus declarationibus nonnullas dumtaxat hic subjiciemus.

In *Fesulana*, 26 januarii 1771, ad dubia : 1^o *An parochi in dominicis aliisque festis diebus, præsentè cadavere, possint celebrare missam pro defuncto, et ad alium diem transferre missam pro populo applicandam? Et quatenus negative.* — 2^o *An saltem applicationi missæ pro populo supplere possint per alium sacerdotem?* — Sacra Congregatio respondit : *Ad primum negative, ad secundum negative.*

In *causa Castri Albi, visitationis liminum*, 18 juli 1789, ad dubium : *An parochi dictarum ecclesiarum (nempe cathedralis et Sanctæ Mariæ), aliarumque collegiatarum diæcesis Castri Albi, teneantur per seipsos applicare diebus festis missam pro populo, seu potius possint per beneficiatos, vel alios sacerdotes, prædicto oneri satisfacere?* — Sacra Congregatio respondit : *Affirmative ad primam partem, negative ad secundam.*

In supplici libello, die 14 januarii 1843 dato, a Sacra Congregatione de propaganda fide postulabat inter alia illustrissimus Sylvæduccensis Vicarius Apostolicus, Henricus den Dubbelden, Emausensis Episcopus, solvi sequentem difficultatem :

« 5^o In prisco vicariatu Buscoducensi præscriptum Ecclesiæ,
 « de celebranda missa pro parochia diebus dominicis et festis
 « omnibus, laudabiliter semper observatum fuit catenus, qua-
 « tenus vel parochus ipse, vel pro pastore sacellanus (ali-
 « quando etiam per alium sacerdotem in parochia morantem),
 « cui honorarium parochus suppeditabat, eam celebraverit...
 « Quam sententiam bona fide sectabamur, donec materia ista

« publica thesi clarius discussa anno elapso in universitate
 « catholica Lovaniensi fuit, in qua thesi obligatio isthæc *per-*
 « *sonalis* esse declaratur... Dignetur Sanctitas Vestra dubium
 « istud aliquo responso tollere; et si, quod præteritum spe-
 « ctat, obligationi suæ parochi non satisfecerint, omissioni ex
 « thesauro Ecclesiæ pro sua benignitate providere... Gratis-
 « simum tamen, si *per se* parochi *vel per sacellatum* obligatio-
 « nem istam de indulto Ecclesiæ adimplere possint... »

Hujus difficultatis resolutionem Sacra Congregatio de propa-
 ganda fide remisit ad Sacram Congregationem Concilii, ex
 qua prodiit declaratio in hunc modum : « Sylvæ-Ducis. —
 « R. P. a secretis Sacræ Congregationis de propaganda fide
 « sacri hujus ordinis definitioni subjecit, de mandato Sanctis-
 « simi, facultatem a Vicario Apostolico Sylvæ-Ducis (Bois-le-
 « Duc) indulgendi aliquoties parochis vicariatus, ut per sa-
 « cellanos suos implere possint onus applicationis missæ pro
 « populo. — Die 11 martii 1843 Sacra Congregatio Eminen-
 « tissimorum S. R. E. Cardinalium concilii Tridentini inter-
 « pretum censuit rescribendum : — Pro facultate indulgendi
 « parochis vicariatus, ut per sacellanos. missam pro populo
 « applicare possint, *in casibus veræ necessitatis, et dummodo*
 « *ex canonica causa fiat*; facto verbo cum sanctissimo. —
 « Facta de præmissis per subsecretarium Sacræ Congrega-
 « tionis die 13 ejusdem mensis et anni relatione Sanctissimo
 « Domino nostro, eadem Sanctitas Sua resolutionem Sacræ
 « Congregationis in omnibus benigne probavit et confirma-
 « vit. » (Relatum habes hoc documentum in opusculo cui
 titulus *de Praxi a parochis observanda*, auctore Verhoeven,
 pag. 18, edit. Hasseleti, 1849.)

In *Mechliniensi*, 25 septembris 1847, ad dubium : 3° *An*
parochi ipsi sanctissimæ missæ sacrificium pro populo offerre de-
beant, si legitima causa non impendantur; an vero per alium,
exempli gratia sacellatum aut presbyterum advenam huic officio
satisfacere possint? — Sacra Congregatio Concilii respondit :
Ad tertium, affirmative ad primam partem; negative ad secundam.

excepto casu veræ necessitatis, et concurrente causa canonica. (In citato libro *de Praxi a parochis servanda*, pag. 4.)

Equidem die 27 februarii 1847, a Sacra Congregatione Rituum emanavit declaratio, quæ præmissis aliquatenus contraria videri posset. Ad dubium nempe a Ruremondensis (in Hollandia) seminarii superiore sic propositum : 4° *Parochus hic et nunc aliquem substituit, qui die dominica cantat summum sacram (quod hic posse censetur per consuetudinem) : an parochus privatim celebrans possit applicare pro suis, teneturve curare ut pro populo applicetur summum sacram ?* — Sacra Congregatio... rescribendum censuit : *Ad 4 posse vel per se, vel per alium, quin requiratur missa sollemnis. Atque ita rescribere rata est. Die 27 februarii 1847.* (In collectione Gardellania, n. 4926.)

Sed hujus suæ declarationis sensum patefecit ipsamet eadem Sacra Congregatio; et quidem eo sensu, qui conclusioni nostræ omnino consonet. En hujus posterioris declarationis verba : « Dum superiori anno 1847, tertio calendas
« martii, Sacrorum Rituum Congregatio, in uua Ruremon-
« densis vicariatus in Hollandia, ad dubium IV declaravit,
« parochum posse *per se vel per alium* in dominicis applicare
« pro populo sauctissimæ missæ sacrificium, etiam privatim
« celebrando, quin teneatur applicare missam solemnem,
« cujus celebrationem alii sibi beneviso sacerdoti interdum
« committit : super hac ipsa declaratione in præsentiarum
« novum proponitur dubium, quod fundatur in declaratio-
« nibus et decretis a Sacris Congregationibus Urbis latis,
« et a quibus omnino exigitur, ut parochus in dominicis
« festisque pro populo applicet. Iterum ergo Sacra Congre-
« gatio de sententia requisita..., rescribendum censuit : *Re-*
« *sponsionem datam 27 februarii 1847, intelligendam esse quoad*
« *missam solemnem, de qua quærebatur. Nam propius ad casum,*
« *non obstantibus alias decretis, et in facto declaratis, rescri-*
« *bere rata est, posse quemlibet parochum, accedente justa et le-*
« *gitima causa, adimplementum missæ pro populo applicandæ alii*

a sacerdote committere, seu per alium sacerdotem hanc ipsam a missam celebrari facere. Die 22 julii 1848. » (In collectione Gardelliana, sub n. 4968.) Unde remanet non posse parochum huic oneri per alium sacerdotem satisfacere, nisi *ex causa legitima*.

Pro causa autem legitima habendam esse, 1° quamlibet absentiam legitimam, 2° infirmitatem, 3° obligationem celebrandi missam conventualem, quando parochus est simul canonicus, omnino admittendum est. De nonnullis aliis causis, an sint sufficientes, vide discussam in citato opusculo *de Praxi a parochis servanda*, pagina 26. Generatim pro regula tradi potest, sufficere causam, quæ prudentis viri iudicio vere *gravis* æstimetur.

PROPOSITIO VI^a. — *Contra prædictam parochorum per seipsos offerendi obligationem, nulla valet consuetudo.* — Obligatio enim parochorum offerendi pro populo contrariam non admittit consuetudinem; expresse siquidem tradit Benedictus XIV in sua bulla *Cum semper*, teneri ad id parochos consuetudine etiam antiqua seu immemoriali non obstante: sed obligatio illa parochorum est *personalis*, seu est obligatio offerendi *per seipsos*, ut pluries supra declaratum vidimus: ergo obligatio *per seipsos* offerendi contrariam consuetudinem non admittit.

Præterea conclusionem expresse etiam firmavit Sacra Congregatio Concilii. Nam ad dubium: 4° *Quid censeri debeat de consuetudine, vi cuius parochus diebus dominicis et festis missam privatam pro pio aliquo benefactore applicat, et nullo legitimo impedimento detentus, onus celebrandi missam pro populo in alium sacerdotem transfert?* Sacra Congregatio, die 25 septembris 1847 respondit: *Ad quartum, consuetudinem de qua agitur non esse attendendam (de Praxi a parochis observanda, pagina 4, edit. Hasselcti, 1849).* Consonat ejusdem Sacræ Congregationis praxis; qua nempe, in casibus etiam existentis contrariæ hujus consuetudinis, teneri parochum per seipsum offerre non semel declaravit.

PROPOSITIO VII^a. — *Missam pro populo celebrare debet para-*

chus in parochiali ecclesia. — « Tenetur parochus, ait Barbosa, « in dominicis et aliis festivis diebus, suis subditis missam celebrare; et sic in propria ecclesia, et non in alia » (*de Officio parochi*, cum *Additamentis* Giraldis, parte 1, cap. 11, n. 3); atque id firmat laudatus auctor nonnullis Sacrae Congregationis Concilii declarationibus. Consonat Ferraris : « Parochus, « inquit, diebus festis missam celebrare debet in propria ecclesia, et non in alia, quacumque consuetudine in contrarium non obstante : Sacra Congregatio Concilii in Lucana « 15 septembris et 17 novembris 1629 » (verbo *Parochus*, art. 3, n. 1).

Invicte autem sequitur nostra conclusio ex sequenti Sacrae Congregationis declaratione, in *Fanensi*, 11 maii 1720 : Ad dubium scilicet : 5° *An occurrente, quod archipresbyter parochus celebret missam conventualem, vel alias legitime absit, seu sit impeditus, tam in diebus festivis quam ferialibus quadragesimæ, teneatur celebrare facere per alium missam parochialem pro populo, ut supra?* Sacra Congregatio respondit : *Affirmative, sed cum applicatione diebus festivis tantum* (in *Thesouro resolutionum*, tom. 1, pag. 321). Ex his verbis, *vel alias legitime absit*, sequitur parochum legitime absentem non posse oneri satisfacere missam pro populo celebrando in loco ubi extra parochiam moratur; cum declaretur, eum in hoc casu debere *celebrare facere per alium missam parochialem, cum applicatione pro populo in diebus festivis*; quod profecto idem est ac declarare, non posse parochum oneri celebrandi pro populo satisfacere, nisi in propria parochia.

PROPOSITIO VIIIª. — *Obligationi missam celebrandi pro populo satisfacere potest parochus per missam privatam; non autem tenetur missam solemnem, aut aliqua certa hora fixam celebrare.* — Vidimus supra a Sacra Congregatione Rituum expresse declaratum, non requiri *missam solemnem* (in collectione Gardelliana, n. 4968.) Aliunde nec Tridentinus textus, nec alia Sedis Apostolicæ, et Sacrarum Congregationum decreta, dum parochorum pro populo litandi obligationem exprimunt, quid-

quam addunt de necessitate celebrandi, vel cum certa aliqua solemnitate, vel aliqua certa hora. Ergo concludendum est teneri quidem parochum diebus festis offerre pro populo, et quidem per seipsum, et in parochiali ecclesia; nequaquam vero de jure communi teneri eum ad eam solemnio rem missam, quæ summum sacrum dici solet, celebrandam et applicandam pro populo.

Dicimus autem *de jure communi*. Nam posse Episcopum præscribere, ut parochi per seipsos hanc dictam solemnio rem missam diebus festis celebrent, dubium non est. In quo casu, si legitime impediatur parochus ne missam illam solemnio rem cantet, et possit tamen aliam missam in parochiali ecclesia celebrare, debet quidem alteri eantandam missam demandare; at non poterit, ut videtur, in illum onus transferre offerendi pro populo; cum hæc obligatio, ut supra dictum est, personalis sit, et eam per missam privatam ipse per seipsum adimplere possit.

PROPOSITIO IX*. — *Si parochus sit simul canonicus, et ad eum spectet missam conventualem celebrare, tenetur aliquem sibi substituere qui missam applicet pro populo.* — Constat ex supra citata Sacræ Congregationis Concilii declaratione 11 maii 1720 (in *Thesaurò resolutionum*, tomo 1, pag. 321). Ad dubium scilicet: *An occurrente quod archipresbyter parochus celebret missam conventualem..., teneatur celebrare facere per alium missam parochialem pro populo?* Responsum est affirmative. Idem vide declaratum in *Montis-Falisci* 29 januarii 1718 (in *Thesaurò resolut.*, tom. 9, pag. 145); in *Viterbiensi* 31 martii 1708 (apud Benedictum XIV, *Quæstiones eccles.*, q. 3); atque hoc ipsum laudatus Pontifex expresse declarat in sua constitutione *Cum semper*, § 17.

CAPUT VII.

OFFICIUM PAROCHI QUOAD EXTREMAM-UNCTIONEM ET ASSISTENTIAM INFIRMIS PRÆSTANDAM.

1. « Parochus ratione officii sui ex justitia obligatur hoc sacramentum subditis ministrare; ut proinde mortaliter peccet, si petenti sine justa excusatione neget, vel differat eum probabili periculo ne interim infirmus decedat. » (Barbosa, *de Officio parochi*, cum *Addit.* Giraldi, c. 22, n. 10.)

2. « Neganda non est (extrema-unctio) pueris rationis usum sufficientem habentibus ac peccandum, et sacræ pœnitentiæ aut Eucharistiæ recipiendæ capacibus. » (Ibid., n. 12.) Vide etiam Benedictum XIV (*de Syn. diœc.*, l. 7, cap. 21, n. 2)

3. Item conferenda est amentibus et phreneticis, dummodo absit periculum irreverentiæ, et aliquando rationis usum habuerint. Vide catechismum romanum (parte 2, cap. 6, § 9), et Benedictum XIV (*de Syn. diœc.*, l. 7, c. 21, n. 4).

4. An parochus illud sacramentum ministrare teneatur cum propriæ vitæ periculo; ægrotis, verbi gratia, peste laborantibus? Negarunt aliqui doctores : sed sanior pars, cui adhæret Benedictus XIV, putant eum omnino teneri. (Vide *Additamenta* Giraldi *ad Barbosam*, *de Officio parochi*, c. 22, n. 17. Vide item quæ diximus supra, capite 5, n. 11; et Benedictum XIV, *de Synodo diœcesana*, l. 13, c. 19, n. 8 et seq.)

5. Senibus, qui senectute conficiuntur absque alia infirmitate, tenetur parochus hoc sacramentum ministrare. (Ibid., n. 13 et 18.)

6. « Quod non sit licitum uti oleo benedicto præcedentis anni, postquam novum fuerit consecratum, declaravit Congregatio Rituum (in *Septempedanensi*, 7 decembris 1601); licitum tamen esse in urgente necessitate declaravit Congre-

« gatio Episc., 20 maii 1590. » (Giraldi, *Addimenta ad Barbosa, de Officio parochi*, c. 22, n. 25.)

7. Si intra annum contigerit consecratum oleum non sufficere, potest ipsi addi oleum non consecratum; modo quod additur sit minoris quantitatis consecrato. Imo licet id pluries fiat, ita ut tandem non consecratum superet consecrati quantitatem, non periclitatur sacramenti validitas. Ita declaratum a Sacra Congregatione Sancti Officii, vide apud Giraldi (*Addimenta ad Barbosa, de Officio parochi*, c. 22, n. 26).

8. Quod posset extrema-unctio ante viaticum ægroto ministrari, in iis diœcesibus in quibus hæc consuetudo vigeret, vide apud Benedictum XIV (*de Syn. diœces.*, lib. 7, c. 23, u. 1 et 2). Addit autem laudatus Pontifex: « Nihilominus in locis
« in quibus hic mos obsolevit, vigetque disciplina a concilii
« Tridentini catechismo præscripta, non facile permetteremus
« ab hac recedi. »

9. Quoad iterationem hujus sacramenti, est recepta generaliter sententia, posse illud denuo administrari ægroto, qui post primam receptionem morbi gravitatem evasit, postea vero, antequam plene convalesceret, iterum in discrimen vitæ relabatur. Quam doctrinam vide auctoritatibus firmatam apud Benedictum XIV (loco citato, n. 3 et 4).

10. Tenetur parochus singulis annis sanctum oleum noviter consecratum ab Episcopo suo recipere, nec potest alterius diœcesis Episcopum adire, ut illud sibi comparet (Benedictus XIV, institutione 81, n. 2).

11. Tempus intra quod illud accipere tenetur statui solet a feria V in cœna Domini, usque ad sabbatum in albis. Commendandi autem valde illi parochi, qui (cum id possint) cito novum oleum sibi comparant, ita ut sabbato sancto, in fontis baptismalis benedictione, recenti chrismate utantur. Imo et ad id teuebuntur, si ita quoad viciniore decesserit Episcopus, synodusve provincialis.

12. Post sabbatum in albis, comburi debet vetus, nec ultra licet eo uti. Deberet tamen cum veteri extrema-unctio mi-

nistrari, si deesset novum; etiamsi defectus novi culpabilis fuisset.

13. Debet parochus per seipsum, vel per clericum in sacris, si ita lex diœcesana ferat, illud sibi comparare. (De his vide citatam Benedicti XIV institutionem.)

14. Quod attinet ad spiritualem assistentiam infirmis et moribundis a parochis præstandam, adnotat Leurenus in hunc modum : « 1° Teneri illum, ubi necesse est, ad visitandos
« infirmos accedere, eosque opportunis remediis juvare; habendo in promptu argumenta, ad animum consolandum,
« excitandumque ad res divinas et æternas congrua. 2° Magnum et necessarium esse ministerium, majoremque ei incumbere obligationem assistendi ægro incipienti agonizare,
« et ferendi opem opportunam in eo periculoso momento.
« Non tamen teneri parochum sub mortali assistere infirmo
« qui sacramenta recepit, censet Barbosa... Quod si tamen
« infirmus fuerit impœnitens, tenetur ei assistere usque ad reductionem » (*Forum beneficiale*, parte 1, q. 428).

Praxis est Romæ, et in cæteris status Pontificii diœcesibus, ut infirmus in extremis constitutus, *nullo diei noctisve tempore*, parochi (vel, ipso impedito, alterius ad id deputati presbyteri) auxilio et præsentia destituatur. Quod et tanta religione servatur, ut instar scandali foret, eo momento infirmum obire, quo non adesset parochus ejusve substitutus. A qua praxi in nonnullis Galliæ regionibus ita recedere solent parochi, ut vix mihi persuadeam, eos suum in hac re officium satis intellexisse. De iis loquor, qui delatis infirmo sacramentis, ipsi postea in extremis posito aut jam agonizanti, adesse non curant, in iis etiam locis et familiis, ubi facile eam assistentiam præstare possent. Quæ certe agendi ratio mihi non videtur posse a culpa excusari. Memores sint tremendi parochorum officii esse, ut insomnes etiam noctes traducant, ubi id animarum sibi commissarum salus expostulat.

CAPUT VIII.

OFFICIUM PAROCHI QUOAD MATRIMONIA.

1. Tenetur contracta matrimonia accurate describere in libro ad id destinato. De quo exstat expressum Tridentini concilii præceptum, in hunc modum : *Habeat parochus librum, in quo conjugum et testium nomina, diemque et locum contracti matrimonii describat, quem diligenter apud se custodiat* (sess. 24, c. 1, *de Ref. matr.*). Quod Tridentinum præceptum obligare sub gravi tenent doctores communiter (vide Barbosam *de Officio et potestate parochi*, parte 1, libro 7, 8).

2. Si contracturi sint filii familias, antequam ad denuntiationes deveniat, debet eos monere, ut parentibus rationabiliter invitis non contrahant; quia parentum dissensus, etsi non reddat matrimonium invalidum (1), si tamen sit rationalis, illud reddit illicitum; ita ut tunc absque gravi peccato iniri nequeat : scus si parentes irrationabiliter matrimonio adversentur. (Vide Giralduum, *Addit. ad Barbosam, de Officio parochi*, c. 21, n. 1.)

3. Ad denuntiationes faciendas non debet devenire, nisi sponsos repererit christianæ religionis rudimentis sufficienter instructos; ita ut saltem orationem dominicam, salutationem angelicam, symbolum apostolicum et præcepta decalogi calleant. Quibus nationibus si destituantur, matrimonii celebrationem differre debet ad tempus, donec ea didicerint. Ita tenendum, et contrariam uonnullorum theologorum sententiam esse prorsus rejiciendam, vide probatum a Benedicto XIV (*de Syn. diœc.*, libro 7, cap. 29). Notandum tamen cum laudato Pontifice (*ibid.*, n. 6) posse quem sufficienter seire præ-

(1) Quod vide probatum (etiam quoad Galliam) apud Benedictum XIV (*de Syn. diœc.*, lib. 7, c. 37).

cupua fidei mysteria, quin tamen dictas formulas memoriter recitare valeat.

4. Antequam matrimonium contrahatur, debet parochus, tribus continuis diebus festivis, in ecclesia, iuter missarum solemnias, denuuntiationes facere. Ita expresse decretum a concilio Tridentino (sess. 24, cap. 1, *de Ref. matrim.*). Additur tamen in citato capite: *Nisi Ordinarius ipse expedire iudicaverit, ut prædictæ denuntiationes remittantur.*

5. *Quod si aliquando probabilis fuerit suspicio, matrimonium malitiose impediri posse, si tot præcesserint denuntiationes, tunc vel una tantum denuntiatio fiat, vel saltem parochus et duobus vel tribus testibus præsentibus matrimonium celebretur: deinde ante illius consummationem denuntiationes in ecclesia fiant.* (Concilium Trid., loc. cit.) Illa autem Tridentini concilii verba ita intelligenda sunt, ut, etiam in casu quo merito timetur ne matrimonium malitiose impediatur, non possit parochus denuntiationes omittere absque Ordinarii dispensatione; nisi forte adeo urgeret periculum ut non daretur tempus adcurandi Ordinarium pro obtinenda dispensatione. (Vide Barbosam, *de Officio parochi*, cum *Addit.* Giraldu, c. 21, n. 24.) Atvero extra dictos casus, parochus matrimonium celebrans, omissis denuntiationibus, proculdubio graviter peccat.

6. « Quamquam non cadat sub præcepto, quod ipsum matrimonium contrahatur in ecclesia, tamen ipsa benedictio contrahentium a parochis facienda est in ecclesia. Cum enim Sacrae Congregationi Concilii propositum fuerit hoc dubium (in una *Bitinoriensi*): an benedictio contrahentium matrimonii possit a parochis fieri extra ecclesiam, seu potius precise sit facienda in ecclesia? Sacra Congregatio Concilii die 17 aprilis 1649, respondit, faciendam esse in ecclesia. » (Giraldu, *Addimenta ad Barbosam, de Officio parochi*, c. 21, n. 29.)

7. Quilibet confessarius, præcipue vero parochus callere debet servandam praxim, pro obtinenda facultate a sacra pœuenteiaria convalidandi matrimonium nulliter contractum.

Quam praxim descripsit Benedictus XIV (*Institutiones eccles.*, inst. 77), necnon Giraldi (*Additamenta ad Barbosam, de Officio parochi*, c. 21, post n. 108).

CAPUT IX.

OBLIGATIO PAROCHI DIVINUM VERBUM PRÆDICANDI, ET DOCTRINAM CHRISTIANAM PUEROS EDOCENDI.

1. Tenetur parochus diebus dominicis, et festis sollemnibus, verbum salutis habere ad populum. Id expresse sancivit Tridentina synodus, sessionis 5 capite 2, his verbis : *Quicumque parochiales, vel alias curam animarum habentes ecclesias quocumque modo obtinent, per se vel alios idoneos, si legitime impediti fuerint, diebus saltem dominicis et festis sollemnibus plebes sibi commissas, pro sua et earum capacitate, pascant salutaribus verbis*. Imo parochos ad prædicandum teneri de jure divino, tradit eadem synodus, sessionis 23 capite 1, in hunc modum : *Cum præcepto divino mandatum sit omnibus, quibus animarum cura commissa est, oves suas agnoscere, pro his sacrificium offerre, verbique divini prædicatione... pascere...* Quamvis enim ibi de Episcopis loquatur synodus, paulo post tamen et de parochis hæc eadem intelligit.

2. Dictæ obligationi tenetur parochus satisfacere per seipsum, nisi sit legitime impeditus. Id enim merito inferitur ex citato capite Tridentinæ synodi, ubi non dicitur simpliciter, *per se, vel alios*; sed huic membro disjunctivæ *vel alios* apponitur restrictio, *si legitime impediti fuerint*. Quæ restrictio iterum recurrit sessionis 24 capite 4, ubi sic habetur : *In aliis autem ecclesiis prædicationis munus exercentur per parochos, sive, iis impeditis, per alios... ab Episcopo deputandos*.

3. Potest exigere Episcopus, ut tempore Adventus et Quadragesimæ in qualibet parochia, vel quotidie, vel tribus in hebdomada diebus, si ita opportunum existimaverit, fiat prædicatio per parochum, vel (eo impedito) per alium ab ipso

Episcopo deputandum. Pro ejusmodi autem deputato prædicatore, solvendæ sunt expensæ ab iis qui tenentur vel solent eas solvere. Potest insuper decernere Episcopus ut ejusmodi prædicationes aliis etiam anni temporibus fiant. Quæ omnia constant hisce Tridentinæ synodi verbis: *In aliis autem ecclesiis per parochos, sive, iis impeditis, per alios ab ipso Episcopo (impensis eorum, qui eas præstare vel tenentur vel solent) deputandos, in civitate, aut in quacumque parte diocesis censebunt expedire, saltem omnibus dominicis et solemnibus diebus festis: tempore autem jejuniorum Quadragesimæ et Adventus Domini, quotidie, vel saltem tribus in hebdomada diebus, si ita oportere duxerint, sacras scripturas divinamque legem annuntient; et alias, quotiescumque id opportune fieri posse judicaverint.*

4. Jus habet parochus per seipsum, si velit, prædicationis munus obire. Unde non potest Episcopus alium deputare ad prædicandum in parochia, quando ipse parochus prædicationem hanc vult per seipsum explere. De quo sic in tractatu Barbose de *Officio parochi*, cum *Additamentis* Giraldis edito. parte 1, c. 14, n. 5: « Ita ut nec ab Episcopis in hoc impediri possint, sicut declaravit Sacra Congregatio Concilii, in hæc verba: *Si curatores animarum per se velint munus prædicationis obire, non debent impediri.* »

5. « Parocho per seipsum concionanti minime licet, prætextu cujuscumque paupertatis, prætere sibi præstari eleemosynam, solitam dari prædicatoribus, alias ab universitate electis, ut censuit Sacra Congregatio Concilii, in una *Vesulanensi*, 20 martii 1621. » (Opere et loco citatis, n. 7.)

6. Nequit parochus, absque obtenta licentia Ordinarii, alicui concionatori permittere ut in sua parochia concionetur, quantumvis sit ipsi notus, et etiamsi semel aut bis dumtaxat prædicaturus esset. De quo sic in modo citato opere (parte 1, c. 14, n. 8: « Cujus quidem parochi licentia, etiamsi sufficiens sola videretur, jure communi (1) attento, ut alius ab eo in-

(1) Jus commune ibi intelligitur quod vigeat ante Tridentinum synodum.

« vitatus posset in sua ecclesia prædicare (ex textu in clemen-
 « tina *Dudum, de Sepult.*); tamen ex concilii Tridentini verbis
 « (sess. 24, c. 4, *de Ref.*; et sess. 5, c. 2, itidem *de Ref.*) pro-
 « hibentur parochi in suis ecclesiis admittere concionatores
 « ab Ordinario non approbatos, etiamsi prædicare vellet aliquis
 « Episcopus. Et ita jam hodie nullus, etiam a paracho invita-
 « tus, prædicare poterit sine licentia Episcopi... Attenta de-
 « claratione Clementis VIII, sive prædicator sit paracho notus,
 « sive semel vel bis prædicare velit, nunquam ei licebit sine
 « licentia Episcopi. »

7. Pœnam contra parochum officio suo prædicandi non satisfacientem ita statuit Tridentina synodus : *Ubi ab Episcopo moniti, trium mensium spatio muneri suo defuerint, per censuras ecclesiasticas, seu alias ad ipsius Episcopi arbitrium cogantur; ita ut etiam, si ei sic expedire visum fuerit, ex beneficiorum fructibus, alteri, qui id præstet, honesta aliqua merces persolvatur, donec principalis ipse resipiscens officium suum impleat.* (Sess. 5, c. 2, *de Ref.*). *Etsi opus sit, etiam per censuras ecclesiasticas compellent.* (sess. 24, c. 4).

« Notatu dignum est (inquit Giraldis, citato opere, parte 1,
 « c. 14, n. 9) quod quamvis præter censuras infligi possint
 « etiam aliæ arbitrio Episcoporum, si tamen agatur de pœna
 « pecuniaria, hujusmodi arbitrium indecens esse respondit
 « Sacra Congregatio Concilii, die 17 junii 1658, Episcopo No-
 « variensi, qui in suis synodalibus constitutionibus putavit
 « sibi licuisse pecunia mulctare parochos, huic decreto con-
 « travenientes, ut refert Benedictus XIV, *de Synodo diœcesana.*
 « l. 10, c. 9, n. 8. »

8. A prædicta obligatione prædicandi sese eximere ue-
 queunt parochi, sub eo prætextu quod nunquam id a rectori-
 bus parochiæ peragi solitum fuerit, vel quod satis provisum
 sit per publicos annuales concionatores, vel quod exiguus sit
 suorum parochianorum numerus. Ita declaratum a Sacra Con-
 gregatione Concilii affirmat Giraldis (loco citato, n. 9).

9. Quoad formam prædicationis a parochis ex obligatione fa-

ciendæ, adnotat ibidem Giralddi : « Ex responso Sacræ Congregationis Concilii ad Episcopum Melitensem, non opus est ut sit perpolitâ et elaborata, ad formam qua communiter utuntur concionatores; sed *satis est* (sunt verba responsi, ut habetur libro 6 decretorum Sacræ Congregationis, pagina 109 et seq.) *ut parochi, etsi formaliter non prædicent, saltem dominicis et festis diebus plebes sibi commissas, pro sua et earum caritate, pascant salutaribus verbis.* »

10. Est sententia communiter recepta, graviter peccare parochum, qui sive *per unum mensem continuum*, sive *per tres menses non continuos*, nec per se, nec per alios prædicat. (Vide sanctum Ligorium, l. 4, n. 269 et 270; et Scavini, tom. 1, tractatu 3, disput. 1, cap. 2, art. 2, n. 5.) Hinc sequitur, iis etiam duobus mensibus, quibus parochis licet abesse a parochia, teneri eos procurare, ut prædicationis officium non interrumpatur.

11. Quoad obligationem parochi, pueros doctrinam christianam edocendi, decrevit Tridentina synodus in hunc modum : *Idem* (1) *etiam, saltem dominicis et aliis festis diebus, pueros in singulis parochiis fidei rudimenta et obedientiam erga Deum et parentes, diligenter ab iis ad quos spectabit, doceri curabunt; et, si opus sit, etiam per censuras ecclesiasticas compellent: non obstantibus privilegiis et consuetudinibus* (sess. 24, c. 4. *de Ref.*). Quod autem ad parochos præcipue spectet pueros rudimenta fidei edocere, sequitur ex citato Tridentino decreto (sess. 5, c. 2).

« Unde ad officium parochi pertinet parochianos suos in prædicta doctrina christiana erudire; et sic mortaliter peccabit parochus, qui nimium negligens fuerit in hujusmodi doctrina christiana edocenda. » (Barbosa, *de Officio parochi*, cum *Additamentis* Giralddi, parte 1, c. 15, n. 2.)

Quod autem, justa de causa, possit parochus per alios idoneos huic obligationi satisfacere, admittunt doctores, et est consuetudine receptum.

(1) Nempe Episcopi.

CAPUT X.

OBLIGATIO PAROCHI INTERVENIENDI COLLATIONIBUS CASUUM
CONSCIENTIÆ.

« Sacra Congregatio (Concilii) pluries censuit, non eodem
 « modo atque indiscriminatim quoscumque ecclesiasticos esse
 « cogendos, ut collationibus pro discussione casuum ad con-
 « scientiæ forum spectantium intersint; sed eos, qui anima-
 « rum curæ præpositi sunt, itemque omnes presbyteros (1)
 « qui confessiones excipiant, compelli ad id posse; cæteros
 « vero esse quidem monendos et adhortandos, non tamen
 « cogendos. Ita (antiquioribus decretis prætermissis) resolu-
 « tum fuit in (causa) *Civitatis-Plebis, conferentiæ casuum*,
 « 15 martii 1692; in qua, proposito dubio : *An Episcopus pos-*
 « *sit compellere canonicos, confessarios, cæterosque presbyteros*
 « *cathedralis sub pœna pecuniaria, ut accedant ad congregationem*
 « *casuum conscientiæ*, — rescriptum fuit : — Posse compellere
 « omnes sacerdotes sæculares confessarios, etiamsi sint cano-
 « nici; cæteros vero non posse compellere, sed hortari; ut
 « in libro 42 decretorum, pagina 147. » Hæc transcripsimus
 ex causa *Larinensi*, 26 januarii 1732 (in *Thesouro resolutionum*,
 tomo 5).

Eandem parochorum obligationem firmat Benedictus XIV
 (institutione 103, n. 9) sequenti Sacræ Congregationis Concilii
 declaratione : *Sacra Congregatio censuit, Episcopum cogere posse*
ad interessendum congregationi casuum conscientiæ parochos tam
sæculares quam regulares, curam animarum exercentes. (3 septem-
 bris 1650, tomo 19 regestorum, pag. 76, in causa *Forosem-*
pronienti.)

(1) Intellige *sæculares* duntaxat, non autem *regulares*, prout ex declaratione,
 ibi, paucis post verbis, adducta, plene constat.

CAPUT XI.

OBLIGATIO PAROCHI QUOAD RESTAURATIONEM ECCLESIAE
ET DOMUS PAROCHIALIS.

I. *Præmittuntur juris textus.* — In capite 4, tituli 48, libri 3 decretalium, sic decernitur ab Alexandro Papa III : *De his qui paræciales ecclesias habent duximus respondendum, quod ad reparationem et instaurationem ecclesiarum cogi debent, cum opus fuerit, de bonis quæ sunt ipsius ecclesiæ, si eis supersint, conferre; ut eorum exemplo cæteri invitentur.* Cui decretali hæc præfigitur rubrica : « Rectores ecclesiarum possunt compelli, « ut de redditibus qui supersunt teneantur conferre ad constructionem seu reparationem ecclesiæ. »

Legem illam innovavit Tridentina synodus, in hunc modum : *Parochiales vero ecclesias, etiamsi jurispatronatus sint, ita collapsas refici et instaurari procurent (Episcopi), ex fructibus et proventibus quibuscumque ad easdem ecclesias quomodocumque pertinentibus : qui si non fuerint sufficientes, omnes patronos et allos, qui fructus aliquos ex dictis ecclesiis provenientes percipiunt, aut in illorum defectum parochianos, omnibus remediis opportunis ad prædicta cogant : quacumque appellatione, exemptione et contradictione remota. Quod si nimia egestate omnes laborent, ad matrices, seu viciniore ecclesias transferantur ; cum facultate tam dictas parochiales quam alias ecclesias dirutas, in profanos usus non sordidos, erecta tamen ibi cruce, convertendi (sess. 21, c. 7).*

II. *Determinatur quomodo et quando restaurandæ ecclesiæ parochialis onus parochio incumbat.* — « Doctores (inquit Benc-
« dictus XIV) concilio Tridentino inherentes, hos veluti gra-
« dus constituunt... : 1º Si ecclesia restauranda peculiares
« aliquos proventus suppeditat, tunc iidem proventus ad
« ecclesiam reparandam primò conferendi sunt. 2º Si aliqua

« constitutio vel statutum intercedat, quo privatæ familiæ
 « suis sumptibus ecclesiam, cum oportuerit, reficere, vel di-
 « rutam rursus excitare teneantur, tunc eidem statuto pa-
 « rendum est. 3° Si loco statuti, vetus ac certa consuetudo
 « afferatur, ob quam privati aliqui cives expensas facere co-
 « gantur, tunc ea consuetudo vim legis habere aut retinere
 « debet. 4° Si neque statutum neque ulla consuetudo inter-
 « veniat, tum parochus ipse faciendis expensis subijcitur; qui
 « tamen haud fructus ex patrimonio suo desumere, sed illos
 « qui sibi ex beneficio supersunt, omnino debet. Sic enim san-
 « citur apertissime ex capite de *His, de Ecclesiis ædificandis...*
 « Perspectum est omnibus, in tres partes distribui proventus
 « ecclesiasticos a jure pontificio: prima beneficio conser-
 « vando, altera juvandis egenis, tertia restaurandæ ecclesiæ
 « tribuitur. *Et quamvis* (inquit Peckius) *distributio illa antiqui*
 « *juris in omnibus non servetur, illud tamen et jure et consuetu-*
 « *dine receptum est, ut hoc onus in prædictis redditibus, eum se-*
 « *quatur, qui eorum usum, fruitionem, perceptionem et commodi-*
 « *tatem habet.* Hic duo superaddenda videntur: nempe inter
 « ea quæ parochus supersunt, nequaquam admiscendas esse
 « expensas quæ fiunt pro alendis consanguineis, aut pro ser-
 « vanda generis sui conditione: ea solum numeranda sunt,
 « quæ ad parochum ipsum sustentandum necessaria ducun-
 « tur... Illud quoque moneudum est, non solum parochum,
 « sed cæteros etiam, qui pensiones ex illa parochia suscipiunt,
 « ea lege teneri, ut partem suam impertiant, cum templum
 « reparandum est... 5° Si parochus sustentationem suam ex
 « beneficio solum percipiat, neque sint ulli qui pensiones aut
 « beneficium simplex ex sua parochia desumentes, necessa-
 « riam pro expensis pecuniam suppeditent, tunc si eadem
 « parochia juspatronatum adjunctum habeat, concilium Tri-
 « dentium faciendas a patronis expensas decernit. » (Bene-
 dictus XIV, inst. 100, u. 9 et seq.) Addit autem laudatus
 Pontifex, deficientibus prædictis, restaurandæ ecclesiæ onus
 populo incumbere. Et tandem, si prædicti omnes necessariam

pecuniam suppeditare non valeant, ecclesiam esse in usum profanum redigendam, et titulum in proximam ecclesiam transferendum.

III. *Eadem est obligatio parochi quoad domus presbyteralis reparationem.* — « Quod diximus de reparatione et restoratione ecclesiarum parochialium, idem omnino dicendum est de domibus parochialibus, id est, habitatione parochorum, ut declaravit Sacra Congregatio Concilii in hæc verba : *Idem censuit congregatio de domibus pro necessaria parochi habitatione intelligendum, quod de ecclesiis parochialibus dictum est, omni contradictione remota.* » (Barbosæ tractatus de Officio parochi, cum Additamentis Giraldis, parte 1, c. 13, n. 12.)

IV. *Ad Episcopum spectat decernere, quænam opera in ecclesia vel domo parochiali fieri debeant, et pro quam summa parochus aliive contribuere debeant.* — Id aperte supponit citatum caput 7 sessionis 21 Tridentinæ synodi, et extra controversiam est apud doctores (vide inter alios Barbosam, de Officio parochi, cum Additamentis Giraldis, parte 1, cap. 13, n. 13).

V. *A decreto Episcopi prædictas restorationes et contributiones decernente, non datur appellatio ad effectum suspensivum, sed dumtaxat ad devolutivum.* — Etenim in citato capite 7 sessionis 21 Tridentini concilii expresse habetur, *quacumque appellatione, exemptione et contradictione remota.* Qua formula, ut notum est, tollitur suspensivus, non autem devolutivus effectus appellationis.

CAPUT XII.

OBLIGATIO ET JUS PAROCHORUM ACCEDENDI AD DIOECESANAM SYNODUM.

I. Certum est teneri eos synodo interesse. Constat, tum ex variis aliis juris textibus, tum præcipue et manifestissime ex his Tridentini concilii verbis : *Ratione tamen parochialium, aut*

aliarum secularium ecclesiarum, etiam annexarum, debeant ii, qui illarum curam gerunt, quicumque illi sint, synodo interesse (sess. 24, c. 2). « Quo circa, ait Benedictus XIV, extra controversiam est, quotquot animarum curam gerunt, sive « seculares, sive regulares illi sint, indubia lege adigi ad « interveniendum synodo. » (*De Syn. dioces.*, lib. 3, cap. 5, n. 2.) Sub dicta autem lege comprehendi parochos etiam ad nutum amovibiles, quum et ipsi curam animarum gerant, satis patet ex citatis Tridentini decreti verbis. Parochi nullius, idest, qui nulli Episcopo, sed immediate Romano Pontifici subiacent, tenentur accedere ad synodum illius Episcopi, qui (ex concilio Tridentino) potest eos visitare, idest, vicinioris : quod vide probatum a Benedicto XIV (*de Syn. dioc.*, l. 3, c. 5, n. 3).

II. Certum est parochos omnes convocandos seu invitandos esse ad diocesanam synodum; siquidem tradunt canonistæ communiter, *ad episcopale concilium esse vocandos abbates, sacerdotes, atque omnem clerum civitatis et diœcesis.* (Fagnanus, in caput Grave, de Præbendis, n. 10.)

III. A fortiori jus habent parochi, ut in diœcesana synodo admittantur; ita ut nequeat Episcopus eos excludere : *Cum obligatio accedendi et admittendi reciproca sit et correlativa : quin imo fortior et strictior est obligatio admittendi ex parte Episcopi.* (Fagnanus, loco citato, n. 13 et 14.)

CAPUT XIII.

DE COHABITATIONE PAROCHI CUM MULIERIBUS.

Prænotandum. — Regulæ de ejusmodi cohabitatione a jure statutæ, eadem sunt quoad omnes clericos Episcopo inferiores. Quoad Episcopum vero strictiores eas esse tenuerunt nonnulli canonistæ; docentes, « Episcopum nullam mulierem, nequidem « matrem aut sororem secum habere posse. » (Vide apud

Schmalzgrueber, in titulum 2, libri 3 decretalium, n. 3.) Quod tamen citatus auctor ibidem confutat in hunc modum : « Cum nulla talis prohibitio reperiatur facta Episcopis et aliis « similibus praelatis, ideo dicendum, etsi omnino honestius et « magis consultum sit, ut hujusmodi fœminas conjunctas, non « intra domum episcopalem, sed in domo alia separata habeant « (idque maxime propter alios clericos cum Episcopo commo- « rantes); casu tamen quo suspicio incontinentiæ et scandali « periculum abest, licite eosdem posse intra eandem domum, « sed in conclavibus distinctis, cohabitare matri, et aliis fœmi- « nis in primo vel secundo gradu conjunctis, cum ipsarum « ancillis et pedisequis. »

Canonistarum more, dictas regulas quoad omnes generatim clericos exponemus; quod idem erit ac illas de parochis in specie exposuisse, cum sint eædem.

In enodanda autem quæstione, procedemus hoc ordine : 1° dicemus quomodo varia variis temporibus olim disciplina hac de re viguerit; 2° hodiernum jus commune exponemus.

§ I.

Variam variis temporibus fuisse olim hac de re disciplinam.

Magna Nicæna synodus, canone 3 (collectionis Harduini, tomo 1, col. 323) decrevit in hunc modum : *Interdixit per omnia magna synodus, non Episcopo, non presbytero, non diacono, nec alicui omnino qui in clero est, licere subintroductam habere mulierem, nisi forte aut matrem, aut sororem, aut amitam, vel eas tantum personas, quæ suspicionem effugiunt.* Illam Nicænorum patrum sanctionem plurima dein concilia renovarunt; quorum citatos textus videsis apud Benedictum XIV (*de Synodo diæces.*, l. 11, c. 4, n. 4).

Concilium Carthaginense III anni 397, canone 17, mulierum conjunctarum enumerationem tantisper extendit : *Ut cum omnibus omnino clericis extraneæ fœminæ non cohabitent; sed*

solæ matres, aviæ, et materteræ, amitæ, sorores et filiæ fratrum aut sororum... Cæterum Nicæno haud contradicebat decretum illud; siquidem illæ aliæ conjunctæ jam implicite a Nicænis patribus designabantur his verbis, *vel eas tantum personas quæ suspicionem effugiunt.*

Ast concilium Foro Juliense anni 791, Moguntinum anni 888, et Metense ejusdem anni, clericorum cum mulieribus cohabitationem omnino et absque ulla exceptione prohibuerunt: ita scilicet ut ne illæ quidem a Nicænis patribus expressæ, mater, soror et amita, in eadem domo versari permitterentur. (Textus habes apud Benedictum XIV, citato loco.)

Quam tamen disciplinam plus æquo rigidam perpendens Innocentius III, Nicænam restituit, his verbis: *Cum clericis quoque non permittas mulierculas habitare, nisi forte de illis personis existant, in quibus naturale sœdus nihil permittit sævi criminis suspicari* (capite A nobis 9, de Cohabit. cler. et mul.). Hanc Innocentii III decretalem pro lege univ ersali habendam tenent doctores communiter; docentque per eam derogatum fuisse rigidioribus præfatorum synodorum dispositionibus. Cumque post memoratum Pontificem nulla intervenerit contraria Ecclesiæ lex, hodiedum ejus decretalis pro jure communi habenda est, prout ex sequenti paragrapho magis patebit.

§ II.

Determinatur hodiernum jus commune circa cohabitationem clericorum cum mulieribus.

PROPOSITIO I^a. — *Quoad ejusmodi cohabitationem, desumendum est hodiernum jus commune tum ex decretali A nobis Innocentii III, tum ex communi doctorum interpretatione.* — Sequitur ex eo quod dictum decretum vim legis universalis habere censendum sit, nec ei postea per ullam generalem Ecclesiæ dispositionem fuerit derogatum. Additur autem, *tum ex communi doctorum interpretatione*; quia dum nec Sedes ipsa Apo-

stolica, nec Saerae Congregationes auctoritate sua sensum alicujus generalis ecclesiasticae legis declarant, nulla alia tutior est quam communis doctorum interpretatio. In praesenti autem materia nullam novimus Sedis Apostolicae, aut Sacrarum Congregationum declarationem, ad determinandum Innocentianae decretalis sensum editam. Standum ergo est textui hujus decretalis, et communi doctorum interpretationi.

Objicies. — Decretalis *A nobis* Innocentii III revocata fuit a Gregorio IX; siquidem Gregorius IX in libros decretalium inseruit caput *Inhibendum* (1, *de Cohabit. cleric. et mul.*), quo Nannetensis synodus olim prohibuerat, ne clerici cum ullis omnino mulieribus (ne exceptis quidem matre, amitave, aut sorore) cohabitarent. Non enim inseruisset, nisi priscum hunc disciplinae rigorem voluisset iterum in jus commune evelere.

Respondeo. — 1° Idem Gregorius IX inseruit etiam Innocentii III decretalem, qua dictus rigor excluditur. Unde, si revera ambæ decretales inter se pugnent, ex solo facto insertionis colligi nequit quænam alteri prævalere debeat, siquidem ambæ pariter fuerunt insertæ. 2° Dici potest decretalem *Inhibendum*, utpote antiquiorem, insertam dumtaxat fuisse tanquam historicum antiquæ disciplinae documentum. 3° Communis est doctorum sententia, per decretalem Innocentii exprimi legem generalem, et ordinarie servandam; atvero a decreto Nannetensi poni regulæ limitationem, in specialibus quibusdam eventibus adhibendam. De qua communi doctorum interpretatione vide Benedictum XIV (*de Syn. diac.*, l. 11, c. 4, n. 7), et *Jus Pontificium* Giralaldi (iur. tit. 2, libri 3 decret., pag. 225, edit. Romæ 1829). 4° Doctores qui post Gregorii IX compilationem scripserunt, communiter tenuerunt licitam esse clericis cum matre, amita et sorore cohabitationem; nec Gregorius IX aut subseculi Pontifices hanc communem doctrinam improbarunt.

PROPOSITIO IIª. — *Clerico licitum est, regulariter loquendo, habitare cum sœminis, sibi in primo vel secundo consanguinitatis*

gradu conjunctis. — Nam ex decretali Innocentiana, ipsi licitum est degere cum mulieribus, in quibus naturale *foedus* nihil permittit *sævi criminis suspicari*. Porro de harum numero esse conjunctas in dictis consanguinitatis gradibus, id est matrem, aviam, amitam, materteram, sororem et neptem, est communis doctorum sententia. (Vide Schmalzgrueber et alios canonistas, in titulum 2, libri 3 decretalium.) Diximus autem *regulariter loquendo*, ob infra ponendam exceptionem.

PROPOSITIO III^a. — *Item clerico licita censetur cohabitatio cum affinibus in primo gradu, verbi gratia, cum noverca, nuru et uxore fratris defuncti; insuper cum affinibus in secundo gradu, quando alter alteri reverentiam debet; verbi gratia, cum uxore patrui vel avunculi defuncti.* — Nam ratio ab quam Innocentius III cohabitationem permittit cum consanguineis est, quod tunc excludatur incontinentiæ suspicio. Hinc vero communiter æstimant doctores, ceuscri concessam cohabitationem cum aliis etiam fœminis, quæ talis conditionis sunt, ut suspicionem pariter effugiant: renovari nempe ab Innocentio III Nicænum decretum, quo generaliter concessio fit quoad eas omnes personas, quæ suspicionem effugiant. Jam vero tales esse censendas prædicto modo affines communi consensu admittunt. (Vide passim canonistas ubi titulum *de Cohabitatione clericorum et mulierum* commentariis illustrant.)

PROPOSITIO IV^a. — *Quando clericus licite habitat cum prædictis sibi conjunctis, etiam ipsi licet habitare cum earundem ancillis et pedisequis.* — Cum enim dictæ clerici consanguineæ aut affines absque ancillis aut pedisequis ordinarie degere nequeant, hoc ipso quod lex ecclesiastica clericis permittit habitare cum suis consanguineis aut affinibus, merito etiam supponitur concedere, ut cum harum ancillis habitat. Vide iuter alios canonistas ita tradentes præclarum Schmalzgrueber (in titulum 2, libri 3 decretalium, n. 2).

PROPOSITIO V^a. — *Non prohibentur clerici etiam extraneas feminas in famulas sibi assumere, modo profectionis ætatis sint, honestæ famæ, et extra suspicionem.* — Nam, ex modo dictis,

Innocentii III decretalis *A nobis*, merito intelligitur, quasi Nicænum canonem renovasset. Nicæni vero Patres iis generalibus verbis usi sunt, *vel eas tantum personas quæ suspicionem effugiant*. Porro ex communi æstimatione et generali diœceseon praxi, famulæ, de quibus in thesi, censentur sub relatis decreti verbis comprehendi : censentur nempe, regulariter loquendo, de iis quæ suspicioni non dant locum. Et quoad ætatem communiter æstimatur satis esse, quod quadragesimum annum egerint. (Vide Schmalzgrueber, citato loco.)

PROPOSITIO VI^a. — *Quamvis a sacris canonibus clericis concedatur cohabitatio cum supradictis fœminis, id semper intelligendum est cum limitatione, nisi adsit periculum vel scandalum.* — Nam Innocentii III decretalis, cæteræque omnes, quæ a generali prohibitione nonnullas excipiunt fœminas, ideo dumtaxat eas excipiunt, quod suspicionem effugiant ; ac proinde in ea tantum hypothesi, quod non adsit periculum neque scandalum. Unde si de facto, ob peculiares circumstantias, adsit periculum aut scandalum, non concessa, sed prohibita cohabitatio censenda est. Proceditque hoc etiam quoad consanguineas affinesve quaslibet.

« Neque dicas, ait Schmalzgrueber (loco citato), hoc modo
 « nullum esse discrimen inter conjunctas sanguine et extra-
 « neas; nam adhuc latum discrimen inter has et illas inter-
 « jicitur : consanguineæ enim, tametsi juvenes sint, non sunt
 « suspectæ; ideoque cohabitare possunt clerico ordinarie et
 « per se loquendo, nisi per accidens adsint tales circumstan-
 « tiæ et indicia, ut locus sit suspicioni, sive propter ipsasmet
 « consanguineas, sive propter famulas et socias, quæ esse cum
 « illis solent. Contra extraneæ, eo ipso solent esse suspectæ,
 « quia juvenes sunt ; ideoque cohabitatio illarum prohibita
 « est clericis jure canonico. »

PROPOSITIO VII^a. — *Nequit Episcopus prohibere, ne diœcesis suæ clerici cum ulla omnino fœmina cohabitent.* — Non enim potest Episcopus contra jus commune valide decernere : sed, ut modo vidimus, vi juris communis facultatem habent clerici

cum supra enumeratis fœminis cohabitandi; ergo hæc facultate ab Episcopo privari non possunt. Hinc omnino errasse existimat Benedictus XIV quosdam Episcopos, qui clericis veterant, « ne cum ulla prorsus fœmina, licet arctissimo sibi « consanguinitatis nexu obstricta, cohabitarent » (*de Synodo diœces.*, l. 11, c. 4, n. 7); atque ibidem n. 4 generatim cavendum præmonet, « ne, obtentu renovandi pristinos Eccle- « siæ canones, quidquam in synodo statuatur, quod contra- « rium sit posterioribus legibus, quibus antiquæ disciplinæ « rigor nonnullis in rebus expresse mitigatus disgnoscur. »

PROPOSITIO VIII^a. — *Valeret tamen Episcopi constitutio, qua clericis cohabitationem prohiberet cum quibilibet fœminis, nisi ipse prius earum qualitates examinasset, et abesse periculum atque scandalum comperisset.* — Ita tenet Benedictus XIV, citato loco. Et facile probari potest : nam talis constitutio, esset quidem præter jus commune; at nequaquam contra : siquidem hæc dispositione non impediret Episcopus cohabitationem in iis casibus, in quibus de jure communi licita est; sed dumtaxat explendam antea formalitatem injungeret. « Hoc « quippe (ait Benedictus XIV) aliud non esset quam sibi de- « cernendum reservare, num hæc vel illa fœmina eadat in cen- « suram, an potius in limitationem regulæ Nicæuæ, ab Inno- « centio III innovatæ. » Imo sanctus Carolus Borromæus (in concilio Mediolanensi 1, parte 2; *Actorum Mediol. eccl.*, parte 1, pag. 19), ita decrevit : ... *Fœminas quascunque, etiam quovis sanguinis, cognationis aut affinitatis vinculo eis conjunctas habitare prohibemus, nisi Episcopus in alicujus urgenti necessitate aliter faciendum esse duxerit, cujus conscientiam in hoc valde oneramus.*

CAPUT XIV.

OFFICIUM PAROCHI QUOAD TEMPORALEM PAROCHIE
ADMINISTRATIONEM.

Quæstionem illam tribus paragraphis expediemus: 1° nempe tanquam principium omnino in hac materia attendendum revocabimus, bonorum ecclesiasticorum administrationem nequaquam sæcularis potestatis jurisdictioni subiacere; sed totam esse penes potestatem ecclesiasticam; 2° exquiremus quasnam partes in administranda re temporali parochiæ suæ jus canonicum parocho tribuerit; 3° expendemus an, et quomodo laicis viris, matriculariis (marguilliers) aliove nomine nuncupatis, temporalis parochiæ administratio legitime committi possit.

§ I.

Bonorum ecclesiasticorum administratio sæcularis potestatis jurisdictioni nullatenus subiacet.

Certam atque omnino tenendam esse hanc conclusionem quamplurimis atque invecitissimis auctoritatibus firmare solent doctores catholici; inter quos sic Fagnanus (in caput *Ecclesia sanctæ Mariæ, de Constitut.*, n. 15): « Bona ecclesiarum » et clericorum esse et ipsa exempta a jurisdictione principis » sæcularis, magna Patrum consensione, et vehementi in laicos sibi in illa jus aliquod vindicantes increpatione, declaratum est in synodo Romana III, capite 1 (relato in capite » *Bene quidem*, 96 distinct.); et in synodo Romana VI (cujus » decretum refertur in capite *In canonibus*, 16, q. 1); in concilio » generali sub Innocentio III, capite 44 (relato in capite *Cum » laicis, de Rebus ecclesiæ non alien.*); de quo etiam est textus

« apertus hic (1). Et hanc quoque exemptionem esse de jure
 « divino constat evidenter ex dicto capite *Quamquam, de Cen-*
sibus, libro 1, ibi : *Cum igitur ecclesiæ, ecclesiasticæque per-*
sonæ, ac res ipsarum, non solum jure humano, quin imo et di-
vino a sæcularium exactionibus sint immunes. Ad idem textus
 « irrefragabilis in capite *Non minus, de immunitatibus eccles...*
 « Et dicit eam esse communem et veram sententiam eanoni-
 « starum Gregorius de Valentia. » Adducit postea Faguauus
 plures alios doctores eam doctrinam propugnantes ; inter
 quos Bellarminum (*Controversiæ*, tom. 2, libri 1, c. 28, in 4^a
 et 5^a propositione) : tum sic proseguitur : « Quamobrem
 « cum tam ecclesiæ quam personæ ecclesiasticæ, et earum
 « bona sint prorsus exempta a sæculari jurisdictione, necessa-
 « rio hinc sequitur, ut princeps sæcularis nullam sibi autho-
 « ritatem aut jurisdictionem in ecclesias, personas et bona hu-
 « jusmodi possit vindicare ; ut de his omnibus est textus
 « hic (2), in dicto capite *Cum laicis*, et in capite *Inter hæc*, 33,
 « q. 2 ; ubi dicitur, *sanctam Dei Ecclesiam nunquam humanis*
 « *legibus constringi* ; et clamant passim interpretes omnes in
 « locis supra citatis. Unde etiam infertur, ut omnes leges quæ
 « habentur in titulis codicis (*nempe Justiniani*) *de sacrosanctis*
 « *ecclesiis, de Episcopis et clericis*, et in authentica *de sanctissi-*
 « *mis Episcopis*, cum similibus, non valeant ex defectu pote-
 « statis ; cum de ecclesiis, de personis ecclesiasticis et earum
 « bonis specialiter loquantur... Hinc etiam fit ut nulla ratio
 « habenda sit solemnitatis ab imperatore introductæ in alic-
 « natione honorum ecclesiæ... Ejusmodi autem legibus sacri
 « canones vehementer resistunt ; ita ut earum conditores
 « etiam sententiæ excommunicationis subijciant. »

Citatis auctoritatibus adde, a Tridentina synodo (sess. 22, cap. 11) anathemati eum subjici, qui alicujus ecclesiæ bona, census, jura, emolumenta fructusve usurpare præsumperit,

(1) Nempe in capite *Ecclesia S. Maris, de Constitutionibus*.

(2) Nempe in eodem capite *Ecclesia, de Constitut.*

seu impedire ne ab iis ad quos jure pertinent percipiantur; quacumque is dignitate, etiam imperiali aut regali præfulgeat.

Etsi autem certa sit et omnino tenenda communis hæc doctorum sententia, non tamen ex ea sequitur non posse, ex concessione Sedis Apostolicæ, juris aliquid in administrandis bonis ecclesiasticis sæculari potestati competere: Cum nempe Romanus Pontifex supremus sit ejusmodi bouorum administrator, si conventionem aliqua seu concordato cum sæculari principe, certam ei hac in re jurisdictionem attribuat, dubium non est quin, intra conventionis limites, de bonis etiam et rebus ecclesiasticis legitime jus dicat sæcularis potestas; cujus ordinationibus tunc, ut pote ex illo ecclesiasticæ potestatis placito vim haurientibus, standum proculdubio erit.

§ II.

Quodnam sit, ex jure ecclesiastico, parochi jus et officium, quoad temporalem parochiæ suæ administrationem.

1° Debet parochus inventarium facere rerum, bouorum et reddituum ad ecclesiam pertinentium, sive immobilium, sive mobilium; atque hujusce inventarii unum exemplum Episcopo tradere, in archivio episcopali asservandum; alterum propria manu subscriptum inter ecclesiæ libros seu scripturas retinere. De quo vide disposita in bulla sancti Pii V *Cum primum*, calendis aprilis 1566; in bulla Sixti V *Provida*, 29 aprilis 1587; et in instructione Benedicti XIII in appendice concilii romani, anni 1725, n. 10.

2° « Parochus nullatenus distrahere potest aliove transferre
« istiusmodi bona, aut res ad ecclesiam pertinentes, sine ob-
« tenta ab Ordinario licentia; quam ille non aliter concedere
« debet, quam si alias res meliores, aut saltem æquales in
« locum amoveendarum parochus reipsa substituat; nisi forte
« justa aliqua necessitas secus suadeat, quod Episcopi pruden-
« tiæ statuendum relinquitur. Ita fere ad verbum Pius V... »
(Leurenus, *Forum beneficiale*, parte 1, q. 446.)

3° « Sub excommunicationis aliisque gravissimis pœnis
 « constitutum est iu extravaganti *Ambitiosæ, de Rebus ecclesiæ*
 « *non alienandis*, ne absque auctoritate Apostolica ullo pacto
 « bona immobilia ultra triennium locentur, aut alia ratione
 « alienentur. » (Barbosa, *de Officio parochi*, cap. 13, n. 40.) Et
 addit citatus auctor : « Nomine alienationis intelligo omnem
 « actum, quo dominium rei directum, vel utile, aut usus
 « fructus, aut jus, in alterum transfertur, vel abdicatur. »

4° In alienatione rerum tenuiorum, licet immobilium, non
 requiritur autoritas Apostolica, sed sufficit (sicut pro mobi-
 libus) licentia Ordinarii, non tamen vicarii generalis. Et te-
 nuia existimantur quæ non excedunt 25 scutatorum valorem.
 (Barbosa, cum *Additamentis* Giraldis, *de Officio parochi*, loco
 citato, n. 42.)

5° Nequit parochus bona ecclesiæ locare cum anticipatis
 solutionibus. Id siquidem prohibuit Tridentina synodus (ses-
 sion. 24, c. 11).

6° Exceptis autem ejusmodi juris dispositionibus, quæ jus
 administrandi iu parcho limitant, generatim dicendum est
 parochum esse administratorem natum rei temporalis paro-
 chiæ suæ. Unde exceptis prohibitis casibus, ad ipsum spectat
 contractus quoad res ecclesiæ suæ temporales facere, in judi-
 cio stare pro tuendis ejusdem ecclesiæ juribus, et uno verbo
 personam administratoris agere.

7° Atvero, cum simul et magis uniuscujusque parochialis
 ecclesiæ bona Episcopi curæ commissa sint, jus administran-
 di parochi remanet semper et in omnibus auctoritati Ordini-
 arii subordinatum. Ita ut teneatur parochus administrationis
 suæ temporalis rationem, et tempore visitationis, et extra
 illud tempus, si Episcopo visum fuerit, ei, aut alteri ab ipso
 deputato, reddere.

Item liberum semper remanet Episcopo quas opportunas
 existimaverit regulas in ejusmodi temporali administratione
 exerceenda parcho præscribere; atque eas tenebitur parochus
 accurate servare, modo alias Apostolicis constitutionibus seu

universalibus Ecclesiæ legibus non adversentur. Hanc parochi ab Episcopo dependentiam jura omnino supponunt, cum nulli cautum sit posse parochum quidquam quoad hoc agere, renitente aut aliter disponente Episcopo.

Et sic patet quomodo parochiæ temporalis administratio et a Sede Apostolica, et ab Episcopo et a parocho, pro actuum administrativorum varietate dependeat : nullatenus autem a sæculari potestate.

§ III.

An et quomodo laicis viris, qui matricularii (marguilliers) aliove nomine dicuntur, temporalis parochiæ administratio legitime committi possit.

Laicis viris committi posse temporalem ejusmodi administrationem, dummodo ab ecclesiastica auctoritate deputentur, eidemque rationem reddere debeant, atque ab eadem revocari valeant, nequaquam sacris canonibus adversatur. Etenim hoc modo constituti matricularii, non ex jure proprio, aut a sæculari potestate accepto administrant (quod tanquam attentatum semper Ecclesia reprobavit), sed dumtaxat ex sibi facto ab ecclesiastica potestate procuratorio mandato. Quo sensu non magis repugnat in matricularios, seu ad temporalem parochiæ administrationem, adhiberi laicos, quam ad æditui, advocati, similisve muneris explendum officium. Atque id omnino supponit et certum facit Tridentina synodus, dum sessionis 22 capite 9 sic decernit : *Administratores, tam ecclesiastici quam laici, fabricæ cujusvis ecclesiæ, etiam cathedralis, hospitalis, confraternitatis, elemosynæ montis pietatis, et quorumcumque piorum locorum, singulis annis teneantur reddere rationem administrationis Ordinario...; nisi secus forte in institutione et ordinatione talis ecclesiæ seu fabricæ expresse cautum esset. Quod si..., ex constitutione aliqua loci, aliis ad id deputatis ratio reddenda esset, tunc cum iis adhibeatur etiam Ordinarius; et aliter factæ liberationes dictis administratoribus minime suffragentur.*

Item sessione 24, capite 3, dum eadem synodus patronis laicis vetat ne sese *visitationi ornamentorum ecclesiæ, aut bonorum stabilium, seu fabricarum proventibus immisceant*, hanc addit limitationem, *nisi quatenus id eis ex institutione ac fundatione competat*. Ut autem id juris ex institutione seu fundatione ipsis competat, necessarius est ecclesiasticæ potestatis assensus. Unde sicut certum est posse administrationem fabricæ penes laicos esse, ita certum est id eis non competere, nisi dependenter ab auctoritate ecclesiastica, et eo gradu et modo quem eadem auctoritas concesserit.

Dicto autem sensu intellecta matriculariorum institutio, sicut sacris canonibus consona, ita et parochiis valde utilis esse potest. Cum enim apud populum facile spargi possint sinistræ suspiciones, ne forte parochus ea, quæ reficiendæ fabricæ et augendæ sacræ suppellectili addicenda sunt, in proprios usus convertat, aliove modo ecclesiæ parochialis bona dilapidet, nil aptum magis ad arcendam ejusmodi odiositatem, quam deputari nonnullos civitatis præcipuos cives, qui simul cum parcho de his omnibus deliberent atque decernant. Atque iusuper, dum ad solvendum adigendi sunt ii, qui ex aliquo titulo ecclesiæ parochiali debitores sunt, nemo non videt quam expediat id, non a parcho ipso immediate fieri, sed a deputato illo laicorum virorum cœtu. Immo fuisse matricularios, seu laicos rei temporalis parochiarum administratores, hunc in scopum initio introductos, non immerito suspicatur Thomassinus : « Il se pourrait bien faire, inquit, « que les laïques eussent été admis à l'administration de la « fabrique, afin d'être chargés de cette exaction de deniers, « qui leur sied mieux qu'à des ecclésiastiques. » (*Discipline de l'Église*, partie 3, chap. 36, n. 6.)

Incasum autem laboravit citatus auctor ut aliquod in antiquitate vestigium reperiret, administratæ rei temporalis ecclesiarum a viris laicis, sæcularis potestatis vi et nomine. Cum tamen suo tempore videret in Gallia hanc matriculariorum institutionem, totamque ecclesiarum temporalem admi-

nistrationem, non jam Ecclesiæ, sed principis jurisdictioni et legibus subijci, postulat edoceri se, quomodo et quando hæc mutatio intervenerit : « Quand et comment ces marguilliers « sont devenus ce que nous les voyous présentement dans « nos églises de France, c'est un détail que je voudrais ap- « prendre de quelqu'un plus habile que moi dans ces sortes « de recherches. » (Loco citato, n. 3.) Absque tanta cruditionis copia dici posse videtur, evenisse hanc immutationem in Gallia, quando hæc in re, sicut in tot aliis, Ecclesiæ propriam jurisdictionem sæcularis potestas invasit.

CAPUT XV.

QUOMODO HODIE IN GALLIA REGULETUR TEMPORALIS PAROCHiarum ADMINISTRATIO; ET QUÆNAM IN EA SINT PAROCHI PARTES.

Superiori capite jus commune quoad temporalem ecclesiarum parochialium administrationem descripsimus. Hic vero ejusdem administrationis normam, prout hodie in Galliis constituta reperitur, exponemus. Fuit autem tota hæc res in Galliis a potestate sæculari ordinata; nec de ea in concordato anni 1801 quidquam occurrit ex Sedis Apostolicæ assensu determinatum. Cum tamen ejusmodi sæcularis potestatis ordinationibus sese aptare cogantur Galliarum parochi, pro ipsorum commodo, earum præcipuas hic subjiciendas duximus.

§ I.

Decretum Napoléonis diei 30 decembris 1809, quod fabricas.

CHAPITRE 1^{er}.*De l'administration des fabriques.*

ART. 1^{er}. Les fabriques dont l'article 76 de la loi du 18 germinal an 10 a ordonné l'établissement, sont chargées de veiller à l'entretien et à la

conservation des temples; d'administrer les aumônes et les biens, rentes et perceptions autorisées par les lois et règlements, les sommes supplémentaires fournies par les communes, et généralement tous les fonds qui sont affectés à l'exercice du culte; enfin, d'assurer cet exercice et le maintien de sa dignité, dans les églises auxquelles elles sont attachées, soit en réglant les dépenses qui y sont nécessaires, soit en assurant les moyens d'y pourvoir.

ART. 2. Chaque fabrique sera composée d'un conseil, et d'un bureau de marguilliers.

SECTION 1^{re}.

Du conseil.

§ 1^{er}. — De la composition du conseil.

ART. 3. Dans les paroisses où la population sera de cinq mille âmes ou au dessus, le conseil sera composé de neuf conseillers de fabrique; dans toutes les autres paroisses, il devra l'être de cinq : ils seront pris parmi les notables; ils devront être catholiques et domiciliés dans la paroisse.

ART. 4. De plus seront de droit membres du conseil :

1^o Le curé ou desservant, qui y aura la première place, et pourra s'y faire remplacer par un de ses vicaires;

2^o Le maire de la commune du chef-lieu de la cure ou succursale; il pourra s'y faire remplacer par l'un de ses adjoints : si le maire n'est pas catholique, il devra se substituer un adjoint qui le soit, ou, à défaut, un membre du conseil municipal catholique. Le maire sera placé à la gauche, et le curé ou desservant à la droite du président.

ART. 5. Dans les villes où il y aura plusieurs paroisses ou succursales, le maire sera de droit membre du conseil de chaque fabrique; il pourra s'y faire remplacer comme il est dit dans l'article précédent.

ART. 6. Dans les paroisses ou succursales dans lesquelles le conseil de fabrique sera composé de neuf membres, non compris les membres de droit, cinq des conseillers seront, pour la première fois, à la nomination de l'Évêque, et quatre à celle du préfet : dans celles où il ne sera composé que de cinq membres, l'Évêque en nommera trois, et le préfet deux. Ils entreront en fonctions le premier dimanche du mois d'avril prochain.

ART. 7. Le conseil de fabrique se renouvellera partiellement tous les trois ans, savoir, à l'expiration des trois premières années dans les paroisses où il est composé de neuf membres, sans y comprendre les mem-

bres de droit, par la sortie de cinq membres qui, pour la première fois, seront désignés par le sort, et des quatre plus anciens après les six ans révolus; pour les fabriques dont le conseil est composé de cinq membres, non compris les membres de droit, par la sortie de trois membres désignés par la voie du sort, après les trois premières années, et des deux autres après les six ans révolus. Dans la suite, ce seront toujours les plus anciens en exercice qui devront sortir.

ART. 8. Les conseillers qui devront remplacer les membres sortants seront élus par les membres restants.

Lorsque le remplacement ne sera pas fait à l'époque fixée, l'Évêque ordonnera qu'il y soit procédé dans le délai d'un mois; passé lequel délai, il y nommera lui-même, et pour cette fois seulement.

Les membres sortants pourront être réélus.

ART. 9. Le conseil nommera au scrutin son secrétaire et son président : il seront renouvelés le premier dimanche d'avril de chaque année, et pourront être réélus. Le président aura, en cas de partage, voix prépondérante.

Le conseil ne pourra délibérer que lorsqu'il y aura plus de la moitié des membres présents à l'assemblée; et tous les membres présents signeront la délibération, qui sera arrêtée à la pluralité des voix.

§ II. — Des séances du conseil.

ART. 10. Le conseil s'assemblera le premier dimanche des mois d'avril, de juillet, d'octobre et de janvier, à l'issue de la grand'messe ou des vêpres, dans l'église, dans un lieu attenant à l'église ou dans le presbytère.

L'avertissement de chacune de ses séances sera publié le dimanche précédent au prône de la grand'messe.

Le conseil pourra de plus s'assembler extraordinairement, sur l'autorisation de l'Évêque ou du préfet, lorsque l'urgence des affaires ou de quelques dépenses imprévues l'exigera.

§ III. — Des fonctions du conseil.

ART. 11. Aussitôt que le conseil aura été formé, il choisira au scrutin, parmi ses membres, ceux qui, comme marguilliers, entront dans la composition du bureau; et, à l'avenir, dans celle de ses sessions qui répondra à l'expiration du temps fixé par le présent règlement pour l'exercice des fonctions de marguilliers, il fera également, au scrutin, élection de celui de ses membres qui remplacera le marguillier sortant.

ART. 12. Seront soumis à la délibération du conseil :

- 1° Le budget de la fabrique ;
- 2° Le compte annuel de son trésorier ;
- 3° L'emploi des fonds excédant les dépenses, du montant des legs et donations, et le emploi des capitaux remboursés ;
- 4° Toutes les dépenses extraordinaires au delà de cinquante francs dans les paroisses au-dessous de mille âmes, et de cent francs dans les paroisses d'une plus grande population ;
- 5° Les procès à entreprendre ou à soutenir, les baux emphytéotiques ou à longues années, les aliénations ou échanges, et généralement tous les objets excédant les bornes de l'administration ordinaire des biens des mineurs.

SECTION II.

Du bureau des marguilliers.

§ 1^{er}. — De la composition du bureau des marguilliers.

ART. 13. Le bureau des marguilliers se composera :

1° Du curé ou desservant de la paroisse ou succursale, qui en sera membre perpétuel et de droit ;

2° De trois membres du conseil de fabrique.

Le curé ou desservant aura la première place, et pourra se faire remplacer par un de ses vicaires.

ART. 14. Ne pourront être en même temps membres du bureau les parents ou alliés, jusques et compris le degré d'oncle et de neveu.

ART. 15. Au premier dimanche d'avril de chaque année, l'un des marguilliers cessera d'être membre du bureau, et sera remplacé.

ART. 16. Des trois marguilliers qui seront pour la première fois nommés par le conseil, deux sortiront successivement par la voie du sort, à la fin de la première et de la seconde année, et le troisième sortira de droit la troisième année révolue.

ART. 17. Dans la suite, ce seront toujours les marguilliers les plus anciens en exercice qui devront sortir.

ART. 18. Lorsque l'élection ne sera pas faite à l'époque fixée, il y sera pourvu par l'Évêque.

ART. 19. Ils nommeront entre eux un président, un secrétaire et un trésorier.

ART. 20. Les membres du bureau ne pourront délibérer s'ils ne sont au nombre de trois.

En cas de partage, le président aura voix prépondérante.

Toutes les délibérations seront signées par les membres présents.

ART. 21. Dans les paroisses où il y avait ordinairement des marguilliers d'honneur, il pourra en être choisi deux par le conseil parmi les principaux fonctionnaires publics domiciliés dans la paroisse. Ces marguilliers, et tous les membres du conseil, auront une place distinguée dans l'église; ce sera *le banc de l'œuvre* : il sera placé devant la chaire autant que faire se pourra. Le curé ou desservant aura, dans ce banc, la première place, toutes les fois qu'il s'y trouvera pendant la prédication.

§ II. — Des séances du bureau des marguilliers.

ART. 22. Le bureau s'assemblera tous les mois, à l'issue de la messe paroissiale, au lieu indiqué pour la tenue des séances du conseil.

ART. 23. Dans les cas extraordinaires, le bureau sera convoqué, soit d'office par le président, soit sur la demande du curé ou desservant.

§ III. — Fonctions du bureau.

ART. 24. Le bureau des marguilliers dressera le budget de la fabrique, et préparera les affaires qui doivent être portées au conseil : il sera chargé de l'exécution des délibérations du conseil, et de l'administration journalière du temporel de la paroisse.

ART. 25. Le trésorier est chargé de procurer la rentrée de toutes les sommes dues à la fabrique, soit comme faisant partie de son revenu annuel, soit à tout autre titre.

ART. 26. Les marguilliers sont chargés de veiller à ce que toutes fondations soient fidèlement acquittées et exécutées suivant l'intention des fondateurs, sans que les sommes puissent être employées à d'autres charges.

Un extrait du sommier des titres contenant les fondations qui doivent être desservies pendant le cours d'un trimestre, sera affiché dans la sacristie, au commencement de chaque trimestre, avec les noms du fondateur et l'ecclésiastique qui acquittera chaque fondation.

Il sera aussi rendu compte à la fin de chaque trimestre, par le curé ou desservant, au bureau des marguilliers, des fondations acquittées pendant le cours du trimestre.

ART. 27. Les marguilliers fourniront l'huile, le pain, le vin, l'encens, la cire, et généralement tous les objets de consommation nécessaires à l'exercice du culte ; ils pourvoiront également aux réparations et achats des ornements, meubles et ustensiles de l'église et de la sacristie.

ART. 28. Tous les marchés seront arrêtés par le bureau des marguilliers, et signés par le président, ainsi que les mandats.

ART. 29. Le curé ou desservant se conformera aux règlements de l'Évêque pour tout ce qui concerne le service divin, les prières et les instructions, et l'acquittement des charges pieuses imposées par les bienfaiteurs, sauf les réductions qui seraient faites par l'Évêque, conformément aux règles canoniques, lorsque le défaut de proportion des libéralités et des charges qui en sont la condition l'exigera.

ART. 30. Le curé ou desservant agréera les prêtres habitués, et leur assignera leurs fonctions.

Dans les paroisses où il en sera établi, il désignera le sacristain-prêtre, le chantre-prêtre et les enfants de chœur.

Le placement des bancs ou chaises dans l'église ne pourra être fait que du consentement du curé ou desservant, sauf le recours à l'Évêque.

ART. 31. Les annuels auxquels les fondateurs ont attaché des honoraires, et généralement tous les annuels emportant une rétribution quelconque, seront donnés de préférence aux vicaires, et ne pourront être acquittés qu'à leur défaut par les prêtres habitués ou autres ecclésiastiques, à moins qu'il n'en ait été autrement ordonné par les fondateurs.

ART. 32. Les prédicateurs seront nommés par les marguilliers, à la pluralité des suffrages, sur la présentation faite par le curé ou desservant, et à la charge par lesdits prédicateurs d'obtenir l'autorisation de l'Ordinaire.

ART. 33. La nomination et la révocation de l'organiste, des sonneurs, des bedeaux, suisses ou autres serviteurs de l'église, appartiennent aux marguilliers, sur la proposition du curé ou desservant.

ART. 34. Sera tenu le trésorier de présenter, tous les trois mois, au bureau des marguilliers, un bordereau signé de lui et certifié véritable, de la situation active et passive de la fabrique pendant les trois mois précédents : ces bordereaux seront signés de ceux qui auront assisté à l'assemblée, et déposés dans la caisse ou armoire de la fabrique, pour être représentés lors de la reddition du compte annuel.

Le bureau déterminera, dans la même séance, la somme nécessaire pour les dépenses du trimestre suivant.

ART. 35. Toute la dépense de l'église et les frais de sacristie seront faits par le trésorier ; et en conséquence il ne sera rien fourni par aucun marchand ou artisan sans un mandat du trésorier, au pied duquel le sacristain, ou toute autre personne apte à recevoir la livraison, certifiera que le contenu audit mandat a été rempli.

CHAPITRE II.

*Des revenus, des charges, du budget de la fabrique.*SECTION I^{re}.*Des revenus de la fabrique.*

ART. 36. Les revenus de chaque fabrique se forment :

1^o Du produit des biens et rentes restitués aux fabriques, des biens des confréries, et généralement de ceux qui auraient été affectés aux fabriques par nos divers décrets ;

2^o Du produit des biens, rentes et fondations, qu'elles ont été ou pourront être par nous autorisées à accepter ;

3^o Du produit des biens et rentes celés au domaine, dont nous les avons autorisées, ou dont nous les autoriserions à se mettre en possession ;

4^o Du produit spontané des terrains servant de cimetières ;

5^o Du prix de la location des chaises ;

6^o De la concession des bancs placés dans l'église ;

7^o Des quêtes faites pour les frais du culte ;

8^o De ce qui sera trouvé dans les troncés placés pour le même objet ;

9^o Des oblations faites à la fabrique ;

10^o Des droits que, suivant les règlements épiscopaux approuvés par nous, les fabriques perçoivent, et de celui qui leur revient sur les produits des frais d'inhumation ;

11^o Du supplément donné par la commune, le cas échéant.

SECTION II.

Des charges de la fabrique.§ 1^{er}. — Des charges en général.

ART. 37. Les charges de la fabrique sont :

1^o De fournir aux frais nécessaires du culte ; savoir, les ornements, les vases sacrés, le linge, le luminaire, le pain, le vin, l'encens, le payement des vicaires, des sacristains, chantres, organistes, sonneurs, suisses, bedeaux et autres employés au service de l'église, selon la convenance et les besoins des lieux ;

2° De payer l'honoraire des prédicateurs de l'Avent, du Carême et autres solennités ;

3° De pourvoir à la décoration et aux dépenses relatives à l'embellissement intérieur de l'église ;

4° De veiller à l'entretien des églises, presbytères et cimetières ; et, en cas d'insuffisance des revenus de la fabrique, de faire toutes diligences nécessaires pour qu'il soit pourvu aux réparations et reconstructions, ainsi que le tout est réglé au paragraphe III.

§ II. — De l'établissement et du payement des vicaires.

ART. 38. Le nombre de prêtres et de vicaires habitués à chaque église sera fixé par l'Évêque, après que les marguilliers en auront délibéré, et que le conseil municipal de la commune aura donné son avis.

ART. 39. Si, dans le cas de la nécessité d'un vicaire, reconnue par l'Évêque, la fabrique n'est pas en état de payer le traitement, la décision épiscopale devra être adressée au préfet ; et il sera procédé ainsi qu'il est expliqué à l'article 49, concernant les autres dépenses de la célébration du culte, pour lesquelles les communes suppléent à l'insuffisance de revenus des fabriques.

ART. 40. Le traitement des vicaires sera de 500 fr. au plus, et de 300 fr. au moins.

§ III. — Des réparations

ART. 41. Les marguilliers et spécialement le trésorier seront tenus de veiller à ce que toutes les réparations soient bien et promptement faites. Ils auront soin de visiter les bâtiments avec des gens de l'art, au commencement du printemps et de l'automne.

Ils pourvoient sur-le-champ, et par économie, aux réparations locatives ou autres qui n'excéderont pas la proportion indiquée en l'article 12, et sans préjudice toutefois des dépenses réglées pour le culte.

ART. 42. Lorsque les réparations excéderont la somme ci-dessus indiquée, le bureau sera tenu d'en faire rapport au conseil, qui pourra ordonner toutes les réparations qui ne s'élèveraient pas à plus de 100 francs dans les communes au-dessous de mille âmes, et de 200 francs dans celles d'une plus grande population.

Néanmoins ledit conseil ne pourra, même sur le revenu libre de la fabrique, ordonner les réparations qui excéderaient la quotité ci-dessus énoncée, qu'en chargeant le bureau de faire dresser un devis estimatif, et de procéder à l'adjudication au rabais ou par soumission, après trois affiches renouvelées de huitaine en huitaine.

ART. 43. Si la dépense ordinaire, arrêtée par le budget, ne laisse pas de fonds disponibles, ou n'en laisse pas de suffisants pour les réparations, le bureau en fera son rapport au conseil, et celui-ci prendra une délibération tendant à ce qu'il y soit pourvu dans les formes prescrites au chapitre IV du présent règlement : cette délibération sera envoyée par le président au préfet.

ART. 44. Lors de la prise de possession de chaque curé ou desservant, il sera dressé, aux frais de la commune, et à la diligence du maire, un état de situation du presbytère et de ses dépendances. Le curé ou desservant ne sera tenu que des simples réparations locatives, et des dégradations survenues par sa faute. Le curé ou desservant sortant, ou ses héritiers ou ayants cause, seront tenus desdites réparations locatives et dégradations.

SECTION III.

Du budget de la fabrique

ART. 45. Il sera présenté chaque année au bureau, par le curé ou desservant, un état par aperçu des dépenses nécessaires à l'exercice du culte, soit pour les objets de consommation, soit pour réparations et entretien d'ornements, meubles et ustensiles d'église.

Cet état, après avoir été, article par article, approuvé par le bureau, sera porté en bloc, sous la désignation de *dépenses intérieures*, dans le projet du budget général : le détail de ces dépenses sera annexé audit projet.

ART. 46. Ce budget établira la recette et la dépense de l'église. Les articles de dépenses seront classés dans l'ordre suivant :

- 1° Les frais ordinaires de la célébration du culte ;
- 2° Les frais de réparation des ornements, meubles et ustensiles d'église ;
- 3° Les gages des officiers et serviteurs de l'église ;
- 4° Les frais de réparations locatives.

La portion des revenus qui restera après cette dépense acquittée servira au traitement des vicaires légitimement établis, et l'excédant, s'il y en a, sera affecté aux grosses réparations des édifices affectés au service du culte.

ART. 47. Le budget sera soumis au conseil de la fabrique dans la séance du mois d'avril de chaque année ; il sera envoyé, avec l'état des dépenses de la célébration du culte, à l'Évêque diocésain, pour avoir sur le tout son approbation.

ART. 48. Dans le cas où les revenus de la fabrique couvriraient les dé-

penses portées au budget, le budget pourra, sans autres formalités, recevoir sa pleine et entière exécution.

ART. 49. Si les revenus sont insuffisants pour acquies, soit les frais indispensables du culte, soit les dépenses nécessaires pour le maintien de sa dignité, soit les gages des officiers et des serviteurs de l'église, soit les réparations des bâtimens, ou pour fournir à la subsistance de ceux des ministres que l'État ne salarie pas, le budget contiendra l'aperçu des fonds qui devront être demandés aux paroissiens pour y pourvoir, ainsi qu'il est réglé dans le chapitre IV.

CHAPITRE III.

SECTION PREMIÈRE.

De la régie des biens de la fabrique.

ART. 50. Chaque fabrique aura une caisse ou armoire fermant à trois clefs, dont une restera dans les mains du trésorier, l'autre dans celles du curé ou desservant, et la troisième dans celles du président du bureau.

ART. 51. Seront déposés dans cette caisse tous les deniers appartenant à la fabrique, ainsi que les clefs des tronc des églises.

ART. 52. Nulle somme ne pourra être extraite de la caisse sans autorisation du bureau, et sans un récépissé qui y restera déposé.

ART. 53. Si le trésorier n'a pas dans les mains la somme fixée à chaque trimestre, par le bureau, pour la dépense courante, ce qui manquera sera extrait de la caisse; comme aussi ce qu'il se trouverait avoir d'excédant sera versé dans cette caisse.

ART. 54. Seront aussi déposés dans une caisse ou armoire les papiers titres et documents concernant les revenus et affaires de la fabrique, et notamment les comptes avec les pièces justificatives, les registres de délibérations, autres que le registre courant, le sommier des titres et les inventaires ou récolements dont il est mention aux deux articles qui suivent.

ART. 55. Il sera fait incessamment, et sans frais, deux inventaires : l'un, des ornemens, linges, vases sacrés, argenterie, ustensiles, et en général de tout le mobilier de l'église; l'autre, des titres, papiers et renseignements, avec mention des biens contenus dans chaque titre, du revenu qu'ils produisent, de la fondation à la charge de laquelle les biens ont été donnés à la fabrique. Un double inventaire du mobilier sera remis au curé ou desservant.

Il sera fait, tous les ans, un récolement desdits inventaires, afin d'y porter les additions, réformes ou autres changements; ces inventaires et récolements seront signés par le curé ou desservant, et par le président du bureau.

ART. 56. Le secrétaire du bureau transcrira, par suite de numéros et par ordre de dates, sur un registre-sommier :

- 1° Les actes de fondation, et généralement tous les titres de propriété;
- 2° Les baux à ferme ou loyer.

La transcription sera entre deux marges, qui serviront pour y porter, dans l'une les revenus, et dans l'autre les charges.

Chaque pièce sera signée et certifiée conforme à l'original par le curé ou desservant et par le président du bureau.

ART. 57. Nul titre ni pièce ne pourra être extrait de la caisse sans un récépissé qui fera mention de la pièce retirée, de la délibération du bureau par laquelle cette extraction aura été autorisée, de la qualité de celui qui s'en chargera et signera le récépissé, de la raison pour laquelle elle aura été tirée de la caisse ou armoire, et, si c'est pour un procès, le tribunal et le nom de l'avoué seront désignés.

Ce récépissé, ainsi que la décharge au temps de la remise, seront inscrits sur le sommier ou registre des titres.

ART. 58. Tout notaire devant lequel il aura été passé un acte contenant donation entre-vifs ou disposition testamentaire au profit d'une fabrique sera tenu d'en donner avis au curé ou desservant.

ART. 59. Tout acte contenant des dons ou legs à une fabrique sera remis au trésorier, qui en fera son rapport à la prochaine séance du bureau. Cet acte sera ensuite adressé par le trésorier, avec les observations du bureau, à l'Archevêque ou Evêque diocésain, pour que celui-ci donne sa délibération s'il convient ou non d'accepter.

Le tout sera envoyé au ministre des cultes, sur le rapport duquel la fabrique sera, s'il y a lieu, autorisée à accepter. L'acte d'acceptation, dans lequel il sera fait mention de l'autorisation, sera signé par le trésorier, au nom de la fabrique.

ART. 60. Les maisons et biens ruraux appartenant à la fabrique seront affermés, régis et administrés par le bureau des marguilliers, dans la forme déterminée pour les biens communaux.

ART. 61. Aucun des membres du bureau des marguilliers ne peut se porter, soit pour adjudicataire, soit même pour associé de l'adjudicataire des ventes, marchés de réparations, constructions, reconstructions, ou baux des biens de la fabrique.

ART. 62. Ne pourront les biens immeubles de l'église être vendus, aliénés, échangés, ni même loués pour un terme plus long que neuf ans,

sans une délibération du conseil, l'avis de l'Évêque diocésain et notre autorisation.

ART. 63. Les deniers provenant de donations ou legs, dont l'emploi ne sera pas déterminé par la fondation, les remboursements de rentes, le prix de ventes ou soultes d'échanges, les revenus excédant l'acquit des charges ordinaires, seront employés dans les formes déterminées par l'avis du conseil d'État, approuvé par nous le 21 décembre 1808.

Dans le cas où la somme serait insuffisante, elle restera en caisse, si on prévoit que dans les six mois suivants il rentrera des fonds disponibles, afin de compléter la somme nécessaire pour cette espèce d'emploi ; sinon, le conseil délibérera sur l'emploi à faire, et le préfet ordonnera celui qui paraîtra le plus avantageux.

ART. 64. Le prix des chaises sera réglé, pour les différents offices, par délibération du bureau, approuvée par le conseil ; cette délibération sera affichée dans l'église.

ART. 65. Il est expressément défendu de rien percevoir pour l'entrée de l'église, ni de percevoir dans l'église plus que le prix des chaises, sous quelque prétexte que ce soit.

Il sera même réservé dans toutes les églises une place, où les fidèles qui ne louent pas de chaises ni de bancs puissent commodément assister au service divin et entendre les instructions.

ART. 66. Le bureau des marguilliers pourra être autorisé par le conseil, soit à régir la location des bancs et chaises, soit à la mettre en ferme.

ART. 67. Quand la location des chaises sera mise en ferme, l'adjudication aura lieu après trois affiches, de huitaine en huitaine ; les enchères seront reçues au bureau de la fabrique par soumission, et l'adjudication sera faite au plus offrant, en présence des marguilliers ; de tout quoi il sera fait mention dans le bail, auquel sera annexée la délibération qui aura fixé le prix des chaises.

ART. 68. Aucune concession de banc ou de place dans l'église ne pourra être faite, soit par bail pour une prestation annuelle, soit au prix d'un capital ou d'un immeuble, soit pour un temps plus long que la vie de ceux qui l'auront obtenue, sauf l'exception ci-après.

ART. 69. La demande de concession sera présentée au bureau, qui, préalablement, la fera publier par trois dimanches et afficher à la porte de l'église pendant un mois, afin que chacun puisse obtenir la préférence par une offre plus avantageuse.

S'il s'agit d'une concession pour un immeuble, le bureau le fera évaluer en capital et en revenu, pour être, cette évaluation, comprise dans les affiches et publications.

ART. 70. Après ces formalités remplies, le bureau fera son rapport au conseil.

S'il s'agit d'une concession par bail pour une prestation annuelle, et que le conseil soit d'avis de faire cette concession, sa délibération sera un titre suffisant.

ART. 71. S'il s'agit d'une concession pour un immeuble, il faudra, sur la délibération du conseil, obtenir notre autorisation dans la même forme que pour les dons et legs. Dans le cas où il s'agirait d'une valeur mobilière, notre autorisation sera nécessaire lorsqu'elle s'élèvera à la même quotité pour laquelle les communes et les hospices sont obligés de l'obtenir.

ART. 72. Celui qui aurait entièrement bâti une église pourra retenir la propriété d'un banc ou d'une chapelle pour lui et sa famille, tant qu'elle existera.

Tout donateur ou bienfaiteur d'une église pourra obtenir la même concession, sur l'avis du conseil de fabrique, approuvé par l'Évêque et par le ministre des cultes.

ART. 73. Nul cénotaphe, nulles inscriptions, nuls monuments funèbres ou autres, de quelque genre que ce soit, ne pourront être placés dans les églises que sur la proposition de l'Évêque diocésain et la permission de notre ministre des cultes.

ART. 74. Le montant des fonds perçus pour le compte de la fabrique, à quelque titre que ce soit, sera, au fur et à mesure de la rentrée, inscrit, avec la date du jour et du mois, sur un registre coté et paraphé, qui demeurera entre les mains du trésorier.

ART. 75. Tout ce qui concerne les quêtes dans les églises sera réglé par l'Évêque, sur le rapport des marguilliers, sans préjudice des quêtes pour les pauvres, lesquelles devront toujours avoir lieu dans les églises, toutes les fois que les bureaux de bienfaisance le jugeront convenable.

ART. 76. Le trésorier portera, parmi les recettes en nature, les cierges offerts sur les pains bénits ou délivrés pour les annuels, et ceux qui, dans les enterrements et services funèbres, appartiennent à la fabrique.

ART. 77. Ne pourront, les marguilliers, entreprendre aucun procès, ni y défendre, sans une autorisation du conseil de préfecture, auquel sera adressée la délibération qui devra être prise à ce sujet par le conseil et le bureau réunis.

ART. 78. Toutefois, le trésorier sera tenu de faire tous actes conservatoires pour le maintien des droits de la fabrique, et toutes diligences nécessaires pour le recouvrement de ses revenus.

ART. 79. Les procès seront soutenus au nom de la fabrique, et les diligences faites à la requête du trésorier, qui donnera connaissance de ces procédures au bureau.

ART. 87. L'Évêque pourra nommer un commissaire pour assister, en son nom, au compte annuel; mais si ce commissaire est un autre qu'un grand vicaire, il ne pourra rien ordonner sur le compte, mais seulement dresser procès-verbal sur l'état de la fabrique et sur les fournitures et réparations à faire à l'église.

Dans tous les cas, les Archevêques et Evêques en cours de visite, ou leurs vicaires généraux, pourront se faire représenter tous comptes, registres et inventaires, et vérifier l'état de la caisse.

ART. 88. Lorsque le compte sera arrêté, le reliquat sera remis au trésorier en exercice, qui sera tenu de s'en charger en recette. Il lui sera en même temps remis un état de ce que la fabrique a à recevoir par baux à ferme, une copie du tarif des droits casuels, un tableau par approximation des dépenses, celui des reprises à faire, celui des charges et fournitures non acquittées.

Il sera, dans la même séance, dressé, sur le registre des délibérations, acte de ces remises; et copie en sera délivrée, en bonne forme, au trésorier sortant, pour lui servir de décharge.

ART. 89. Le compte annuel sera en double copie, dont l'une sera déposée dans la caisse ou armoire à trois clefs; l'autre à la mairie.

ART. 90. Faute par le trésorier de présenter son compte à l'époque fixée, et d'en payer le reliquat, celui qui lui succédera sera tenu de faire, dans le mois au plus tard, les diligences nécessaires pour l'y contraindre; et, à son défaut, le procureur impérial, soit d'office, soit sur l'avis qui lui en sera donné par l'un des membres du bureau ou du conseil, soit sur l'ordonnance rendue par l'Évêque en cours de visite, sera tenu de poursuivre le comptable devant le tribunal de première instance, et le fera condamner à payer le reliquat, à faire régler les articles débattus, ou à rendre son compte, s'il ne l'a été, le tout dans un délai qui sera fixé; sinon, et ledit temps passé, à payer provisoirement, au profit de la fabrique, la somme égale à la moitié de la recette ordinaire de l'année précédente, sauf les poursuites ultérieures.

ART. 91. Il sera pourvu, dans chaque paroisse, à ce que les comptes qui n'ont pas été rendus le soient dans la forme prescrite par le présent règlement, et six mois au plus tard après la publication.

CHAPITRE IV.

Des charges des communes relativement au culte.

ART. 92. Les charges des communes relativement au culte, sont :

1° De suppléer à l'insuffisance des revenus de la fabrique, pour les charges portées en l'article 37;

2° De fournir au curé ou desservant un presbytère, ou, à défaut de presbytère et de logement, une indemnité pécuniaire;

3° De fournir aux grosses réparations des édifices consacrés au culte.

ART. 93. Dans le cas où les communes sont obligées de suppléer à l'insuffisance des revenus des fabriques pour ces deux premiers chefs, le budget de la fabrique sera porté au conseil municipal dûment convoqué à cet effet, pour y être délibéré ce qu'il appartiendra. La délibération du conseil municipal devra être adressée au préfet, qui la communiquera à l'Évêque diocésain, pour avoir son avis. Dans le cas où l'Évêque et le préfet seraient d'avis différents, il pourra en être référé, soit par l'un, soit par l'autre, à notre ministre des cultes.

ART. 94. S'il s'agit de réparations des bâtiments, de quelque nature qu'elles soient, et que la dépense ordinaire arrêtée par le budget ne laisse pas de fonds disponibles, ou n'en laisse pas de suffisants pour ces réparations, le bureau en fera son rapport au conseil, et celui-ci prendra une délibération tendant à ce qu'il y soit pourvu par la commune : cette délibération sera envoyée par le trésorier au préfet.

ART. 95. Le préfet nommera les gens de l'art par lesquels, en présence de l'un des membres du conseil municipal, et de l'un des marguilliers, il sera dressé, le plus promptement qu'il sera possible, un devis estimatif des réparations. Le préfet soumettra ce devis au conseil municipal, et, sur son avis, ordonnera, s'il y a lieu, que ces réparations soient faites aux frais de la commune, et en conséquence qu'il soit procédé par le conseil municipal, en la forme accoutumée, à l'adjudication au rabais.

ART. 96. Si le conseil municipal est d'avis de demander une réduction sur quelques articles de dépense de la célébration du culte, et dans le cas où il ne reconnaît pas la nécessité de l'établissement d'un vicaire, sa délibération en portera les motifs.

Toutes les pièces seront adressées à l'Évêque, qui prononcera.

ART. 97. Dans le cas où l'Évêque prononcerait contre l'avis du conseil municipal, ce conseil pourra s'adresser au préfet; et celui-ci enverra, s'il y a lieu, toutes les pièces au ministre des cultes, pour être par nous, sur son rapport, statué en notre conseil d'État ce qu'il appartiendra.

ART. 98. S'il s'agit de dépenses pour réparations ou reconstructions qui auront été constatées, conformément à l'article 95, le préfet ordonnera que ces réparations soient payées sur les revenus communaux, et en conséquence qu'il soit procédé par le conseil municipal, en la forme accoutumée, à l'adjudication au rabais.

ART. 99. Si les revenus communaux sont insuffisants, le conseil déli-

bérera sur les moyens de subvenir à cette dépense, selon les règles prescrites par la loi.

ART. 100. Néanmoins, dans le cas où il serait reconnu que les habitants d'une paroisse sont dans l'impuissance de fournir aux réparations, même par levée extraordinaire, on se pourvoira devant nos ministres de l'intérieur et des cultes, sur le rapport desquels il sera fourni à cette paroisse tel secours qui sera par eux déterminé, et qui sera pris sur le fonds commun établi par la loi du 13 septembre 1807 relative au budget de l'État.

ART. 101. Dans tous les cas où il y aura lieu au recours d'une fabrique sur une commune, le préfet fera un nouvel examen du budget de la commune, et décidera si la dépense demandée pour le culte peut être prise sur les revenus de la commune, ou jusqu'à concurrence de quelle somme, sauf notre approbation pour les communes dont les revenus excèdent vingt mille francs.

ART. 102. Dans le cas où il y a lieu à la convocation du conseil municipal, si le territoire de la paroisse comprend plusieurs communes, le conseil de chaque commune sera convoqué, et délibérera séparément.

ART. 103. Aucune imposition extraordinaire sur les communes ne pourra être levée pour les frais du culte, qu'après l'accomplissement préalable des formalités prescrites par la loi.

CHAPITRE V.

Des églises cathédrales, des maisons épiscopales, et des séminaires.

ART. 104. Les fabriques des églises métropolitaines et cathédrales continueront à être composées et administrées conformément aux réglemens épiscopaux qui ont été réglés par nous.

ART. 105. Toutes les dispositions concernant les fabriques paroissiales sont applicables, en tant qu'elles concernent leur administration intérieure, aux fabriques des cathédrales.

ART. 106. Les départements compris dans un diocèse sont tenus, envers la fabrique de la cathédrale, aux mêmes obligations que les communes envers leurs fabriques paroissiales.

ART. 107. Lorsqu'il surviendra de grosses réparations ou des reconstructions à faire aux églises cathédrales, aux palais épiscopaux et aux séminaires diocésains, l'Évêque en donnera l'avis officiel au préfet du département dans lequel est le chef-lieu de l'évêché; il donnera en même temps un état sommaire des revenus et des dépenses de sa fabrique, en faisant sa déclaration des revenus qui restent libres après les dépenses ordinaires de la célébration du culte.

ART. 108. Le préfet ordonnera que, suivant les formes établies pour les travaux publics, en présence d'une personne à ce commise par l'Évêque, il soit dressé un devis estimatif des ouvrages à faire.

ART. 109. Ce rapport sera communiqué à l'Évêque, qui l'enverra au préfet avec ses observations.

Ces pièces seront ensuite transmises par le préfet, avec son avis, à notre ministre de l'intérieur; il en donnera connaissance à notre ministre des cultes.

ART. 110. Si les réparations sont à la fois nécessaires et urgentes, notre ministre de l'intérieur ordonnera qu'elles soient provisoirement faites sur les premiers deniers dont les préfets pourront disposer, sauf le remboursement avec les fonds qui seront faits pour cet effet par le conseil général du département, auquel il sera donné communication du budget de la fabrique de la cathédrale, et qui pourra user de la faculté accordée aux conseils municipaux par l'article 96.

ART. 111. S'il y a dans le même évêché plusieurs départements, la répartition entre eux se fera dans les proportions ordinaires, si ce n'est que le département où sera le chef-lieu du diocèse payera un dixième de plus.

ART. 112. Dans les départements où les cathédrales ont des fabriques ayant des revenus dont une partie est assignée à les réparer, cette assignation continuera d'avoir lieu; et seront, au surplus, les réparations faites conformément à ce qui est prescrit ci-dessus.

ART. 113. Les fondations, donations ou legs faits aux églises cathédrales seront acceptés, ainsi que ceux faits aux séminaires, par l'Évêque diocésain; sauf notre autorisation, donnée en conseil d'État, sur le rapport de notre ministre des cultes.

ART. 114. Nos ministres de l'intérieur et des cultes sont chargés, chacun en ce qui le concerne, de l'exécution du présent décret.

§ II.

Decretum regis Caroli X diei 12 januarii 1825 quoad fabricas.

ART. 1^{er}. Dans toutes les églises ayant le titre de cure, succursale ou chapelle vicariale, dans lesquelles le conseil de fabrique n'a pas été régulièrement renouvelé, ainsi que le prescrivent les articles 7 et 8 du décret du 30 décembre 1809, il sera immédiatement procédé à une nouvelle nomination des fabriciens, de la manière voulue par l'art. 6 du même décret.

ART. 2. A l'avenir, la séance des conseils de fabrique, qui, aux termes de l'article 10 du règlement général, doit avoir lieu le premier dimanche du mois d'avril, se tiendra le dimanche de *Quasimodo*.

Dans cette séance devront être faites, tous les trois ans, les élections ordinaires prescrites par le décret du 30 décembre 1809.

ART. 3. Dans les cas de vacance par mort ou démission, l'élection en remplacement devra être faite dans la première séance ordinaire du conseil de fabrique qui suivra la vacance.

Les nouveaux fabriciens ne seront élus que pour le temps d'exercice qui restait à ceux qu'ils sont destinés à remplacer.

ART. 4. Si, un mois après les époques indiquées dans les deux articles précédents, le conseil de fabrique n'a pas procédé aux élections, l'Évêque diocésain nommera lui-même.

ART. 5. Sur la demande des Évêques et l'avis des préfets, notre ministre secrétaire d'État au département des affaires ecclésiastiques et de l'instruction publique pourra révoquer un conseil de fabrique pour défaut de présentation de budget ou de reddition de comptes, lorsque ce conseil, requis de remplir ce devoir, aura refusé ou négligé de le faire, ou pour toute autre cause grave.

Il sera, dans ce cas, pourvu à une nouvelle formation de ce conseil, de la manière prescrite par l'art. 6 du décret du 30 décembre 1809.

ART. 6. L'Évêque et le préfet devront réciproquement se prêter les autorisations d'assemblées extraordinaires, qu'aux termes de l'article 10 du décret du 30 décembre 1809, ils accorderaient aux conseils de fabrique, et des objets qui devront être traités dans ces assemblées extraordinaires.

ART. 7. Dans les communes rurales, la nomination et la révocation des chantres, sonneurs et sacristains, seront faites par le curé, desservant ou vicaire; leur traitement continuera à être réglé par le conseil de fabrique et payé par qui de droit.

ART. 8. Le règlement général des fabriques, du 30 décembre 1809, continuera d'être exécuté en tout ce qui n'est pas contraire à la présente ordonnance.

ART. 9. Notre ministre secrétaire d'État au département des affaires ecclésiastiques et de l'instruction publique est chargé de l'exécution de la présente ordonnance, qui sera insérée au *Bulletin des lois*.

§ III.

Decretum Napoleonis diei 12 junii 1804 quoad funera.

TITRE PREMIER.

Des sépultures et des lieux qui leur sont consacrés.

ART. 1^{er}. Aucune inhumation n'aura lieu dans les églises, temples, synagogues, hôpitaux, chapelles publiques, et généralement dans aucun des édifices clos et fermés où les citoyens se réunissent pour la célébration de leur culte, ni dans l'enceinte des villes et bourgs.

ART. 2. Il y aura, hors de chacune de ces villes ou bourgs, à la distance de trente-cinq à quarante mètres au moins de leur enceinte, des terrains spécialement consacrés à l'inhumation des morts.

ART. 3. Les terrains les plus élevés et exposés au nord seront choisis de préférence; ils seront clos de murs de deux mètres au moins d'élévation; on y fera des plantations, en prenant les précautions convenables pour ne point gêner la circulation de l'air.

ART. 4. Chaque inhumation aura lieu dans une fosse séparée; chaque fosse qui sera ouverte aura un mètre cinq décimètres à deux mètres de profondeur, sur huit décimètres de largeur, et sera ensuite remplie de terre bien foulée.

ART. 5. Les fosses seront distantes les unes des autres de trois à quatre décimètres sur les côtés, et de trois à cinq décimètres à la tête et aux pieds.

ART. 6. Pour éviter le danger qu'entraîne le renouvellement trop rapproché des fosses, l'ouverture des fosses pour de nouvelles sépultures n'aura lieu que de cinq années en cinq années; en conséquence, les terrains destinés à former les lieux de sépulture seront cinq fois plus étendus que l'espace nécessaire pour y déposer le nombre présumé des morts qui peuvent y être enterrés chaque année.

TITRE II.

De l'établissement des nouveaux cimetières.

ART. 7. Les communes qui seront obligées, en vertu des articles 1 et 2 du titre 1^{er}, d'abandonner les cimetières actuels, et de s'en procurer de

nouveaux hors de l'enceinte de leurs habitations, pourront, sans autre autorisation que celle qui leur est accordée par la déclaration du 10 mars 1776, acquérir les terrains qui leur seront nécessaires, en remplissant les formes voulues par l'arrêté du 7 germinal an 9.

ART. 8. Aussitôt que les nouveaux emplacements seront disposés à recevoir les inhumations, les cimetières existants seront fermés, et resteront dans l'état où ils se trouveront, sans que l'on en puisse faire usage pendant cinq ans.

ART. 9. A partir de cette époque, les terrains servant maintenant de cimetières pourront être affermés par les communes auxquelles ils appartiennent, mais à condition qu'ils ne seront qu'ensemencés ou plantés, sans qu'il puisse y être fait aucune fouille ou fondation pour des constructions de bâtiment, jusqu'à ce qu'il en soit autrement ordonné.

TITRE III.

Des concessions de terrains dans les cimetières.

ART. 10. Lorsque l'étendue des lieux consacrés aux inhumations le permettra, il pourra y être fait des concessions de terrains aux personnes qui désireront y posséder une place distincte et séparée pour y fonder leur sépulture et celle de leurs parents ou successeurs, et y construire des caveaux, monuments ou tombeaux.

ART. 11. Les concessions ne seront néanmoins accordées qu'à ceux qui offriront de faire des fondations ou des donations en faveur des pauvres et des hôpitaux, indépendamment d'une somme qui sera donnée à la commune, et lorsque ces fondations ou donations auront été autorisées par le gouvernement dans les formes accoutumées, sur l'avis des conseils municipaux et la proposition des préfets.

ART. 12. Il n'est point dérogé, par les deux articles précédents, aux droits qu'à chaque particulier, sans besoin d'autorisation, de faire placer sur la fosse de son parent ou de son ami, une pierre sépulcrale ou autre signe indicatif de sépulture, ainsi qu'il a été pratiqué jusqu'à présent.

ART. 13. Les maires pourront également, sur l'avis des administrations des hôpitaux, permettre que l'on construise dans l'enceinte de ces hôpitaux des monuments pour les fondateurs et bienfaiteurs de ces établissements, lorsqu'ils en auront déposé le désir dans leurs actes de donation, de fondation ou de dernière volonté.

ART. 14. Toute personne pourra être enterrée sur sa propriété, pourvu que ladite propriété soit hors et à la distance prescrite de l'enceinte des villes et bourgs.

TITRE IV.

De la police des lieux de sépulture.

ART. 15. Dans les communes où l'on professe plusieurs cultes, chaque culte doit avoir un lieu d'inhumation particulier : et dans les cas où il n'y aurait qu'un seul cimetière on le partagera par des murs, haies ou fossés, en autant de parties qu'il y a de cultes différents, avec une entrée particulière pour chacune, et en proportionnant cet espace au nombre d'habitants de chaque culte.

ART. 16. Les lieux de sépulture, soit qu'ils appartiennent aux communes, soit qu'ils appartiennent aux particuliers, seront soumis à l'autorité, police et surveillance des administrations municipales.

ART. 17. Les autorités locales sont spécialement chargées de maintenir l'exécution des lois et règlements qui prohibent les inhumations non autorisées, et d'empêcher qu'il ne se commette dans les lieux de sépulture aucun désordre, ou qu'on s'y permette aucun acte contraire au respect dû à la mémoire des morts.

TITRE V.

Des pompes funèbres.

ART. 18. Les cérémonies précédemment usitées pour les convois, suivant les différents cultes, seront rétablies, et il sera libre aux familles d'en régler la dépense selon leurs moyens et facultés ; mais hors de l'enceinte des églises et des lieux de sépulture, les cérémonies religieuses ne seront permises que dans les communes où l'on ne professe qu'un seul culte, conformément à l'article 45 de la loi du 18 germinal an 10.

ART. 19. Lorsque le ministre d'un culte, sous quelque prétexte que ce soit, se permettra de refuser son ministère pour l'inhumation d'un corps, l'autorité civile, soit d'office, soit sur la réquisition de la famille, commettra un autre ministre du même culte, pour remplir ses fonctions ; dans tous les cas, l'autorité civile est chargée de faire porter, présenter, déposer et inhumer les corps.

ART. 20. Les frais et rétributions à payer aux ministres des cultes et autres individus attachés aux églises et temples, tant pour leur assistance aux convois que pour les services requis par les familles, seront réglés par le gouvernement, sur l'avis des Evêques, des consistoires et

des préfets, et sur la proposition du conseiller d'État chargé des affaires concernant les cultes. Il ne sera rien alloué pour leur assistance à l'inhumation des individus inscrits aux rôles des indigents.

ART. 21. Le mode le plus convenable pour le transport des corps sera réglé suivant les localités, par les maires, sauf l'approbation des préfets.

ART. 22. Les fabriques des églises et les consistoires jouiront seuls du droit de fournir les voitures, tentures, ornements, et de faire généralement toutes les fournitures quelconques nécessaires pour les enterrements, et pour la décence ou la pompe des funérailles.

Les fabriques et consistoires pourront faire exercer ou affermer ce droit, d'après l'approbation des autorités civiles, sous la surveillance desquelles ils sont placés.

ART. 23. L'emploi des sommes provenant de l'exercice ou de l'affermage de ce droit sera consacré à l'entretien des églises, des lieux d'inhumation et au paiement des desservants; cet emploi sera réglé et réparti sur la proposition du conseiller d'État chargé des affaires concernant les cultes, et d'après l'avis des Evêques et des préfets.

ART. 24. Il est expressément défendu à toutes autres personnes, quelles que soient leurs fonctions, d'exercer le droit susmentionné, sous telle peine qu'il appartiendra, sans préjudice des droits résultant des marchés existants, et qui ont été passés entre quelques entrepreneurs et les préfets, ou autres autorités civiles, relativement aux convois et pompes funèbres.

ART. 25. Les frais à payer par les successions des personnes décédées, pour les billets d'enterrement, le prix des tentures, les bières et le transport des corps, seront fixés par un tarif proposé par les administrations municipales, et arrêtés par les préfets.

ART. 26. Dans les villages et autres lieux où le droit précité ne pourra être exercé par les fabriques, les autorités locales y pourvoiront, sauf l'approbation des préfets.

§ IV.

Decretum Napoleonis diei 18 maii 1806 quoad funera.

TITRE PREMIER.

Règles générales pour les églises.

ART. 1^{er}. Les églises sont ouvertes gratuitement au public; en conséquence, il est expressément défendu de rien percevoir dans les églises

et à leur entrée de plus que le prix des chaises, sous quelque prétexte que ce soit.

ART. 2. Les fabriques pourront louer des bancs et des chaises suivant le tarif qui a été ou sera arrêté, et les chapelles de gré à gré.

ART. 3. Le tarif du prix des chaises sera arrêté par l'Évêque et le préfet; et cette fixation sera toujours la même, quelles que soient les cérémonies qui auront lieu dans l'église.

TITRE II.

Service pour les morts dans les églises.

ART. 4. Dans toutes les églises, les curés, desservants et vicaires feront gratuitement le service exigé pour les morts indigents : l'indigence sera constatée par un certificat de la municipalité.

ART. 5. Si l'église est tendue pour recevoir un convoi funèbre, et qu'on présente ensuite le corps d'un indigent, il est défendu de détendre jusqu'à ce que le service de ce mort soit fini.

ART. 6. Les règlements déjà dressés, et ceux qui le seront à l'avenir par les Évêques, sur cette matière, seront soumis par notre ministre des cultes à notre approbation.

ART. 7. Les fabriques feront par elles-mêmes, ou feront faire par entreprise aux enchères, toutes les fournitures nécessaires au service des morts dans l'intérieur de l'église, et toutes celles qui sont relatives à la pompe des convois, sans préjudice aux droits des entrepreneurs qui ont des marchés existants.

Elles dresseront, à cet effet, des tarifs et des tableaux gradués par classe; ils seront communiqués aux conseils municipaux et aux préfets, pour y donner leur avis, et seront soumis par notre ministre des cultes, pour chaque ville, à notre approbation. Notre ministre de l'intérieur nous transmettra pareillement, à cet égard, les avis des conseils municipaux et des préfets.

ART. 8. Dans les grandes villes, toutes les fabriques se réuniront pour ne former qu'une seule entreprise.

TITRE III.

Du transport des corps.

ART. 9. Dans les communes où il n'existe pas d'entreprise et de marché pour les sépultures, le mode du transport des corps sera réglé

par les préfets et les conseils municipaux. Le transport des indigents sera fait gratuitement.

ART. 10. Dans les communes populeuses, où l'éloignement des cimetières rend le transport coûteux, et où il est fait avec des voitures, les autorités municipales, de concert avec les fabriques, seront adjuger aux enchères l'entreprise de ce transport, des travaux nécessaires à l'inhumation, et de l'entretien des cimetières.

ART. 11. Le transport des morts indigents sera fait décentement et gratuitement : tout autre transport sera assujéti à une taxe fixe. Les familles qui voudront quelque pompe, traiteront avec l'entrepreneur, suivant un tarif qui sera dressé à cet effet.

Les réglemens et marchés, qui fixeront cette taxe et le tarif, seront délibérés par les conseils municipaux, et soumis ensuite, avec l'avis du préfet, par notre ministre de l'intérieur, à notre approbation.

ART. 12. Il est interdit, dans ces réglemens et marchés, d'exiger aucune surtaxe pour les présentations et stations à l'église, toute personne ayant également le droit d'y être présentée.

ART. 13. Il est défendu d'établir aucun dépositoire dans l'enceinte des villes.

ART. 14. Les fournitures précitées dans l'article 11, dans les villes où les fabriques ne fournissent pas elles-mêmes, seront données, ou en régie intéressée, ou en entreprise, à un seul régisseur ou entrepreneur. Le cahier des charges sera proposé par le conseil municipal d'après l'avis de l'Évêque, et arrêté définitivement par le préfet.

ART. 15. Les adjudications seront faites selon le mode établi par les lois et réglemens, pour tous les travaux publics.

En cas de contestation entre les autorités civiles, les entrepreneurs et les fabriques sur les marchés existants, il y sera statué sur les rapports de nos ministres de l'intérieur et des cultes.

L'arrêté du préfet de la Seine, du 5 mars 1806, est approuvé.

ART. 16. Nos ministres de l'intérieur et des cultes sont chargés, chacun en ce qui le concerne, de l'exécution du présent décret.

§ V.

Decretum Napoleonis statuens ad quosnam pertineant cerei in funeribus adhibiti.

ART. 1^{er}. Dans toutes les paroisses de l'empire, les cierges qui, aux enterrements et services funèbres, seront portés par les membres du clergé, leur appartiendront : les autres cierges placés autour du corps et à l'autel, aux chapelles ou autres parties de l'église, appartiendront, sa-

voir : une moitié à la fabrique, et l'autre moitié à ceux du clergé qui y ont droit : ce partage sera fait en raison du poids de la totalité des cierges.

ART. 2. Il n'est rien innové à l'égard des curés qui, à raison de leur dotation, sont chargés des frais du culte (1).

(1) Hoc ultimum decretum transcripsimus ex opusculo cui titulus *Manuel législatif des Fabriques* auctore Prompsault.



APPENDICES.

I.

De vicariis parochialibus, necnon de cappellanis xenodochiorum, monialium et militum.

Notiones de ejusmodi vicariis et cappellanis, cum nec omnino prætermitti in nostris canonicis institutionibus deberent, nec tanti essent momenti ut specialis de iis tractatus concinnaretur, opportune visæ sunt hic per modum appendicis subjiciendæ, et breviter expendendæ.

CAPUT I.

DE VICARIIS PAROCHIALIBUS.

Dicemus primo de variis eorum speciebus. Tum quoque unamquamque speciem præcipuas juris dispositiones expouemus.

§ I.

Varie species vicariorum parochialium.

Prima species est eorum, ad quos exclusive pertinet actualis animarum cura, remanente in habitu eadem cura penes aliquod monasterium seu capitulum. Et hi vocantur vicarii-curati. Tales sunt in Gallia, verbi gratia, curati cathedralium, quando cura fuit cathedrali capitulo annexa. Sunt autem vel

perpetui, vel temporales et ad nutum amovibiles. Quando sunt *perpetui*, eorum nominatio pertinet ad monasterium seu capitulum, cui cura annexa est : eorum autem approbatio et examen et institutio, ad Episcopum. In cæteris autem pari jure censentur, ac parochi proprie dicti, beneficium parochiale *perpetuum* obtinentes. Unde vicaria sua privari nequeunt nisi ex gravi eorum culpa, et servato judicii ordine. Quando sunt *temporales* seu ad nutum amovibiles, eorum nominatio pertinet pariter ad capitulum, et approbatio ad Episcopum. Quoad remotionem autem, communiter tradunt doctores eam fieri posse a capitulo *Ad nutum* : ab Episcopo autem uon nisi *ex causa*, ob quam (etiamsi forent perpetui) beneficio privari possent. Quæ omnia de vicariis-curatis in decursu tractatus *de Parocho* exposuimus. Eos enim tanquam aliquam parochorum speciem habendos reputavimus. Unde hic nihil remanet de ipsis adjiciendum.

Secunda vicariorum parochialium species, eorum est qui, vacante parochia, vel absente parocho, ad regendam parochiam deputantur, donec vel revertatur parochus, vel de novo rectore provideatur. Et hi quodam strictiori sensu vicarii parochiales dici possunt : vere enim agunt *vices* abseutis parochi : suntque diligenter distinguendi a vicariis qui parochum, in parochia degentem et eam administrantem, adjuvant. Quando constituuntur in parochia vacante, donec novus constitutus fuerit parochus, vocantur etiam persæpe *æconomi*.

Tertia species est illa, quam modo memoravimus, adjuvantium nempe parocho, in parochia sua residenti et eam administranti; et solent etiam cappellanorum nomine designari.

De duobus ultimis dumtaxat speciebus nobis hic agendum est sub sequentibus paragraphis.

§ II.

De vicario parochiali, qui, vacante parochia, ad eam regendam deputatur, donec novus rector in ea constitutus fuerit.

I. Ejusmodi vicarii seu œconomi deputatio pertinet ad Episcopum : prout adnotatur a Ferrario (verbo *Vicarius parochialis*, n. 43), in hunc modum : « Deputatio vicarii temporalis seu œconomi clerici sæcularis, in hoc ultimo casu vacationis parochiæ, spectat ad Episcopum, in cujus diœcesi parochia vacans sita est, seu ad eum qui potest instituere concursum : sic decisum fuisse a Sacra Congregatione Concilii refert Barbosa... Unde prælati inferiores, qui non habent jurisdictionem quasi-episcopalem, cum facultate congregandi synodum et instituendi concursum, non possunt in tali casu vicarium temporalem deputare. »

II. Dicta deputatio fieri debet quamprimum : « Vicarius (ait Ferraris, loco citato, n. 56, edit. Matrini 1787) ad regimen ecclesiæ curatæ vacantis statim ab Episcopo deputari debet (Benedictus XIV, constitutione 68, incipiente *Cum illud*, § 16). »

III. Quoad congruam tali vicario assignandam sic habet idem Ferraris (ibid., n. 50) : « Vicario seu œconomo temporali et amovibili assignanda est congrua, et taxanda arbitrio Episcopi, ex fructibus parochiæ. » Et constat ex his concilii Tridentini (sess. 24, c. 18) verbis : *Debeat Episcopus statim habita notitia vacationis ecclesiæ, si opus fuerit, idoneum in ea vicarium, cum congrua ejus arbitrio fructuum portionis assignatione constituere.*

IV. Cum ejusmodi vicarii non deputentur nisi ad nutum Episcopi, et donec eos revocet, possunt, etiam siue causa, ab Episcopo removeri.

§ III.

De vicario, qui absenti parochi substituitur.

QUESTIO 1^a. — *Quid statuerit Tridentina synodus, quoad substituendum vicarium, in iis casibus quibus legitime abesse parochus potest?* — Hac de re Tridentini Patres decrevere in hunc modum: « Quibus casibus nihilominus officium sit Episcoporum, tanquam in hac parte a Sede Apostolica delegatorum, providere ut per deputationem idoneorum vicariorum..., cura animarum nullatenus negligatur. » (Sess. 6, c. 2.)

« Quandocumque eos (*nempe parochos*), causa prius per Episcopum cognita et probata, abesse contigerit, vicarium idoneum ab ipso Ordinario approbandum, cum debita mercedis assignatione relinquant. » (Sess. 23, c. 1.)

QUESTIO 2^a. — *A quo sit nominandus.* — Sic habet Ferraris (verbo *Vicarius parochialis*, n. 48): « Si agatur de œconomo seu vicario deputando propter absentiam parochi, tunc illius nominatio regulariter ad ipsum parochum spectat, cum approbatione tamen Episcopi, per quem fit congrua assignatio. (Sacra Congregatio Episcoporum et Reg., in *Miletensi*, 7 decembris 1691; et Sacra Congregatio Concilii pariter in *Miletensi*, 7 junii 1692; apud Monacelli, parte 1, tit. 10, formula 14, n. 4.) »

QUESTIO 3^a. — *An etiam approbatio Episcopi necessaria sit, quando parochus sibi vicarium substituit ad brevissimum tempus?* — Questionem hanc sic resolvit Schmalzgrueber: « Ex causa justi impedimenti, vel absentiae, ob quam officio suo fungi non possit, substituere sibi vicarium ex sacerdotibus ab Episcopo approbatis potest parochus, propria quidem auctoritate, si officium huius ad breve tempus, exempli gratia unius, duarum vel etiam trium hebdomadarum duraturum sit; cum consensu Ordinarii autem, si ad tempus aliquod

« longius, ut insinuat Trideutinum, sessione 23, c. 1 (versu « *Eadem omnino*); ubi decernit parochos a suis ecclesiis abesse « non posse nisi per duos vel tres menses, vel de licentia Or- « diarii, relicto vicario ab ipso Ordinario approbando. » (Schmalzgrueber, in titulum 28, libri 1 decretalium, u. 8.)

Ea tamen citati auctoris sententia, quod scilicet possit ad tres hebdomadas recessurus parochus vicarium sibi substituere ab Episcopo non approbatum, non mihi videtur concordare cum citato Tridentino textu, quo decernitur approbandum ab Ordinario esse vicarium, *quandocumque* parochum abesse contigerit. Non posse parochum per unam hebdomadam abesse absque obtenta in scriptis Episcopi licentia supra sustinimus (parte 5, capite 2, § 5, propos. 3): porro necessitas approbationis quoad vicarium videtur saltem comprehendere casus, in quibus necessaria est in scriptis abessendi licentia; præsertim cum dicatur a Tridentinis Patribus vicarium esse approbandum *quandocumque* parochum abesse contigerit.

§ IV.

De vicariis parochialibus, qui parochis residenti et parochiam administranti auxiliantur.

QUÆSTIO 1^a. — *Ad quem pertineat eorum nominatio?* — Jam supra (parte 4, cap. 2) probavimus hanc nominationem ad parochum pertinere; ita tamen ut necessaria sit Episcopi approbatio. Nec sufficit aliquem esse approbatum ab Episcopo ad audiendas confessiones, ut statim et sine alia approbatione possit parochus eum sibi in vicarium adiutorem adjungere; sed debet esse approbatus ab Episcopo expresse quoad illud vicarii munus. Id palam faciunt constitutiones Benedicti XIII et Innocentii XIII, in supra citato capite 2, partis 4, transcriptæ.

QUÆSTIO 2^a. — *Ad quem pertineat assignare congruam dictis parochorum adiutoribus vicariis tribuendam?* — Dicendum id

spectare ad Episcopum. In cujus probationem adducemus dumtaxat constitutionem *Apostolici muneris* Innocentii XIII (jam citatam, parte 4, capite 2) in qua sic habetur : « Quo-
 « ties itaque in aliis parochialibus ecclesiis, quæ, ut præfertur,
 « unitæ non sint, oportuerit ex aliqua justa causa provideri
 « per coadjutores parochorum, aut per vicarios temporarios;
 « curæ erit Episcopis, pro data sibi a Tridentina synodo po-
 « testate, partem fructuum prædictis coadjutoribus aut vica-
 « riis assignandam determinare. »

QUÆSTIO 3^a. — *Ad quem pertineat determinare, an et quot vicarios adjuutores debeat parochus sibi adjungere?* — Id ad Episcopum pertinere demonstrant hæc Tridentinæ synodi verba : *Episcopi... cogant rectores, vel alios ad quos pertinet, sibi tot sacerdotes ad hoc munus adjungere, quot sufficiant ad sacramenta exhibenda et cultum divinum celebrandum.* (Sess. 21, c. 4.) Et ne in re omnino certa auctoritatibus aliis deducendis immeremur, adnotabimus dumtaxat, ex ipsa etiam episcopalis muneris natura id invicte colligi. Etenim Episcopo præcipue et principaliter incumbit in tota diœcesi animarum cura. Ipsius proinde officium est providere, ne ullibi fideles convenienti sacramentorum administratione et sacri cultus celebratione destituantur : ergo ad ipsum spectat judicare, an necessarius in qualibet parochiæ exstet sacerdotum numerus ; et huic necessario numero, ubi deerit, supplere. Modum autem supplendi determinavit Tridentina synodus citatis verbis, *cogant rectores*, etc. Hinc licet parochus contenderet sufficere sacerdotum numerum, potest Episcopus, si aliter sibi videatur, eum adigere ad alios sibi adjungendos vicarios. Pro quo casu reluctantis parochi Innocentius XIII (in sua constitutione *Apostolici muneris*) procedendi modum descripsit his verbis : *Quod si parochi, ab Episcopis moniti, congruo iisdem termino præfixo, coadjutores sive vicarios temporarios, quoties opus fuerit, assumere neglexerint, poterunt ipsi Episcopi eos, quos huic muneri idoneos censuerint, auctoritate propria deputare, cum assignatione antedictæ portionis fructuum.*

QUÆSTIO 4^a. — *Quamnam jurisdictionem habeant ejusmodi vicarii parochorum adjutores, præsertim quoad assistentiam matrimonii præstandam?* — 1^o Cum ejusmodi vicarii deputari soleant, ut parochum in administratione sacramentorum adjuvent, ex ipsa eorum deputatione merito censetur eis concessa facultas omnia sacramenta ministrandi; ac proinde pœnitentiæ etiam et matrimonii. Neque ad validam matrimonii præstandam assistentiam requiritur concessio in scriptis, aut etiam speciali signo expressa; sed potest Ordinarius necnon parochus eam facultatem alicui sacerdoti impertiri per concessionem generalem omnia sacramenta ministrandi.

2^o Recipi autem communiter a doctoribus illam doctrinam, satis patebit ex annotatis ab Anacleto Reiffenstuel (in tit. 3, libri 4 decret., n. 83 et seq.) in hunc modum: « Licentia
« assistendi matrimonio ab Ordinariis, vel parochis concedi
« potest sacerdoti, verbo, vel scripto, aut alio signo, idque
« specialiter vel generaliter, generali nempe concessione per-
« agendi cuncta munera parochialia (Palao... Sanchez...
« Pontius... Navarrus...; qui allegant etiam pro conclusione
« declarationem Cardinalium). Ratio est quia concilium Tri-
« dentinum (sess. 24, c. 1, *de Ref. matrim.*) præcise requirit
« ut licentia concedatur alicui sacerdoti; nec addit ut fiat in
« verbis, aut scriptis, aut speciali mandato; consequenter
« generaliter ac indistincte, prout nempe sub se comprehendit
« omnes licentiarum species, intelligendum venit... Et ita ge-
« neraliter concessa videtur, quando alicui ab Ordinario, vel
« parochis generaliter ac sine exceptione conceditur, aut com-
« mittitur cura animarum (Sanchez... et doctores citati). Item
« generaliter concessa censetur licentia assistendi matrimo-
« nio, per hoc, quod ab Ordinario vel parochis alicui in genere
« concedatur administratio sacramentorum (Palao... Pontius...
« et alii, contra Sanchez). Ratio est, quia generali commissione
« ministrandi sacramenta, censetur universim committi
« cura animarum: consequenter etiam potestas assistendi
« matrimonio, prout patet ex declaratione Cardinalium (apud

« Farinacium, vol. 4, pagina 275) ibi : *Requiritur commissio
« generalis administrandi sacramenta, vel si hæc absit, expressa
« aut specialis licentia.*

« Infertur cappellanos, seu cooperatores parochorum, qui
« bns ab Ordinario aut parocho in genere committitur *cura
« animarum* in aliqua parochia (prout fieri solet in partibus
« Germaniæ), generaliter concessam habere etiam licentiam
« et potestatem assistendi matrimonio ; ut proin matrimonia
« coram eis contracta valeant, ac si contracta essent coram
« parocho. »

Hinc in Gallia vicarii parochorum adjuutores omnino ceu-
sendi sunt ea potestate matrimoniis valide assistendi instructi,
nisi alicubi ab Episcopo vel parocho generalis eorum deputa-
tio ad sacramenta ministranda *expresse* limitaretur, et neces-
saria decerneretur quoad matrimonia specialis delegatio.

3° Cum autem delegatus ad generalitatem causarum possit
subdelegare ad aliquem particularem casum, sequitur dictos
vicarios posse etiam aliquem sacerdotem ad assistendum alicui
matrimonio valide subdelegare.

4° Quæ autem diximus intelligenda sunt de matrimoniis pa-
rochianorum, et in parochia celebrandis. Si enim ageretur
de matrimoniis extraneorum, vel in aliena parochia celebra-
dis, nonnullæ occurrunt difficultates, pro quarum solutione
ad moralistas et ad tractatus de matrimonio remittimus.

QUÆSTIO 5ª. — *An parochus vicarium suum adiutorem amo-
vere possit, etiam sine causa ab Episcopo approbata ?* — Difficilem,
meo quidem iudicio, quæstionem aggredimur. In qua ex-
pendenda ut omnis præcaveatur confusio, prænotandum est
hic nou agi de vicariis illis amovibilibus, qui a monasterio
capitulative, cui annexa fuit cura, et penes quod residet cura
in habitu, deputantur ad ejusdem curæ exercitium. Hos enim
vicarios curatos posse ab ejusmodi monasterio vel capitulo
ad nutum et sine causa (non tamen ex odio) removeri, tanquam
certum tradit, et expresse decisum a Rota refert Benedi-
ctus XIV (*de Synodo diocesana*, libro 12, n. 2); et fuit etiam

nostra conclusio (supra, parte 3, sect. 4, subsect. 2, cap. 4). Agimus dumtaxat de vicariis qui, parochis residentibus et parochiam actu administrantibus auxiliantur. Posse autem ab Episcopis cogi dictos parochos ad sibi adjungendos tot ejusmodi vicarios, quot necessarii sunt ad sacramenta ministranda et divinum cultum peragendum, decrevit Tridentina synodus (sess. 21, c. 4) : et ad parochos ipsos pertinere horumce vicariorum nominationem (necessaria tamen remanente ex parte Episcopi eorundem approbatione) supra probavimus. Nunc ergo quæstio est, an ejusmodi vicarius, quem parochus sibi adiutorem nominavit et assumpsit, possit ab eodem parochiō removeri *sine causa ab Episcopo approbata*. Ad quam quæstionem sive affirmative, sive negative solvendam, sat solidum fundamentum ego noudum introspicere potui. Quare doctioribus id enucleandum relinquens, subjiciam dumtaxat, tum quæ affirmativæ sententiæ, tum etiam quæ negativæ favere aliquatenus visa sunt.

I. *Pro sententia affirmativa.* — Nempe quod possit parochus vicarium suum, siue causa ab Episcopo approbata, remove : 1^o in tomo 3 *Thesauri resolutionum* (pagina 229, edit. Urbini 1739), occurrit ipsissima præsens quæstio Sacræ Congregationi Concilii delata ; in causa nempe *Toletana*, 15 novembris 1725, quæ sic se habet : « Martinus Clavero Corbela, « parochus ecclesiæ curatæ Sanctæ Crucis villæ Matritensis, « Toletanæ diœcesis, cœpit possessionem suæ parochialis ; et « in suum adiutorem assumpit pro exercitio curæ animarum « sacerdotem Joannem Alvarez, ab Ordinario approbatum : « et electio et confirmatio expleta fuit sub litterali conditione, « quod esset duratura *ad merum parochi beneplacitum*. Cumque « tractu temporis memoratus Martinus, significatis suo Ordinario causis, quæ ipsum ad hoc impulerunt, existimaverit « alium sacerdotem loco Joannis substituere, habitus fuit a « Joanne recursus ad Ordinarium, sub obtentu quod sine ulla « causæ expressione fuerat a suo officio remotus ; et instituit « pro reintegratione. Sed cum in hoc judicio succubuerit, et

« appellationem interposuerit ad tribunal Nuntiaturæ, placuit
 « illius Auditori decretum ferre, in quo demandavit faciendas
 « esse probationes super causa remotionis.

« Parochus Martinus se reputavit maximopere ab hoc de-
 « creto gravatum ; cum inusitatum asserat in Hispaniis, quod
 « parochus, qui aliquem sacerdotem ad suum beneplacitum
 « assumit pro adjutore in exercitio curæ animarum, non pos-
 « sit eum remove sine expressione et justificatione causæ :
 « exhibitoque supplicii libello huic Sacræ Congregationi, et
 « ab eadem remisso ad Eminentissimum Cardinalem Bellin-
 « gam, qui dignaretur Sacram Congregationem instructam reddere
 « et votum suum aperire, Eminentia Sua *justam existimavit*
 « *parochi querelam*; sed eodem contextu insinuavit, ut in Sa-
 « cra Congregatione dubium disputaretur, an in similibus
 « amotionibus necessaria sit expressio et justificatio causæ.
 « Si etenim existimabitur non esse necessariam, causa erit
 « terminata : et e contra si necessaria reputabitur, tunc
 « causæ examen et ejus justificatio erit assumenda in tribu-
 « nali Nuntiaturæ.

« Ad materiam magistralis esse videtur *deciso 53 coram*
 « *Peutingero*; et apud Cardinalem de Luca (*de Beneficiis*, dis-
 « cursu 80) plures casus distinguuntur; et numero 16 firma-
 « tur, quod quando vicarii qui assumuntur ad exercitium
 « curæ animarum non sunt perpetui et collativi, habentur
 « tanquam nudi famuli conductitii ad nutum amovibiles : et
 « contraria (sententia) ad idem procedere posse videtur,
 « quando ageretur de removendo cappellano curam anima-
 « rum exercente, non ad instantiam parochi deputantis, sed
 « ad instantiam parochianorum de eo conquerentium, juxta
 « casum in hac Sacra Congregatione disputatum in *Spoletana*
 « (*juris amovendi*, 8 julii 1713, pag. 280, libri 63 *decreto-*
 « *rum*).

« His stantibus dignabuntur Eminentie Vestre decernere :
 « An parochus in amotione sacerdotis assumpti in adiutorium pro
 « exercitio curæ animarum, teneatur, ipso instante, causam amo-

« *tionis exprimere et justificare. — Ad Dominum secretarium
« juxta mentem.* »

Si in hac causa Sacra Congregatio respondisset *affirmative* vel *negative*, plene soluta maneret quæstio quam expendimus. Sed Eminentissimi Patres rem committendo Secretario Congregationis expediendam *juxta mentem*, id est, juxta iustructionem ipsi datam, et quæ ibi non panditur, nihil ex hac decisione concludi potest. Nihilominus ex ipsa causæ relatione, aliquatenus argui potest, pro parochi potestate suum vicarium amovendi, quin teneatur causam exprimere et justificare, ac proinde sine causa ab Episcopo approbata. Nam ibi dicitur *inutilitatem* in Hispaniis, quod parochus non possit vicarium suum amovere *sine expressione et justificatione causæ*. Et Cardinalis Belluga *justam existimavit parochi querelam*. Et quæ adnotat Secretarius Congregationis (§ *Ad materiam*), ad firmandum jus parochorum, amovendi sine expressione et justificatione causæ, aperte tendunt. Item Ordinarius in favorem parochi pronuntiaverat. Quibus auctoritatibus postponenda videtur contraria Auditoris Nuntiaturæ sententia.

2º Favent pariter affirmativæ sententiæ canonistæ quamplurimi, dum generaliter dicunt, vicarium seu cappellanum ad nutum amovibilem, posse ad libitum *constituentis* amoveri. Etsi enim de vicariis parochorum adjutoribus *in particulari* non loquantur, eos tamen non excludere, sed includere videntur. « Vicarius temporalis (ait Ferraris) et ad nutum amovibilis..., potest ad libitum constituentis removeri » (verbo *Vicarius parochialis*, n. 41). Magis expresse Scarfantionius : « Posito autem quod aliqua vicaria, sive etiam aliqua cappellania sit ad nutum amovibilis, potest *deputans* remove sine « necessitate exprimendi causam; quæ (necessitas) pugnat « cum libera facultate ad placitum revocandi; quia hoc im- « portat esse officium de sui natura amovibile, et cum tali « conditione concessum et acceptatum, ut etiam absque ulla « causa possit jam electus revocari, et alius in ejus locum

« substitui. » (*Animadversiones ad Ceccoperium*, tomo ultimo, additione 19.)

3° Argui etiam potest *a pari*, ex casu quo animarum cura fuit alicui capitulo vel monasterio adnexa. Tunc nempe capitulum, licet non sit parochus nisi *in habitu*, potest vicarium curatum *amovibilem*, ad curæ exercitium deputatum, remove *sine causa*, prout suo loco probavimus, et tanquam certum tradit Benedictus XIV (*de Syn. dioces.*, l. 12, n. 2). Ergo *a pari* potestas vicarium suum removendi *sine causa*, ad parochum pertinere censenda est. Imo *a fortiori* id dici posset, cum parochus non tantum habitualement, sed et actualement curam habeat, et ad ipsum, non minus quam ad capitulum, pertineat vicarium suum sibi eligere et nominare.

Hæc pro sententia affirmativa. Ast in contrarium, quod nempe nequeat parochus vicarium suum remove *sine causa* ab Episcopo approbata, nonnulla etiam afferri possunt documenta.

II. *Pro sententia negativa.* — In causa *Lunensi-Sarzanensi* (2 septembris 1747, tomo 16 *Thesauri resolutionum*) sic habetur : « Duo sunt oppida in diœcesi Sarzanensi uni subjecta « parochi : alterum *Folli*, alterum *Bastremoli* nuncupatur... « Veteri consuetudine usuque longævo receptum est, ut parochus oppidum *Folli* incolat, in altero *Bastremoli* oppido « cappellanum curatum retineat. Venit in mentem parochi « cappellanum hunc removendi. Sed obstitit cappellanus ipse : « obstitere homines *Bastremoli*, negantes parochi hoc jus, nulla « reddita causa, et sine cognitione Episcopi; etiam contentes non posse eum parochiales functiones exercere in « eodem oppido... Dubia duo proponuntur : I. An liceat parochi *Folli* ad arbitrium remove cappellanum curatum a « terra *Bastremoli*, ab ipso nominatum, etiam absque causa « ab Ordinario cognoscenda. II. An liceat eidem parochi « *Folli* ad sui libitum explere omnes functiones parochiales in « ecclesia et in dicto loco *Bastremoli*, ibique ad sui libitum re-

« sidere, — ad I negative, — ad II dilata et scribatur Epi-
« scopo juxta iustructionem. »

In causa *Nullius Farfensis* (16 juliü 1791, tomo 60 *Thesauri resolutionum*) agitur de cappellano, ad nutum cujusdam confraternitatis amovibili. Is cum fuisset ab illa confraternitate remotus, cappellanix suæ restitutus fuit, decisione Sacræ Congregationis 6 augusti 1791. Atque in illa causa sic adnotatum reperio : « Removeri nequit siue justa et rationabili
« causa cappellanus *simpliciter amovibilis* (Pitonus, *de Controv. patron.*, allegatione 100, in supplem., n. 42) : non item
« amovibilis *ad nutum*, secundum eundem Pitonium (alleg. 88, n. 1), Ferraris (verbo *Cappellanus*, in addit., n. 1). »

« De cappellano (ait Ferraris), qui ad vitandam disuentionem parochiæ, solet constitui ad coadjuvandum parochum, quæritur etiam utrum sit perpetuus, au amovibilis? esse amovibilem, *ex juxta tamen causa*, definiivit Rota (in *Bononiensi amovibilitatis cappellani*, 31 januarii 1727, coram Corio); ubi quod si cappellanus hic initio suæ possessionis acceptasset conditionem amovibilitatis ad nutum, posset ad nutum amoveri. » (Ferraris, voce *Cappellanus*, n. 41.)

In quadam causa *Romana* (*suspensionis onerum*, 28 martii 1801, § *Quatenus*, tomo 67 *Thesauri resolutionum*), sic reperitur annotatum : « Sunt porro qui arbitrantur, libere dimitti posse cappellanos ad nutum amovibiles; ut Pitonus (*de Controv. patron.*, allegatione 88, n. 1), Ferraris (verbo *Cappellanus*, in addit., n. 1) et Cardinalis de Luca (*de Beneficiis*, discursu 80, n. 5). Æquiori tamen sententia requirit Sacra hæc Congregatio justam et rationabilem eorum dimissionis causam; qua deficiente, non raro redintegavit dimissos; et præsertim in *Nullius Farfensis*, cappellanix, 6 augusti 1691... Notari posset, quod dimissio supponit culpam in dimisso. »

In alia causa *Romana* (26 martii et 23 aprilis 1735, tomo 7 *Thesauri resolutionum*), ad dubium : « I. An cappellani nominati vel nominandi pro celebratione quinque missarum per-

« petuarum, removeri possint tantum cum causa, sive potius
 « in quocumque casu renovationis illorum, ad quos pertinet
 « nominatio, etiam absque causa. » — Sacra Congregatio
 respondit : « Ad *primum*, affirmative quoad primam partem,
 « et negative quoad secundam. »

His in utramque partem adductis, an tribuenda, an dene-
 ganda parochi de jure communi potestas, vicarium suum re-
 movendi *sine causa ab Episcopo approbata*, expendendum
 relinquo doctioribus, quibus forte nota erunt aptiora ad con-
 cludendum documenta.

QUESTIO 6^a. — *An possit Episcopus vicarios parochorum adju-
 tores sine causa remove?* — Certum est posse eos, sicut
 et ceteros clericos, ab Episcopo ob culpam gravem suspendi,
 et sic removeri. Quam suspensionem posse ab Episcopo extra-
 judicialiter, seu ex informata conscientia, ob crimen occultum
 decerni, pariter extra omnem controversiam est.

Ad questionem autem num possit Episcopus eos *ad libitum
 ac sine causa* remove, sic respondendum videtur :

1^o Si agatur de vicario curato amovibili, deputato a capitulo
 cui annexa est cura, pluries decisum est, cum esse quidem
 ad placitum capituli revocabilem; ab Episcopo autem remo-
 veri non posse, nisi ex causa, ob quam (etiamsi foret perpe-
 tuus) removeri posset. (Vide id probatum supra, parte 3,
 sect. 4, subsect. 2, cap. 4.)

2^o Quod autem attinet ad vicarios de quibus hic agimus,
 qui nempe parochi residenti et eam exercenti auxiliantur,
 non videtur concordare posse potestatem Episcopi eos revo-
 candi *sine causa*, cum potestate parochi eisdem sibi eligendi
 et nominandi, quam parochis supra (parte 4, capite 2) attri-
 buimus. Nam potestas hæc parochi evaderet chimerica; siqui-
 dem quoties aliquem sibi assumpsisset parochus in vicarium,
 statim posset Episcopus eundem sine ulla causa remove. Et
 sic revera non competeret parochi dicta potestas suum nomi-
 nandi vicarium. Nec dicatur idem posse Episcopum recusando
 approbationem, quæ certo necessaria est. Nam vicario, quem

sibi elegit parochus, debetur approbatio, si nulla adsit rationabilis causa eam denegandi; unde si, ex denegata pluribus successive a parcho præsentatis approbatione, appareret id sine causa fieri, daretur contra Episcopum apud superius tribunal actio.

3° Si ergo admittatur ut certa potestas parochi vicarios suos adjuutores sibi libere assumendi, ab Episcopo tamen approbandos, consequens est, ut nequeat Episcopus eos *sine causa removere*.

§ V.

Quomodo ex statu præsentis ecclesiarum Galliæ sequi necessario videatur, vicariorum parochis auxilantium nominationem et remotionem, ad Episcopos, non autem ad parochos, hodie in ea regione pertinere.

Notæ sunt difficultates, quæ ab ineunte sæculo decimo nono ad hunc usque diem obstitere, ne in ordinandis clericis servari potuerint juris communis, quoad ordinationum titulos, dispositiones. Feliciter quidem, favente Deo, et procurante præsulum zelo, frequens confluit in seminaria juvenus; atque inde ortus quem videmus, sanctuarii ornamentum et Gallicarum ecclesiarum robur, eximius clerus. At ex iis juvenibus, qui quotannis ad sacram accedunt ordinationem, legitimo plerique patrimonii titulo destituuntur. Aliunde in singulis diocæsis pauci duntaxat canonicatus, parochiæ paucæ, quæ pro beneficiis haberi possint. Quæ certe rara beneficia non deceet junioribus ordinandis conferri in titulum; sed præcipuis et benemeritis e clero viris destinari. Imo ex concordato Pii Papæ VII necesse est ad ejusmodi munia eos nominari, qui gubernio sint accepti; nec acceptum haberet sæcularis potestas, in parochum, juvenem nondum ordinatum, quem vellet Episcopus ad parochiæ titulum ordinare. Hinc in Gallia ingens hodie presbyterorum numerus, absque ordinationis titulo, ex dispensatione, ordinatorum. Et his quidem suus non deest cuique in vinea Domini exaranda locus. Atvero si

parochorum vicarii, qui exstant in Gallia quamplurimi, a parochis ipsis pro nutu assumerentur et removerentur, frequenter contingeret aliquem presbyterum omni prorsus ecclesiastico munere, atque adeo sustentatione omni carere. Id olim contingere nequibat; siquidem vicarius a paracho remotus, utpote qui debuerat ad titulum vel simplicis beneficii, vel patrimonii, ordinari, suum adhuc, relicto vicariatus munere, retinebat beneficium vel patrimonium. Hinc ex ipsa dictum præcavendi incommodum necessitate consequitur, ut penes Episcopum esse debeat vicarios illos nominare et revocare, ne non pro opportunitate ad alia munia transferre. Quod quidem, etsi per se contra jus commune sit, vi tamen diætæ necessitatis ad jus commune reduci videtur; siquidem summum commune jus necessitas.

CAPUT II.

DE CAPPELLANIS MONIALIUM.

1° Cappellanus monialium maturæ ætatis esse debet (de quo vide juris textus a Ferrario indicatos, verbo *Cappellanus monialium*, n. 1). •

2° Non obstante quod moniales jus habeant suum nominandi cappellanos, potest illum Episcopus ex justa causa rejicere, puta si sit junior. Ita declaratum fuisse a Sacra Congregatione Episcoporum, in *Bononiensi* 31 maii 1602, et 20 novembris 1605, asserit Ferraris (loco cit., n. 2).

3° Si Episcopus ipse dare velit monialibus cappellanos juvenem, potest abbatissa illum non recipere. Ita declaratum a Sacra Congregatione Episcoporum, in *Messanensi* 10 decembris 1602, vide apud Ferraris (loco cit., n. 3). Si tamen deficerent ætate proveci, posset junior, cæteroquin gravitate morum idoneus, nominari, et deberet recipi.

4° Removendi sunt cappellani monialium si contrahant cum

monialibus amicitias, eisve mittant munera; vel si sese iuge-
raut ultra eorum officium. Id (loco cit., n. 5) firmat Ferraris
variis Sacræ Congregationis Episcoporum declarationibus.

5° Regulares esse uequeunt cappellani monialium, nisi forte
desint presbyteri sæculares qui munus illud obeant. Ita de-
claratum a dicta Sacra Congregatione vide apud Ferraris
(ibid., n. 6).

6° Cappellani monialium debent esse amovibiles, non autem
perpetui. Sacra Congregatio Episcoporum, in *Brixienti*, 18 ju-
lii 1692. (Ferraris, ibid., u. 7.)

7° Quando moniales sunt exemptæ a jurisdictione Ordinarii,
et subjectæ regularibus, earum cappellanus approbatur a su-
periori regulari. Constat ex declaratione Sacræ Congregationis
Concilii, in causa *Hieracensi, visitationis*, 26 januarii 1692,
ad 9; et ita tenet Monacelli (tomo 1, tit. 2, formula 23, u. 4).
Cæteri autem presbyteri sæculares, præter approbatum a su-
periori regulari, etsi vocentur a monialibus exemptis pro cele-
bratione missarum, possunt ab Episcopo prohiberi ne accedant.
Ex responso ad dubium VII, in modo dicta causa Hieracensi.

8° Cappellani monialium exemptarum amoveri non debent
ab Episcopo sine causa. (Ita declaratum a Sacra Congrega-
tione Episcoporum testatur Ferraris, loco citato, n. 15.)

9° Cappellanus monialium exemptarum, excluso paroco,
omnia sacramenta, etiam in articulo mortis, ipsis administret;
ita ut loco parochi quoad ipsas habeatur. (Tamburini, *de Jure
abbatum*, disput. 36, quæsit. 4; Pellizzarius, *de Monialibus*,
c. 7, quæst. 8, n. 15.)

Et etiam quoad moniales non exemptas solent Episcopi cap-
pellanum deputare, qui omnia sacramenta, etiam in articulo
mortis, eis ministret. Seclusa tamen consuetudine, pertinere
ad parochum monialibus non exemptis viaticum et extremam-
unctionem ministrare, vide apud Ferraris (loco cit., n. 18).

10° Cappellanus monialium potest missam celebrare de
sancto, cujus officium ab ipsis monialibus celebratur in choro,
adhibito tamen missali romano; in quo si missa particularis de

eo saneto non adsit, erit e *communi* desumenda. Ita declaravit Sacra Rituum Congregatio in *Austriæ Eniponti*, 22 decembris 1612. At contrarium *quoad officium* declaravit eadem Sacra Congregatio, *Conimbricensi*, 21 martii 1795.

CAPUT III.

DE CAPPELLANIS MILITUM.

« I. Si milites in castris aut papiliouibus existentes non habent cappellanum castrensem, pro *animarum cura* eorumdem a Sede Apostolica deputatum, vel ab Ordinario, in ejus diœcesi existunt, approbatum, vagis annuerantur. Consequenter eorum parochus erit ipse parochus loci, in quo pro tempore existunt. Conclusio patet ex dictis : cum enim milites in castris existentes, nec verum nec quasi domicilium habitationis habeant (tales autem revera vagi sint), consequens est quod parochus eorum proprius sit loci, in quo pro tempore existunt. » (Reiffenstuel, in tit. 3, libri 4 decret., n. 94.)

« II. Si milites habent eunonem seu cappellanum castrensem, præditum speciali facultate Apostolicæ Sedis, vel approbatione et licentia Ordinarii, in ejus diœcesi illos exstare contigerit, poterit hic eisdem sacramenta administrare ; ac etiam matrimonio eorum assistere juxta *tenorem facultatis* concessæ a Sede Apostolica, vel ab Ordinario diœcesis, in qua pro tempore milites existunt : ita ut, si hæc non tantum pro *castris*, sed etiam pro *prædiis* sonet, utrobique matrimonio assistere valeat : si autem tantum pro uno aut altero loco vel tempore concessa inveniatur, eidem se accommodare debeat. Patet conclusio : cum enim, non tantum Pontifex, sed et Ordinarius alicui sacerdoti (alias non parochi) dare possit licentiam assistendi matrimonio (textu claro concilii Tridentini, sess. 24 de Ref., ibi : *Seu Ordinarii*

« *licentia*), manifeste patet, quod si hic vel ille eam dat, et
 « prout dat, taliter, et non aliter, eadem frui valeat cappella-
 « nus castrensis. » (Reiffenstuel, *ibid.*, n. 95.)

« III. Si curiones seu cappellani castrenses non habent
 « specialem facultatem a Sede Apostolica, vel expressam li-
 « centiam et approbationem ab Ordinario, in cujus diœcesi
 « pro tempore existunt, tunc nec in castris, nec in præsidiis
 « seu quartieris matrimonio militum valide assistere possunt.
 « Hæc conclusio, licet olim multum hinc inde disputata et
 « controversa fuerit, tamen hodie certa est, ob declaratio-
 « nem Cardinalium repetitis vicibus, et novissime editam,
 « 29 januarii 1707, ad interrogationem Reverendissimi Or-
 « dinarii Frisingensis, quæ in forma authentica exhibita ita
 « sonat : *Cum occasione transitus, aut stationis hybernæ in diœ-*
 « *cesi Frisingensi, prætendant cappellani exercituum, eorum mi-*
 « *litibus sacramenta administrare, in locis ubi permanent, absque*
 « *licentia parochi, ac illorum matrimoniis assistere absque præ-*
 « *viis denuntiationibus, et contra dispositionem Sacri Concilii Tri-*
 « *dentini jam recepti in dicta diœcesi; Episcopus... supplicat de-*
 « *clarari, an prædicti cappellani id peragere possint. — Die*
 « 29 januarii 1707 Sacra Congregatio Eminentissimorum sanctæ
 « Romanæ Ecclesiæ Cardinalium Tridentini interpretum censuit,
 « dandum esse decretum, alias hac de re editum, et signanter sub
 « die 6 martii 1694, tenoris sequentis, videlicet : — 1° An cap-
 « pellani cujuscumque exercitus, sive regulares, sive sæculares
 « catholici, possint administrare militibus in præsidiis degentibus
 « sacramenta pœnitentiæ, Eucharistiæ et extremæ-unctionis, sine
 « speciali facultate Sedis Apostolicæ, vel licentia et approbatione
 « Ordinarii, in cujus diœcesi exstare contigerit? 2° An assistere
 « matrimoniis militum cujuscumque nationis, degentium in præsi-
 « diis, cum militaribus feminis, sine dicta facultate Apostolica,
 « et præcedenti probatione liberi status, ejusque recognitione co-
 « ram Ordinario loci, et licentia parochi, sub cujus parochia ma-
 « neant? 3° An idem cum militibus degentibus in castris et sta-
 « tionibus hybernis vel æstivis? 4° An idem cum militibus in

« *actuali expeditione positis?* 5° *An idem cum militibus nubere*
 « *volentibus cum fœminis non militaribus, sed Italis, origina-*
 « *riis loci seu diœcesis in qua reperiuntur?*— *Sacra Congregatio,*
 « *ad primum, secundum, tertium, quartum et quintum respon-*
 « *dit negative.* » (Reiffenstuel, loco citato, n. 96 et 97.)

« IV. Ex præmissis edueit Reiffenstuel plura consecutaria
 in hunc modum : « Infertur 1° quod in eausa controversiæ
 « aut dubii, an cappellani castrenses valide assistere valeant,
 « vel valide adstiterint matrimonio militum, tam parochus
 « quam Ordinarius indagare possint ac debeant, et videre,
 « an et qualem habeant facultatem aut licentiam a Sede Apo-
 « stolica, vel ab Ordinario concessam, et juxta tenorem illius
 « judicare. Infertur 2° quod, etsi cappellanus castrensis ha-
 « beat licentiam ab Ordinario unius diœcesis, vi hujus non
 « possit assistere matrimonio suorum militum, si in aliena
 « diœcesi illos exstare contigerit, prout expresse patet ex de-
 « claratione, vi ejus cappellanus castrensis ad valide assi-
 « stendum matrimonio habere debet vel facultatem Apostoli-
 « cam, vel licentiam et approbationem Ordinarii, in ejus
 « diœcesi exstare contigerit. Infertur 3° sublatam esse illam
 « controversiam et differentiam, quid de jure in *castris*, et
 « quid in *præsidiis* seu *quartieris* valeant ; quia juxta allega-
 « ta *nullibi* quidquam valent, nisi quantum et qualiter Papa
 « vel Ordinarius concedunt. Infertur 4° quod si cappellani
 « castrenses ab Ordinario unius vel alterius diœcesis licen-
 « tiam habeant, exercitum autem ad aliam diœcesim venire
 « contigerit, ab Ordinario talis diœcesis licentiam petere, vel
 « ab assistentia matrimoniali abstinere, eamque parochus loci
 « relinquere debeant, sive deum in præsidiis, sive in castris
 « exstent milites. » (Reiffenstuel, loco citato, n. 98, 99, 100
 . et 101.)

V. Remanet solvenda quæstio, num dicti cappellani facul-
 tates, pro exercenda cura circa milites, recipere possint a
 majori cappellano, seu magno eleemosynario regis seu impera-
 toris? Et respondendum negative, nisi id expresse statuerit

Sedes Apostolica, tradit Ferraris, in hunc modum : « Cappel-
 « laui militum , seu missionarii exercitus , vel castrenses , in
 « casibus in quibus non adsit breve Apostolicum aliter dispo-
 « nens, debet approbari ab Ordinario loci, non autem a cap-
 « pellano majori regio (*le grand aumônier*). Imo dato quod ad-
 « sit breve Apostolicum, est bene et caute perpendendum, an
 « fuerit personale concessum alicui regi, vel limitatum pro
 « aliquo regno, quia nequit extendi : prout, si in brevi fiat
 « mentio de militibus in præsidio, non extenditur ad milites
 « in bello, et e contra ; cum in hujusmodi materia sit stricte
 « facienda interpretatio. Et de facto, proposito dubio in Sa-
 « cra Congregatione (in *Mazariensi, facultatis approbandi con-*
 « *fessarios*), *an approbatio confessoriorum, pro sacramentalibus*
 « *militum confessionibus audiendis, pertineat ad cappellanum re-*
 « *gium, vel ad Ordinarium loci*, die 22 martii 1687 respondit,
 « *pertinere ad Ordinarium loci*; quia breve, quod aderat re-
 « spectu regis catholici, videbatur ex variis circumstantiis non
 « extendi ad regna extra Hispanias. » (Ferraris, verbo *Cappel-*
lanus militum, n. 1.) Atque ibidem citatus auctor plures me-
 morat Sacrae Congregationis Episcoporum et regularium de-
 clarationes, quibus hæc doctrina confirmatur. Vide etiam,
 quoad illam quaestionem de cappellanis militum, Cardinalem
 Petra (in constitutionem 12, Innocentii III, sect. 1, n. 14 et
 seq., tomo 2, pag. 190, edit. Venet. 1741), qui plures refert
 hæc de re Sacrae Congregationis Concilii declarationes.

Nota.— De majori cappellano (*grand aumônier*) suus erit
 dissereudi locus in tractatu *de Episcopo*.

CAPUT IV.

DE CAPPELLANIS HOSPITALIUM.

QUÆSTIO 1^a. — *Qua de causa inductum sit, ut cappellani ho-*
spitalium sint quasi-parochi, id est, ut possint ministrare etiam

viaticum et extremam-unctionem, et tumulare? — « Jus parochiale consistit in mutua et reciproca necessitate super administratione, ac respective receptione sacramentorum; quod scilicet parochus quamvis invitus teneatur subministrare sacramenta et funera parochianis; qui, licet inviti, ab eo recipere teneantur. » (Cardinalis de Luca, *de Parochis*, discursu 23, n. 8.) Confluentes autem ex variis parochiis ad aliquod hospitale, ex hac accidentali et transitoria domicilii mutatione non cessant esse suis respective parochis subditi; prout citato loco sic adnotat laudatus de Luca : « Causativa seu accidentalis mutatio domicilii, absque animo deserendi primum et acquirendi secundum, non facit cessare jurisdictionem proprii parochi, neque illam inducit in eo, intra cujus parochiæ limites hujusmodi accidentale seu causativum domicilium habeatur. » Hinc, si jus parochorum permaneret quoad infirmos in hospitali degentes, pro administratione viatici et extremæ-unctionis, necnon pro celebraudo fuere, vocandi forent pro singulis infirmis respectivi eorum parochi. Id autem non tantum magnam confusionem induceret, sed insuper in detrimentum animarum cederet; siquidem frequenter contingit ex improvise et de nocte ministranda esse sacramenta, et moribundis assistendum. Gravissimis ergo de causis, et ex quadam veluti necessitate inductum est, ut pleraque hospitalia a dicta parochorum jurisdictione eximerentur; et cappellani, quoad infirmos, cæterosque ipsis inservientes, proprius veluti parochus constitueretur. Nec couqueri merito possunt, sive parochus intra cujus territorium exstat hospitale, sive alii; quia, licet hoc modo nonnulli eorum subjecti (pro eo tempore quo in hospitali degunt) ab ipsorum jurisdictione subducantur, vicissim ipsi gravi onere eximuntur eisdem sacramenta ministrandi, et in extremo versantibus assistendi, necnon defunctos sepulturæ mandandi. Quod eximie sic adnotat (citato discursu *de Parochis*, n. 11) Cardinalis de Luca, loquens de privilegiis Apostolicis, quæ hanc exemptionem a parochorum jurisdictione hospitalibus confe-

runt : « Merito per Sedem Apostolicam omnibus fere hospitalibus, præsertim magnarum civitatum concessa sunt, tum « ob cessantem rationem laboris et incommodi, ut supra; tum « etiam ob magnam confusionem alias resultantem circa sacramentorum administrationem, quam frequentius ex improviso et quacumque hora, etiam de nocte, facere oportet, « si pro singulis infirmis diversarum parochiarum, etiam distantium, convocare oporteret proprios parochos; quod esset « impracticabile. »

QUÆSTIO 2^a. — *Quotuplici modo contingere possit ut dicta quasi-parochialis jurisdictio hospitalium cappellanis competat?* —

1^o Id contingere potest per privilegium Apostolicum; et hoc modo quamplurima hospitalia hodie in multis regionibus (prout olim etiam in Gallia) cappellano suo, non autem parochi, subjiuntur quoad animarum curam.

2^o Id etiam consuetudine induci potest. « Præsupposita « consuetudine (ait Pignatellus, tomo 9, consultatione 152, « n. 17), dixit Sacra Congregatio, posse proprium sacerdotem « hospitalis, ab Ordinario approbatum, pauperibus ibi degentibus sacramenta ministrare, ibique eosdem sepelire, absque « interventu parochi. »

3^o Ubi non intervenit privilegium Apostolicum, nec consuetudo, id induci potest et solet ex dispositione Ordinarii, cappellani cum dicta quasi-parochiali jurisdictione deputantis. Etenim quando primum fit ejusmodi cappellani deputatio ad alicujus magni hospitalis spiritualem curam, nullus reclamare solet parochus. Et stulte reclamaret. Nam reclamantem parochum posset cogere Ordinarius, ut sibi ad id muneris aliquem adjungeret adiutorem vicarium, et de fructibus parochiæ huic vicario congruam solveret; si quidem per se parochus nequit in hospitali (prout oportet) diu noctuque degere et infirmis qualibet hora præsto esse, ac simul cæteram suam parochiam diligenter curare. Præterea, parochus intra cujus fines exstat hospitale, non posset (ex dictis supra) reclamare, nisi quoad infirmos parochiæ suæ : et idem diceu-

dum de cæteris civitatis parochis. Ac proinde tot in hospitali degere deberent parochi, aut parochorum vicarii, quot ibi degere solent variarum parochiarum infirmi. Id vero, sicut ex confusione nocivum, et vix in praxi possibile, ita parochis summe onerosum foret. Hinc cum nulla intervenire soleat parochorum oppositio, nullius parochi jus læditur, et inducitur laudabilis consuetudo, vi cujus in posterum hospitalis cuilibet pro tempore cappellano quasi-parochialis jurisdictio competat.

Excipi forte posset alicujus parvi oppidi hospitale, in quo non nisi pauci unius parochiæ infirmi admitterentur, et in quo facile posset parochus proxime degens, per se vel vicarium suum, ægrotis præsto esse et sacramenta ministrare. Tuuc enim ejusmodi hospitalis a jurisdictione parochi subtractio, utpote jurium parochialium aliquatenus læsiva, videretur oppugnari posse.

4° Hodie in Gallia dubium non est xenodochiorum cappellani competere dictam quasi-parochialem jurisdictionem : tum ob præfatam consuetudinem, quæ jam a multo tempore invaluit; tum etiam ratione inductæ a gubernii hac de re legibus necessitatis. Etenim solvit quidem gubernium certam ad cappellanum sustentandum pensionem : atvero non sineret singulos infirmorum parochos, eorumve vicarios promiscue curam ibi exercere. Unde cum hisce civilibus dispositionibus præpediantur parochi ne officium suum quoad parochianos in hospitali degentes explere valeant, injuste et nulliter quærentur, quod Episcopus ibi cappellanum ad curam exercendam deputet. Et sic non tantum in erectis jamdudum hospitalibus acquisitum est cappellano vi consuetudinis dictum jus quasi-parochiale, sed et in erigendis, ob aliam modo expositam rationem.

QUÆSTIO 3^a. — *In quo stet, seu ad quenam extendatur dictorum cappellanorum quasi-parochialis jurisdictio.* — 1° Ejusmodi cappellani non strictè parochi vocandi sunt, sed *quasi-parochi* : item illa hospitalia, non parochiæ, sed *quasi-parochiæ*. « Quan-

« vis hospitalis (ait Cardinalis de Luca) sapere videatur quodam speciem parochiæ quoad infirmos ibi viventes et morientes, quorum parochus dicitur ille sacerdos vel capellanus, qui pro ejusdem hospitalis servitio est deputatus, attamen dicitur quoddam jus parochiale improprium, et cum quadam jurisdictione in personas absque territorio; seu verius juxta illam impropriam territorii separationem, quæ ad hunc effectum consideratur in monasteriis et conventibus regularium. » (*De Parochis*, discursu 23, n. 15.)

« Hujusmodi hospitalia habentia proprios sacerdotes et capellanos legitime approbatos ac deputatos ad ministrandum sacramenta infirmis, pro istis tantum, ac pro eis ministrantibus qui intra eorum septa vivunt, constituunt quandam impropriam parochiam, atque quoddam improprium territorium separatum. » (*Ibid.*, n. 12.)

2° Parochus aliquo sensu retinet jurisdictionem in ejusmodi hospitalium ecclesiis; quod si exponit Leurenus (*Forum beneficiale*, parte 1, q. 447, n. 2) : « Quin imo in istis... hospitalium ecclesiis (1) adesse dicitur jurisdictio Ordinarii vel parochi, in concernentibus curam animarum, et administrationem sacramentorum, non quidem in ratione ipsius loci materialis, aut personarum ibi viventium, sed ratione cleri vel populi subditi Ordinario, vel respective parochi, ad talem ecclesiam confluentis : in quantum nimirum in iis, invito parochi, exerceri nequeunt jura parochialia cum parochianis. »

3° Ad quænam præcise se extendat dictorum cappellano-
rum quasi-parochialis jurisdictio, sic determinat Cardinalis de Luca : « Dictum vero jus parochiale rectoris hospitalis, vel sacerdotis ibi deputati, admittendum venit quoad ea, quæ infirmis viventibus vel morientibus in hospitali congrua sunt, et in quibus militet dicta ratio confusionis et impracticabilitatis : circa scilicet sacramenta pœnitentiæ, Eucharistiæ ac

(1) Loquitur de ecclesiis exemptis; sed a fortiori verum est de cæteris.

« extremæ-unctionis, necnon circa tumulationem : non autem circa sacramentum matrimonii, cum ad hunc effectum major jurisdictio, seu juris parochialis formalitas requisita videatur. » (*De Parochis*, discursu 23, n. 18.)

4° Ad matrimonia quod attinet, dubium habet Benedictus XIV, num ab hospitalis cappellano peragi valide possint. « In xenodochiis (inquit) aliquando matrimonia ineunda sunt ab iis, qui in gravi vitæ periculo versantur, ut æternæ salutis prospiciant... Atvero quisnam eligi debeat, quo præsentia matrimonia in xenodochiis peragantur, inter cappellanos, et parochos in quorum ditione sita sunt xenodochia, magno studio contenditur. » (*Institutione* 33, n. 13.) Qua stante controversia sic laudatus auctor, Bononiensis tunc Archiepiscopus, quoad suam diœcesim decreverat : « Itaque præcipimus, ut quoties hæc eveniant, statim nos de more certiores faciant, ut statuamus qui matrimonio celebrando intersit, ac diligenter caveamus, ut necessarium hujus rei momentum in actis descriptum conservetur. » (*Loco citato.*)

II.

Formularum ad rem parochialem spectantium collectio.

Gratum episcopaliū curarium officialibus, et ad illustrandas quasdam hujus tractatus quæstiones non inutile existimavimus, hic pro coronide subnecti præcipuas de re parochiali formulas. Eas autem omnes ex monacello desumpsimus.

I.

FORMULA ERECTIONIS ECCLESIE PAROCHIALIS.

N., Episcopus N. — Cum in visitatione nuper per nos facta, invenerimus, in loco N. non adesse Ecclesiam parochialem, in qua Christi fideles ibidem commorantes sacramenta recipere, et monita salutis audire possint, sed promiscue per simplices presbyteros non certos, nec per proprium parochum, cum animarum discrimine et periculo, audiverimus(1): *Propterea gregis nobis commissi saluti consulere, et malis, quæ ex pastoris deficientia occurrere in dies solent providere volentes, attenta præsertim hominum dicti loci humili instantia et supplicatione pro erectione parochialis, ac obligatione per eosdem in actis nostræ curiæ solemniter facta (cum nec per subtractionem reddituum matricis, nec per unio-*

(1) Truncam eam phrasim transcripsi, prout est in editione qua utor, *Venetis* 1751; præ manibus in presentiarum non habens castigatorem textum.

nem beneficiorum de dote providere valuerimus) solvendi certam pecuniarum summam, et tradendi certam frumenti, et vini quantitatem pro unaquaque familia parcho pro tempore eligendo, ut commodè sustentari possit, donec de congrua aliunde provideatur; invocato Domini nostri Jesu-Christi nomine, ejusque matris semper Virginis Mariæ, ecclesiam loci N. sub invocatione sancti N. hujus nostræ diocesis, nostra auctoritate ordinaria, et omni, etc.; tenore præsentium in parochialem erigimus, et erectam volumus, et declaramus; in eaque postquam de decenti tabernaculo, et de aliis necessariis ad conficienda sacramenta provisum fuerit, prout in visitatione provideri mandavimus; sanctissimum Eucharistiæ sacramentum ad altare majus, fontem baptismalem, olea sacra, et alia, quæ ad ecclesiam parochialem pertinent retineri, et custodiri mandamus. Ecclesiæque prædictæ sic in parochialem erectæ jura omnia, et privilegia, quæ parochialibus de jure competuat concedimus, et illis gaudere debere decernimus, cum assignationibus et proventibus, a præfatis parochianis promissis, ac aliis obventionibus, elemosynis, et obligationibus universis, certis et incertis, curæ a sacris canonibus concessis et permissis. Ipsamque ecclesiam parochialem nulli juris patronatus servituti subjectam esse, sed ad liberam nostram, et successorum nostrorum collationem et provisionem, servata forma sacri concilii Tridentini, spectare et pertinere decernimus. — Ut autem præfata ecclesia parochialis de novo erecta de idoneo rectore provideatur, qui populo in divinis, et animarum cura regenda præsit, et missas diebus festivis pro ovibus suis celebrare, sacramenta pœnitentiæ et Eucharistiæ ministrare, necnon in eadem ecclesia matrimonio parochianos conjungere, ac rudimenta fidei edocere debeat, et teneatur, dilectum nobis in Christo N. presbyterum, per Nos et examinatores nostros synodales tanquam habilem et idoneum repertum præficimus, illique curam, regimen, et administrationem sacramentorum committimus, ac eidem de præfata ecclesia parochialiter noviter erecta collationem facimus, et providemus. — Mandantes, etc. — In quorum, etc. — Datum, etc. — N., Episcopus. N. — N., Cancellarius episcopalis.

II.

FORMULA ERECTIONIS NOVÆ PAROCHIÆ PER DISMEMBRATIONEM.

Ea quæ animarum pericula submovent, et populo Nobis credito levamina præbent, sedulo amplectentes, supplicationibus hominum loci N. inclinati, quibus dolentes Nobis exposuerunt, quod cum ipsi sub parochia sancti N. loci N. existant, ob distantiam, ac etiam impedimentum fluminis N. quod parochiam dividit, et rapide decurrit, præsertim tempore hyemali, necnon asperam, cænosamque viam, non possint, præsertim senes, pueri ac debiles, absque maxima difficultate et periculo, ad illam, pro divinis officiis audiendis, et percipiendis sacramentis, accedere; quodque persæpe sine illis quamplures ex hac vita discesserint; et rector dictæ parochialis sancti N. consentire noluerit, quod alius sacerdos ipsis incolis in cappella, seu ecclesia Sancti N. ibidem constructa, et de supellectibus sacris decenter provisa, missam diebus festis celebret, et sacramenta in casu necessitatis ministret; ad dismembrationem et erectionem respective novæ parochiæ, prout ipsi postularunt, procedere statuimus.

Idcirco, facta per vicarium nostrum generalem, de mandato nostro, diligenti super expositis inquisitione, ac desuper constructo (citato et audito domino rectore) processu, de quo in actis; illisque plene per testium depositiones, aliisque legitimis probationibus, concludenter verificatis; dictum locum N., cum ecclesia sancti N., hominibus, incolis, et familiis, a parochiali ecclesia loci N. auctoritate ordinaria, et a sacro concilio Tridentino (cap. 4, sess. 21) delegata, separamus, dividimus, et dismembramus, et dictam ecclesiam Sancti N., cum suo loco et districtu, a..... usque ad....., accedente etiam consensu nostri capituli, in parochialem ecclesiam erigimus et constituimus; dantes et concedentes incolis et habitatoribus dicti loci et districtus plenam et liberam potestatem, in dicta parochiali ecclesia sepulturas, cæmeterium, fontem baptis-

malem, campanile, campanas, et alia insignia parochialitatis constituendi et retinendi.

Pro exercitio autem curæ in populum, et utriusque sexus fideles, in dicto loco et districtu habitantes, dilectum Nobis in Christo presbyterum N. (qui populo et ecclesiæ prædictis in divinis et animarum cura regenda præsit) tanquam habilem et idoneum, ab examineribus synodalibus, examinatum et approbatum, præficiamus et deputamus, illique administrationem omnium sacramentorum ecclesiæ committimus, et de ecclesia parochiali sic noviter erecta providemus.

Volentes et mandantes rectori dictæ ecclesiæ parochialis sancti N. matricis, et aliis pro tempore existentibus, quatenus de cætero singulis annis, in festivitatis Nativitatis Domini nostri Jesu-Christi, et sancti Joannis Baptistæ, de universis fructibus decimalibus, et aliorum bonorum, quos ipse intra et extra limites dictæ ecclesiæ matricis abundanter percipit, scuta..... dicto N. et suis in dicta ecclesia parochiali per Nos erecta curatis successoribus, in duabus æqualibus ratas, necnon tempore messis salmas frumenti, et tempore vindemiarum cados..... vini, persolvat et tradat respective. Quam pecuniæ et fructuum quantitatem et ratas ex redditibus ecclesiæ matricis percipiendas, una cum elemosynis, et oblationibus universis, pro ipsius novi curati, et successorum sustentatione, onerum supportatione, et congrua, taxamus et assignamus. — Reservantes rectori præfatæ ecclesiæ matricis N. illiusque successoribus (ex quo reddituum suorum dismembrationem patitur) jus personam idoneam, infra terminum a jure statutum, toties quoties per cessum vel decessum vacare contigerit, in dicta parochiali ecclesia N., a Nobis vel successoribus nostris instituendum, præsentandi. — Præterea, ut dictæ ecclesiæ matriæ debitum honor servetur et exhibeatur, volumus, quod singulis annis, in festo N., dictus novus curatus, sui que successores una cum incolis parochianis processionaliter ad eam accedat, et ad altare majus cereum ceræ elaboratæ, librarum....., in signum recognitionis offerat. — Et ita auctoritate quæ supra, dismembramus, erigimus, assignamus et reservamus, omni, etc. — Datum hac die, etc. —

N., Episcopus N. — Lectum, latum, et publicatum fuit supradictum decretum dismembrationis, et erectionis respective, die..., in aula..., præsentibus NN. testibus, etc. — N., cancellarius episcopalis.

III.

FORMULA ERECTIONIS VICARIÆ PERPETUÆ.

Cum in nostra visitatione generali, habita in terra N. hujus nostræ diœcesis, invenerimus in ecclesia collegiata sub invocatione sancti N. curam animarum eidem annexam exerceri a canonicis promiscue et turnatim, non sine neglectu : volentes animarum saluti salubriter providere, et pro bono regimine earundem ita expedire judicantes, titulum et vicariam perpetuam in dicta ecclesia collegiata erigere statuimus : prout auctoritate Nobis a sacro concilio Tridentino (sess. 7, cap. 7, de Reform.) et a constitutione sancti Pii quinti 47, et omni alio meliori jure quo possumus; pro uno presbytero, perpetuo futuro vicario, qui inibi personaliter resideat, et curam animarum præfatam exercere, ac illius intuitu seu causa, eidem in divinis deservire, et parochianis ecclesiastica sacramenta ministrare, necnon omnia et singula, quæ ad parochum et curatum de jure, consuetudine, necessitate, aut alias quomodolibet spectant, facere et gerere debeat, perpetuo erigimus et instituimus; a dicto capitulo canonicorum nominando et præsentando, et a Nobis et successoribus nostris approbando et instituendo: curamque prædictam, privative ad collegium, transferimus, et eidem vicario annectimus, et perpetuo imponimus. Curæque sic erectæ, pro ejus dote et vicarii sustentatione, scuta....., ex propriis fructibus et redditibus ejusdem ecclesiæ collegiatae, perpetuo applicamus, appropriamus et assignamus; et per dictos canonicos et capitulum singulo anno tradi, et pro rata singulis mensibus solvi mandamus, ultra emolumenta incerta servitii et exercitii curæ, primo remanente statu ecclesiæ. Et

ita exigimus et respective assignamus, omni, etc. — N., Episcopus N. — N., cancellarius, et visitationis notarius et secretarius.

IV.

FORMULA DEPUTATIONIS ŒCONOMI PAROCHIE VACANTI.

N., Episcopus N.—Dilecto Nobis in Christo presbytero sæculari N. salutem in Domino. — Parochiali ecclesie N. vacante, Nos, ad quos spectat, ne subditi illius curæ in spiritualibus adjumentis detrimentum sentiant, illis de idoneo sacerdote, qui sacramenta administret, providere volentes, cognita per examen tua sufficientia, et de ejus vita et moribus plurimum in Domino confidimus, te in vicarium, sive Œconomum dictæ ecclesiæ parochialis constituimus et deputamus, durante vacatione, et donec de rectore provideatur; cum facultate missas parochiales, et alia divina officia celebrandi, sacramenta omnia ministrandi, et alias ecclesiasticas et parochiales functiones obeundi, ad quæ tenetur, et animarum quilibet rector præstare et obire solet, cum congrua fructuum parochialis portione scut.... annuorum, tibi libere singulo mense pro rata persolvenda. — In quorum, etc. — N., Episcopus N. — N., cancellarius episcopalis. — Et ponatur sigillum consueto loco.

V.

FORMULA DEPUTATIONIS COADJUTORIS, DATI PAROCHO IMPERITO.

N., Episcopus N. — Dilecto, etc. — Expediit magnopere animarum salutem, a dignis atque idoneis parochias gubernari. Ut igitur id juxta concilii Tridentini decreta salubriter exequatur, te,

de cujus moribus, et idoneitate, per Nos et examinatores nostros recognita, plurimum in Domino confidimus, in ecclesia parochiali N. loci N. in qua N. parochus, licet vitæ honestæ, ob illius imperitiam et illitteraturam inutilis detectus fuit, coadjutorem, seu procuratorem illius, ejusque ecclesiæ, et curæ, auctoritate Apostolica Nobis delegata, tenore præsentium, constituimus, et deputamus; cum congrua ecclesiæ fructuum portione scutorum..., annuatim tibi ab eodem N. parocholibere pro rata qualibet mense persolvenda; cum obligatione tamen tibi injuncta residendi, onera curæ sustinendi, et cum plena facultate divina officia et parochiales functiones celebrandi, sacramenta ministrandi, et alia onera et munia obeundi, quæ animarum quilibet parochus obire, et præstare solet. Præsentibus usque eo duraturis, donec dictus parochus habilis et idoneus regimini curæ reddatur. — In quorum, etc. — N., Episcopus N. — N., cancellarius episcopalis. — Et ponatur sigillum consueto loco.

VI.

FORMULA INDICENDI CONCURSUS PRO ECCLESIA PAROCHIALI
VACANTE.

N., episcopus N. (sive vicarius generalis N.) — Vacante animarum cura parochialis ecclesiæ N. loci N. per obitum N. ultimi illius possessoris, qui extra Romanam curiam diem suum clausit extremum: volentes Nos de idoneo successore curæ et ecclesiæ prædictæ, ad formam sacri concilii Tridentini et constitutionum sancti Pii V, providere, has edictales litteras in forma expediri, et ad valvas ecclesiæ parochialis vacantis et cathedralis affigi, et publicari mandavimus; quarum serie omnes et singulos, ad curam prædictam sic, ut supra, vacantem concurrere desiderantes, convocamus, requirimus, et monemus, ut in termino decem dierum, a die affixionis præsentis computandorum, coram Nobis in hac civitate N. compareant, dent sua nomina et cognomina, et sese

a nostro infrascripto cancellario inter concurrentes adscribi et adnotari procurent: nam, termino elapso, die...., concursus adnotatorum coram examinadoribus synodalibus habebitur, idoniorique cura prædicta conferetur. — Datum, etc. — N., Episcopus (sive vicarius generalis N.) — N., cancellarius episcopalis. — Et ponatur sigillum consueto loco.

VII.

FORMULA JURAMENTI AB EXAMINATORIBUS SYNODALIBUS, TUM
IN SYNODO, TUM EXTRA SYNODUM PRÆSTANDO.

In synodo. — Ego N. deputatus in præsentī synodo examinador eorum, qui eligentur ad parochiales ecclesias, juro me fideliter hoc examinandi munus perfuncturum, rejecto omni humano respectu. Ita me Deus adjuvet, et hæc sancta Dei Evangelia.

Extra synodum. — Ego N. examinador in synodo electus, promitto, spondeo, ac juro, munus et officium mihi demandatum me fideliter, quacumque humana affectione postposita, et sincere quantum in me est executurum. Sic me Deus adjuvet, et hæc sancta Dei Evangelia.

VIII.

FORMULA EDICENDI CONCURSUS, QUANDO PAROCHIÆ VACANTIS
COLLATIO PERTINET AD INFERIOREM.

N., Episcopus N. (sive vicarius generalis N.) — Vacante animarum cura parochialis ecclesiæ N. loci N. per obitum N. illius ultimi possessoris, qui diem suum clausit extremum die.... mensis...., cujus collatio ad N., Abbatem N., ut asseritur, pertinet: Nos volentes et cupientes, ut de idoneo successore cura et ecclesia prædicta ad formam sacri concilii Tridentini et bullæ sancti Pii V

provideatur; has edictales litteras expediri, et ad vatrvas ecclesie parochialis vacantis, et cathedralis affigi, et publicari jussimus: quarum serie omnes et singulos ad curam prædictam sic ut supra vacantem concurrere cupientes, convocamus, requirimus, et monemus, ut in termino decem dierum, a die affixionis præsentium computandorum, coram Nobis in hac civitate compareant, dent sua nomina, et cognomina, et sese ab infrascripto nostro cancellario inter concurrentes adscribi et adnotari procurent; nam, dicto termino elapso, die...., concursus adnotatorum coram Nobis et examinadoribus synodalibus habebitur, et Nos, ex ab eisdem approbatis et idoneis, magis idoneum, per Nos electum, pro collatione ad eundem Abbatem N. tempore debito mittemus. — Datum, etc. — N., Episcopus N. (sive vicarius generalis.) — N., cancellarius episcopalis. — Et ponatur sigillum consueto loco.

IX.

FORMULA EDICTI IN VACATIONE ECCLESIE JURIS PATRONATUS.

N., Episcopus N. universis et singulis hoc præsens edictum inspecturis et audituris notum facimus, quod nuper vacante parochiali ecclesia N. loci N. per obitum N. ultimi et immediati rectoris ejusdem, comparuit coram Nobis N. laicus, asserens se patronum, et habere juspatronatus, seu esse in quasi possessione juris præsentandi rectorem ad dictam ecclesiam, quoties illam vacare contingat: et ideo præsentavit Nobis in rectorem N., petens eum a Nobis institui. Nos dictam præsentationem, sic coram Nobis factam de dicto N. infra tempus a jure patronis laicis datum ad præsentandum, de prædictis veram notitiam non habentes, admisimus, si, et in quantum. Quare tenore præsentis edicti requirimus et monemus omnes et singulos, aliquod jus, ut præsentantes, vel ut præsentati, prætendentes in prædictis, vel contra dictam præsentationem, et personam præsentantis, seu præsentati, opponere volentes, et quomodolibet sua interesse putantes, quatenus

infra terminum novem dierum a die affixionis hujusmodi, quorum tres pro primo, tres pro secundo, et reliquos tres pro tertio et ultimo peremptorio, eis et cuilibet ipsorum assignamus, comparere debeant coram Nobis, ad opponendum et allegandum quidquid opponere et allegare voluerint, quare procedi non debeat ad prædictam institutionem; non obstante, quod de tempore dato ad præsentandum, adhuc supersit. Et ut de præmissis nemo ignorantiam allegare valeat, præsens edictum ad valvas ecclesiæ parochialis vacantis, et cathedralis affigi, et publicari jussimus. — Datum, etc. — N., Episcopus N. (sive vicarius generalis.) — N., cancellarius episcopalis. — Et ponatur sigillum consueti loco.

X.

FORMULA PROROGATIONIS EDICTI DE CONCURSU PRO PAROCHIALI
VACANTE.

N., Episcopus N. (sive vicarius generalis.)—Vacante animarum cura parochialis ecclesiæ N. loci N. nostræ diœcesis, per obitum N. ultimi illius possessoris, qui, ut Altissimo placuit, die..., se ab humanis separavit: Nos de idoneo successore dictæ ecclesiæ et curæ ad formam concilii Tridentini providere cupientes, die...currentis mensis, pro concursu habendo edictum cum termino decem dierum ad comparendum, nomina et cognomina danda, expediri mandavimus. Nunc vero, ut omnes majorem notitiam habeant, dictum terminum ad alios decem dies proximos, ab hodie incipiendos et ut sequitur finiendos, prorogamus; ita ut a die primi edicti viginti dies tantum numerentur, ad formam constitutionis sancti Pii V in conferendis. Ideo harum serie et tenore omnes et singulos sese examini subicere cupientes pro dicto concursu, requirimus, convocamus, et monemus, ut in termino sic prorogato coram Nobis in hac civitate N. compareant in atriis nostræ curiæ, et sese adscribant, et adnotari faciant; quia, termino elapso, concurrentium

examen coram Nobis et examinatribus synodalibus, die..., habebitur, digniorique cura conferetur. — Datum, etc. — N., Episcopus (sive vicarius generalis N.) — N., cancellarius episcopalis. — Etponatur sigillum consueto loco.

XI.

FORMULA EDICTI CONCURSUS QUANDO PAROCHIA VACAT IN
MENSE APOSTOLICO.

N., Episcopus N. (sive vicarius generalis N.) — Vacante animarum cura parochialis ecclesiæ N. loci N. nostræ diœcesis, per obitum N. illius ultimi possessoris, qui diem suum clausit extremum de mense N., reservato Sedi Apostolicæ: volentes et cupientes Nos, ut de idoneo successore cura et ecclesia prædicta, ad formam sacri concilii Tridentini et bullæ sancti Pii V, provideatur, præsens edictum expediri, et ad valvas ecclesiæ parochialis vacantis, et cathedralis affigi, et publicari mandavimus; cujus vigore omnes et singulos ad curam prædictam sic ut supra vacantem concurrere desiderantes, convocamus, requirimus, et monemus, ut in termino decem dierum, a die affixionis præsentis computandum, coram Nobis in hac civitate N. compareant, dent sua nomina, et cognomina, et sese ab infrascripto nostro cancellario inter concurrentes adscribi et adnotari procurent: nam, dicto termino elapso, die..., concursus adnotatorum coram Nobis et examinatribus synodalibus habebitur, et Nos ex approbatis et idoneis magis idoneum per litteras testimoniales ad datarium sanctissimi D. N. Papæ, ad quem collatio pertinet, referemus. — Datum, etc. — N., Episcopus (sive vicarius generalis N.) — N., cancellarius episcopalis. — Et ponatur sigillum consueto loco.

XII.

FORMULA COLLATIONIS ECCLESIE PAROCHIALIS PER CONCURSUM.

N., Episcopus N. — *Dilecto, etc.* — *Inter cætera, quæ pro pastoralis officii debito præstare cupimus, illud præcipue cordi est, ut parochialibus ecclesiis, quibus de rectoribus providendum est, tales præficiamus, qui ministerio curæ animarum, quod omnium gravissimum est, laudabiliter satisfaciant. Vacante igitur, de mense N. proxime præterito, parochiali ecclesia sub invocatione S. N. oppidi N. hujus nostræ diœcesis, per obitum, N. illius, dum viveret, ultimi possessoris, fuerunt per curiam nostram, mediante publico edicto, juxta formam et præscriptum sacri concilii Tridentini et constitutionis sancti Pii V, vocati omnes de sic vacante ecclesia providendi cupientes, quatenus intra terminum decem dierum comparerent in eadem curia, ad faciendum describi et adnotari nomina ipsorum: et cum in eodem termino plures comparuissent, tandem iisdem legitime vocatis sub die.... coram Nobis, riguroso prævio examine per tres examinatores synodales, facta fuit experientia de scientia et sufficientia singulorum descriptorum; ac demum servatis de jure servandis, fuisti per dictos tres examinatores repertus, habitus, et existimatus idoneus vita, moribus, ætate et scientia, et aliis a jure requisitis præditus; et ut talis ad dictam parochialem ecclesiam ejusque curam per te ipsum regendam ab eisdem Nobis renunciatus fuisti, et successive a Nobis magis idoneus reputatus et judicatus. Nos igitur eidem ecclesiæ, ac animabus illi subditis de rectore providere volentes, tibi, quem præ cæteris digniorem delegimus, eandem parochialem, cum illi annexis, ac omnibus juribus, et pertinentiis suis universis, conferimus, et assignamus, de illaque te, coram Nobis flexis genibus constitutum et acceptantem, per bireti capiti tuo impositionem investimus. Quocirca omnibus notariis publicis, et personis ecclesiasticis civitatis et diœcesis nostræ,*

per præsentes mandamus et committimus, ut cum pro parte tua fuerint requisiti, vel eorum aliquis requisitus (emissa per te prius coram vicario nostro generali professione fidei) ad ipsam parochialem ecclesiam dicti loci N. accedant, teque, vel procuratorem tuum, in corporalem, realem, et actualement possessionem prædictæ parochialis ecclesiæ, ac omnium illi annexorum et pertinentium, inducant auctoritate Nostra, et inductum defendant, amoto exinde quolibet illicito detentore, quem nos harum serie amovemus, et denuntemus amotum, ac de fructibus, redditibus, proventibus, et obventionibus universis, tibi faciant debito tempore responderi. (Si contingat eum, cui de beneficio providetur, aliud incompatible obtinere, tunc additur) volumus autem, ac præsentium tenore declaramus, per hujusmodi parochialis pacificam possessionem, alteram parochialem ecclesiam loci N. (vel præbendam canonicalement) quam obtines, eo ipso vacare. — In quorum, etc. — N., Episcopus N. — N., cancellarius episcopalis. — Et ponatur sigillum consueto loco.

XIII.

FORMULA RESIGNATIONIS ECCLESIE PAROCHIALIS.

In curia episcopali N. comparuit personaliter N., et dixit, ac exposuit se esse senio confectum, et sibi etiam ex aliis rationabilibus causis arduum esse curæ animarum sedulo incumbere, et ob dictam suam ætatem ea, ad quæ tenetur, diligenter adimplere non posse; ideoque libere, ac sponte, ac omni, etc., parochialem ecclesiam N. loci N. cum omnibus et singulis suis juribus, pertinentiis, honoribus et oneribus universis resignavit, et renuntiavit, expresseque renuntiat atque resignat in manibus illustrissimi, et reverendissimi D. N. Episcopi: et quia aliunde habet, unde vivere possit et commode sustentari, petit resignationem hanc recipi et admitti, asserens in præsentis resignatione non intervenisse, neque intervenire, aliquam fraudem, dolum, nec simoniæ labem.

Ita dimitto, renuntio, resigno, ac insto ego N. parochus ecclesiæ N.

Quibus illustrissimus et reverendissimus D. N. Episcopus visis, ac constituto, per fidem ætatis exhibitam ac aliis pluribus, de veritate expositorum, resignationem et renuntiationem supra factam admisit et acceptavit, recepto prius a D. R. N. resignante juramento ad sancta Dei Evangelia corporaliter tacta, quod in hac resignatione non intervenit fraus, dolus, seu alia illicita pactio, aut simoniæ labes; et publicari mandavit. — Præsentibus N. et N., testibus, etc. — Datum hac die, etc. — N., cancellarius episcopalis.

XIV.

FORMULA PUBLICATIONIS RESIGNATIONIS.

N., Episcopus N. — Universis, etc. Noveritis quod Rev. presbyter et rector parochialis ecclesiæ N. loci N. hujus nostræ diœcesis ecclesiam ipsam, quam obtinebat, ex certis rationabilibus causis animarum suarum moventibus, et præcipue, quia senio confectus, et corpore impeditus, non poterat, nec potest muneri suo satisfacere, et animarum curæ incumbere, habens aliunde, quo in vita possit commodè sustentari, prout Nobis legitime constitit, cum omnibus juribus et pertinentiis suis, in manibus nostris sponte et libere, juxta formam constitutionis sanctæ memoriæ Pii V, scripto renuntiavit: et Nos resignationem per eum factam admissimus tempore debito, et denuo per præsentibus admittimus: recepto per nos prius ab eodem N. resignante corporali juramento, quod in resignatione hujusmodi non intervenit dolus, nec fraus, nec simoniæ labes. Idco vobis omnibus notificamus, ut si quis, etc. — Datum, etc. — N., Episcopus N. — N., cancellarius episcopalis.

XV.

FORMULA COLLATIONIS ECCLESİÆ PAROCHIALIS PER RESIGNATIONEM EX CAUSA PERMUTATIONIS.

N., Episcopus N. — Dilecto, etc. — Desideria justa petentium congruo favore prosequentes, libenter ad ea, quæ sacris sanctionibus contraria non sunt auditum præbere non dedignamur. Cum itaque tu hodie per te ipsum canonicatum et præbendam ecclesiæ N., et dilectus noster in Christo N. parochialem ecclesiam N. nostræ diœcesis, quam obtinebat, per N. procuratorem suum, ad hoc ab eo specialiter constitutum, ex causa permutationis de ipsis inter vos sincere faciendæ, et non alias, sponte et libere resignaveritis in manibus nostris, Nos votis tuis favorabiliter inhærentes, resignatione ex causa prædicta admissa, parochialem prædictam sic vacantem tibi, qui per tres nostros examinatores synodales examinatus, et idoneus repertus fuisti, cum omnibus juribus et pertinentiis suis, auctoritate nostra ordinaria conferimus, et assignamus; teque coram Nobis personaliter constitutum, per anuli traditionem et bireti tuo capiti impositionem de eadem investimus, et in realem, corporalem, et actualement possessionem, seu quasi inmittimus, præstito per te, et per Nos recepto, ad sancta Dei Evangelia corporali juramento, quod nulla pactio fraudulenta intereessit, et quod Nobis, et successoribus nostris fidelis et obediens eris, et sanctæ Matri Ecclesiæ, dictæque ecclesiæ, in spiritualibus, temporalibus, ac in divinis laudabiliter deservies, et deservire facies, oneraque ipsius supportabis, et jura nostra persolves, bonaque quæcumque, atque jura illius manutenebis, et defendes pro posse, nihilque quod ad eandem ecclesiam pertineat alienabis, seu distrahes, sed alienata et distracta ad jus et proprietatem dictæ parochiæ pro viribus reduces. Quoeirca, etc. (ut in formula XII). — In quorum fidem, has præsentem expediri, et publicari jussimus. — Datum, etc. — N., Episcopus N. — N., cancellarius episcopalis. — Et ponatur sigillum consueto loco.

XVI.

FORMULA COLLATIONIS ECCLESIAE PAROCHIALIS JURIS-
PATRONATUS.

N., Episcopus N. — Dilecto N., etc. — Universis et singulis has praesentes nostras litteras inspecturis, visuris, et audituris notum facimus atque testamur, quod vacante parochiali ecclesia S. N. loci N. hujus nostrae diocesis, per obitum N. illius, dum viveret, ultimi et immediati possessoris, quae de jurepatronatus infrascripti patroni laici existit, comparuisti coram Nobis in nostra curia N., asserens te fuisse praesentatum a patrono dictae parochiae, juspatronatus in ea habente, et existente in pacifica possessione seu quasi praesentandi rectorem toties quoties easus vacationis occurrerit, petens a Nobis ordinario jure institui, et confirmari in rectorem dictae parochialis, cum ejus honoribus solitis, et consuetis; et volentes in praemissis mature procedere, generale edictum ad tui instantiam expediri, et ad valvas ecclesiae nostrae cathedralis, et dictae parochialis affigi, legi, et dimitti jussimus, per quod citari, et moneri fecimus omnes et singulas personas, suum quomodolibet interesse putantes, quatenus infra certum terminum competentem, in eodem edicto praefixum, comparere debuissent coram Nobis, et in dicta nostra curia, ad opponendum et ad allegandum quidquid voluissent tam contra personam tuam praesentatam, quam praesentantem, quare dicta institutio fieri non debuisset. Quo edicto affixo, et postmodum elevato, accusatisque contumaciis, cum nihil esset oppositum, et quia ex juribus productis in nostra curia clare constat de vacatione et praesentatione tempore habili facta, et quod N. praesentans fuit et est verus ejusdem parochialis patronus, et existere in pacifica possessione, seu quasi jurispatronatus, et praesentandi rectorem; idcirco te R. N. praesentatum, per examinatores in synodo diocesana deputatos examinatum, et approbatum, tanquam habilem, idoneum, et

sufficientem, instituendum et confirmandum duximus, prout tenore præsentium instituimus et confirmamus, de illaque coram Nobis flexis genibus humiliter constitutum et acceptantem, per bireti capiti tuo impositionem, investivimus, et investimus. — Quo circa, etc. (ut in formula XII). — In quorum, etc. — N., Episcopus N. — N., cancellarius episcopalis. — Et ponatur sigillum consueto loco.

XVII.

FORMULA PRÆSENTATIONIS CURATI AMOVIBILIS, QUANDO NOMINATIO PERTINET AD ALIQUAM UNIVERSITATEM.

Die... mensis... anni... comparuit, in hac curia episcopali, N. syndicus et procurator universitatis loci N., prout docuit de mandato procuræ, quod exhibuit : et vacante cura animarum ecclesiæ filialis N. dicti loci, quæ exerceri solet per vicarium-curatum amovibilem, nominandum a dicta universitate, nomine ejusdem nominavit et præsentavit rev. presbyterum N. sæcularem, petens illum admitti, et pro exercitio dictæ curæ approbari ; et quatenus rejiciatur (quod non credit) nunc pro tunc petiit sibi concedi congruum terminum ad novam alterius presbyteri præsentationem faciendam, protestans omni, etc.

Illustrissimus et reverendissimus D. N. Episcopus (sive vicarius N.) nominationem et præsentationem dicti presbyteri N., nomine universitatis N. factam, admisit ; et recognita per examinatores præsentati idoneitate, tam quoad litteraturam, quam quoad mores, et cætera requisita, illum ad exercitium dictæ curæ pro vicario-curato dictæ ecclesiæ N., cum solita assignatione congruæ, cum facultatibus et oneribus solitis, approbavit, et litteras patentes expediri mandavit. — Die.... — Ita est. N. cancellarius episcopalis.

XVIII.

FORMULA APPROBATIONIS CURATI AMOVIBILIS, QUANDO NOMINATIO PERTINET AD ALIQUAM UNIVERSITATEM.

*N., Episcopus N. — Dilecto, etc. — Tibi Nobis ab universitate loci N., cui titulo immemorabilis consuetudinis jus pertinet nominandi, præsentato ad curam animarum exercendam in ecclesia parochiali filiali N. dicti loci, idoneoque ab examinadoribus nostris synodalibus, tam quoad scientiam, quam quoad alia requisita reperto, et a Nobis approbato, licentiam et facultatem concedimus, missas parochiales et alia divina officia in dicta ecclesia celebrandi, sacramenta omnia administrandi, necnon munia parochialia exercendi, et jura tuendi, honoribus et oneribus consuetis. Teque vicarium-curatum amovibilem dictæ ecclesiæ, sic a Nobis approbatum constituimus, et deputamus; admonentes in Domino, ut per te ipsum, tuis muneribus, et præsertim in edocendo doctrinam christianam sedulo incumbas, et de solita certa congrua, quam tibi assignamus, responderi facias. Volumus autem, quod a residentia, durante officio, discedere, nec ab eo amoveri possis Nobis inconsultis. In quorum testimonium has præsentis litteras (salvis juri-
bus ecclesiæ matricis N.) a Nobis subscriptas expediri jussimus. — Datum, etc. — N., Episcopus N. — Et ponatur sigillum consueto loco.*

XIX.

FORMULA DEPUTATIONIS CAPPELLANI MONIALIUM.

N., Episcopus N. — Dilecto Nobis in Christo presbytero sæculari N. — Tibi, ut asseris, ab omni residentie onere aliaque obligatione libero, cognita ætate, ac per examen sacrarum cæremoniarum peritia, et a fide dignis morum et vitæ honestate et probitate,

per præsentes, tanquam cappellano, facultatem et licentiam damus missæ sacrum faciendi, in ecclesia exteriori monialium monasterii, et horis opportunis, servatis infrascriptis conditionibus:

Decentem clericalem tonsuram et coronam cum habitu talari semper deferas. — Cum monialibus, aut aliis mulieribus intra clausuram degentibus (exceptis monialibus sacristis, pro rebus ad sacrificium missæ et ornatum ecclesiæ tantum) non loquaris, sub pænis arbitrio. — Pro eleemosyna missæ quotidianæ nil aliud recipias, quam solitum.

Missæ sacrum ne facias sine ministro idoneo, coque decenti habitu induto. — Sacrum per te ipsum hora præscripta facies.

Præsentibus ad nostrum beneplacitum valituris. — Datum, etc. — N., Episcopus N. (sive vicarius generalis).

XX.

FORMULA CITATIONIS PAROCHI SUSPENDENDI, OB PRÆSTITAM ASSISTENTIAM MATRIMONIO, ABSQUE PRÆVIIS DENUNTIATIONIBUS.

Habita relatione nostri procuratoris fiscalis, in terra N. nostræ diœcesis, contractum fuisse matrimonium clandestine absque denuntiationibus, inter N. et N., receptisque depositionibus testium, ex quibus constat, quod parochus ecclesiæ N. qui illud proscribere debuerat, sponte præsentiam præstare eique interesse præsumpsit absque necessitate: ideo, eo prius monito ad dicendum causam, quare non deberet ab officio suspendi, et nihil, quod relevet, deducto, in executionem statutorum sacrorum canonum, ipsum parochum N. per triennium ab officio suspendimus, et pro suspenso haberi volumus, et declaramus, et ad valvas ecclesiæ parochialis denunciari mandamus, omni, etc. — N., Episcopus (sive vicarius generalis N.) — N., actarius.

INDEX

-JUXTA MATERIARUM ORDINEM.

| | Pag. |
|---|------|
| Totius tractatus distributio. | 1 |
| PARS PRIMA. Quid sit parochus, seu de origine et natura institutionis parochorum. | 3 |
| SECTIO I. Quid sint paroebi quoad suam historicam originem. | 4 |
| CAPUT I. An et quo sensu voces <i>parochus</i> et <i>parochia</i> antiquitus usurpatæ occurrant. | 5 |
| § I. Nonnullorum eruditorum sententia præmittitur. | 5 |
| § II. Vox <i>parochus</i> recentioris ævi est: vox autem <i>parochia</i> ad designandam certam dioceseos partem jam ab antiquo usurpata; frequentiori tamen et constanti usu ad totam designandam diocesim antiquitus adhibita. | 7 |
| CAPUT II. Quæ notæ in monumentis antiquitates reperiri debeant, ut concludi possit in iis mentionem fieri de paroebo proprie dicto. | 12 |
| CAPUT III. Prioribus Ecclesiæ sæculis nullus in mundo exstitit parochus. | 16 |
| § I. Prioribus Ecclesiæ sæculis instar legis ubique vigentis fuit, ut fideles, tum intra, tum etiam extra episcopalem civitatem degentes, nonnisi apud Episcopum sacros conventus sacræque liturgiæ celebrarent. | 17 |
| § II. Exposita priorum sæculorum disciplina, de sacris conventibus apud Episcopum celebrandis, plene evincit nullos tunc temporis exstitisse parochos. | 21 |
| CAPUT IV. Parochias rurales quarto circiter sæculo constitui coeptas. (Remissive ad eruditorum disquisitiones.) | 22 |
| CAPUT V. Ante annum 1000 nullum exstitisse paroebum in civitatibus episcopalibus (Roma forte et Alexandria exceptis). | 25 |
| § I. Certum est invaluisse jam apud eruditos persuasivorem, in civitatibus episcopalibus (Roma forte et Alexandria exceptis), nullas ante annum 1000 exstitisse parochias. | 24 |
| § II. Non exstitisse parochias in civitatibus episcopalibus ante annum 1000, nonnullis argumentis demonstratur. | 28 |
| § III. Nonnullæ diluuntur objectiones. | 35 |
| § IV. Parochiarum in civitatibus episcopalibus post annum 1000 exordia. | 41 |
| CAPUT VI. Paroebi nequaquam sunt 72 discipulorum successores. | 45 |

| | Pag. |
|--|------|
| § I. Septuaginta duo discipuli non fuerunt parochi, neque etiam imago aut typus parochorum quatenus talium | 44 |
| § II. Parochi, quatenus tales, non sunt ullo modo, et n fortiori non sunt ex institutione divina, successores 72 discipulorum | 47 |
| § III. Traditionis monumenta, quod presbyteros, non veram 72 discipulis successionem, sed quamdam dumtaxat similitudinem adstruunt : quod parochos vero, ne similitudinem quidem institutionis demonstrant . . . | 48 |
| § IV. Auctoritas doctorum, qui admiserunt parochorum n 72 discipulis ex divina institutione derivationem, vim probandi non habet | 57 |
| I. Num merito objiciatur Gersonis auctoritas? | 57 |
| II. Num merito objiciatur Sorbonæ auctoritas? | 64 |
| III. Minus recte objiceretur Joannis Majoris et Juvenerii auctoritas . . | 69 |
| IV. Probatorum doctorum, qui objici possunt, auctoritas vim probandi non habet | 71 |
| CAPUT VII. Falsum est parochis conflatum fuisse vetus presbyterium, in antiquis ecclesiasticis monumentis memoratum | 75 |
| CAPUT VIII. Parochi neque divine institutionis sunt, neque apostolicæ; ni dumtaxat ecclesiasticæ | 79 |
| SECTIO II. De parochiis essentia et recta notione | 82 |
| CAPUT I. Exponitur erroneum parochismi systema | 82 |
| § I. Cur parochismi vocabulo potiusquam presbyterianismi utamur . . . | 82 |
| § II. Parochismi genesis et propagatio | 84 |
| § III. Quonam tendat parochismus, et quantum periculi hodiecum sub isto pestifero systemate latent | 91 |
| CAPUT II. Parochi non constituunt tertium hierarchiæ ordinem | 96 |
| § I. Quibus formulis et quo sensu parochiæ contenderint curatos efformare tertium hierarchiæ divinitus institutæ ordinem | 97 |
| § II. Quid sit hierarchia, et quænam variae hierarchiæ species | 105 |
| § III. Exploditur commentum de parochiis tertium hierarchiæ divinitus institutæ ordinem constitutibus | 106 |
| CAPUT III. Falsum est parochum esse judicem fidei, et habere vocem definitivam in conciliis | 115 |
| CAPUT IV. Parochi non habent ex officio suo, nec habuerunt unquam propriæ dictæ excommunicandi potestatem | 125 |
| § I. Documenta a parochis allegari solita non probant ad parochos olim pertinuisse propriæ dictæ excommunicandi potestatem | 127 |
| § II. Falsum est excommunicandi potestatem ad parochos pertinere | 138 |
| CAPUT V. Parochus nullum habet fori externi jurisdictionem | 143 |
| CAPUT VI. Parochus non est stricto sensu pastor, etiam secundi ordinis; nec deest hodie eum vocari pastorem, etiam lato et improprio sensu | 149 |
| <i>Propositio I^a.</i> Vox pastor in sacris scripturis significat potestatem gubernandi eum jurisdictione propriæ dictæ et legislativæ | 149 |
| <i>Propositio II^a.</i> Totâ antiquitas et traditio <i>pastoris</i> denominatione Episcopos designavit | 151 |
| <i>Propositio III^a.</i> Ante recentiora tempora, aut nunquam, aut rarissime parochi reperiuntur pastorum nomine insigniti | 157 |
| <i>Propositio IV^a.</i> Genuinus sensus vocis <i>pastor</i> includit potestatem legislati- | |

| | Pag. |
|---|------|
| vam et jurisdictionem externi fori; ita scilicet ut prædicta jurisdictio sit de essentia pastoratus | 163 |
| Propositio V^a. Merito concluditur denominationem pastoris, etiam secundi ordinis, parochis non competere | 163 |
| Propositio VI^a. Quumvis ante ortos, aut ad extrema perductos jansenismi et parochismi errores, innocue potuerint parochi pastores in lato et improprio sensu vocitari, hodie tamen resecanda potius videtur hæc eorum denominatio | 164 |
| CAPUT VII. Parochi non sunt prælati; ne minores quidem, aut secundi ordinis. | 168 |
| CAPUT VIII. Parochiale munus nec tanquam dignitas nec tanquam personatus habendum est | 172 |
| CAPUT IX. In quo stet parochiatus essentia | 174 |
| § 1. Undenam desumenda sit vera norma ad dignoscendam et determinandam parochiatus essentiam | 175 |
| § 2. Quænam conditiones requirantur et sufficiant ad parochiatus essentiam, seu ut quis verus sit parochus | 176 |
| Propositio I^a. Ad essentiam parochiatus pertinet ut sit officium procurandi bonum spirituale animarum, per verbi divini et sacramentorum ministrationem | 179 |
| Propositio II^a. Est de essentia parochiatus ut sit officium proprio nomine exercendum | 181 |
| Propositio III^a. Est de essentia parochiatus ut sit officium exercendam quoad determinatam diocesanorum portionem | 181 |
| Propositio IV^a. Est de essentia parochiatus ut sit officium exercendam ex obligatione | 182 |
| Propositio V^a. Est de essentia parochiatus ut certus populus parochæ assignatus, aliquatenus saltem teneatur sacramenta ab ipso recipere | 182 |
| Propositio VI^a. Quinque supra memoratæ conditiones sufficiunt ad essentiam parochiatus, seu ut quis vere sit parochus | 185 |
| § III. Triditur definitio parochiatus, parochi et parochiæ | 184 |
| SECTIO III. Evolvitur notio de vera parochiatus seu institutionis parochorum natura | 185 |
| CAPUT I. De variis curiæ speciebus, et quænam sit parochialis officii propria | 186 |
| CAPUT II. Num unus parochiæ plures esse simul possint veri parochi | 188 |
| § 1. Exponitur doctorum hac de re sententia | 188 |
| § 2. Expenduntur eorum rationes, qui unicuitatem requirunt, ut quis sit vere parochus | 190 |
| § 3. Eisi unicum in singulis parochiis constitui parochum regulariter magis expediat, illi tamen unicuitas non videtur essentialiter requiri: imo nec a jure positivo exigì tanquam regula, quæ nulli exceptioni obnoxia esse debeat | 196 |
| CAPUT III. Perpetuitas non est de essentia parochiatus, seu non requiritur ut quis sit vere parochus | 201 |
| § 1. Non essentialiter requiritur perpetuitas ratione parochialis officii | 201 |
| § 2. Nequo essentialiter requiritur perpetuitas ratione beneficii | 204 |
| CAPUT IV. An curatorialis immovibilitas contraria sit sacris canonibus, aut bono ecclesiæ | 209 |

| | |
|---|-----|
| § I. Revocabilitas ad nutum, quam aliquatenus aversantur canones, et certis coarctant limitibus, non est revocabilitas per Episcopum; sed revocabilitas vicariorum curatorum per parochos principales; verbi gratia, per capitula aut monasteria, quibus animarum cura adnexa est | 210 |
| § II. Curam animarum per amovibiles ad nutum Episcopi presbyteros excreari, neque disciplinæ primitivæ, neque juri communi ante Tridentinam synodum vigenti, neque dicte synodi sanctionibus, neque (per se saltem et seclusis abusibus) bono Ecclesiæ contrarium probari potest | 216 |
| CAPUT V. An et qualiter parochis competat ordinaria jurisdictio | 227 |
| <i>Propositio I</i> ^a . Parochis competit interni dumtaxat fori jurisdictio | 228 |
| <i>Propositio II</i> ^a . Prædicta parochorum jurisdictio est ordinaria | 228 |
| CAPUT VI. De vicariis cappellanisve curatis, et quinam ex ipsis sint veri parochi | 229 |
| <i>Propositio I</i> ^a . Vicarius perpetuus, quando parochus principalis habitualem dumtaxat curam habet, est verus et proprie dictus parochus | 250 |
| <i>Propositio II</i> ^a . Pro vero parochi habendus etiam est vicarius-curatus amovibilis, quando principalis parochus nonnisi habitualem retinet curam | 250 |
| <i>Propositio III</i> ^a . Quando principalis parochus habitualem dumtaxat habet curam, vicario, sive perpetuo, sive amovibili, applicanda generaliter veniunt consecratoria juris, quæ veros parochos respiciunt | 251 |
| <i>Propositio IV</i> ^a . Vicaria perpetua est verum beneficium strictè sumptum, seu perpetuum | 251 |
| <i>Propositio V</i> ^a . Ubi parochus principalis curam etiam actualem retinet, et non habitualem dumtaxat, ejus vicarius, quantumvis curatus dicatur, et curam de facto exerceat, parochus non est, sed merns vicarius | 253 |
| CAPUT VII. De hodiernorum Gallie curatorum conditione, et an ii qui deservitores vocantur, sint veri parochi | 255 |
| § I. Qua ratione ordinatæ et constitutæ existant hodiernæ Galliarum parochiæ | 254 |
| § II. Rectores earum parochiarum, quæ sub nomine <i>paroisies</i> constitutæ sunt, pro veris parochis, et quidem perpetuis, habendi sunt | 255 |
| § III. Curati succursalitæ, seu, ut eos vocant, deservitores, veri quidem sunt parochi; ast ad nutum Episcopi revocabiles | 256 |
| PARS SECUNDA. De canonica norma parochias constituendi et supprimendi | 241 |
| CAPUT I. Quotuplici modo constitui possit nova parochia? | 241 |
| CAPUT II. De parochiarum erectione per viam creationis | 243 |
| CAPUT III. An et quatenus Episcopi potestatem habeant novas parochias per viam dismembrationis erigendi? | 244 |
| § I. Præmittuntur juris textus, o quibus pendet propositæ questionis solutio | 245 |
| § II. Episcopis, tum quatenus a Sede Apostolica delegatis, tum etiam quatenus Ordinariis, competit potestas per viam dismembrationis novas erigendi parochias, et quidem invitis etiam dismembrandarum parochiarum rectoribus | 246 |
| § III. Dictam potestatem dismembrandi habent Episcopi etiam in parochias exemptas | 248 |

| | |
|---|-----|
| § IV. Episcopi, etiam quatenus Sedis Apostolicæ delegati, præfatam potestatem non habent absolute, sed certis et a jure determinatis conditionibus et formalitatibus subjectam | 248 |
| CAPUT IV. Quenam sit justa causa, a jure requisita, ut possit Episcopus ad dismembrationem procedere | 252 |
| <i>Propositio I</i> ª. Justa causa non alia esse potest, quam vel distantia, vel alia difficultas parochianorum accedendi ad recipienda sacramenta, et audienda divina officia. | 252 |
| <i>Propositio II</i> ª. Ingens populi multitudo non est per se causa legitima dismembrationis | 255 |
| <i>Nota.</i> Quoad bodiernas parochias civitatis Parisiensis | 255 |
| <i>Propositio III</i> ª. Distantia et difficultas accedendi non sunt causa justa dismembrationis, nisi quando ex ipsis oritur magnum incommodum | 257 |
| <i>Propositio IV</i> ª. Ad legitimam dismembrationem, non simul requiritur distantia et difficultas accedendi; sed una ex istis causis absque altera sufficere potest | 258 |
| <i>Propositio V</i> ª. Ut constet de magno incommodo ex distantia vel ex alia difficultate accedendi, necesse non est aliquos infantes absque baptismo, vel alios absque sacramentis decessisse | 258 |
| <i>Propositio VI</i> ª. Quando adest magnum incommodum, sed cui occurri potest aliter quam per dismembrationem, sat recepta est apud doctores sententia, non posse tunc Episcopum ad dismembrationem procedere: cui tamen sententiæ validæ rationes opponi posse videntur | 259 |
| <i>Propositio VII</i> ª. Ad determinandum quando adsit magnum incommodum, sive ex distantia, sive ex difficultate accedendi, nulla datur a jure regula; ac proinde id Ordinarii judicio relinquitur | 262 |
| <i>Propositio VIII</i> ª. Regulariter loquendo, duo millia passuum habentur pro distantia sufficienti, ut ad dismembrationem procedi possit | 263 |
| <i>Propositio IX</i> ª. Ex eo quod adsit justa dismembrationis causa, non potest Episcopus partem populi e parochia distrahere, et alteri parochiæ jam existenti addicere | 264 |
| CAPUT V. Quenam sint formalitates requisitæ, ut canonice fiat ab Episcopo dismembratio et erectio? | 265 |
| <i>Requisitum I.</i> Debet fieri processus ad verificandum, an revera adsit justa causa novam erigendi parochiam | 265 |
| <i>Requisitum II.</i> Necesse est ut sufficiens sit numerus parochianorum novæ parochiæ adscribendorum | 266 |
| <i>Requisitum III.</i> Citandus est dismembrandæ parochiæ rector, et alii quorum interest, ut dicant si quid opponendum habeant | 267 |
| <i>Requisitum IV.</i> Dum erigitur nova parochia, debet determinari ejus extensio, sive per certi alicujus territorii, sive saltem per certarum familiarum assignationem | 269 |
| <i>Requisitum V.</i> Requiritur capituli cathedralis consensus, tum quando Episcopus procedit jurisdictione ordinaria, tum etiam quando procedit tanquam Sedis Apostolicæ delegatus, modo dismembratio sit de his quas posset ex jurisdictione ordinaria facere | 266 |
| <i>Requisitum VI.</i> Novæ parochiæ assignanda est dos competens, ex qua ejus | |

| | Pag. |
|---|------|
| rector convenienter sustentari queat | 273 |
| Unde sit desumenda illa dos competens | 273 |
| Quanta esse debeat | 276 |
| Requisitum VII. In dotanda nova parochia ex redditibus seu fractibus antiquæ, curandum est ut rectori antiquæ remaneat conveniens sustentatio. | 276 |
| Requisitum VIII. Matricis ecclesiæ rectori acquiritur jus patronatus in noviter erectam, si hæc ex alterius redditibus dotata fuit | 277 |
| Requisitum IX. Præter jus patronatus, debet antiquæ seu matri parochiali ecclesiæ competens honor præstandus assignari | 278 |
| Requisitum X. Requiritur ut Episcopus per seipsam novam parochiam erigat; vel, si erigat per vicarium suum generalem, ut is speciale ad id mandatum habeat | 278 |
| Requisitum XI. In Gallia et nonnullis aliis regionibus, ubi viget concordatum anni 1802, requiritur gubernii assensus | 279 |
| Requisitum XII. Notantur nonnulla alia ad cautelam observanda | 279 |
| CAPUT VI. De appellatione a decreto Episcopi, novam parochiam erigentis, dismembrata antiqua | 280 |
| § I. An et qualis detur appellatio ab episcopali decreto dismembrationis et erectionis? | 280 |
| § II. Ad quem detur prædicta appellatio? | 281 |
| CAPUT VII. De unione parochiarum | 283 |
| § I. Præmittuntur novæ juris dispositiones de unione beneficiorum in genere | 283 |
| Quæstio 1 ^a . Quotaplici modo uniri possint duo beneficia? | 283 |
| Quæstio 2 ^a . Quisnam potestatem habeat beneficia et ecclesias uniendo? | 285 |
| Quæstio 3 ^a . Quænam sint conditiones requisitæ, ut legitime fiat unio ab Episcopo? | 285 |
| § II. De potestate Episcopi quoad parochiarum uniones | 287 |
| Propositio 1^a. Possuat Episcopi unire parochias inter se | 287 |
| Propositio 2^a. Nequit Episcopus parochiam accessorie unire alicui beneficio non curato | 287 |
| Propositio 3^a. Prohibita videtur æque-principalis etiam unio parochiam inter et beneficium simplex | 288 |
| Propositio 4^a. Potest Episcopus beneficium non curatum accessorie unire parochiam | 289 |
| Propositio 5^a. Episcopus acquit valide dictas parochiarum uniones peragere, nisi ex causa necessitatis vel utilitatis | 290 |
| Propositio 6^a. Ut valide fiant ab Episcopo dictæ parochiarum uniones, requiritur consensus cathedralis capituli | 291 |
| Propositio 7^a. Requiritur insuper citatio et consensus eorum quorum interest | 292 |
| Propositio 8^a. Si beneficium, parochiæ uniendum, sit juris patronatus, requiritur patroni consensus | 293 |
| Propositio 9^a. Si ecclesia parochialis unienda juris patronatus sit, et patronus nolit consentire unioni, et Episcopus nequeat parochiæ illius necessitati subvenire remediis indicatis capite 15 sess. 24 Tridentinæ synodi, potest talis patronus cogi ab Episcopo ad consentiendum, vel ad | |

| | Pag. |
|--|------|
| tribuendum necessaria | 293 |
| Propositio X^a. Unio parochiarum ab Episcopis facta, suum effectum habere nequit, nisi post mortem aut resignationem rectorum, qui has parochias obtinent | 294 |
| Propositio XI^a. Requiritur consensus rectoris parochie uniendae, ut unio effectum habere possit aucte ipsius mortem aut resignationem : ut autem effectum habeat post ejus obitum vel resignationem, nec ipsius consensus, nec etiam ipsius citatio aut consilium requiritur | 294 |
| Propositio XII^a. Nequaquam requiritur consensus aut citatio plebis parochie uniendae | 294 |
| CAPUT VIII. Qua uorina parochie sub jure patronatus canonice constituuntur | 295 |
| § I. De jure patronatus, et variis illud acquirendi modis generalis notio . . | 295 |
| § II. Requisitae conditiones ut parochia sub jure patronatus canonice constitutur | 298 |
| CAPUT IX. De ecclesiarum parochialium alteratione et suppressione | 299 |
| Quaestio 1^a. Quid sit beneficiorum alteratio seu mutatio ? | 299 |
| Quaestio 2^a. Penes quem sit potestas parochiarum statum alterandi ? . . . | 299 |
| Quaestio 3^a. Quid sit suppressio beneficiorum ? | 299 |
| Quaestio 4^a. Quandoquid possit Episcopus aliquam parochialem ecclesiam suppressere | 300 |
| PARS TERTIA. De norma canonica parochos constituendi et removendi . | 301 |
| SECTIO I. Ad quem pertineat potestas rectores parochias praeficiendi | 302 |
| Subsectio I. Ad quem pertineat rectores praeficere iis parochiis, quae non sunt collationis liberae | 302 |
| CAPUT I. A quibus personis et actibus pendent parochiarum juris patronatus provisio | 303 |
| I. De necessaria presentatione ex parte patroni | 303 |
| II. De necessaria institutione | 304 |
| CAPUT II. A quo, et quibus actibus canonice constituantur vicarii perpetui parochiarum unitarum | 307 |
| Subsectio II. Ad quosdam pertineat parochias libere collationis conferre . . | 309 |
| CAPUT I. De primario collatore, sive Papa | 310 |
| § I. Quorundam Romani Pontificis potestas circa beneficia | 310 |
| § II. De potestate Romani Pontificis beneficiorum collationem sibi reservandi . | 312 |
| § III. Quandoquid parochiarum ceterorumque beneficiorum collatio sit reservata Papae, vi reservationis in corpore juris sancitae | 316 |
| § IV. Quandoquid per cancellariae regulas | 319 |
| I. Quid sint regulae cancellariae, et an jus universale constituent | 319 |
| II. Quandoquid reservetur Sedi Apostolicae parochiarum collatio per primam cancellariae regulam | 320 |
| III. Quandoquid vi nonne regulae, quae dicitur regula de mensibus . . . | 320 |
| § V. Ex hodicrao jure particulari Galliae, videtur parochiarum collatio ad Episcopos pertinere, absque ulla ad Sedem Apostolicam reservatione . | 322 |
| CAPUT II. De potestate Episcopi quoad parochiarum collationem | 325 |
| Quaestio 1^a. Quis dicatur ordinarius collator ? | 325 |
| Quaestio 2^a. Quomodo Episcopus sit de jure communis beneficiorum diocesis | |

| | Pag. |
|--|------|
| sum ordinarius collator ? | 325 |
| <i>Quæstio 3^a. Unde hoc jus conferendi originetur in Episcopo ?</i> | 326 |
| <i>Quæstio 4^a. An hæc potestas Episcopi beneficia conferendi spectet ad ipsius jurisdictionem ?</i> | 326 |
| <i>Quæstio 5^a. Quid sequatur ex præmissa doctrina, quoad potestatem Episcopi conferendi parochias ?</i> | 326 |
| <i>Quæstio 6^a. An hodie in Gallia præter Episcopos alii existant parochiarum collatores</i> | 327 |
| CAPUT III. De potestate, tum vicarii generalis Episcopi, tum (sede vacante) capituli et vicarii capitularis, quoad parochiarum collationem. | 328 |
| SECTIO II. Quis valeat constitui parochus, seu de requisitis ad parochiale officium qualitatibus | 331 |
| <i>Quæstio 1^a. Quenam requiratur ætas ?</i> | 331 |
| <i>Quæstio 2^a. An et qualis ordo requiratur, ut quis constitui possit parochus ?</i> | 332 |
| <i>Quæstio 3^a. Quenam scientia requiratur in parocho</i> | 334 |
| <i>Quæstio 4^a. An regulares possint esse parochi (remissive)</i> | 334 |
| SECTIO III. Qua forma constituendi sint parochi, seu de lege concursus . . | 335 |
| CAPUT I. Recensentur leges ecclesiasticæ, quæ servandæ in constituendis parochis concursus formam præscribunt | 335 |
| <u>§ I. Tridentina lex de servanda in constituendis parochis concursus forma . .</u> | 335 |
| <u>§ II. Quomodo sanctus Pius V et Innocentius XI Tridentinam legem magis determinaverint</u> | 338 |
| <u>§ III. Quid Clementis XI auctoritate statutum fuerit</u> | 340 |
| <u>§ IV. Quid a Benedicto XIV statutum</u> | 345 |
| CAPUT II. Enumerantur beneficia curata pro quibus adhienda non est forma concursus | 349 |
| CAPUT III. Questiones nonnullæ circa examinatores synodales | 352 |
| <i>Quæstio 1^a. Quot examinatores in synodo provinciali constitui possint aut debeant</i> | 352 |
| <i>Quæstio 2^a. Quoad durent eorum potestas, et quid si deficiat senarius numerus ?</i> | 352 |
| <i>Quæstio 3^a. Quomodo et quando examinatores suffragia sua ferre debeant. .</i> | 353 |
| <i>Quæstio 4^a. An Episcopus, vel ejus vicarius examini assistens, votum cum examinandis habet ?</i> | 354 |
| CAPUT IV. Num Tridentina lex de concursu hodie in Gallia vigere censenda sit ? | 354 |
| <u>§ I. Num ex concordato anni 1801 sequitur Galliarum ecclesiis legi Tridentinæ de concursu non subjacere ?</u> | 356 |
| <u>§ II. An quinquagenaria consuetudo parochias absque prævio concursu conferendi, evineat non vigere hodie in Gallia Tridentinam de ejusmodi concursu legem</u> | 359 |
| <u>§ III. An dici queat disciplinam concursus esse quid evangelicæ humilitati repugnans, et ex natura sua nocivum, ac itaque probandum ?</u> | 361 |
| SECTIO IV. De norma canonica parochos removendi | 364 |
| Subsectio I. De norma canonica removendi beneficiatos. | 364 |
| CAPUT I. Norma beneficatos removendi per degradationem actualem | 365 |
| <i>Quæstio 1^a. Quid sit actualis seu realis degradatio ?</i> | 365 |
| <i>Quæstio 2^a. Quandouam deveniri possit ad degradationem realem ?</i> | 365 |

| | |
|---|-----|
| <i>Quæstio 3^a. Quænam sint solemnitates requisitæ, ut legitime fiat degradatio realis?</i> | 366 |
| <i>Quæstio 4^a. Quisam ritus servandus sit in degradatione reali exequenda?</i> | 367 |
| CAPUT II. Normæ beneficiatos removendi per beneficii privationem. | 367 |
| § I. Nonnullæ regulæ generales, privationis pœnam spectantes. | 368 |
| <i>Regula 1^a. Infigi nequit pœna privationis beneficii nisi propter causam gravem, et servato juris ordine</i> | 368 |
| <i>Regula 2^a. Non potest Ordinarius ad privationem beneficii procedere ex informata conscientia</i> | 369 |
| <i>Regula 3^a. Ut possit pronuntiari privationis sententia, regulariter loquendo debet constare de delicto per probationem plenam seu concludentem.</i> | 370 |
| <i>Regula 4^a. Quando privatio ipso jure incurritur, et delictum est notorium, nulla opus est sententia; sed ad executionem privationis immediate deveniri potest.</i> | 371 |
| <i>Regula 5^a. Quando privatio ipso jure incurritur, et delictum non est per se satis notorium, iudex pronuntiare debet, non sententiam privationis, sed sententiam declaratoriam; qua nonne declarat tale delictum a beneficiato fuisse patratum, ac consequenter ipsum beneficio suo privatum jam existere.</i> | 372 |
| <i>Regula 6^a. Quatumvis atrox sit delictum, non censendus est beneficiarius ipso jure privatus, nisi expresse pro illo crimine lex ecclesiastica privationem ipso jure decreverit.</i> | 373 |
| <i>Regula 7^a. Vicarius generalis Episcopi nequit, absque speciali mandato, privationis pœnam infligere.</i> | 373 |
| § II. De pœna privationis ob certos quasdam omissionis culpas. | 374 |
| <i>Quæstio 1^a. De privationis pœna, ob omissam receptionem ordinum infra annum</i> | 374 |
| <i>Quæstio 2^a. De privationis pœna, ob omissam clericalis habitus gestationem.</i> | 374 |
| <i>Quæstio 3^a. De privationis pœna, ob omissam residentiam (remissive).</i> | 375 |
| § III. De pœna privationis ob varia delicta commissionis | 375 |
| <i>Quæstio 1^a. De privatione, ob apprehensam possessionem beneficii ante expeditionem litterarum.</i> | 375 |
| <i>Quæstio 2^a. De privatione ob lactam violentiam in apprehendenda possessione beneficii.</i> | 375 |
| <i>Quæstio 3^a. De privatione ob litterarum Apostolicarum falsificationem</i> | 375 |
| <i>Quæstio 4^a. De privatione ob malam promotionem ad ordines.</i> | 375 |
| <i>Quæstio 5^a. De privatione ob alienationem rerum ecclesiarum seu beneficii.</i> | 376 |
| <i>Quæstio 6^a. De privatione ob simoniam.</i> | 376 |
| <i>Quæstio 7^a. De privatione ob insordescentiam in excommunicatione.</i> | 376 |
| <i>Quæstio 8^a. De privatione ob insordescentiam in suspensione.</i> | 377 |
| <i>Quæstio 9^a. De privatione ob irregularitatem.</i> | 377 |
| <i>Quæstio 10^a. De privatione ob homicidium, vulnerationem, percussionem.</i> | 377 |
| <i>Quæstio 11^a. De privatione ob procuracionem abortus.</i> | 378 |
| <i>Quæstio 12^a. De privatione ob infandum sodomie crimen.</i> | 378 |
| <i>Quæstio 13^a. Qualiter ob sacrilegum cum moniali facinus locus detur privationi.</i> | 378 |

| | Pag. |
|---|------|
| <u>§ IV. De privatione ob concubinatum, et ob simplicem fornicationem. . .</u> | 379 |
| <u>I. Præmittitur synopsis historica circa pœnas, quæ variis temporibus in clericis incontinentes a jure statutz reperiantur.</u> | 380 |
| <u>II. Plurimorum doctorum sententia fuit, non posse clericum ob simplicem fornicationem beneficio suo privari.</u> | 382 |
| <u>III. Plurimi doctores tenent, propter simplicem fornicationem posse pœnam privationis infligi, quando est notoria vel scandalosa . . .</u> | 383 |
| <u>IV. Plurium fuit doctorum sententia non posse beneficio privari concubinarium, quanvis notorium, nisi in casu quo, post monitiones et suspensionem sese emendare recuset, et in concubinatu perseveret</u> | 388 |
| <u>V. Plurimi doctores tenebant plecti posse concubinatum privationis pœna, non præmissis monitionibus et suspensione; modo constet, non mutant de suspecta frequentatione, sed et de patris fornicationis actibus</u> | 390 |
| <u>VI. Quenam e duplici exposita doctorum sententia potius amplectenda videatur</u> | 391 |
| <u>VII. Subjiciuntur juris textus et alia documenta, ad illustrandam questionem idonea.</u> | 392 |
| <u>VIII. In hypothesi quod de jure communi non posset privationis pœna plecti simplex fornicatio, nec etiam concubinatus nisi præmissis monitionibus et suspensione, id saltem fieri certo posset de <i>jure particulari</i>, seu ex statutis particularibus ecclesiarum, et vigente apud ipsas consuetudine.</u> | 396 |
| <u>IX. De difficultatibus præsentium temporum quoad Tridentinam de clericis concubinariis dispositionem.</u> | 397 |
| <u>X. Episcopus contra clericos concubinarios, juxta normam Tridentine dispositionis procedens, judicii summarii formam adhibere potest. .</u> | 398 |
| <u>CAPUT III. Norma beneficiatos removendi per suspensionem.</u> | 399 |
| <u>Quæstio 1^a. Quibus in casibus de jure communi incuratur suspensio? .</u> | 399 |
| <u>Quæstio 2^a. An concubinarij notorii ipso jure sint suspensi?</u> | 399 |
| <u>Quæstio 3^a. Quannam ob causam possit Episcopus clericum suspendere?</u> | 400 |
| <u>Quæstio 4^a. An possit Episcopus clericos suspendere extra-judicialiter, seu ex informata conscientia?</u> | 401 |
| <u>Subsectio II. Norma canonica removendi curatos.</u> | 401 |
| <u>CAPUT I. Norma removendi parochos seculares, quorum parochiale beneficium perpetuum est.</u> | 401 |
| <u>CAPUT II. Norma removendi vicarios curatos perpetuos.</u> | 402 |
| <u>CAPUT III. Norma removendi parochos seculares, ad nutum Episcopi movibiles.</u> | 403 |
| <u>§ I. Nonnullæ præmittuntur notiones de beneficiis manualibus, in quibus nempe beneficiati possunt ad nutum removeri.</u> | 404 |
| <u>§ II. Adducitur summum præcipuorum aliquot doctorum sententia, quoad quæstionem, an beneficia manualia obtinentes possint iis privari <i>sine causa</i>, et an recursus ad superiorem habeant — Doctrina Suarezii, Garciae, Lotteri, Gonzalez, Cardinalis de Luca, Laurentii, Rotæ romanæ. .</u> | 405 |
| <u>§ III. Quomodo solvenda videatur quæstio, an parochi ad nutum amovibiles</u> | |

| | Page |
|---|------------|
| <u>possint sine causa revocari.</u> | <u>413</u> |
| <u>Propositio I^a. Est de essentia manualitatis ut possit beneficiatus legitime revocari sine causa.</u> | <u>413</u> |
| <u>Propositio II^a. Beneficiatus amovibilis, sine causa revocatus, nequit conqueri, nec jus recurrendi habere, ex eo titulo quod jusipsius in beneficio violatum sit.</u> | <u>414</u> |
| <u>Propositio III^a. Ex eo quod revocatus sine causa agat ex pravo motivo, non sequitur eum non uti jure suo, aut injuriam facere revocato.</u> | <u>415</u> |
| <u>Propositio IV^a. Generali regulæ, quod revocans sine causa utatur jure suo, apponenda est exceptio: nisi ob peculiares circumstantias amoto inde oveniat notabile damnum, ab amissione beneficii diversum.</u> | <u>416</u> |
| <u>Propositio V^a. Generali dictæ regulæ apponenda etiam est exceptio: nisi sequatur damnum tertii notabile.</u> | <u>417</u> |
| <u>Propositio VI^a. Quando tales sunt circumstantiæ, ut amotio merito presumatur fieri ex odio, hoc ipso cessat jus superioris amovendi sine causa.</u> | <u>417</u> |
| <u>§ IV. Præmissorum applicatio parochis amovibilibus Galliæ, qui desertitores uuncupantur.</u> | <u>418</u> |
| <u>CAPUT IV. Norma removendi vicarios curatos, ad nutum alicujus collegii amovibiles.</u> | <u>423</u> |
| <u>CAPUT V. Norma removendi parochos regulares (remissive).</u> | <u>425</u> |
| <u>SECTIO V. De coadjutoribus parochorum et de norma eos constituendi.</u> | <u>426</u> |
| <u>CAPUT I. Quid sit et quotuplex coadjutor.</u> | <u>426</u> |
| <u>CAPUT II. Quibus ex causis parochi dari possit coadjutor.</u> | <u>428</u> |
| <u>Propositio I^a. Magna populi multitudo non est causa legitima ob quam parochi dari possit coadjutor.</u> | <u>428</u> |
| <u>Propositio II^a. Quando parochus, ex aliqua perenni corporis aut animi infirmitate, jam aequit parochiam suam recte regere, dari ei potest et debet coadjutor.</u> | <u>429</u> |
| <u>Propositio III^a. Potest iusuper dari coadjutor illi parochi, qui necessaria ad officium suum scientia destitutus reperitur.</u> | <u>431</u> |
| <u>Propositio IV^a. Potest Episcopus parochos, et si jam a se vel prædecessoribus suis examinatos, ad examen vocare, ut videat num requisita scientia destituantur; modo tamen contra eos publice viget ignorantie suspicio.</u> | <u>431</u> |
| <u>CAPUT III. Qualis coadjutor parochi dari possit aut debeat.</u> | <u>433</u> |
| <u>Propositio I^a. Episcopus parochi dare nequit coadjutorem cum futura successione.</u> | <u>433</u> |
| <u>Propositio II^a. Coadjutor præditus esse debet qualitatibus, quas requirit officium pro quo datur.</u> | <u>434</u> |
| <u>CAPUT IV. An requiratur consensus parochi, ut ipsi dari possit coadjutor; et nam appellare possit, si invito sibi coadjutor imponatur.</u> | <u>435</u> |
| <u>Propositio I^a. Potest Episcopus, etiam invitis, coadjutores dare, ob causas canonicas supra expressas.</u> | <u>435</u> |
| <u>Propositio II^a. A decreto Episcopi coadjutorem dantis appellare potest parochus ad effectum devolutivum tantum, si ob causam imperitiæ coadjutor datus sit: ad atrumque autem effectum, si ob causam infirmitatis animi aut corporis.</u> | <u>436</u> |

| | |
|--|------------|
| <u>CAPUT V. Congrua coadjutoris quomodo determinanda, et unde sit desumenda</u> | <u>437</u> |
| <u>CAPUT VI. Quid possit coadjutor parochi, et ad quid teneatur.</u> | <u>438</u> |
| PARS QUARTA. Quid possint parochi, seu de ipsorum jure et prerogativis | 441 |
| <u>CAPUT I. De distinctione inter jura parochialia, functiones parochiales, et functiones mere sacerdotales.</u> | <u>442</u> |
| <u>§ I. Quid strictiori sensu per jura parochialia intelligi soleat.</u> | <u>442</u> |
| <u>§ II. Quid per parochiales functiones seu munia parochialia.</u> | <u>443</u> |
| <u>CAPUT II. De jure parochorum nominandi et amovendi vicarios seu adjutores suos.</u> | <u>444</u> |
| <u>§ I. Distinguendi duplicis speciei coadjutores parochorum.</u> | <u>445</u> |
| <u>§ II. Ad parochum pertinet adjutores vicarios suos, sibi eligere et nominare, quamvis eorum approbatio spectet ad Episcopum.</u> | <u>446</u> |
| <u>§ III. Quatenus vicarii parochorum adjutores moveri possint a parochis, et quid juris hodie in Gallia, tum quoad nominationem, tum quoad remotionem (remissive).</u> | <u>453</u> |
| <u>CAPUT III. Jus parochi quoad baptismata.</u> | <u>454</u> |
| <u>CAPUT IV. Jus parochi quoad sacramentum poenitentiae.</u> | <u>455</u> |
| <u>CAPUT V. Jus parochi quoad sacramentum Eucharistiae.</u> | <u>459</u> |
| <u>CAPUT VI. An et quatenus possit parochus duas missas eodem die celebrare.</u> | <u>461</u> |
| <u>Propositio I^a. Prioribus Ecclesiae seculis invaluerat passim disciplina, ut sacerdos pluries eadem die divina mysteria celebrare posset.</u> | <u>461</u> |
| <u>Propositio II^a. A multis jam saeculis certa est lex ecclesiastica, hodieum plene vigens, qua prohibentur sacerdotes, praeterquam in Natalis festo, pluries eodem die celebrare, excepto necessitatis casu.</u> | <u>461</u> |
| <u>Propositio III^a. Plures casus ab antiquis canonistis habiti tanquam a praefata lege excepti, ut tales hodie habendi non sunt.</u> | <u>462</u> |
| <u>Propositio IV^a. Ad hoc ut parochus in duabus ecclesiis eodem die licite celebrare possit, satis est quod alioquin alteruter ex duobus dissitis populis missa carere debeat die dominico aut festo.</u> | <u>464</u> |
| <u>Propositio V^a. Etiam in eadem ecclesia bis eodem die celebrare licitum esse potest parochi : si nempe unicae missae magna pars populi adesse nequeat.</u> | <u>465</u> |
| <u>Propositio VI^a. Ad iterationem in duabus ecclesiis (etsi detur sufficiens necessitas) requiri videtur, regulariter loquendo, licentia Episcopi.</u> | <u>466</u> |
| <u>Propositio VII^a. Ad iterationem in eadem ecclesia, non requiritur Sedis Apostolicae facultas, sed sufficit licentia Episcopi.</u> | <u>467</u> |
| <u>Propositio VIII^a. Licita non est iteratio, si aliis a jure indicatis remediis necessitati occurrere possit.</u> | <u>469</u> |
| <u>Propositio IX^a. Si non adsit requisita a jure necessitas, nulla consuetudo licitam facere potest iterationem.</u> | <u>470</u> |
| <u>CAPUT VII. Jus parochi quoad matrimonia</u> | <u>471</u> |
| <u>§ I. Quisnam sit quoad matrimonium proprius parochus.</u> | <u>471</u> |
| <u>§ II. Describitur jus parochi quoad matrimonium.</u> | <u>473</u> |
| <u>CAPUT VIII. Jus parochi quoad extremam-unctionem et viaticum.</u> | <u>476</u> |
| <u>CAPUT IX. Jus parochi quoad oblationes.</u> | <u>478</u> |

| | Pag. |
|---|------|
| § I. Quid de jure communi competat parochis circa oblationes | 478 |
| <i>Quaestio 1^a. Quid sint oblationes.</i> | 478 |
| <i>Quaestio 2^a. Ad quem pertineant oblationes, tam quae jure debentur, quam quae sponte offeruntur.</i> | 479 |
| <i>Quaestio 3^a. Ad quemnam pertineant oblationes quae sunt, tum alicui cappellae vel imagini ecclesiae parochialis, tum alicui oratorio extra ecclesiam parochialem, intra ambitum tamen parochiae, existentis?</i> | 479 |
| <i>Quaestio 4^a. An oblationes ex justitia debeantur, ita ut possit parochus eas exigere?</i> | 480 |
| <i>Quaestio 5^a. Quomodo ad Episcopum pertineat determinare quemnam oblationes ex justitia exigere possint?</i> | 480 |
| § II. Quoniam modo hodie in Gallia jus parochorum quoad oblationes determinetur | 482 |
| CAPUT X. Jus parochi quoad funeralia | 483 |
| § I. De jure sepeliendi ad parochos pertinentem | 483 |
| <i>Propositio I^a. Exceptis certis casibus, a jure determinatis, jus sepeliendi parochianos ad parochum pertinet.</i> | 483 |
| <i>Propositio II^a. Si quis habeat majorum suorum sepulchrum ubi, quam in parochiae suae ecclesia vel cimiterio, nec aliam sepulturam elegerit, non tantum potest, sed debet in dicto majorum suorum sepulchro sepelli.</i> | 485 |
| <i>Propositio III^a. Quilibet, modo aetatem pubertatis attigerit, sepulturam suam eligere potest; ita ut in ea debeat sepeliri, quamvis extra parochiam suae ecclesiae et cimiterium sita sit.</i> | 485 |
| <i>Propositio IV^a. Pro impubere sepulturam eligere potest pater, et (hoc deficiente) mater, et (patre et matre deficientibus) consanguinei, affines et etiam tutor, modo ea sit regionis consuetudo.</i> | 486 |
| <i>Propositio V^a. In monasterio suo respectivo sepeliri possunt: novitia, etiam extra monasterium decedentes, modo ad illud transferri queant: domestici, religiosi inservientes, et apud ipsos degentes, quando intra septa monasterii decedunt: tertiarum qui collegialiter degunt: tertiarum quae cum habitu tertiarum et voto castitatis vivunt.</i> | 486 |
| <i>Propositio VI^a. Parochus non licet officium facere in aliena ecclesia super cadaveribus in ea sepeliendis.</i> | 486 |
| <i>Propositio VII^a. Quando defunctus tumulatur in ecclesia regularium, non potest parochus defuncti impediri nisi ipsis regularibus, quin pulset campanas parochiales; neque ipsi regulares ecclesiae in qua defunctus sepelitur impediri possunt a parochis, quin pulsent campanas ecclesiae suae.</i> | 487 |
| <i>Nota. De jure ecclesiarum habendi sepulturas.</i> | 487 |
| § II. De jure parochi funeribus interveniendi | 487 |
| I. Etiam si parochianus in aliena ecclesia et ab aliis sit sepeliendus, jus habet ipsius parochus ut ad funus vocetur, et vocatus tenetur intervenire | 488 |
| II. Parochus, quotiens funeri intervenienti, quamvis functiones, quamvis jura competant | 489 |
| III. Jus parochi quoad elevandam in ducendis funeribus crucem | 495 |
| IV. Jus parochi quoad praecedentiam in funeribus | 496 |

| | Pag. |
|--|------|
| § III. Jus parochi quoad emolumenta ex funeribus provenientia | 498 |
| <i>Quaestio 1^a. An possit parochus aliquid exigere pro officio sepulturae ab ipso praestito?</i> | 498 |
| <i>Quaestio 2^a. Quid sit quarta funeralis, seu portio canonica?</i> | 499 |
| <i>Quaestio 3^a. Quanta sit portio canonica parochi debita?</i> | 500 |
| <i>Quaestio 4^a. De quibus rebus solvenda sit portio canonica?</i> | 501 |
| CAPUT XI. Quenam sint functiones parochiales, id est, quae nonnisi a parochi, aut de ipsius licentia, peragi possunt | 502 |
| § I. Quenam auctoritates pro norma habendae sint ad determinandas parochiales functiones | 503 |
| § II. Decretum generale Sacrae Congregationis Rituum, diei 10 decembris 1703, circa jura parochialia, functiones et praerogativas, inter parochos et confraternitates laicorum, earumque cappellanos et officiales | 504 |
| § III. Constat quanam functiones pro parochialibus habendae sint | 509 |
| <i>Propositio 1^a. Benedictio fontis baptismalis est functionibus parochialibus annumeranda</i> | 509 |
| <i>Propositio 2^a. Missa sollemnis feria V in coena Domini est etiam de functionibus parochialibus</i> | 509 |
| <i>Propositio 3^a. Benedictiones mulierum post portum esse defunctionibus parochialibus fuerat dicto decreto anni 1703 decisum; sed iterum postea intervenire declarationes contrarium statuantes</i> | 509 |
| <i>Propositio 4^a. Benedictiones et distributiones candelarum, cinerum, palmarum, ignis, ovorum et similium; item hebdomadae sanctae functiones caeterae praeter missam solennem feriae V in coena Domini; item missae solennes per annum, expositio quodraginta horarum, benedictio quae fit super populo, expositio quae fit cum reliquiis vel sacris imaginibus, et benedictio quae cum eis fit super populo, non sunt de functionibus parochialibus.</i> | 510 |
| <i>Propositio 5^a. Prima pulsatio campanarum in sabbato sancto, non est de iuribus, nec de functionibus parochialibus.</i> | 512 |
| <i>Propositio 6^a. Denuntiatio festivitatum et vigiliarum in hebdomada occurrentium, non est de functionibus parochialibus.</i> | 512 |
| <i>Propositio 7^a. Officium funebre super parochianorum cadaveribus, sepeliendis in confraternitatibus ecclesiis et oratoriis publicis, est de functionibus parochialibus</i> | 512 |
| CAPUT XII. De jure parochorum quoad stolae delationem | 512 |
| CAPUT XIII. Benedictio sollemnis, per verba <i>Sit nomen Domini benedictum</i> , est parochis et caeteris quibuscumque, exceptis Episcopis et abbatibus mitratis, sub gravi illicita | 513 |
| CAPUT XIV. De potestate parochi dispensandi a jejuniis vel abstinentiis, et a praeepto servilia opera diebus festis prohibente | 518 |
| CAPUT XV. Jus parochorum quoad confraternitatum oratorio sive ecclesias, nec non earumdem cappellanos | 519 |
| <i>Propositio 1^a. Si dictae confraternitates erectae sint in ipsa ecclesia parochiali, vel in aliquo edificio eidem parochiali ecclesiae annexo, nequeunt ab his confraternitatibus functiones ullae ecclesiasticae peragi, nisi dependentes a parochi</i> | 519 |

| | |
|--|-----|
| <i>Propositio II^a.</i> Si confraternitas existat in alia ecclesia quam parochiali, vel in aliquo oratorio (sive publico sive privato) ab ecclesia parochiali ejusque dependentis sejuncto, possunt independentes a parochia in ejusmodi ecclesia vel oratorio confraternitatis peragi eae functiones, quae non sunt parochiales | 519 |
| <i>Propositio III^a.</i> In dictis confraternitatibus oratoriis, ab ecclesia parochiali sejunctis, possunt recitari horae canonicae, cum vel sine cantu, absque ulla parochi licentia | 520 |
| <i>Propositio IV^a.</i> In modo dictis confraternitatibus oratoriis seu ecclesiis, celebrari potest missa privata, contradicente parochia, modo assensu Episcopi | 520 |
| <i>Propositio V^a.</i> Jus non habet parochus, invitatis confratribus, doctrinam christianam docendi in dictis eorum ecclesiis seu oratoriis, ab ecclesia parochiali sejunctis | 520 |
| <i>Propositio VI^a.</i> In dictis confraternitatibus ecclesiis et oratoriis, a parochiali ecclesia divisis, haberi possunt conciones, etiam per totum tempus Quadragesimae et Adventus, absque licentia parochi, modo assensu Episcopi | 520 |
| <i>Propositio VII^a.</i> In dictis confraternitatibus oratoriis celebrari nequit missa, sive lecta, sive cantata, ante parochialem missam, sive lectam, sive cantatam, nisi aliter disponat Episcopus | 520 |
| <i>Propositio VIII^a.</i> Intra ambitum modo dictarum ecclesiarum et oratoriorum, possunt confraternitates processiones suas facere, absque interventu et licentia parochi: id vero nequeunt extra, nisi de licentia Episcopi | 520 |
| <i>Propositio IX^a.</i> In praedictis processionibus potest cappellanus deferre stolum, si fiat intra ambitum: secus si fiat extra | 520 |
| <i>Propositio X^a.</i> Episcopo ad publicam confraternitatis ecclesiam accedenti (etiamsi haec ecclesia non sit regularium, nec rectorem beneficium habeat) non pertinet ad parochum aspersionem porrigere | 521 |
| <i>Propositio XI^a.</i> Nequit parochus, ex solo jure parochialitatis, confraternitatum rectores seu cappellanos compellere ad assistendam ecclesiae parochialis functionibus | 521 |
| <i>Propositio XII^a.</i> In praefatis confraternitatibus ecclesiis, quae nec parochiales sunt nec regulares, retineri nequit sanctissimum Eucharistiae sacramentum, absque speciali iudicio Sedis Apostolicae | 521 |
| <i>Propositio XIII^a.</i> Nequit parochus se ingerere in administratione oblationum vel elemosinarum, in dictis confraternitatibus ecclesiis seu oratoriis collectarum, nec etiam capsa, in qua asservantur, retinere | 521 |
| <i>Propositio XIV^a.</i> Nec confratres, nec eorum cappellani, possunt, invito parochia, se immiscere in ecclesiae parochialis functionibus, sive parochialibus, sive non parochialibus | 521 |
| <i>Propositio XV^a.</i> Confraternitates, sive in ecclesia parochiali erectae, sive alibi, possunt absque interventu et licentia parochi, suas congregationes habere, dummodo non impediunt parochialis ecclesiae functiones et divina officia | 521 |
| <i>Propositio XVI^a.</i> Possunt dictae confraternitates propriam bonam administrare, ac de illis disponere, absque ulla dependentia a parochia | 521 |
| <i>Propositio XVII^a.</i> Etiamsi parochus confraternitatum congregationibus intersit de mandato Ordinarii, et tanquam ejus delegatus, non habet suffra- | |

| | Pag. |
|--|------|
| gium decisivum | 524 |
| CAPUT XVI. De jure parochorum quoad regulares nonnulli adnotantur. . . | 522 |
| CAPUT XVII. De jure parochorum quoad varia superiora non recensita . . . | 524 |
| PARS QUINTA. Ad quid teneatur parochus, seu de ipsius officio et obligationibus | 521 |
| CAPUT I. De emittenda a parochis professione fidei, et spondenda Romano Pontifici obedientia | 527 |
| <i>Quæstio 1^a.</i> An teneantur parochi professionem fidei emittere, et obedientiam Romano Pontifici jurare? | 527 |
| <i>Quæstio 2^a.</i> Quanam formula utendum sit? | 527 |
| <i>Quæstio 3^a.</i> Qualiter obliget Tridentinum de ejusmodi professione et juramento præceptum? | 528 |
| <i>Quæstio 4^a.</i> An possit illa fidei professio per procuratorem fieri? | 529 |
| <i>Quæstio 5^a.</i> Quanam penam incurrat parochus, dictam fidei professionem omittens? | 530 |
| <i>Quæstio 6^a.</i> Quis condonare possit parochi fructus amissos ob non factam debito tempore fidei professionem | 530 |
| <i>Quæstio 7^a.</i> An parochus qui non fecit fructus suos, ob omissam fidei professionem, teneantur illos restituere ante sententiam declaratoriam? . . | 530 |
| <i>Quæstio 8^a.</i> Cui assignandi et applicandi fructus amissi ob non factam fidei professionem? | 530 |
| <i>Quæstio 9^a.</i> An Tridentinum præceptum de emittenda fidei professione adstringat etiam parochos ad nutum amovibiles? | 531 |
| <i>Quæstio 10^a.</i> An dicta obligatio professionem fidei emittendi tolli possit per contrariam consuetudinem? | 531 |
| <i>Quæstio 11^a.</i> Quid concludendum videatur quoad parochos earum regionum, in quibus non viget dictæ professionis fidei usus? | 532 |
| CAPUT II. De obligatione residendi, qua obstringuntur parochi. | 532 |
| § I. Recensentur præcipui juris textus, et nonnullæ Sacrarum Congregationum declarationes, onus residendi parochorum spectantes | 532 |
| § II. An et quo juro parochi, et alii quibus incumbit actualis animarum cura, residere teneantur | 537 |
| <i>Propositio 1^a.</i> Residentium lege obstringuntur parochi proprie dicti, qui nempe beneficium parochiale perpetuum obtinent, cum actualis curæ onere: non autem parochi improprie dicti, qui dicuntur parochi <i>in habitu</i> | 537 |
| <i>Propositio 11^a.</i> Lege residendi obstringuntur etiam parochi ad nutum amovibiles | 538 |
| <i>Propositio 11^a.</i> Atque etiam vicarii curati, tam temporales quam perpetui | 538 |
| <i>Propositio 1V^a.</i> Quando parochus coadjutorem habet, tam coadjutor quam condjutus residere tenetur | 539 |
| <i>Propositio V^a.</i> Certum non est curatos ex jure divino ad residendum teneri | 540 |
| § III. Quenam sint generatim justæ causæ, ob quas curati hæc a parochis sua abesse possunt | 541 |
| <i>Propositio 1^a.</i> Lex residendi non ita intelligenda est, ut nequeant parochi, justa interveniente causa, extra parochiam ire, et ad tempus abesse: | 541 |
| <i>Propositio 11^a.</i> Ut parochus singulis annis per bimestre, sive continuant, | |

| | |
|---|------------|
| <u>sive interruptum, abesse queat, non requiritur causa gravis, sed sufficit equum seu rationabilis</u> | <u>542</u> |
| Propositio III^a. Interveniente gravi causa, potest parochus ultra duos menses licite abesse. | 543 |
| Propositio IV^a. Ut parochus per bimestre legitime abesse possit, sufficit recreationis causa, vel similis | 543 |
| Propositio V^a. Ut parochus legitime abesse possit ultra bimestre, re- quiritur christianæ caritatis, vel urgentis necessitatis, vel debite obo- dientie, vel evidentis Ecclesiæ aut reipublicæ utilitatis causa | 543 |
| Propositio VI^a. Indiciū de legitimitate causæ, sive ad bimestris, sive ad longioris temporis absentiam, pertinet ad Episcopum; ita tamen ut a recusatione detur recursus ad superiorem. | 544 |
| Propositio VII^a. Ut parochus a residendo in perpetuum eximatur, non suf- ficit ulla causa, quantumvis gravis; nec ulla Episcopi licentia: sed re- quireretur Apostolicæ Sedis indultum, quod non solet concedi | 545 |
| § IV. De nonnullis causis in particulari expenditur, an parochum a residen- tia excuset. | 546 |
| Propositio I^a. Consuetudo non residendi, etiam immemorabilis, a resi- dentia non excusat | 546 |
| Propositio II^a. Causa perficiendi sua juris sacri vel theologiæ studia, a tempore Tridentinæ synodi parochum non excusat a residentia. . . . | 546 |
| Propositio III^a. Nec excusatur a residentia parochus ex eo quod theolo- giam in civitate doceat, etiam relicto idoneo vicario; et etiam si non adsit alius ad docendum idoneus | 547 |
| Propositio IV^a. Aeris intemperies, etiam juncto morbo, parochum a resi- dentia non excusat; est tamen causa sufficiens morbus cum aeris incle- mentia, ut Episcopus ultra duos menses abessendi licentiam concedat . . | 547 |
| Propositio V^a. Nec senilis ætas, nec adversa valetudo parochum excu- sat a personali residentia. | 547 |
| Propositio VI^a. Parvus parochianorum numerus, etiam si tres dumtaxat remanent, parochum a residentia non excusant | 547 |
| Propositio VII^a. Periculum contrahendæ pestis in parochia grassantis, pa- rochum non eximit ab onere residendi, etiam si alii adsint idonei, qui vices ejus suppleant. | 548 |
| Propositio VIII^a. Ob inimicitias ipsi parochi personales, licet potest pa- rochus e parochia aufugere: licentiam autem perpetuam non residendi nequit Episcopus ei hanc ob causam concedere. | 548 |
| Propositio IX^a. Servitium Episcopo præstandum non est legitimam causa non residendi, nisi per duos menses a Tridentina synodo concessos . . | 551 |
| § V. Quomodo ad licitam parochi absentiam, præter causæ legitimam requi- ratur, ut causa declaretur Episcopo, isque licentiam in scriptis con- cedat, et interim substituitur vicarius ab Episcopo approbatus | 552 |
| Propositio I^a. Ad absentiam ultra duos menses, requiritur (præter cau- sam legitimam) licentia Episcopi in scriptis data | 552 |
| Propositio II^a. Eadem Episcopi licentia requiritur, etiam si agatur tantum de absentia per duos menses | 552 |
| Propositio III^a. Et etiam ad absentiam unius hebdomadæ | 553 |

| | |
|--|-----|
| <i>Propositio IV^a. Quoad absentiam ultra biduum et extra hebdomadam, an de jure communi necessario sit Episcopi licentia, videtur licite controverti posse.</i> | 553 |
| <i>Propositio V^a. Quoad absentiam bidui, vel biduo brevioris, non videtur de jure communi necessaria licentia Episcopi.</i> | 554 |
| <i>Propositio VI^a. Certum est posse Episcopum prohibere, ne ultra biduum absint parochi, absque licentia prius obtenta.</i> | 555 |
| <i>Propositio VII^a. Debet Episcopo declarari causa: nec sufficit ipsi dicere causam esse gravem, et hoc juramento firmare.</i> | 556 |
| <i>Propositio VIII^a. Sive ad absentiam duorum mensium, sive ad longiorem, si necessitas ita urgent, ut non patiatur moram, omitti quidem licentia poterit; sed debet quamprimum certior Episcopus fieri.</i> | 556 |
| <i>Propositio IX^a. Præter causam legitimam, et scriptam Episcopi licentiam, de quibus supra, requiritur ut idoneus substituantur vicarius, ab Episcopo approbatus, eum mercede congrua.</i> | 557 |
| § VI. Qualiter residendi lex intelligenda sit quoad modum. | 558 |
| <i>Propositio I^a. Lex residendi intelligenda est de residentia, non materialitumtaxat, sed formali, id est, laboriosa, non otiosa.</i> | 558 |
| <i>Propositio II^a. Sufficiens formalis seu laboriosa censenda est residentia parochi, si parochialium munerum partem notabilem per seipsum expleat; quamvis multa vicariis adiutoribus exequenda relinquat.</i> | 558 |
| § VII. Quomodo residendi lex intelligenda sit quoad locum. | 560 |
| <i>Propositio I^a. Est regula generalis, teneri parochum habitare intra parochie limites.</i> | 560 |
| <i>Propositio II^a. Est pariter regula generalis debere parochum degere in parochiali domo, si adsit.</i> | 560 |
| <i>Propositio III^a. Iusta interveniente causa, potest parochus alibi, quam in parochiali domo, intra fines parochie degere.</i> | 561 |
| <i>Propositio IV^a. Etiam ut extra parochie limites habitet parochus permitti potest, iusta de causa; in loco tamen ita vicino, ut officium suum recte adimplere queat.</i> | 561 |
| <i>Propositio V^a. Quando parochia distat a civitate duobus passuum millibus aut amplius, non licet parochi in civitate diu nocturne (exceptis diebus festis) commorari, etiam relicto in parochia substituto: item non ei licet nocturno dumtaxat tempore in parochia habitare, et diem missa summo mane ad civitatem redire, sique per majorem anni partem in civitate diuturno tempore degere; et nec vice versa.</i> | 562 |
| <i>Propositio VI^a. Quando parochus absque legitima causa domum parochialem non incoluit, sed aliam intra fines parochie suæ, etsi contra præceptum residentie peccaverit, non tamen tenetur ad fructuum restitutionem: atque idem dicendum si habitaverit extra parochie limites.</i> | 562 |
| § VIII. De penis et modo procedendi contra parochos non residentes. | 565 |
| <i>Quæstio 1^a. Quisnam fuerit ante Tridentinam synodum canonicus procedendi modus contra clericos non residentes?</i> | 564 |
| <i>Quæstio 2^a. Quisnam, post concilium Tridentinum, sit modus canonicus procedendi contra absentes canonicos cathedralium vel collegiatorum ecclesiarum?</i> | 566 |

| | Pag. |
|---|------|
| <i>Quæstio 3^a. Quisnam sit, post concilium Tridentinum, canonicus procedendi modus contra parochos non residentes?</i> | 567 |
| <i>CAPUT III. Officium parochi quoad baptismata.</i> | 572 |
| <i>CAPUT IV. Officium parochi quoad sacramentum penitentiae</i> | 574 |
| <i>CAPUT V. Officium parochi quoad sacramentum Eucharistiæ</i> | 575 |
| <i>CAPUT VI. Obligatio parochi missam offerendi pro populo</i> | 580 |
| <i>Propositio I^a. Tenentur parochi, etiam amovibiles, et sive sæculares sint, sive regulares, vicarii que curati, ad offerendum pro populo sacrificium diebus dominicis et festis de præcepto, non obstante quavis contraria consuetudine, et etiamsi congruis redditibus destituantur</i> | 581 |
| <i>Propositio II^a. Remansit prædicta euratorum obligatio quoad festa, per indultum diei 9 aprilis 1802 in toto Gallicanæ reipublicæ territorio suppressa.</i> | 582 |
| <i>Propositio III^a. Consuetudo contraria præfatæ obligationi offerendi pro populo, etiam in dictis festis suppressis, nunquam legitima censenda est.</i> | 583 |
| <i>Propositio IV^a. Quænam sint festa illa, dicto indulto 9 aprilis 1802 suppressa, determinandum est ex catalogo festorum Urbani VIII, addita Conceptionis festivitate; non autem ex catalogo festorum Clementis XIV</i> | 585 |
| <i>Propositio V^a. Excepto casu legitimi impedimenti, tenetur parochus missam pro populo per seipsum offerre; nec potest alium sacerdotem, qui id præstet, sibi substituere</i> | 587 |
| <i>Propositio VI^a. Contra prædictam parochorum per seipsos offerendi obligationem, nulla valet consuetudo</i> | 590 |
| <i>Propositio VII^a. Missam pro populo celebrare debet parochus in parochiali ecclesia</i> | 590 |
| <i>Propositio VIII^a. Obligationi missam celebrandi pro populo satisfacere potest parochus per missam privatum; non autem tenetur missam solemnem, aut aliqua certa hora fixam celebrare</i> | 591 |
| <i>Propositio IX^a. Si parochus sit simul canonicus, et ad eum spectet missam conventualem celebrare, tenetur aliquem sibi substituere, qui missam applicet pro populo</i> | 592 |
| <i>CAPUT VII. Officium parochi quoad extremam unctionem, et assistantiam moribundis præstandam.</i> | 595 |
| <i>CAPUT VIII. Officium parochi quoad nuptia</i> | 596 |
| <i>CAPUT IX. Officium parochi divini verbi prædicandi, et pueros doctrinam christianam edocendi.</i> | 598 |
| <i>CAPUT X. Obligatio parochi interveniendi collationibus casuum conscientie.</i> | 602 |
| <i>CAPUT XI. Obligatio parochi, quoad restorationem ecclesie et domus parochialis</i> | 603 |
| <i>I. Præmittuntur juris textus</i> | 603 |
| <i>II. Determinatur quomodo et quando restaurandæ ecclesie parochialis onus parochi incumbat</i> | 605 |
| <i>III. Eadem est parochi obligatio quoad domus presbyteralis reparationem</i> | 605 |
| <i>IV. Ad Episcopum spectat decernere, quænam opera in ecclesia vel domo parochiali fieri debeant, et pro quænam summa parochus aliivo contribuere debeant.</i> | 605 |
| <i>V. A decreto Episcopi, de hac re statutis, non datur appellatio ad effectum suspensivum, sed dumtaxat devolutivum</i> | 605 |

| | Pag. |
|---|------|
| <u>CAPUT XII. Obligatio et jus parochorum accedendi ad diocesanam synodum.</u> | 605 |
| <u>CAPUT XIII. De cohabitatione parochi cum mulieribus</u> | 606 |
| § I. Varium variis temporibus fuisse olim hanc de re disciplinam | 607 |
| § II. Determinatur hodiernum jus commune circa cohabitationem clericorum cum mulieribus | 608 |
| <u>Propositio I^a. Quoad ejusmodi cohabitationem desumendum est hodiernum jus commune, tum ex decretali A nobis Innocentii III, tum ex communi doctorum interpretatione</u> | 608 |
| <u>Propositio II^a. Clerico licitum est, regulariter loquendo, habitare cum feminis, sibi in primo vel secundo consanguinitatis gradu conjunctis</u> | 609 |
| <u>Propositio III^a. Item clerico licita censetur cohabitatio cum affinibus in primo gradu, verbi gratia, noverca, nuru, et uxore fratris defuncti: insuper cum affinibus in secundo gradu, quando alter alteri reverentiam debet; verbi gratia, cum uxore patris vel avunculi defuncti</u> | 610 |
| <u>Propositio IV^a. Quando clericus licite habitat cum predictis sibi conjunctis, etiam ipsi licet habitare cum eorumdem ancillis et pedisequis</u> | 610 |
| <u>Propositio V^a. Non prohibentur clerici etiam extraneas feminas in famulas sibi assumere, modo protectionis etatis sint, honeste famae, et extra suspicionem.</u> | 610 |
| <u>Propositio VI^a. Quamvis in sacris canonibus clericis concedatur cohabitatio cum supradictis feminis, id semper intelligendum est cum limitatione, nisi adsit periculum vel scandalum.</u> | 611 |
| <u>Propositio VII^a. Nequit Episcopus prohibere, ne diocesis suae clerici cum ulla omnino femina cohabitent.</u> | 611 |
| <u>Propositio VIII^a. Valeret tamen Episcopi constitutio, qua clericis cohabitationem prohiberet cum quibuscumque feminis, nisi ipse prius eorum qualitates examinasset, et abesse periculum atque scandalum contempnisset</u> | 612 |
| <u>CAPUT XIV. Officium parochi quoad temporalem parochiae administrationem.</u> | 613 |
| § I. Bonorum ecclesiasticorum administratio secularis potestatis jurisdictioni nullatenus subjacet | 613 |
| § II. Quodnam sit, ex jure ecclesiastico, parochi jus et officium, quoad temporalem parochiae suae administrationem | 615 |
| § III. An et quomodo laici viri, qui matricularii (marguilliers) aliove nomine nuncupantur, temporalem parochiae administrationem legitime committi possint | 617 |
| <u>CAPUT XV. Quomodo hodie in Gallia reguletur temporalis parochiarum administratio, et quoniam in ea sint parochi partes</u> | 619 |
| § I. Decretum Napoleonis diei 30 decembris 1809 | 619 |
| § II. Decretum regis Caroli X diei 12 januarii 1825, quoad fabricas | 636 |
| § III. Decretum Napoleonis diei 12 junii 1804, quoad funera | 638 |
| § IV. Decretum Napoleonis diei 18 maii 1806, quoad funera | 641 |
| § V. Decretum Napoleonis statuens ad quosnam pertineant ceres in funeribus adhiberi | 643 |
| <u>APPENDIX. I. De vicariis parochialibus, necnon de cappellanis monialium, xenodochiorum et militum</u> | 645 |
| <u>CAPUT I. De vicariis parochialibus.</u> | 645 |

| | Pag. |
|--|------|
| § I. Vicariorum parochialium variae species. | 645 |
| § II. De vicario parochiali qui, vacante parochia, ad eam regendam deputatur, donec novus in ea rector constitutus fuerit. | 647 |
| § III. De vicario, qui absenti parocho substituitur. | 648 |
| <i>Quaestio 1^a. Quid statuerit Tridecimum synodus quoad substituendum vicarium, in iis casibus in quibus legitime abesse potest parochos?</i> | 648 |
| <i>Quaestio 2^a. A quo sit nominandus?</i> | 648 |
| <i>Quaestio 3^a. An etiam approbatio Episcopi necessaria sit, quando parochus sibi vicarium substituit ad brevissimum tempus?</i> | 648 |
| § IV. De vicariis parochialibus, qui parocho residenti et parochiam administranti auxiliantur. | 649 |
| <i>Quaestio 1^a. Ad quem pertineat eorum nominatio?</i> | 649 |
| <i>Quaestio 2^a. Ad quem pertineat assignare congruam dietis parochorum adiutoribus vicariis solvendam?</i> | 649 |
| <i>Quaestio 3^a. Ad quem pertineat determinare, an et quot vicarios adjutores debeat parochus sibi adungere?</i> | 650 |
| <i>Quaestio 4^a. Quamnam jurisdictionem habeant ejusmodi vicarii, praesertim quoad matrimonia</i> | 651 |
| <i>Quaestio 5^a. An parochus vicarium suum adiutorem amovere possit, etiam siue causa ab Episcopo approbata.</i> | 652 |
| <i>Quaestio 6^a. An possit Episcopus vicarios parochorum adjutores sine causa removere?</i> | 658 |
| § V. Quomodo ex statu praesenti ecclesiarum Gallicae sequi necessario videatur, vicariorum parochis auxiliantium nominationem et remotionem, ad Episcopos, non autem ad parochos, hodie in ea regione pertinere. | 659 |
| CAPUT II. De cappellanis monialium | 660 |
| CAPUT III. De cappellanis militum | 662 |
| CAPUT IV. De cappellanis hospitalium | 665 |
| <i>Quaestio 1^a. Qua de causa inductum sit, ut cappellani hospitalium sint quasi-parochi, id est, ut possint ministrare etiam viaticum et extremam-unctionem, et tumulare?</i> | 665 |
| <i>Quaestio 2^a. Quotuplex modo contingere possit, ut dicta quasi-parochialis jurisdictio hospitalium cappellanis competat?</i> | 667 |
| <i>Quaestio 3^a. In quo stet, seu ad quemnam extendatur dictorum cappellano- rum quasi-parochialis jurisdictio?</i> | 668 |
| APPENDIX II. Formularum ad rem parochialem spectantium collectio. | 671 |
| I. Formula erectionis ecclesiae parochialis | 671 |
| II. Formula erectionis novae parochiae per dismembrationem. | 673 |
| III. Formula erectionis vicariae perpetuae | 675 |
| IV. Formula deputationis economi parochiae vacantis | 676 |
| V. Formula deputationis coadjutoris, dati parocho imperito | 676 |
| VI. Formula indicendi concursus pro ecclesia parochiali vacante | 677 |
| VII. Formula juramenti examinatoris synodalis, tum in synodo, tum extra synodum. | 678 |
| VIII. Formula edicendi concursus, quando parochiae vacantis collatio pertinet ad inferiorem | 678 |
| IX. Formula edicti in vacatione ecclesiae parochialis jurisprotectoratus. | 679 |

| | Pag. |
|--|------|
| X. Formula prorogationis edicti de concursu pro parochiali vacante. . . . | 680 |
| XI. Formula edicti concursus, quando parochia vacat in mense apostolico . | 681 |
| XII. Formula collationis ecclesie parochialis per concursum | 682 |
| XIII. Formula resignationis ecclesie parochialis | 683 |
| XIV. Formula publicationis resignationis. | 684 |
| XV. Formula collationis ecclesie parochialis per resignationem ex causa permutationis | 685 |
| XVI. Formula collationis ecclesie parochialis jurispatronatus | 686 |
| XVII. Formula presentationis curati amovibilis, quando nominatio pertinet ad aliquam universitatem, verbi gratia, ad aliquod capitulum. | 687 |
| XVIII. Formula approbationis curati amovibilis, quando nominatio pertinet ad aliquam universitatem. | 688 |
| XIX. Formula deputationis cappellani monialium | 688 |
| XX. Formula citationis parochi suspendendi, ob præstitam assistentiam ma- trimonio absque præviis denuntiationibus | 689 |

FINIS INDICIS.

VAl 1529872





